

大唐开元礼

萧嵩

文硕阁

wenshuoge.com

目录

关于我们	7
原序	9
考略	10
目录	12
卷一	38
卷二	46
卷三	53
卷四	58
卷五	65
卷六	70
卷七	76
卷八	80
卷九	85
卷十	89
卷十一	94
卷十二	98
卷十三	102
卷十四	106
卷十五	110
卷十六	114
卷十七	118
卷十八	122
卷十九	126
卷二十	130
卷二十一	134
卷二十二	138
卷二十三	143
卷二十四	148
卷二十五	151
卷二十六	154
卷二十七	157
卷二十八	160
卷二十九	162
卷三十	168
卷三十一	172
卷三十二	176

卷三十三	179
卷三十四	184
卷三十五	187
卷三十六	189
卷三十七	191
卷三十八	199
卷三十九	204
卷四十	212
卷四十一	217
卷四十二	224
卷四十三	229
卷四十四	232
卷四十五	235
卷四十六	237
卷四十七	243
卷四十八	246
卷四十九	250
卷五十	253
卷五十一	256
卷五十二	259
卷五十三	261
卷五十四	266
卷五十五	270
卷五十六	273
卷五十七	276
卷五十八	277
卷五十九	280
卷六十	281
卷六十一	284
卷六十二	285
卷六十三	291
卷六十四	299
卷六十五	304
卷六十六	306
卷六十七	308
卷六十八	310
卷六十九	313
卷七十	316

卷七十一		319
卷七十二		322
卷七十三		325
卷七十四		328
卷七十五		330
卷七十六		332
卷七十七		335
卷七十八		337
卷七十九		339
卷八十		342
卷八十一		345
卷八十二		348
卷八十三		351
卷八十四		355
卷八十五		359
卷八十六		362
卷八十七		365
卷八十八		367
卷八十九		369
卷九十		372
卷九十一		374
卷九十二		378
卷九十三		382
卷九十四		389
卷九十五		395
卷九十六		397
卷九十七		398
卷九十八		402
卷九十九		405
卷一百		410
卷一百一		415
卷一百二		420
卷一百三		425
卷一百四		433
卷一百五		436
卷一百六		439
卷一百七		443
卷一百八		446

卷一百九	448
卷一百十	450
卷一百十一	456
卷一百十二	463
卷一百十三	465
卷一百十四	468
卷一百十五	471
卷一百十六	477
卷一百十七	485
卷一百十八	488
卷一百十九	491
卷一百二十	494
卷一百二十一	496
卷一百二十二	499
卷一百二十三	501
卷一百二十四	507
卷一百二十五	513
卷一百二十六	519
卷一百二十七	521
卷一百二十八	523
卷一百二十九	525
卷一百三十	527
卷一百三十一	530
卷一百三十二	535
卷一百三十三	548
卷一百三十四	553
卷一百三十五	557
卷一百三十六	563
卷一百三十七	569
卷一百三十八	574
卷一百三十九	584
卷一百四十	591
卷一百四十一	595
卷一百四十二	599
卷一百四十三	609
卷一百四十四	615
卷一百四十五	619
卷一百四十六	623

卷一百四十七	630
卷一百四十八	636
卷一百四十九	639
卷一百五十	643

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

原序

大唐开元礼原序

三代以下言治者莫盛於唐故其议礼有足稽者始太宗文皇帝以濬哲之姿躬致上治顾视隋礼不足尽用乃诏房玄龄魏徵与礼官学士等增修五礼成书百卷总一百三十篇所谓贞观礼是也高宗纂成之复诏长孙无忌杜正伦李义府以三十卷益之然义府辈务为傅会至杂以今式议者非焉所谓显庆礼是也二书不同盖尝并用春官充位莫之或正开元皇帝绥万邦抚重熙於是学士张说奏言仪注矛盾盖有以折衷之乃诏徐坚李锐施敬本载加撰述继以萧嵩王仲丘等历数年乃就号曰大唐开元礼吉凶军宾嘉至是备矣书必有序序所以为作者之意礼书一代之典也其可阙耶谨为序曰夫为国必以礼礼以时为大商之去夏未久也其损益已可知矣况乎自秦迄汉典籍残缺所可见者二戴之记周官之书其纲则备其纪则畧二戴之记杂出於汉儒或繁密难遵或抵牾莫辨此泯泯棼棼所以母敢轻议也虽然大辂设而椎轮不可以复用宫室备而茅茨不可以复拘若明堂以致严父之孝孝致矣则汶上之图不必尽命於黄帝圆丘以竭事天之诚诚竭矣则泽中之祀不必尽合於成周盖古今之不同质文之递变虽先王未之有者可以义起奈何区区残编断简泥古而窒今使前朝盛典不传於後世耶唐受命奄有方夏吉礼以祀神只宾礼以亲邦国嘉礼以亲万民不得已而施之军礼凶礼者甚衆也朝廷之所用有司之所守非一定之论则内外无所适从非不刊之书则子孙无所取法今自贞观而至显庆閱岁未久二礼之不同固未害损益之义也然既出义府傅会则非所谓一定之论猥杂有司令式则非所谓不刊之书惟开元皇帝励精政治有意太平故能遴择儒臣厘正钜典惟坚等辨博通贯体上之意故能不泥不肆克辑成书因时肇兴朝廷有大疑不必聚诸儒之讼稽是书而可定国家有盛举不必绵野外之仪即是书而可行世世守之母敢失坠不其休哉书凡百五十卷各以类从读者如按图而知四方此不具载姑叙作书之旨云周必大谨序

考略

大唐开元礼考略

开元十年以国子司业韦绛为礼仪使以掌五礼十四年通事舍人王岩上疏请删去礼记旧文而益以今事诏付集贤院议学士张说以为礼记不刊之书去圣久远不可改易而唐贞观显庆礼仪注前後不同宜加折衷以为唐礼乃诏集贤院学士右散骑常侍徐坚左拾遗李锐及太常博士施敬本撰述历年未就而锐卒萧嵩代锐为学士奏起居舍人王仲丘撰定为一百五十卷是为大唐开元礼由是唐之五礼之文始备而後世用之虽时小有损益不能过也【新唐书礼乐志】

开元礼一百五十卷张说请修贞观永徽五礼命贾登张烜施敬本李锐王仲丘陆善经洪孝昌撰辑萧嵩总之【唐书艺文志】

开元礼序例三卷吉礼七十五卷宾礼二卷嘉礼四十卷军礼十卷凶礼二十卷【集贤注记】

开元礼一百五十卷唐集贤院学士萧嵩王仲丘等撰唐初有贞观显庆礼仪注不同而显庆又出於许敬宗希旨附会不足施用开元十四年通事舍人王岩请删礼记旧文而益以今事张说以为礼记不可改易宜折衷贞观显庆以为唐礼乃诏徐坚李锐施敬本撰述萧嵩王仲丘继之书成唐之五礼之文始备於是遂以设科取士新史礼乐志大畧采摭着於篇然唐初已降凶礼於五礼之末至显庆遂削去国恤一篇则敬宗諂谀讳恶鄙陋亡稽卒不正也【书録解题】

开元二十六年六月二十七日渤海求写唐礼许之【唐会要】

贞元二年六月十一日勅举人有习开元礼者同一经例选人不限选数许集通大义百条策三道者超资与官大义通七十策通二者不在放限九年五月二日勅通大义百条策三道者为上大义通八十策通二者为次元和八年四月吏部奏习开元礼者先授太常官以备讲讨论从之【同上】

唐志取士科目有开元礼凡开元礼通大义百条策三道者超资与官义通七十策通二者及第试散官义通者依正员明经有三礼辛秘登开元礼科授博士【玉海】贞元五年始有开元礼一人【同上】

後周广顺三年八月开元礼三史各对义三百道【五代会要】

开宝六年上亲閱进士得二十六人开元礼七人自兹殿试以为常式【太平治绩通类】

是岁新修开宝通礼成诏乡贡开元礼宜改称乡贡通礼本科并以新书试问【文献通考】

目录

钦定四库全书 史部十三

大唐开元礼目錄 政書類二【仪制之属】 卷一

序例上

择日 神位

俎豆

卷二

序例中

大驾卤簿 皇后卤簿

皇太子卤簿 皇太子妃卤簿

亲王卤簿 王公已下卤簿

内命妇卤簿 外命妇卤簿

卷三

序例下

衣服 斋戒

祈祷 杂制

卷四

吉礼

皇帝冬至祀圜丘

卷五

吉礼

冬至祀圜丘有司摄事

卷六

吉礼

皇帝正月上辛祈谷于圜丘

卷七

吉礼

正月祈谷于圜丘有司摄事

卷八

吉礼

皇帝孟夏雩祀于圜丘

卷九

吉礼

孟夏雩祀圜丘有司摄事

卷十

吉礼

皇帝季秋大享于明堂

卷十一

吉礼

季秋大享于明堂有司摄事

卷十二

吉礼

皇帝立春祀青帝于东郊

卷十三

吉礼

立春祀青帝于东郊有司摄事

卷十四

吉礼

皇帝立夏祀赤帝于南郊

卷十五

吉礼

立夏祀赤帝于南郊有司摄事

卷十六

吉礼

皇帝季夏土王日祀黄帝于南郊

卷十七

吉礼

季夏土王日祀黄帝于南郊有司摄事

卷十八

吉礼

皇帝立秋祀白帝于西郊

卷十九

吉礼

立秋祀白帝于西郊有司摄事

卷二十

吉礼

皇帝立冬祀黑帝于北郊

卷二十一

吉礼

立冬祀黑帝于北郊有司摄事

卷二十二

吉礼

皇帝腊日蜡百神于南郊

卷二十三

吉礼

腊日蜡百神于南郊有司摄事

卷二十四

吉礼

皇帝春分朝日于东郊

卷二十五

吉礼

春分朝日于东郊有司摄事

卷二十六

吉礼

皇帝秋分夕月于西郊

卷二十七

吉礼

秋分夕月于西郊有司摄事

卷二十八

吉礼

祀风师 祀雨师

祀灵星 祀司中司命司人司禄

卷二十九

吉礼

皇帝夏至祭方丘

卷三十

吉礼

夏至祭方丘有司摄事

卷三十一

吉礼

皇帝孟冬祭神州于北郊

卷三十二

吉礼

孟冬祭神州于北郊有司摄事

卷三十三

吉礼

皇帝仲春仲秋上戊祭太社

卷三十四

吉礼

仲春仲秋上戊祭太社有司摄事【蜡礼同】

卷三十五

吉礼

祭五岳四镇

卷三十六

吉礼

祭四海四渎

卷三十七

吉礼

皇帝时享于太庙

卷三十八

吉礼

时享于太庙有司摄事

卷三十九

吉礼

皇帝祫享于太庙

卷四十

吉礼

祫享于太庙有司摄事

卷四十一

吉礼

皇帝禘享于太庙

卷四十二

吉礼

禘享于太庙有司摄事

卷四十三

吉礼

肃明皇后庙时享有司摄事

卷四十四

吉礼

孝敬皇帝庙时享有司摄事

卷四十五

吉礼

皇帝拜五陵 皇后拜五陵

太常卿行诸陵

卷四十六

吉礼

皇帝孟春吉亥享先农耕籍

卷四十七

吉礼

孟春吉亥享先农于籍田有司摄事

卷四十八

吉礼

皇后季春吉巳享先蚕

亲桑

卷四十九

吉礼

季春吉巳享先蚕于公桑有司摄事

卷五十

吉礼

有司享先代帝王

卷五十一

吉礼

荐新于太庙 季夏祭中溜于太庙 孟冬祭司寒【纳水开水附】 兴庆宫祭五龙坛

卷五十二

吉礼

皇帝视学

卷五十三

吉礼

皇太子释奠于孔宣父

卷五十四

吉礼

国子释奠于孔宣父

皇子束修 国学生束修

卷五十五

吉礼

仲春仲秋释奠于齐太公

卷五十六

吉礼

皇帝巡狩告于圜丘

卷五十七

吉礼

巡狩告于圜丘有司摄事

卷五十八

吉礼

皇帝巡狩告于太社

卷五十九

吉礼

巡狩告于太社有司摄事

卷六十

吉礼

皇帝巡狩告于太庙

卷六十一

吉礼

巡狩告于太庙有司摄事

卷六十二

吉礼

皇帝巡狩

卷六十三

吉礼

皇帝封祀于太山

卷六十四

吉礼

皇帝禪于社首山

卷六十五

吉礼

时旱祈于太庙 时旱祈于太社

卷六十六

吉礼

时旱祈岳镇于郊【报祀礼同】

卷六十七

吉礼

时旱就祈岳镇海渚

久雨祭国门

卷六十八

吉礼

诸州祭社稷

卷六十九

吉礼

诸州释奠于孔宣父

州学生束修

卷七十

吉礼

诸州祈社稷 诸州祈祷诸神

诸州祭城门

卷七十一

吉礼

诸县祭社稷 诸里祭社稷

卷七十二

吉礼

诸县释奠于孔宣父

县学生束修

卷七十三

吉礼

诸县祈社稷 诸县祈诸神

诸县祭城门

卷七十四

吉礼

诸太子庙时享

卷七十五

吉礼

三品以上时享其庙

卷七十六

吉礼

三品以上祫享其庙

三品以上禘享其庙

卷七十七

吉礼

四品五品时享其庙

卷七十八

吉礼

六品以下时祀 王公以下拜扫【寒食拜扫附】

卷七十九

宾礼

蕃国主来朝以束帛迎劳

遣使戒蕃主见日 蕃主奉见

受蕃国使表及币

卷八十

宾礼

皇帝燕蕃国主 皇帝燕蕃国使

卷八十一

军礼

皇帝亲征类于上帝

卷八十二

军礼

皇帝亲征宜于太社

卷八十三

军礼

皇帝亲征告于太庙

卷八十四

军礼

皇帝亲征禡於所至之地

亲征及巡狩郊祀有司輶于国门

亲征及巡狩登所过山川

平荡贼寇宣露布 遣使劳将军

卷八十五

军礼

皇帝讲武 皇帝田狩

卷八十六

军礼

皇帝射于射宫 皇帝观射于射宫

卷八十七

军礼

制遣大将出征有司宜于太社

卷八十八

军礼

制遣大将出征有司告于太庙

制遣大将出征有司告于齐太公庙

卷八十九

军礼

祀马祖 享先牧

祭马社 祭马步

卷九十

军礼

合朔伐鼓 合朔诸州伐鼓

大雉 诸州县雉

卷九十一

嘉礼

皇帝加元服上

卷九十二

嘉礼

皇帝加元服下

卷九十三

嘉礼

纳后上

卷九十四

嘉礼

纳后下

卷九十五

嘉礼

皇帝元正冬至受皇太子朝贺

皇后元正冬至受皇太子朝贺

卷九十六

嘉礼

皇帝元正冬至受皇太子妃朝贺

皇后元正冬至受皇太子妃朝贺

卷九十七

嘉礼

皇帝元正冬至受羣臣朝贺

皇帝千秋节受羣臣朝贺

卷九十八

嘉礼

皇后元正冬至受羣臣朝贺

皇后元正冬至受外命妇朝贺

卷九十九

嘉礼

皇帝于明堂读孟春令

皇帝于明堂读仲春令

皇帝于明堂读季春令

卷一百

嘉礼

皇帝于明堂读孟夏令

皇帝于明堂读仲夏令

皇帝于明堂读季夏令

卷一百一

嘉礼

皇帝于明堂读孟秋令

皇帝于明堂读仲秋令

皇帝于明堂读季秋令

卷一百二

嘉礼

皇帝于明堂读孟冬令

皇帝于明堂读仲冬令

皇帝于明堂读季冬令

卷一百三

嘉礼

皇帝于明堂及太极殿读五时令

卷一百四

嘉礼

皇帝养老於太学

卷一百五

嘉礼

临轩册命皇后

卷一百六

嘉礼

临轩册命皇太子

卷一百七

嘉礼

内册皇太子

卷一百八

嘉礼

临轩册命诸王大臣

朝堂册命诸大臣 册内命妇二品以上

卷一百九

嘉礼

遣使册授官爵 朔日受朝

朝集使朝见【并辞】

卷一百十

嘉礼

皇太子加元服

卷一百十一

嘉礼

皇太子纳妃

卷一百十二

嘉礼

皇太子元正冬至受羣官贺

卷一百十三

嘉礼

皇太子元正冬至受宫臣朝贺

皇太子与师傅保相见

皇太子受朝集使参辞

卷一百十四

嘉礼

亲王冠

卷一百十五

嘉礼

亲王纳妃

卷一百十六

嘉礼

公主降嫁

卷一百十七

嘉礼

三品以上嫡子冠

卷一百十八

嘉礼

三品以上庶子冠

卷一百十九

嘉礼

四品五品嫡子冠

卷一百二十

嘉礼

四品五品庶子冠

卷一百二十一

嘉礼

六品以下嫡子冠

卷一百二十二

嘉礼

六品以下庶子冠

卷一百二十三

嘉礼

三品以上?

卷一百二十四

嘉礼

四品五品婚

卷一百二十五

嘉礼

六品以下婚

卷一百二十六

嘉礼

朝集使於尚书省礼见【并辞】

任官初上相见【诸州上佐同】

京兆河南牧初上【诸州刺史都督同】

万年长安河南洛阳令初上【诸县令同】

卷一百二十七

嘉礼

乡饮酒

卷一百二十八

嘉礼

正齿位

卷一百二十九

嘉礼

宣赦书 羣臣诣阙上表

羣臣奉参起居 遣使诣蕃宣劳

卷一百三十

嘉礼

皇帝遣使巡抚诸州

皇帝遣使诸州宣制劳会

皇帝遣使诸州宣赦书

诸州上表

卷一百三十一

凶礼

凶年賑抚 劳问疾苦

卷一百三十二

凶礼

五服制度

卷一百三十三

凶礼

讣奏 临丧

除丧

卷一百三十四

凶礼

勅使吊 会丧

册赠 会葬

致奠

卷一百三十五

凶礼

中宫太皇太后皇太后皇后服

卷一百三十六

凶礼

东宫服

卷一百三十七

凶礼

东宫妃服

卷一百三十八

凶礼

三品以上丧之一

卷一百三十九

凶礼

三品以上丧之二

卷一百四十

凶礼

三品以上丧之三

卷一百四十一

凶礼

三品以上丧之四

卷一百四十二

凶礼

四品五品丧之一

卷一百四十三

凶礼

四品五品丧之二

卷一百四十四

凶礼

四品五品丧之三

卷一百四十五

凶礼

四品五品丧之四

卷一百四十六

凶礼

六品以下丧之一

卷一百四十七

凶礼

六品以下丧之二

卷一百四十八

凶礼

六品以下丧之三

卷一百四十九

凶礼

六品以下丧之四

卷一百五十

凶礼

王公以下丧通仪

【臣】等谨案大唐开元礼一百五十卷唐太子太师同中书门下三品兼中书令萧嵩等奉勅撰杜佑通典及新旧唐书礼志称唐初礼司无定制遇有大事辄制一仪临时更定开元中通事舍人王崑上疏请删削礼记旧文益以今事集贤学士张说奏礼记不刊之书难以改易请取贞观显庆礼书折衷异同以为唐礼乃诏右散骑常侍徐坚左拾遗李锐太常博士施敬本撰述历年未就至萧嵩为学士复奏起居舍人王仲邱等撰次成书由是唐之五礼始备即此本也其书卷一至卷三为序例卷四至七十八为吉礼卷七十九八十为宾礼卷八十一至九十为军礼卷九十一至一百三十为嘉礼卷一百三十一至一百五十为凶礼凶礼古居第二而退居第五者用贞观显庆旧制也贞元中诏以其书设科取士习者先授太常官以备讲讨则唐时已列之学官矣新旧唐书礼志皆取材是书而所存仅十之三四杜佑撰通典别载开元礼纂三十五卷比唐志差详而节目亦多未备其讨论古今斟酌损益首末完具粲然勒一代典制者终不及原书之赅洽故周必大序称朝廷有大疑稽是书而可定国家有盛举即是书而可行诚考礼者之圭臬也新唐书艺文志载修开元礼者尚有张烜陆善经洪孝昌诸人名而通典纂类中所载五岳四渎名号及衣服一门间有与此书相抵牾者盖传写异文不能画一既未详其孰是今亦并仍原本录之不复窜改庶几不失阙疑之义焉乾隆四十六年五月恭校上

总纂【官】臣纪昀【臣】陆锡熊【臣】孙士毅

总校官【臣】陆费墀

卷一

钦定四库全书

大唐开元礼卷一 唐 萧嵩等 撰序例上

择日 神位

俎豆

择日

凡国有大祀中祀小祀昊天上帝五方上帝皇地只神州宗庙皆为大祀日月星辰社稷先代帝王岳镇海渚帝社先蚕孔宣父齐太公诸太子庙并为中祀司中司命风师雨师灵星山林川泽五龙祠等并为小祀州县社稷释奠及诸神祀并同为小祀

凡大祀中祀应卜日者及册命大事加元服纳后巡狩亲征封禅太子纳妃出师命将并前七日卜日於太庙南门之外小祀应筮日者及诸王冠婚公主降嫁等并筮日於太庙南门之外若雩祀之典有殊古法传曰龙见而雩自周以来岁星差度今之龙见乃在仲夏之初以祈甘雨遂为晚矣今用四月上旬卜日又先蚕之祀合用季春吉日若其年节气晚即於节气後卜日前一日右校扫除太庙南门之外守宫设太常卿以下次于门外之东阶西向其日平明太卜令卜正占者【其占者以太卜官之明卜者为之】俱就次各服公服【谒者赞引各给公服】守宫布卜席于闾西阙外西向谒者告事具谒者引太常卿升立于门东西向赞引引太卜令卜正占者立于门西东面卜正先抱龟奠于席上西首灼龟之具奠于龟北执龟立于席东北面太卜令进受龟诣太常卿前示高太常卿受视讫太卜令受龟少退受命太常卿曰皇帝来日某祇祀于某神尚飨【若将有册命大事及国有冠婚之礼则曰来日某有某事庶乎从之】太卜令曰诺遂述命还即席西面坐命龟曰假尔太龟有常兴授卜正龟负东扉卜正坐作龟讫太卜令进授龟示太常卿卿受视反之太卜令退复位东面与衆占之讫不释龟进告于太常卿占曰某日从授卜正龟谒者进太常卿之左曰礼毕谒者引太常卿下还次卜者彻龟守宫彻席以退【若卜册命大事太常卿以兆奏闻】若上旬不吉即卜中旬中旬不吉即卜下旬皆如初仪若卜吉日及非大事皆太卜令莅卜正视高命龟作龟

筮日

前一日右校扫除太庙南门之外守宫设太卜令以下次于门外之东阶西向其日平明太卜令卜正占者【其占者以太卜官之明筮者为之】俱就次各服公服【赞引给公服】守宫布筮席于闾西阙外西向赞引引太卜令升立于门东西面卜正占者立于门西东面卜正开籒出策兼执之东面受命于太卜令太卜令曰皇帝来日某祭某神于某所尚飨【若将有冠婚等礼则曰来日某有某事庶乎从之】卜正曰诺遂右还西面以籒击策遂述曰假尔太筮

有常皇帝来日某祭某神尚飨乃释籩坐筮讫兴执卦以示太卜令太卜令受视反之卜正退东面与衆占之讫进告于太卜令占曰某曰从赞引进太卜令之左曰礼毕赞引引太卜令以下还次卜正彻籩策守宫彻席以退若上旬不吉即筮中旬不吉即筮下旬皆如初仪王公以下筮日各附于本卷时享之首

神位

冬至祀昊天上帝于圜丘坛上以高祖神尧皇帝配坐坛第一等祀【东方青帝灵威仰南方赤帝赤熛怒中央黄帝含枢钮西方白帝白招拒北方黑帝叶光纪及大明夜明七座】坛第二等祀【天皇大帝北辰北斗天一太一紫微五帝座并差在行位前余内官诸坐及五星十二辰河汉都四十九座齐列俱在第二等十二陛之间】坛第三等祀【中官市垣帝座七公日星帝席大角摄提太微太子明堂轩辕三台五车诸王月星织女建星天纪等十七座及二十八宿并差在前列中官余一百四十二座齐列皆在第三等十二陛间】又祀外官一百五坐於内壝之内又设衆星之坐三百六十坐于内壝之外【案唐六典曰祀五帝及大明夜月于坛之第一等祀内官五十五坐于坛之第二等祀中官一百五十九坐于坛之第三等祀外官一百五坐衆星三百六十坐于内壝之内与此处星数祀制畧异】右按此神位盖是浑仪制图圣人观象羲和所职推步有徵所谓昊天上帝者盖元气广大则称昊天据远视之苍苍然则称苍天人之所尊莫过于帝托之于天故称上帝故书曰钦若昊天日月星辰以授人时周官曰以禋祀昊天上帝以实柴祀日月星辰即知天以苍昊为名不及星辰之例郑康成云昊天上帝即鉤陈中天皇大帝也谨按天皇大帝亦名曜魄宝自是星中之尊者岂是天乎今于圜丘之上祀昊天上帝又于坛第三等祀天皇大帝则尊卑等列确然殊矣又五方上帝自是五行之神居天地五方者故周以青圭礼东方赤璋礼南方白琥礼西方玄璜礼北方又云兆五帝於四郊又曰大裘而冕以祀昊天上帝祀五帝亦如之此则惟有五帝之名初无上帝之号而郑康成云五帝即太微之五帝又以为上帝都号六天今按郊坛之位五方帝坐在坛之第一等紫微五帝坐在坛之第二等太微五帝坐在坛之第三等则尊卑之列上下不同矣又五帝之坐位此则有二孰为威仰熛怒之位乎或以为太微五帝之坐位耳谨按传曰万物之精上为衆星故天有万一千五百二十星地有万一千五百二十物即星之与物各有所主若五帝之神别有空位则衆星之位岂有别神者哉虽神道有殊而至理可见今并依郊坛图定为定

正月上辛祈谷祀昊天上帝于圜丘以高祖神尧皇帝配坐又祀五方帝于坛之第一等

右按大唐前礼祀感生帝於南郊大唐後礼祀昊天上帝於圜丘以祈谷准左传曰郊祀后稷以祈农事故启蛰而郊郊而後耕诗曰噫嘻春夏祈谷于上帝礼记亦曰上辛祈谷于上帝则祈穀之文传之历代上帝之号元属昊天而郑康成云天之五帝通王四时王者之兴必感其一因其所感别祭尊之故夏正之月祭其所生之帝于南郊以其祖配之故周祭灵威仰以后稷配之因以祈谷据所说祀感帝之意本非祈谷先儒此说事恐难凭今祈之礼请准礼修之且感帝之祀行之自久记曰有其举之莫敢废也请于祈谷之坛遍祭五方帝夫五帝者五行之精五行者九谷之宗也今请二礼并行六神咸祀

孟夏雩祀昊天上帝于圜丘以太宗文武圣皇帝配坐又祀五方上帝于坛之第一等又祀五帝【太昊炎帝轩辕少昊颛顼】於坛之第二等又祀五官【勾芒祝融后土蓐收玄冥】于内坛之外右按大唐前礼雩祀五方帝五帝五官于南郊大唐後礼雩祀昊天上帝于圜丘且雩祀上帝盖为百谷祈甘雨故月令云命有司大雩帝用盛乐以祈谷实郑康成云雩于上帝也夫上帝者天之别号元属昊天祀于圜丘尊天位也且雩祀五帝行之自久记曰有其举之莫敢废也请二礼并行以成大雩帝之义也

季秋大享明堂祀昊天上帝以睿宗大圣真皇帝配坐又以五方帝五帝五官从祀

右按大唐前礼祀五方帝五帝五官于明堂大唐後礼祀昊天上帝于明堂准孝经曰郊祀后稷以配天宗祀文王于明堂以配上帝先儒以为天是感精之帝即太微五帝此即皆是星辰之例谨按上帝之号皆属昊天郑康成所引皆云五帝周礼曰王大旅上帝张璠案设皇邸祀五帝张大次小次由此言之上帝之与五帝自有差等岂可混而为一乎【案原本此下有何独孝经云上帝即为五帝矣又天与上帝原是一神等字今据旧唐书起居舍人王仲丘议中无此语又本辨五帝非上帝而反云上帝即为五帝此似于他处濶入録此书者之过也】孝经云严父莫大于配天其下文即云宗祀文王於明堂以配上帝故明上帝即天矣故郑氏注云上帝者天之别名神无二主故异其处避后稷也孔安国云帝亦天也且祀五方帝于明堂行之自久记曰有其举之莫敢废也请二礼并行以成月令大享帝之义

立春祀青帝於东郊【以太昊配以勾芒氏岁星三辰七宿从祀】

立夏祀赤帝於南郊【以炎帝配以祝融氏荧惑三辰七宿从祀】

季夏祀黄帝於南郊【以轩辕配以后土镇星从祀】

立秋祀白帝於西郊【以少昊配以蓐收太白星三辰七宿从祀】

立冬祀黑帝於北郊【以颛顼配以玄冥辰星三辰七宿从祀】

右乐旧用本音皆以黄钟之均三成准周礼云圜钟之均六变天神皆降可得而礼既云天神皆降明五帝日月星辰皆天神也又准周礼乐三变唯致丘陵之只安能感及天帝今改用六变之乐

春分朝日於东郊

秋分夕月於西郊

右旧用黄钟之均三成新改用天神之乐圜钟之均六成

立春後丑日祀风师於国城东北

立夏後申日祀雨师於国城西南

立秋後辰日祀灵星於国城东南

立冬後亥日祀司中司命司人司禄於国城西北右旧不用乐

夏至日祭皇地只於方丘坛上以高祖神尧皇帝配坐祭神州地只於坛之第一等祭五岳四镇四海四渎五山五川五林五泽五丘五陵五衍五原五隰於内壝之外各依方面

右准旧礼为定

立冬後祭神州地只於北郊以太宗文武圣皇帝配坐右旧乐用姑洗之均三成准周礼云函鍾之均八变则地只皆降可得而礼郑康成云祭地有二一是大地崑仑为皇地只则宗伯黄琮所祭者一是帝王封域之内谓之神州则两圭有邸所祭者大唐後礼则不立神州之祀今依大唐前礼为定既曰地只其乐合依函鍾之均八变

仲春仲秋上戊祭太社以后土氏配祭太稷以后稷氏配

右旧乐用姑洗之均三变且社稷之祀於礼为尊岂同岳渎只用三变合依地只用函鍾之均八变

祭五岳四镇四海四渎

右各用四时迎气日祭之皆本州县官祭

太庙九室每岁五享【谓四时孟月及臈也】又三年一禋以孟冬五年一禘以孟夏【禘禘之月则不时享】

功臣配享【高祖室殷开山刘政会淮安王神通河间王孝恭太宗室房玄龄魏徵屈突通高士廉高宗室李积马周张行成中宗室桓彦范敬晖崔元暉袁恕己张柬之睿宗室苏瓌刘幽求每禘禘即祀之】时享祭七祀【春祀司命及户夏祀竈季夏祀中溜若别祭季秋祀门及厉冬祀行若臈享及禘禘则徧祀之案原本自太庙九室以下七行文多颠倒条例不明今照唐六典及通典改正又功臣淮安王神通河间王孝恭原本附在太宗室配享内今以淮安王本传同开山政会并配享高祖庙庭之说亦为论改】肃明皇后庙孝敬皇帝庙

右二庙新修享仪皆准太庙例

孟春吉亥享先农【后稷配】

季春吉巳享先蚕

右准旧礼为定

仲春之月享先代帝王帝啻氏帝尧氏【稷契配】帝舜氏【皐陶配】夏禹【伯益配】殷汤【伊尹配】周文王【太公配】周武王【周公召公配】汉高祖【萧何配】

右新加帝啻氏余准旧礼为定

仲春仲秋上丁释奠于太学

孔宣父为先圣顔子为先师【冉伯牛仲弓宰我子贡冉有子路子游子夏闵子騫曾参高柴
宓不齐公西赤林放樊须有若孔忠琴牢梁鱣叔仲会冉孺曾点陈元漆雕开商瞿司马耕子
张巫马施秦非商泽郑子徒公西蒧公冶长澹台灭明原宪蘧伯玉公伯寮原亢燕汲秦祖冉
季公肩定左人郢公西舆如公孙龙任不齐顔祖南宫绛 单秦商廉梁步叔乘邾巽施常顔
之仆狄黑漆雕哆县成顔路顔恽公良孺公祖勾兹伯?荣旗顔高申枨顔辛党公皙哀后处勾
井疆曹恤罕父黑奚容蒧公夏首石作蜀壤驷赤漆雕徒父乐歆等及左丘明公羊高谷梁赤
伏胜高堂生戴圣毛萇孔安国刘向郑衆杜子春马融卢植郑玄服?贾逵何休王肃王弼杜预
范甯等从祀】

右新加七十二弟子之名余准旧定

仲春仲秋上戊释奠于齐太公【以留侯张良配】

右准勅新撰享礼

孟冬祭司寒

右准旧礼为定

仲春祭五龙坛

右准勅新撰享礼乐用姑洗之均三成

隐太子庙章怀太子庙懿德太子庙

节愍太子庙惠庄太子庙惠文太子庙

右并新撰享礼每年四享

仲春祀马祖

仲夏祀先牧

仲秋祭马社

仲冬祭马步

右并祭於大泽用刚日

腊日蜡百神於南郊大明夜明坛上神农后稷伊祁五官五田畯五星二十八宿十二辰五岳五川五山五林五泽五丘五陵五坟五衍五原五隰五井泉四镇四海四渎青龙朱雀麒麟驺虞玄武五水墉五坊五於菟五鳞五羽五介五毛五邮表畷五羸五猫五昆虫

右准旧礼为定

凡有祭祀皆准前礼例若封禅之礼则依圜丘方泽神位为定若巡狩望祭亲征禡类祈祷昭告并各依本位为定

俎豆

冬至祀圜丘六百八十九坐

昊天上帝及配帝每坐筵十二豆十二簋一簠一?一俎一五方上帝大明夜明每坐筵八豆八簋一簠一?一俎一五星十二辰河汉及内官凡五十五坐中官一百五十九坐每坐各筵二豆二簋一簠一俎一外官衆星四百六十五坐每坐筵一豆一簋一簠一俎一正月上辛祈谷圜丘七坐

昊天配帝五方帝各依冬至

孟夏雩祀圜丘十七坐

昊天配帝五方帝各依冬至五人帝各筵四豆四簋一簠一俎一五官各筵二豆二簋一簠一俎一

季秋大享明堂准雩祀

立春祀青帝及太昊氏每坐各筵十二豆十二簋一簠一?一俎一岁星三辰勾芒七宿坐别筵二豆二簋一簠一俎一其赤帝白帝黑帝皆准此黄帝减三辰七宿蜡祭百神一百八十七坐大明夜明每坐筵十豆十簋一簠一?一俎一神农伊祁每坐筵豆各四簋簠?俎各一五星十二辰后稷五方田峻岳镇海渚二十八宿五方山林川泽每坐筵豆各二簋簠俎各一丘陵坟衍原隰龙麟朱鸟白兽玄武鳞羽毛介於菟等八十五坐别筵豆各一簋簠俎各一又井泉五坐坐别筵豆各二簋簠俎各一

春分朝日秋分夕月各筵十豆十簋一簠一?一俎一四时祭风师雨师灵星司中司命司人司禄每坐各筵八豆八簋一簠一俎一

夏至祭方丘七十坐皇地只及配帝每坐各筵十二豆十二簋一簠一?一俎一神州筵四豆四簋一簠一?一俎一其五岳四渚四镇四海及五方山林川泽坐别筵二豆二簋一簠一俎一五方丘林坟衍原隰每坐筵豆一簋一簠一俎一

孟冬祭神州及配帝二坐各筵十二豆十二簋一簠一?一俎一

春秋祭太社太稷及配坐总四坐坐别筵十豆十簋二簋二鉶三俎三

四时祭马祖马社先牧马步各筵八豆八簋一簠一俎一

时享太庙每室筵十二豆十二簋二簋二?三俎三鉶三七祀坐各筵二豆二簋一簠一俎一禘祫享功臣享准七祀

孟春祭帝社及配坐各筵十豆十簋 簋二?三鉶三俎三

季春祭先蚕筵十豆十簋二簋二?三鉶三俎三孟冬祭司寒筵八豆八簋一簠一俎一

春秋释奠於孔宣父九十五坐先圣先师各筵十豆十簋二簋二?三鉶三俎三若从祀诸坐各筵二豆二簋一簠一俎一

春秋释奠於齐太公留侯各筵十豆十簋二簋二登三鉶三俎三

仲春祭五龙祠五坐各筵八豆八簋一簠一俎一四时祭五岳四镇四海四渚各筵十豆十簋二簋二俎三

三年祭先代帝王及配坐各筵十豆十簋二簋二俎三四时享诸太子庙各筵十豆十簋二簋二俎三

州县祭社稷先圣释奠于先师每坐各筵八豆八簋二簋二俎三凡祀昊天上帝皆用苍犊一

配帝亦苍犊一五方上帝五人帝各方色犊一大明青犊一夜明白犊一皇地只黄犊一配帝亦黄犊一神州黝犊一配帝亦黝犊一宗庙社稷帝社先蚕先代帝王五岳四镇四海四渎孔宣父齐太公诸太子庙并用太牢若冬至祀圜丘加羊九豕九夏至祭方丘加羊五豕五蜡祭神农伊祁祀星辰已下方别各用少牢其方不熟则阙之若行幸祭大山川皆用太牢祭中山川及州县社稷释奠亦用少牢其风师雨师灵星司中司命司人司禄及行幸祭小山川及马祖马社先牧马步各用羊一軹祭用羝羊一凡肉皆实俎其牲皆升右胖体十一前节三肩臂臠後节二肫脰正脊一脰脊一横脊一长脇一短脇一皆二骨并以脊从前为正胁傍中为正凡供别祭用太牢者皆犊一羊一猪一酒二斗脯一段醢四合若共少牢去犊减酒一斗若郊庙尊罍五齐三酒并备本仪中凡祭器用笾豆各十二者笾实以石盐乾鱼乾枣栗黄榛子人菱人芡人鹿脯白饼黑饼糗餌粉粢其豆实以韭菹醢菁菹鹿醢芹菹兔醢笋菹鱼醢脾析菹豚胎食糝食用笾豆各十者笾减糗餌粉粢豆减食糝食用笾豆各八者笾又减白饼黑饼豆又减脾析菹豚胎用笾豆各四者笾实以石盐乾枣栗黄鹿脯其豆实以芹菹兔醢菁菹鱼醢用笾豆各二者笾实以栗黄牛脯豆实以葵菹鹿醢用笾豆各一者笾实以牛脯豆实以鹿醢其应用牛脯者亦通用羊脯用簋簠各一者簋实以稷饭簠实以黍饭用簋簠各二者簋实以黍稷饭簠实以稻粱饭?实以太羹鉶实以肉羹凡祀神之物有当时所无者则以时物代之

大唐开元礼卷一

卷二

钦定四库全书

大唐开元礼卷二 唐 萧嵩等 撰序例中

大驾卤簿 皇太后皇后卤簿

皇太子卤簿 皇太子妃卤簿

亲王卤簿 王公已下卤簿

内命妇卤簿 外命妇卤簿

大驾卤簿

导驾先万年县令次京兆牧次太常卿次司徒次御史大夫次兵部尚书【自县令已下并正道威仪各乘轺其卤簿各依本品给之】次清游队白泽旗二分左右各一人执二人引二人夹金吾折冲二人各领四十骑戎服分左右次金吾大将军二人分左右各二人执?稍骑从自龙旗以前检校次金吾果毅二人领虞候吹飞四十八骑夹道单行分左右引到黄麾仗次外铁甲吹飞二十四骑并行分左右厢各六重引到步甲队次朱雀旗一骑执二骑引二骑夹金吾折冲都尉一人领四十人执横刀稍弩弓箭骑从次龙旗十二各一骑执并戎服被袍横行正道每一旗前二人骑为二重引前每旗後亦二人护後副竿二分左右又金吾果毅二人骑领次指南车次记里鼓车次白鹭车次鸾旗车十二旗次辟恶车次皮轩车并驾四马驾士各十四人匠一人次引驾十二重重二人并行正道骑带横刀自皮轩车後均布至细仗前一重稍一重弓箭相间金吾果毅一人检校次鼓吹令二人次柷鼓十二面金钲十二面次大鼓一百二十面次长鸣一百二十具次铙鼓十二面歌箫笳各二十四次大横吹一百二十具节鼓二面笛箫篳篥笳桃皮篳篥各二十四次柷鼓十二面金钲十二面次小鼓一百二十面次中鸣一百二十具次羽葆鼓十二面歌箫笳各二十四【自前柷鼓以下二人皆自副并骑分左右横行每鼓皆二人夹每队皆有主帅五人已下统领】次殿中侍御史二人次黄麾一人执二人骑夹次太史令一人次相风輦輦士八人次柷鼓金钲各一司辰一人典事一人刻漏生四人分左右次前漏輦正道匠一人輦士四十人次鉞戟前队左右武卫果毅各一人骑分左右次五色绣幡一次金节十二次?輦各一左?右輦次朱雀幢一次左青龙右白虎幢各一次导盖一又次称长一次鉞戟各一百四十四人分左右次左右卫将军各一人次御马二十四匹分左右次尚乘奉御二人分左右次左青龙右白虎旗各一左右卫果毅各一人各领二十五人骑分左右次通事舍人八人分左右次侍御史二人次御史中丞二人次御史二人次拾遗二人次补阙二人并骑分左右次起居郎一人在左起居舍人一人在右次谏议大夫二人一在左一在右给事中二人在左中书舍人二人在右次黄门侍郎二人在左次中书侍郎二人在右次左散骑常侍二人在左次右散骑常侍二人在右次侍中二人在左次中书令二

人在右【自通事舍人以下皆一人步从】次香蹬一次左右卫将军各一人分左右次班剑仪刀左右厢各十二行次左右卫郎将各一人领散手翊卫三十人横刀骑在副仗稍翊卫内次左右骁卫郎将各一人各领稍翊卫二十八人甲骑具装执副仗稍在散手外均布曲折至後门次左右卫供奉中郎将四人领亲勲翊四十八人带横刀骑分左右在三卫仗内次玉辂【青质玉饰驾青骊大祭祀纳后则乘之】太仆卿驭驾士四十一人千牛将军一人陪乘次左右卫大将军各一人夹玉辂次千牛将军一人中郎将一人分左右次千牛备身分左右骑在玉辂後次御马二匹次左右监门校尉各一人在後门内检校次牙门二人执四人夹次左右监门校尉各十二人骑监当後门十二行仗头各一人次左右骁尉翊尉各三队队三十五人并带稍弩弓箭横刀相间前第一队各大将军一人领执凤旗第二队各将军一人领执飞黄旗第三队各郎将一人领执吉利旗次左右卫夹轂厢各六队队三十人每队各折冲一人果毅一人检校次大纛二在牙门後次孔雀扇各四分左右次腰輿一次小团扇四方扇十二花盖二次大辇一尚辇奉御二人殿中少监一人骑从诸司供奉官二人分左右御马二十四匹分左右尚乘直长二人分左右次大纛二孔雀扇八夹纛次小扇十二次朱画团扇十二次花盖二次俾倪十二次元武幢一次绛麾二次细稍十二後黄麾一次殿中侍御史二人骑分左右次大角一百二十具金吾果毅一人领横行十重次後部鼓吹羽葆鼓十二面工人十二歌箫笳各工人二十四次铙鼓十二面工人各十二歌箫笳各工人二十四次小横吹一百二十具工人一百二十笛箫篳篥笳桃皮篳篥各工人二十四次方辇一主辇二百人次小辇一主辇六十人次小辇一奉辇十二人次尚辇直长二人分左右武卫五牛旗辇五黄牛旗处内赤青在左白黑在右各八人执左右威卫队正各一人检校次乘黄令一人丞二人骑分左右检校玉辂等次金辂【赤质金饰驾赤骊六乡射还饮至则乘之】次象辂【黄质以象饰驾黄骊六行道则供之】次革辂【白质鞅之以革驾白骆六巡狩临兵事则乘之】各驾士三十二人次五副辂各驾士二十八人次耕根车【青质盖三重驾六马耕藉则乘之】驾士三十二人次安车【金饰驾四马临幸则乘之】次四望车【金饰驾四马拜陵临吊则乘之】驾士各二十四人次羊车【驾果下马一】小吏十四人次属车十二驾士各八人次门下中书省秘书省殿中省等局官各一人并骑分左右次黄钺车驾二马驾士十二人次豹尾车驾二马驾士十二人次左右威卫折冲都尉各一人领掩後二百人各执大戟刀楯弓箭及弩各五十人为一行并横行次左右领军将军各一人各二人执?稍步从次前後左右厢步甲队四十八队前後各二十四队并鍪铠弓刀楯五色相间队引各三十人次左右厢黄麾仗厢各十二部部十二行并执弓刀戟楯及孔雀氍毹毛氍毹鸡毛氍毹等行引十人左右领军黄麾仗首尾厢各五色綉幡二十口【十口引前十口引後】厢各独揭鼓十二重重二人在黄麾仗外次左右卫将军各一人骁卫武卫威卫领军卫各大将军一人检校黄麾仗次受仗左右厢各一千人厢别二百五十人执受二百五十人执义每受一义一相间次诸卫马队左右厢各二十四队从十二旗队别主帅已下四十人每队皆折冲果毅一人检校前第一队辟邪旗第二队应龙旗第三队玉马旗第四队三角兽旗第五队黄龙负图旗第六队黄鹿旗第七队飞麟旗第八队馱馱旗第九队鸾旗第十队凤旗第十一队飞黄旗第十二队麒麟旗第十三队角端旗第十四队赤熊旗次後第十五队兕旗第十六队太平旗第十七队犀牛旗第十八队鷩?旗第十九队鷩?旗第二十队鹔?牙旗第二十一队仓乌旗第二十二队白狼旗第二十三队龙马旗第二十四队金牛旗次玄武队玄武旗一人执二人引二人夹金吾折冲一人领五十骑分执稍弩次玄武队前大戟队後当正道执受仗行内置牙门一二人执四人夹骑分左右厢各

开五门门二人执四人夹并骑分左右第一门在左右威卫黑质步甲队後白质步甲队前第二门在左右卫步甲队後左右领军黄麾仗前第三门在左右麾仗後左右骁卫黄麾仗前第四门在左右领军卫黄麾仗後左右卫步甲队前第五门在左右武卫白质步甲队後黑质步甲队前右自清游队以下诸卫将军并平巾幘紫襴裆大口袴锦腾蛇金隐起带弓箭横刀中郎将折冲果毅皆平巾幘绯襴裆大口袴锦腾蛇银梁金隐起横刀弓箭砍飞执旗人引驾三卫并武弁绯襴裆大口袴供奉官并武弁朱衣各一人步从余文武及导驾官并朱衣冠履依本品服其工人驾士并绛衣并平幘余并戎服准式若法驾减太常卿司徒兵部尚书白鹭车辟恶车大辇五副路安车四望车属车减四其清游队持鋹队玄武队皆四分减一诸队仗鼓吹三分减一余同大驾县令已後御史大夫已前威仪亦四分减一小驾又减法驾御史大夫指南车记里车鸾旗车皮轩车象辂革辂木辂耕根车黄钺车豹尾车属车小辇小輦诸队仗及鼓吹各减大驾半余同法驾县令州牧威仪减半其新制莒文旗刃旗肆神幢长寿幢及左右千牛将军衣瑞牛文左右卫瑞马文左右骁卫大虫文左右武卫瑞鹰文左右威卫豹文左右领军白泽文左右金吾辟邪文左右监门师子文并綉为袍文将军中郎将皆同并冬至大会通服之

皇太后皇后卤簿

清游队旗一一人执二人引二人夹领三十人并带横刀分执稍弩弓箭次虞候砍飞二十八人夹道单行次内仆令一人在左内仆丞一人在右次黄麾一人执次左右厢黄麾仗厢各三行行列一百人次左右领军卫各领五色绣幡六口次内谒者监四人给事二人内常侍二人内侍二人并骑分左右次内给使一百二十人分左右单行後进宫人车次偏扇团扇方扇各二十四分左右宫人执次香蹬一内给使四人舁次重翟车【青质金饰驾四马受册从享庙则乘之】驾士二十四人次行障六具分左右宫人执次坐障三具分左右宫人执次内寺伯二人领寺人六人骑分左右夹重翟车次腰輦一执人八次团扇二次大繖四次孔雀扇八分左右次锦花盖二次小扇朱画团扇各十二并横行次锦曲盖二十次锦六柱八扇分左右【自腰輦已下并内给使执】次宫人车次後黄麾一次供奉官人在麾後次厌翟车【赤质金饰驾赤骝四亲蚕采桑乘之】次翟车【黄质金饰驾黄骝四归宁于家则乘之】次安车【赤质金饰驾赤骝四临幸及吊则乘之】驾士各二十四人次四望车【朱质驾牛拜陵临吊则乘之】次金根车【朱质驾牛常行则乘之】驾士各十二人次左右厢各牙门二门二人执四人夹次左右领军卫厢各一百五十人执受画卤簿曲折陪後门左右各折冲一人领次卤簿後所开牙门并在受仗行内前後部鼓吹金钲柷鼓大鼓小鼓长鸣中鸣铙吹羽葆鼓吹横吹节鼓御马并减大驾之半

皇太子卤簿

家令次率更令【并乘轺车】次太保次太傅次太师【自家令以下并正道威仪卤簿各依本品三师各乘轺】次清游队旗一人执二人引二人夹领三十骑次左右清道率府各一人次外清道直簿荡二十四人骑分左右夹道单行次龙旗六各一人骑执每一旗前二人骑为二重引前每旗後亦二重骑护後次细引六重重二人并行正道次率更丞一人柷鼓金钲

各二面左鼓右钲次大鼓三十六面骑横行正道次铙吹一部铙鼓二面各一骑执二人骑夹箫笳各六骑并横行次柷鼓金钲各二面一骑执左鼓右钲次小鼓三十六面次中鸣三十六具并骑横行正道次?马十匹分左右二人执次廋牧令一人在左丞一人在右次左右翊府郎将各一人骑领班剑次左右卫翊卫二十四人骑执班剑次通事舍人四人骑分左右次司直二人骑分左右次文学四人骑分左右次洗马二人骑分左右次司仪郎二人骑在左次太子舍人二人骑在右次中允二人骑在左次中舍人二人骑在右次左右谕德二人骑分左右次左右庶子四人骑分左右次左右副率各一人亲勲翊卫厢各中郎将一人并领仪刀六行第一行亲卫二十三人第二行亲卫二十五人第三行勲卫二十七人第四行勲卫二十九人第五行翊卫三十一人第六行翊卫三十三人皆曲折陪後行次三卫一十八人骑分左右郎将二人骑分左右在六行仪刀仗内夹辂次金辂【赤质金饰驾四马从祀享庙正冬大朝纳妃则供之】仆一人驭左右率一人执仪刀陪乘驾士二十二人次左右卫率各一人夹辂次左右率各一人副率各一人骑领细刀弓箭次千牛骑执细刀弓箭次左右监门率府直长各六人监後门次左右卫率府厢各翊卫二队并骑在执仪刀行外前後过三卫仗厌角队各三十六骑分执旗弓箭稍弩各郎将一人领次繖二扇四次腰輦一团扇二小方扇八次内直长二人检校腰輦次?马十匹分左右次典乘二人分左右次朱漆团扇六紫曲盖六次诸司供奉官人次大角三十六具横行六重次铙吹一部鼓二面箫笳各六并骑横行次横吹一部横吹十具节鼓一面笛箫篳篥各五并骑横行次令宫师二人次副辂驾四马驾士二十二人次轺车【金饰驾一马五日常朝及朝飧宫臣出入行道则乘之】驾士十四人次四望车【金饰驾一马临吊则乘之】驾士十人次左右厢步队十六队队别三十人果毅一人皆执弓箭刀稍弩相间次左右司御率副各一人检校步队次仪仗左右厢各六色色九行行六人皆执戟弓楯仪鍠五色幢油戟相间厢各独揭鼓六重重二人皆仪仗外次左右厢各一百五十人执殳并分前後在步队仪仗外马队内前接六旗後画鹵簿厢各果毅一人主帅七人骑领分前後次左右厢马队厢各十人队引主帅已下三十一人并戎服带横刀弓箭弩稍队引旗一果毅一人领之次後拒队旗一领四十骑果毅一人领前当正道殳仗内开牙门次左右厢各开牙门三前第一门左右司御率府步队後左右率府步队前开第二门左右卫率府步队後左右司御率府仪仗前开第三门左右司御率府仪仗後左右率府步队前每门皆二人执四人夹左右监门副率各一人直长二人骑来去检校次左右清道率府副率各二人仗内检校并纠察非违【率及副率应得?稍从者并不得将入仪仗内】次少师次少傅次少保【队仗引尽即次三少正道乘辂威仪各依本品】文武官以次陪从若常行及常朝去诸马队鼓吹金辂四望车家令率更詹事太保太师少傅少师其队仗三分减一清道仪刀?马各减半乘轺车余同大仗其二傅皆乘犊车依式导从所将从不得过十人太傅加清道二人导引其鹵簿内导从官三师三少若有事故及无其人即阙之总不须摄余官有故及无人即别遣人摄行若皇太子在学太傅少傅导从如式

皇太子妃鹵簿

清道率府校尉六人骑分左右为三重引带弓箭横刀次青衣十人分左右次导客舍人四人分左右引道次内给使六十人朱衣分左右後尽内人车次偏扇团扇扇各十八各分左右宫人执并间彩衣次行障四具分左右夹车宫人执次坐障二具夹车宫人执次典内二人骑

分左右次厌翟车驾三马驾士十四人次合师二人领内给使十八人分左右次六柱二扇内给使执次供奉内人乘犊车次繖一正道行大扇二团扇四曲盖二并分左右内给使执次戟九十分左右在内给使单行前与青衣齐後尽内人车

亲王卤簿

清道六人为三重次幟弩一次青衣十二人分左右次车辐十二人分左右次戟九十分左右次绦引幡六次内左右厢各三行行四十人各执刀楯弓箭及稍并戎服次櫜鼓金钲各一面一骑执二人骑夹次大鼓十八面骑横行正道长鸣十八具骑横行正道次櫜鼓金钲各一面各一骑执二人骑夹次小鼓十面中鸣十具分左右单行中鸣在小鼓外节一夹稍二次唱上幡四次传教幡四次信幡八次仪铎二次仪鎗六次油戟十八次仪稍十次细稍十次仪刀十八次?马八次府佐六人骑分左右次象辂一驾四马驾士十八人次繖一扇一次朱漆团扇四曲盖二次麾幢各一次大角八骑二重横行正道次铙吹一部铙鼓一面箫笳各四骑横行横吹一部横吹六骑节鼓一骑二人骑夹笛箫篳篥笳各四骑横行正道

第一品

清道四人为二重幟弩一骑青衣十人车辐十人戟九十绦引幡六刀楯八十弓箭八十稍八十櫜鼓金钲各一大鼓十六长鸣十六节一夹稍二唱上幡二传教幡二信幡六?马六仪刀十六府佐四人夹行革辂一驾四马驾士十六人繖一朱漆团扇四曲盖二僚佐本服陪从麾幡各一大角八铙吹一部铙箫笳各四横吹一部横吹六节鼓一笛箫篳篥笳各四

第二品

清道二人幟弩一骑青衣八人车辐八人戟七十刀楯六十弓箭六十稍六十櫜鼓金钲各一大鼓十四节一夹稍二唱上幡二传教幡二信幡四?马四仪刀十四革辂一驾士十四人繖一朱漆团扇二曲盖一僚佐本服陪从麾幡各一大角六铙吹一部铙一箫笳各二横吹一部横吹四笛箫篳篥笳各一

第三品

清道二人幟弩一骑青衣六人车辐六人戟六十刀楯五十弓箭五十稍五十櫜鼓金钲各一大鼓十节一夹稍二唱上幡二传教幡二信幡四?马四仪刀十革辂一驾士十二人繖一朱漆团扇二曲盖一僚佐本服陪从麾幡各一大角四铙吹一部铙一箫笳各二横吹一部横吹二笛箫篳篥笳各一

第四品

清道二人幟弩一骑青衣四人车辐四人戟五十刀楯四十弓箭四十稍四十櫜鼓金钲各

一大鼓八节一夹稍二唱上幡二传教幡二信幡二?马二仪刀八木辂一驾士十人繖一朱漆团扇二曲盖一僚佐本服陪从麾幡各一大角二铙吹一部铙一箫笛各一

右应给卤簿者职事四品以上散官二品以上爵郡王已上及二王後依品给国公准三品给官爵两应给者从高给若京官职事五品身婚葬并尚公主娶县主及职事官三品已上有公爵者嫡子婚并准四品给凡自王公已下在京拜官初上正冬朝会及婚葬则给之【婚及拜官初上正冬朝会去稍弓箭刀楯大小鼓横吹大角长鸣中鸣】凡应导驾及都督刺史奉辞至任上日皆依本品给【奉辞去稍弓箭刀楯金钲桐鼓大小鼓横吹大角长鸣中鸣】

内命妇四妃

清道二人青衣六人偏扇团扇方扇各十六行障三具坐障二具并妇人执厌翟车驾二马驭人十内给使十六人从车六乘繖大扇各一团扇二内给使执戟六十

九嫔

清道二人青衣四人偏扇方扇团扇各十四行障二具坐障一具翟车驾二马驭人八内给使十四人从车四乘繖一团扇二戟四十

婕妤美人才人【太子良娣已下准此】

清道二人青衣二人偏扇团扇方扇各十行障二具坐障一具安车驾二马驭人八内给使十人从车二乘繖一团扇二戟二十

外命妇一品

清道二人青衣六人偏扇团扇方扇各十六行障三具坐障二具厌翟车驾二马驭人八【非公主王妃即乘白铜饰犊车驾牛驭人四】从人十六夹车从车六乘繖一大扇一团扇二戟六十

二品

清道二人青衣四人偏扇团扇方扇各十四行障二具坐障一具白铜饰犊车一驾牛驭人六从人十四夹车从车四乘繖一团扇二戟四十

三品

清道二人青衣二人偏扇团扇方扇各十行障二具坐障一具白铜饰犊车一驾牛驭人四从人十夹车从车四乘繖一团扇二戟二十

四品

清道二人青衣二人偏扇团扇方扇各八行障一具坐障一具白铜饰犍车一驾牛馭人四从人八夹车从车二乘繖一团扇二

大唐开元礼卷二

卷三

钦定四库全书

大唐开元礼卷三 唐 萧嵩等 撰序例下

衣服 斋戒

祈祷 杂制

衣服

凡大裘【以黑羔皮为之】冕无旒金饰玉簪导以组为纓色如其纓白纱中单革带玉鈎?大带鹿卢玉具劔火珠鏢首白玉双佩玄组双大纓六采朱鞮赤舄祀天地神只则服之衮冕垂白珠十二旒黼纁充耳玉簪导元衣纁裳十二章白纱中单革带大带剑玉佩纓鞮与上同舄加金饰享庙谒庙及朝遣上将征还饮至践阼加元服纳后若元日受朝及临轩册拜王公则服之鷩冕服七章余同衮冕有事远至则服之毳冕服五章余同鷩冕祭海岳则服之絺冕服三章余同毳冕祭社稷先农则服之玄冕服三章余同絺冕蜡祭百神朝日夕月则服之通天冕加金博山附蝉十二首施珠翠黑介帻组纓翠綬玉犀簪导绦纱袍白纱中单白裙襦绦纱蔽膝白假带方心曲领其革带剑佩纓与上同白鞮黑舄诸祭还及冬至受朝元旦朝会则服之武弁金附蝉平巾帻余同前服讲武出征四时蒐狩大射禘类宜社赏祖罚社纂严则服之弁服十有二 玉簪导绦纱衣素裳革带白玉双佩鞮龙小纓白鞮乌皮履朔日受朝则服之黑介帻白纱单衣白裙襦革带素鞮乌皮履拜陵则服之白纱?白裙襦白鞮乌皮履视朝听讼及宴见宾客则服之平巾帻金宝饰导簪冠支皆以玉紫褶白袴玉具装真珠宝钿带靴乘马则服之翼善冠其常服及白练裙襦通着之若服袴褶则与平巾帻通着之皇后服首饰花十二树【小花如大花之数并两博鬓】褱衣素纱中单蔽膝大带青衣革带青袜舄白玉双佩元组双大纓受册助祭朝会诸大事则服之鞠衣黄罗为表其蔽膝大带及衣革带舄并随衣色余与褱衣同唯无翟亲蚕则服之钿钹礼衣十二钿服通用杂色制与上同加以双佩小纓【去舄加履】宴见宾客则服之

皇太子衮冕垂珠【通典亦作垂白珠】九旒青纁充耳犀簪导元衣纁裳九章白纱中单革带金鈎?大带玉具剑瑜玉双佩朱组双大纓朱鞮赤舄侍从祭祀及谒庙加元服纳妃则服之具服远游三梁冠加金附蝉九首施珠翠黑介帻发纓翠綬犀簪导绦纱袍白纱中单白裙襦白假带方心曲领绦纱蔽膝其革带剑佩与上同白鞮黑舄未冠则双童髻空顶黑介帻双玉导加宝饰谒庙还宫元日冬至朔日入朝释奠则服之【其朔日入朝通服袴褶五日常朝亦准此】公服远游冠【簪导以上并同前】绦纱单衣白裙襦革带金鈎?假带瑜玉双佩方心纷鞮囊白鞮乌皮履五日常朝元日冬至受朝则服之乌纱?白裙襦白鞮乌皮履视事及宴见宾客则服之弁服犀簪导组纓玉 九绦纱衣素裳革带鞮囊小纓双佩白鞮乌皮履朔日及视事则兼服之平巾帻金饰犀簪导紫褶白袴玉梁珠钿带靴乘马则服之进德冠九 加

金饰其常服及白练裙襦通着之若服袴褶则与平巾帻通着之

皇太子妃首饰花九树【小花如大花之数并两博鬓】翟素纱中单蔽膝大带青衣革带青鞵舄瑜玉双佩纯朱双大绶受册助祭朝会诸大事则服之鞠衣黄罗为表其蔽膝大带革带并随衣色余与衣同唯无翟从蚕则服之钿钗礼衣九钿服通用杂色制与上同加双佩小绶【去舄加履】宴见宾客则服之

羣官服袞冕垂青珠九旒以组为纓青纁充耳角簪导青衣纁裳服九章白纱中单革带钩大带金玉饰剑山玄玉佩绿綬朱鞵赤舄第一品服之【亲王朱绶】鹖冕八旒服七章水苍玉佩紫绶金饰剑余同袞冕第二品服之毳冕七旒服五章水苍玉佩紫绶金饰剑余同袞冕第三品服之絺冕六旒服三章水苍玉佩青绶金饰剑余同袞冕第四品服之元冕五旒衣无章裳刺黻一章水苍玉佩黑绶金饰剑余同袞冕第五品服之爵弁色同爵无旒无章元纁簪导青衣纁裳白纱中单革带钩大带爵鞵鞵赤履九品以上服之凡冕服及爵弁服助祭及亲迎则服之若私家祭祀三品已上及褒圣侯祭孔宣父服玄冕五品已上服爵弁六品已下服进贤冠远游冠三梁黑帻青綬【凡文官皆青綬】诸王服之亲王即加金附蝉进贤冠三品已上三梁五品已上两梁九品已上一梁三公太子三师三少五等爵尚书省秘书省诸寺监太子詹事府三寺及散官亲王傅友文学若诸州县关津岳渎等流内九品已上服之武弁平巾帻武官及中书门下省殿中省内侍省诸卫及太子诸坊诸率府及镇戍流内九品已上服之若侍中中书令左右散骑常侍则加貂蝉侍左者左珥侍右者右珥法冠一名獬豸冠一角为獬豸之形御史大夫已下监察御史已上服之高山冠内侍省内谒者监内谒者服之却非冠亭长门仆服之凡应冠而未冠者并双童髻空顶帻五品已上双玉导金饰三品已上加宝饰六品已下无饰朝服亦名具服冠帻纁簪导绦纱单衣白纱中单白裙襦革带钩假带曲领方心绦纱蔽膝鞵舄剑双绶一品已下五品已上陪祭朝享拜表大事则服之六品已下去剑佩绶余并同公服亦名从省服冠帻纁簪导绦纱单衣白裙襦赤裙衫革带钩假带方心鞵履纷鞶囊双佩一品已下五品已上朔望朝谒见东宫则服之其六品已下去纷鞶囊双佩余并同若致仕官以理去官被召谒见皆服前冠从省服弁服弁以鹿皮为之通用乌纱牙簪导【五品以上通用犀】纁玉朱衣素裳革带鞶囊小绶双佩白鞵乌皮复【一品九二品八三品七四品六五品五六品以下去及鞶囊绶佩】文官职事九品已上常公事服之泥雨则通着常服平巾帻簪导【五品已上通用犀六品已下通用角】冠支皆金饰【五品已上通用玉】紫褶【五品已上绯褶七品已上绿褶九品已上碧褶】并白大口袴起梁带【三品已上玉梁宝钿五品已上金梁宝钿六品已上金饰隐起】乌皮靴武官及卫官寻常公事服之文官乘马又通服之武官陪位大仗加腾蛇褊裆进德冠五品以上附山云数准弁以金饰梁及花靴三品以上加金络内外百官文武九品已上十月以後二月已前常服及白练裙襦通着之五品已上行六品已下冠去珠若服袴褶非陪位大仗则与平巾帻者通着【袴褶五品已上通用细绦及罗六品已下服小绦】凡典谒武弁绦公服学生黑介帻青襟服斋郎介帻绦褊服自外品子等皆平巾帻绯衫大口袴朝集从事则服之若外官拜表受制皆朝服凡职事官三品已上有公爵者嫡子婚听假以四品冕服若五品以下子孙九品以上子及五等爵皆听假以爵弁服若庶人婚听假以绦公服若刻漏生漏童服青袴褶总角之服内外命妇花钗【施两博鬓宝钿饰一品九树二品八树三品七树四品六树

五品五树宝钿准花树】翟衣青质【罗为之绣为翟编次於衣及裳一品翟九等二品八等三品七等四品六等五品五等】并素纱中单蔽膝大带以青衣革带青鞵舄佩绶内命妇受册从蚕朝会则服之其外命妇嫁及受册从蚕大朝会亦准此钿钗【一品九钿二品八钿三品七钿四品六钿五品五钿】礼衣通用杂色制与上同加双佩小绶内命妇寻常参见外命妇朝参辞见及礼会则服之六尚宝林御女采女及女官等服礼衣通用杂色制与上同唯无首饰佩绶七品已上有大事则服之?常供奉则公服【公服去中单蔽膝大带】九品已上大事及?常供奉并公服东宫准此女史则半袖裙襦凡公主王妃佩绶同诸郡县主内命妇各准品服外命妇各从夫及子而加邑号者亦准此品花钗【覆笄而已并两博鬓装以金银杂宝饰】大袖连裳青质素纱中单蔽膝大带以青革带鞵履六品已下九品已上妻及九品已上女嫁则服之花钗【以金银涂琉璃等饰】连裳青质以青衣革带鞵履庶人女嫁则服之凡百官女嫁听服母服庙见本生?高者准兄弟凡王公已下及妇人服饰等级上得兼下不得僭上

斋戒

凡大祀斋官皆祀前七日平明集尚书省受誓戒其致斋日三公於都省安置所司铺舍其余官皇城内有本司者致斋於本司无本司者於太常郊社太庙斋坊安置皆日出前到斋所至祀前一日各从斋所昼漏上水三刻向祀所仍令平明清所行之路道次不得见诸凶秽纒经过讫任行其哭泣之声闻於祭所者权断讫事凡大祀散斋四日致斋三日中祀散斋三日致斋二日小祀散斋二日致斋一日若散斋之日昼理事如旧夜宿止于家正寝不得吊丧问疾不判署刑杀文书不决罚罪人不作乐不预秽恶之事致斋唯祀事得行其余悉断非应散斋致斋者唯清斋一宿於本司及祠所凡散斋有大功已上丧致斋有周以上丧并听赴即居缞麻已上丧者不得预宗庙之事其在斋坊病者听还若死于斋所同房不得行事凡大祀中祀接神斋官前一日皆沐浴九品以上皆官给明衣斋郎升坛行事亦权给洁服凡斋官皆须行礼临时阙者通摄行事致斋之日先不食公粮及无本司者太官准品给食其於本司致斋祀前一日赴祀所及祈告一日清斋者设食如之

祈祷

凡京都孟夏已後旱则祈岳镇海渚及诸山川能兴云雨者於北郊望而告之又祈社稷又祈宗庙每七日一祈不雨还从岳渚如初旱甚则修雩秋分已後不雩初祈後一旬不雨即徙市禁屠杀断繖扇造土龙雨足则报祀祈用酒脯醢报用常祀皆有司行事已斋未祈而雨及所经者皆报祀凡州县旱则祈雨先社稷又祈界内山川能兴云雨者余准京都例若岳镇海渚州则刺史上佐行事其余山川判司行事县则令丞行事祈用酒脯醢报以少牢凡霖雨不已祭京城诸门门别三日每日一祭不止乃祈山川岳镇海渚三日不止祈社稷宗庙若州县祭城门祀界内山川及社稷三祭一祈皆准京都例并用酒脯醢国城门报用少牢州县城门用特牲

杂制

皇帝天子【夷夏通称】陛下【对扬咫尺上表通称之】至尊【臣下内外通称之】乘舆【服御所称】车驾【行幸所称赴车驾所曰赴行在所】皇太子以下率土之内於皇帝皆称臣皇后以下率土之内於皇帝太皇太后皆称妾六宫以下率土妇人於皇后同称妾百官上疏於太皇太后皇太后皇后称殿下自称皆曰臣百官及东宫官对皇太子皆曰殿下百官自称名官官自称臣凡京文武官一品以下九品以上朔望日朝五品以上及供奉官员外郎监察御史每日参昭文崇文国子生及诸县令每季参若雨沾服失容及泥泞并停凡车驾巡幸每月朔两京文武官职事五品以上表参起居州界去行所在三百里内者刺史遣使起居若车驾从比州及州境过刺史朝见巡幸还去京三百里内刺史遣使起居皇太子欲行未发前一日在京文武官职事五品以上诣宫奉辞还日明朝诣宫奉参凡京文武职事五品已上假使者去皆奉辞还皆奉见六品以下奉勅差使亦如之凡践祚加元服册皇后皇太子及元日并巡狩亲征封禅拜郊及诸大礼诸州刺史都督及京官五品以上在外者并奉表疏贺礼部为奏每年二时遣三公分行诸陵太常卿为副太阳亏有司预奏其日置五鼓五兵于太社皇帝不视事凡百官各守本司不理务过时乃罢月蚀则击鼓于所司救之五岳四渎崩竭皇帝本服大功已上亲及外祖父母皇后父母百官一品丧皇帝皆不视事三日国忌日皇帝本服小功缌麻亲百官五品以上丧皇帝皆不视事一日祥瑞依图书合大瑞者随列表奏百官诣阙上表奉贺告庙放下自外诸瑞并申所司元日以闻凡版位皇帝位方一尺二寸厚三寸题云皇帝位皇太子方九寸厚二寸题云皇太子位百官一品已下方七寸厚一寸半题云某品位凡藉田所收九谷纳於神仓以拟粢盛及五齐三酒有余藁秸供饲牺牲凡大祀养牲在涤九旬中祀三旬小祀一旬其牲方色难备者任以纯色代之大小依礼告祈之牲不养凡祭祀牺牲不得捶扑损伤死则埋之有疮病者与替凡祭器祭服有破敝不任涤理者与替讫器则埋之服则烧之凡祭天神皆焚柴祭地只皆瘞埋祭山皆度悬祭川皆沉浮皆以祀祭讫乃焚埋之若埋讫皆令所在官司差人守当六十日止若埋币者以火稍焚破者则不守凡祭事讫均胙肉则贵者不重贱者不虚谓贵者取贵骨贱者取贱骨【前贵于後上贵于下】凡天地郊祀及太庙祝版欲至享祭日所司准程预进版取署令人送往若临时卒急并令附驿其版仍令预支一年所用数若署版以後祭官有故即削除题所替行事人凡五陵皆朔望上食岁冬至寒食日各设一日祭如节祭共朔望日忌日相逢依节祭料若桥陵除此日外每日进半口羊食凡圜丘五郊诸坛等差侧近人等守当凡王公已下郊庙合祭若临时遇雨沾服失容即以常服从事若已行事遇雨即不脱祭服凡立春前两京及诸州县门外并造土牛耕人各随方色凡季冬晦行雩大内六队东宫二队凡文武官三品已下拜正一品东宫官拜三师四品已下拜三少自余内外属官於本司四品拜二品五品拜三品六品拜四品七品拜五品八品拜六品九品拜七品卫判曹拜长史局署丞拜令助教拜博士诸州别驾长史镇将县令拜刺史县丞拜县令其准品应致敬而非相统属则不拜凡致敬者若非连属应敬之官相见或贵贱悬隔或有长幼亲戚者任随私礼凡文武官二品已上祠四庙五品已上祠三庙【三品已上不须兼爵四庙外有始封祖者通祠五庙】牲皆用少牢六品已下達於庶人祭祖祔于正寝用特牲【纵祖父官有高下皆用子孙牲】凡行路巷街贱避贵少避老轻避重去避来凡百官身亡者三品已上称薨五品已上称卒六品以下達于庶人称死凡百官葬墓田一品方九十步坟高一丈八尺二品方八十步坟高一丈六尺三品方七十步坟高一丈四尺四品方六十步坟高一丈二尺五品方五十步坟高一丈六品已下方二十步坟不得过八尺其域及四隅四品已上筑阙五品已上立土堠余皆封塋而已凡立碑五品已上螭首龟趺高

不得过九尺七品已上立碣圭首方趺上高四尺其石兽等三品已上六事五品已上四事凡四品已上用方相七品已上用魼头五品已上纛竿九尺六品已下长五尺凡明器三品已上不得过九十事五品已上六十事九品已上四十事四神駟马及人不得过一尺余音乐卤簿等不过七寸三品已上帐高六尺方五尺女子等不过三十人长八寸园宅方五尺奴婢等不过二十人长四寸五品已上帐高五尺五寸方四尺五寸音乐仆从二十五人长七寸五分园宅方四尺奴婢等十六人长三寸六品已下帐高五尺方四尺音乐仆从二十人长七寸园宅方三尺奴婢十二人长二寸若三品已上优厚料则有三果帐蚊幃帐妇人洗梳帐并准此凡斩衰三年齐衰三年者并解官齐衰杖周及为人後者为其父母若庶子为其母亦解官申其心丧【皆为生已者】若嫡继慈改嫁或归宗三年已上断絶者及父为长子夫为妻并不解官假同齐衰周凡齐衰周给假三十日葬五日除服三日齐衰三月五月大功九月并给二十日葬三日除服二日小功五月给假十五日葬二日除服一日缌麻三月给假七日出降者三日葬及除服各一日无服之殇本品周已上给假五日大功三日小功二日缌麻一日若闻丧举哀其假三分减一师经受业者丧给假三日冠给假三日婚给假九日除程周亲婚给假五日大功三日小功一日周已下百里内除程凡私忌日给假一日忌前之夕听还凡内外官三年一给定省假三十日五年一给拜墓假十五日并除程凡遭丧被起者以服内忌日给假三日大小祥各七日 五日每月朔望各一日祥禫给程凡私家祔庙给五日四时祭给四日

大唐开元礼卷三

卷四

<史部,政书类,仪制之属,大唐开元礼>

钦定四库全书

大唐开元礼卷四 唐 萧嵩等 撰吉礼

皇帝冬至祀圜丘

斋戒 陈设

省牲器 銮驾出宫

奠玉币 进熟

銮驾还宫

斋戒

前祀七日平明太尉誓百官於尚书省曰某月某日祀昊天上帝於圜丘各扬其职不供其事国有常刑皇帝散斋四日於别殿致斋三日其二日於太极殿一日於行宫前致斋一日尚舍奉御设御幄於太极殿西序及室内俱东向尚舍直长张帟於前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各督其队入陈於殿庭如常仪通事舍人引文武五品已上袴褶陪位如式诸侍卫之官各服其器服诸侍臣并结佩【凡斋者则结佩】俱诣合奉迎上水二刻侍中版奏外办上水三刻皇帝服袞冕结佩乘舆出自西房曲直华盖警蹕侍卫如常仪皇帝即御坐东向坐侍臣夹侍如常一刻顷侍中前跪奏称侍中臣某言请降就斋室俛伏兴还侍位皇帝降坐入室文武侍臣各还本司直卫者如常通事舍人分引陪位者以次出凡预祀之官散斋四日致斋三日【散斋皆於正寝致斋二日於本司一日於祀所其无本司则皆於祀所】近侍之官应从升者及从祀羣官诸方客使各於本司及公馆清斋一日【无本司者各於正寝】散斋理事如旧不吊丧问疾不作乐不判署刑杀文书不行刑不预秽恶致斋唯祀事得行其余悉断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鉴取火於阳燧火以供爨水以实尊】前祀二日太尉告高祖神尧皇帝庙如常告之仪【告以配神坐主】前祀一日诸卫令其属未後一刻各以其方器服守卫墻门【每门二人每隅一人】与大乐工人俱清斋一宿

陈设

前祀三日尚舍直长施大次于外壝东门之内道北南向尚舍奉御铺御座卫尉设文武侍臣次於大次之前文官在左武官在右俱相向设诸祀官次於东壝之外道南从祀文官九品已上於祀官之东东方南方朝集使於文官之东东方南方蕃客又於其东俱重行每等异位北向西上介公鄴公於西壝之外道南武官九品已上于介公鄴公之西西方北方朝集使于武官之西西方北方蕃客又于其西俱重行每等异位北向东上【其褒圣侯若在朝位於文官三品之下】陈设饌幔於内壝东门西门之外道北南向南门北门之外道东西向【坛上及东方午陛之东饌陈于东门外西方及南方午陛之西饌陈于西门外北方之饌陈于北门外】前祀二日太乐令设宫悬之乐於坛南内壝之外东方西方磬簠起北钟簠次之南方北方磬簠起西钟簠次之设十二鐃钟於编悬之间各依辰位树雷鼓於北悬之内道之左右植建鼓於四隅置祝斂於悬内【祝在左斂在右】设歌钟歌磬于坛上近南北向磬簠在西钟簠在东其匏竹者立于坛下重行北向相对为首【凡悬皆展而编之】诸工人各位於悬後东方西方以北为上南方北方以西为上右校扫除坛之内外郊社令积柴於燎坛【其坛于神坛之景地内壝之外景通典作壬案景即丙字唐讳丙丙南方壬北方未知谁属也】方一丈高一丈二尺开上南出户方六尺前祀一日奉礼设御位於坛之东南西向设望燎位当柴坛之北南向设祀官公卿位於内壝东门之外道南分献之官于公卿之南执事者位於其後每等异位俱重行西向北上设御史位于坛下一位於东南西向一位於西南东向设奉礼位於乐悬东北赞者二人在南差退俱西向又设奉礼赞者位于燎坛东北西向皆北上设协律郎位于坛上南陛之西东向设太乐令位于北悬之间当坛北向设从祀文官九品已上位於执事之南东方西方朝集使於文官之南东方南方蕃客又於其南俱每等异位重行西向北上介公鄴公位中壝西门之内道南武官九品已上位于介公鄴公之南西方北方朝集使于武官之南西方北方蕃客又於其南俱每等异位重行东向北上【其褒圣侯於文官三品之下诸州使人各分方位于朝集使之後】又设祀官及从祀羣官等门外位于东西壝门之外如设次之式设牲牐于东壝之外当门西向苍牲一居前又苍牲一又青牲一在北少退南上次赤牲一次黄牲一白牲一元牲一又赤牲一白牲一在南皆少退以北为上又设廩牺令位于牲西南史陪其後俱北向设诸太祝位於牲东各当牲後祝史陪其後俱西向设太常卿位省牲位於牲前近北又设御史位於太常卿之西俱南向设酒樽之位上帝太樽二着樽二牺樽二山罍二在坛上东南隅北向象樽二壶樽二山罍四在坛下南陛之东北向俱西上设配帝着樽二牺樽二象樽二山罍二在坛上於上帝酒樽之东北向西上五帝日月各太樽二在第一等内官每陛间各象樽二在第二等中官每陛间各壶樽二在第三等外官每道间各概樽二於坛下衆星每道间各散樽二於内壝之外凡樽各设于神座之左而右向【樽皆如勺罍五帝日月以上皆有坫以置爵】设御洗於午陛东南亚献终献同洗於卯陛之南俱北向罍水在洗东筐在洗西南肆【筐实以巾爵】设分献罍洗筐罍各於其方陛道左俱内向执樽罍筐罍者各于樽罍筐罍之後设玉币之筐于坛上下樽坫之所祀前一日晡後太史令郊社令各常服帅其属升设昊天上帝神座于坛上北方南向席以藁秸设高祖神尧皇帝神座于东方西向席以莞设五方帝日月神座於坛第一等青帝于东陛之北赤帝於南陛之东黄帝于南陛之西白帝于西陛之南黑帝于北陛之西大明于东陛之南夜明于西陛之北席皆以藁秸又设五星十二辰河汉及内官五十五座於第二等十有二陛之间各依方面凡席皆内向其内官有北辰座於东陛之北曜魄宝於北陛之西北斗於南陛之东天乙太乙皆在北斗之东五帝内座於曜魄宝之东并差在行位前又设二十八宿及中官一百五十九座于第

三等其二十八宿及帝座七公日星帝席太角摄提太微太子明堂轩辕三台五车诸王月星织女建星天纪等一十七座并差在行位前又设外官一百五座于内壝之内又设衆星官星三百六十座於内壝之外各依方次十有二道之间席皆以莞设神位各于坐首所司陈异宝及嘉瑞等于乐悬之北东西厢【昊天上帝及配帝五帝日月之座设讫却收至祀日未明五刻郊社令各服其服升坛重设之其内官中官外官衆星等诣坐一设定不收也】

省牲器

省牲之日午後十刻去坛二百步所诸卫之属禁断行人晡後二刻郊社令丞帅府史三人及斋郎以樽坫罍洗篚幂入设于位【凡升坛者各由其陛】晡後三刻谒者赞引各引祀官公卿已下俱就东壝门外位诸太祝与廩牺令以牲就牓位谒者引司空赞引引御史入诣坛东陛升行扫除於上乐悬于下讫出还本位初司空将升又谒者引太常卿赞引引御史入诣坛东陛升视涤濯【於视濯溉执尊者皆举幂告洁】讫引降就省牲位南向立廩牺令少前曰请省牲退复位太常卿省牲廩牺令又北面举手曰牓还本位诸太祝各循牲一匝西向举手曰充俱还本位诸太祝廩牺令以次牵牲诣厨授太官谒者引光禄卿诣厨省鼎饗申视濯溉谒者赞引各引祀官御史诣厨省饗具讫俱还斋所祀日未明十五刻太官令帅宰人以鸾刀割牲祝史以豆取毛血各置於饗所遂烹牲

銮驾出宫

前出宫三日本司宣摄内外各供其职尚舍设行宫于坛东南向随地之宜守宫设从祀官五品以上次於朝堂如常仪前二日太乐令设宫悬之乐於殿庭如常仪【驾出悬而不作】其日昼漏上水五刻銮驾发前七刻撾一鼓为一严【三严时节前一日侍中奏裁也】侍中奏开宫殿门及城门未明五刻撾二鼓为再严侍中版奏请中严奉礼郎设从祀羣官五品已上位文官於东朝堂之前西向武官於西朝堂之前东向俱重行北上鄴公介公位於武官北东向从祀羣官五品已上依时刻俱集朝堂次各服其服所司陈大驾卤簿於朝堂发前二刻撾三鼓为三严诸卫之属各督其队与鉞戟以次入陈於殿庭通事舍人引从祀羣官各就朝堂前位诸侍卫之官各服其器服侍中中书令以下皆诣西阶奉迎【侍中负宝如式】乘黄令进玉辂於太极殿西阶之前南向千牛将军一人执长刀於辂前北向黄门侍郎一人在侍臣之前赞者二人又在黄门之前侍中版奏外办太仆卿摄衣而升正立执轡皇帝服袞冕乘輿以出降自西阶称警蹕如常仪千牛将军前执轡皇帝升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾进发俛伏兴退复位【凡黄门侍郎奏请皆进銮驾前跪奏称某官臣某言讫俛伏兴】銮驾动又称警蹕黄门侍郎与赞者夹引以出千牛将军夹辂而趋驾出承天门至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从在黄钺内侍中中书令以下夹侍於辂前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾进发退复位銮驾动称警蹕鼓传音如常不鸣鼓吹不得諠譁其从祀官在元武队後如常仪驾将至诸祀

官俱朝服结佩谒者引立於次前重行北向西上驾至行宫南门外迴辂南向将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂乘輿入行宫繖扇华盖侍卫警蹕如常仪宿卫如式谒者赞引各引祀官通事舍人分引文武羣官集行宫朝堂文左武右舍人承旨勅羣官等各还次

奠玉帛

祀日未明三刻诸祀官及从祀之官各服其服郊社令良醞令各帅其属入实樽罍玉帛【凡六樽之次太樽为上实以泛齐着尊次之实以醴齐牺尊次之实以盎齐象尊次之实以醢齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒五帝日月俱以太尊实以泛齐其内官之象尊实以醴齐中官之牺尊实以盎齐外官之概尊实以清酒衆星之散尊实以清酒齐皆加明水酒皆加玄酒各实于上尊玉上帝以苍璧青帝以青珪赤帝以赤璋白帝以珽虞黑帝以玄璜黄帝以黄琮日月以珪璧昊天上帝及配帝之币以苍五天帝日月内官以下各从方色各长一丈八尺】太祝以玉帛置於筐太官令帅进饌者实诸笾豆簠簋等各设于饌幔内未明二刻奉礼帅赞者先入就位赞引引御史博士诸太祝及令史祝史与执尊罍筐幂者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊罍筐幂者各就位赞引引御史诸太祝诣坛东陞御史一人太祝二人升行扫除於上及第一等御史一人太祝七人升行扫除于下讫各引就位未明一刻谒者赞引各引祀官及从祀羣官客使等俱就门外位太乐令帅工人二舞次入就位文舞入陈于悬内武舞立于悬南道西【其升坛坐者皆脱履於下降纳如常】谒者引司空入就位立定奉礼曰再拜司空再拜讫谒者引司空诣坛东陞升行扫除於上降行乐悬於下讫引复位谒者赞者各引祀官及从祀羣官客使等次入就位初未明三刻诸卫列大驾仗卫陈设如式侍中版奏请中严乘黄令进玉辂于行宫南门外迴辂南向【若行宫去坛稍远严警如武】未明一刻侍中版奏外办皇帝服袞冕乘輿以出繖扇华盖侍卫如常仪【侍中负宝陪从如式】皇帝升辂如初黄门侍郎奏请銮驾进发还侍位銮驾动称警蹕如常千牛将军夹辂而趋【若行宫去坛稍远奏升辂如式】驾至大次外迴辂南向【若将军升辂即降立於辂左】侍中进当銮驾前奏侍中臣某言请降辂俛伏兴还侍位皇帝降辂乘輿之大次繖扇华盖侍卫如常仪郊社令以祝版进御署讫近臣奉出郊社令受各奠於坛皇帝停大次半顷通事舍人各引从祀文武羣官介公酈公诸方客使皆先入就位太常博士引太常卿立于大次门外当门北向侍中版奏外办质明皇帝改服大裘而冕出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引】至中壝门外殿中监进大圭尚衣奉御又以镇圭授殿中监殿中监受进皇帝搢大圭执镇圭华盖仗卫停于门外礼部尚书与近侍者陪从如常仪【大圭如搢不便请预定近侍承捧】皇帝至版位西向立【每立定太常卿与博士退立于左】太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏兴举麾【凡取物者皆跪伏而取以兴奠物则跪奠俛伏讫而後退】鼓祝奏豫和之乐乃以圜钟为宫黄钟为角太簇为徵姑洗为羽作文舞之舞乐舞六成【圜钟三奏黄钟太簇姑洗各一奏】偃麾戛敔乐止【凡乐皆协律郎举麾工鼓祝而後作偃麾戛敔而後止】太常卿前奏称请

再拜退复位皇帝再拜奉礼曰衆官再拜衆官在位者皆再拜正座配座太祝跪取玉币於筐各立于樽所诸太祝俱取玉及币亦各立于尊所太常卿引皇帝太和之乐作【皇帝每行皆作太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立乐止正座太祝加玉于币以授侍中侍中奉玉币东向进皇帝搢镇圭受玉币【凡受物者皆搢镇圭跪奠讫执圭俛伏兴】登歌作肃和之乐以大吕之均太常卿引皇帝进北向跪奠於昊天上帝神坐俛伏兴太常卿引皇帝少退北面再拜讫太常卿引皇帝立于西方东向配坐太祝以币授侍中侍中受币北向进皇帝受币太常卿引皇帝进东向跪奠于高祖神尧皇帝神座俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止于皇帝将奠配帝之币谒者七人各分引献官奉玉币俱进跪奠于第一等神座余星座之币谒者赞引各引分献官进币於首坐余皆祝史斋郎助奠讫引还复位初衆官拜讫祝史各奉毛血之豆立于门外于登歌止祝史奉毛血入者各由其陞升诸太祝迎取于坛上俱奠于神座前太祝与祝史退立于尊所

进熟

皇帝既升奠玉币太官令出帅进饌者奉饌各陈于内壝门外谒者引司徒出诣饌所司徒奉昊天上帝之俎初皇帝既至位乐止太官令引饌入俎初入门奏雍和之乐以黄钟之均【自後接神之乐皆奏黄钟】饌各至其陛乐止祝史俱进跪彻毛血之豆降自东陛以出【上帝之饌升自午陛配帝之饌升自卯陛青帝之饌升自寅陛赤帝之饌升自巳陛黄帝之饌升自未陛白帝之饌升自酉陛黑帝之饌升自子陛大明之饌升自辰陛夜明之饌升自戌陛其内官中官诸饌各随便而升】诸太祝迎引饌于坛上各设于神座前【笾豆盖幂先彻乃升簠簋既奠却其盖于下】设讫谒者引司徒太官令帅进饌者俱降自东陛以出司徒复位诸太祝各还尊所又进设外官衆星之饌相次而毕太常引皇帝诣盥洗乐作皇帝至盥洗乐止侍中跪取兴沃水又侍中跪取盘兴承水皇帝盥手黄门侍郎跪取巾于筐兴进皇帝悦手讫黄门侍郎跪受巾跪奠于筐黄门侍郎又取匏爵于筐兴进皇帝受爵侍中酌盥水又侍中奉盘皇帝洗爵黄门侍郎又授巾如初皇帝拭爵讫侍中奠盘黄门侍郎受巾奠于筐皆如常太常卿引皇帝乐作皇帝诣坛升自南陛讫乐止谒者引司徒升自东陛立于尊所斋郎奉俎从升立于司徒之後太常卿引皇帝诣上帝尊所执尊者举幂侍中赞酌泛齐讫寿和之乐作【皇帝每酌献及饮福皆作寿和之乐】太常卿引皇帝诣昊天上帝神座前北向跪奠爵俛伏兴太常卿引皇帝少退北向立乐止太祝持版进于神坐之右东向跪读祝文曰维某年岁次月朔日子嗣天子臣某敢昭告于昊天上帝大明南至长晷初昇万物权舆六气资始谨遵彝典慎修礼物敬以玉帛牺齐粢盛庶品备兹禋燎祇荐洁诚高祖神尧皇帝配神作主尚飨讫兴皇帝再拜初读祝文讫乐作太祝进跪奠版于神座兴还尊所皇帝拜讫乐止太常卿引皇帝诣配帝酒尊所执尊者举幂侍中取爵於坩进皇帝受爵侍中赞酌泛齐讫乐作太常卿引皇帝进高祖神尧皇帝神座前东向跪奠爵俛伏兴太常卿引皇帝少退东向立乐止太祝持版进於神座之左北向跪读祝文曰维某年岁次月朔日子孝曾孙开元神武皇帝臣某敢昭告于高祖神尧皇帝履长伊始肃事郊禋用致燔祀于昊天上帝伏惟庆流长发德冠思文对越昭升永言配命谨以制币牺齐粢盛庶品式陈明荐侑神作主尚飨讫兴皇帝再拜初读祝文讫乐作太祝进跪奠版于神座兴还尊所皇帝拜讫乐止太常卿引皇帝进昊天上帝神座

前北向立乐作太祝各以爵酌上尊福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎

太祝减神前胙肉【皆取前脚第三节通典作第二骨】加于俎以胙肉共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受虚爵以授太祝太祝受爵复于坵皇帝俛伏兴再拜乐止太常卿引皇帝乐作皇帝降自南阶还版位西向立乐止文舞退鼓祝作舒和之乐退訖戛散乐止武舞入鼓祝作舒和之乐立定戛散乐止初皇帝将复位谒者引太尉诣罍洗盥手洗匏爵訖谒者引太尉自东陛升坛诣昊天上帝着尊所执尊者举罍太尉酌醴斋訖武舞作谒者引太尉进昊天上帝神坐前北向跪奠爵兴谒者引太尉少退复北向再拜訖谒者引太尉诣配帝犧尊所取爵於坵执尊者举罍太尉酌醴斋訖谒者引太尉进高祖神尧皇帝神座前东向跪奠爵兴谒者引太尉少退东向再拜訖谒者引太尉进昊天上帝神坐前北向立诸太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受虚爵复於坵太尉兴再拜訖谒者引太尉降复位初太尉献将毕谒者引光禄卿诣罍洗盥手洗拭匏爵升酌盎齐献正座配座终献如亚献之仪訖谒者引光禄卿降复位初太尉将升献谒者七人分引五方帝及大明夜明等献官诣罍洗盥手洗拭匏爵訖各由其陛升俱酌泛齐訖各进跪奠於神座前兴各引降还本位初第一等献官将升谒者五人次引献官各诣罍洗盥訖各由其陛升坛诣第二等内官酒尊所俱酌醢齐各进跪奠爵於内官首座兴余皆祝史斋郎助奠相次而毕谒者各引献官还本位初第二等献官将升谒者四人次引献官俱诣罍洗盥手各由其陛升坛诣第三等中官酒尊所俱酌清酒沈齐以献赞引四人次引献官诣罍洗盥洗诣外官酒尊所俱酌清酒以献赞引四人次引献官诣罍洗盥洗诣外官酒尊所俱酌清酒以献赞引四人次引献官诣罍洗盥洗诣衆星酒尊所酌旨酒以献其祝史斋郎酌酒助奠皆如内官之仪訖谒者赞引各引献官还本位诸献俱毕武舞止上下诸祝各进跪彻豆兴还尊所【彻者筯豆各一少移於故献处】奉礼曰赐胙赞者唱衆官再拜衆官在位者皆再拜【已饮福者不拜】豫和之乐作太常卿前奏称再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜上下诸祝各执籩进神座前取玉币祝版日月以上斋郎以俎载牲体稷黍饭及爵酒各由其陛降坛南行经柴坛西过坛东行自南陛登柴坛以玉币祝版饌物置於柴上户内诸祝又以内官已下之礼币皆从燎奉礼曰可燎东西面各六人以炬燎火半柴太常卿前奏礼毕太常卿引皇帝还大次乐作皇帝出中壝门殿中盐前受镇珪以授尚衣奉御殿中监又前受大圭华盖侍卫如常仪皇帝入次乐止谒者赞引祀官通事舍人分引从祀羣官诸方客使以次出赞引引御史太祀以下俱复执事位立定奉礼曰再拜御史以下皆再拜赞引引出工人二舞以次出

銮驾还宫

皇帝既还大次侍中版奏请解严【将士不得辄离部伍】皇帝停大次一刻顷搥一鼓为一严转仗卫于还途如来仪三刻顷搥二鼓为再严将士布队仗侍中版奏请中严皇帝服通天冠绛纱袍诸祀官朝服【乘马者服袴褶】五刻顷搥三鼓为三严通事舍人分引羣官客

使等序立於大次之前近南文武侍臣詣大次奉迎乘黄令进金辂於大次门外南向千牛将军立于辂右侍中版奏外办太仆卿升执轡皇帝乘輿出次繖扇侍卫警蹕如常仪皇帝升辂太仆卿立授绥黄门侍郎奏称请銮驾进发退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中前承制退称制曰可黄门侍郎复位千牛将军升讫黄门侍郎奏称请銮驾进发退复位鼓传音銮驾动鼓吹振作而还文武羣官导从如来仪诸方客使便还馆驾至承天门外侍臣下马所銮驾权停文武侍臣皆下马千牛将军降立于辂右讫銮驾动千牛将军夹辂而趋驾入嘉德门太乐令令撞蕤宾之钟左五钟皆应鼓祝奏采茨之乐至太极门戛敌乐止入太极门鼓祝奏太和之乐驾至横街北当东上阁回辂南向侍中进銮驾前跪奏称侍中臣某言请降辂俛伏兴还侍位皇帝降辂乘輿以入繖扇侍卫警蹕如常仪侍臣从至阁戛敌乐止初文武羣官至承天门外通事舍人承旨勅羣官并还皇帝既入侍中版奏请解严叩钲将士各还其所

大唐开元礼卷四

卷五

钦定四库全书

大唐开元礼卷五 唐 萧嵩等 撰吉礼

冬至祀圜丘有司摄事

斋戒 陈设

省牲器 奠玉币

进熟

斋戒

前祀七日平明太尉誓百官于尚书省曰某月某日祀昊天上帝于圜丘各扬其职不供其事国有常刑凡预祀之官散斋四日致斋三日【散斋皆於正寝致斋二日於本司一日于祀所其无本司者则二日于郊社署】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事行其余悉断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水于陰鉴取火于阳燧火以供爨水以实尊也】前祀二日太尉告高祖神尧皇帝庙如常仪【告以配神作主之意】前祀一日诸卫令其属未後一刻各以其方器服守卫墼门【每门二人每隅一人】与太乐工人俱清斋一宿

陈设

前祀三日守宫设祀官公卿以下次于东墼之外道南北向西上设陈饌幔于内墼东门西门之外道北南向南门北门之外道西东向【坛上及东方南方午陛之东饌陈于东门外西方及南方午陛之西饌陈于西门外北方之饌陈于北门之外】前祀二日太乐令设宫悬之乐于坛南中墼之内东方西方磬簋起北钟簋次之南方北方磬簋起西钟簋次之设十二鐃钟于编悬之间各依辰位树雷鼓于北悬之内道之左右植建鼓于四隅置祝敌于悬内【祝在左敌在右】设歌钟歌磬于坛上近南北向磬簋在西钟簋在东其匏竹者立于坛下重行北向相对为首【凡悬皆展而编之】诸工人各位于悬後东方西方以北为上南方西方以西为上右校扫除坛之内外郊社令积柴於燎坛方一丈高一丈二尺开上南出户方六尺前祀一日奉礼设祀官公卿位于内墼东门之外道南分献之官于公卿之南执事者位于其後每等异位俱重行西向北上设望燎位当柴坛之北南向设御史位于坛下一位于东南西向一位于西南东向设奉礼位于乐悬东北赞者二人在南差退俱西向又设奉礼赞者位于燎坛东北西向皆北上设协律郎位于坛上南陛之西东向设太乐令位于北悬之间当坛北向

又设祀官公卿以下门外位皆于东墼之外道南每等异位重行北面西上设牲腍于东墼之外当门西向苍牲一居前又苍牲一青牲一赤牲一在北皆少退南上黄牲一白牲二玄牲二【上卷作白牲一玄牲一】在南皆少退北上设廩牺令位于牲西南祝史陪其後俱北向设诸太祝位于牲东各当牲後祝史陪其後俱西向设太常卿省牲位于牲前近北又设御史位于太常卿之西俱南向设酒尊之位上帝太尊二着尊二牺尊二山罍二在坛上东南隅北向象尊二壶尊二山罍四在坛下南陛之东北向俱西上设配帝着尊二牺尊二象尊二山罍二在坛上於上帝酒尊之东北向西上五方帝日月各太尊二在第一等内官每陛间各象尊二在第二等中官每陛间各壶尊二在第三等外官每道间各概尊二于坛下衆星每道间各散尊二于内墼之外凡尊各设于神座之左而右向【尊皆加勺罍五帝日月以上之尊皆有坫以置爵内官以下尊皆藉以席设爵于尊下】设洗于午陛东南北向罍水在洗东筐在洗西南肆设分献罍洗筐罍各于其方陛道之左俱内向【筐实以中爵】执尊罍筐罍者各于尊罍筐罍之後各设玉币之筐於坛上下尊坫之所晡後一刻太史令郊社令各常服帅其属升设昊天上帝神坐于坛上北方南面席以藁秸设高祖神尧皇帝神座於东方西向席以莞设五方帝日月神坐于坛第一等青帝于东陛之北赤帝于南陛之东黄帝于南陛之西白帝于西陛之南黑帝于北陛之西大明于东陛之南夜明于西陛之北席皆以藁秸又设五星十二辰河汉及内官五十五座于第二等十有二陛之间各依方面凡座皆内向其内官有北辰坐于东陛之北曜魄宝于北陛之西北斗于南陛之东天乙太乙皆在北斗之东五帝内座于曜魄宝之东并差在行位前又设二十八宿及中官一百五十九座于第三等其二十八宿及帝座七公日星帝席太角摄提太微太子明堂轩辕三台五车诸王月星织女建星天纪等一十七座并差在行位前又设外官一百五座于内墼之内又设衆星三百六十座于内墼之外各依方次十有二道之间席皆以莞设神位各於座首【昊天上帝及配帝五座日月之坐设讫却收至祀日未明五刻郊社令太史令各服其服升坛重设之其内官中官外官衆星等设定不收也】

省牲器

省牲之日午後十刻去坛二百步所诸卫之属禁断行人晡後二刻郊社令丞帅府史三人及斋郎以尊坫罍洗筐罍入设于位【凡陛陛者各由其陛】晡後三刻谒者赞引引祀官公卿已下俱就东墼门外位诸太祝令与廩牺令以牲就腍位谒者引司空赞引引御史入诣坛东陛升行扫除于上降行乐悬於下讫出还本位初司空将升又谒者引太常卿赞引引御史入诣坛东陛升视涤濯【凡导引者每曲一逡巡于视濯执尊者皆举罍告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牖还本位诸太祝各循牲一匝西向举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饌申视濯溉谒者赞引各引祀官御史诣厨省饌具讫俱还斋所祀日未明十五刻太官令帅宰人以鸾刀割牲祝史以豆取毛血各置於饌所遂烹牲

奠玉帛

祀日未明三刻诸祀官各服其服郊社令良醢令各帅其属入实尊罍玉币【凡六尊之次

太尊为上实以泛齐着尊次之实以醴齐牺尊次之实以盎齐象尊次之实以醍齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒五帝日月俱以太尊实以泛齐其内官之象尊实以醴齐中官之牺尊实以盎齐外官之象尊实以醍齐皆加明水酒皆加玄酒各实于上尊礼神之玉昊天上帝以苍璧青帝以青珪赤帝以赤璋黄帝以黄琮白帝以白琥黑帝以玄璜日月以珪璧昊天上帝及配帝之币以苍五方上帝日月与内官以下之币皆从方包凡币皆长一丈八尺】太祝以玉币置于筐太官令帅进饌者实诸笾豆簋簠等皆设於饌幔内未明二刻奉礼帅赞者先入就位赞引引御史博士诸太祝及令史祝史与执尊罍筐冪者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊罍筐冪者各就位赞引引御史诸太祝诣坛东陞升行扫除於上令史祝史行扫除于下讫引就位未明一刻谒者赞引各引祀官公卿已下俱就门外位太乐令帅工人二舞次入就位文舞入陈于悬内武舞立于悬南道西【其升坛者皆脱屣于下降纳如常】谒者引司空入就位立定奉礼曰再拜司空再拜讫谒者引司空诣坛东陞升行扫除于上降行乐悬于下引复位谒者赞引各引祀官公卿以下入就位立定奉礼曰再拜衆官在位者皆再拜【其先拜者不拜】谒者进太尉之左白有司谨具请行事退复位协律郎跪俛伏举麾【凡取物者皆跪俛伏而取以兴奠物则跪奠讫俛伏而後兴】鼓祝奏豫和之乐乃以圜钟为宫黄钟为角太簇为徵姑洗为羽作文舞之舞乐舞六成【圜钟三奏黄钟太簇姑洗各一奏】偃麾戛敌乐止【凡乐皆协律郎举麾工鼓祝而後作偃麾戛敌而後止】奉礼曰衆官再拜衆官在位者皆再拜正座配座太祝跪取玉及币於筐各立于尊所诸太祝俱取玉及币亦各立於尊所谒者引太尉诣坛升自南陞北向立正座太祝加玉于币东向授太尉受玉币【凡授物者撝笏跪奠讫执笏俛伏兴】登歌作肃和之乐以大吕之均谒者引太尉进北面跪奠于昊天上帝神座俛伏兴谒者引太尉少退北向再拜讫谒者引太尉立于西方东向配座太祝以币北向授太尉太尉受币谒者引太尉进东向跪奠於高祖神尧皇帝神座俛伏兴谒者引太尉少退东向再拜讫登歌止谒者引太尉自南陞还本位初太尉将奠配帝之币诸太祝及诸星坐献官各奉玉币进跪奠于神座讫兴还尊所初衆官拜讫夜明以上祝史各奉毛血之豆立於门外登歌止祝史奉毛血入各由其陞升诸太祝迎取於坛上俱进奠於神坐前诸太祝与祝史退立於尊所

进熟

太尉既升奠玉币太官令出帅饌者奉饌各陈於内壝门外谒者引司徒出诣饌所司徒奉昊天上帝之俎诸太祝既奠毛血太官令引饌入俎初入门奏雍和之乐【自後酌献皆奏雍和之乐】以黄钟之均【自後坛下之乐皆奏黄钟】饌各至其陞乐止祝史俱进跪彻毛血之豆降自东陞以出【上帝之饌升自午陞配帝之饌升自卯陞青帝之饌升自寅陞赤帝之饌升自己陞黄帝之饌升自未陞白帝之饌升自酉陞黑帝之饌升自子陞大明之饌升自长陞夜明之饌升自戌陞其内官中官诸饌各随便而升】诸太祝迎引饌於坛上各设於神座前【笾豆盖冪先彻乃升簋簠既奠却其盖於下也】设讫谒者引司徒太官令帅进饌者俱降自东陞以出司徒复位诸太祝各还尊所又进设外官衆星之饌相次而毕初坛上设饌讫谒者引太尉诣罍洗盥手洗拭匏爵讫谒者引太尉升自南陞诣昊天上帝太尊所执尊者举

冪太尉酌泛齐讫乐作谒者引太尉进昊天上帝神座前北向跪奠爵俛伏兴谒者引太尉少退北向立乐止太祝持版进于神座之右东向跪读祝文曰维某年岁次月朔日子嗣天子臣某谨遣太尉封某臣名敢昭告于昊天上帝大明南至长晷初升万物权舆六气资始谨遵彝典慎修礼物敬以玉帛牺齐粢盛庶品备兹禋燎祗荐洁诚高祖神尧皇帝配神作主尚飨讫兴太尉再拜初读祝文讫乐作太祝进跪奠版于神座兴还尊所太尉再拜讫乐止谒者引太尉诣配帝着尊所取爵于坫执尊者举冪太尉酌泛齐讫乐作谒者引太尉进高祖神尧皇帝神座前东向跪奠爵俛伏兴谒者引太尉少退东向立乐止太祝持版进于神坐之左北向跪读祝文曰维某年岁月朔日子孝曾孙开元神武皇帝臣某谨遣太尉封某臣名敢昭告于高祖神尧皇帝履长伊始肃事郊禋用致燔祀于昊天上帝伏惟庆流长发德冠思文对越昭升永言配命谨以制币牺齐粢盛庶品式陈明荐侑神作主尚飨讫兴太尉再拜初读祝文讫乐作太祝进跪奠版于神座兴还尊所太尉拜讫乐止谒者引太尉进昊天上帝神座前北向立太祝各以爵酌鬯福酒合置一爵一太祝持爵进太尉之右西向立太尉再拜受爵跪祭酒啐酒奠爵俛伏兴太祝各帅斋郎进俎太祝减神坐前胙肉【皆取前脚第二骨也】加于俎以胙肉共置一俎上太祝持俎西向授太尉太尉受以授斋郎太尉跪取爵遂饮卒爵太祝进受虚爵复于坫太尉俛伏兴再拜谒者引太尉降复位文舞退鼓祝作舒和之乐退讫戛敌乐止武舞入鼓祝作舒和之乐立定戛敌乐止初太尉将复位谒者引太常卿诣盥洗盥手拭匏爵讫谒者引太常卿自东陞升坛诣昊天上帝着尊所执尊者举冪太常卿酌醴齐讫武舞作谒者引太常卿进昊天上帝神坐前北向跪奠爵兴谒者引太常卿少退北向再拜讫谒者引太常卿诣配帝着尊所取爵于坫执尊者举冪太常卿酌醴齐讫谒者引太常卿进高祖神尧皇帝神坐前东向跪奠爵兴谒者引太常卿少退东向再拜讫谒者五人引五方上帝之太祝各诣酒尊所酌醴齐进奠於神座前讫还尊所谒者引太常卿进昊天上帝神座前北向立太祝各以爵酌鬯福酒合置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受虚爵复於坫太常卿兴再拜讫谒者引太常卿降复位初太常卿献将毕谒者先引光禄卿诣盥洗盥手洗拭匏爵升酌盎齐献正座配座终献如亚献之仪讫谒者引光禄卿降复位初太常卿将升献谒者七人分引五方帝及大明夜明等献官诣盥洗盥手拭匏爵讫各由其陞升俱酌泛齐讫各进跪奠於神坐前兴各引降还本位初第一等献官将升谒者五人次引献官各诣盥洗盥手洗讫引各由其陞升坛诣第二等内官酒樽所俱酌醴齐各进跪奠於内官首座兴余座皆祝史斋郎助奠相次而毕谒者各引献官还本位初第二等献官将升谒者四人次引俱诣盥洗盥手洗各由其陞升坛诣第三等中官酒尊所俱酌盎齐以献赞引四人次引献官诣盥洗盥手洗诣外官酒尊所俱酌醴齐以献其赞引四人次引献官诣盥洗诣衆星酒尊所俱酌泛齐以献其祝史斋郎酌酒助奠皆如内官之仪讫谒者赞引各引献官还本位诸献俱毕武舞止上下诸祝各进跪彻豆兴还尊所【彻者筯豆各一少移故处】奉礼曰赐胙赞者唱衆官再拜衆官在位者皆再拜乐作一成止谒者进太尉之左白请就望燎位谒者引太尉就望燎位南向立於衆官将拜上下诸祝各执篚进神坐前取玉币祝版日月已上斋郎以俎载牲体稷黍饭及爵酒各由其陞降坛南行折而东又南行经柴坛西过坛东行自南陞登柴坛以玉帛祝版饌物置於柴上户内诸太祝献官以内官已下之币皆从燎奉礼曰可燎东西面各六人以炬燎火半柴谒者引前白礼毕谒者引太尉出又谒者赞引祀官以次出赞引引御史太祝以下俱复执事位立定奉礼曰再拜御史以下皆再拜讫赞引引出工人二舞以次出凡有司摄事祝版应御署者进御署讫皇帝北面再拜侍臣奉版授郊社

令受遂奉以出

大唐开元礼卷五

卷六

钦定四库全书

大唐开元礼卷六 唐 萧嵩等 撰吉礼

皇帝正月上辛祈谷于圜丘

斋戒 陈设

省牲器 銮驾出宫

荐玉帛 进熟

銮驾还宫

斋戒

前祀七日平明太尉誓衆官于尚书省曰正月某日祀昊天上帝于圜丘各扬其职不供其事国有常刑皇帝散斋四日于别殿致斋三日二日于太极殿一日于行宫前致斋一日尚舍奉御设御幄於太极殿西序及室内俱东向尚舍直长张帷于前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各督其队入陈于殿庭如常仪通事舍人引文武五品已上袴褶陪位如式诸侍卫之官各服其器服诸侍卫臣并结佩俱诣阁奉迎上水二刻侍中版奏外办上水三刻皇帝服通天冠绛纱袍结佩乘舆出自西房曲直华盖警蹕侍卫如常仪皇帝即御座东面坐侍臣夹侍如常一刻顷侍中前跪奏称侍中臣某言请降就斋室俛伏兴还侍位皇帝降座入室文武侍臣各还省直卫者如常通事舍人引陪位者以次出凡预祀之官散斋四日致斋三日【散斋皆于正寝致斋二日于本司一日于祀所其无本司者则二日于郊社署】近侍之官应从升者及从祀羣官诸方客使各于祀所清斋一宿【无本司者各于正寝】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉禁其祀官已斋而阙者通摄行事诸祀官致斋之日给酒食及明衣各习礼于斋所光禄卿监取明水火【太官令取水于陰鉴取火于阳燧火以供爨水以实尊】前祀二日太尉告高祖神尧皇帝庙如常告之仪【告以配神作主】前祀一日诸卫令其属未後一刻各以其方器服守卫墻门【每门二人每隅一人】与太乐工人俱清斋一宿

陈设

前祀三日尚舍直长施大次于外墻东门之内道北南向尚舍奉御铺御座守宫设文武侍臣次于大次之前文官在左武官在右俱南向设诸从祀官次于东墻之外道南从祀文官九

品已上於祀官之东东方南方朝集使于文官之东东方南方蕃客又于其东俱重行每等异位北向西上鄯公介公于西壇之外道南武官九品已上于鄯公介公之西西方北方朝集使于武官之西西方北方蕃客又于其西俱重行每等异位北向东上【其褒圣侯若在于文官三品之下诸州使人分方各于朝集使之後】陈设饌幔于内壇东门之外道南北向前祀二日太乐令设宫悬之乐于坛場南内壇之内东方西方磬簋起北钟簋次之南方北方磬簋起西钟簋次之设十二鐃钟于编悬之间各依辰位树雷鼓于北悬之内道之左右植建鼓于四隅置祝斂于悬内祝在左斂在右设歌钟歌磬于坛上近南北向磬在西钟在东其匏竹者立於坛下重行北向相对为首【凡悬皆展而编之】诸工人各位於悬後东方西方以北爲上南方北方以西爲上右校扫除坛之内外郊社令积柴於燎坛【其坛於乐悬之南外壇之内】方一丈高一丈二尺开上南出户方六尺前祀一日奉礼设御位於坛下之东南西向设望燎位於柴坛之北南向设祀官公卿位於内壇东门之内道南执事者位於其後每等异位重行西向北上设御史位於坛下一位於东南西向一位於西南东向设奉礼位於乐悬之东北贊者二人在南差退俱西向又设奉礼贊者位於燎坛东北西向皆北上设协律郎位於坛上南陛之西东向设太乐令位於北悬之间当坛北向设从祀之官位文官九品已上於执事之南东方南方朝集使於文官之南东方南方蕃客又於其南俱每等异位重行西面北上鄯公介公位於内壇西门之内道南武官九品以上於鄯公介公之南西方北方朝集使於武官之南西方北方蕃客又於其南俱每等异位重行东面北上【其褒圣侯於文官三品之下诸州使人分方各位於朝集使之後】又设祀官及从祀羣官等门外位於东西壇门之外道南皆如设次之式设牲腍於东壇之外当门西向苍牲一居前南上又青牲一赤牲一黄牲一白牲一玄牲一又苍牲一皆少退设廩牺令位於牲西南祝史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北又设御史位於太常卿之西俱南向设酒尊之位上帝太尊二着尊二牺尊二山罍二在坛上东南隅北向象尊二壶尊二山罍四在坛下南陛之东北向俱西上设配帝着尊二牺尊二象尊二山罍二在坛上在上帝酒尊之东北向西上五方帝各太尊二着尊二牺尊二山罍二在第一等神坐之左而右向【尊皆加勺罍有坩以置爵】设御洗於午陛东南亚献终献之洗於卯陛之南俱北向罍水在洗东筐在洗西南肆【筐实以巾爵】执尊罍筐罍者各位於尊罍筐罍之後设玉帛筐於坛上尊坩之所祀日未明午刻太史令郊社令各服其服升设昊天上帝神坐於坛上北方南向席以藁秸设高祖神尧皇帝神坐於东方西向席以莞设青帝於东陛之北赤帝於南陛之东黄帝於南陛之西白帝於西陛之南黑帝於北陛之西席皆以藁秸设神位各於坐首

省牲器

省牲之日午後十刻去坛二百步所诸卫之属禁断行人晡後二刻郊社令帅府史二人及斋郎以尊坩罍洗筐入设於位【升坛者自东陛】晡後三刻谒者赞引各引祀官公卿以下俱就东壇门外位诸太祝与廩牺令以牲就腍位谒者【弓】太常卿赞引引御史入诣坛东陛升视涤濯【凡引导者每曲一逡巡视濯执尊者皆举罍告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牖还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎镬申视濯溉赞引引御史就省饌具【太常卿以下每事讫各还斋所】祀日未明十

五刻太官令帅率人以鸾刀割牲祝史以豆取毛血各置於饌所遂烹牲

銮驾出宫

前出宫三日本司宣摄内外各供其职尚舍设行宫於坛东南向随地之宜守宫设从祀官五品以上次於承天门外东西朝堂如常仪前二日太乐令设宫悬之乐於殿庭如常仪【驾出悬而不作】其日昼漏上水五刻銮驾发引发引前七刻槌一鼓为一严【三严时节前一日侍中奏裁】侍中奏开宫殿门及城门未明五刻槌二鼓为再严侍中版奏请中严奉礼郎设从祀羣官五品以上位文官於东朝堂之前西向武官於西朝堂之前东向俱重行北上从祀羣官五以上依时刻俱集朝堂次各服其服【其六品以下介公鄴公褒圣侯朝集使诸方客使等并驾出之日便赴祀所】所司陈大驾卤簿前二刻槌三鼓爲三严诸卫之属各督其队与鉞戟以次入陈於殿庭谒者引从祀羣官各就朝堂前位诸侍卫之官各服其器服侍中中书令以下俱诣西阶奉迎【侍中负宝如式】乘黄令进玉辂於太极殿西阶之前南向千牛卫将军一人执长刀立於前北向黄门侍郎一人在侍臣之前赞者二人又在黄门侍郎之前侍中版奏外办太仆卿备衣而升正立执轡皇帝斋服乘輿以出降自西陛称警蹕如常仪千牛将军前执轡皇帝升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾进发俛伏兴退复位【凡黄门侍郎奏请进銮驾前跪奏称某官臣某言讫俛伏兴】銮驾动又称警蹕黄门侍郎与赞者夹引以出千牛将军夹辂而趋驾出承天门至侍臣上马所黄门侍郎奏称请銮驾权停勒侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从在黄钺内侍中中书令以下夹侍於辂前赞者在供奉官人内侍臣上马毕黄门侍郎奏称请勒车右升侍中前承制退称制曰可黄门侍郎退复位千牛将军升讫黄门侍郎奏称请銮驾进发复位銮驾动称警蹕鼓传音如常不鸣鼓吹不得諠譁其从祀之官在玄武队後如常仪驾将至诸祀官俱朝服结佩谒者引立於次前重行北面西上驾至行宫南门外回辂南向将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂乘輿入行宫繖扇华盖侍卫警蹕如常仪宿卫如式通事舍人各引从祀文武羣官五品以上集行宫朝堂前文左武右通事舍人承旨勅羣官等各还次

荐玉帛

祀日未明三刻诸祀官及从祀之官各服其服郊社令良醢令各帅其属入实罇罍及玉帛【凡六罇之次太罇为上实以泛齐着罇次之实以醴齐牺尊次之实以盎齐象尊次之实以醢齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐五方帝太尊为上实以泛齐着尊次之实以醴齐牺罇次之实以盎齐山罍爲下实以清酒五齐之上尊皆实以清酒礼神之王昊天上帝以四圭有邸青帝以青珪赤帝以赤璋黄帝以黄琮白帝以珽虞黑帝以玄璜上帝配帝之币各以苍五方帝之币并效其方色各长一丈八尺】太祝以玉帛置於筐太官令帅进饌者实诸笾豆簋簠等皆设於饌幔内未明二刻奉礼帅赞者先入就位赞引引御史博士郊社令诸太祝及令史祝史与执罇罍

籩罍者入自东门当坛南重行北面西上立定奉礼曰再拜赞者承传【凡奉礼有司赞者皆承传】御史以下皆再拜讫执罍籩罍者各就位赞引引御史诸太祝诣坛东陞升行扫除於上令史祝史行扫除於下讫各引复位未明一刻谒者赞引各引祀官及从祀羣官客使等俱就门外位太乐令帅工人二舞次入就位文舞入陈於悬内武舞立於悬南道西【其升坛者皆脱履於下降纳如常】谒者引司空入就位立定奉礼曰再拜司空再拜讫谒者引司空诣坛东陞升行扫除於上降行乐悬於下讫引各引祀官通事舍人分引从祀羣官客使等次入就位初未明三刻诸卫列大驾仗卫陈设如式侍中版奏请中严乘黄令进玉辂於行宫南门外回路南向【若行宫去坛稍远严警如式】未明一刻侍中版奏外办质明皇帝服衮冕乘舆以出繖扇华盖侍卫如常仪【侍中负宝陪从如式】皇帝升辂如初黄门侍郎奏请銮驾进发还侍位銮驾动称警蹕如常千牛将军夹辂而趋【若行宫去坛远奏升辂如式】驾至大次门外回辂南向侍中进当銮驾前跪奏称侍中臣某言请降辂俛伏兴还侍位皇帝降辂乘舆之大次繖扇华盖侍卫如常仪郊社令以祝版进御署讫近臣奉出郊社令受各奠於坛皇帝停大次半刻顷通事舍人各引从祀文武羣官介公酈公诸方客使皆先入就位太常博士引太常卿立於大次门外当门北向侍中版奏外办皇帝出次华盖侍卫如常仪博士引太常卿太常卿引皇帝【凡太常卿前导皆博士先引】至内壝门外殿中监进大珪尚衣奉御又以镇圭授殿中监殿中监受进皇帝搢大珪执镇圭华盖仗卫停於门外礼部尚书近侍者从入如常皇帝至版位西向立【每立定太常卿与博士退立於左】太常卿前奏称请再拜退复位皇帝再拜奉礼曰衆官再拜衆官在位皆再拜【其先拜者不拜】太常卿前奏有司谨具请行事退复位协律郎跪俛伏兴举【凡取物者皆跪俛伏而取以兴奠物则奠讫俛伏而後兴也】鼓祝奏豫和之乐乃以圜钟为宫黄钟为角太簇为徵姑洗为羽作文舞之乐舞六成【圜钟三奏黄钟太簇姑洗各一奏】偃麾戛敔乐止【凡乐皆协律郎举麾工鼓祝而後作偃麾戛敔而後止】太常卿前奏请再拜退复位皇帝再拜奉礼曰衆官再拜衆官在位者皆再拜诸太祝取玉币於籩各立於尊所太常卿引皇帝太和之乐作【皇帝每行皆作太和之乐】皇帝诣坛升自南陞侍中中书令以下及左右侍卫量人从升【以下皆如之】皇帝升坛北向立乐止太祝以玉币授侍中侍中奉玉币东向进皇帝搢镇圭受玉币【凡受物皆搢镇圭奠讫执镇圭俛伏兴】登歌作肃和之乐以大吕之均太常卿引皇帝进北面跪奠於昊天上帝神坐俛伏兴太常卿引皇帝少退北向再拜讫太常卿引立於西方东向配坐太祝以币授侍中侍中奉币北向进皇帝受币太常卿引皇帝进东向跪奠於高祖神尧皇帝神坐前讫俛伏兴太常卿引皇帝少退东向再拜讫登歌乐止太常卿引皇帝乐作皇帝降自南陞还版位西向立乐止初皇帝将奠配帝之币谒者五人各引分献官奉玉币跪奠於五方上帝之坐讫还复位初衆官拜讫祝史各奉毛血之豆立於门外於登歌止祝史奉毛血入各由其陞升诸太祝迎取於坛上俱进奠於神坐前诸太祝与祝史退立於罍所

进熟

皇帝既升奠玉币太官令出帅进饌者奉饌陈于内壝门外谒者引司徒出诣饌所司徒奉昊天上帝之俎初皇帝既至位乐止太官令各引饌入俎初入门奏雍和之乐以黄钟之均【自後接神之乐皆奏黄钟】饌至陞乐止祝史俱进彻毛血之豆降自东陞以出【上帝之饌升自午陞配帝之饌升自卯陞青帝之饌升自寅陞赤帝之饌升自己陞黄帝之饌升自未陞

白帝之饌升自西陛黑帝之饌升自子陛】诸太祝迎引饌于坛上各设于神坐前【筮豆盖冪先彻乃升之簋簠既奠却其盖于下】设讫谒者引司徒太官令帅进饌者俱降自东陛以出司徒复位诸太祝各还尊所初坛上设饌讫太常卿引皇帝诣盥洗乐作皇帝至盥洗乐止侍中跪取兴沃水又侍中跪取盘兴承水皇帝盥手黄门侍郎跪取巾于筐兴进皇帝脱手讫黄门侍郎受巾跪奠于筐黄门侍郎又取匏爵于筐兴进皇帝受爵侍中酌盥水又侍中奉盘皇帝洗爵黄门侍郎又授巾皆如初皇帝拭爵讫侍中奠盘黄门侍郎受巾奠于筐皆如常太常卿引皇帝乐作皇帝诣坛升自南陛讫乐止谒者引司徒升自东陛立于尊所斋郎奉俎从升立于司徒之後太常卿引皇帝诣上帝酒尊所执尊者举冪侍中赞酌泛斋讫壽和之乐作【皇帝每酌献及饮福皆作壽和之乐】太常卿引皇帝进天帝神坐前北向跪奠爵俛伏兴太常卿引皇帝少退北向立乐止太祝持版进于神坐之右东向跪读祝文曰维某年岁次月朔日子嗣天子臣某敢昭告于昊天上帝惟神化育羣生财成庶品云雨作施普博无私爰因后蟄式祈农事敬以玉帛牺齐粢盛庶品祗事禋祀高祖神尧皇帝配神作主尚飨讫兴皇帝再拜初读祝文讫乐作太祝进跪奠版于神坐兴还尊所皇帝拜讫乐止太常卿引皇帝诣配帝酒罇所执尊者举冪侍中取爵于坫进皇帝受爵侍中赞酌泛齐讫乐作太常卿引皇帝进高祖神尧皇帝神坐前东向跪奠爵俛伏兴太常卿引皇帝少退东向立乐止谒者五人各引五方上帝太祝皆取匏爵于坫酌泛齐各进奠于其神座前讫还尊所配帝太祝持版进於神座之左北面跪读祝文曰维某年岁次月朔日子孝曾孙开元神武皇帝臣某敢昭告于高祖神尧皇帝时惟孟春敬祈嘉谷用致禋祀于昊天上帝惟高祖叡哲徇齐钦明昭格登配之礼肃奉旧章谨以制币牺齐粢盛庶品吉蠲明荐侑神作主尚飨讫兴皇帝再拜初读祝文讫乐作太祝进跪奠版于神座兴还尊所皇帝再拜讫乐止太常卿引皇帝进天帝神座前北向立乐作太祝各以爵酌上尊福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉【皆取前脚第二骨】加于俎以胙肉共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受虚爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝舒和之乐作出讫戛敌乐止武舞入鼓祝舒和之乐作立定戛敌乐止初皇帝将复位谒者引太尉诣盥洗盥手洗匏爵讫谒者引太尉自东陛升坛诣天帝着尊所执尊者举冪太尉酌醴齐武舞作谒者引太尉进天帝神坐前北向跪奠爵兴谒者引太尉少退北向再拜讫谒者引太尉诣配帝牺尊所取爵于坫执尊者举冪太尉酌醴齐谒者引太尉进高祖神座前东向跪奠爵兴谒者引太尉少退东向再拜五方上帝之祝亦各取爵于坫酌醴齐讫俱进奠于其神坐前讫还尊所谒者引太尉进天帝神座前北向立太祝各以爵酌盥福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受虚爵复于坫太尉兴再拜讫谒者引太尉降复位初太尉献将毕谒者引光禄卿诣盥洗盥手洗匏爵升酌盎齐献正坐配坐五帝之祝亦各酌献终献如亚献之仪讫谒者引光禄卿降复位武舞止诸太祝各进跪彻豆兴还尊所【彻者筮豆各一少移于故处】奉礼曰赐胙赞者唱衆官再拜衆官在位者皆再拜【已饮福者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止于羣官将拜上下诸祝各执筐进神坐前取玉币祝版斋郎以俎载牲体稷黍饭及爵酒各由其陛坛南行经柴坛西过坛东行自南陛登柴坛以玉币祝版饌物置于柴上户内奉

礼曰可燎东西面各六人以炬燎火半柴太常卿前奏礼毕太常卿引皇帝还大次乐作皇帝出内墀门殿中监前受镇珪以授尚衣奉御殿中监又前受大珪华盖侍卫如常仪皇帝入次乐止谒者赞引各引祀官通事舍人分引从祀羣官诸方客使以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出

銮驾还宫

皇帝既还大次侍中版奏请解严【将士不得辄离部位】皇帝停大次一刻顷搥一鼓为一严转仗卫於还涂如来仪三刻顷搥二鼓为再严将士布队仗侍中版奏请中严皇帝服通天冠绛纱袍诸祀官服朝服五刻顷搥三鼓为三严谒者赞引各引羣官客使序立于大次之前近南文武侍臣诣大次奉迎乘黄令进金辂于大次门外南向千牛将军立于辂右侍中版奏外办太仆卿升执轡皇帝乘舆出次繖扇侍卫警蹕如常仪皇帝升辂太仆卿立授绥黄门侍郎奏称请銮驾进发退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛卫将军升讫黄门侍郎奏称请銮驾进发复位鼓传音銮驾动鼓吹振作而还文武羣官皆从如来仪诸方客使便还馆驾至承天门外侍臣下马所銮驾权停文武侍臣皆下马千牛将军降立于辂右讫銮驾动千牛将军夹辂而趋驾入嘉德门太乐令令撞蕤宾之钟左右五钟皆应鼓祝奏采茨之乐至太极门戛敌乐止入太极门鼓祝奏太和之乐驾至横街北当东上阁迴辂南向侍中进当銮驾前跪奏称侍中臣某言请降辂俛伏兴还侍位皇帝降辂乘舆以入繖扇侍卫警蹕如常仪侍臣从至阁戛敌乐止初文武羣官至东朝堂通事舍人承旨勅羣官并还皇帝既入侍中版奏请解严叩钲将士各还其所

大唐开元礼卷六

卷七

钦定四库全书

大唐开元礼卷七 唐 萧嵩等 撰吉礼

正月祈谷于圜丘有司摄事

斋戒 陈设

省牲器 荐玉帛

进熟

斋戒

前祀七日平明太尉誓百官于尚书省曰正月某日祈谷祀昊天上帝于圜丘各扬其职不供其事国有常刑凡预祀之官散斋四日致斋三日【散斋皆于正寝致斋二日于本司一日于祀所其无本司者则二日于郊社署】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉禁其祀官已斋而阙者通摄行事诸祀官致斋之日给酒食及明衣各习礼于斋所光禄卿监取明水火【大官令取水于阴鉴取火于阳燧火以供爨水以实尊】前祀二日太尉告高祖神尧皇帝庙如常告之仪【告以配神作主】前祀一日诸卫令其属未後一刻各以其方器服守卫圜门【每门二人每隅一人】与太乐工人俱清斋一宿

陈设

前祀三日守宫设祀官公卿以下次于东墀之外道南北向以西为上设陈饌幔于内墀东门之外道南北向前祀二日太乐令设宫悬之乐于坛南内墀之内东方西方磬簠起北钟簠次之南方北方磬簠起西钟簠次之设十二鐃钟于编悬之间各依辰位树雷鼓于北悬之内道之左右植建鼓于四隅置祝斂于悬内祝在左斂在右设歌钟歌磬于坛上近南北向磬簠在西钟簠在东其匏竹者立于坛下重行北向相对为首【凡悬皆展而编之】诸工人各位于悬後东方西方以北为上南方北方以西为上右校扫除坛之内外郊社令积柴于燎坛【其坛于乐悬之南方外墀之内】方一丈高一丈二尺开上南出户方六尺前祀一日奉礼郎设祀官公卿位于内墀东门之内道北执事位於道南每等异位俱重行西面北上设御史位於坛下一位於东南西向一位於西南东向设奉礼位於乐悬东北赞者二人在南差退俱西向又设奉礼赞者位於燎坛东北西向皆北上设协律郎位於坛上南陛之西东向设太乐令位於北悬当坛之间北向设祀官公卿以下门外位皆於东墀之外道南每等异位重行北面西上设牲牓位於东墀之外当门西向苍牲一居前又青牲一赤牲一黄牲一白牲一元牲一

居後又蒼牲一在北少退設廩牺令位於牲西南祝史陪其後俱北向設諸太祝位於牲東各當牲後祝史陪其後俱西向設太常卿省牲位於牲前近北又設御史位於太常卿之西俱南向設酒尊之位上帝太尊二着尊二牺尊二壺尊二山罍二在壇上東南隅北向象尊二山罍二在壇下南陛之東北向俱西上設配帝着尊二牺尊二象樽二山罍二在壇上於上帝酒尊之東北向西上五方上帝各太尊二着尊二牺尊二山罍二在第一等神坐之左而右向【尊皆加勺罍有坫以置爵】設洗於壇東南北向罍水在洗東篚在洗西南肆【篚實以巾爵】執尊罍篚罍者各於尊罍篚罍之後設玉帛篚於壇上下尊坫之所祀日未明五刻太史令郊社令設昊天上帝神坐於壇上北方南向席以藁秸設高祖神尧皇帝神坐於東方西向席以莞設青帝神坐於東陛之北赤帝於南陛之東黃帝於南陛之西白帝於西陛之南黑帝於北陛之西席皆以藁秸設神位各於坐首

省牲器

省牲之日午後十刻去壇二百步所諸衛之屬禁斷行人晡後二刻郊社令帥府史二人及齋郎以尊坫罍洗篚罍入設於位【升壇者自東陛】晡後三刻諸太祝與廩牺令以牲就腍位謁者引太常卿贊引引御史入詣壇東陛升視淥【凡導引者每曲一逡巡於視濯執尊者皆舉罍告洁】訖引降就省牲位南向立廩牺令少前曰請省牲退復位太常卿省牲廩牺令又前北面举手曰牖還本位諸太祝各循牲一匝西向举手曰充俱還本位諸太祝引廩牺令以次牽牲詣厨授太官謁者引光祿卿詣厨省鼎鑊申視漑濯贊引引御史詣厨省饌具【太常卿以下每事訖各還齋所】祀日未明十五刻太官令帥宰人以鸾刀割牲祝史以豆取毛血各置於饌所遂烹牲

荐玉帛

祀日未明三刻諸祀官各服其服郊社令良醞令各帥其屬入實尊罍及玉帛【凡六尊之次太尊為上實以泛齊着尊次之實以醴齊牺尊次之實以盎齊象尊次之實以醢齊壺尊次之實以沈齊山罍為下實以清酒配帝着尊為上實以泛齊牺尊次之實以醴齊象尊次之實以盎齊山罍為下實以清酒五方上帝太尊為上實以泛齊着尊次之實以醴齊牺尊次之實以盎齊山罍為下實以清酒齊皆加明水酒皆加玄酒各實于上尊禮神之玉昊天上帝以四圭有邸青帝以青珪赤帝以赤璋黃帝以黃琮白帝以白琥黑帝以元璜天帝配帝之帛各以蒼五方上帝之帛各效其方色凡帛一丈有八尺】太祝以玉帛置於篚太官令帥進饌者實諸筵豆簋簠皆設於饌幔內未明二刻奉禮帥贊者先入就位贊引引御史博士諸太祝史令史祝及與執尊罍篚罍者入自東門當壇南重行北面西上立定奉禮曰再拜贊者承傳【凡奉禮有詞贊者皆承傳】御史以下皆再拜訖執尊罍篚罍者各就位贊引引御史諸太祝詣壇東陛升行掃除於下訖引降就位未明一刻謁者贊引各引祀官俱就門外位太樂令帥工人二舞次入就位文舞入陳於懸內武舞立於懸南道西【其升壇者皆脫履於下降納如常】謁者引司空入就位立定奉禮曰再拜司空再拜訖謁者引司空詣壇東陛升行掃除于上降行樂懸于下訖引復位初司空行樂懸謁者贊引各引祀官次入就位立定奉禮曰衆官再拜衆官在位者皆再拜【其先拜者不拜】謁者進太尉之左白有司謹具請行事退復位協

律郎跪俛伏举麾【凡取物者皆跪俛伏而取以兴奠物则奠讫俛伏而後兴也】鼓祝奏豫和之乐乃以圜钟为宫黄钟为角太簇爲徵姑洗爲羽作文舞之舞乐舞六成【圜钟三奏黄钟太簇姑洗各一奏】偃麾戛敔乐止【凡乐皆协律郎举麾工鼓祝而後作偃麾戛敔而後止】奉礼曰衆官再拜衆官在位者皆再拜太祝取玉帛於筐立於尊所谒者引太尉诣南陛升坛北向立太祝以玉东向授太尉太尉受玉登歌作肃和之乐以大吕之均谒者引太尉进北面跪奠於天帝神坐兴谒者引太尉少退北面再拜谒者引太尉西面立太祝以币授太尉太尉奉币东向跪奠于配帝神坐前俛伏兴再拜讫登歌止初太尉将奠币谒者五人分引五方上帝之太祝各奉玉帛奠于其神坐前讫还复位谒者引太尉降自南陛还本位初衆官拜讫祝史奉毛血之豆立于门外于登歌止祝史奉毛血入各由其陛升诸太祝迎取于坛上俱进奠于神坐前诸太祝与祝史退立於罍所

进熟

太尉既升奠玉帛太官令帅进饌者奉饌陈于内壝门外谒者引司徒出诣饌所司徒奉天帝之俎诸太祝既奠毛血太祝官令引饌入俎初入门奏雍和之乐【自後酌献皆奏雍和之乐】以黄钟之均【自後坛下之乐皆奏黄钟】饌各至陛乐止祝史俱进跪彻毛血之豆降自东陛以出上帝之饌升自午陛配帝之饌升自卯陛五方上帝之饌各由其陛诸太祝迎引于坛上各设于神坐前【笾豆盖罍先彻乃升簋簠既奠却其盖于下】设讫谒者引司徒太官令帅进饌者俱降自东陛以出司徒复位诸太祝各还尊所谒者引太尉诣罍洗盥手洗匏爵讫谒者引太尉升自南陛诣天帝酒尊所执尊者举罍太尉酌泛齐讫乐作谒者引太尉进天帝神坐前北面跪奠爵兴谒者引太尉少退北面立乐止太祝持版进于神坐之右东面跪读祝文曰维某年岁月朔日子嗣天子臣某谨遣太尉臣名敢昭告于昊天上帝惟神化育羣生财成庶品云雨作施普博无私爰因启蛰式祈农事敬以玉帛牺齐粢盛庶品备兹禋祀祗荐洁诚高祖神尧皇帝配神作主尚飨讫兴太尉再拜初读祝文讫乐作太祝进跪奠版于神座兴还尊所太尉再拜讫乐止谒者引太尉诣配帝酒尊所取爵于坫执尊者举罍太尉酌泛齐讫乐作谒者引太尉进高祖神尧皇帝神坐前东向跪奠兴谒者引太尉少退东向立乐止谒者五人各引五方上帝太祝就罍洗盥手取匏爵于坫酌泛齐各进奠于其神坐前讫还尊所配帝太祝持版进于神坐之左北面跪读祝文曰维某年岁次月朔日子孝曾孙开元神武皇帝臣某谨遣太尉封臣名敢昭告于高祖神尧皇帝时惟孟春敬祈嘉谷用致禋祀于昊天上帝惟高祖叡哲徇齐钦明昭格登配之礼肃奉旧章谨以制币牺齐粢盛庶品吉蠲明荐侑神作主尚飨兴太尉再拜初读祝文讫乐作太祝进跪奠版于神坐兴还尊所太尉拜讫乐止谒者引太尉进天帝神坐前北向立太祝各以爵酌罍福酒合置一爵一太祝持爵进太尉之右西向立太尉再拜受受跪祭酒啐酒奠爵俛伏兴太祝各帅斋郎进俎太祝减神前胙肉【皆取前脚第二骨】加于俎以胙肉共置一俎上太祝持俎西向授太尉太尉受以授斋郎太尉跪取爵遂卒爵太祝进受虚爵复于坫太尉俛伏兴再拜谒者引太尉降复位文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止初太尉将复位谒者引太常卿诣罍洗盥手洗匏爵讫谒者引太常卿自东陛升坛诣天帝着尊所执尊者举罍太常卿酌醴齐武舞作谒者引太常卿进天帝神坐前北面跪奠爵兴谒者引太常卿少退北面再拜讫谒者引太常卿诣配帝牺尊所取爵于坫执爵者举罍太常卿酌醴齐谒者引太常卿进

高祖神尧皇帝神坐前东向跪奠兴谒者引太常卿少退东向再拜讫谒者五人引五方上帝之太祝各诣酒尊所酌醴齐讫俱进奠于神坐讫还尊所谒者引太常卿进天帝神座前北向立太祝各以爵酌鬯福酒合置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受虚爵复于坵太常卿兴再拜谒者引太常卿降复位初太常卿献将毕谒者引光禄卿诣鬯洗盥手洗匏爵升酌盎齐献正坐配坐及五方上帝终献如亚献之仪讫谒者引光禄卿降复位武舞六成乐止诸太祝各进跪彻豆兴还尊所【彻者筯豆各一少移于故处】奉礼曰赐胙赞者唱曰衆官再拜衆官在位者皆再拜【已饮福受胙者不拜】豫和之乐作奉礼曰衆官再拜衆官在位者皆再拜乐一成止谒者进太尉之左白请就望燎位谒者引太尉就望燎位南向立于衆官将拜诸祝史各执筐进神坐取玉币祝版斋郎以俎载牲体黍稷饭爵酒各由其陛降坛南行经悬内当柴坛南东行自南陛登柴坛以玉币祝版饌物置于柴上户内奉礼曰可燎东西面各六人以炬燎火半柴谒者进太尉之左白礼毕谒者引太尉出又谒者赞引各引祀官以次出赞引引御史太祝以下复就执事位立定奉礼曰再拜御史以下俱再拜赞引引出工人二舞以次出

大唐开元礼卷七

卷八

<史部,政书类,仪制之属,大唐开元礼>

钦定四库全书

大唐开元礼卷八 唐 萧嵩等 撰吉礼

皇帝孟夏雩祀于圜丘

斋戒 陈设

省牲器 銮驾出宫

奠玉帛 进熟

銮驾还宫

斋戒

将祀有司卜日如别仪前祀七日平明太尉誓百官于尚书省曰某月某日雩祀昊天上帝于圜丘各扬其职不供其事国有常刑皇帝散斋四日致斋三日如冬至之仪凡预祀之官散斋四日致斋三日【散斋正寝致斋二日于本司一日于祀所其无本司者皆于祀所】近侍之官应从升者及从祀之羣官诸方各使于本司及公馆清斋一宿【无本司者各于正寝】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事光禄卿监取明水火【太官令取水于阴鉴取火于阳燧火以供爨水以注玄酒之尊】前祀二日太尉告太宗文武圣皇帝庙如常告之仪【告以配神作主之意】前祀一日诸卫令其属未後一刻各以其方器服守卫圜门与太乐工人俱清斋一宿

陈设

前祀三日尚舍直长施大次于外圜东门之内道北南向尚舍奉御铺御座卫尉陈饌幔于内圜东门之外道南北向设文武侍臣次于大次之後又设祀官及从祀羣官诸州使人蕃客等次如式前祀二日太乐令设宫悬之乐于坛南内圜之内设歌钟歌磬右校扫除坛之内外郊社令积柴于燎坛【其坛于神坛之左内圜之外】方一丈高一丈二尺开上南出户方六尺前祀一日奉礼设御位及望燎位祀官及从祀羣官诸州使人诸蕃客等位并于圜内皆如圜丘之仪设牲牷于东圜之外当门西向苍牲一居前青牲一少退又青牲二赤牲二黄牲二白牲二玄牲二皆南上设廩牺令位于牲西南史陪其後俱北面设诸太祝位于牲东各当牲

後祝史陪其後俱西向设太常卿省牲位於牲前近北南向设天帝酒尊于坛之上下天帝太樽二着尊二牺尊二山罍二在坛上於东南隅北向象尊二壶尊二山罍二在坛下南阶之东北向俱西上设配帝着尊二牺尊二象尊二山罍二在坛上於天帝酒尊之东北西向上五方帝各太樽二牺尊二山罍一在第一等五帝各牺尊二在第二等五官各象尊二在坛下皆于神坐之左而右向【尊皆加勺罍五帝已上之尊皆有坫以置五官之尊俱藉以席置爵于尊下】设御洗于坛南陛东南亚献之洗又于东南俱北向罍水在洗东篚在洗西南肆【篚实以巾爵】设五官罍洗篚罍于酒尊之西俱北向执尊罍篚罍者各于尊罍篚罍之後各设玉币之篚於坛之上下尊坫之所祀日未明五刻太史令郊社令升设昊天上帝神坐于坛上之中央南向席以藁秸设太宗文武圣皇帝神坐于东方西向席以莞设五方帝之坐于第一等青帝于东陛之北赤帝于南陛之东黄帝于南陛之西白帝于西陛之南黑帝于北陛之西皆莞席以藁秸又设五帝之坐于第二等如五方帝之陛位又设五官之坐於坛下之东南西向北上皆席以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻郊社令丞帅府史三人及斋郎以尊坫罍洗篚罍入设于位晡後三刻诸太祝与廩牺令以牲就腍位谒者引太常卿赞引引御史入诣坛东陛升视涤濯【凡导引者每曲一逡巡于视濯执尊者皆举罍告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰胙还本位诸太祝各巡牲一匝西面举手曰充俱还本位诸太祝与廩牺令以次牵牲诣厨授太官令谒者引光禄卿诣厨省鼎镬申视濯溉赞引引御史诣厨省饌具祀日未明十五刻太官令帅宰人以鸾刀割牲祝史以豆取毛血各置於饌所遂烹牲

銮驾出宫如圜丘之仪

奠玉帛

祀日未明三刻诸祀官各服其服郊社令良醢令各帅其属入实尊罍玉币【凡六尊之次大尊为上实以泛齐着尊次之实以醴齐牺尊次之实以盎齐象尊次之实以醢齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒五方帝之太尊实以泛齐牺尊实以醴齐山罍实以盎齐五帝之牺尊实以醴齐五官之象尊实以沈齐元酒皆实于五帝之上尊礼神之玉昊天上帝以四珪有邸青帝以青珪赤帝以赤璋黄帝以黄琮白帝以白琥黑帝以玄璜天帝配帝之币皆以苍五方帝五帝各於其方色凡币皆长一丈有八尺】太官令帅进饌者实诸筯豆簋簠入设于内壝门东之外饌幔内未明二刻奉礼帅赞者先入就位赞引引御史博士诣太祝及令史祝史与执尊罍篚罍者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊罍篚罍者各就位赞引引御史诸太祝诣坛东陛升行扫除於上令史祝史行扫除於下讫皆就位驾将至谒者赞引各引祀官通事舍人分引从祀羣官诸方客使先至者俱就门外位驾至大次门外回轂南向将军降立於轂左侍中进

当銮驾前跪奏称侍中臣某言请降辂俛伏兴还侍位皇帝降辂之大次通事舍人引文武五品以上从祀之官皆就壇外位奉礼郎帅赞者先入就位赞引御史以下入就位太乐令帅工人二舞次入就位文舞入陈於悬内武舞立於悬南道西谒者引司空入行扫除讫出复位皇帝停大次半刻顷通事舍人各引从祀文武羣官介公鄴公诸方客使皆先入就位太常博士引太常卿立於大次门外当门北向侍中版奏外办皇帝服衮冕出次华盖侍卫如常仪【侍中负宝陪从如式】博士引太常卿太常卿引皇帝【凡太常前导皆博士先引】至内壇门外殿中盐进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停于门外近侍者从入如常谒者引礼部尚书太常少卿陪从如常皇帝至版位西向立【每立定太常卿与博士退立于左】谒者赞引各引祀官次入就位立定太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏举麾【凡取物者跪俛?而取以兴奠物则奠讫俛?而後兴】鼓祝奏豫和之乐乃以黄钟之均作文舞之舞乐舞六成偃麾戛敔乐止【凡乐皆协律郎举麾鼓祝而後作偃麾戛敔而後止】太常卿前奏称请再拜退复位皇帝再拜奉礼曰衆官再拜衆官在位者皆再拜太常卿引皇帝太和之乐作【皇帝每行皆作太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立乐止太祝加玉於币以授侍中侍中奉玉帛东向进皇帝搢镇珪受玉帛【凡受物皆搢镇珪奠讫执珪俛伏兴】登歌作肃和之乐乃以大吕之均太常卿引皇帝进北面跪奠于昊天上帝神坐俛伏兴太常卿引皇帝立于南方北向皇帝再拜讫太祝又以配帝之币授侍中侍中奉币北向进皇帝进东向跪奠于太宗神坐前俛伏兴太常卿引皇帝立于西方东向再拜讫登歌止初皇帝将奠配帝之币五方帝之太祝皆取玉币于篚各进奠于其神坐前五帝之献官次取币先奠于太昊氏神坐前余坐斋郎助奠讫五官之献官亦取币先奠于勾芒氏神坐前余坐祝史助奠讫献官各复本位于登歌止太常卿引皇帝降自南陛还版位西向立初羣官拜讫祝史皆奉毛血之豆立于门外于登歌止祝史奉毛血之豆各由其陛升诸太祝迎取于坛上俱进奠于神坐前诸太祝与祝史退立于尊所

进熟

皇帝既升奠玉币太官令出帅进饌者奉饌陈于内壇门外谒者引司徒出诣饌所司徒奉天帝之俎皇帝既至位乐止太官令引饌入俎初入门雍和之乐作以黄钟之均饌至陛乐止祝史俱进彻毛血之豆降自东陛以出天帝之饌升自南陛配帝之饌升自东陛五方帝五帝之饌各由其陛升诸太祝迎引於坛上各进奠於神坐前【笾豆盖幕先彻乃升簠簋既奠皆却其盖於下】谒者引司徒太官令帅进饌者降自东陛以出司徒复位诸太祝各还尊所又进设五官之饌相次而毕初坛上设饌讫太常卿引皇帝诣盥洗乐作皇帝至位乐止侍中跪取匱兴沃水又侍中跪取盘兴承水皇帝盥手黄门侍郎跪取巾於篚兴进皇帝帨手讫黄门侍郎受巾跪奠於篚黄门侍郎又取匏爵于篚兴进皇帝受爵侍中酌盥水又侍中奉盘皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠于篚皆如常太常卿引皇帝乐作皇帝诣坛升自南陛乐止谒者引司徒升自东陛立於尊前斋郎奉俎从立于司徒之後太常卿引皇帝诣天帝酒尊所执尊者举罍侍中赞配泛齐讫寿和之乐作【皇帝每酌献及饮福皆作寿和之乐】太常卿引皇帝进昊天上帝神坐前北向跪奠爵俛伏兴

太常卿引皇帝立於南方北向乐止太祝持版进于神座之右西向跪读祝文曰维某年岁次月朔日子嗣天子臣某敢昭告于昊天上帝爰兹孟夏龙见纪辰方资长育式遵常礼敬以玉帛牺齐粢盛庶品恭致燔祀表其寅肃皇曾祖考太宗文武圣皇帝配神作主尚飨讫兴皇帝再拜初读祝文讫乐作太祝进跪奠版于神座兴还尊所皇帝拜讫乐止太常卿引皇帝诣配帝酒尊所执尊者举冪侍中取爵于坫进皇帝受爵侍中赞酌泛齐讫乐作太常卿引皇帝进太宗神坐前东向跪奠爵俛伏兴太常卿引皇帝立於西方东向五方帝之太祝各诣尊酌泛齐俱进奠於其神坐前讫乐止太祝持版进於神座之左北面跪读祝文曰维某年岁次月朔日子孝曾孙开元神武皇帝臣某敢昭告于曾祖考太宗文武圣皇帝时惟正阳式遵恒典用致禋祀于昊天上帝伏惟道叶乾元德施品物永言配命对越昭升谨以制币牺齐粢盛庶品致其明荐作主配神尚飨讫兴皇帝再拜初读祝文讫乐作太祝进跪奠版於神座兴还尊所皇帝拜讫乐止太常卿引皇帝南方北向立乐作诸太祝各以爵酌上尊福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉加之於俎以胙肉共置一俎上一太祝持俎以授司徒司徒奉俎西向进皇帝受以授左右谒者引司徒降还位皇帝跪取爵遂饮卒爵侍中进受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止皇帝献将毕谒者引太尉诣盥洗盥手洗匏爵讫谒者引太尉自东陛升坛诣天帝着尊所执尊者举冪太尉酌醴齐武舞作谒者引太尉进昊天上帝神坐前北向跪奠爵兴谒者引太尉立於南方北向再拜讫谒者引太尉诣配帝酒尊所取爵于坫执尊者举冪太尉酌醴齐谒者引太尉进太宗神座前东向跪奠爵兴谒者引太尉立於西方东向再拜讫五方帝之太祝亦各酌醴齐俱奠於其神坐前讫还尊所谒者引太尉进天帝神座前北向立诸太祝各以爵酌鬯福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉降复位初太尉献将毕谒者引光禄卿诣盥洗盥手洗匏爵升酌盎齐献正坐配坐及五方帝之坐终献如亚献之仪讫谒者引光禄卿降复位初太尉将升献赞引引五帝之献官诣盥洗盥手洗爵酌醴齐进奠于太昊氏神座前余坐皆斋郎助奠讫还本位五帝献将毕五献官诣盥洗爵酌醴齐进奠于勾芒氏神座前余坐皆祝史助奠讫献官还本位武舞六成乐止舞献俱毕上下诸祝各进彻豆还樽所【彻者筯豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜诸祝各执篚进神座前取玉帛祝版斋郎以俎载牲体稷黍饭爵酒各由其陛降坛南行经悬内当柴坛南东行自南陛登柴坛以玉帛祝版饌物置於柴上户内诸祝又以五官之礼币皆从燎奉礼曰可燎东西面各六人以炬燎火半柴太常卿前奏礼毕太常卿引皇帝还大次乐作皇帝出内壝门殿中监前受镇珪以授尚衣奉御殿中监又前受大圭华盖侍卫如常仪皇帝入次乐止谒者赞引各引祀官及从祀羣官诸方客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

銮驾还宫如圜丘之仪

大唐門元礼卷八

卷九

钦定四库全书

大唐开元礼卷九 唐 萧嵩等 撰吉礼

孟夏雩祀圜丘有司摄事

斋戒 陈设

省牲器 荐玉帛

进熟

斋戒

将祀有司卜日如前仪前祀七日平明太尉誓百官于尚书省曰某月某日雩祀昊天上帝于圜丘各扬其职不供其事国有常刑凡预祀之官散斋三日致斋三日【散斋皆于正寝致斋二日于本司一日于祀所其无本司者则于郊社署】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水于阴鑒取火于阳燧火以供?水以实尊】前祀二日太尉告太宗文武圣皇帝庙如常告之仪【告以配神作主之意】前祀一日诸卫令其属未後一刻各以其方器服守卫圜之门【每门二人每隅一人】与太乐工人俱清斋一宿

陈设

前祀三日守宫设祀官公卿以下次于东圜之外道南北向西上设陈饌慢于内圜东门之外道南北向前祀二日太乐令设宫悬之乐于坛南内圜之内东方西方磬簋起北钟簋次之南方北方磬簋起西钟簋次之设十二罇钟于编悬之间各依辰位树雷鼓于北悬之内道之左右植建鼓于四隅置祝敔于悬内祝在左敔在右设歌钟歌磬於坛上近南北向磬簋在西钟簋在东其匏竹者立于坛下重行北向相对为首【凡悬皆展而编之】诸工人各位于悬後东方西方以北为上南方北方以西为上右校扫除坛之内外郊社令积柴于燎坛【其坛于乐悬之南外圜之内】方一丈高一丈二尺开上南出户方六尺前祀一日奉祀设祀官公卿位于内圜东门之内道北执事位于道南每等异位俱重行西面北上设望燎位于柴坛之北南向设御史位于坛下一位于东南西向一位于西南东向令史陪其後设奉礼位于乐悬东北赞者二人在南差退俱西向设协律郎位于坛上南陛之西东向设太乐令位于北悬之间北向设祀官公卿以下门外位皆于东圜之外道南每等异位重行北面西上设牲牓于东圜之外当门西向苍牲一居前青牲一少退又青牲二赤牲二黄牲二白牲二黝牲二皆南上

又设廩牺令位于牲西南史陪其後俱北向设诸太祝位于牲东各当牲後俱西向设太常卿省牲位于牲前近北又设御史位于太常卿之西俱南向设酒樽之位于坛之上下天帝太尊二着尊二牺尊二山罍二在坛上东南隅北向象尊二壶尊二山罍二在坛下南陛之东北向俱西上设配帝着樽二牺尊二象尊二山罍二在坛上於天帝酒尊之东北向西上五方帝各太樽二牺尊二山罍一在第一等五帝各牺尊二在第二等五官各象樽二在坛下皆设于神坐之左而右向【尊皆加勺罍五帝已上之尊皆有站以置爵五官之尊藉以席设爵于尊下也】设洗于坛午陛东南北向罍水在洗东筐在洗西南肆【筐实以巾爵】设五官罍洗筐罍于酒尊之西俱北向执尊罍筐罍者于尊罍筐罍之後各设玉币之筐于坛之上下尊站之所祀日未明五刻太史令郊社令升设昊天上帝神坐于坛之中央南向席以藁秸设太宗文武圣皇帝神坐于东方西向席以莞设五方帝之坐于第一等青帝于东陛之北赤帝于南陛之东黄帝于南陛之西白帝于西陛之南黑帝于北陛之西皆席以藁秸又设五帝之坐于第二等如五方帝之陛位又设五官之坐于坛下之东南西向北上皆席以莞设神位于坐首

省牲器

省牲之日午後十刻去坛二百步所诸卫之属禁断行人晡後二刻郊社令帅府史二人及斋郎以尊站罍洗筐罍入设于位【升坛者自东陛】晡後三刻诸太祝与廩牺令以牲就腍位谒者引太尉常卿赞引引御史入诣坛东陛升视涤濯【凡导引者每曲一逡巡於视濯执尊者皆举幕告洁】讫引降就省牲位南向立廩牺令又前北面举手曰牖还本位诸太祝各循牲一匝西面举手曰充还本位诸太祝与廩牺令以次牵牲诣厨授太官谒者引光禄卿诣厨省鼎饔申视濯溉赞引引御史诣厨省饌具【太常以下每事讫各还齐所】祀日未明十五刻太官令帅宰人以鸾刀割牲祝史以豆取毛血各置于饌所遂烹牲

荐玉帛

祀日未明三刻诸祀官各服其服郊社令良醢令各帅其属入实尊罍及玉币【凡六尊之次太尊为上实以泛齐着尊次之实以醴齐牺尊次之实以盎齐象尊次之实以醢齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒五方帝之太尊实以泛齐牺尊次之实以醴齐山罍次之实以盎齐五帝之牺尊实以醴齐五官之象尊实以醢齐元酒各实于五齐之上尊礼神之玉昊天上帝以苍璧青帝以青珪赤帝以赤璋黄帝以黄琮白帝以白琥黑帝以元璜天帝配帝之币皆以苍五方帝五帝各从方色凡币皆一丈有八尺】太祝以玉帛置于筐太官令帅进饌者实诸笾豆簠簋等各设饌于幔内未明五刻奉礼帅赞者先入就位赞引引御史博士诸太祝及令史与执尊罍筐罍者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜执尊罍筐罍者各就位赞引引御史诸太祝诣坛东陛升行扫除于上令史祝史行扫除于下讫皆就位未明一刻谒者赞引各引祀官俱就门外位太乐令帅工人二舞次入就位文舞入陈于悬内武舞立于悬南道西【其升坛者皆脱履于下降纳如常】谒者引司空入就位立定奉礼曰再拜司空再拜谒者引司空诣坛东陛升行扫除于上降行乐悬于下讫引复位奉礼曰再拜衆官在位者皆再拜【其先拜者不拜】

谒者进太尉之左白有司谨具请行事退复位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】兴鼓祝奏豫和之乐乃以圜钟为宫黄钟为角太簇为徵姑洗为羽作文舞之舞乐舞六成【圜钟三奏黄钟太簇姑洗各一奏】偃麾戛敌乐止【凡乐皆协律郎举麾工鼓祝而後作偃麾戛敌而後止】奉礼曰衆官再拜衆官在位者皆再拜太祝取玉于筐立於尊所谒者引太尉诣南陛升坛北向立太祝加玉於帀东向授太尉太尉受玉帀登歌作肃和之乐以大吕之均谒者引太尉进北面跪奠於天帝神坐前俛伏兴谒者引太尉立於南方北面再拜讫太祝以帀东向授太尉太尉受帀谒者引太尉东向跪奠於太宗神坐俛伏兴谒者引太尉立於西方东面再拜初太尉将奠配帝之帀五方帝五帝之太祝各奠玉帀於神坐前相次而毕五官之献官亦奠帀於神坐讫各还本位及太尉再拜讫登歌止谒者引太尉降自南陛还本位初衆官拜讫祝史各奉毛血之豆立於门外於登歌止祝史奉毛血入各由其陛升诸太祝迎取於坛上俱进奠於神坐前太祝与祝史退立於尊所

进熟

太尉既升奠玉帀太官令出帅进饌者奉饌陈於内墀门外谒者引司徒出诣饌所司徒奉天帝之俎诸太祝既奠毛血太官令引饌入俎初入门奏雍和之乐【自後酌献皆奏雍和之乐】以黄钟之均【自後坛下之乐皆奏黄钟】饌各至陛乐止祝史俱进彻毛血之豆降自东陛以出天帝之饌升自午陛配帝之饌升自卯陛五方帝之饌各由其陛诸太祝迎引于坛上各设于神座前【笾豆盖罍先彻乃升簠簋既奠却其盖于下】设讫谒者引司徒太官令帅进饌者俱降自东陛以出司徒复位诸太祝各还尊所又进设五官之饌相次而毕初坛上设饌讫谒者引太尉诣罍洗盥手洗匏爵讫谒者引太尉升自南陛诣天帝酒尊所执尊者举罍太尉酌泛齐讫乐作谒者引太尉进天帝神坐前北向跪奠爵兴谒者引太尉立于南方北面太祝持版进于神座之右东面跪读祝文曰维某年岁次月朔日子嗣天子臣某谨遣太尉封臣名敢昭告于昊天上帝爰兹孟夏龙见纪辰方资长育式遵常礼敬以玉帛粢盛庶品恭致燔祀表其寅肃以太宗文武圣皇帝侑神作主尚飨讫兴太尉再拜初读祝文讫乐作太祝进跪奠版於天帝神座兴还罇所太尉拜讫乐止谒者引太尉诣配帝坐酒尊所取爵于坩执尊者举罍太尉酌泛齐讫乐作谒者引太尉进诣太宗神座前东向跪奠爵兴谒者引太尉少退东向立五方帝之太祝亦各酌泛齐俱进于神坐前讫还尊所配帝之太祝持版进于神座之左北面跪读祝文曰维某年岁次月朔日子孝曾孙开元神武皇帝臣某谨遣太尉臣某敢昭告于皇曾祖考太宗文武圣皇帝时惟正阳式遵恒典用致祀于昊天上帝伏惟道叶乾元德施品物永言配命对越昭升谨以制帀牺齐粢盛庶品式陈明荐侑神作主尚飨讫兴太尉再拜初读祝文讫乐作太祝进跪奠版于神坐兴还罇所太尉拜讫乐止谒者引太尉进昊天上帝神坐前北面立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各帅斋郎进俎太祝减神前胙肉【皆取前脚第二骨】加于俎以胙肉共置一俎上太祝持俎西向授太尉太尉受以授斋郎太尉跪取爵遂饮卒爵太祝进受爵复于坩太尉兴再拜谒者引太尉降复位文舞之舞出鼓祝舒和之乐作出讫戛敌乐止武舞入鼓祝舒和之乐作立定戛敌乐止初太尉献将毕谒者引太常卿诣罍洗盥手洗匏爵讫谒者引太常卿自东陛升坛诣天帝酒罇所执尊者举罍太常卿酌醴齐讫武舞作谒者引太常卿进天帝神坐前北向跪奠爵兴再拜讫谒者引太常卿诣配帝酒尊所取爵于

圻执尊者举冪太常卿酌醴齐讫谒者引太常卿进太宗神坐前东向跪奠爵兴再拜谒者引太常卿立于南方北向五方帝之太祝亦各酌醴齐俱进于神坐前讫还尊所诸太祝各以爵酌鬯福酒各置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受爵复于圻太常卿兴再拜谒者引太常卿降复位初太常卿献将毕谒者引光禄卿诣鬯洗盥手洗匏爵酌盎齐献正坐配坐及五方帝之座终献如亚献之仪讫谒者引光禄卿降复位初太常卿将升献赞引引五帝之献官各诣鬯洗盥手洗爵酌醴齐进奠於太昊氏神坐前余坐各斋郎助奠讫还本位五帝献将毕五官之献官诣鬯洗酌醴齐进奠於勾芒氏神坐前余坐皆祝史助奠讫献官还本位舞六成乐止舞献俱毕上下诸祝各进跪彻豆兴还尊所【彻者筯豆各一少移於故处】奉礼曰赐胙赞者唱衆官再拜衆官在位者皆再拜【已饮福者不拜】预和之乐作奉礼曰衆官再拜衆官在位者皆再拜乐一成止谒者进太尉之左白请就望燎位别太尉就望燎位南向立於衆官将拜诸祝各执筐进神坐取玉帛祝版斋郎以俎载牲体稷黍饭爵酒各由其陛降坛南行经悬内当柴坛南东行自南陛登柴坛以玉帛祝版饌物置於柴上户内诸祝又以五官之礼币俱从燎奉礼曰可燎东西面各六人以炬燎半柴谒者进太尉之左白礼毕谒者引太尉出谒者赞引各引祀官以出赞引引御史以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷九

卷十

钦定四库全书

大唐开元礼卷十 唐 萧嵩等 撰吉礼

皇帝大享于明堂

斋戒 陈设

省牲器 銮驾出宫

荐玉帛 进熟

銮驾还宫

斋戒

将祀有司卜日如别仪前祀七日平明太尉誓百官於尚书省曰某月某日祀昊天上帝於明堂各扬其职不供其事国有常刑皇帝散斋四日于别殿致斋三日二日于太极殿一日于行宫前致斋一日尚舍奉御设御幄于太极殿西序及室内俱东向尚舍直长张帷于前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各帅其队入陈于殿前如常仪通事舍人引文武五品已上袴褶陪位如式诸侍卫之官各服其服诸侍臣并结佩俱诣合奉迎侍中版奏外办上水三刻皇帝服通天冠绛纱袍结佩乘舆出自西房曲直华盖警蹕侍卫如常仪即御坐东向坐侍臣夹侍如常一刻顷侍中前跪奏称侍中臣某言请降就斋室俛伏兴还侍位皇帝降坐入室文武侍臣各还省直卫者如常仪通事舍人引陪位者以次出凡预祀之官散斋四日致斋三日【散斋皆于正寝致齐二日于本司一日于祀所其无本司者即二日于郊社署】近侍之官应从升者及从祀羣官诸方客使各于祀所清斋一宿散斋理事如旧唯不吊丧问疾不作乐不判刑杀文书不行刑罚不预秽恶致斋唯祀事得行其余悉断其祀官已斋而阙者通摄行事诸祀官致斋之日给酒食及明衣各习礼于斋所光禄卿监取明水火【太官令取水于阴鉴取火于阳燧火以供爨水以实尊】前祀二日太尉告睿宗大圣真皇帝庙如常告之仪【告以配神作主之意】前祀一日诸卫令其属未後一刻各以其方服守卫明堂四门【每门二人每隅一人】与太乐工人俱清斋一宿

陈设

前祀三日尚舍直长施大次于明堂东门之外道北尚舍奉御铺御坐守宫设文武侍臣次于大次之後文官在左武官在右俱南向设诸从祀官于璧水东门之外道南从祀事文官九品以上于祀官之东东方南方蕃客又于其东俱重行每等异位北向西上酈公介公于璧水

西门之外道南武官九品已上于鄯公介公之西西方北方蕃客又于其西俱重行每等异位北向东上【其褒圣侯于文官三品之下若有诸州使人分方位各于文武官之後】设陈饌幔于壁水东门之内道北南向前祀二日太乐令设宫悬之乐于明堂前庭东方西方磬簠起北钟簠次之南方北方磬簠起西钟簠次之设十二罇钟于编悬之间各依辰位树雷鼓于北悬之间道之左右植建鼓于四隅置祝敔于悬南祝在左敔在右设歌钟歌磬于堂上近南北向磬簠在西钟簠在东其匏竹者立于阶间重行北向相对为首【凡悬皆展而编之】诸工人各位于悬後东方西方以北为上南方北方以西为上右校清扫明堂内外郊社令积柴于燎坛【其坛于乐悬之南】方一丈高一丈二尺开上南陞出户方六尺前祀一日奉礼设御座于堂之东南西向设祀官公卿位于东门之内道南执事者位于公卿之後近南每等异位俱重行西面北上设御史位于堂下一位在东南西向一位在西南东向令史各陪其後设奉礼位于乐悬东北赞者二人在南差退俱西向设协律郎位于堂上午陞之西东向设太乐令位于北悬之间设太祝奉玉帛位于柴坛之南皆北向设从祀官位文官九品已上于执事之南南方蕃客又于其南俱每等异位重行西面北上鄯公介公位于西门之内道南武官九品以上于鄯公介公之後西方北方蕃客于武官之南俱每等异位重行东面北上【其褒圣侯于文武官三品之下若有诸州使人分方位各于文武官之後】又设祀官及从祀羣官等门外位于东西门外道南皆如设次之式设牲牐于东门之外当门西向南上苍牲一居前又苍牲一少退又青牲二赤牲二黄牲二白牲二元牲二牲牐少退又设廩牺令位于牲西南史陪其後俱北向设诸太祝位于牲东各当牲後祝史陪其後俱西向设太常卿省牲位于牲前近北又设御史位于太常卿之西俱南向设酒尊之位于明堂之上下昊天上帝太尊二着尊二牺尊二山罍二在室内神坐之左象尊二壶尊二山罍二在堂下东南西向配帝着尊二牺尊二象尊二山罍二在堂上神坐之左五方帝各太尊二着尊二牺尊二山罍二各于室内神座之左内向五帝各着尊二在堂上各于神坐之左俱内向五官各象尊二在阶下皆于神坐之左俱右向【堂上之尊皆置于坫阶下之尊皆藉以席俱加勺罇设爵于尊下】设御洗于东阶东南亚献之洗又于东南俱北向罍水在洗东篚在洗西南肆【篚实以巾爵】设五官罍洗篚罇各于酒尊之左俱右向其执尊罍篚罇者各位于其後各设玉币之篚于堂之上下尊坫之闲祀日未明五刻太史令郊社令升设昊天上帝神座於明堂太室之内中央南向席以藁秸设睿宗大圣真皇帝神座于上帝之东南西向席以莞设青帝於木室西向赤帝於火室北向黄帝於太室南户之西北向白帝于金室东向黑帝于水室南向席皆以藁秸设太昊炎帝轩辕少昊颛顼之坐各于五方帝之左俱内向差退设五官坐于明堂之庭各依其方俱内向席皆以莞设神座各于坐首

省牲器

省牲之日午後十刻去明堂二百步取诸卫之属禁断行人晡後二刻郊社令帅府史二人及斋郎以尊坫罍洗篚罇入设于位【升堂者自卯阶】晡後三刻诸太祝与廩牺令以牲就牐位谒者引太常卿赞引引御史诣东阶升堂视涤濯【凡导引者每曲一逡巡于视濯执尊者皆举罇告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牐还本位诸太祝各循牲一匝西向举手曰充俱还本位诸太祝与廩牺令以次牵牲诣厨授太官令谒者引光禄卿诣厨省鼎饌申视濯溉赞引引御史诣厨省饌【

太常卿以下每事讫各还尊所】祀日未明十五刻太官令帅宰人以鸾刀割牲祝史以豆取毛血各置于饌所遂烹牲

銮驾出宫如圜丘之仪

奠玉帛

祀日未明三刻诸祀官各服其服郊社令良醢令各帅其属入实罇罍玉帛【凡六尊之次太尊为上实以泛齐着尊次之实以醴齐牺尊次之实以盎齐象尊次之实以醍齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒五人帝之着尊实以醴齐五官之象尊实以醍齐玄酒各实于五帝之上尊礼神之玉昊天上帝以四珪有邸青帝以青珪赤帝以赤珪黄帝以黄琮白帝以白琥黑帝以玄璜天帝配帝之币皆以苍五方帝五帝五官各从方色凡币帛一丈八尺】太官令帅进饌者实诸筮豆簋簠入设于东门之外饌幔内未明五刻奉礼帅赞者先入就位赞引引御史博士诸太祝及令史祝史与执尊罍筐幂者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊罍筐幂者各就位赞引引御史诸太祝诣坛东阶升行扫除于上令史祝史行扫除于下讫各引就位驾将至谒者赞引各引祀官通事舍人分引从祀羣官诸方客使先至者俱就门外位驾至大次门外回辂南向将军降立于辂右侍中进当銮驾前跪奏称侍中臣某言请降辂俛伏兴还侍位皇帝降路之大次通事舍人引文武五品以上从祀之官皆就墀外位太乐令帅工人二舞次入文舞陈于悬内武舞立于悬南道西谒者引司空入行扫除讫复侍位如常仪皇帝停大次半刻顷通事舍人分引从祀文武羣官鄯公介公诸方客使及四方蕃客使皆先入就位太常博士引太常卿立于大次门外当门北向侍中版奏外办皇帝服大裘而冕出次华盖侍卫如常仪【侍卫负宝陪从如式】博士引太常卿太常卿引皇帝【凡太常前引皆博士前导】至内门外殿中监进大珪尚衣奉御又以镇珪授殿中监受进皇帝搢大珪执镇珪华盖仗卫停于大次门外近侍者从入如常谒者引礼部尚书太常少卿陪从如常皇帝至版位西向立【每立定太常卿与博士退立于左】谒者赞引各引祀官次入就位立定太常卿前奏称请再拜退复位皇帝再拜奉礼曰衆官在位者皆再拜【其先拜者不拜】太常卿前奏有司谨具请行事退复位协律郎跪俛伏举麾【凡取物者皆跪俛伏而取以兴奠物则奠物俛伏而後兴】鼓祝奏豫和之乐乃以圜钟之均林钟为徵太簇为商南吕为羽姑洗为角作文舞乐舞六成偃麾戛敌乐止太常卿前奏称再拜退复位皇帝再拜奉礼曰衆官再拜衆官在位者皆再拜谒者引诸献官俱诣东陛升堂立於尊所太祝与诸献官皆跪取玉币于筐立于东南隅西向北上配帝太祝立于西南隅东向北上五方帝五帝五官诸太祝及献官又取币于筐立于尊所太常卿引皇帝太和之乐作【皇帝每行皆作太和之乐】皇帝升自南陛侍中中书令以下及左右侍卫量人从升【以下如之】皆皇帝升堂北向立乐止太祝加玉於币以授侍中侍中奉玉币西向进皇帝搢镇珪受玉帛【凡受物皆搢镇珪奠讫执珪俛伏兴】登歌作肃和之乐以大吕之均太常卿引皇帝进北面跪奠于昊天上帝神坐俛伏兴太常卿引皇帝立於南方北面五方帝之太祝奉玉帛各奠於其神坐还尊所皇帝再拜讫太祝又以配帝之币

授侍中侍中奉币北向进皇帝受币太常卿引皇帝进东向跪奠于睿宗大圣真皇帝神坐前俛伏兴太常卿引皇帝立于西方东向五帝之献官各奠币于神坐五官之祝次奠币于神坐各还尊所皇帝再拜讫登歌止太常卿引皇帝乐作皇帝降自南陛还版位西向立乐止初羣官拜讫祝史皆奉毛血之豆立于堂下于登歌止祝史奉毛血各由其陛升诸太祝迎取于堂上俱进奠于神坐前太祝与祝史退立于罇所

进熟

皇帝既升奠玉帛太官令帅进饌者奉饌陈于内墀门外谒者引司徒出诣饌所司徒奉天帝之俎皇帝既至位乐止太官令引饌入俎初入门雍和之乐作以黄钟之均饌至陛乐止祝史俱进彻毛血之豆降自东陛以出天帝之饌升自午陛配帝之饌升自卯陛五方帝五帝之饌各由其陛诸太祝迎引于堂上各设于神坐前【笾豆盖幂先彻乃升簠簋既奠却其盖于下】设讫谒者司徒太官令帅进饌者降自东陛以出司徒复位诸太祝各还尊所又进设五官之饌相次而毕初坛上设饌讫太常卿引皇帝诣罍洗乐作皇帝至罍洗乐止侍中跪取匱兴沃水又侍中跪取盘兴承水皇帝盥手黄门侍郎跪取巾于筐兴进皇帝帨手讫黄门侍郎受巾跪奠于筐黄门侍郎又取匏爵於筐兴进於皇帝皇帝受爵侍中酌罍水又侍中奉盘承水皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠于筐皆如初太常卿引皇帝乐作皇帝自南陛升堂乐止太常卿引皇帝诣天帝酒尊所执尊者举幂侍中赞酌泛齐讫壽和之乐作【皇帝每酌献饮福皆作壽和之乐】太常卿引皇帝进昊天上帝神坐前北向跪奠爵俛伏兴太常卿引皇帝立于南方北向太祝一人持版进于皇帝之右西向跪读祝文曰维某年岁次某月朔日子嗣天子臣某敢昭告于昊天上帝惟神覆焘羣生甄陶庶类不言而信普博无私谨择元辰祗率恒礼敬以玉帛牺齐粢盛庶品肃恭禋祀式展诚敬皇考睿宗大圣真皇帝配神作主尚飨讫兴皇帝再拜初读祝文讫乐作太祝进奠版于天帝神坐前还尊所皇帝拜讫乐止太常卿引皇帝诣配帝酒尊所执尊者举幂侍中取爵于坫进皇帝受爵侍中赞酌泛齐讫乐作太常卿引皇帝进睿宗大圣真皇帝神坐前东向跪奠爵俛伏兴太常卿引皇帝立于西方东向谒者五人引五方帝之太祝诣罍洗盥手俱取匏爵于坫酌泛齐各进奠于其神坐前还尊所乐止配帝太祝一人持版进于皇帝之右北面跪读祝文曰维某年岁次月朔日子孝子开元神武皇帝臣某敢昭告于皇考睿宗大圣真皇帝祗率旧章肃若恒礼敬致禋祀于昊天上帝惟皇考德光宇宙道叶乾元申锡无疆实膺严配谨以制币牺齐粢盛庶品肃恭明荐侑神作主尚飨讫兴皇帝再拜初读祝文讫乐作太祝进奠版于神坐还尊所皇帝拜讫乐止太常卿引皇帝南方北向立乐作诸太祝各以爵酌上尊福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉加于俎以胙肉共置一俎上一太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复于坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止皇帝献将毕谒者引太尉诣罍洗盥手洗匏爵讫太尉自卯陛升堂诣天帝着尊所执尊者举幂太尉酌醴齐武舞作谒者引太尉进天帝神坐前北向跪奠爵兴再拜讫谒者引太尉诣配帝酒尊所取爵于坫执尊者举幂太尉酌醴齐谒者引太尉进睿宗大圣真皇帝神坐前西

向跪奠爵兴再拜讫谒者引五方帝之太祝各取爵于坩酌醴齐俱进奠于其神坐谒者引太尉立于南方北向再拜讫诸太祝各以爵酌鬯福酒合置一爵一太祝持进太尉之右西向立太尉再拜受爵跪祭酒遂饮卒爵太祝进受爵复于坩太尉兴再拜谒者引太尉降复位初太尉献将毕谒者引光禄卿诣鬯洗匏爵升酌盎齐献正坐配坐五方帝之祝亦各酌盎齐奠神坐终献如亚献之仪谒者引光禄卿及诸献官降复位初太尉将升献谒者引五帝之献官诣鬯洗盥手洗匏爵各由其陛升俱酌醴齐跪奠于帝太昊氏神坐前余坐斋郎助奠相次毕各还本位五帝献将毕谒者引五官之献官各诣鬯洗盥手洗匏爵讫各进酌醴齐跪奠于勾芒氏神坐前余坐斋郎助奠相次毕各还本位及终献毕武舞六成乐止舞献俱毕上下诸祝各进跪彻豆兴还尊所【彻者筮豆各一少移于故处】奉礼曰赐胙赞者唱衆官再拜衆官在位者皆再拜【已饮福者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止于羣官将拜诸祝各执筐神坐前取玉帛祝版斋郎以俎载牲体稷黍饭酒各由其陛降坛南行经悬内当柴坛南东行自南陛登柴坛以玉帛祝版饌物置于柴坛上户内奉礼曰可燎东西面各六人以炬燎火半柴太常卿前奏礼毕太常卿引皇帝还大次乐作皇帝出门殿中监前受镇珪以授尚衣奉御殿中监又前受大珪华盖侍卫如常仪皇帝入次乐止谒者赞引各引祀官通事舍人分别引从祀羣官诸方客使及蕃客以次出御史太祝协律郎以下俱复执事位立定奉礼曰再拜御史以下皆再拜赞引出工人二舞以次出

銮驾还宫如圜丘之仪

大唐开元礼卷十

卷十一

钦定四库全书

大唐开元礼卷十一 唐 萧嵩等 撰吉礼

季冬大享於明堂有司摄事

斋戒 陈设

省牲器 荐玉帛

进熟

斋戒

将祀有司卜日如别仪前祀七日平明太尉誓百官於尚书省曰某月某日祀昊天上帝於明堂各扬其职不供其事国有常刑凡预祀之官散斋四日致斋三日【散斋皆於正寝致斋二日於本司一日於祀所其无本司者则皆於祀所】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鉴取火於阳燧火以供爨水以实罇】前祀二日太尉告睿宗大圣真皇帝庙如常祀一日诸卫令其属未後一刻各以其方器服守卫明堂四门【每门二人每隅一人】与太乐工人俱清斋一宿

陈设

前祀三日守宫设祀官公卿以下次于璧水东门之外道南北向以西为上设陈饌幔于璧水东门之内道北南向前祀二日太乐令设宫悬之乐於明堂前庭东方西方磬簠起北钟簠次之南方北方磬簠起西钟簠次之设十二罇钟于编悬之间各依辰位树雷鼓于北悬之内道之左右植建鼓于四隅置祝斂于悬内祝在左斂在右设歌钟歌磬于堂上前楹下北向磬簠在西钟簠在东其匏竹者立于堂下重行北向相对为首【凡悬皆展而编之】诸工人各位于悬後东方西方以北为上南方北方以西为上右校清扫明堂内外郊社令积柴于燎坛【其坛于乐悬之间】方一丈二尺开上南出户方六尺前祀一日奉礼设祀官公卿位于堂之东南执事者位又于公卿东南每等异位俱重行西面北上设御史位于堂下一位于东南西向一位于西南东向令史各陪其後设奉礼位于乐悬东北赞者二人在南差退俱西向又设协律郎位于堂上午陛之西东向设太乐令位於北悬之间设望燎位于柴坛之北南向设祀官公卿以下门外位皆于东门之外道南每等异位重行北面西上设牲牓于东门之外当门西向南上苍牲一居前又苍牲一少退又青牲二黄牲二白牲二元牲二皆在北少退设廩

牺令位于牲西南史陪其後俱北向设诸太祝位于牲东各当牲後祝史陪其後设太常卿省牲位于牲前近北又设御史位于太常卿之西俱南向设酒樽之位于堂之上下昊天上帝太樽二着樽二山罍二在室内神坐之左象樽二壶罍二山罍二在堂下东南西向配帝着尊二牺尊二象尊二山罍二在堂上于神坐之左五方帝各太樽二着尊二牺尊二山罍二各于神坐之左内向五帝着尊二亦于神坐之左俱内向五官各象樽二在阶下并于神坐之左俱右向【堂上之尊皆置于坫阶下之樽皆藉以席俱加幂勺设爵于尊下】设洗于东阶东南亚献之洗又于东南北向罍水在洗东篚在洗西南肆【篚实以巾爵】设五官罍洗篚幂各于酒樽之左俱右向其执尊罍篚幂者各位于其後各设玉币之篚于堂上下樽坫之间祀日未明五刻太史令郊社令升设昊天上帝神坐于明堂太室之内中央南向席以藁秸设睿宗大圣真皇帝神坐于上帝之左西向设青帝于木室西向赤帝于火室北向黄帝于太室南户之西北向白帝于金室东向黑帝于水室南向席皆以藁秸设太昊炎帝轩辕少昊颡顓之坐各于五方帝之左俱内向差退【若非明堂五室亦如雩祀圜丘设座之礼】设五官神坐于明堂之庭各依其方内向席皆以莞设神坐各于坐首

省牲器

省牲之日午後十刻去明堂三百步所诸卫之属禁断行人晡後三刻郊社令帅府史二人及斋郎以樽坫罍洗篚幂入设于位【升堂者即卯陞】晡後三刻诸太祝与廩牺令以牲就膀位谒者引太常卿赞引引御史入诣卯陞升堂视涤濯【凡导引者每曲一逡巡于视濯执樽者皆举幂告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牖还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄寺诣厨省鼎饔申视濯溉赞引引御史诣厨省饌具【太常卿以下每事讫各还斋所】祀日未明十五刻太官令帅宰人以釜刀割牲祝史以豆取毛血各置于饌所遂烹牲

荐玉帛

祀日未明三刻诸祀官各服其服郊社令良醢令各帅其属入实樽罍及玉币【凡六尊之次太尊为上实以泛齐着尊次之实以醴齐牺樽次之实以盎齐象尊次之实以醍齐壶尊次之实以沈齐山罍为下实以清酒五方帝太尊为上实以泛齐着尊次之实以醍齐牺尊次之实以盎齐山罍为下实以清酒配帝着尊为上实以泛齐牺尊次之实以醴齐象尊次之实以盎齐五帝之着尊实以醴齐玉官之象尊实以醍齐玄酒各实于五齐之上尊礼神之玉昊天上帝以四圭有邸青帝以青圭赤帝以赤璋黄帝以黄琮白帝以珽虞黑帝以元璜天帝配帝之币皆以苍五方帝五帝各从本方色礼币皆长一丈有八尺】诸太祝以玉帛置于篚太官令帅进饌者实诸笾豆等皆设于饌幔内未明二刻奉礼帅赞者先入就位赞引引御史博士诸太祝及令史祝史与执尊罍篚幂者入自东门当午陞之南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚幂者各就位赞引引御史诸太祝诣堂卯陞升行扫除于上令史祝史行扫除于下讫引降就位未明一刻谒者赞引各引祀官俱就门外位太乐令帅工人二舞次入就位文舞入陈于悬内武舞立于悬南

道西【其升堂者皆脱履于下降纳如常】谒者引司空入就位立定奉礼曰再拜司空再拜谒者引司空诣堂阶升行扫除于上降行乐悬于下讫引复位谒者赞引各引祀官次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位协律郎跪伏举麾【凡取物者皆跪俛伏而取以兴奠物则奠讫俛伏而後兴】鼓祝奏豫和之乐乃以圜钟之均作文舞之舞乐舞六成【林钟三奏黄钟太簇姑洗各一奏】偃麾戛敔乐止【凡乐皆协律郎举麾工鼓祝而後作偃麾戛敔而後止】奉礼曰衆官再拜衆官在位者皆再拜谒者引诸助奠者俱诣东陛升堂立于罍所太祝与诸助奠者皆跪取玉币于筐立于东南隅西向北上配帝太祝立于西南隅东向北上五方上帝五帝太祝又取币于筐立于尊所讫谒者引太尉诣南陛升北向立太祝加玉于币东向授太尉太尉受玉币【凡受物皆搯笏跪奠讫执笏俛伏兴】登歌作肃和之乐以大吕之均谒者引太尉进北向跪奠于昊天上帝神坐前讫俛伏兴谒者引太尉少退北向立谒者五人引五方帝之太祝各奉玉币奠於神坐讫还罍所太尉再拜讫配帝之太祝又以币授太尉太尉受币谒者引太尉进东向跪奠于睿宗大圣真皇帝神坐前俛伏兴谒者引太尉少退东向立又谒者引五帝之献官亦各以币奠于其神坐前五官之祝亦各以币奠神坐讫太尉再拜讫谒者引太尉降就位登歌止初衆官再拜讫诸祝史各奉毛血之豆立于堂下于登歌止祝史奉毛血入各由其陛升诸太祝迎取于坛上俱进奠于神坐诸太祝与祝史退立于罍所

进熟

太尉既升奠玉币大官令出帅进饌者各奉饌陈于门外谒者引司徒出诣饌所司徒奉天帝之俎诸太祝既奠毛血太官令引饌入俎初入门奏雍和之乐【自後酌献皆奏雍和之乐】皆以黄钟之均【自後堂下之乐皆奏黄钟】饌各至阶乐止祝史俱进彻毛血之豆降自东陛以出天帝之饌升自午陛配帝之饌升自卯陛五方上帝五帝之饌各由其陛诸太祝迎引于堂上各设于神坐前【笾豆盖幂先彻乃升簋簠既奠却其盖于下】设讫谒者司徒太官令帅进饌者降自东陛以出司徒复位诸太祝各还罍所又进设五官之饌相次而毕初坛上设饌讫谒者引太尉升自午陛诣天帝酒尊所执樽者举幂太尉酌泛齐讫乐作谒者引太尉入诣天帝神坐前北面跪奠爵兴谒者引太尉少退北向立五方帝诸太祝取匏爵于坫酌泛齐各进奠于神坐前讫还尊所乐止太祝一人持版进于神坐之右东面跪读祝文曰维某年岁次月朔日子嗣天子臣某谨遣太尉封臣名敢昭告于昊天上帝惟神覆焘羣生陶甄庶类不言而信普博无私谨择元辰祇率恒礼敬以玉帛牺齐粢盛庶品肃恭禋祀式展诚敬皇考睿宗大圣真皇帝配神作主尚飨讫兴太尉再拜初读祝文讫乐作太祝进版于天帝神坐还罍所太尉再拜讫乐止谒者引太尉诣配帝酒樽所取爵於坫执樽者举幂太尉酌泛齐讫乐作谒者引太尉进睿宗大圣真皇帝坐前东向跪奠爵俛伏兴太尉少退东向立谒者五人引五方帝之太祝俱取爵于坫酌泛齐各进奠于其神坐前讫还罍所乐止太祝一人持版进于神坐之右北面跪读祝文曰维某年岁次月朔日子孝子开元神武皇帝臣某谨遣太尉封臣名敢昭告于皇考睿宗大圣真皇帝祇率旧章肃若恒礼致敬禋祀昊天上帝惟皇考德光宇宙道叶乾元申锡无疆实膺严配谨以制币牺齐粢盛庶品肃恭明荐侑神作主尚飨讫兴太尉再拜初读祝文讫乐作太祝进奠版于神坐讫还罍所立太尉再拜讫乐止谒者引太尉少退北向立乐作诸太祝各以爵酌鬯福酒合置一爵一太祝持爵进太尉之右西向立太尉

再拜受爵跪祭酒啐酒奠爵兴诸太祝各帅斋郎进俎太祝减神前胙肉【皆取前脚第二骨】加于俎以胙肉共置一俎上太祝持俎西向授太尉太尉受以授斋郎太尉跪取爵遂饮卒酌太祝进受爵复于坫太尉兴再拜谒者引太尉降复位文舞出鼓祝作舒和之乐出讫戛鼓乐止武舞入鼓祝作舒和之乐立定戛鼓乐止初太尉将复位谒者引太常卿诣罍洗盥手洗匏爵讫谒者引太常卿自卯陛升堂诣天帝着樽所执尊者举罍太常卿酌醴齐舞作谒者引太常卿进昊天上帝神坐前北向跪奠爵兴谒者引太常卿立于南方北向再拜讫谒者引太常卿诣配帝酒樽所取爵于坫执樽者举罍太常卿酌醴齐谒者引太常卿进睿宗大圣真皇帝神坐前东向跪奠爵兴五方帝之太祝亦各取爵于坫酌醴齐俱进奠于其神坐讫谒者引太常卿立于南方北向再拜讫诸太祝各以爵酌罍福酒合置一爵一太祝持爵进於太常卿之右西向立太常卿再拜受爵跪祭酒遂饮卒爵太祝进受爵复于坫太常卿再拜兴谒者引太常卿降复位初太常卿献将毕谒者引光禄卿诣罍洗匏爵升酌盎齐献正坐配坐五方帝之祝亦各酌盎齐献神座讫终献皆如亚献之仪谒者引光禄卿降复位初太常卿将升献谒者五人分引五帝之献官诣罍洗盥洗匏爵各由其陛俱酌醴齐各跪奠于帝太昊氏神坐余坐斋郎助奠讫各还本位五帝献将毕谒者引献官诣罍洗盥手洗爵讫各进酌醴齐跪奠于勾芒氏神坐前余坐斋郎助奠讫各还本位及终献毕武舞六成乐止诸祝各进跪彻豆兴还樽所【彻者筮豆各一少移故处】奉礼曰赐胙赞者唱衆官再拜【已饮福受胙者不拜】豫和之乐作奉礼曰衆官再拜衆官在位者皆再拜乐一成止谒者进太尉之左白请就望燎位谒者引太尉就望燎位南向立于衆官将拜诸祝史执筐进神前取玉帛祝版斋郎以俎载牲体稷黍饭各由其陛降坛南行经悬内当柴坛南东行自南陛登柴坛以玉帛祝版饌物置于柴上户内奉礼曰可燎东西面各六人以炬燎火半柴谒者曰礼毕遂引太尉出谒者赞引各引祀官以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷十一

卷十二

<史部,政书类,仪制之属,大唐开元礼>

钦定四库全书

大唐开元礼卷十二 唐 萧嵩等 撰吉

皇帝立春祀青帝於东郊

斋戒 陈设

省牲器 銮驾出宫

奠玉帛 进熟

銮驾还宫

斋戒

前祀七日平明太尉誓百官於尚书省曰某月某日祀青帝於东郊各扬其职不供其事国有常刑皇帝散斋四日致斋三日如圜丘之仪凡预祀之官散斋四日致斋三日【散斋皆於正寝致斋二日於本司一日於祀所其无本司者皆於祀所】近侍之官应从升者及从祀羣官诸方客使各於本司及公馆清斋一宿凡散斋理事如旧唯不吊丧问疾不作乐不判署刑杀文书不行刑罚不预秽恶致齐唯祀事得行其余悉禁祀官以下已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鉴取火於阳燧火以供爨水以实樽】前祀一日诸卫令其属未後一刻各以其方器守卫墻门与太乐工人俱清斋一宿

陈设

前祀三日尚舍直长施大次於外墻东门之内道北南向尚舍奉御铺御坐卫尉设陈饌幔於内墻东门之外道南北向设文武侍臣次又设祀官及从祀羣官诸州使人蕃客等次前祀二日太乐令设宫悬之乐於坛南内墻之内设歌钟歌磬於坛上各如圜丘之仪右校扫除坛之内外郊社令积柴於燎坛【其坛於乐悬之南外墻之内】方一丈高一丈二尺开上南出户方六尺前祀一日奉礼设御位於坛东南西向设望燎位於柴坛之北南向设祀官公卿位於内墻东门之外道南分献之官於公卿之南执事者位於其後每等异位俱重行西向北上设御史位於坛下一位在东南西向一位在西南东向令史各陪其後设奉礼位於乐悬东北赞者二人在南差退俱西向设协律郎位於坛上南陛之西东向设太乐令位於北悬之间北

向设从祀之官文官九品已上位於执事之南东方南方朝集使於文官之南东方南方蕃客又於其南俱每等异位重行西面北上鄘公介公位於内壝西门之外道南武官九品已上位於鄘公介公之後西方北方朝集使於武官之南西方北方蕃客又於其南俱每等异位重行东面北上【其褒圣侯於文官三品之下诸州使人分方各位於朝集使人後】又设祀官及从祀羣官等门外位於东西壝门之外道南皆如设次之式设牲牓东壝之外当门西向配帝牲牓少退南上设廩牺令位於牲西南祝史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设青帝酒樽於坛之上下太樽二着樽二牺樽二山罍二在坛上於东南隅北向象樽二壶樽二山罍二在坛下皆於南陛之东北向西上设配帝着樽二牺樽二象樽二山罍二在坛上於青帝酒樽之东北向西上岁星三辰勾芒氏俱象樽二各设於神坐之左皆右向七宿壶樽二设於神坐之右而左向【青帝配帝之樽置於玷星辰以下樽藉以席皆加勺罍设爵於樽下】设御洗於坛南陛东南亚献之洗又於东南俱北向罍水在洗东筐在洗西南肆【筐实以巾爵】设星辰以下罍洗筐罍各於其方陛道之左俱内向执樽罍筐罍者各於其後又设玉币之筐於坛之上下樽玷之所祀日未明五刻太史令郊社令升设青帝灵威仰神位於坛上北方南向席以藁秸设帝太昊氏神坐於东方西向席以莞设岁星三辰之坐於坛之东北七宿之坐於坛之西北各於其坛下南向相对爲首设勾芒氏之坐於坛之东南西向席皆以莞设神坐各於坐首

省牲器

省牲之日午後十刻去坛二百步所诸卫之属禁断行人晡後二刻郊社令帅府史二人及斋郎以樽玷罍洗筐罍入设於位太祝与廩牺令以牲就牓位谒者引太常卿赞引引御史诣坛东陛升视涤濯於上【於视濯执樽者皆举罍告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官令谒者引光禄卿诣厨省鼎饌申视濯溉谒者赞引各引祀官御史就厨省饌具讫俱还斋所祀日未明十五刻太官令帅宰人以鸾刀割牲祝史以豆取毛血各置於饌所遂烹牲

銮驾出宫如圜丘之仪

奠玉帛

祀日未明三刻诸祀官各服其服郊社令良醢令各率其属入实樽罍玉币【凡六樽之次太樽为上实以泛齐着樽次之实以体齐牺樽次之实以盎齐象樽次之实以醴齐壶樽次之实以沈齐山罍为下实以清酒配帝着樽为上实以泛齐牺樽次之实以醴齐象樽次之实以盎齐其岁星三辰勾芒氏之象樽俱实以醴齐七宿之壶樽俱实以沈齐玄酒各实於五齐之上樽礼神之玉以青珪其币各以青】太官令帅进饌者实诸笾豆簠簋入设於内壝东门之外饌幔内未明二刻奉礼帅赞者先入就位赞引引御史博士诸太祝及令史祝史与执樽罍筐罍者入自东壝门当坛南重行北面西上立定奉礼曰再拜赞者承传御史以下皆再拜讫

执樽罍篚幂者各就位赞引引御史博士诸太祝诣东陛升行扫除於上令史祝史行扫除於下讫引就位车驾将至谒者赞引引祀官通事舍人分引从事羣官诸方客使先至者就门外位驾至大次门外回辂南向将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂之大次通事舍人各引文武九品已上从祀之官皆就壇外位太乐令帅工人二舞次入就位文舞入陈於悬内武舞立於悬南道西谒者引司空入行扫除讫出复位如常仪皇帝停大次半刻顷通事舍人赞引各引从祀羣官介公酈公诸方客使先入就位太常博士引太常卿立於大次门当门北向侍中版奏外办皇帝服大裘而冕出次华盖侍卫如常仪博士引太常卿太常卿引皇帝【凡太常卿前导皆博士先引】至内壇门外殿中监进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停於门外近侍者从入如常谒者引礼部尚书太常少卿陪从如常仪皇帝至版位西向立【每立定太常卿博士即退立於左】谒者赞引各引祀官次入就位立定太常卿前奏称再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏兴举麾【凡取物者皆跪俛伏而取以兴奠物则奠讫俛伏而後兴】鼓祝奏角音乃以黄钟之均文舞之舞乐舞六成偃麾戛敌乐止太常卿前奏称请再拜退复位皇帝再拜奉礼曰衆官再拜衆官在位者皆再拜上下诸太祝俱取玉币於篚各立於樽所太常卿引皇帝太和之乐作皇帝诣坛升自南陛侍中中书令以下左右侍卫量人从升坛皇帝升坛北向立乐止太祝加玉於币以授侍中侍中奉玉帛东向进皇帝搢镇珪受玉币登歌作肃和之乐以大吕之均太常卿引皇帝进北面跪奠於青帝灵威仰神坐俛伏兴太常卿引皇帝少退北向再拜讫太常卿引皇帝立於西方东向又太祝以币授侍中侍中奉币北向进皇帝受币太常卿引皇帝进东向跪奠於帝太昊氏神坐俛伏兴太常卿引皇帝少退东向载拜讫登歌止太常卿引皇帝乐作皇帝降自南陛还版位西向立乐止皇帝初奠配帝之币星辰以下诸祝各以币进奠於神坐还樽所初羣官拜讫祝史各奉毛血之豆立於门外之东登歌止祝史奉毛血入各由其陛升诸太祝迎取於坛上俱进奠於神坐前诸太祝与祝史退立於樽所

进熟

皇帝既升奠玉帛太官令帅进饌者奉饌陈於内壇门外谒者引司徒出诣饌所司徒奉青帝之俎初皇帝既至位乐止太官令引饌入俎初入门雍和之乐作以黄钟之均饌至陛乐止祝史俱进跪彻毛血之豆降自东陛以出青帝之饌升自南陛配帝之饌升自东陛诸太祝迎引於坛上各设於神坐前【笱豆盖幂先彻乃升簠簋既奠却其盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下之饌相次而毕太常卿引皇帝诣罍洗乐作皇帝至罍洗乐止侍中跪取匜兴沃水又侍中跪取盘兴承水皇帝盥手黄门侍郎跪取巾於篚兴进皇帝帨手讫黄门侍郎受巾跪奠於篚遂取匏爵於篚兴进皇帝受爵侍中酌罍水又侍中奉盘皇帝洗爵黄门侍郎又授巾皆如初皇帝拭爵讫侍中奠盘匜黄门侍郎受巾奠於篚皆如初太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎升立於司徒之後太常卿引皇帝诣青帝酒樽所执樽者举幂侍中赞酌泛齐讫壽和之乐作太常卿引皇帝进青帝灵威仰神坐前北向跪奠俛伏兴太常卿引皇帝少退北向立乐止太祝持版进於神坐之右东向跪读祝文曰维某年岁

次月朔日子嗣天子臣某敢昭告于青帝灵威仰献春伊始时惟发生品物昭苏式遵恒礼敬以玉帛牺齐粢盛庶品肃恭燔祀畅兹和德帝太昊氏配神作主尚飨讫兴皇帝再拜初读祝文讫乐作太祝进跪奠版於神坐前兴还樽所皇帝再拜讫乐止太常卿引皇帝诣配帝酒樽所执樽者举冪侍中取爵於坫进皇帝爵侍中赞酌泛齐讫乐作太常卿引皇帝进帝太昊氏神坐前东向跪奠爵俛伏兴太常卿引皇帝少退东向立乐止太祝持版进於神坐之左北面跪读祝文曰维某年岁次月朔日子嗣开元神武皇帝臣讳敢昭告于帝太昊氏爰始立春盛德在木用致燔柴于青帝灵威仰惟帝布兹仁政功叶上玄谨以制币牺齐粢盛庶品备兹明荐配神作主尚飨讫兴皇帝再拜初读祝文讫乐作太祝进跪奠版於神坐兴还樽所皇帝拜讫乐止太常卿引皇帝进青帝神坐前北向立乐作太祝各以爵酌上樽福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉加於俎以胙肉共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中受爵以授太祝太祝受爵复

於坫皇帝俛伏兴再拜乐止太常卿引皇帝乐

作皇帝降自南陛还版位西向立乐止文舞入鼓祝作舒和之乐出讫戛散乐止武舞入鼓祝作舒和之乐出讫戛散乐止皇帝献将毕谒者引太尉诣罍洗盥手洗匏爵讫谒者引太尉自东阶升坛诣青帝着樽所执樽者举冪太尉酌醴齐武舞作谒者引太尉进青帝神坐前北向跪奠爵兴谒者引太尉少退北向再拜谒者引太尉诣配帝牺樽所取爵於坫执樽者举冪太尉酌醴齐谒者引太尉进帝太昊氏神坐前东向跪奠爵兴谒者引太尉少退东向再拜谒者引太尉进青帝神坐前北面立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坫太尉降复位初太尉献将毕谒者引光禄卿诣罍洗盥手洗匏爵升酌盎齐终献如亚献之仪讫谒者引光禄卿复位初太尉将升献赞引三人各引献官以次诣罍洗盥手洗爵一献岁星三辰一献勾芒氏一献七宿各诣酒樽所俱酌酒进跪奠於坐首兴余坐皆祝史助奠相次而毕赞引各引献官还本位武舞六成乐止舞献俱毕上下诸祝各进跪彻豆兴还樽所【彻者筵豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜上下诸祝各执筐进神坐前跪取玉帛祝版斋郎以俎载牲体稷黍饭及酒爵兴各自陛降坛南行经悬内当柴坛南东行自南陛登柴坛以玉帛祝版饌物置於柴上户内诸祝又以星辰以下之礼币皆从燎奉礼曰可燎东西两面各六人以炬燎火半柴太常卿前奏礼毕太常卿引皇帝还大次乐作皇帝出内墀门殿中监前受镇珪以授尚衣奉御殿中监前受大珪华盖侍卫如常仪皇帝入次乐止谒者赞引引祀官通事舍人引从事羣官诸方客使以次出赞引引御史以下俱复执事位立定奉礼曰再拜御史已下皆再拜赞引引出工人二舞以次皆出

銮驾还宫如圜丘之仪

大唐开元礼卷十二

卷十三

钦定四库全书

大唐开元礼卷十三 唐 萧嵩等 撰吉礼

立春祀青帝於东郊有司摄事

斋戒 陈设

省牲器 奠玉帛

进熟

斋戒

前祀七日平明太尉誓百官於尚书省曰某年某日祀东方青帝於东郊各扬其职不供其事国有常刑凡预祀之官散斋四日致斋三日【散斋各於正寝致斋二日於本司一日於祀所其无本司者各於祀所】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事光禄卿监取明水火【太官令取水於陰鉴取火於阳燧火以供爨水以实樽】前祀一日诸卫令其属未後一刻各以其方器服守卫壇門与太乐工人俱清斋一宿

陈设

前祀三日卫尉设祀官公卿已下次於东壇之外道南北向以西为上陈设僎幔於内壇东门之外道南北向前祀二日太乐令设宫悬之乐於坛南内壇之内东方西方磬簠起北钟簠次之南方北方磬簠起西钟簠次之设十二鐃钟於编悬之间各依辰位树雷鼓於北悬之内道之左右植建鼓於四隅置祝斂於悬内【祝在左斂在右】设歌钟歌磬於坛上近南北向磬簠在东其匏竹者立於坛下重行北向相对为首【凡悬皆展而编之】诸工人各位於悬後东方西方以北为上南方北方以西为上右校扫除坛之内外郊社令积柴於燎坛【其坛於神坛之左内壇之外】方一丈高一丈二尺开上南出户六尺前祀一日奉礼设祀官公卿位於内壇东门之内道北执事位於道南每等异位俱重行西向以北为上设望燎位当柴坛之北南向设御史位於坛上正位於东南隅西向副位於西南隅东向令史陪其後於坛下设奉礼位於乐悬东北赞者二人在南差退俱西向又设奉礼赞者位於燎坛东北西向皆北上设协律郎位於坛上南陛之西东向设太乐令位於北悬之间当坛北向设祀官公卿以下门外位皆於东壇之外道南每等异位重行北向以西为上设牲牓於东壇之外当门西向配帝牲牓少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设青帝酒樽於坛之上下太樽二着樽二

牺樽二山罍二在坛上于东南隅北向象樽二壶樽二山罍二在坛下南陛之东北向俱西上设配帝着樽二牺樽二象樽二山罍二在坛上於青帝酒樽之东北向西上岁星三辰勾芒氏俱象樽二各设於神坐之左皆右向七宿壶樽二设於神坐之右而左向【青帝配帝之樽置於圜星辰以下尊俱藉以席皆加勺罍设爵於尊下】设洗於坛南陛东南北向罍水在洗东篚在洗西南肆【篚实以巾爵】设星辰以下罍洗篚罍各於其方陛道之左俱内向执樽罍篚罍者各於樽罍篚罍之後各设玉币之篚於坛之上下樽圜之所祀日未明五刻太史令郊社令升设青帝灵威仰神坐於坛北方南向席以稊秸设帝太昊氏神坐於东方西向席以莞设岁星三辰之坐於坛之东北七宿之坐於坛之西北各於其坛下南向相对为首设勾芒氏之坐於坛之东南西向席皆以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻诸行事之官各服常服郊社令帅府史二人及斋郎以樽圜洗篚罍入设於位晡後三刻诸太祝与廩牺令以牲就牓位谒者引太常卿赞引引御史诣坛东陛升视涤濯於上【於视濯执樽者皆举罍告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饗申视濯溉谒者赞引各引祀官御史就厨省饗具讫俱还斋所祀日未明十五刻太官令帅宰人以鸾刀割牲祝史以豆取毛血各置於饗所遂烹牲

奠玉帛

祀日未明三刻诸祀官各服其服郊社令良醢令各帅其属入实樽罍玉币【凡六樽之次太樽为上实以泛齐着樽次之实以醴齐牺樽次之实以盎齐象樽次之实以醢齐壶樽次之实以沈齐山罍为下实以玄酒配帝着樽为上实以泛齐牺樽次之实以醴齐象樽次之实以盎齐山罍为下实以清酒其岁星三辰勾芒氏之象樽俱实以醢齐七宿之壶樽实以沈齐玄酒各实於五齐之上礼神之玉以青珪币皆以青】太官令帅进饗者实诸边豆簋簠入设於内壝东门之外饗幔内未明二刻奉礼帅赞者先入就位赞引引御史博士诸太祝及令史祝史与执樽罍篚罍者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚罍者各就位赞引引御史诸太祝诣坛东陛升行扫除於上令史祝史行扫除於下讫各引就位未明一刻太乐令帅工人二舞次入就位文舞入陈於悬内武舞立於悬南道西谒者引司空入再拜行扫除讫引就位初司空入谒者引祀官赞引引执事者俱就壝外位司空扫除讫谒者赞引各引祀官次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位协律郎跪俛伏举麾鼓祝奏角音乃以黄钟之均文舞之舞乐六成偃麾戛敔乐止【凡乐皆协律郎举麾工鼓祝而後作偃麾戛敔而後止】奉礼曰衆官再拜衆官在位者皆再拜上下诸太祝俱取玉币於篚各立樽所谒者引太尉诣南陛升坛北面立太祝加玉於帛东

向授太尉太尉受玉币登歌作肃和之乐乃以大吕之均谒者引太尉进北面跪於青帝灵威仰神坐前兴谒者引太尉少退北向再拜讫谒者引太尉立於西方东向又太祝奉币北向授太尉太尉受币谒者引太尉进东面跪奠於帝太昊氏神坐前兴谒者引太尉少退东向再拜讫登歌止谒者引太尉降自南陛还本位初太尉奠配帝之币星辰以下诸祝各以币进奠於神坐还樽所初衆官拜讫祝史各奉毛血之豆立於门外登歌止祝史奉毛血入各由其陛升诸太祝迎取坛上俱进奠於神坐前诸太祝与祝史退立於樽所

进熟

太尉既升奠玉帛太官令出帅进饌者奉饌陈於内墀门外谒者引司徒出诣饌所司徒奉青帝之俎诸太祝既奠毛血太官令引饌入俎初入门雍和之乐作饌至陛乐止祝史俱进彻毛血之豆降自东陛以出青帝之饌升自南陛配帝之饌升自东陛诸太祝迎引於坛上各设於神坐前【笾豆盖冪先彻乃升簋簠既奠却其盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下之饌相次而毕谒者引太尉诣盥洗盥手洗匏爵讫谒者引太尉升自南陛诣青帝酒樽所执樽者举冪太尉酌泛齐讫乐作谒者引太尉进青帝灵威仰神坐前北向跪奠爵兴谒者引太尉少退北向立乐止太祝持版进於神坐之右东面跪读祝文曰维某年岁次月朔日子嗣天子臣某谨遣太尉封臣名敢昭告於青帝灵威仰献春伊始时惟发生品物昭苏式遵恒礼敬以玉帛牺齐粢盛庶品肃恭燔祀畅兹和德帝太昊氏配神作主尚飨讫兴太尉再拜初读祝文讫乐作太祝进奠版於神坐还樽所太尉拜讫乐止谒者引太尉诣配帝酒樽所取爵於坫执樽者举冪太尉酌泛齐讫乐作谒者引太尉进帝太昊氏神坐前东向跪奠爵兴谒者引太尉少退东向立乐止太祝持版进於神坐之左北面跪读祝文曰维某年岁次月朔日子嗣开元神武皇帝某谨遣太尉封臣名敢昭告于帝太昊氏爰始立春盛德在木用致燔燎于青帝灵威仰惟帝布兹仁政功叶上玄谨以制币牺齐粢盛庶品备兹明荐配帝作主尚飨讫兴太尉再拜初读祝文讫乐作太祝进奠版於神坐还樽所太尉再拜讫乐止谒者引太尉进青帝神坐前北向立太祝各以爵酌冪福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各帅斋郎进俎太祝减神前胙肉加於俎以胙肉共置一俎上太祝持俎东向授太尉太尉受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止初太尉献将毕谒者引太常卿诣盥洗盥手洗匏爵讫谒者引太常卿自东陛升坛诣青帝着樽所执樽者举冪太常卿酌醴齐讫武舞作谒者引太常卿进青帝灵威仰神坐前北面跪奠爵兴谒者引太常卿少退北向再拜讫谒者引太常卿诣配帝牺樽所取坫执樽者举冪太常卿酌醴齐讫谒者引太常卿进帝太昊氏神坐前东向跪奠爵兴谒者引太常卿少退东向再拜讫谒者引太常卿进青帝神坐前北向立太祝各以爵酌冪福酒合置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受爵复於坫太常卿再拜谒者引太常卿降复位初太常卿献将毕谒者引光禄卿诣盥洗盥手洗匏爵升酌盎齐终献如亚献之仪讫谒者引光禄卿降复位初太常卿将升献赞引三人各引献官以次诣盥洗盥手洗爵一献岁星三辰一献勾芒氏一献七宿各诣酒樽所俱酌酒进奠於坐首余皆祝史助奠相次而毕赞引各引献官还本位武舞六成乐止舞献俱毕上下诸祝各进彻豆还樽所【彻者笾豆各

一少移於故处】奉礼曰赐胙赞者唱衆官再拜衆官皆再拜【已饮福受胙者不拜】乐作奉礼曰衆官再拜衆官在位者皆再拜乐一成止谒者进太尉之左白请就望燎位谒者引太尉就望燎位南向立於衆官将拜上下诸祝各执篚进神坐前取玉帛祝版斋郎以俎载牲体稷黍饭及爵酒各由其陛降坛南行经悬内当柴坛南东行自南陛登柴坛以玉帛祝版饌物置於柴坛上户内诸祝又以星辰之下之礼币皆从燎奉礼曰可燎东西面各六人以炬燎火半柴谒者进太尉之左曰礼毕谒者引太尉出又谒者赞引各引祀官以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷十三

卷十四

钦定四库全书

大唐开元礼卷十四 唐 萧嵩等 撰吉礼

皇帝立夏祀赤帝於南郊

斋戒 陈设

省牲器 銮驾出宫

奠玉帛 进熟

銮驾还宫

斋戒

前祀七日平明太尉誓百官於尚书省曰某月某日祀赤帝於南郊各扬其职不供其事国有常刑皇帝散斋四日致斋三日如圜丘之仪凡预祀之官散斋四日致斋三日【散斋皆於正寝致斋二日於本司一日於祀所其无本司者皆於祀所】近侍之官应从升者及从祀羣官诸方客使各於本司及公馆清斋一宿凡散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官以下已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鑒取火於阳燧火以供爨水以实樽】前祀一日诸卫令其属未後一刻各以其方器守卫墻门与太乐工人俱清斋一宿

陈设

前祀三日尚舍直长施大次於外墻东门之内道北南向尚舍奉御铺御坐卫尉设陈饌幔於内墻东门之外道南北向设文武侍臣次又设祝官及从祀羣官诸州使人蕃客等次如式前祀二日太乐令设宫悬之乐於坛南内墻之内设歌钟歌磬於坛上各如圜丘之仪右校扫除坛之内外郊社令积柴於燎坛【其坛於乐悬之南外墻之内】方一丈高一丈二尺开上南出户方六尺前祀一日奉礼郎设御?於坛之东南西向设望燎位於柴坛之北南向设祀官公卿位於内墻东门之外道南分献之官於公卿之南执事者位於其後每等异位俱重行西向北上设御史位於坛下一位在东南西向一位在西南东向令史各陪其後设奉礼位於乐悬东北赞者二人在南差退俱西向设协律郎位於坛上南陛之西东向设太乐令位於北悬之间北向设从祀官文官九品已上於执事之南东方南方蕃客又於其南每等异位重行西向北上鄘公介公位於内墻西门之外道南武官九品以上於鄘公介公之後西方北方蕃客

又於其南俱每等异位重行东面北上【其褒圣侯於文官三品之下诸州使人分方次京官之下】又设祀官及从祀羣官等门外位於东西墼门之外道南皆如设次之式设牲牓於东墼之外当门西向配帝牲牓少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设赤帝酒樽於坛之上下太樽二着樽二牺樽二山罍二在坛下於东南隅北向象樽二壶樽二山罍二在坛下皆於南陛之东北向西上设配帝着樽二牺樽二象樽二山罍二在坛上於赤帝酒樽之东北向西上荧惑三辰祝融氏俱象樽二各设於神坐之左皆右向七宿壶樽二设於神坐之右而左向【赤帝配帝 樽置於玷星辰以下樽藉以席 加勺罍设爵于樽下】设御洗於坛南陛东南亚献之洗又於东南俱北向罍水在洗东筐在洗西南肆【筐实以巾爵】设星辰以下罍洗筐罍各於其方阶道之左俱内向执樽罍筐罍者各於其後又设玉币之筐於坛之上下樽玷之所祀日未明五刻太史令郊社令升设赤帝赤熒怒神位於坛之上北方南向席以稊秸设帝神农氏神坐於东方西向席以莞设荧惑三辰之坐於坛之东北七宿之坐於坛之西北各於其坛下南向相对为首设祝融氏之坐於坛之东南西向席皆以莞设神位各於坐首

省牲器

省牲一日午後十刻去坛二百步所诸卫之属禁断行人晡後二刻郊社令帅府史二人及斋郎以樽玷罍洗筐罍入设於位晡後三刻诸太祝与廩牺令以牲就牓位谒者引太常卿赞引引御史诣坛东陛升视濯漑於上【於视濯执樽者皆举罍告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官令谒者引光禄卿诣厨省鼎饌申视濯漑谒者赞引各引祀官御史就厨省饌具讫俱还斋所祀日未明十五刻太史令帅宰人以鸾刀割牲祝史以豆取毛血各置於饌所遂烹牲

銮驾出宫如圜丘之仪

奠玉帛

祀日未明三刻诸祀官各服其服郊社令良醢令各率其属入实樽罍及玉币【凡六樽之次太樽为上实以泛齐着樽次之实以醴齐牺樽次实以盎齐象樽次之实以醢齐壶樽次之实以沈齐山罍下实以清酒配帝着樽为上实以泛齐牺樽次之实以醴】

【齐象樽次之实以盎齐山罍为下实以清酒其荧惑三辰祝融氏之象樽俱实以醢齐七宿之壶樽俱实以沈齐玄酒各实於五齐之上樽礼神之玉以赤璋其币各以赤色】太官令帅进饌者实诸笾豆簠簋入设於内墼东门之外饌幔内未明二刻奉礼帅赞者先入就位赞引引御史博士诸太祝及令史祝史与执樽罍筐罍者入自东墼门当坛南重行北面西上立定奉礼曰再拜赞者承传【凡奉礼有辞赞者皆承传】御史以下皆再拜讫执樽罍筐罍者各就位赞引引御史博士诸太祝诣东陛升行扫除於上令史祝史行扫除於下讫各引就位

驾将至谒者赞引各引祝官通事舍人分引从祀羣官诸方客使先至者就门外位驾至大次门外回辂南向千牛将军降立于辂右侍中进当銮驾前跪奏称侍中臣某言请降辂俛伏兴还侍位皇帝降辂之大次通事舍人各引文武五品已上从祀之官皆就壝外位太乐令帅工人二舞次入就位文舞入陈於悬内武舞立於悬南道西谒者引司空入行扫除讫出复位如常仪皇帝停大次半刻顷通事舍人赞引各引从祀羣官鄺公介公诸方客使先入就位太常博士引太常卿立於大次门当门北向侍中版奏外办皇帝服衮冕出次华盖侍卫如常仪博士引太常卿太常卿引皇帝【凡太常卿前导皆博士先引】至内壝门外殿中监进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停於门外近侍者从入如常谒者引礼部尚书太常少卿陪从如常仪皇帝至版位西向立【每立定太常卿博士即退立於左】谒者赞引各引祀官次入就位立定太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏徵音乃以黄钟之均文武之舞乐舞六成偃麾戛敌乐止太常卿前奏称请再拜退复位皇帝再拜奉礼曰衆官再拜衆官在位者皆再拜上下诸太祝俱取玉币於筐各立於樽所太常卿引皇帝太和之乐作皇帝诣坛升自南陛侍中中书令以下侍卫量人从升坛皇帝升坛北向立乐止太祝加玉於币以授侍中侍中奉玉帛东向进皇帝搢镇珪受玉币登歌作肃和之乐以大吕之均太常卿引皇帝进北面跪奠於赤帝赤嫫怒神坐俛伏兴太常卿引皇帝少退北面再拜讫太常卿引皇帝立於西方东向又太祝以币授侍中侍中奉币北向进皇帝受币太常卿引皇帝进东向跪奠於帝神农氏神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止皇帝初奠配帝之币星辰以下诸祝各以币进奠於神坐还樽所初羣官拜讫祝史各奉毛血之豆立於门外於登歌止祝史奉毛血之豆入各由其陛升诸太祝迎取於坛上俱进奠於神坐前诸太祝与祝史退立於樽所

进熟

皇帝既升奠玉帛太官令出帅进饌者奉饌陈於内壝门之外谒者引司徒出诣饌所司徒奉赤帝之俎初皇帝既至位乐止太官令引饌入俎初入门雍和之乐作以黄钟之均饌至陛乐止祝史俱进跪彻毛血之豆降自东陛以出赤帝之饌升自南陛配帝之饌升自东陛诸太祝迎引於坛上各设於神坐前【笾豆盖幂先彻乃升簋簠既奠却其盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下之饌相次而毕太常卿引皇帝诣罍洗乐作皇帝至罍洗乐止侍中跪取匱兴沃水又侍中跪取盘兴承水皇帝盥手黄门侍郎跪取巾於筐兴进皇帝帨手讫黄门侍郎受巾跪奠於筐遂取匏樽於筐兴进皇帝受爵侍中酌罍水又侍中奉盥水皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠於筐皆如常太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎从升立於司徒之後太常卿引皇帝诣赤帝酒樽所执樽者举幂侍中赞酌泛齐讫壽和之乐作太常卿引皇帝进赤帝赤嫫怒神坐前北向跪奠爵俛伏兴太常卿引皇帝少退北向立乐止太祝持版进於神坐之右东向跪读祝文曰维某年岁次月朔日子嗣天子臣某敢昭告於赤帝赤嫫怒朱明戒序长赢驭节庶品蕃硕用遵恒典敬以玉帛牺齐粢盛庶品恭备禋祀肃昭养德帝神农氏配神作主尚飨讫兴皇帝

再拜初读祝文讫乐作太祝进跪奠版於神坐前兴还樽所皇帝拜讫乐止太常卿引皇帝诣配帝酒樽所执樽者举罍侍中取爵於坫进皇帝受爵侍中赞酌泛齐讫乐作太常卿引皇帝进帝神农氏神坐前东向跪奠爵俛伏兴太常卿引皇帝少退东向立乐止太祝持版立於神坐之左北面跪读祝文曰维某年岁次某月朔日子嗣开元神武皇帝臣讳敢昭告於帝神农氏时惟孟夏火德方融用致明禋於赤帝赤嫫怒惟帝表功协德允斯作对谨以制币牺齐粢盛庶品式陈明荐作主配神尚飨讫兴皇帝再拜初读祝文讫乐作太祝进跪奠版於神坐兴还樽所皇帝拜讫乐止太常卿引皇帝进赤帝神坐前北向立乐作太祝各以爵酌上樽福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉加於俎以胙肉共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止皇帝献将毕谒者引太尉诣盥洗盥手洗匏爵讫谒者引太尉自东陛升坛诣赤帝着樽所执樽者举罍太尉酌醴齐武舞作谒者引太尉进赤帝神坐前北向跪奠爵兴谒者引太尉少退北向再拜谒者引太尉诣配帝牺樽所取爵於坫执樽者举罍太尉酌醴齐谒者引太尉进帝神农氏神坐前东向跪奠爵兴谒者引太尉少退东向再拜谒者引太尉进赤帝神坐前北面立太祝各以爵酌盥福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉降复位初太尉献将毕谒者引光禄卿诣盥洗盥手洗匏爵升酌盎齐终献如亚献之仪讫谒者引光禄卿复位初太尉将升献赞引三人各引献官以次诣盥洗盥手洗爵一献荧惑三辰一献祝融氏一献七宿各诣酒樽所俱酌酒进跪奠於坐首祝史助奠相次而毕赞引各引献官还本位武舞六成乐止舞献俱毕上下诸祝各进跪彻豆兴还樽所【彻者筯豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜上下诸祝各执筐进神坐前跪取玉帛祝版斋郎以俎载牲体黍稷饭及酒爵兴各自其陛降坛南行经悬内当柴坛南东行自南陛登柴坛以玉帛祝版馔物置於柴上户内诸祝又以星辰以下之礼币皆从燎奉礼曰可燎东西面各六人以炬燎火半柴太常卿前奏礼毕太常卿引皇帝还大次乐作皇帝出内墻门殿中监前受镇珪以授尚衣奉御殿中监前受大珪华盖侍卫如常仪皇帝入次乐止谒者赞引引祀官通事舍人引从祀羣官诸方客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次皆出

銮驾还宫如圜丘之仪

大唐开元礼卷十四

卷十五

钦定四库全书

大唐开元礼卷十五 唐 萧嵩等 撰吉礼

立夏祀赤帝於南郊有司摄事

斋戒 陈设

省牲器 奠玉帛

进熟

斋戒

前祀七日平明太尉誓百官於尚书省曰某月某日祀赤帝於南郊各扬其职不供其事国有常刑凡预祀之官散斋四日致斋三日【散斋各於正寝致斋二日於本司一日於祀所其无本司者皆於祀所】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事光禄卿监取明水火【太官令取水於陰鉴取火於阳燧火以供爨水以实樽】前祀一日诸卫令其属未後一刻各以其方器仗守卫壝门与太乐工人俱清斋一宿

陈设

前祀三日诸卫设祀官公卿以下次於东壝之外道南北向西上设陈饌幔於内壝东门之外道南北向前祀二日太乐令设宫悬之乐於坛南内壝之内东方西方磬簠起北钟簠次之南方北方磬簠起西钟簠次之设十二罇钟於编悬之间各依辰位树雷鼓於北悬之内道之左右植建鼓於四隅置祝敌於悬内【祝在左敌在右】设歌钟歌磬於坛上近南北向磬簠在西钟簠在东其匏竹者立於坛下重行北向相对为首【凡悬皆展而编之】工人各位於悬後东方西方以北为上南方北方以西为上右校扫除坛之内外郊社令积柴於燎坛【其坛於神坛之左内壝之外】方一丈高一丈二尺开上南出户方六尺前祀一日奉礼郎设祀官公卿位於内壝东门之内道北执事位於道南每等异位俱重行西向北上设望燎位当柴坛之北南向设御史位於坛上正位於东南隅西向副位於西南隅东向令史各陪其後於坛下设奉礼位於乐悬东北赞者二人在南差退俱西向又设奉礼赞者位於燎坛东北西向皆北上设协律郎位於坛上南陛之东西向设太乐令位於北悬之间当坛北向设祀官公卿已下门外位皆於东壝之外道南每等异位重行北向西上设牲牓於东壝之外当门西向配帝牲牓少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常省牲位於牲前近北南向设赤帝酒樽於坛之上下太樽二着樽二牺

樽二山罍二在坛上於东南隅北向象樽二壶樽二山罍二在坛下南陛之东北向俱西上设配帝着樽二牺樽二象樽二罍二在坛上於赤帝酒樽之东北向西上荧惑星三辰祝融氏俱象樽二各设於神坐之左皆右向七宿壶樽二设於神坐之右而左向【赤帝配帝之樽置於坛星辰以下之樽俱藉以席皆加勺罍设爵於樽下】设洗於坛南陛东南北向罍水在洗东篚在洗西南肆【篚实以巾爵】设星辰以下罍洗篚罍各於其方陛道之左俱内向执樽罍篚罍者各於樽罍篚罍之後又设玉币之篚於坛上下樽坛之所祀日未明五刻太史令郊社令升设赤帝赤嫫怒神坐於坛北方南向席以藁秸设帝神农氏神坐於东方西向席以莞设荧惑星三辰之坐於坛之东北七宿之坐於坛之西北各於其坛下南向相对为首设祝融氏之坐於坛之东南西向席皆以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻诸行事之官各服其服郊社令帅府史二人及斋郎以樽坛罍洗篚罍入设於位晡後三刻诸太祝与廩牺令以牲就牓位谒者引太常卿赞引引御史诣坛东陛升视涤濯於上【於视濯执樽者举罍告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰膳还本位诸太祝循牲一匝西面举手曰充俱还本位诸太祝与廩牺令以次牵牲诣厨授太官令谒者引光禄卿诣厨省鼎镬申视涤濯谒者赞引各引祀官御史就厨省饌具讫俱还斋所祀日未明十五刻太官令帅宰人以鸾刀割牲祝史以豆取毛血各置於饌所遂烹牲

奠玉帛

祀日未明三刻诸祀官各服其服郊社令良醢令帅其属入实樽罍玉币【凡六樽之次太樽为上实以泛齐着樽次之实以醴齐犧樽次之实以盎齐象樽次之实以醢齐壶樽次之实以沈齐山罍爲下实以清酒配帝着樽爲上实以泛齐牺樽次之实以醴齐象樽次之实以盎齐山罍爲下实以清酒其荧惑三星祝融氏之象樽俱实以醢齐七宿之壶樽实以沈齐玄酒各实於五齐之上樽礼神之玉以赤璋币用赤色】太官令帅进饌者实诸笾豆簠簋入设於内壝东门之外饌幔内未明二刻奉礼帅赞者先入就位赞引引御史博士诸太祝及令史与执樽罍篚罍者入自东门当坛南重行北面西上立定奉礼曰再拜赞者承传【凡奉礼有辞赞者皆承传】御史以下皆再拜讫执樽罍篚罍者各就位赞引引御史诸太祝诣坛东陛升行扫除於上令史祝史行扫除於下讫各引就位未明一刻太乐令帅工人二舞以次入就位文舞入陈於悬内武舞立於悬南道西谒者引司空入行扫除如常仪初司空入谒者引祀官赞引引执事者俱就门外位司空行扫除讫谒者赞引各引祀官次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位协律郎跪俛伏举麾【凡取物者皆跪俛伏而取兴奠物既奠讫俛伏而後兴】鼓祝奏徵音乃以黄钟之均文舞之舞乐舞六成偃麾戛敌乐止【凡乐皆协律郎举麾工鼓祝而後作偃麾戛敌而後止也】奉礼曰衆官再拜衆官在位者皆再拜上下诸太祝俱取玉币於篚各立於樽所谒者引太尉诣南陛升坛北向立太祝加玉於币东向授太尉太尉受玉币登歌作肃

和之乐乃以大吕之均谒者引太尉进北面跪奠於赤帝赤熛怒神坐前兴谒者引太尉少退北向再拜讫谒者引太尉立於西方东向又太祝奉币北向授太尉太尉受币谒者引太尉进东向跪奠於帝神农氏神坐前兴谒者引太尉少退东向再拜讫登歌止谒者引太尉降自南陛还本位初太尉奠配帝之币星辰以下诸祝各以币进奠於神坐还樽所初衆官拜讫祝史各奉毛血之豆立於门外於登歌止祝史奉毛血之豆入各由其陛升诸太祝迎取於坛上俱进奠於神坐前诸太祝与祝史退立於樽所

进熟

太尉既升奠玉币太官令出帅进饌者奉饌陈於内墀门外谒者引司徒出诣饌所司徒奉赤帝之俎诸太祝既奠毛血太官令引饌入俎初入门雍和之乐作饌至阶乐止祝史俱进彻毛血之豆降自东陛诸太祝迎引於坛上各设於神坐前【笾豆盖幂先彻乃升簋簠既奠却其盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下之饌相次而毕谒者引太尉诣罍洗盥手洗匏爵讫谒者引太尉升自南陛诣赤帝酒樽所执樽者举幂太尉酌泛齐讫乐作谒者引太尉进赤帝赤熛怒神坐前北向跪奠爵兴谒者引太尉少退北向立乐止太祝持版进於神坐之右东面跪读祝文曰维某年岁次月朔日子嗣天子臣某谨遣太尉封臣名敢昭告於赤帝赤熛怒朱明戒序长赢驭节庶品蕃硕用遵恒典敬以玉帛牺齐粢盛庶品恭备禋祀肃昭养德帝神农氏配神作主尚飨讫兴太尉再拜讫乐止谒者引太尉诣配帝酒樽所取爵於坫执樽者举幂太尉酌泛齐讫乐作谒者引太尉进帝神农氏神坐前东向跪奠爵兴谒者引太尉少退东向立乐止太祝持版进於神坐之右北面跪读祝文曰维某年岁次月朔日子嗣天子开元神武皇帝臣某谨遣太尉封臣名敢昭告於帝神农氏惟时孟夏火德方融用致明禋於赤帝赤熛怒惟帝表功协德允斯作对谨以制币牺齐粢盛庶品式陈明荐作主配神尚飨讫兴太尉再拜初读祝文讫乐作太祝进跪奠版於神坐兴还樽所太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各帅斋郎进俎太祝减神前胙肉加於俎以胙肉共置一俎上太祝持俎东向授太尉太尉受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉献将毕谒者引太常卿诣罍洗盥手洗匏爵讫谒者引太常卿自东陛升坛诣赤帝着樽所执樽者举幂太常卿酌醴齐讫武舞作谒者引太常卿进赤帝赤熛怒神坐前北面跪奠爵兴谒者引太常卿少退北面再拜讫谒者引太常卿诣配帝酒樽所取爵於坫执樽者举幂太常卿酌醴齐讫谒者引太常卿进帝神农氏神坐前东向跪奠爵兴谒者引太常卿少退东向再拜讫谒者引太常卿进赤帝赤熛怒神坐前北向立太祝各以爵酌罍福酒合置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受爵复於坫太常卿再拜谒者引太常卿降复位初太常卿献将毕谒者引光禄卿诣罍洗盥手洗匏爵升酌盎齐终献如亚献之仪讫谒者引光禄卿降复位初太常卿将升献赞引三人各引献官以次诣罍洗盥手洗爵一献荧惑三辰一献祝融氏一献七宿各诣酒樽所俱酌酒进奠於坐首余坐皆祝史助奠相次而毕赞引各引献官还本位武舞六成乐止舞献俱毕上下诸祝各进彻豆还樽所【彻者笾豆各一少移於故处】奉礼曰赐胙赞者唱衆官再拜衆官皆再拜【已饮福受胙者不拜】乐作奉礼曰衆官再拜衆官在位者皆

再拜乐作一成止谒者进太尉之左白请就望燎位谒者引太尉就望燎位南向立於衆官将拜上下诸祝各执篚进神坐前取玉帛祝版斋郎以俎载牲体黍稷饭及爵酒各由其陛降坛南行经悬内当柴坛南东行自南陆登柴坛以玉币祝版饌物置於柴上户内诸祝又以星辰以下之礼币皆从燎奉礼曰可燎东西面各六人以炬燎火半柴谒者进太尉之左白礼毕谒者引太尉出谒者赞引各引祀官以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷十五

卷十六

钦定四库全书

大唐开元礼卷十六 唐 萧嵩等 撰吉礼

皇帝季夏土王日祀黄帝於南郊

斋戒 陈设

省牲器 銮驾出宫

奠玉帛 进熟

銮驾还宫

斋戒

前祀七日平明太尉誓百官於尚书省曰某月某日祀黄帝於南郊各扬其职不供其事国有常刑皇帝散斋四日致斋三日如圜丘之仪凡预祀之官散斋四日致斋三日【散斋皆於正寝致斋二日於本司一日於祀所若无本司皆於祀所】近侍之官应从升者及从祀羣官诸方客使各於本司及公馆清斋一宿凡散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鑒取火於阳燧火以供爨水以实樽】前祀一日诸卫令其属未後一刻各以其方器守卫墻门与太乐工人俱清斋一宿

陈设

前祀三日尚舍直长施大次於外墻东门之内道北南向尚舍奉御铺御坐卫尉陈饌於内墻东门之外道南北向设文武侍臣次又设祀官及从祀羣官诸州使人蕃客等次前祀二日太乐令设宫悬之乐於坛南内墻之内设歌钟歌磬於坛上各如圜丘之仪右校扫除坛之内外郊社令积柴於燎坛【其坛於乐悬之南外墻之内】方一丈高一丈二尺开上南出户六尺前祀一日奉礼设御位於坛之东西向设望燎位於柴坛之北南向设祀官公卿位於内墻东门之外道南分献之官於公卿之南执事者位於其後每等异位重行西向北上设御史位於坛下一位在东南西向一位在西南东向令史各陪其後设奉礼位於乐悬东北贊者二人在南差退俱西向设协律郎位於坛上南陛之西东向设太乐令位於北悬之间北向设从祀之官文官九品已上於执事之南东方南方蕃客又於其南俱每等异位重行西向北上鄴公介公位於内墻西门之外道南武官九品已上於鄴公介公之後西方北方蕃客位於其南俱

每等异位重行东向北上【其褒圣侯於文官三品之下诸州使人分方各位於其後】又设祀官及从祀羣官等门外位於东西墻门之外道南皆如设次之式设牲牓於东墻之外当门西向配帝牲牓少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设黄帝酒樽於坛之上下太樽二着樽二牺樽二山罍二在坛上於东南隅北向象樽二壶樽二山罍二在坛下皆於南陛之东北向西上设配帝着樽二牺樽二象樽二山罍二在坛上於黄帝之酒樽东北向西上镇星后土氏俱象樽二各设於神坐之左皆右向【黄帝配帝之樽置於坵星辰以下樽藉以席皆加勺幂设爵於樽下】设御洗於坛南陛东南亚献之洗又於东南俱北向罍水在洗东篚在洗西南肆【篚实以巾爵】设星辰以下罍洗篚幂各於其方陛道之左俱内向执樽罍篚幂者各位於其後又设玉币之篚於坛之上下樽罍之所祀日未明五刻太史令郊社令升设黄帝含枢纽神坐於坛上北方南向席以藁秸设帝轩辕氏神坐於东方西向席以莞设镇星三辰之坐於东北设后土氏之坐於坛之东南西向席皆以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻郊社令帅府史二人及斋郎以樽坵罍洗篚幂入设於位晡後三刻诸太祝与廩牺令以牲就牓位谒者引太常卿赞引引御史詣坛东陛升视涤濯於上【於视濯执樽者皆举幂告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰膳还本位诸太祝各循牲一匝西向举手曰充俱还本位诸太祝与廩牺令以次牵牲詣厨授太官令谒者引光禄卿詣厨省鼎饌申视濯溉谒者赞引各引祀官御史就厨省饌具讫还斋所祀日未明十五刻太官令帅宰人以鸾刀割牲祝史以豆取毛血各置於饌所遂烹牲

銮驾出宫如圜丘之仪

奠玉帛

祀日未明三刻诸祀官各服其服郊社令良醞令各率其属入实樽罍玉币【凡六樽之次太樽为上实以泛齐着樽次之实以醴齐牺樽次之实以盎齐象樽次之实以醴齐壶樽次之实以沈齐山罍为下实以清酒配帝着樽为上实以泛齐牺樽次之实以醴齐象樽次之实以盎齐山罍为下实以清酒其镇星后土氏之象樽俱实以醴齐玄酒各实於五齐之上樽礼神之玉以黄琮其币各以黄】太官令帅进饌者实诸笾豆簠簋入设於内墻东门之外饌幔内未明二刻奉礼帅赞者先入就位赞引引御史博士诸太祝及令史祝史与执樽罍篚幂者入自东门当坛南重行北面西上立定奉礼曰再拜赞者承传【凡奉礼有辞赞者皆承传】御史以下皆再拜讫执樽罍篚幂者各就位赞引引御史诸太祝詣坛东陛升行扫除於上令史祝史行扫除於下讫各引就位驾将至谒者赞引各引祀官通事舍人分引从祀诸官诸方客使先至者就门外位驾至大次门外回辂南向将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂之大次通事舍人各引文武五品以上从祀之官

皆就壇外位太乐令帅工人二舞次入就位文舞入陈於悬内武舞立於悬南道西谒者引司空入行扫除讫出复位皇帝停大次半刻顷通事舍人赞引各引从祀羣官介公鄘公诸方客使先入就位太常博士引太常卿立於大次门当门北向侍中版奏外办皇帝服大裘而冕出次华盖侍卫如常仪博士引太常卿太常卿引皇帝【凡太常卿前导皆博士先引】至内壇门外殿中监进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停於门外近侍者从入如常谒者引礼部尚书太常少卿陪从如常皇帝至版位西向立【每立定太常卿博士即退立於左】谒者赞引各引祀官次入就位立定太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏兴举麾【凡取物者皆跪俛伏而取以兴奠物则奠讫俛伏而後兴】鼓祝奏宫音乃以黄钟之均文舞之舞乐六成偃麾戛敌乐止太常卿前奏再拜退复位皇帝再拜奉礼曰衆官再拜衆官在位者皆再拜上下诸太祝俱取玉币於筐各立於樽所太常卿引皇帝太和之乐作皇帝诣坛升自南陛侍中中书令以下左右卫量人从升坛皇帝升坛北向立乐止太祝加玉於币以授侍中侍中奉玉帛东向进皇帝搢镇圭受玉帛登歌作肃和之乐以大吕之均太常卿引皇帝进北面跪奠於黄帝含枢纽神坐前俛伏兴太常卿引皇帝少退北向再拜讫太常卿引皇帝立於西方东向又太祝以币授侍中侍中奉币北面进皇帝受币太常卿引皇帝进东面跪奠於帝轩辕氏神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止皇帝初奠配帝之币星辰以下诸祝各以币进奠於神坐还樽所初羣官拜讫祝史各奉毛血之豆立於门外於登歌止祝史奉毛血入各由其陛升诸太祝迎取於坛上俱进奠於神坐前诸太祝与祝史退立於樽所

进熟

皇帝既升奠玉帛太官令出帅进饌者奉饌陈於内壇门外谒者引司徒出诣饌所司徒奉黄帝之俎初皇帝既至位乐止太官令引饌入俎初入门雍和之乐作以黄钟之均饌至阶乐止祝史俱进跪彻毛血之豆降自东陛以出黄帝之饌升自南陛配帝之饌升自东陛诸太祝迎引於坛上各设於神坐前【笾豆盖幂先彻乃升簠簋既奠却盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下之饌相次而毕太常卿引皇帝诣盥洗乐作皇帝至盥洗乐止侍中跪取匱兴沃水又侍中跪取盘兴承水进皇帝盥手黄门侍郎跪取巾於筐兴进皇帝帨手讫黄门侍郎受巾跪奠於筐遂取匏爵於筐兴皇帝受爵侍中酌盥水侍中奉盘皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠於筐皆如常太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎从升立于司徒之後太常卿引皇帝诣黄帝酒樽所执樽者举幂侍中赞酌泛齐讫壽和之乐作太常卿引皇帝进黄帝含枢纽神坐前北向跪奠爵俛伏兴太常卿引皇帝少退北向立乐止太祝持版进於神坐之右东向跪读祝文曰维某年岁次月朔日子嗣天子臣某敢昭告於黄帝含枢纽爰兹溽暑实惟土润戊巳统位黄钟在宫敬以玉帛牺齐粢盛庶品恭备燔祀式?厚德帝轩辕氏配神作主尚飨讫兴皇帝再拜初读祝文讫乐作太祝进跪奠版於神坐前兴还樽所皇帝拜讫乐止太常卿引皇帝诣配帝酒樽所执樽者举幂侍中取爵於玷进皇帝受爵侍中赞酌泛齐讫乐作太常卿引皇帝进帝轩辕氏

神坐前东向跪奠爵俛伏兴太常卿引皇帝少退东向立乐止太祝持版进神坐之右北面跪读祝文曰维某年岁次月朔日子嗣开元神武皇帝臣讳敢昭告於帝轩辕氏时维季夏位膺土德式奉明禋於黄帝含枢纽惟帝功施厚地道合上玄谨以制币牺齐粢盛庶品肃陈明荐作主配神尚飨讫兴皇帝再拜初读祝文讫乐作太祝进跪奠版於神坐兴还樽所皇帝拜讫乐止太常卿引皇帝进黄帝神坐前北向立乐作太祝各以爵酌上樽福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉加於俎以胙肉共置一俎上太祝持俎以授司徒司徒奉俎面向进皇帝受以授左右谒者引司徒降复位皇帝跪取爵遂饮卒爵侍中受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止皇帝献将毕谒者引太尉诣罍洗盥手洗匏爵讫谒者引太尉自东陛升坛诣黄帝着樽所执樽者举罍太尉酌醴武舞作谒者引太尉进黄帝神坐前北向跪奠爵兴谒者引太尉少退北向再拜谒者引太尉诣配帝牺樽所取爵於坫执樽者举罍太尉酌醴齐谒者引太尉进帝轩辕氏神坐前东向跪奠爵兴谒者引太尉少退东向再拜谒者引太尉进黄帝神坐前北面立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉复位初太尉献将毕谒者引光禄卿诣罍洗盥手洗匏爵升酌盎齐终献如亚献之仪讫谒者引光禄卿复位初太尉将升献赞引二人各引献官以次诣罍洗盥手洗爵一献镇星一献后土氏各诣酒樽所俱酌进跪奠於坐首兴余坐皆祝史助奠相次而毕赞引各引献官还本位武舞六成乐止舞献俱毕上下诸祝史各进跪彻豆兴还樽所【彻者筯豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜上下诸祝各执筐进神坐前跪取玉帛祝版斋郎以俎载牲体黍稷饭及酒爵兴各自其陛降坛南行经悬内当柴坛南东行自南陛登柴坛以玉帛祝版饌物置於柴上户内诸祝又以星辰以下之礼币皆从燎奉礼曰可燎东西面各六人以炬燎火半柴太常卿前奏礼毕太常卿引皇帝还大次乐作皇帝出内墀门殿中盐前受镇珪以授尚衣奉御殿中盐前受大珪华盖侍卫如常仪皇帝入次乐止谒者赞引引祀官通事舍人引从祀羣官诸方客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次皆出

銮驾还宫如圜丘之仪

大唐开元礼卷十六

卷十七

<史部,政书类,仪制之属,大唐开元礼>

钦定四库全书

大唐开元礼卷十七 唐 萧嵩等 撰吉礼

季夏土旺日祀黄帝於南郊有司摄事

斋戒 陈设

省牲器 奠玉帛

进熟

斋戒

前祀七日平明太尉誓百官於尚书省曰某月某日祀黄帝於南郊各扬其职不供其事国有常刑凡预祀之官散斋四日致斋三日【散斋各於正寝致斋二日於本司一日於祀所其无本司者皆於祀所】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事光禄卿监取明水火【太官令取水於陰鉴取火於阳燧火以供爨水以实樽】前祀一日诸卫令其属未後一刻各以其方器服守卫壝门与太乐工人俱清斋一宿

陈设

前祀三日卫尉设祀官公卿以下次於东壝之外道南北向西上设陈饌幔於内壝东门之外道南北向前祀二日太乐令设宫悬之乐於坛南内壝之内东方西方磬簋起北钟簋次之南方北方磬簋起西钟簋次之设十二搏钟於编悬之间各依辰位树雷鼓於北悬之内道之左右植建鼓於四隅置祝敔於悬内【祝在左敔在右】设歌钟歌磬於坛上近南北向磬簋在西钟簋在东其匏竹者立於坛下重行北向相对为首【凡悬皆展而编之】设工人各位於悬後东方西方以北为上南方北方以西为上右校扫除坛之内外郊社令积柴於燎坛【其坛於神坛之左内壝之外】方一丈高一丈二尺开上南出户方六尺前祀一日奉礼设祀官公卿位於内坛东门之内道北执事位於道南每等异位重行西向北上设望燎位当柴坛之北南向设御史位於坛上正位於东南隅西向副位於西南隅东向令史各陪其後於坛下设奉礼位於乐悬东北赞者二人在南差退俱西向又设奉礼赞者位於燎坛东北西向皆北上设协律郎位於坛上南陛之西东向设太乐令位於北悬之间当坛北向设祀官公卿以下门外位皆於东壝之外道南每等异位重行北向西上设牲牓於东壝之外当门西向配帝牲

勝少退南上設廩牺令位於牲西南史陪其後俱北向設太祝位於牲東各當牲後祝史陪其後俱西向設太常卿省牲位於牲前近北南向設黃帝酒樽於壇之上下太樽二着樽二牺樽二象樽二山罍二在壇上於東南隅北向象樽二壺樽二山罍二在壇下皆於南陛之東北向西上設配帝着樽二牺樽二象樽二山罍二在壇上於黃帝酒樽之東北向西上鎮星三辰后土氏俱象樽二各設於神坐之左皆右向【黃帝配帝之樽置於玷星辰以下之樽俱藉以席皆加勺罍設爵於樽下】設洗於壇南陛東南北向罍在洗東篚在洗西南肆【篚實以巾爵】設星辰以下罍洗篚罍各於其方陛道之左俱內向執樽罍篚罍者各於樽罍篚罍之後各設玉帛之篚於壇之上下樽玷之所祀日未明五刻太史令郊社令升設黃帝含樞紐神坐於壇上北方南向席以藁秸設帝軒轅氏神坐於東方西向席以莞設鎮星三辰之坐於壇之東北南向設后土氏之坐於壇之東南西向席皆以莞設神位各於坐首

省牲器

省牲之日午後十刻去壇二百步所諸衛之屬禁斷行人晡後二刻郊社令帥府史二人及齋郎以樽玷罍洗篚罍入設於位晡後三刻諸太祝廩牺令以牲就勝位謁者引太常卿贊引引御史詣壇東陛升視濯漑於上【於視濯執樽者皆舉罍告洁】訖引太常卿降复位謁者進太尉之左白請就門外位謁者贊引各引祀官以下就門外位謁者引太常卿就省牲位南向立廩牺令少前曰請省牲退复位太常卿省牲廩牺令又前北面举手曰肅還本位諸太祝各循牲一匝西面举手曰充俱還本位諸太祝與廩牺令以次牽牲詣厨授太官謁者引光祿卿詣厨省鼎鑊視濯漑謁者贊引各引祀官御史就厨省饌具訖俱還齋所祀日未明十五刻太官令帥宰人以鸞刀割牲祝史以豆取毛血各置於饌所遂烹牲

奠玉帛

祀日未明三刻諸祀官各服其服郊社令良醞令各帥其屬入實樽罍玉帛【凡六樽之次太樽為上實以泛齊着樽次之實以醴齊牺樽次之實以盎齊象樽次之實以醴齊壺樽次之實以沈齊山罍為下實以玄酒配帝着樽為上實以泛齊牺樽次之實以醴齊象樽次之實以盎齊山罍為下實以清酒其鎮星后土之象樽俱實以醴齊玄酒各實於五齊之上樽禮神之王以黃琮其帛皆用黃】太官令帥進饌者實諸筯豆簠簋入設於內壝東門之外饌幔內未明二刻奉禮帥贊者先入就位贊引引御史博士諸太祝及令史祝史與執樽罍篚罍者入自東門當壇南重行北面西上立定奉禮曰再拜贊者承傳【凡奉禮有詞贊者皆承傳】御史以下皆再拜訖執樽罍篚罍者各就位贊引引御史諸太祝詣壇東陛升行掃除於上令史祝史行掃除於下訖各引就位未明一刻太樂令帥工人二舞次入就位文舞入陳於懸內武舞立於懸南道西謁者引司空入行掃除如常儀初司空入謁者引祀官贊引引執事者俱就壝外位司空行掃除訖謁者贊引各引祀官次入就位立定奉禮曰衆官再拜衆官在位者皆再拜【其先拜者不拜】謁者進太尉之左白有司謹具請行事退复位協律郎跪俛伏舉麾【凡取物者皆跪俛伏而取以興奠物既奠訖俛伏而後興】鼓祝奏宮音乃以黃鐘之均文舞之舞樂舞六成偃麾戛敔樂止【凡樂作皆協律郎舉麾工鼓祝而後作偃麾戛敔而後止也】奉禮曰衆官再拜衆官在位者皆再拜上下諸祝俱取玉帛於篚各立於樽所謁者引太尉

诣南陛升坛北面立太祝加玉於币东向授太尉太尉受玉币登歌作肃和之乐乃以大吕之均谒者引太尉进北面跪奠於黄帝含枢纽神坐前兴谒者引太尉少退北向再拜讫谒者引太尉立於西方东向又太祝奉币北面授太尉太尉受币谒者引太尉进东面跪奠於帝轩辕氏神坐兴谒者引太尉少退东向再拜讫登歌止谒者引太尉降自南陛还本位初太尉奠配帝之币星辰以下诸祝各以币进奠於神坐还樽所初衆官拜讫祝史奉毛血之豆立於门外登歌止祝史奉毛血入各由其陛升诸太祝迎取於坛上俱进奠於神坐前诸太祝与祝史退立於樽所

进熟

太尉既升奠玉币太官令出帅进饌者奉饌陈於内墀门外谒者引司徒出诣饌所司徒奉黄帝之俎诸太祝既奠毛血太官令引饌入俎初入门雍和之乐作以黄钟之钩饌至陛乐止祝史俱进彻毛血之豆降自东陛以出黄帝之饌升自南陛配帝之饌升自东陛诸太祝迎引於坛上各设於神坐前【筮豆盖冪先彻乃升簠簋既奠却其盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下之饌相次而毕谒者引太尉诣盥洗盥手洗匏爵讫谒者引太尉升自南陛诣黄帝酒樽所执樽者举冪太尉酌泛齐讫乐作谒者引太尉进黄帝含枢纽神坐前北向跪奠爵兴谒者引太尉少退北向立乐止太祝持版进於神坐之右东向跪读祝文曰维某年岁次月朔日子嗣天子臣某谨遣太尉封臣名敢昭告於黄帝含枢纽神坐前爰兹溽暑实惟土润戊巳统位黄钟在宫敬以玉帛牺齐粢盛庶品供备燔柴式?厚德帝轩辕氏配神作主尚飨讫兴太尉再拜初读祝文讫乐作太祝进版於神坐还樽所太尉拜讫乐止谒者引太尉诣配帝酒樽所取爵於坫执爵者举冪太尉酌泛齐讫乐作谒者引太尉进帝轩辕氏神坐前东向跪奠爵兴谒者引太尉少退东向立乐止太祝持版进於神坐之左北面跪读祝文曰维某年岁次月朔日子嗣开元神武皇帝臣某谨遣太尉封臣名敢昭告於帝轩辕氏时惟季夏位膺土德式奉明禋於黄帝含枢纽惟帝功施厚地道合上玄谨以制币牺齐粢盛庶品肃陈明荐作主配神尚飨讫兴太尉再拜初读祝文讫乐作太祝进奠版於神坐还樽所太尉再拜讫乐止谒者引太尉进黄帝神坐前北向立太祝各以爵酌盥福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各帅斋郎进俎太祝减神前胙肉加於俎以胙肉共置一俎上太祝持俎东向授太尉太尉受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉献将毕谒者引太常卿诣盥洗盥手洗匏爵讫谒者引太常卿自东陛升诣黄帝着尊所执尊者举冪太常卿酌醴齐讫武舞作谒者引太常卿进黄帝含枢纽神坐前北向跪奠爵兴谒者引太常卿少退北向再拜讫谒者引太常卿诣配帝牺尊所取爵於坫执爵者举冪太常卿酌醴齐讫谒者引太常卿进帝轩辕氏神坐前东向跪奠爵兴谒者引太常卿少退东向再拜讫谒者引太常卿进黄帝神坐前北向立太祝各以爵酌盥福酒合置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受爵复於坫太常卿兴再拜谒者引太常卿降复位初太常卿献将毕谒者引光禄卿诣盥洗盥手洗匏爵升酌盎齐终献如亚献之仪讫谒者引光禄卿降复位初太常卿将升献赞引二人各引献官以次诣盥洗盥手洗爵一献镇星一献后土氏各诣酒樽所俱酌酒进奠於神坐首余坐皆祝史助

奠相次而毕赞引引献官还本位武舞六成乐止舞献俱毕上下诸祝各进彻豆还樽所【彻者筯豆各一少移於故处】奉礼曰赐胙赞者唱衆官再拜衆官皆再拜【已饮福受胙者不拜】乐作奉礼曰衆官再拜衆官皆再拜乐一成止谒者进太尉之左白请就望燎位谒者引太尉就望燎位南向立於衆官将拜上下诸祝各执筐进神坐前取玉帛祝版斋郎以俎载牲体黍稷饭及爵酒各自其陛降坛南行经悬内当柴坛南东行自南陛登柴坛以玉帛祝版饌物置於坛上户内诸祝又以星辰以下之礼币皆从燎奉礼曰可燎东西面各六人以炬燎火半柴谒者进太尉之左白礼毕谒者引太尉出又谒者赞引各引祀官以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷十七

卷十八

钦定四库全书

大唐开元礼卷十八 唐 萧嵩等 撰吉礼

皇帝立秋祀白帝於西郊

斋戒 陈设

省牲器 銮驾出宫

奠玉帛 进熟

銮驾还宫

斋戒

前祀七日平明太尉誓百官於尚书省曰某月某日祀白帝於西郊各扬其职不供其事国有常刑皇帝散斋四日致斋三日如圜丘之仪凡预祀之官散斋四日致斋三日【散斋皆於正寝致斋二日於本司一日於祀所其无本司者皆於祀所】近侍之官应从升者及从祀羣官诸方客使各於本司及公馆清斋一宿凡散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鉴取火於阳燧火以供爨水以实樽】前祀一日诸卫令其属未後一刻各以其方器守卫墻门与太乐工人俱清斋一宿

陈设

前祀三日尚舍直长施大次於外墻东门之内道北南向尚舍奉御铺御坐卫尉设陈饌幔於内墻东门之外道南北向设文武侍臣次又设祀官及从祀羣官诸州使人蕃客等次前祀二日太乐令设宫悬之乐於坛南内墻之内设歌钟歌磬於坛上各如圜丘之仪右校扫除坛之内外郊社令积柴於燎坛【其坛於乐悬之南外墻之内】方一丈高一丈二尺开上南出户方六尺前祀一日奉礼郎设御位於坛之东南西向设望燎位於柴坛之北南向设祀官公卿位於内墻东门之外道南分献之官於公卿之南执事者位於其後每等异位俱重行西向北上设御史位於坛下一位在东南西向一位在西南东向令史各陪其後设奉礼位於乐悬东北赞者二人在南差退俱西向设协律郎位於坛上南陛之西东向设太乐令位於北悬之间北向设从祀官文官九品以上於执事之南东方南方蕃客又於其南俱每等异位重行西向北上鄴公介公位於内墻西门之外道南武官九品以上於鄴公介公之後西方北方蕃客

又於其南俱每等异位重行东向北上【其褒圣侯於文官三品之下诸州使人分方各位其後】又设祀官及从祀羣官等门外位於东西墼门之外道南皆如设次之式设牲牐於东墼之外当门西向配帝牲牐少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设白帝酒樽於坛之上下太樽二着樽二牺樽二山罍二在坛上东南隅北向象樽二壶樽二山罍二在坛下皆於南陛之东北向西上设配帝着樽二牺樽二象樽二山罍二在坛上於白帝酒樽之东北向西上太白三辰蓐收氏俱象樽二各设於神座之左皆右向七宿壶樽二设於神坐之右皆左向【白帝配帝之樽置於坵星辰以下樽藉以席皆加勺罍设爵於樽下】设御洗於坛南陛东南亚献之洗又於东南俱北向罍水在洗东篚在洗西南肆【篚实以巾爵】设星辰以下罍洗篚罍各於其方陛道之左俱内向执樽罍篚罍者各位於其後设玉帛之篚於坛之上下樽坵之所祀日未明五刻太史令郊社令升设白帝白招拒神坐於坛上北方南向席以稊秸设帝少昊氏神坐於东方西向席以莞设太白三辰之坐於坛之东北七宿之坐於坛之西北各於其坛下南向相对为首设蓐收氏之坐於坛之东南西向席皆以莞设神坐各於坐首

省牲器

省牲之日午後十刻去坛二百步所诸卫之属禁断行人晡後二刻诸行事之官各服其服郊社令帅府史二人及斋郎以樽坵罍洗篚罍入设於位晡後三刻诸太祝与廩牺令以牲就牐谒者引太常卿赞引引御史诣东陛升视濯溉於上【於视濯执樽者举罍告洁】讫引太常卿降复位谒者引太尉就门外位赞引引祀官就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰臚还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饌申视濯溉谒者赞引各引祀官御史就厨省饌具讫俱还斋所祀日未明十五刻太官令帅宰人以鸾刀割牲祝史以豆取毛血各置於饌所遂烹牲

銮驾出宫如圜丘之仪

奠玉帛

祀日未明三刻诸祀官各服其服郊社令良醢令各率其属入实樽罍玉帛【凡六樽之次太樽为上实以泛齐着樽次之实以醴齐牺樽次之实以盎齐象樽次之实以醢齐壶樽次之实以沈齐山罍为下实以清酒配帝着樽为上实以泛齐牺樽次之实以醴齐象樽次之实以盎齐山罍为下实以清酒其太白蓐收氏之象樽俱实以醢齐七宿之壶樽实以沈齐玄酒各实於五齐之上樽礼神之玉以驹虞其帛各以白】太官令帅进饌者实诸笾豆簠簋入设於内墼东门之外饌幔内未明二刻奉礼郎帅赞者先入就位赞引引御史博士诸太祝及令史祝史与执樽罍篚罍者入自东墼门当坛南重行北面西上立定奉礼曰再拜赞者承传御史以下皆再拜讫执樽罍篚罍者各就位赞引引御史诸太祝诣坛东陛升行扫除於上令史祝史行扫除於下讫各引就位驾将至谒者赞引引祀官通事舍人分引从祀羣官诸方客使先至者就门外位驾至大次门外回辂南向将军降立於辂右侍中进当銮驾前跪奏称侍中臣

某言请降辂俯伏兴讫还本位皇帝降路之大次通事舍人各引文武五品以上从祀羣官皆就壇外位太乐令帅工人二舞次入就位文舞入陈於悬内武舞立於悬南道西谒者引司空入行扫除讫出复位如常仪皇帝停大次半刻顷通事舍人赞引各引从祀羣官介公鄺公诸方客使先入就位太常博士引太常卿立於大次门当门北向侍中版奏外办皇帝服大裘而冕出次华盖侍卫如常仪博士引太常卿太常卿引皇帝【凡太常卿前导皆博士先引】至内壇门外殿中监进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停於门外近侍者从入如常谒者引礼部尚书太常少卿陪从如常仪皇帝至版位西向立【每立定太常卿与博士即退立於左】谒者赞引各引祀官次入就位立定太常卿前奏称请再拜退复位皇帝再拜奉礼曰衆官再拜衆官皆再拜【其先拜者不拜】太常卿前奏有司谨具请行事退复位协律郎跪俯伏举麾【凡取物者皆跪俛伏而取以兴奠物既奠讫俛伏而後兴】鼓祝奏商音乃以黄钟之均文舞之舞乐舞六成偃麾戛敌乐止太常卿前奏再拜退复位皇帝再拜奉礼曰衆官再拜衆官在位者皆再拜上下诸太祝俱取玉币於筐各立於樽所太常卿引皇帝太和之乐作皇帝诣坛升自南陛侍中中书令以下左右侍卫量人从升坛皇帝升坛北向立乐止太祝加玉於币以授侍中侍中奉玉帛东向进皇帝搢镇珪受玉币登歌作肃和之乐以大吕之均太常卿引皇帝进北面跪奠於白帝白招拒神坐俛伏兴太常卿引皇帝少退北向再拜讫太常卿引皇帝立於西方东向又太祝以币授侍中侍中奉币北向进皇帝受币太常卿引皇帝进东向跪奠於帝少昊氏神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止皇帝初奠配帝之币星辰以下诸祝各以币进奠於神坐还樽所初羣官拜讫祝史各奉毛血之豆立於门外登歌止祝史奉毛血入各由其陛升诸太祝迎取於坛上俱进奠於神坐前诸太祝与祝史退立於樽所

进熟

皇帝既升奠玉币太官令出帅进饌者奉饌陈於内壇门外谒者引司徒出诣饌所司徒奉白帝之俎初皇帝既至位乐止太官令引饌入俎初入门雍和之乐作以黄钟之均饌至陛乐止祝史俱进跪彻毛血之豆降自东陛以出白帝之饌升自南陛配帝之饌升自东陛诸太祝迎引於坛上各设於神坐前【笾豆盖罍先彻乃升簠簋既奠却其盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下之饌相次而毕太常卿引皇帝诣盥洗乐作皇帝至盥洗乐止侍中跪取匱兴沃水又侍中跪取盘兴承水皇帝盥手黄门侍郎跪取巾於筐兴进皇帝帨手讫黄门侍郎受巾跪奠於筐遂取匏爵於坫兴进皇帝受爵侍中酌盥水又侍中奉盘皇帝洗爵黄门侍郎授巾皆如初皇帝拭爵讫侍中奠盘匱黄门侍郎受巾奠於筐皆如常太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎从升立於司徒之後太常卿引皇帝诣白帝酒樽所执樽者举罍侍中赞酌泛齐讫壽和之乐作太常卿引皇帝进白帝白招拒神坐前北向跪奠爵俛伏兴太常卿引皇帝少退北向立乐止太祝持版进於神坐之右东向跪读祝文曰维某年岁次月朔日子嗣天子臣某敢昭告於白帝白招拒素秋伊始品物收成祇率旧章展其恒礼敬以玉帛牺齐粢盛庶品备致燔祀钦承恭德帝少昊氏配神作主尚飨讫兴皇帝再拜初读祝文讫乐作太祝进跪奠版於神坐前兴还樽所皇帝拜讫乐止太常卿引皇帝诣配帝酒

樽所执樽者举冪侍中取爵於坫进皇帝受爵侍中赞酌泛齐讫乐作太常卿引皇帝进帝少昊氏神坐前东向跪奠爵俛伏兴太常卿引皇帝少退东向立乐止太祝持版进神坐之左北面跪读祝文曰维某年岁次月朔日开元神武皇帝臣讳敢昭告於帝少昊氏时惟立秋金德在驭用致燔祀於白帝白招拒惟帝立兹义政叶此神功谨以制币牺齐粢盛庶品备斯明荐作主配神尚飨讫兴皇帝再拜初读祝文讫乐作太祝进跪奠版於神坐兴还樽所皇帝拜讫乐止太常卿引皇帝进白帝神坐前北向立乐作太祝各以爵酌上樽福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉加於俎以胙肉共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止皇帝献将毕谒者引太尉诣盥洗盥手洗匏爵讫谒者引太尉自东陛升坛诣白帝着樽所执樽者举冪太尉酌醴齐武舞作谒者引太尉进白帝神坐前北向跪奠爵兴谒者引太尉少退北向再拜谒者引太尉诣配帝牺樽所取爵於坫执樽者举冪太尉酌醴齐谒者引太尉进帝少昊氏神坐前东向跪奠爵兴谒者引太尉少退东向再拜谒者引太尉进白帝神坐前北向立太祝各以爵酌福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉降复位初太尉献将毕谒者引光禄卿诣盥洗盥手洗匏爵升酌盎齐终献如亚献之仪讫谒者引光禄卿复位初太尉将升献赞引三人各引献官以次诣盥洗盥手洗爵一献太白一献蓐收一献七宿各诣酒樽所俱酌酒进跪奠於坐首兴余坐皆祝史助奠相次而毕赞引各引献官还本位武舞六成乐止舞献俱毕上下诸祝各进跪彻豆兴还樽所【彻者筯豆各一少移於故处】奉礼曰赐胙赞者唱衆官再拜衆官皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜上下诸祝各执篚进神坐前跪取玉帛祝版斋郎以俎载牲体黍稷饭及酒爵兴各自其陛降坛南行经悬内当柴坛南东行自南陛登柴坛以玉币祝版饌物置於柴上户内诸祝又以星辰以下之礼币皆从燎奉礼曰可燎东西面各六人以炬燎火半柴太常卿前奏礼毕太常卿引皇帝还大次乐作皇帝出内墻门殿中监前受镇珪以授尚衣奉御殿中监前受大圭华盖侍卫如常仪皇帝入次乐止谒者赞引引祀官通事舍人引从祀羣官诸方客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

銮驾还宫如圜丘之仪

大唐开元礼卷十八

卷十九

钦定四库全书

大唐开元礼卷十九 唐 萧嵩等 撰吉礼

立秋祀白帝於西郊有司摄事

斋戒 陈设

省牲器 奠玉帛

进熟

斋戒

前祀七日平明太尉誓百官於尚书省曰某月某日祀白帝於西郊各扬其职不供其事国有常刑凡预祀之官散斋四日致斋三日【散斋各於正寝致斋二日於本司一日於祀所其无本司者皆於祀所】散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事光禄卿监取明水火【太官令取水於陰鑒取火於阳燧火以供爨水以实尊】前祀一日诸卫令其属未後一刻各以其方器服守卫壝门与太乐工人俱清斋一宿

陈设

前祀三日卫尉设祀官公卿以下次於东壝之外道南北向西上设陈饌幔於内壝东门之外道南北向前祀二日太乐令设宫悬之乐於坛南内壝之内东方西方磬簋起北钟簋次之南方北方磬簋起西钟簋次之设十二罇钟於编悬之间各依神位树雷鼓於北悬之间道之左右置建鼓於四隅置祝敌於悬内【祝在左敌在右】设歌钟歌磬於坛上近南北向磬簋在西钟簋在东其匏竹者立於坛下重行北向相对为首【凡悬皆展而编之】诸工人位於悬後东方西方以北为上南方北方以西为上右校扫除坛之内外郊社令积柴於燎坛【其坛於神坛之左内壝之外】方一丈高一丈二尺开上南出户方六尺前祀一日奉礼设祀官公卿位於内壝东门之内道北执事位於道南每等异位俱重行西向北上设望燎位当柴坛之北南向设御史位於坛上正位於东南隅西向副位於西南隅东向令史各陪其後於坛下设奉礼位於乐悬东北赞者二人在南差退俱西向又设奉礼赞者位於燎坛东北西向皆北上设协律郎位於坛上南陛之西东向设太乐令位於北悬之间当坛北向设祀官公卿以下门外位皆於东壝之北道南每等异位重行北向西上设牲腍於东壝之外当门西向配帝牲腍少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设白帝酒樽於坛之上下太樽二着樽二牺

樽二山罍二在坛上於东南隅北向象樽二壶樽二山罍二在坛下南陛之东北向俱西上设配帝着樽二牺樽二象樽二山罍二在坛上於白帝酒樽之东北向西上太白三辰蓐收氏俱象樽二各设於神坐之左皆右向七宿壶樽二设於神坐之右而左向【白帝配帝之尊置於坵星辰以下之樽俱藉以席皆加勺罍设爵於樽下】设洗於坛南陛东南北向罍水在洗东篚在洗西南肆【篚实以巾爵】设星辰以下罍洗篚罍各於其方陛道之左俱内向执樽罍篚罍者各於樽罍篚罍之後各设玉币之篚於坛之上下樽坵之所祀日未明五刻太祝令郊社令升设白帝白招拒神坐於坛上北方南向席以稊秸设帝少昊氏神坐於东方西向席以莞设太白三辰之坐於坛之东北七宿之坐於坛之西北各於其坛下南向相对为首设蓐收氏之坐於坛之东南西向席皆以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻诸行事之官各服常服郊社令帅府史二人及斋郎以樽坵罍洗篚罍入设於位晡後三刻诸太祝与廩牺令以牲就牓位谒者引太常卿赞引引御史诣坛东陛升视濯漑於上【於视濯执樽者皆举罍告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饗申视濯漑谒者赞引各引祀官御史就厨省饗具讫俱还斋所祀日未明十五刻太官令帅宰人以鸾刀割牲祝史以豆取毛血各置於饗所遂烹牲

奠玉帛

祀日未明三刻诸祀官各服其服郊社令良醢令各率其属入实樽罍玉币【凡六樽之次太樽为上实以泛齐着樽次之实以醴齐牺樽次之实以盎齐象樽次之实以醢齐壶樽次之实以沈齐山罍为下实以清酒配帝着樽为上实以泛齐牺樽次之实以醴齐象樽次之实以盎齐山罍为下实以清酒其太白蓐收氏之象樽俱实以醢齐七宿之壶樽实以沈齐玄酒各实於五齐之上樽礼神之玉以驹虞币用白】太官令帅进饗者实诸笾豆簠簋入设於内壝东门之外饗幔内未明二刻奉礼帅赞者先入就位赞引引御史博士诸太祝及令史祝史与执樽罍篚罍者入自东门当坛南重行北面西上立定奉礼曰再拜赞者承传【凡奉礼有辞赞者皆承传】御史以下皆再拜讫执樽罍篚罍者各就位赞引引御史诸太祝诣坛东陛升行扫除於上令史祝史行扫除於下讫各引就位未明一刻太乐令帅工人二舞次入就位文舞入陈於悬内武舞立於悬南道西谒者引司空入行扫除讫复位初司空入谒者引祀官赞引引执事者就壝外位司空行扫除讫谒者赞引各引祀官次入就位立定奉礼曰衆官再拜衆官皆再拜【其先拜者不拜】谒者进太尉之左白有司谨具请行事退复位协律郎跪俛伏举麾【凡取物者皆跪俛伏而取以兴奠物既奠讫俛伏而後兴】鼓祝奏商音乃以黄钟之均文舞之舞乐舞六成偃麾戛敌乐止【凡乐皆协律郎举麾工鼓祝而後作偃麾戛敌而後止】奉礼曰衆官再拜衆官皆再拜上下诸祝俱取玉币於篚各立於樽所谒者引太尉诣

南陛升坛北向立太祝加玉於帀东向授太尉太尉受玉帀登歌作肃和之乐乃以大吕之均
谒者引太尉进北面跪奠於白帝白招拒神坐前兴谒者引太尉少退北面再拜讫谒者引太
尉立於西方东向又太祝奉帀北向授太尉太尉受帀谒者引太尉少退东向再拜讫登歌止
谒者引太尉降自南陛还本位初太尉奠配帝之帀星辰以下诸祝各以帀进奠於神坐还樽
所初衆官拜讫祝史各奉毛血之豆立於门外登歌止祝史奉毛血入各由其陛升诸太祝迎
取於坛上俱进奠於神坐前诸太祝与祝史退立於樽所

进熟

太尉既升奠玉帀太官令出帅进饌者奉饌陈於内墀门外谒者引司徒出诣饌所司徒奉
白帝之俎诸太祝既奠毛血太官令引饌入俎初入门雍和之乐作以黄钟之均饌至陛乐止
祝史俱进彻毛血之豆降自东陛以出白帝之饌升自南陛配帝之饌升自东陛诸太祝迎引
於坛上各设於神坐前【筮豆盖冪先彻乃升簠簋既奠却其盖於下】设讫谒者引司徒太
官令帅进饌者俱降自东陛以出司徒复位诸太祝各还樽所又进设星辰以下之饌相次而
毕谒者引太尉诣盥洗盥手洗匏爵讫谒者引太尉升自南陛诣白帝酒樽所执樽者举冪太
尉酌泛齐讫乐作谒者引太尉进白帝白招拒神坐前北向跪奠爵兴谒者引太尉少退北向
立乐止太祝持版进於神坐之右东面跪读祝文曰维某年岁次月朔日子嗣天子臣某谨遣
太尉封臣名敢昭告於白帝白招拒素秋伊始品物收成祗率旧章展其恒礼敬以玉帛牺齐
粢盛庶品备兹燔祀钦承恭德帝少昊氏配神作主尚飨讫兴太尉再拜初读祝文讫乐作太
祝进奠版於神坐还樽所太尉拜讫乐止谒者引太尉诣配帝酒樽所取爵於坫执樽者举冪
太尉酌泛齐讫乐作谒者引太尉进帝少昊氏神坐前东向跪奠爵兴谒者引太尉少退东向
立乐止太祝持版进於神坐之左北面跪读祝文曰维某年岁次月朔日子嗣开元神武皇帝
臣某谨遣太尉封臣名敢昭告於帝少昊氏神坐时惟立秋金德在驭用致燔柴於白帝白招
拒惟帝立兹义政叶此神功谨以制帀牺齐粢盛庶品备斯明荐作主配神尚飨讫兴太尉再
拜初读祝文讫乐作太祝进奠版於神坐还樽所太尉拜讫乐止谒者引太尉进白帝神坐前
北向立太祝各以爵酌盥福酒合置一爵一太祝持爵进太尉之右西向立太尉再拜受爵跪
祭酒啐酒奠爵兴太祝各率斋郎进俎太祝减神前胙肉加於俎以胙肉共置一俎上太祝持
俎东向授太尉太尉受以授斋郎太尉跪取爵遂饮卒爵太祝进受爵复於坫太尉兴再拜谒
者引太尉降复位文舞出鼓祝作舒和之乐出讫戛鼓乐止武舞入鼓祝作舒和之乐立定戛
鼓乐止初太尉献将毕谒者引太常卿诣盥洗盥手洗匏爵讫谒者引太常卿自东陛升坛诣
白帝着樽所执樽者举冪太常卿酌醴齐讫武舞作谒者引太常卿进白帝白招拒神坐前北
面跪奠爵兴谒者引太常卿少退北向再拜讫谒者引太常卿诣配帝牺樽所取爵於坫执樽
者举冪太常卿酌醴齐讫谒者引太常卿进帝少昊氏神坐前东向跪奠爵兴谒者引太常卿
少退东向再拜讫谒者引太常卿进白帝神坐前北向立太祝各以爵酌盥福酒合置一爵一
太祝持爵进太常卿之右西向立太常卿再拜受爵跪祭酒遂饮卒爵太祝进受爵复於坫太
常卿兴再拜谒者引太常卿复位初太常卿献将毕谒者引光禄卿诣盥洗盥手洗匏爵升酌
盎齐终献如亚献之仪讫谒者引光禄卿降复位初太常卿将升献赞引三人各引献官以次
诣盥洗盥手洗爵一献太白三辰一献蓐收氏一献七宿诣酒樽所俱酌酒进奠於坐首余坐
皆祝史助奠相次而毕赞引各引献官还本位武舞六成乐止舞献俱毕上下诸祝各进彻豆

还樽所【彻者笾豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】乐作奉礼曰衆官再拜衆官皆再拜乐一成止谒者进太尉之左白请就望燎位谒者引太尉就望燎位南向立於衆官将拜上下诸祝各执籩进神坐前取玉帛祝版斋郎以俎载牲体稷黍饭及爵酒各自其陛降坛南行经悬内当柴坛南东行自南陛登柴坛以玉帛祝版饌物置於柴上户内诸祝又以星辰以下之礼币皆从燎奉礼曰可燎东西面各六人以炬燎火半柴谒者进太尉之左白礼毕谒者引太尉出又谒者赞引各引祀官以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷十九

卷二十

钦定四库全书

大唐开元礼卷二十 唐 萧嵩等 撰吉礼

皇帝立冬祀黑帝於北郊

斋戒 陈设

省牲器 銮驾出宫

奠玉帛 进熟

銮驾还宫

斋戒

前祀七日平明太尉誓百官於尚书省曰某月某日祀黑帝於北郊各扬其职不供其事国有常刑皇帝散斋四日致斋三日如圜丘之仪凡预祀之官散斋四日致斋三日【散斋皆於正寝致斋二日於本司一日於祀所其无本司者皆於祀所】近侍之官应从升者及从祀羣官诸方客使各於本司及公馆清斋一宿【无本司者各於正寝】凡散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鉴取火於阳燧火以供爨水以实樽】前祀一日诸卫令其属未後一刻各以其方器守卫墻门与太乐工人俱清斋一宿

陈设

前祀三日尚舍直长施大次於外墻东门之内道北南向尚舍奉御铺御座尉卫设陈饌幔於内墻东门之外道南北向设文武侍臣次又设祀官及从祀羣官诸州使人蕃客等次前祀二日太乐令设宫悬之乐於坛南内墻之内设歌钟磬钟於坛上各如圜丘之仪右校埽除坛之内外郊社令积柴於燎坛【其坛於乐悬之内外墻之内】方一丈高一丈二尺开上南出户六尺前祀一日奉礼设御位於坛之东南西向设望燎位於柴坛北南面设祀官公卿位於内墻东门之外道南分献之官於公卿之南执事者位於其後每等异位俱重行西向北上设御史位於坛下一位在东南西向一位在西南东向令史祝史各陪其後设奉礼位於乐悬东北贊者二人在南差退俱西向设协律郎位於坛上南陛之西东向设太乐令位於北悬之间北向设从祀之官文官九品以上於执事之南东方南方蕃客又於其南俱每等异位重行西向北上鄴公介公位於内墻西门之外道南武官九品以上於鄴公介公之後西方北方蕃客

又於其南俱每等异位重行东面北上【其褒圣侯於文官三品之下诸州使人分方各位於其後】又设祀官及从祀羣官等门外位於东西墼门之外道南皆如设次之式设牲牐於东墼之外当门西向配帝牲牐少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设黑帝酒樽於坛之上下太樽二着樽二牺樽二山罍二在坛上於东南隅北向象樽二壶樽二山罍二在坛下皆於南陛之东北向西上设配帝着樽二牺樽二象樽二山罍二在坛上於黑帝酒樽之东北向西上辰星三辰玄冥氏俱象樽二各设於神坐之右而左向【黑帝配帝之樽置於玷星辰以下樽藉以席皆加勺罍设爵於樽下】设御洗於坛南陛东南亚献之洗又於东南俱北向罍水在洗东篚在洗西南肆【篚实以中爵】设星辰以下罍洗篚罍各於其方陛道之左俱内向执樽罍篚罍者各位於其後设玉币之篚於坛之上下樽玷之所祀日未明五刻太史令郊社令升设黑帝叶光纪神坐於坛上北方南向席以藁秸设帝颡顓氏神坐於东方西向席以莞设星辰三辰之坐於坛之东北七宿之坐於坛之西北各於其坛下南向相对为首设玄冥氏之坐於坛之东南西向席皆以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻诸行事之官各服常服郊社令帅府史二人及斋郎以樽玷罍洗篚罍入设於位晡後三刻诸太祝廩牺令以牲就牐谒者引太常卿赞引引御史诣坛东陛升视濯溉於上【於视濯执樽者举罍告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰腍还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎镬申视溉濯谒者赞引各引祀官御史就厨省饌具讫俱还斋所祀日未明十五刻太官令帅宰人以鸾刀割牲祝史以豆取毛血各置於饌所遂烹牲

銮驾出宫如圜丘之仪

奠玉帛

祀日未明三刻诸祀官各服其服郊社令良醢令各率其属入实樽罍玉币【凡六樽之次太樽为上实以泛齐着樽次之实以醴齐牺樽次之实以盎齐象樽次之实以醢齐壶尊次之实以沈齐山罍为下实以清酒配帝着樽为上实以泛齐牺樽次之实以醴齐象樽次之实以盎齐山罍为下实以清酒其星辰玄冥氏之象樽俱实以醢齐七宿之壶樽实以沈齐玄酒各实於五齐之上尊礼神玄玉以玄璜其币皆用玄】太官令帅进饌者实诸笾豆簠簋入设於内墼东门之外饌幔内未明二刻奉礼帅赞者入就位赞引引御史博士诸太祝及令史祝史与执樽罍篚罍者入自东墼门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚罍者各就位赞引引御史诸太祝诣坛东陛升行扫除於上令史行扫除於下讫各引就位驾将至谒者赞引引祀官通事舍人分引从祀羣官诸方客使先至者就门外位驾至大次门外回辂南向将军降立於辂右侍中进当銮

驾前跪奏称侍中臣某言请降辂俛伏兴讫还本位皇帝降辂之大次通事舍人各引文武五品以上从祀之官皆就壇外位太乐令帅工人二舞次入就位文舞入陈於悬内武舞立於悬南道西谒者引司空入行扫除讫出复位皇帝停大次半刻顷通事舍人赞引各引从祀羣官介公鄴公诸方客使先入就位太常博士引太常卿立於大次门当门北面侍中版奏外办皇帝服大裘而冕出次华盖侍卫如常仪博士引太常卿太常卿引皇帝【凡太常卿前导皆博士先引】至内壇门外殿中监进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停於门外近侍者从入如常谒者引礼部尚书太常少卿陪从如常仪皇帝至版位西向立【每立定太常卿与博士皆退立於左】谒者赞引各引祀官次入就位立定太常卿前奏称在位官再拜退复位皇帝再拜奉礼曰衆官再拜衆官皆再拜【其先拜者不拜】太常卿前奏有司谨具请行事退复位协律郎跪俛伏举麾【凡取物者皆跪俛伏而取以兴奠物既奠俛伏而兴】鼓祝奏羽音乃以黄钟之均文舞之舞乐舞六成偃麾戛敌乐止太常卿前奏称请再拜退复位皇帝再拜奉礼曰衆官再拜衆官皆再拜上下诸太祝俱取玉币於筐各立於樽所太常卿引皇帝太和之乐作皇帝诣坛升自南陛侍中中书令以下左右侍卫量人从升坛皇帝升坛北向立乐止太祝加玉於币以授侍中侍中奉玉帛东向进皇帝搢镇珪受玉币登歌作肃和之乐以大吕之均太常卿引皇帝进北面跪奠於黑帝叶光纪神坐俛伏兴太常卿引皇帝少退北向再拜讫太常卿引皇帝立於西方东向又太祝以币授侍中侍中奉币北向进皇帝受币太常卿引皇帝进东向跪奠於帝颡项氏神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止皇帝初奠配帝之币星辰以下诸太祝各以币进奠於神坐还樽所初羣官拜讫祝史各奉毛血之豆立於门外於登歌止祝史奉毛血入各由其陛升诸太祝迎取於坛上俱进奠於神坐前诸太祝与祝史退立於樽所

进熟

皇帝既升奠玉币太官令出帅进饌者奉饌陈於内壇门外谒者引司徒出诣饌所司徒奉黑帝之俎初皇帝既至位乐止太官令引饌入俎初入门雍和之乐作以黄钟之均饌至陛乐止祝史俱进跪彻毛血之豆降自东陛以出黑帝之饌升自南陛配帝之饌升自东陛诸太祝迎引於坛上各设於神坐前【笾豆盖罍先彻乃升簠簋既奠却其盖於下】设讫谒者引司徒太官令帅进饌者俱降自东陛以出司徒复位诸太祝各还樽所又进设星辰以下饌相次而毕太常卿引皇帝诣盥洗乐作皇帝至盥洗乐止侍中跪取匱兴沃水又侍中跪取盘兴承水皇帝盥手黄门侍郎跪取巾於筐兴进皇帝帨手讫黄门侍郎受巾跪奠於筐遂取匏爵於筐兴进皇帝受爵侍中酌盥水又侍中奉盘皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠於筐皆如常太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎从升立於司徒之後太常卿引皇帝诣黑帝酒樽所执樽者举罍侍中赞酌泛齐讫壽和之乐作太常卿引皇帝进黑帝叶光纪神坐前北向跪奠爵俛伏兴太常卿引皇帝少退北向立乐止太祝持版进於神坐之右东向跪读祝文曰维某年岁次月朔日子嗣天子臣某敢昭告於黑帝叶光纪玄英式序庶类安寧资此积藏祗率恒典敬以玉帛牺齐粢盛庶品肃恭燔祀顺兹诚德帝颡项氏配神作主尚飨讫兴皇帝再拜初读祝文讫乐作太祝进跪奠版於神坐前兴还樽所皇帝拜讫乐止太常卿引皇帝诣配帝酒

樽所执樽者举冪侍中取爵於坫进皇帝受爵侍中赞酌泛齐讫乐作太常卿引皇帝进帝颙
颙氏神坐前东向跪奠爵俛伏兴太常卿引皇帝少退东向立乐止太祝持版进神坐之左北
面跪读祝文曰维某年岁次月朔日子嗣开元神武皇帝臣某敢昭告於帝颙颙氏时惟立冬
水德在驭用致禋燎於黑帝叶光纪惟帝道合乾元允兹升配谨以制币牺齐粢盛庶品式陈
明荐作主侑神尚飨讫兴皇帝再拜初读祝文讫乐作太祝进跪奠版於神坐兴还樽所皇帝
拜讫乐止太常卿引皇帝进黑帝神坐前北向立乐作太祝各以爵酌上樽福酒合置一爵一
太祝持爵授侍中侍中受爵西向进皇帝再拜受爵讫跪祭酒啐酒奠爵俛伏兴太祝帅斋郎
进俎太祝减神前胙肉加於俎以胙肉共置一俎上太祝持俎以授司徒司徒奉俎西向进皇
帝受以授左右谒者引司徒降复位皇帝跪取爵遂饮卒爵侍中受爵以授太祝太祝受爵复
於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出
鼓祝作舒和之乐出讫戛敌乐止武舞入鼓祝作舒和之乐立定戛敌乐止皇帝献将毕谒者
引太尉诣罍洗盥手洗匏爵讫谒者引太尉自东陛升坛诣黑帝着樽所执樽者举冪太尉酌
醴齐武舞作谒者引太尉进黑帝神坐前北向跪奠爵兴谒者引太尉少退北向再拜谒者引
太尉诣配帝牺樽所取爵於坫执樽者举冪太尉酌醴齐谒者引太尉进帝颙颙氏神坐前东
向跪奠爵兴谒者引太尉少退东向再拜谒者引太尉进黑帝神坐前北向立太祝各以爵酌
罍福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进
受爵复於坫太尉兴再拜谒者引太尉降复位初太尉献将毕谒者引光禄卿诣罍洗盥手洗
匏爵升酌盎齐终献如亚献之仪讫谒者引光禄卿复位初太尉将升献赞引三人各引献官
以次诣罍洗盥手洗爵一献辰星三辰一献玄冥一献七宿各诣酒樽所俱酌酒进跪奠於坐
首兴余坐皆祝史助奠相次而毕赞引各引献官还本位武舞六成乐止舞献俱毕上下诸祝
各进跪彻豆兴还樽所【彻者筯豆各一少移於故处】奉礼曰赐胙赞者唱衆官再拜衆官
皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼
曰衆官再拜衆官皆再拜乐一成止太常卿前奏请就望燎位太常卿引皇帝乐作皇帝就望
燎位南向立乐止於羣官将拜上下诸祝各执筐进神坐前跪取玉帛祝版斋郎以俎载牲体
稷黍饭及酒爵兴各自其陛降坛南行经悬内当柴坛南东行自南陛登柴坛以玉帛祝版饌
物置於柴上户内诸祝史又以星辰以下之礼币皆从燎奉礼曰可燎东西面各六人以炬燎
火半柴太常卿前奏礼毕太常卿引皇帝还大次乐作皇帝出内墀门殿中监前受镇圭以授
尚衣奉御殿中监前受大珪华盖侍卫如常仪皇帝入次乐止谒者赞引各引祀官通事舍人
分引从祀羣官诸方客使以次出赞引引御史以下俱复执事位立定奉礼曰再拜御史以下
皆再拜赞引引出工人二舞以次出

銮驾还宫如圜丘之仪

大唐开元礼卷二十

卷二十一

钦定四库全书

大唐开元礼卷二十一 唐 萧嵩等 撰吉礼

立冬祀黑帝於北郊有司摄事

斋戒 陈设

省牲器 奠玉帛

进熟

斋戒

前祀七日平明太尉誓百官於尚书省曰某月某日祀黑帝於北郊各扬其职不供其事国有常刑凡预祀之官散斋四日致斋三日【散斋各於正寝致斋二日於本司一日於祀所其无本司者皆於祀所】致斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已齐而阙者通摄行事光禄卿监取明水火【太官令取水於陰釜取火於阳燧火以供爨水以实樽】前祀一日诸卫令其属未後一刻各以其方器服守卫壝门与太乐工人俱清斋一宿

陈设

前祀三日卫尉设祀官公卿以下次於东壝之外道南北向西上陈设饌於内壝东门之外道南北向前祀二日太乐令设宫悬之乐於坛南内壝之内东方西方磬簋起北钟簋次之南方北方磬簋起西钟簋次之设十二罇钟於编悬之间各依辰位树雷鼓於北悬之间道之左右植建鼓於四隅置祝斂於悬内【祝在左斂在右】设歌钟歌磬於坛上近南北向磬簋在西钟簋在东其匏竹者立於坛下重行北向相对为首【凡悬皆展而编之】诸工人各位於悬後东方西方以北为上南方北方以西为上右校扫除坛之内外郊社令积柴於燎坛【其坛於神坛之左内壝之外】方一丈高一丈二尺开上南出户方六尺前祀一日奉礼设祀官公卿位於内壝东门之内道北执事位於道南每等异位俱重行西向北上设望燎位当柴坛之北南向设御史位於坛上正位於东南隅西向副位於西南隅东向令史各陪其後於坛下设奉礼位於乐悬东北赞者二人在南差退俱西向又设奉礼赞者位於燎坛东北西向皆北上设协律郎位於坛上南陛之西东向设太乐令位於北悬之间当坛北向设祀官公卿以下门外位皆於东壝之外道南每等异位重行北向西上设牲腍於东壝之外当门西向配帝牲腍少退南上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南向设黑帝酒樽於坛之上下太尊二着尊二牺

尊二山罍二在坛上於东南隅北向象尊二壶尊二山罍二在坛下南陛之东北向俱西上设配帝着尊二牺尊二象尊二山罍二在坛上於黑帝酒樽之东北向西上辰星三辰玄冥俱象尊二各设於神坐之左皆右向七宿壶尊二设於神坐之右而左向【黑帝配帝之尊置於圜星辰以下之尊俱藉以席皆加勺罍设爵於尊下】设洗於坛南陛东南北向罍水在洗东篚在洗西南肆【篚实以巾爵】设星辰以下罍洗篚罍各於其方陛道之左俱内向执樽罍篚罍者各於樽罍篚罍之後各设玉币之篚於坛之上下樽圜之所祀日未明五刻太史令郊社令升设黑帝叶光纪神於坛上北方南向席以藁秸设帝颡顓氏神坐於东方西向席以莞设星辰三辰之坐於坛之东北七宿之坐於坛之西北各於其坛下南向相对为首设玄冥氏之坐於坛之东南西向席皆以莞设神位各於其坐首

省牲器

省牲之日午後十刻去坛二百步所诸卫之属禁断行人晡後二刻诸行事之官各服常服郊社令帅府史二人及斋郎以樽圜洗篚罍入设於位晡後三刻诸太祝与廩牺令以牲就牓位谒者引太常卿赞引引御史诣坛东陛升视濯漑於上【於视濯执樽者皆举罍告洁】讫引太常卿降复位谒者进太尉之左白请就门外位谒者赞引各引祀官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饌申视濯漑谒者赞引各引祀官御史就厨省饌具讫俱还斋所祀日未明十五刻太官令帅宰人以鸾刀割牲祝史以豆取毛血各置於饌所遂烹牲

奠玉帛

祀日未明三刻诸祀官各服其服郊社令良醢令各帅其属入实樽罍玉币【凡六尊之次太尊为上实以泛齐着尊次之实以醴齐牺尊次之实以盎齐象尊次之实以醍齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒其星辰玄冥之尊俱实以醍齐七宿之壶尊实以沈齐玄酒各实於五齐之尊礼神之玉以玄璜币用玄】太官令帅进饌者实诸笾豆簠簋入设於内壝东门之外饌幔内未明二刻奉礼帅赞者先入就位赞引引御史博士诸太祝及令史祝史与执樽罍篚罍者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊罍篚罍者各就位赞引引御史诸太祝诣坛东陛升行扫除於上令史祝史行扫除於下讫各引就位未明一刻太乐令帅工人二舞次入就位文舞入陈於悬内武舞立於悬南道西谒者引司空入行扫除初司空入谒者引祀官赞引引执事者俱就壝外位司空行扫除讫谒者赞引各引祀官次入就位立定奉礼曰衆官再拜衆官皆再拜【其先拜者不拜】谒者进太尉之左白有司谨具请行事退复位协律郎跪俛伏举麾【凡取物者皆跪俛伏而取以兴奠物既奠讫俛伏而後兴】鼓祝奏羽音乃以黄钟之均文舞之舞乐舞六成偃麾戛敌乐止【凡乐皆协律郎举麾工鼓祝而後作偃麾戛敌而後止】奉礼曰衆官再拜衆官皆再拜上下诸祝俱取玉币於篚各立於樽所谒者引太尉诣南陛升坛北

向立太祝加玉於帀东向授太尉太尉受玉帀登歌作肃和之乐乃以大吕之均谒者引太尉进北面跪奠於黑帝叶光纪神坐前兴谒者引太尉少退北向再拜讫谒者引太尉立於西方东向又太祝奉帀北向授太尉太尉受帀谒者引太尉进东面跪奠於帝颙顼氏神坐前兴谒者引太尉少退东向再拜讫登歌止谒者引太尉降自南陛还本位初太尉奠配帝之帀星辰以下诸祝各以帀进奠於神坐前还樽所初衆官拜讫祝史各奉毛血之豆立於门外登歌止祝史奉毛血入各由其陛升诸太祝迎取於坛上俱进奠於神坐前诸太祝与祝史退立於樽所

进熟

太尉既升奠玉帀太官令帅进饌者奉饌陈於内墀门外谒者引司徒出诣饌所司徒奉黑帝之俎诸太祝既奠毛血太官令引饌入俎初入门雍和之乐作以黄钟之均饌至陛乐止祝史俱进彻毛血之豆降自东陛以出黑帝之饌升自南陛配帝之饌升自东陛诸太祝迎引於坛上各设於神坐前【笾豆盖幂先彻乃升簠簋既奠却其盖於下】设讫谒者引司徒太官令帅进饌者俱自东陛以出司徒复位诸太祝各还樽所又进设星辰以下饌相次而毕谒者引太尉诣罍洗盥手洗匏爵讫谒者引太尉升自南陛诣黑帝酒尊所执尊者举幂太尉酌泛齐讫乐作谒者引太尉进黑帝叶光纪神坐前北向跪奠爵兴谒者引太尉少退北向立乐止太祝持版进於神坐之右东向跪读祝文曰维某年岁次月朔日子嗣天子臣某谨遣太尉封臣名敢昭告於黑帝叶光纪玄英式序庶类安宁资此积藏只率恒礼敬以玉帛牺齐粢盛庶品肃恭燔祀顺兹诚德帝颙顼氏配神作主尚飨讫兴太尉再拜初读祝文讫乐作太祝进奠版於神座还尊所太尉拜讫乐止谒者引太尉诣配帝酒尊所取爵於坫执尊者举幂太尉酌泛齐讫乐作谒者引太尉进帝颙顼氏神坐前东向跪奠爵兴谒者引太尉少退东向立乐止太祝持版进於神坐之左北面跪读祝文曰维某年岁次月朔日子嗣开元神武皇帝臣某谨遣太尉臣名敢昭告於帝颙顼氏时惟立冬水德在驭用致禋燎於黑帝叶光纪惟帝道合乾元允兹升配谨以制帀牺齐粢盛庶品式陈明荐作主侑神尚飨讫兴太尉再拜初读祝文讫乐作太祝进奠版於神坐还尊所太尉拜讫乐止谒者引太尉进黑帝神坐前北向立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各帅斋郎进俎太祝减神前胙肉加於俎以胙肉共置一俎上太祝持俎东向授太尉太尉受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止初太尉献将毕谒者引太常卿诣罍洗盥手洗匏爵讫谒者引太常卿自东陛升坛诣黑帝着尊所执尊者举幂太常卿酌醴齐讫武舞作谒者引太常卿进黑帝叶光纪神坐前北向跪奠爵兴谒者引太常卿少退北向再拜谒者引太常卿诣配帝牺尊所取爵於坫执尊者举幂太常卿酌醴齐讫谒者引太常卿进帝颙顼氏神坐前东向跪奠爵兴谒者引太常卿少退东向再拜讫谒者引太常卿进黑帝神坐前北向立太祝各以爵酌罍福酒合置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受爵复於坫太常卿兴再拜谒者引太常卿降复位初太常卿献将毕谒者引光禄卿诣罍洗盥手洗匏爵升酌盎齐终献如亚献之仪讫谒者引光禄卿降复位初太常卿将升献赞引三人各引献官以次诣罍洗盥手洗爵一献辰星三辰一献玄冥一献七宿各诣酒尊所俱酌酒进奠於坐首余坐皆祝史助奠相次而毕赞引各引献官还本位武舞六成乐止舞献俱毕上下诸祝各进彻豆还樽所【彻者

筓豆各一少移於故处】奉礼曰赐胙赞者唱衆官再拜衆官皆再拜【已饮福受胙者不拜】乐作奉礼曰衆官再拜衆官皆再拜乐一成止谒者进太尉之左白请就望燎位谒者引太尉就望燎位南向立於衆官将拜上下诸祝各执籩进神坐前取玉帛祝版斋郎以俎载牲体黍稷饭及爵酒各自其陛降坛南行经悬内当柴坛南东行自南陛登柴坛以玉帛祝版饌物置於柴上户内诸祝又以星辰以下之礼币皆从燎奉礼曰可燎东西面各六人以炬燎火半柴谒者进太尉之左白礼毕谒者引太尉出又谒者赞引各引祀官以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷二十一

卷二十二

钦定四库全书

大唐开元礼卷二十二 唐 萧嵩等 撰吉礼

皇帝腊日蜡百神於南郊

斋戒 陈设

銮驾出宫 奠玉帛

进熟 銮驾还宫

斋戒

先期五日皇帝散斋三日致斋二日如圜丘之仪凡预祀之官散斋三日致斋二日【散斋皆於正寝致斋一日於本司一日於祀所其无本司者皆於祀所】近侍之官应从升者及从祀羣官诸方客使各於本司及公馆俱清斋一宿【无本司者各於正寝】凡散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已斋而阙者通摄行事光禄卿监取明水火【太官令取水於陰监取火於阳燧火以供爨水以实樽】前蜡一日诸卫令其属未後一刻各以其方器服守卫壇門与太乐工人俱清斋一宿

陈设

前蜡三日尚舍直长施大次於外壇东门之内道北南向尚舍奉御铺御座卫尉设陈饌幔於内壇东门之外道东西向【东方南方之饌陈於东门外西南方及西方之饌陈於西门外北方之饌陈於北门之外】设文武侍臣次又设祀官及从祀羣官诸州使人蕃客等次前蜡二日太乐令设歌钟歌磬皆如圜丘之仪右校扫除坛之内外郊社令积柴於燎坛【其坛於神坛之左内壇之外】方八尺高一丈开上南出户方三尺右校又为瘞瘞於坛之壬地内壇之外方深足容物南出陞前蜡一日奉礼设御位及望燎位祀官从祀羣官诸州使人蕃客等位於壇门外皆如圜丘之仪设日月酒樽之位大明太樽二着樽二山罍一在坛上於东南隅北向夜明太樽二着樽二山罍一在坛上西南隅北向神农氏伊耆氏各着樽二各於其坛上五星五官后稷各象樽二七宿田畯龙麟朱鸟鸛虞玄武各壶樽二鳞羽羸毛介等散樽二俱设於神座之左而右向五方岳镇海渚俱山樽二山川林泽俱蜃樽二丘陵坟衍原隰井泉壩坊邮表畷於菟猫等俱散樽二各设於神座之右而左向【伊耆氏以上之樽置於玷星辰以下之樽俱藉以席皆加勺罍设爵於樽下】设御洗於坛南陞东南亚献之洗又於东南俱北向罍水在洗东筐在洗西南肆【筐实以巾爵】设方献罍洗筐罍各於其方陞道之左右俱

内向执樽罍筐冪者各於樽罍筐冪之後各设玉币之筐於坛上下樽站之所晡後謁者引光禄卿詣厨視濯漑又謁者引諸祀官詣厨省饌具訖還齋所蜡日未明十五刻太官令帥宰人以鸾刀割牲祝史以豆取毛血置於饌所遂烹牲【日青牲一月白牲一其余方各少牢一】未明五刻太史令郊社令升设日月神座於坛上大明於北方少东夜明於大明之西俱南向席皆以藁秸神农氏伊耆氏神座各於其坛上俱内向设后稷神座於坛东西向设五官田畯之座各於其方设五星十二次二十八宿五岳四镇四海四渎五方山川林泽丘陵坟衍原隰井泉神座各於其方之坛其五方神兽鳞羽羸毛介水墉坊卹表啜於菟猫等之座各於其方坛之後俱内向相对爲首自神农氏伊耆氏以下一百九十坐席皆以莞设神位各於坐首

銮驾出宫如圜丘之仪

奠玉帛

蜡日未明三刻諸祀官各服其服郊社令良醢令各帥其屬入實樽罍玉帛【凡尊之次太尊爲上實以醴齊着尊次之實以盎齊神農伊耆氏之着尊實以盎齊五星三辰五官后稷之象樽實以醢齊七宿田畯之壺尊實以沈齊五方岳鎮海渚之山尊實以醢齊山川林澤之尊實以沈齊丘陵以下之散尊實以清酒玄酒各實於諸坐之上尊禮神之玉大明夜明俱以圭璧大明之帛以青夜明之帛以白神農氏帛以赤伊耆氏帛以玄五星以下之帛各从方色】太官令帥進饌者實諸筮豆簠簋各設於內壝之外饌幔內未明二刻奉禮帥贊者先入就位贊引引御史諸太祝及令史祝史與執樽罍筐冪者入自東門當坛南重行北面西上【凡引導者每曲一逡巡】立定奉禮曰再拜贊者承傳【凡奉禮有詞贊者皆承傳】御史以下皆再拜訖執樽者升自東陛立於樽所坛下執樽罍筐冪者各就位贊引引御史諸太祝詣坛東陛升行埽除於上令史祝史行埽除於下訖降就位駕將至謁者贊引各祀官通事舍人分引从祀羣官諸方客使先至者俱就門外位駕至大次門外回轅南向千牛將軍降立於轅右侍中進當銮駕前跪奏稱侍中臣某言請降轅俯伏興還侍位皇帝降轅之大次繖扇華蓋侍衛如常儀太樂令帥工人二舞次入就位文舞入陳於懸內武舞立於懸南道西謁者引司空入就位立定奉禮曰再拜司空再拜訖謁者引司空詣坛東陛升行埽除於上降行樂懸於下訖引复位皇帝停大次半刻頃謁者贊引各祀官通事舍人分引从祀羣官介公鄺公諸方客使先入就本位太常博士引太常卿立於大次門外當門北向侍中版奏外辦皇帝服玄冕出次華蓋侍衛如常儀【侍中負寶陪从如式】博士引太常卿太常卿引皇帝【凡太常卿前導皆博士先引】至內壝門外殿中監進大圭尚衣奉御以鎮圭授殿中監殿中監受進皇帝搯大圭執鎮圭華蓋仗衛停於門外近侍者从入如常謁者引禮部尚書太常少卿陪从如常皇帝至版位西向立【每立定太常卿與博士退立於左】謁者贊引各祀官以次入就位立定太常卿奏稱請再拜退复位皇帝再拜奉禮曰衆官再拜衆官在位者皆再拜【其先拜者不拜】太常卿前奏有司謹具請行事退复位協律郎跪俛伏舉麾【凡取物者皆俛伏而取以興奠物則奠訖俛伏而後興也】鼓祝樂作无射夷則奏永和蕤賓姑洗太簇奏順和黃鍾奏豫和凡六均均一成俱以文舞之舞偃麾戛敔樂止【凡樂皆協律郎舉麾工鼓祝而後作偃麾戛敔而後止】太常卿前奏稱請再拜退复位皇帝再拜奉禮曰衆官再拜衆官在位者皆再拜上下諸太祝俱取玉帛於筐各立於樽所太常卿引皇帝太和之樂作【皇帝每行

皆作太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立乐止太祝以玉币授侍中侍中奉玉币东向进皇帝搢镇圭受玉币【凡受物皆搢镇圭奠讫执圭俛伏兴】登歌作肃和之乐乃以大吕之均太常卿引皇帝进北面跪奠於大明神座俛伏兴太常卿引皇帝少退北向再拜讫太常卿引皇帝少西北向立又太祝以玉币授侍中侍中奉币东向进皇帝受币太常卿引皇帝跪奠於夜明神座俛伏兴太常卿引皇帝少退北向再拜讫登歌止太常卿引皇帝乐作皇帝降自南陛还版位西向立乐止皇帝初奠夜明币诸祝各奉其币进跪奠於神座还樽所初羣官拜讫祝史各奉毛血之豆立於门外於登歌止祝史奉毛血入俱由南陛升诸太祝迎取於坛上俱进奠於神座前诸太祝与祝史退立於樽所

进熟

皇帝既升奠玉币太官令出帅进饌者奉饌陈於内墀门外谒者引司徒出诣饌所司徒奉大明之俎初皇帝既至版位乐止太官令引饌入俎初入门雍和之乐作饌至陛乐止祝史皆进跪彻毛血之豆降自东陛以出饌升诸太祝迎引於坛上各设於神座前【笾豆盖罍先彻乃升簠簋既奠却其盖於下】设讫谒者引司徒以下降自东陛复位太祝各还樽所又进设神农氏以下之饌相次而毕初坛上设饌讫太常卿引皇帝诣罍洗乐作皇帝至罍洗乐止侍中跪取匱兴沃水又侍中跪取盘兴承水皇帝盥手黄门侍郎跪取巾於筐兴进皇帝帨手黄门侍郎受巾跪奠於筐黄门侍郎又取匏爵於筐兴进皇帝受爵侍中酌罍水又侍中奉盘兴承水皇帝洗爵黄门侍郎又授巾皆如常仪皇帝拭爵讫侍中奠盘匱黄门侍郎受巾奠於筐皆如常仪太常卿引皇帝乐作皇帝诣坛中升自南陛乐止谒者引司徒升自东陛立於樽所斋郎奉俎从升立於司徒之後太常卿引皇帝大明酒樽所执樽者举罍侍中赞酌醴齐讫壽和之乐作【皇帝每酌献及饮福皆作壽和之乐】太常卿引皇帝进大明神座前北向跪奠爵俛伏兴太常卿引皇帝少退北向立乐止太祝持版进於神座之左西面跪读祝文曰维某年岁次月朔日子嗣天子臣某敢昭告於大明惟神晷耀千里精烜万物觉寤黎烝化成品彙今璇玑齐运玉烛和平六府孔循百礼斯洽谨以玉帛牺齐粢盛庶品致其燔燎尚飨讫兴皇帝再拜初读祝文讫乐作太祝进跪奠版於神座兴还樽所皇帝拜讫乐止太常卿引皇帝夜明酒樽所执樽者举罍侍中取匏爵於坫进皇帝受爵侍中赞酌醴齐讫乐作太常卿引皇帝进夜明神座前北面跪奠爵俛伏兴太常卿引皇帝少退北向立乐止太祝持版进於神座之右东面跪读祝文曰维某年岁次月朔日子嗣天子臣某敢昭告於夜明惟神贞此光华恒兹盈减表斯寒暑节以运行对时育物登成是赖丰年之报式备恒礼谨以制币牺齐粢盛庶品致其燔燎尚飨讫兴皇帝再拜初读祝文讫乐作太祝进跪奠版於神座兴还樽所皇帝拜讫乐止太常卿引皇帝少东当两坐间北向立乐作太祝各以爵酌上罍福酒合置一爵一太祝持授侍中侍中受爵西向进皇帝再拜受爵讫跪祭酒啐酒奠爵俛伏兴太祝帅斋郎进俎太祝减神前胙肉加於俎以胙肉共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复於坫皇帝俛伏兴再拜乐止太常卿引皇帝太和之乐作皇帝降自南陛还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止皇帝献将毕谒者引太尉诣罍洗盥手洗匏爵讫谒者引太尉自东陛升坛诣大明着樽所执樽者举罍太尉

酌盎齐武舞作谒者引太尉进大明神座前北向跪奠爵兴谒者引太尉少退再拜谒者引太尉诣夜明酒樽所取匏爵於坵执樽者举冪太尉酌盎齐谒者引太尉进夜明神座前北向跪奠爵兴谒者引太尉少退再拜谒者引太尉少东当两坐间北向立太祝各以爵酌鬯福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坵太尉兴再拜谒者引太尉降复位初太尉献将毕谒者引光禄卿诣盥洗盥手洗匏爵升酌盎齐终献如亚献之仪讫初亚献升坛谒者二人引献官诣盥洗盥手洗爵酌酒一献帝伊耆氏一献神农氏跪奠爵神坐前俛伏兴向神座立太祝持版进於神座之右跪读祝文讫兴献官再拜讫谒者引降还本位初伊耆氏献官将升讫谒者五人各引献官诣方献盥洗盥手洗爵诣酒樽所酌酒一献岁星一献荧惑一献镇星一献太白一献辰星各奠於神座少退向神座立於献官奠讫七宿皆祝史助奠相次俱毕太祝各持版进於神座之右跪读祝文讫兴【凡读祝文每一番献酒从东方祝文为始读讫次南方次西方次北方余神亦同】献官再拜诸太祝各进奠版於神座还樽所谒者遂引五方献官各诣盥洗盥手洗爵各诣酒樽所酌酒一献东岳一献南岳一献中岳一献西岳一献北岳俱奠於神座少退向神座立岳镇海渚山林川泽丘陵坟衍原隰井泉皆祝史助奠相次俱毕太祝持版进神座之右跪读祝文讫兴献官再拜讫太祝奠版於神座还樽所谒者各引献官还本位初岳镇奠酒赞引五人各引献官诣盥洗盥手洗爵各诣酒樽所酌酒一献勾芒氏一献祝融氏一献后土氏一献蓐收氏一献玄冥氏后稷田畯等各祝史助奠讫祝史持版进神座之右跪读祝文讫兴【余与东方同惟无后稷】献官拜讫祝史奠版於神座赞引遂引五官献官等诣盥洗盥手洗爵诣酒樽所酌酒分献五灵其鳞羽毛羸介猫於菟坊水墉昆虫等皆斋郎助奠相次而毕祝史持版跪读祝文讫兴献官拜讫奠版各还本位武舞六成乐止舞献俱毕上下诸祝各进彻豆还樽所【彻者筵豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜上下诸祝各执筐进神座前跪取玉币祝版斋郎以俎载牲体黍稷饭爵酒兴各由其陛降坛南行经悬内当柴坛南东行自南陛登柴坛以玉币饌物祝版置於柴上户内诸祝以星辰七宿以上之礼币皆从燎神农氏伊耆氏岳镇以下诸祝俱诣瘞埴以玉币饌物置於埴讫奉礼曰可燎东西面各六人以炬燎初唱可燎瘞埴东西厢各四人實土火半柴太常卿前奏礼毕太常卿引皇帝还大次乐作皇帝出中壝门殿中监前受镇圭以授尚衣奉御殿中监又前受大圭华盖侍卫如常仪皇帝入次乐止谒者赞引各引祀官通事舍人分引从祀羣官诸国客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出其神农以下祝版燔於斋所帝伊耆氏祝文曰维某年岁次月朔日子嗣开元神武皇帝讳谨遣具位臣姓名敢昭告於帝伊耆氏惟帝体仁尚义崇本念功爰创嘉祀息农飨物今九土攸宜百谷丰稔备兹入蜡大旅四方谨以制币牺齐粢盛庶品明荐於帝尚飨帝神农氏祝文曰维某年岁次月朔日子嗣开元神武皇帝讳谨遣具位臣姓名敢昭告於帝神农氏惟帝肇兴播植粒此黎元今时和岁稔神功是赖谨以制币牺齐粢盛庶品明荐於帝尚飨东方岁星祝文曰维某年岁次月朔日子嗣天子讳谨遣具位臣姓名敢昭告於东方岁星七宿惟神列位垂象叶赞穹苍昭晰羣生阜蕃庶类今时和岁稔恒礼是率式陈嘉荐庶神飨之【南方中央西方北方并准此】东方岳镇海渚祝文曰维某年岁次月朔日子嗣天子讳谨遣具位臣姓名敢昭告於东方岳镇海渚惟神宣导坤仪兴降云雨亭育庶品实赖滋

液年谷顺成用通大蜡谨荐嘉祀溥被一方山川林泽丘陵坟衍原隰井泉庶神咸享【南方西方北方准此】勾芒氏祝文曰维某年岁次月朔日子嗣开元神武皇帝讳谨遣具位臣姓名敢昭告於勾芒氏惟神赞阳出滞发生品物萌者毕達仁德以宣用陈明荐神其临飨后稷氏祝文曰维某年岁次月朔日子嗣开元神武皇帝讳谨遣具位臣姓名敢昭告於后稷氏惟神诞降嘉种播兹五谷烝庶以粒乂此万邦爰及田畯实劝农穡谨荐明祀庶神飨之 祝融氏祝文曰维某年岁次月朔日子嗣开元神武皇帝讳谨遣具位臣姓名敢昭告於祝融氏惟神典司火正淳曜昭明式赞南讹厥功以致丰年之荐庶神临飨后土氏祝文曰维某年岁次月朔日子嗣开元神武皇帝讳谨遣具位臣姓名敢昭告於后土氏惟神式赞黄道典司土正居中执信是兴稼穡年谷既登庶飨嘉荐 蓐收氏祝文曰维某年岁次月朔日子嗣开元神武皇帝讳谨遣具位臣姓名敢昭告於蓐收氏惟神典司金正式赞西成执矩怀庄尚义趋力丰年之报飨兹嘉祀 玄冥氏祝文曰维某年岁次月朔日子嗣开元神武皇帝讳谨遣具位臣姓名敢昭告於玄冥氏惟神典司水正赞序幽都厥务安宁积藏斯至丰年之祀庶飨明荐 苍龙祝文曰维某年岁次月朔日子嗣天子讳谨遣具位臣姓名敢昭告於苍龙之神惟神体备幽明质兼小大实为鳞长赞时造物岁稔年登实资弭患式陈嘉荐百灵是属爰集东方鳞羽羸毛介衆族猫於菟坊水墉昆虫诸神咸飨【其朱雀驺虞玄武祝文首尾并与此同麟祝文发首同此】朱雀之神惟神肇自火精冠兹羽族辅时宣化効祥蹈礼年和岁稔有赖厥功麟之神惟神体信为质惟和是归作长毛宗表灵玉牒年谷丰稔实资宣助式陈嘉荐庶神临飨驺虞之神惟神性履至仁禀灵金宿赞育生类实参利物爰兹报功用率恒祀玄武之神惟神诞禀辰精长兹介族先知称贵诚行攸底伊此丰年有凭宜庆

銮驾还宫如圜丘之仪

大唐开元礼卷二十二

卷二十三

<史部,政书类,仪制之属,大唐开元礼>

钦定四库全书

大唐开元礼卷二十三 唐 萧嵩等 撰

吉礼

腊日蜡百神於南郊有司摄事

斋戒 陈设

奠玉帛 进熟

斋戒

凡预祀之官散斋三日致斋二日【散斋皆於正寝致斋一日於本司一日於祀所其无本司者皆於祀所】凡散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已斋而阙者通摄行事光禄卿监取明水火【太官令取水於陰鉴取火於阳燧其火以供爨水以注之酒尊】前蜡一日诸卫令其属未後一刻各以其方器服守卫壇門与太乐工人俱清斋一宿

陈设

前蜡三日卫尉设祀官公卿以下次於东壇之外道南北西向上陈设饌幔於内壇东门西门之外道东西向【东方南方之饌陈於东门外西南方及西方之饌陈於西门外北方之饌陈於北门外】前蜡二日太乐令设宫悬之乐於坛南内壇之外东方西方磬簠起北钟簠次之南方北方磬簠起西钟簠次之设十二鐃钟於北悬之间各依辰位树雷鼓於北悬之内道之左右植建鼓於西隅置祝敔於悬内【祝在左敔在右】设歌钟歌磬於坛上近南北向磬簠在西钟簠在东其匏竹者立於坛下重行北向相对为首【凡悬皆展而编之】诸工人各位於悬後东方西方以北为上南方北方以西为上右校扫除坛之内外郊社令积柴於燎坛【其坛於神坛之左内壇之外】方八尺高一丈开上南出户方三尺右校又为瘞瘞於坛之壬地内壇之外方深取足容物南出陛前蜡二日奉礼设祀官公卿位於内壇东门之外道南西向分献之官於公卿之南执事者陪其後每等异位俱重行西面以北为上设望燎位当柴坛之北南向设御史位於坛上一位於东南隅西向一位於西南隅东向令史各陪其後於坛下设奉礼位於乐悬东北贊者二人在南差退俱西向又设奉礼贊者位於燎坛东北西面北上设协律郎位於坛上北陛之西东向设太乐令位于北悬之间当坛北向设祀官公卿以下

门外位皆於东墼之外道南每等异位重行北面以西爲上设日月酒樽之位大明太樽二着樽二山罍一在坛上东南隅北向夜明太樽二着樽二山罍一在坛上於西南隅北向神农氏伊耆氏各着樽二於其坛上五星五官后稷各象樽二七宿田畯龙麟朱鸟驺虞玄武等各壶樽二鳞羽羸毛介等散樽二俱设於神座之左而右向五方岳镇海渚俱山樽二山川林泽俱蜃樽二丘陵坟衍原隰井泉水墉坊卹表啜於菟猫等俱散樽二各设於神座之右而左向【伊耆氏以上之尊置於玷星以下尊俱藉以席皆加勺罍设爵於尊下】设洗於坛南北向罍水在洗东篚在洗西南肆【篚实以巾爵】设方献罍洗篚罍各於其方陛道之左右俱内向执樽罍篚罍者各於樽罍篚罍之後各设玉币之篚於坛之上下樽玷之所晡後谒者引光禄卿诣厨视濯漑又谒者引诸祀官诣厨省饌具讫俱还斋所蜡日未明十五刻大官令帅宰人以鸾刀割牲祝以豆取毛血置於饌所遂烹牲【日青牲一月白牲一其余方各少牢一】未明五刻太史令郊社令升设日月神座於坛上大明於北方少东夜明於大明之西俱南向席皆以藁秸神农氏伊耆氏神座各於其坛上俱内向设后稷氏神座於坛东西向设五官田畯之坐各於其方设五星十二次二十八宿五岳四镇四海四渚五方山川林泽丘陵坟衍原隰井泉神座各於其方之坛其五方神兽鳞羽羸毛介水墉坊卹表啜於菟猫等之座各於其方坛之後俱内向相对爲首自神农伊耆以下凡一百八十七座其席皆以莞设神位各於坐首

奠玉帛

蜡日未明三刻诸祀官各服其服郊社令良醢令各率其属入实樽罍玉币【凡尊之次太尊爲上实以醴齐着尊次之实以盎齐神农伊耆之着尊实以盎齐五星三辰五官后稷之象尊实以醢齐七宿田畯之壶尊俱实以沈齐五方岳镇海渚之山尊实以醢齐山川林泽之蜃尊实以沈齐丘陵以下之散尊实以清酒玄酒各实於诸尊上尊礼神之玉大明夜明俱以圭璧大明之币以青夜明之币以白神农氏之币以赤伊耆氏之币以玄五星以下之币各从其方色】太官令帅进饌者实诸豆簠簋各设於内墼之外饌幔内未明二刻奉礼率赞者先入就位赞引引御史博士诸太祝及令史祝史与执樽罍篚罍者入自东门当坛南重行北面西上【凡引导者每曲一逡巡】立定奉礼曰再拜赞者承传【凡奉礼有词赞者皆承传】御史以下皆再拜讫执樽者升自东陛立於樽所坛下执樽罍篚罍者各就位赞引引御史博士诸太祝诣坛东陛升行扫除於上令史祝史行扫除於下讫引就位未明一刻太乐令帅工人二舞次入就位文舞入陈於悬内武舞立於悬南道西谒者引司空入就位立定奉礼曰再拜司空再拜讫谒者引司空诣坛东陛升行扫除於上降行乐悬於下讫引还本位初司空入谒者引祀官赞引引执事者俱就墼外位司空行扫除讫谒者赞引各引祀官次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位协律郎跪俛伏举麾【凡取物者皆俛伏而取以兴奠物则奠讫俛伏而後兴】鼓祝乐作无射夷则奏永和蕤宾姑洗太簇奏顺和蕤宾奏豫和凡六均均一成俱以文舞之舞偃麾戛敌乐止【凡乐皆协律郎举麾工鼓祝而後作偃麾戛敌而後止】奉礼曰衆官再拜在位衆官皆再拜上下诸太祝俱取玉币於篚各立於樽所谒者引太尉诣南陛升坛北向立太祝加玉於币东向授太尉太尉受玉币登歌作肃和之乐乃以大吕之均谒者引太尉进北面跪奠於大明神坐兴谒者引太尉少退北向再拜谒者引太尉诣夜明神坐前北向立太祝奉玉币东向授太尉太尉受玉币谒者引太尉跪奠玉币於夜明神坐兴谒者引太尉少退北

向再拜讫登歌止谒者引太尉降自南陛还本位初坛上奠玉帛讫伊耆氏以下诸太祝各奉其币进奠於神坐还樽所初衆官拜讫祝史各奉毛血入各由南陛升诸太祝迎取於坛上俱进奠於神坐前诸太祝与祝史退立於樽所

进熟

太尉既升奠玉帛太官令出帅进饌者奉饌各陈於内壝门外谒者引司徒出诣饌所司徒奉大明之俎诸太祝既奠毛血太官令引饌入俎初入门雍和之乐作以黄钟之均【自後酌献皆奏雍和之乐】饌至陛乐止祝史俱升彻毛血之豆降自东陛以出饌升诸太祝迎引於坛上各设於神坐前【笾豆盖幂先彻乃升簠簋既奠却其盖於下】设讫谒者引司徒太官令帅进饌者降自东陛以出诸太祝各还樽所又进设神农氏以下之饌相次而毕初坛上设饌讫谒者引太尉升自南陛诣大明酒樽所执樽者举幂太尉酌醴齐讫乐作谒者引太尉进大明神坐前北向跪奠爵兴谒者引太尉少退北向立乐止太祝持版进神坐之左西向跪读祝文曰维某年岁次月朔日子嗣天子臣某谨遣具位臣姓名敢昭告於大明惟神晷耀千里精烜万物觉寤黎烝化成品彙今璇玑齐运玉烛和平六府孔修百礼斯洽谨以玉帛牺齐粢盛庶品致其燔燎尚飨讫兴太尉再拜初读祝文讫乐作太祝进奠版於神坐还樽所太尉拜讫乐止谒者引太尉诣夜明酒樽所取匏爵於坵执樽者举幂太尉酌醴齐讫乐作谒者引太尉进诣夜明神坐前北向跪奠爵兴谒者引太尉少退北向立乐止太祝持版进神坐之右东面跪读祝文曰维某年岁次月朔日子嗣天子臣某谨遣具位臣姓名敢昭告於夜明惟神贞此光华恒兹盈减表斯寒暑节以运行对时育物登成是赖丰年之报式备恒礼谨以制币牺齐粢盛庶品致其燔燎尚飨讫兴太尉再拜初读祝文讫乐作太祝进奠版於神坐前还樽所太尉再拜讫乐止谒者引太尉少东当两坐间北向立太祝各以爵酌鬯福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各帅斋郎进俎太祝减神前胙肉於俎以胙肉共置一俎上太祝持俎西向授太尉太尉受以授斋郎太尉跪取爵遂饮卒爵太祝进受爵复於坵太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉献将毕谒者引太常卿诣鬯洗盥手洗匏爵谒者引太常卿自东陛升坛诣大明酒樽所执樽者举幂太常卿酌盎齐武舞作谒者引太常卿进大明神坐前北向跪奠爵兴谒者引太常卿少退再拜谒者引太常卿诣夜明酒樽所取匏爵於坵执樽者举幂太常卿酌盎齐谒者引太常卿进诣夜明神坐前北向跪奠爵兴谒者引太常卿少退再拜谒者引太常卿少东当两坐间北向立太祝各以爵酌鬯福酒合置一爵一太祝持爵进太常卿之右西向立太常卿再拜跪祭酒遂饮卒爵太祝进受爵复於坵太常卿兴再拜谒者引太常卿降复位初太常卿献将毕谒者引光禄卿诣鬯洗盥手洗匏爵升酌盎齐终献如亚献之仪讫初亚献升坛谒者二人引献官诣鬯洗盥手洗爵酌酒一献帝伊耆氏一献神农氏奠爵神坐前向神立太祝持版进神坐之右跪读祝文讫兴献官再拜讫谒者引降本位初伊耆氏献官将升谒者五人各引献官以次诣鬯洗盥手洗爵诣酒樽所酌酒一献岁星一献荧惑一献镇星一献太白一献辰星各奠於神坐少退向神立於献官奠讫三辰七宿皆祝史助奠相次俱毕太祝各持版进於神坐之右跪读祝文讫兴【凡读祝文每一番献酒从东方祝文为始读讫次南方次西方次北方余神亦同】献官再拜讫诸太祝各进奠版於神坐还樽所谒者遂引五星等献官各诣鬯洗盥手洗爵各诣酒樽所酌酒一

献东岳一献南岳一献中岳一献西岳一献北岳俱奠於神坐少退向神立岳镇海渚山川林泽丘陵坟衍原隰井泉皆祝史助奠相次俱毕太祝持版进神坐之右跪读祝文讫兴献官再拜讫太祝奠版於神坐还樽所谒者各引献官还本位初岳镇奠酒赞引五人各引献官诣盥洗盥洗各诣酒樽所酌酒一献勾芒氏一献祝融氏一献后土氏一献蓐收氏一献玄冥氏后稷田畯等各祝史助奠讫祝史持版进神坐之右跪读祝文讫兴【余与东方同惟无后稷】献官再拜讫祝史奠版於神坐赞引遂引五官献官等诣盥洗盥洗诣酒樽所酌酒分献五灵其鳞羽羸毛介猫於菟坊水墉昆虫等皆斋郎助奠相次俱毕祝史持版跪读祝文讫兴献官拜讫奠版各引还本位武舞六成乐止舞献俱毕上下诸祝各进彻豆还樽所【彻者筮豆各一少移於故处】奉礼曰赐胙赞者唱衆官再拜衆官在位者皆再拜乐作一成止谒者进太尉之左白请就望燎位谒者引太尉就望燎位南向立於衆官将拜上下诸祝各执篚进神坐前取玉帛祝版斋郎以俎载牲醴稷黍饭爵酒各由其陛降坛经悬内当柴坛南东行自南陛登坛以玉帛祝版饌物置於柴上户内诸祝以星辰七宿以上之礼币皆从燎神农氏伊耆氏岳镇以下之祝俱诣瘞埴以玉帛饌物置於埴讫奉礼曰可燎东西面各六人以炬燎初唱可燎瘞埴东西厢各四人奠土火半柴谒者进太尉之左白礼毕遂引太尉出又赞引各引祀官以次出赞引引御史以下各复执事位立定奉礼曰再拜御史以下皆再拜赞引引出工人二舞以次出其神农氏以下祝版燔於斋所大明夜明祝版御署伊耆以下献官署帝伊耆氏祝文曰维某年岁次月朔日子嗣开元神武皇帝某谨遣具位臣姓名敢昭告於帝伊耆氏惟帝体仁尚义崇本念功爰创嘉祀息农飧物今九土攸宜百谷丰稔备兹八蜡大旅四方谨以制币牺齐粢盛庶品明荐於帝尚飨帝神农氏祝文曰维某年岁次月朔日子嗣开元神武皇帝某谨遣具位臣姓名敢昭告於帝神农氏惟帝肇兴播植粒此黎元今时和岁稔神功是赖谨以制币牺齐粢盛庶品明荐於帝尚飨东方岁星祝文曰维某年岁次月朔日子嗣天子某谨

遣具位臣姓名敢昭告於东方岁星七宿惟神列位垂象叶赞穹苍昭晰羣生阜蕃庶类今时和岁稔恒礼是率谨陈嘉荐庶神飧之【南方中央西方北方并准此】东方岳镇海渚祝文曰维某年岁次月朔日子嗣天子某谨遣具位臣姓名敢昭告於东方岳镇海渚惟神宣导坤仪兴降云雨亭育庶品实赖滋液年谷顺成用通大蜡谨荐嘉祀溥被一方山林川泽丘陵坟衍原隰井泉庶神咸飧【南方西方北方并准此】勾芒氏祝文曰维某年岁次月朔日子嗣开元神武皇帝某谨遣具位臣姓名敢昭告於勾芒氏惟神赞阳出滞发生品物萌者毕达仁德以宣用陈明荐神其临飧后稷氏祝文曰维某年岁次月朔日子嗣开元神武皇帝某谨遣具位臣姓名敢昭告於后稷氏惟神诞降嘉种播兹百谷烝庶以粒又此万邦爰及田畯实劝农穡谨荐明祀庶神飧之祝融氏祝文曰维某年岁次月朔日子嗣开元神武皇帝某谨遣具位臣姓名敢昭告於祝融氏惟神典司火正淳曜昭明式赞南讹厥功以致丰年之荐庶神临飧后土氏祝文曰维某年岁次月朔日子嗣开元神武皇帝某谨遣具位臣姓名敢昭告於后土氏惟神式赞黄道典司土正居中执信是兴稼穡年谷既登庶飧嘉荐蓐收氏祝文曰维某年岁次月朔日子嗣开元神武皇帝某谨遣具位臣姓名敢昭告於蓐收氏惟神典司金正式赞西成执矩怀庄尚义趋力丰年之报飧兹嘉祀玄冥氏祝文曰维某年岁次月朔日子嗣开元神武皇帝某谨遣具位臣姓名敢昭告於玄冥氏惟神典司水正赞序幽都厥务安宁积藏斯至丰年之祀庶飧明荐苍龙祝文曰维某年岁次月朔日子嗣天子某谨遣具位臣姓名敢昭告於苍龙之神惟神体备幽明质兼小大实为鳞长赞时造物岁稔年丰实资弭患式陈

嘉荐百灵是属爰集东方鳞羽羸毛介衆族猫於菟坊水墉昆虫诸神庶几咸飨【其朱鸟驺虞玄武祝文首尾并与此同麟祝文发首亦皆同此】朱鸟之神惟神肇自火精冠兹羽族辅时宣化效仁蹈礼年和岁稔有赖厥功麟之神惟神体信为质惟和是归作长毛宗表灵玉牒年谷丰稔实资宣助式陈嘉荐庶神临飨驺虞之神惟神体信至仁禀灵金宿赞育生类实参利物爰兹报功用率恒祀玄武之神惟神诞禀辰精长兹介族先知称贵诚行攸底伊此丰年有凭宜庆

大唐开元礼卷二十三

卷二十四

钦定四库全书

大唐开元礼卷二十四 唐 萧嵩等 撰吉礼

皇帝春分朝日於东郊

斋戒 陈设

銮驾出宫 奠玉帛

进熟

斋戒

前祀五日皇帝散斋三日致斋二日凡预祀之官散斋三日致斋二日【散斋皆於正寝致斋一日於本司一日於祀所其无本司者皆於祀所】近侍之官应从升者及从祀羣官诸方客使各於本司及公馆清斋一宿【无本司者各於正寝】凡散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已斋而阙者通摄行事光禄卿监取明水火【太官令取水於陰鉴取火於阳燧火以供爨水以注玄酒之尊】前祀一日诸卫令其属未後一刻各以其方器服守卫墻门与太乐工人俱清斋一宿

陈设

前祀三日尚舍直长施大次於外墻东门之内道北南向尚舍奉御铺御坐卫尉设陈饌幔於内墻东门之外道南北向设文武侍臣次又设祀官及从祀羣官诸州使人蕃客等次太乐令设宫悬之乐於坛南内墻之外设歌钟歌磬右校扫除坛之内外郊社令积柴於燎坛【其坛在神坛之左内墻之外】方八尺高一丈开上南出户方三尺前祀一日奉礼设御位及燎坛位祀官从祀羣官诸州使人蕃客等位於内墻之内皆如圜丘之仪设酒樽之位太樽二着樽二山罍一在坛上於东南隅北向【尊皆置於坫俱藉以席加勺罍设爵於尊下】设御洗於坛南亚献之洗又於东南俱北向罍水在洗东篚在洗西南肆【篚实以巾爵】执樽罍篚罍者各於樽罍篚罍之後设玉帛之篚於坛上樽坫之所晡後谒者引光禄卿诣厨视濯溉又谒者引诸祀官诣厨省饌具讫俱还斋所祀日未明十五刻太官令帅宰人以鸾刀割牲祝史以豆取毛血置於饌所遂烹牲【青牲一】未明五刻太史令郊社令升设大明神坐於坛上北方南向席以藁秸设神坐於坐首

銮驾出宫如圜丘之仪

奠玉帛

祀日未明三刻诸祀官各服其服郊社令良醞令各帅其属入实樽罍玉帛【凡尊之次太尊为上实以醴齐着尊次之实以盎齐罍尊实以清酒其玄酒各实於上尊罍尊无玄酒礼神之玉以珪邸其帛以青】太官令帅进饌者实诸笾豆簠簋入设於内壝东门之外饌幔内未明二刻奉礼帅赞者先入就位赞引引御史太祝及令史与执樽罍篚幂者入自东门当坛南重行北面西上【凡引导者每曲一逡巡】立定奉礼曰再拜赞者承传【凡奉礼有词赞者皆承传】御史以下皆再拜讫执樽者升自东陛立於樽所坛下执樽罍篚幂者各就位赞引引御史太祝诣坛东陛升行扫除於上令史祝史行扫除於下讫就位驾将至谒者赞引各引祀官及从祀羣官诸国客使先至者俱就门外位驾至大次门外回轂南向将军降立於轂右侍中进当銮驾前跪奏称侍中臣某言请降轂俛伏兴还侍位皇帝降轂之大次通事舍人引文武五品以上从祀之官皆就门外位太乐令帅工人二舞次入就位文舞入陈於悬内武舞立於悬南道西谒者引司空入就位立定奉礼曰再拜司空再拜讫谒者引司空诣坛东陛升行扫除於上降行乐悬於下讫引出就位皇帝停大次半刻顷通事舍人分引从祀文武羣官介公酈公诸国客使先入就位太常博士引太常卿立於大次门外当门北向侍中版奏外办皇帝服玄冕出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引】至内壝门外殿中监进大珪尚衣奉御又以镇圭授殿中监殿中监受进皇帝搢大圭执镇圭华盖仗卫停於门外近侍者从入如常谒者引礼部尚书太常少卿陪从如常皇帝至版位西向立【每立定太常卿与博士退立於左】谒者赞引各引祀官次入就位立定太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏举麾【凡取物皆跪俛伏而取以兴奠物则奠讫俛伏而後兴】鼓祝奏豫和之乐乃以圜钟之均文舞之舞乐舞六成偃麾戛敌乐止【凡乐皆协律郎举麾工鼓祝而後作偃麾戛敌而後止也】太常卿前奏称再拜退复位皇帝再拜奉礼曰衆官再拜衆官在位者皆再拜太祝取玉帛於篚立於樽所太常卿引皇帝太和之乐作【皇帝每行皆作太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立乐止太祝加玉於帛以授侍中侍中奉玉帛东向进皇帝搢镇圭受玉帛【每受物搢镇圭奠讫执圭俛伏兴】登歌作肃和之乐乃以大吕之均太常卿引皇帝进北面跪奠於大明神坐俛伏兴太常卿引皇帝少退北向再拜讫登歌止太常卿引皇帝乐作皇帝降自南陛还版位西向立乐止初羣官拜讫祝史奉毛血之豆立於门外於登歌止祝史奉毛血入升自南陛太祝迎取於坛上进奠於神坐前太祝与祝史退立於樽所

进熟

皇帝既拜奠玉帛太官令出帅进饌者奉饌陈於内壝门外谒者引司徒出诣饌所司徒奉俎初皇帝既至位乐止太官令引饌入俎初入门雍和之乐作以黄钟之均饌至陛乐止祝史进彻毛血之豆降自东陛以出饌升南陛太祝迎引於坛上设於神坐前【笾豆盖幂先彻乃升簠簋既奠却其盖於下】设讫谒者引司徒以下降自东陛复位太祝还樽所太常卿引皇帝诣罍洗乐作皇帝至罍洗乐止侍中跪取匱兴沃水又侍中跪取盘兴承水皇帝盥手黄门

侍郎跪取巾於篚兴进皇帝帨手讫黄门侍郎受巾奠於篚黄门侍郎又取匏爵於篚兴进皇帝受爵侍中酌鬯水又侍中奉盘皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠於篚皆如初太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎从升立於司徒之後太常卿引皇帝诣酒樽所执樽者举冪侍中赞酌醴齐讫壽和之乐作【皇帝每酌献及饮福皆作壽和之乐】太常卿引皇帝进大明神坐前北向跪奠爵俛伏兴太常卿引皇帝少退北向立乐止太祝持版进於神坐之右东面跪读祝文曰维某年岁次月朔日子嗣天子臣某敢昭告於大明惟神宣布太阳照临下土动植咸赖幽隐无遗时惟仲春敬遵常礼谨以玉帛牺齐粢盛庶品祗祀於神尚飨讫兴皇帝再拜初读祝文讫乐作太常卿进奠版於神坐还樽所皇帝拜讫乐止太祝以爵酌上樽福酒授侍中侍中受爵西向进皇帝再拜受爵跪祭酒啐酒奠爵俛伏兴太祝帅斋郎进俎太祝减神前胙肉加於俎太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止皇帝献将毕谒者引太尉诣鬯洗盥手洗匏爵讫谒者引太尉自东陛升坛诣着樽所执樽者举冪太尉酌盎齐武舞作谒者引太尉进大明神坐前北向跪奠爵兴谒者引太尉少退北向再拜讫太祝以爵酌鬯福酒进太尉之右西向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉降复位初太尉献将毕谒者引光禄卿诣鬯洗盥手洗匏爵升酌盎齐终献如亚献之仪讫谒者引光禄卿降复位武舞六成乐止舞献俱毕太祝进彻豆还樽所【彻者筯豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止於羣官将拜太祝执篚进神坐前跪取玉帛祝版斋郎以俎载牲醴稷黍饭及爵酒兴降自南陛南行经悬内当柴坛南东行自陛南登柴坛以玉帛祝版饌物置於柴上户内讫奉礼曰可燎东西面各四人以炬燎火半柴太常卿前奏礼毕太常卿引皇帝还大次乐作皇帝出内墻门殿巾监前受镇圭以授尚衣奉御殿中监又前受大圭华盖侍卫如常仪皇帝入次乐止谒者赞引各引祀官及从祀羣官诸国客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷二十四

卷二十五

钦定四库全书

大唐开元礼卷二十五 唐 萧嵩等 撰吉礼

春分祀日於东郊有司摄事

斋戒 陈设

奠玉帛 进熟

斋戒

前祀五日诸预祀之官散斋三日致斋二日【散斋皆於正寝致斋一日于本司一日于祀所其无本司者并于祀所】凡散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已斋而阙者通摄行事光禄卿监取明水火【太官令取水于阴鉴取火于阳燧火以供爨水以实樽】前祀一日诸卫令其属未後一刻各以其方器服守卫壝门与太乐工人俱清斋一宿

陈设

前祀三日卫尉设祀官公卿以下次于东壝之外道南北向西上陈饌幔于内壝东门之外道南北向太乐令设宫悬之乐于坛南内壝之内东方西方磬簠起北钟簠次之南方北方磬簠起西钟簠次之设十二罇钟于编悬之闲各依神位树雷鼓于北悬之内道之左右植建鼓于四隅置祝敌于悬内【祝在左敌在右】设歌钟歌磬于坛上近南北向磬簠在西钟簠在东其匏竹者立于坛下重行北向相对为首【凡悬皆展而编之】诸工人各位于悬後东方西方以北为上南方北方以西为上右校扫除坛之内外郊社令积柴于燎坛【其坛于神坛之左内壝之外】方八尺高一丈开上南出户方三尺前祀一日奉礼设祀官公卿位于内壝东门之内道北执事位于道南每等异位俱重行西面以北为上设望燎位当柴坛之北南向设御史位于坛上正位于东南隅西向副位于西南隅东向令史各陪其後于坛下设奉礼位于乐悬东北赞者二人在南差退俱西向又设奉礼赞者位于燎坛东北西向北上设协律郎位于坛上南陛之西东向设太乐令位於北悬之间当坛北向设祀官公卿以下门外位于东壝之外道南每等异位重行北面西上设酒樽之位太樽二着樽二山罍一在坛上于东南隅北向【尊皆置于坫加勺罇设爵于尊下】设洗于坛南陛东北向罍水在洗东筐在洗西南肆【筐实以巾爵】执樽罍筐罇者各于樽罍筐罇之後设玉帛之筐于坛上樽坫之所晡後谒者引光禄卿诣厨视溉濯又谒者引诸祀官诣厨省饌具讫俱还斋所祀日未明十刻太官令帅宰人以鸾刀割牲祝史以豆取毛血置于饌所遂烹牲【青牲一】未明五刻太史令郊社令升设大明神坐于坛上北方南向席以藁秸设神位于坐首

奠玉帛

祀日未明三刻诸祀官各服其服郊社令良醢令各帅其属入实樽罍玉帛【凡尊之次太尊为上实以醴齐着尊次之实以盎齐罍尊实以清酒其玄酒各实于上尊罍尊无玄酒礼神之玉以圭璧其帛以青】太官令帅进饌者实诸笾豆簠簋入设于内壝东门之外饌幔内未明二刻奉礼帅赞者先入就位赞引引御史博士太祝及令史祝史与执樽罍篚幂者入自东门当坛南重行北面西上【凡导引者每曲一逡巡】立定奉礼曰再拜赞者承传【凡奉礼有词赞者皆承传】御史以下皆再拜讫执樽者升自东陛立于樽所坛下执樽罍篚幂者各就位赞引引御史太祝诣坛东陛升行扫除于上令史祝史行扫除于下讫引降就位未明一刻太乐令帅工人二舞次入就位文舞入陈于悬内武舞立于悬南道西谒者引司空入就位立定奉礼曰再拜司空再拜讫谒者引司空诣坛东陛升行扫除于上降行乐悬于下讫还本位初司空入谒者引祀官赞引引执事者俱就壝外位司空行扫除讫谒者赞引各引祀官以次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位协律郎跪俯伏举麾【凡取物皆跪俛伏而取以兴奠物则奠讫俛伏而兴】後鼓祝奏豫和之乐乃以圜钟之均文舞之舞乐舞六成偃麾戛敌乐止【凡乐皆协律郎举麾工鼓祝而後作偃麾戛敌而後止】奉礼曰衆官再拜衆官在位者皆再拜太祝取玉帛于篚立于樽所谒者引太尉诣坛升自南陛北向立太祝加玉於帛东向授太尉太尉受玉帛登歌作肃和之乐乃以大吕之均谒者引太尉进北面跪奠于大明神坐俛伏兴谒者引太尉少退北向再拜讫登歌止谒者引太尉降自南陛还本位衆官拜讫祝史奉毛血之豆立於门外於登歌止祝史奉毛血入升自南陛太祝迎取於坛上进奠于神坐太祝与祝史退立于樽所

进熟

太尉既升奠玉帛太官令出帅饌者奉饌陈于内壝门外谒者引司徒出诣饌所司徒奉俎太祝既奠毛血太官令引饌入俎初入门雍和之乐作【自後酌献皆奏雍和之乐】饌至陛乐止祝史进彻毛血之豆降自东陛以出饌升南陛太祝迎引于坛上设于神坐前【笾豆盖幂先彻乃升簠簋既奠却其盖于下】设讫谒者引司徒以下降自东陛复位太祝还樽所谒者引太尉诣罍洗盥手洗匏爵讫谒者引太尉升自南陛诣酒樽所执樽者举幂太尉酌醴齐讫乐作谒者引太尉进大明神坐前北向跪奠爵兴谒者引太尉少退北向立乐止太祝持版进于神坐之右东面跪读祝文曰维某年岁次月朔日子嗣天子臣某谨遣太尉封臣名敢昭告于大明惟神宣布太阳照临下土动植咸赖幽隐无遗时惟仲春敬遵常礼谨以玉帛牺齐粢盛庶品祗祀于神尚飨讫兴太尉再拜初读祝文讫乐作太祝进奠版于神坐还樽所太尉拜讫乐止太祝以爵酌罍福酒进太尉之右西向立太尉再拜受爵跪祭酒啐酒奠爵兴太祝帅斋郎进俎太祝减神前胙肉加于俎太祝持俎授太尉太尉受以授斋郎太尉取爵遂饮卒爵太祝进受爵复于坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉献将毕谒者引太常卿诣罍洗盥手洗匏爵讫谒者引太常卿自东陛升坛诣着樽所执尊者举幂太常卿酌盎齐武舞作谒者引太常卿进大明神坐前北向跪奠爵兴谒者引太常卿少退北向再拜讫太祝以爵酌罍福酒进

太常卿之右西向立太常卿再拜受爵跪祭酒遂饮卒爵太祝进受爵复於坫太常卿兴再拜
谒者引太常卿降复位初太常卿献将毕谒者引光禄卿诣罍洗盥手洗匏爵升酌盎齐终献
如亚献之仪讫谒者引光禄卿降复位武舞六成乐止舞献俱毕太祝进彻豆还樽所【彻者
筯豆各一少移于故处】奉礼曰赐胙赞者唱衆官再拜衆官在位者皆再拜【已饮福受胙
者不拜】豫和之乐作奉礼曰衆官再拜衆官在位者皆再拜乐一成止谒者进太尉之左白
请就望燎位谒者引太尉就望燎位南向立于衆官将拜太祝执籩进神坐前跪取玉币祝版
斋郎以俎载牲醴稷黍饭及爵酒降自南陛经悬南行当柴坛南东行自陛南登柴坛以玉币
祝版饌物置于柴上户内讫奉礼曰可燎东西面各四人以炬燎火半柴谒者进太尉之左白
礼毕谒者引太尉出又谒者赞引各引祀官以次出赞引引御史以下俱复执事位立定奉礼
曰再拜御史以下皆再拜赞引引出工人二舞以次出

大唐开元礼卷二十五

卷二十六

钦定四库全书

大唐开元礼卷二十六 唐 萧嵩等 撰吉礼

皇帝秋分夕月於西郊

斋戒 陈设

銮驾出宫 奠玉帛

进熟 銮驾还宫

斋戒

前祀五日皇帝散斋三日致斋二日凡预祀之官散斋三日致斋二日【散斋皆于正寝致斋一日于本司一日于祀所其无本司者皆于祀所】近侍之官应从升者及从祀羣官诸方客使各于本司及公馆清斋一宿【无本司者各于正寝】凡散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已斋而阙者通摄行事光禄卿监取明水火【太官令取水于阴鉴取火于阳燧火以供爨水以实尊】前祀一日诸卫令其属未後一刻各以其方器服守卫墻门与太乐工人俱清斋一宿

陈设

前祀二日尚舍直长施大次于外墻东门之内道北南向尚舍奉御铺御坐卫尉陈饌幔于内墻东门之外道南北向设文武侍臣次又设祀官及从祀羣官诸州使人蕃客等次太乐令设宫悬之乐于坛南内墻之内设歌钟歌磬右校扫除坛之内外郊社令积柴于燎坛【其坛于神坛之左内墻之外】方八尺高一丈开上南出户方三尺前祀一日奉礼设御位及望燎位祀官从祀羣官诸州使人蕃客等位于内墻之内皆如圜丘之仪设酒樽之位太樽二着樽二山罍一在坛上于东南隅北向【尊皆置于坫加勺罍设爵于尊下】设御洗于坛南陞东南亚献之洗又设于东南俱北向罍水在洗东筐在洗西南肆【筐实以巾爵】执尊罍筐罍者各于尊罍筐罍之後设玉帛之筐于坛上尊坫之所晡後谒者引光禄卿诣厨视濯漑又谒者引诸祀官诣厨省饌具讫还斋所祀日未明十五刻太官令帅宰人以鸾刀割牲祝史以豆取毛血置于饌所遂烹牲【白牲一】未明五刻太史令郊社令升设夜明神坐于坛上北方南向席以藁秸设神位于坐首

銮驾出宫如圜丘之仪

奠玉帛

祀日未後二刻诸祀官各服其服郊社令良醞令各帅其属入实樽罍玉帛【凡尊之次太尊为上实以醴齐着尊次之实以盎齐罍尊实以清酒其玄酒各实于上尊罍尊无玄酒礼神之玉以珪璧其帛以白】太官令帅进饌者实诸笾豆簠簋入设于内壝东门之外饌幔内未後三刻奉礼帅赞者先入就位赞引引御史太祝及令史祝史与执樽罍篚幂者入自东门当坛南重行北面西上【凡引导者每曲一逡巡】立定奉礼曰再拜赞者承传【凡奉礼有词赞者皆承传】御史以下皆再拜讫执樽者升自东陛立于樽所执罍洗篚幂者各就位赞引引御史太祝诣坛东陛升行埽除于上令史祝史行埽除于下讫就位驾将至谒者赞引各引祀官及从祀群官诸国客使先至者俱就门外位驾至大次门外回辂南向将军降立于辂右侍中进当銮驾前跪奏称侍中臣某言请降辂俛伏兴还侍位皇帝降辂之大次谒者引文武五品以上从祀之官皆就门外位太乐令帅工人二舞次入就位文舞入陈于悬内武舞立于悬南道西谒者引司空入就位立定奉礼曰再拜司空再拜讫谒者引司空诣坛东陛升行埽除于上降行乐悬于下讫引出就位皇帝停大次半刻顷谒者赞引各引从祀文武羣官介公鄘公诸国客使先入就位太常博士引太常卿立于大次门外当门北向侍中版奏外办皇帝服玄冕出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士前引】至内壝门外殿中监进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停于门外近侍者从入如常谒者引礼部尚书太常少卿陪从如常皇帝至版位西向立【每立定太常卿与博士退立于左】谒者赞引各引祀官次入就位立定太常前奏请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位協律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏豫和之乐乃以圜钟之均文舞之舞乐舞六成偃麾戛敌乐止【凡乐皆协律郎举麾工鼓祝而後作偃麾戛敌而後止】太常卿前奏请再拜退复位皇帝再拜奉礼曰衆官再拜衆官在位者皆再拜太祝取玉帛于篚立于樽所太常卿引皇帝太和之乐作【皇帝每行皆作太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立乐止太祝加玉于帛以授侍中侍中奉玉帛东向进皇帝搢镇珪受玉帛【每受物搢镇珪奠讫执珪俛伏兴】登歌作肃和之乐乃以大吕之均太常卿引皇帝进北面跪奠于夜明神坐俛伏兴太常卿引皇帝少退北向再拜讫登歌止太常卿引皇帝乐作皇帝降自南陛还版位西向立乐止初羣官拜讫祝史奉毛血之豆立于门外于登歌止祝史奉毛血入升自南陛太祝迎取于坛上进奠于神坐前太祝与祝史退立于樽所

进熟

皇帝既升奠玉帛太官令出帅进饌者奉饌陈于内壝门外谒者引司徒出诣饌所司徒奉俎初皇帝既至版位乐止太官令引饌入俎初入门雍和之乐作饌至陛乐止祝史进彻毛血之豆降自东陛以出饌升南陛太祝迎引于坛上设于神坐前【笾豆盖幂先彻乃升簠簋既奠却其盖于下】设讫谒者引司徒以下降自东陛复位太祝还樽所太常卿引皇帝诣罍洗乐作皇帝至罍洗乐止侍中跪取匱兴沃水又侍中跪取盘兴承水皇帝盥手黄门侍郎跪取

巾于筐兴进皇帝脱手讫黄门侍郎受巾跪奠于筐黄门侍郎又取匏爵于筐兴进皇帝受爵侍中酌鬯水又侍中奉盘皇帝洗爵黄门侍郎又授巾皆如初皇帝拭爵讫侍中奠盘匣黄门侍郎受巾奠于筐皆如常太常卿引皇帝乐作皇帝诣坛升自南陛乐止谒者引司徒升自东陛立于樽所斋郎奉俎从立于司徒之後太常卿引皇帝诣酒樽所执樽者举冪侍中赞酌醴斋讫寿和之乐作【皇帝每酌献及饮福皆作寿和之乐】太常卿引皇帝进夜明神坐前北向跪奠爵俛伏兴太常卿引皇帝少退北向立乐止太祝持版进于神坐之右东面跪读祝文曰维某年岁次月朔日子嗣天子臣某敢昭告于夜明惟神昭着悬象燁燁陰精班历授时仰观取则爰兹秋仲用率恒礼谨以玉帛牺齐粢盛庶品恭祀于神尚飨讫兴皇帝再拜初读祝文讫乐作太祝进奠版于神坐还樽所皇帝拜讫乐止太祝以爵酌上樽福酒授侍中侍中受爵西向进皇帝再拜受爵跪祭酒啐酒奠爵俛伏兴太祝帅斋郎进俎太祝减神前胙肉加于俎太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复于坫皇帝俛伏兴再拜太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止皇帝献将毕谒者引太尉诣鬯洗盥手洗匏爵讫谒者引太尉自东陛升坛诣着樽所执樽者举冪太尉酌盎齐武舞作谒者引太尉进夜明神座前北向跪奠爵兴谒者引太尉少退北向再拜讫太祝以爵酌鬯福酒进太尉之右西向立太尉再拜受爵跪祭酒遂饮卒爵太祝进受爵复于坫太尉兴再拜谒者引太尉降复位初太尉献将毕谒者引光禄卿诣鬯洗盥手洗匏爵升酌盎齐终献如亚献之仪讫谒者引光禄卿降复位武舞六成乐止舞献俱毕太祝进彻豆还樽所【彻者筯豆各一少移于故处】奉礼曰赐胙赞者唱衆官再拜衆官在位者皆再拜【已饮福受胙者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止于羣官将拜太祝执筐进神坐前跪取玉帛祝版斋郎以俎载牲体黍稷饭爵酒兴降自南陛行经悬内当柴坛南东行自南陛登柴坛以玉帛祝版饌物置于柴上户内讫奉礼曰可燎东西面各四人以炬燎火半柴太常卿前奏礼毕太常卿引皇帝还大次乐作皇帝出内壝门殿中监前受镇珪以授尚衣奉御殿中监又前受大珪华盖侍卫如常仪皇帝入次乐止谒者赞引各引祀官及从祀羣官诸国客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出

銮驾还宫如圜丘之仪

大唐开元礼卷二十六

卷二十七

钦定四库全书

大唐开元礼卷二十七 唐 萧嵩等 撰吉礼

秋分祀月於西郊有司摄事

斋戒 陈设

奠玉帛 进熟

斋戒

前祀五日诸预祀之官散斋三日致斋二日【散斋皆于正寝致斋一日于本司一日于祀所其无本司者并于祀所】凡散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余皆断其祀官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水于阴鉴取火于阳燧火以供爨水以实尊】前祀一日诸卫令其属未後一刻各以其方器服守卫壝门【每门二人每隅一人】与太乐工人俱清斋一宿

陈设

前祀三日守宫设祀官公卿以下次於东壝之外道南北向以西为上设陈饌幔于内壝东门之外道南北向前祀二日太乐令设宫悬之乐于坛南内壝之内东方西方磬起北钟簠次之南方北方磬簠起西钟簠次之设十二鐃钟于编悬之间各依辰位树雷鼓于北悬之内道之左右植建鼓于西隅置祝斂于悬内【祝在左斂在右】设歌钟歌磬于坛上近南北向磬簠在西钟簠在东其匏竹者立于坛下重行北向相对为首【凡悬皆展而编之】诸工人各位于悬後东方西方以北为上右校埽除坛之内外郊社令积柴于燎坛【其坛于神坛之左外壝之内】方八尺高一丈开上南出户方三尺前祀一日奉礼设祀官公卿位于内壝东门之内道北执事位于道南每等异位俱重行西向北上设御史位于坛外一位于东南西向一位于西南东向令史各陪其後设奉礼位于乐悬东北赞者二人在南差退俱西向设协律郎位于坛外南陛之西东向设太乐令位于北悬之间设祀官公卿以下门外位皆于东壝之外道南每等异位重行北面西上设酒樽之位太樽二着樽二山罍一在坛上东南隅北向【樽皆置于坫加勺罍设爵于樽下】设洗于坛南陛东南北向罍水在洗东篚在洗西南肆【篚实以巾爵】执樽罍篚罍者各于樽罍篚罍之後设玉帛之篚于坛上樽坫之所晡後谒者引光禄卿诣厨视濯漑赞引引御史诣厨省饌具【光禄卿以下每事讫各还斋所】祀日未明十五刻太官令帅宰人以鸾刀割牲祝史以豆取毛血置于饌所遂烹牲【白牲一】未明五刻太史令郊社令各服其服升设夜明神坐于坛上北方南向席以藁秸设神坐于坐首

奠玉帛

祀日未後三刻诸祀官各服其服郊社令良醞令各帅其属入实樽罍及玉帛【凡尊之次太尊为上实以醴齐着尊次之实以盎齐山罍为下实以清酒齐皆加明水酒加玄酒各实于上尊祀神之玉以珪璧其帛以白长一丈八尺】太官令帅进饌者实诸笾豆簋簠等皆设于饌幔内未後四刻奉礼帅赞者先入就位赞引引御史博士太祝及令史祝史与执樽罍篚冪者入自东门当坛南重行北面西上【凡引导者每曲一逡巡】立定奉礼曰再拜赞者承传【凡奉礼有词赞者皆承传】御史以下皆再拜讫执樽者升自东陛立於樽所坛下执樽罍篚冪者各就位赞引引御史太祝诣坛东陛升行埽除於上太史祝史行埽除於下讫引降就位未後五刻太乐令帅工人二舞次入就位文舞入陈於悬内武舞立於悬南道西【其升坛者皆脱履於下降纳如常】谒者引司空入就位立定奉礼曰再拜司空再拜讫谒者引司空诣坛东陛升行埽除於上降行乐悬於下讫引复位初司空入谒者引祀官赞引引执事者俱就壇外位司空行埽除讫谒者赞引各引祀官以次入就位立定奉礼曰衆官再拜衆官在位者皆再拜【其先拜者不拜】谒者进太尉之右赞有司谨具请行事退复位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏豫和之乐乃以圜钟之均【自後坛下之乐皆奏圜钟】文舞之乐舞六成偃麾戛敔乐止【凡乐皆协律郎举麾工鼓祝而後作偃麾戛敔而後止】奉礼曰衆官再拜衆官在位者皆再拜太祝取玉帛於篚立於樽所谒者引太尉诣坛升自南陛北向立太祝以玉帛东向授太尉太尉受玉帛登歌作肃和之乐乃以大吕之均谒者引太尉进北面跪奠于夜明神坐俛伏兴谒者引太尉少退北向再拜讫登歌止谒者引太尉降自南陛还本位初衆官拜讫祝史奉毛血之豆立于门外于登歌止祝史奉毛血入升自南陛太祝迎取于坛上进奠于神坐前太祝与祝史退立于樽所

进熟

太尉既升奠玉帛太官令出帅进饌者奉饌陈于内壇门外谒者引司徒出诣饌所司徒奉俎太祝既奠毛血太官令引饌入俎初入门雍和之乐作以黄钟之均饌至陛乐止祝史进彻毛血之豆降自东陛以出饌升南陛太祝迎引于坛上设于神座前【笾豆盖冪先彻乃升簋簠既奠却其盖于下】设讫谒者引司徒以下降自东陛复位太祝还樽所谒者引太尉诣罍洗盥手洗匏爵讫谒者引太尉升自南陛诣酒樽所执樽者举冪太尉酌醴齐讫乐作谒者引太尉进夜明神坐前北向跪奠爵兴谒者引太尉少退北向立乐止太祝持版进于神坐之右东面跪读祝文曰维某年岁次月朔日子嗣天子臣某谨遣太尉臣封臣名敢昭告于夜明惟神昭着悬象輝耀陰精班历授时仰观取则爰兹秋仲用率恒礼谨以玉帛牺齐粢盛庶品祗祀于神尚飨讫兴太尉再拜初读祝文讫乐作太祝进奠版于神坐还樽所太尉拜讫乐止太祝以爵酌罍福酒进太尉之右西向立太尉再拜受爵跪祭酒啐酒奠爵兴太祝帅斋郎进俎太祝减神前胙肉【取前脚第二?】加于俎太祝持俎西向授太尉太尉受以授斋郎太尉跪取爵遂饮卒爵太祝进受爵复于坫太尉兴再拜谒者引太尉降复位文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止初太尉将复位谒者引太常卿诣罍洗盥手洗匏爵讫谒者引太常卿东陛升坛诣着樽所执樽者举冪太常卿酌盎齐武舞作

谒者引太常卿进夜明神坐前北向跪奠爵兴谒者引太常卿少退北向再拜讫太祝以爵酌鬯福酒进太常卿之右西向立太常卿再拜受爵跪祭酒遂饮卒爵太祝进受爵复于坩太常卿兴再拜谒者引太常卿降复位初太常卿献将毕谒者引光禄卿诣罍洗盥手洗匏爵升酌盎齐终献如亚献之仪讫谒者引光禄卿降复位武舞止太祝进彻豆还樽所【彻者筯豆各一少移于故处】奉礼曰赐胙赞者唱衆官再拜衆官在位者皆再拜乐一成止谒者进太尉之左白请就望燎位谒者引太尉就望燎位南向立于衆官将拜太祝执籩进取玉币祝版斋郎以俎载牲体稷黍饭爵酒降自南陛经悬内南行当柴坛南东行自南陛登柴坛以玉帛祝版饌物置于柴上户内讫奉礼曰可燎东西两面各四人以炬燎火半柴谒者进太尉之左白礼毕谒者引太尉出又谒者赞引各引祀官以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出

大唐开元礼卷二十七

卷二十八

钦定四库全书

大唐开元礼卷二十八 唐 萧嵩等 撰吉礼

祀风师 祀雨师

祀灵星 祀司中司命司人司禄立春後日祀风师【丑日】

前祀三日诸预祀之官散斋二日致斋一日【散斋皆于正寝致斋一日于祀所】光禄卿监取明水火【太官令取水于陰鉴取火于阳燧火以供爨水以注玄酒之尊】散斋理事如旧惟不吊丧问疾不作乐不判署刑杀文书不行刑罚不预秽恶致斋惟祀事得行其余悉断其祀官已斋而阙者通摄行事前祀一日晡後一刻诸卫令其属各以其方器服守卫壇门俱清斋一宿卫尉设祀官次于东壇之外道南北向以西为上设陈饌幔于内壇东门之外道南北向郊社令积柴于燎坛【其坛在神坛之左内壇之外】方五尺高五尺开上南出户祀日未明三刻奉礼郎设祀官位于内壇东门之内道北执事位于道南每等异位俱重行西向皆以北为上设望燎位当柴坛之北南向设御史位於坛上西南隅东向令史陪其後於坛下设奉礼位於祀官西南赞者二人在南差退俱西向又设奉礼赞者位於燎坛东北西面北上设祀官门外位於东壇之外道南每等异位俱重行北向西上郊社令帅斋郎设酒樽於坛上东南隅象樽二置于坛北向西上设币筐于樽站之所设洗于坛南陞东南北向爨水在洗东筐在洗西南肆【筐实以巾爵】执樽罍筐幂者各于樽罍筐幂之後太官令帅宰人以鸾刀割牲烹于?祀日未明三刻太史令郊社令升设风师神坐于坛上近北南向席以莞设神位於坐首未明一刻诸祀官各服其服郊社令良醢令各帅其属入实樽罍及币【实以醢齐其玄酒实于上尊】太官令帅进饌者实诸笾豆簋簠入设于内壇东门之外饌幔内奉礼帅赞者先入就位赞引引御史太祝及令史与执樽罍筐幂者入当坛南北面以西为上立定奉礼曰再拜赞者承传【凡奉礼有词赞者皆承传】御史以下皆再拜执樽者升自东陞立于樽所执樽罍筐幂者各就位赞引引御史太祝詣坛东陞升行埽除于上令史行埽除于下讫各引就位质明谒者引祀官赞引引执事者俱就门外位谒者赞引各引祀官以次入就位立定奉礼曰衆官再拜衆官在位者皆再拜谒者进献官左白有司谨具请行事退复位太官令出帅进饌者陈于门外初太官令出太祝跪取币于筐兴立於樽所谒者引献官升自南陞进当神坐前北向立太祝以币东向进献官受币进北面跪奠于神坐俛伏兴少退北面再拜讫谒者引献官降复位太官令引饌入詣南陞升坛太祝迎引於坛上设於神坐前【笾豆盖幂先彻乃升簋簠既奠却其盖于下】设讫太官令以下降复位太祝还樽所谒者引献官詣罍洗盥手洗爵讫谒者引献官自南陞升坛詣酒樽所执樽者举幂献官酌醢齐讫谒者引献官进神坐前北向跪奠爵俯伏兴少退北向立太祝持版进于神坐之右东面跪读祝文曰维某年岁次月朔日子嗣天子谨遣具位臣姓名敢昭告于风师含生开动毕伫振发功施造物实彰祀典谨以制币牺齐粢盛庶品明荐于神尚飨讫兴献官再拜太祝进跪奠版於神坐还樽所献官拜讫谒者引献官立于南方北向太祝以爵酌福酒进献官之右西向立献官再拜受爵跪祭

酒遂饮卒爵太祝进受爵复於坫献官俛伏兴太祝帅斋郎进俎太祝跪减神坐前胙肉加于俎兴以俎西向进献官受以授斋郎谒者引献官降复位祝史进跪彻笾豆兴还樽所【彻者笾豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】谒者进献官之左白请就望燎位遂引献官就望燎位南向立太祝执筐跪取币祝版斋郎以俎载牲体褱黍饭爵酒兴自南陞降坛南行当柴坛南东行自南陞登柴坛以币祝版饌物置柴上户内讫奉礼曰可燎东西面各二人以炬燎火半柴谒者进献官之左白礼毕遂引献官出赞引引执事者以次出赞引引御史以下俱复执事位立定奉礼曰再拜御史以下皆再拜赞引引出

立夏後申日祀雨师有司行事

祝文曰百昌万宝式仰膏润谨遵典故用备常祀【其首尾与风伯文同】

立秋後辰日祀灵星有司行事

祝文曰九谷方成三时不害凭兹多佑介其农穡立冬後亥日祀司中司命司人司禄於国城西北有司行事

每坐象樽二於坛上东南隅北向皆有坫以西为上设司中司命司人司禄神坐於坛上近北南以西为上初献司中祝文曰时属安寧亿兆康佑用率常礼报兹祉福次献司命祝文曰赖兹正直黎庶康寧资此良辰用申恒礼次献司人祝文曰星纪已周兆庶康阜备兹饗吉式荐馨香次献司禄祝文曰玄英纪时岁事云毕聿遵典故用修恒祀【其行事俱如风师之仪】

大唐开元礼卷二十八

卷二十九

钦定四库全书

大唐开元礼卷二十九 唐 萧嵩等 撰吉礼

皇帝夏至日祭方丘【祭后土礼同】

斋戒 陈设

省牲器 銮驾出宫

奠玉帛 进熟

銮驾还宫

斋戒

前祭七日平明太尉誓百官于尚书省曰某月某日祭皇地祇于方丘各官各扬其职不供其事国有常刑皇帝散斋四日于别殿致斋三日二日于太极殿一日于行宫前致斋一日尚舍奉御设御幄于太极殿西序及室内俱东向尚舍直长惟于前楹下致斋昼漏上水一刻侍中版奏请中严诸卫之属各督其队入陈于殿庭如常仪通事舍人引文武官五品以上陪位如式诸侍卫之官各服其服诸侍臣并结佩俱诣阁奉迎【凡斋者则结佩】皇帝服袞冕结佩出自西房曲直华盖警蹕侍卫如常仪皇帝即御座东向坐侍臣夹御卫侍如常一刻顷侍中前跪奏称侍中臣某言请降就斋室俛伏兴还侍位皇帝降座入室文武侍臣各还本司直卫如常凡预祭之官散斋四日致斋三日【散斋皆于正寝致斋二日于本司一日于祭所其无本司者皆于郊社及祭所】近侍之官应从升者及从祭羣官诸方客使各于本司及公馆清斋一宿散斋理事如旧惟不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事凡祭官致斋之日给酒食明衣各习礼于斋所光禄卿监取明水火【太官令取水于阴鉴取火于阳燧火以供爨水以实尊】前祭二日太尉告高祖神尧皇帝庙如常告之仪【告以配神作主】前祭一日诸卫令其属未後一刻各以其方器服守卫墺门【每墺门二人每隅一人】与太乐工人俱清斋一宿

陈设

前祭三日尚舍直长施大次于外墺东门之内道北南向尚舍奉御铺座卫尉设文武大臣次于大次之後文官在左武官在右俱南向设诸祭官次于东墺之外道南北向西上三师于南墺之外道东诸王於三师之南俱西向北上文官九品以上于祭官之东北向西上介公鄯公于南墺之外道西东向诸州使人东方南方于王东南西向西方北方于介公鄯公西南东

向皆北上诸国之客东方南方于诸州使人之南西向西方北方于诸州使人之南东向皆北上武官三品以下七品以上于西墼之外道南北向东上【其褒圣侯若在朝于文官三品以下】设陈饌幔于内墼东门西门之外道北南向【坛上及诸神东方南方之饌陈于东门外西向西方北方之饌陈于西门外东向神州无西门之饌】前祭二日太乐令设宫悬之乐于坛南内墼之外东方西方磬簠起北钟簠次之南方北方磬簠起西钟簠次之设十二鐃钟于悬编之间各依辰位?雷鼓于北悬之内道之左右植建鼓于西隅置祝斂于悬内【祝在左斂在右】设歌钟歌磬于坛上近南北向磬簠在东钟簠在西其匏竹者立于坛下重行北向相对为首【凡悬皆展而编之】诸工人各位于悬後东方西方以北为上南方北方以西为上右校埽除坛之内又为瘞瘞于坛之壬地内墼之外方深取足容物南出陞前祭一日奉礼设御位于坛之东南西向设望燎位于坛之西南当瘞瘞北向设祭官公卿位于内墼东门之外道南分献之官于公卿之南执事者位于其後每等异位俱重行西向北上设御史位于东南隅西向副位于西南隅东向设奉礼位于乐悬东北赞者二人在南差退俱西向北上设奉礼赞者位于瘞瘞西南东向南上设協律郎位于坛上南陞之西东向设太乐令位于北悬之间当坛北向设从祭之官位三师位于悬南道东诸王位于三师之东俱北向西上介公鄘公位于道西北向东上文官从一品以下九品以上位于执事之南每等异位重行西向武官三品以下九品以上位于西方当文官每等异位重行东向皆北上诸州使人位东方南方于诸王东南重行北面西上西方北方于介公鄘公西南重行北面东上设诸国客使位于内墼南门之外东方南方于诸州使人之东每国异位重行北面西上西方北方于诸州使人之西每国异位重行北面东上设门外位祭官公卿以下于东墼之外道南每等异位重行北面西上三师位于南墼之外道东诸王于三师之南俱西向介公鄘公位于道西东向皆北上文官从一品以下九品以上位在东墼之外祭官之南每等异位重行北面西上武官三品以下九品以上位于西墼之外道南每等异位重行北面东上诸州使人位东方南方于诸王东南重行西面西方北方于介公鄘公西南重行东面俱北上设诸国客使位东方南方于诸州使人之南每国异位重行西面西方北方于诸州使人之南每国异位重行东面皆北上牲牝于东墼之外当门西向黄牲一居前又黄牲一在北少退玄牲一在南少退设廩牺令位于牲西南祝史陪其後俱北向设诸太祝位于牲东各当牲後祝史陪其後俱西向设太常卿省牲位于牲前近北南向设皇地祇酒樽于坛之上下太樽二着樽二牺樽二山罍一在坛上东南隅北向象樽二壶樽二山罍四在坛下皆于南陞之东北向俱西上设配帝着樽二牺樽二象樽二山罍二在坛上皆于皇地祇酒樽之东北向西上神州太樽二在第一等每方岳镇海渚俱山樽二山川林泽俱蜃樽二丘陵坟衍原隰井泉俱概樽二凡樽各设于神座之左而右向【神州以上之尊置于坫以下之尊俱藉以席皆加勺罍设爵于尊下】设御洗于坛南陞东南亚献之洗又于东南俱北向罍水在洗东篚在洗西南肆设罍洗篚罍各于其方陞道之左俱内向执樽罍篚罍者各于樽罍篚罍之後各设玉币之篚于坛之上下樽坫之所祭日未明五刻太史令郊社令各服其服帅其属升设皇地祇神坐于坛上北方南向设席以藁秸设高祖神尧皇帝座于东方西向席以莞设神州地祇神坐第一等东南方席以藁秸又设岳镇海渚以下之坐于内墼之内各依其方皆有原隰丘陵坟衍之坐又设中岳以下之坐于坛之西南俱内向自神州以下六十八位席皆以莞席神位各于坐首

省牲器

省牲之日午後十刻去坛二百步所诸卫之属禁断行人晡後一刻诸行事之官郊社令令史及府史斋郎以樽坩罍洗篚冪入设于位晡後二刻谒者赞引各引祭官御史以下就位立定太祝与廩牺令以牲就牓位谒者引御史太常卿升坛视涤濯行埽除于上降行乐悬于下御史太常卿降复位谒者进太尉之左白请就门外位谒者赞引各引祭官以下就门外位谒者引太常卿就省牲位南向立廩牺令少前白请省牲退复位太常卿省牲廩牺令又前北向举手曰牓还本位诸太祝各循牲一匝西向举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饔由视濯溉谒者赞引各引祭官诣厨省饌具讫俱还斋所祭日未明十五刻太官令帅宰人以鸾刀割牲祝史以豆取毛血各置于饌所遂烹牲

銮驾出宫

前三日本司宣摄内外各供其职尚舍设行宫于坛东南向随地之宜卫尉设从祭官次于朝堂前二日太常令设宫悬之乐于殿庭如常仪【驾出悬而不作】祭日从祭羣官六品以下诸州使人诸方客使俱先至并就次各服其服祭日未明七刻槌一鼓爲一严【三严时节前一日侍中奏裁】侍中奏开宫殿门及城门未明五刻槌二鼓为再严侍中版奏请中严奉礼引从祭羣官五品以上文官位于东朝堂前西向武官位于西朝堂前东向俱重行北上从祭羣官俱集朝堂就次各服其服所司陈大驾卤簿未明二刻槌三鼓爲三严诸卫之属各督其队与鉞戟以次入陈于殿庭通事舍人引从祭羣官各就朝堂前位诸侍卫之官各服其服侍中中书令以下俱诣西阶奉迎【侍中负宝如式】乘黄令进玉辂于太极殿西阶之前南面千牛将军一人执长刀立于辂前北向黄门侍郎一人在侍臣之前赞者二人又在黄门之前侍中版奏外办太仆卿奋衣而升正立执轡皇帝服袞冕乘輿以出降自西阶称警蹕如常仪千牛将军前执轡皇帝升辂太仆卿立授绥侍中中书令以下夹侍如常黄门侍郎当銮驾前跪奏称黄门侍郎臣某言请銮驾进发俛伏兴退复位【凡黄门侍郎奏请皆进銮驾前跪奏称某官臣某言讫俯伏兴也】銮驾动又称警蹕黄门侍郎与赞者夹引以出千牛将军夹辂而趋驾出承天门至侍臣上马所黄门侍郎奏称请銮驾权停勅侍臣上马侍中称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翼驾在黄麾内符宝郎奉六宝与殿中监後部从在黄钺内侍中中书令以下夹侍于辂前赞者在供奉官人内侍臣上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾发退复位銮驾动称警蹕如常不鸣鼓吹不得喧譁其从祀之官在玄武队如常仪【若须先署则听临时节度】

奠玉帛

祭日未明三刻诸祭官各服其服郊社令良醞令各帅其属入实樽罍玉帛【凡六尊之次太尊为上实以泛齐着尊次之实以醴齐牺尊次之实以盎齐象樽次之实以醍齐壶樽次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒神州太尊实以泛齐五方岳镇海渚之山尊实以醍齐山川林泽之蜃尊实以沈齐丘陵以下之散尊实以清酒玄酒各实于五齐之上尊礼神之玉皇地祇以黄琮其帛以黄配帝之帛亦如之神州之玉以两珪有邸其帛以玄五方岳镇以下之帛各从方

色】太官令帅进饌者实诸簋簠各设于饌幔内未明二刻奉礼帅赞者先入就位赞引引御史博士诸太祝及令史与执樽罍篚冪者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚冪者各就位赞引引御史诸太祝诣东陛升行埽除于上令史祝史行埽除于下讫引降就位驾至大次门外回辂南向将军降立于辂右侍中进当銮驾前跪奏称侍中臣某言请降辂俛伏兴还侍位五品以上从祭之官皆就壇外位太乐令帅工人二舞次入就位文舞入陈于悬内武舞立于悬南道西谒者引司空入行埽除讫出复位皇帝停大次半刻顷谒者赞引各引祀官通事舍人分引从祀羣官介公鄯公诸方客使皆先入就位太常博士引太常卿立于大次门外当门北向侍中版奏外办皇帝服袞冕出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先导】至中壇门外殿中监进大珪尚衣奉御又以镇珪授殿中监受进皇帝搢大珪执镇珪华盖仗卫停于门外近侍者从入谒者引礼部尚书太常少卿陪从如常仪皇帝至版位西向立【每立定太常卿与博士退立于左】太常卿前奏称请 拜退复位皇帝 拜奉礼曰衆官再拜衆官在位者皆 拜【其先拜者不拜】太常卿前奏有司谨具请行事退复位协律郎跪俛伏举麾【凡取物皆跪俛伏而取以兴奠物皆奠讫俛伏而後兴】鼓祝奏顺和之乐乃以林钟为宫太簇为角姑洗爲徵南吕为羽作文舞之舞乐舞八成【林钟太簇姑洗南吕皆再成】偃麾戛敔乐止【凡乐皆协律郎举麾工鼓祝而後作偃麾戛敔而後止】太常卿前奏称请 拜退复位皇帝再拜奉礼曰衆官 拜衆官在位者皆再拜上下诸祝俱取玉币于篚各立于樽所太常卿引皇帝太和之乐作【皇帝每行皆奏太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立乐止太祝取玉于币以授侍中侍中奉玉币东向进皇帝搢镇珪受玉币【凡受皆搢镇珪跪奠讫俛伏兴】登歌作肃和之乐以应钟之均太常卿引皇帝进北向跪奠于皇地祇神坐俛伏兴太常卿引皇帝少退北向再拜讫太常卿引皇帝立于东方西面又太祝以币授侍中侍中北向进皇帝受币太常卿引皇帝进东向跪奠于高祖神尧皇帝神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止初皇帝将奠配帝之币诸太祝奉玉币各进奠于神坐诸太祝还樽所初羣官拜讫祝史各奉毛血之豆立于门外登歌止祝史奉毛血【正坐升自南陛配坐升自东陛其神州之坐升自己陛】诸太祝迎取于坛上各进奠于神坐前诸太祝与祝史退立于樽所

进熟

皇帝既升奠玉币太官令出帅进饌者奉饌各陈于内壇门外谒者引司徒出诣饌所司徒奉皇地祇之俎初皇帝既至位乐止太官令引饌入俎初入门雍和之乐作以太簇之均【自後接神之乐皆用太簇】饌至陛乐止祝史俱进跪彻毛血之豆降自东陛以出【皇地祇之饌升自南陛配帝之饌升自东陛神州之饌升自己陛】诸太祝迎取于坛上各设于神坐前【笾豆盖冪先彻乃升簋簠既奠却其盖于下】设讫谒者引司徒太官令帅进饌者降自东陛以出司徒复位诸太祝还樽所又进设岳镇以下之饌相次而毕太常卿引皇帝诣罍洗乐作皇帝至罍洗乐止侍中跪取匱兴沃水又侍中跪取盘兴承水皇帝盥手黄门侍郎跪取巾于篚兴进皇帝帨手讫黄门侍郎受巾跪奠于篚黄门侍郎又取匏爵于篚兴进皇帝受爵侍

中酌鬯水又侍中奉盘皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠于篚皆如常太常卿引皇帝乐作皇帝诣坛升自南陛乐止谒者引司徒升自东陛立于樽所斋郎奉俎从升立于司徒之後太常卿引皇帝诣皇地祇酒樽所执樽者举冪侍中赞酌泛齐讫寿和之乐作【皇帝每酌献及饮福皆作寿和之乐】太常卿引皇帝进皇地祇神坐前北向跪奠爵俛伏兴太常卿引皇帝少退北向立乐止太祝持版进于神坐之右东向跪读祝文曰维某年岁次月朔日子嗣天子臣某敢昭告于皇地祇乾道运行日躔北至景风应序离气效时嘉承至和肃若旧典敬以玉帛牺齐粢盛庶品备兹祇瘞式表诚慤高祖神尧皇帝配神坐主尚飨太祝俛伏兴皇帝再拜初读祝文讫乐作太祝进跪奠版于神坐兴还樽所皇帝拜讫乐止太常卿引皇帝诣配帝酒樽所执樽者举冪侍中取爵于坫进皇帝受爵侍中赞酌泛齐讫乐止太常卿引皇帝进高祖神尧皇帝神坐前东向跪奠爵俛伏兴太常卿引皇帝少退东向立乐止太祝持版进于神坐前之左北向跪读祝文曰维某年岁次月朔日子孝曾孙开元神武皇帝臣某敢昭告于高祖神尧皇帝时维夏至肃恭典训用致祇祭于皇地祇惟高祖德协二仪道兼三统礼膺光配敢率旧章谨以制币牺齐粢盛庶品肃雍明荐作主侑神尚飨太祝俛伏兴皇帝再拜初读祝文讫乐作太祝进奠版于神坐兴还樽所皇帝拜讫乐止太常卿引皇帝进皇地祇神坐前北向立乐作太祝各以爵酌上樽福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各率斋郎进俎太祝减神坐前胙肉加于俎以胙肉共置一俎太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复于坫皇帝再拜兴乐止太常卿引皇帝乐作皇帝降自南陛还版位西向立乐止文舞入鼓祝作舒和之乐出讫戛敔乐止武舞入鼓祝作舒和之乐立定戛敔乐止皇帝献将毕谒者引太尉诣鬯洗盥手洗匏爵讫谒者引太尉自东陛升坛诣皇地祇着樽所执樽者举冪太尉酌醴齐讫武舞作大合六律六同谒者引太尉进皇地祇神坐前北向跪奠爵兴谒者引太尉少退北向再拜讫谒者引太尉诣配帝牺樽所取爵于坫执樽者举冪太尉酌醴齐讫谒者引太尉进高祖神尧皇帝神坐前东向跪奠爵兴谒者引太尉少退东向一拜讫谒者引太尉进皇地祇神坐前北向立太祝各以爵酌鬯福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复于坫太尉兴再拜讫谒者引太尉降复位初太尉献将毕谒者引光禄卿诣鬯洗盥手洗匏爵升酌盎齐终献如亚献之仪谒者引光禄卿降复位初太尉将升献谒者一人引献官诣鬯洗盥手洗匏爵讫升自己陛诣酒樽所执樽者举冪酌泛齐进奠于神州坐前引降还本位谒者五人次引献官各诣鬯洗盥洗讫各诣酒樽所俱酌醴齐讫引献官各进奠爵于诸方岳镇海渚首坐余坐皆祝史助奠相次而毕引还本位又赞引五人各引献官诣鬯洗盥洗诣酒樽所酌沈齐献山川林泽如岳镇之仪讫又引献官诣鬯洗盥洗讫诣酒樽所俱酌清酒献丘陵以下及斋郎助奠如上仪讫各引还本位武舞六成乐止舞献俱毕上下诸祝各进彻豆还樽所【彻者筯豆各一少移于故处】奉礼曰赐胙赞者唱衆官再拜衆官在位者皆一拜【已饮福受胙者不拜】顺和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望瘞位太常卿引皇帝乐作皇帝就望瘞位北向立乐止於羣官将拜上下诸祝各执篚进神坐前取玉帛斋郎以俎载神州以上牲体稷黍饭爵酒各由其币降坛北行当瘞埴西行诸太祝以玉帛饌物置于埴诸祝又以岳镇以下之礼币及牲体皆从瘞奉礼曰可瘞埴东西厢各六人奠土半埴太常卿前奏礼毕太常卿引皇帝还大次乐作皇帝出中壝门殿中监前受镇珪以

授尚衣奉御殿中监又前受大珪华盖侍卫如常仪皇帝入次乐止谒者赞引引祭官通事舍人分引从祭羣官诸方客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出其祝版燔于斋所

銮驾还宫

皇帝既还大次侍中版奏请解严【将士不得辄离部伍】皇帝停大次一刻顷槌一鼓为一严转仗卫于还途如来仪三刻顷槌二鼓为再严将士布队仗侍中版奏请中严皇帝服通天冠绛纱袍诸祭官服朝服五刻顷槌三鼓为三严通事舍人赞引各引羣官客使序立于次前文武侍臣诣大次奉迎乘黄令进金辂于大次门外南向千牛将军立于辂右侍中版奏外办太仆卿升执轡皇帝出次警蹕侍卫如常仪皇帝升辂太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎夹引以出千牛将军夹辂而趋至侍臣上马所黄门侍郎奏称请銮驾权停勅侍臣上马赞者承传唱侍臣上马文武侍臣皆上马上毕黄门侍郎奏称请勅车右升侍中称制曰可黄门侍郎退复位千牛将军升黄门侍郎奏称请銮驾发引退复位驾动鼓吹振作而还文武羣官皆从如来仪诸方客使便还馆驾至承天门外至侍臣下马所銮驾权停文武侍臣皆下马千牛将军降立于辂右侍臣下马讫銮驾动千牛将军夹辂而趋驾入嘉德门太乐令撞蕤宾之钟左五钟皆应鼓祝奏采茨之乐至太极门戛散乐止入太极门鼓祝奏太和之乐驾至横街北东当东上合回辂南向侍中进当銮驾前跪奏称侍中臣某言请降辂俛伏兴还侍位皇帝降辂入侍臣从至合戛散乐止初文武羣官至承天门外通事舍人承旨勅羣臣并还皇帝既入侍中版奏请解严叩钲将士各还其所

大唐开元礼卷二十九

卷三十

钦定四库全书

大唐开元礼卷三十 唐 萧嵩等 撰吉礼

夏至祭方丘有司摄事

斋戒 陈设

省牲器 奠玉帛

进熟

斋戒

前祭七日平明太尉誓百官于尚书省曰某月某日祭皇地祇于方丘各扬其职不供其事国有常刑凡预祭之官散斋四日致斋三日【散斋皆于正寝致斋二日于本司一日于祭所其无本司者皆于祭所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事诸祀官致斋之日给酒食及明衣各习礼于斋所光禄卿监取明水火【太官令取火于阳燧取水于阴鉴火以供爨水以实尊】前祭二日太尉告高祖神尧皇帝庙如常告之仪【告以配神乍主之意】前祭一日诸卫令其属未後一刻各以其方器服守卫壝门【每门二人每隅一人】与太乐工人俱清斋一宿

陈设

前祭三日卫尉设祭官公卿以下之次于东壝之外道南北面西上设陈饌幔于内壝东门之外道北南向【坛上及神州东方南方之饌陈于东门外西方北方之饌陈于西门外东向神州无西门之饌】前祭二日太乐令设宫悬之乐于坛南内壝之外东方西方磬簠起北钟簠次之南方北方磬簠起西钟簠次之设十二搏钟于编悬之间各依辰位?雷鼓于北悬之内道之左右植建鼓于西隅置祝敌于悬内【祝在左敌在右】设歌钟歌磬于坛上近南北向磬簠在西钟簠在东其匏竹者立于坛下重行北向相对为首【凡悬皆展而编之】诸工人各位于悬後东方西方以北为上南方北方以西为上右校埽除坛之内又为瘞瘞于坛之壬地内壝之外方深取足容物南出陛前祭一日奉礼设祭官公卿位于内壝东门之外道南分献之官于公卿之南执事者位于其後每等异位俱重行西向北上设望瘞位当瘞瘞之南北向设御史位于坛上正位于东南隅西向副位于西南隅东向令史各陪其後于坛下设奉礼位于乐悬东北赞者二人在南差退俱西向北上又设奉礼赞者位于瘞瘞西南东向南上设协律郎位于坛上南陛之西东向设太乐令史位于北悬之间当坛北向又设祭官公

卿以下门外位于东墼之外道南每等异位重行北向西上设牲腍于东墼之外当门西向黄牲一居前又黄牲一在北少退玄牲一在南少退设廩牺令位于牲西南祝史陪其後俱北向设诸太祝位于牲东各当牲後祝史陪其後俱西向设太常卿省牲位于牲前近北南向设皇地祇酒樽于坛之上下太樽二着樽二牺樽二山罍二在坛上东南隅北向象樽二壶樽二山罍一在坛下南陛东北向西上设配帝着樽二牺樽二象樽二山罍二在坛上于皇地祇酒樽之东北向西上神州太樽二在第一等每方岳渎海镇俱山樽二山川林泽各蜃樽二丘陵坟衍原隰各散樽二凡樽各设于神坐之左而右向【神州以上之樽置于坫岳镇以下之尊俱藉以席皆加勺罍设爵于尊下】设洗于坛南陛东南北向罍水在洗东筐在洗西南肆【筐实以巾爵】设罍洗筐罍各于其方陛道之左俱内向执樽罍筐罍者各于樽罍筐罍之後置玉币之筐于坛之上下樽坫之所祭日未明五刻太史令郊社令升设皇地祇神坐于坛上北方南向席以藁秸设高祖神尧皇帝坐于东方西向席以莞设神州地祇神坐于第一等东南方席以藁秸又设岳镇以下之坐于内墼之内各于其方嵩岳以下之坐于坛之西南俱内向席以莞设神位各于座首

省牲器

省牲之日午後十刻去坛二百步所诸卫禁断行人晡後一刻郊社令帅府史三人及斋郎以樽坫罍洗筐罍入设于位晡後二刻诸太祝与廩牺令以牲就腍位谒者引太常卿赞引引御史诣坛东陛升视涤濯于上【于视涤濯执尊者皆举罍告洁】太常卿就省牲位南向立廩牺令少前白请省牲退复位太常卿省牲廩牺令又前北向举手曰牖还本位诸太祝各循牲一匝西向举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎镬申视濯溉谒者赞引各引祭官就厨省饌具讫俱还斋所祭日未明十五刻太官令帅宰人以鸾刀割牲祝史以豆取毛血各置于饌所遂烹牲

奠玉帛

祭日未明三刻诸祭官各服其服郊社令各帅其属入实樽罍玉币【凡六尊之次太尊为上实以泛斋着尊次之实以醴齐牺尊次之实以盎齐象尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒神州太尊实以泛齐五方岳镇海渎之山尊实以醴齐山林川泽之蜃尊实以沈齐丘陵以下之散尊实以清酒玄酒各实于诸坐之上尊礼神之玉帛地祇以黄琮其币以黄配帝之币亦如之神州之玉以两珪有邸其币以玄五方岳镇以下币各从方色】太官令帅进饌者实诸笾豆簋簠各设于内墼之外饌幔内未明二刻奉礼帅赞者先入就位赞引引御史博士诸太祝令史与执樽罍筐罍者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍筐罍者各就位赞引引御史诸太祝诣坛东陛御史一人太祝二人升行埽除于上御史一人太祝七人行埽除于下讫引降就位未明一刻太乐令帅工人二舞次入就位文舞入陈于悬内武舞立于悬南道西谒者引司空入行埽除如常仪初司空入谒者引祭官赞引引执事者就墼外位司空行埽除谒者赞引各引祭官次入就位立定奉礼曰衆官再拜衆官在位者皆再拜【其先拜者不

拜】谒者进太尉之左白有司谨具请行事退复位協律郎跪俯伏举麾【凡取物者皆跪俛伏而取以兴奠物则奠讫俛伏而後兴】鼓祝奏顺和之乐乃以林钟为宫太簇为角姑洗为徵南吕为羽【林钟太簇姑洗南吕各再奏】作文舞之舞乐舞八成偃麾戛敌乐止【凡乐皆協律郎举麾工鼓祝而後作偃麾戛敌而後止】奉礼曰衆官再拜衆官在位者皆再拜上下诸祝俱取玉币于筐立于樽所谒者引太尉诣南陛升坛北向立太祝加玉于币东向授太尉受玉币登歌作肃和之乐以应钟之均谒者引太尉北向进跪奠于皇地祇神坐兴谒者引太尉少退北向再拜讫谒者引太尉立于东方西向又太祝奉币北向授太尉太尉受币谒者引太尉进东向跪奠于高祖神尧皇帝神坐兴谒者引太尉少退东向再拜讫登歌止谒者引太尉降自南陛还本位初太尉奠配帝之币神州以下诸太祝各奉玉币进奠于神坐还樽所初衆官拜讫祝史各奉毛血之豆立于门外于登歌止祝史奉毛血入【正坐升自南陛配坐升自东陛神州升自己陛】诸太祝迎取于坛上各奠于神坐前诸太祝与祝史退立于樽所

进熟

太尉既升奠玉币太官令出帅进饌者奉饌各陈于内壝门外谒者引司徒出诣饌所司徒奉皇地祇之俎诸太祝既奠毛血太官令各引饌入俎初入门雍和之乐作以太簇之均【自後接神之乐皆以太簇为均】饌至陛乐止祝史俱进彻毛血之豆降自东陛以出【皇地祇之饌升自南陛配帝之饌升自东陛神州之饌升自己陛】诸太祝迎引于坛上各设于神坐前【笾豆盖幂先彻乃升簋簠既奠却其盖于下】设讫谒者引司徒太官令帅进饌者降自东陛以出司徒复位诸太祝还樽所又进设岳镇以下之饌相次而毕初坛上设饌讫谒者引太尉诣罍洗盥手洗匏爵讫谒者引太尉升自南陛诣皇地祇酒樽所执樽者举幂太尉酌泛齐讫乐作谒者引太尉进皇地祇神坐前北向跪奠兴谒者引太尉少退北向立乐止太祝持版进于神坐之右东向跪读祝文曰维某年岁次月朔日子嗣天子臣某谨遣太尉臣名敢昭告于皇地祇乾道运行日躔北至景风应序离气效时嘉承至和肃若旧典敬以玉帛牺牲粢盛庶品备兹祗瘞式表诚慤高祖神尧皇帝配神作主尚飨讫兴太尉再拜初读祝文讫乐作太祝进奠版于神坐还樽所太尉拜讫乐止谒者引太尉诣配帝酒樽所取爵于坫执樽者举幂太尉酌泛齐讫乐作谒者引太尉进高祖神尧皇帝神坐前东向跪奠爵兴谒者引太尉少退东向立乐止太祝持版进于神坐之左北向跪读祝文曰维某年岁次月朔日子孝曾孙开元神武皇帝臣某谨遣太尉某官臣某敢昭告于高祖神尧皇帝时维夏至肃恭训典用致祇祭于皇地祇伏惟高祖德協二仪道兼三统礼应光配敢率旧章谨以制币牺齐粢盛庶品肃雍明荐作主侑神尚飨讫兴太尉再拜初读祝文讫乐作太祝进奠版于神坐还樽所太尉拜讫乐止谒者引太尉进皇地祇神坐前北向立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各率斋郎进俎太祝减神前胙肉加于俎以胙肉共置一俎太祝持俎西向授太尉太尉受以授斋郎太尉跪取爵遂饮卒爵太祝进受爵复于坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉献将毕谒者引太常卿诣罍洗盥手洗匏爵讫谒者引太常卿自东陛升坛诣皇地祇着樽所执樽者举幂太常卿酌醴齐武舞作谒者引太常卿进皇地祇神坐前北向跪奠爵兴谒者引太常卿少退北向再拜讫谒者引太常卿诣配帝牺樽所取爵于坫执樽者举幂太常卿酌醴齐谒者引太常卿进高祖神尧皇帝神坐

前东向跪奠爵兴谒者引太常卿少退东向再拜讫谒者引太常卿进皇地祇神坐前北向立太祝各以爵酌鬯福酒合置一爵一太祝持爵进太常卿之右西向立太常卿再拜受爵跪祭酒遂饮卒爵太祝进受爵复于坫太常卿再拜谒者引太常卿降复位初太常卿献将毕谒者引光禄卿诣盥洗盥手洗匏爵升酌盎齐终献如亚献之仪讫谒者引光禄卿降复位初太常卿将升献谒者引献官诣盥洗盥手洗匏爵讫升自己陛诣酒樽所执樽者举鬯酌泛齐进奠于神州坐前引还本位谒者五人次引献官各诣盥洗盥洗讫各诣酒樽所俱酌醑齐讫引献官各进奠爵于诸方岳镇海渚首坐余坐皆祝史助奠相次而毕引还本位又赞者五人各引献官诣盥洗盥洗诣酒樽所酌沈齐献山川林泽如岳镇之仪讫又引献官诣盥洗盥洗诣酒樽所俱酌清酒献丘陵以下及斋郎助奠如上仪讫各引还本位武舞六成乐止舞献将毕上下诸祝各进彻豆还樽所【彻者筯豆各一少移于故处】奉礼曰赐胙赞者唱衆官再拜衆官在位者皆再拜【已饮福受胙者不拜】顺和之乐作奉礼曰衆官再拜衆官在位者皆再拜乐一成止谒者进太尉之左白请就望瘞位谒者引太尉就望瘞位北向立于羣官将拜上下诸祝各执筐进神坐前取玉币斋郎以俎载神州以上牲体稷黍饭爵酒各由其陛降坛北行当瘞埴西行诸太祝以玉币饌物置于埴诸祝史以岳镇以下之礼币及牲体皆从瘞奉礼曰可瘞埴东西面各六人寘土半埴谒者进太尉之左白礼毕谒者引太尉出又谒者赞引各引祭官以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出其祝版燔于斋所

大唐开元礼卷三十

卷三十一

<史部,政书类,仪制之属,大唐开元礼>

钦定四库全书

大唐开元礼卷三十一 唐 萧嵩等 撰吉礼

皇帝孟冬祭神州於北郊

斋戒 陈设

省牲器 銮驾出宫

奠玉帛 进熟

銮驾还宫

斋戒

将祭有司卜日如别仪前祭七日平明太尉誓百官於尚书省曰某月某日祭神州北只於北郊各扬其职不供其事国有常刑皇帝散斋四日致斋三日如方丘之仪凡预祭之官散斋四日致斋三日【散斋俱於正寝致斋二日於本司一日於祭所其无本司者皆於祭所】近侍之官应从升者及从祭羣官诸方客使各於本司及公馆清斋一日【无本司者各於正寝】散斋理事如旧惟不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事诸祀官致斋之日给酒食及明衣各习礼於斋所光禄卿监取明水火【太官令取水於陰鉴取火於阳燧火以供爨水以实尊】前二日太尉告太宗文武圣皇帝庙如常告之仪【告以配神作主】前一日诸卫令其属未後一刻各以其方器服守卫壝门与太乐工人俱清斋一宿

陈设

前祭三日尚舍直长施大次於外壝东门之内道北南向尚舍奉御於道南北向设御座卫尉设陈饌幔於内壝东门之外道北南向设文武侍臣次又设祭官及从祭羣官诸州使人蕃客等次如方丘之仪前祭二日太乐令设官悬之乐於坛南内壝之内设歌钟歌磬右校扫除坛之内又为瘞埴於坛之壬地内壝之外方深取足容物南出陛前祭一日奉礼郎设御位及望瘞位及祭官位从祭羣官诸州府使人蕃客等位於内壝之内皆如方丘之仪设牲牓於东壝之外当门西向玄牲一居前配帝玄牲一少退南上设廩牺令位於牲西南祝史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北南

向设神州地祇酒樽於坛之上下太樽二着樽二牺樽二山罍二在坛上於东南隅北向象樽二壶樽二山罍四在坛下皆於南陛之东北向西上设配帝着樽二牺樽二象樽二山罍二在坛上於神州酒樽之东陛东南亚献之洗又於东南俱北向罍水在洗东篚在洗西南肆【篚实以巾爵】执樽罍篚冪者各於樽罍篚冪之後各设玉币之篚於坛之上下樽坫之所祭日未明五刻太史令郊社令升设神州地祇神坐於坛上北方南向席以稊秸设太宗文武圣皇帝神坐於东方西向席以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻诸行事之官各服其服郊社令帅府史二人及斋郎以樽坫罍洗篚冪入设於位太祝廩牺令以牲就膀位赞引引御史谒者引太常卿诣坛东陛升视涤濯於上【於视濯执尊者皆举冪告洁】讫引太常卿降复位谒者进太尉之左白请就门外位谒者赞引各引祭官以下就门外位谒者引太常卿就省牲位南向立廩牺令少前曰请省牲退复位太常卿省牲廩牺令又前北面举手曰膳还本位诸太祝各循牲一匝西向举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎镬申视濯溉谒者赞引各引祭官就厨省饌具讫俱还斋所祭日未明十刻太官令帅宰夫以鸾刀割牲祝史以豆取毛血各置於饌所遂烹牲

銮驾出宫如方丘之仪

奠玉帛

祭日未明三刻诸祭官各服其服郊社令良醢令各帅其属入实樽罍玉币【凡六尊之次太尊为上实以泛齐着尊次之实以醴齐牺尊次之实以盎齐象尊次之实以醒齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒玄酒各实於五齐之上尊礼神之玉以两珪有邸币以玄】太官令帅进饌者实诸笾豆簠簋入各设内壝之外饌幔内未明三刻奉礼帅赞者先入就位赞引引御史博士诸太祝及令史祝史与执樽罍篚冪者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚冪者各就位赞引引御史诸太祝诣坛东陛升行扫除於上令史祝史行扫除於下讫各引就位驾将至谒者赞引各引祭官及从祭羣官诸方客使先至者俱就门外位驾至大次门外回辂南向将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂之大次谒者引文武五品以上从祭之官皆就壝外位太乐令帅工人二舞以次入就位文舞入陈於悬内武舞立於悬南道西谒者引司空入行扫除讫出复位如常仪讫引就壝外位皇帝停大次半刻顷谒者赞引各引从祭羣官介公酈公诸方客使皆先入就位太常博士引太常卿立於大次门外当门北向侍中版奏外办皇帝服大裘而冕出次华盖侍卫如常仪【侍中负宝陪从如式】博士引太常卿太常卿引皇帝【凡太常前导皆博士先引】至内壝门外殿中监进大珪尚衣奉御又以镇珪授殿中监殿中监受进皇帝搯大珪执镇珪华盖侍卫停於门外近侍者从入如常谒者引礼部尚书太常少卿陪从如常皇帝至版位西向立【每立定太

常与博士退立於左】谒者赞引各引祭官次入就位立定太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位協律郎跪俛伏举麾【凡取物者皆跪俛伏而取以兴奠物则奠讫俛伏而授兴】鼓祝奏顺和之乐乃以林钟之均作文舞之舞乐舞八成偃麾戛敌乐止【凡乐皆协律郎举麾工鼓祝而後作偃麾戛敌而後止】太常卿前奏称请再拜退复位皇帝再拜奉礼曰衆官再拜衆官皆再拜诸太祝俱取玉币於筐各立於樽所太常卿引皇帝太和之乐作【皇帝每行皆作太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北面立乐止太祝加玉於币以授侍中侍中奉玉帛东向进皇帝搢镇圭受玉帛【凡受物皆搢镇圭奠讫执圭俛伏兴】登歌作肃和之乐乃以应钟之均太常卿引皇帝进北面跪奠於神州地祇神坐俛伏兴太常卿引皇帝少退北面再拜讫太常卿引皇帝立於西方东向又太祝以币授侍中侍中奉币北向进皇帝受币太常卿引皇帝进东面跪奠於太宗文武皇帝神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止初羣臣再拜讫祝史各奉毛血之豆立於门外登歌止祝史奉毛血入升【正坐升自南陛配坐升自东陛】诸太祝迎取於坛上俱进奠於神坐前诸太祝与祝史退立於樽所

进熟

皇帝既升奠玉帛太官令出帅进饌者奉饌陈於内壝门外谒者引司徒出诣饌所司徒奉神州之俎初皇帝既至位乐止太官令引饌入俎初入门雍和之乐作饌至陛乐止祝史俱进彻毛血之豆降自东陛以出神州之饌升自南陛配帝之饌升自东陛诸太祝迎引於坛上各设於神坐前【笾豆盖幂先彻乃升簠簋既奠却其盖於下】设讫谒者引司徒太官令帅进饌者降自东陛以出司徒复位诸太祝还樽所太常卿引皇帝诣盥洗乐作皇帝至盥洗乐止侍中跪取兴沃水又侍中跪取盘兴承水皇帝盥手黄门侍郎跪取巾於筐兴进皇帝脱手讫黄门侍郎受巾跪奠於筐黄门侍郎又取匏爵於筐兴进皇帝受爵侍中酌盥水又侍中奉盘皇帝洗爵黄门侍郎又受巾皆如初皇帝拭爵讫侍中奠盘黄门侍郎受巾奠於筐皆如常太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎从升立於司徒之後太常卿引皇帝诣神州酒樽所执罇者举幂侍中赞酌泛齐讫壽和之乐作【皇帝每献酌及饮福皆作壽和之乐】皇帝进神州地祇神坐前北向跪奠爵俛伏兴太常卿引皇帝少退北向立乐止太祝持版进於神坐之右东面跪读祝文曰维某年岁次月朔日子嗣天子臣某敢昭告於神州皇地祇惟祇包函区夏载植羣生溥被域中赖兹厚德式遵彝典揀此元辰敬以玉帛牺齐粢盛庶品明献厥诚备兹禋瘞皇曾祖太宗文武圣皇帝配神作主尚飨讫兴皇帝再拜初读祝文讫乐作太祝进奠版於神坐还樽所皇帝拜讫乐止太常卿引皇帝诣配帝酒樽所执罇者举幂侍中取爵於坫皇帝受爵侍中赞酌泛齐讫乐作太常卿引皇帝进太宗文武圣皇帝神坐前东向跪奠爵俛伏兴太常卿引皇帝少退东向立乐止太祝持版进於神坐之左北面跪读祝文曰维某年岁次月朔日子孝曾孙开元神武皇帝臣某敢昭告于皇曾祖太宗文武圣皇帝令月嘉时祇依恒礼用致瘞祭於神州皇地祇惟皇曾祖叶彼乾坤格于上下昭配之义钦率典常谨以制币牺齐粢盛庶品恭明荐作主侑神尚飨讫兴皇帝再拜初读祝文讫乐作太祝进奠版於神坐还樽所皇帝拜讫乐止太常卿引皇帝进神

州地祇神坐前北向立乐作太祝各以爵酌上樽福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉加於俎共致一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复於坵皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讫戛散乐止武舞入鼓祝作舒和之乐立定戛散乐止皇帝献将毕谒者引太尉诣罍洗盥手洗匏爵讫谒者引太尉自东陛升坛诣神州着樽所执樽者举幂太尉酌醴齐武舞作谒者引太尉进神州地祇神坐前北向立跪奠爵兴谒者引太尉少退北向再拜讫谒者引太尉诣配帝牺樽所取爵於坵执樽者举幂太尉酌醴齐谒者引太尉进太宗文武圣皇帝神坐前东向跪奠爵兴谒者引太尉少退东向再拜谒者引太尉进神州地祇神坐前北向立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坵太尉兴再拜谒者引太尉降复位初太尉献将毕谒者引光禄卿诣罍洗盥手洗匏爵升酌盎齐终献如亚献之仪讫谒者引光禄卿降复位武舞六成乐止舞献俱毕诸太祝各进彻豆还樽所【彻者筯豆各一少移於故处】奉礼曰赐胙赞者唱衆官再拜衆官皆再拜【已饮福受胙者不拜】顺和之乐作太常卿前奏称请再拜退复位皇帝再拜奉礼曰衆官再拜衆官皆再拜乐一成止太常卿前奏请就望瘞位太常卿引皇帝乐作皇帝就望瘞位西向立乐止於羣官将拜诸太祝各执筐进神坐前取玉帛斋郎以俎载牲体稷黍饭爵酒各自其陛降坛北行当瘞埽西行以玉帛馔物置於埽讫奉礼曰可瘞埽东西厢各六人寘土半埽太常卿前奏礼毕太常卿引皇帝还大次乐作皇帝出内墀门殿中监前受镇珪以授尚衣奉御殿中监又前受大珪华盖侍卫如常仪皇帝入次乐止谒者赞引各引祭官及从祭羣官诸方客使以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出其祝版燔于斋所

銮驾还宫如方丘之仪

大唐开元礼卷三十一

卷三十二

钦定四库全书

大唐开元礼卷三十二 唐 萧嵩等 撰吉礼

孟冬祭神州於北郊有司摄事

斋戒 陈设

省牲器 奠玉币

进熟

斋戒

将祭有司卜日如别仪前祭七日平明太尉誓百官於尚书省曰某月某日祭神州地祇於北郊各扬其职不供其事国有常刑凡预祭之官散斋四日致斋三日【散斋皆于正寝致斋二日于本司一日于祭所其无本司者皆于祭所】散斋理事如旧惟不吊丧问疾不作乐不判署刑杀文书不行刑罚不预秽恶致斋唯祭事得行其余悉断其祭官已斋而阙者通摄行事诸祀官致斋之日给酒食明衣各习礼於斋所光禄卿监取明水火【太官令取水於陰鑒取火于阳燧火以供爨水以实尊】前祭二日太尉告太宗文武圣皇帝庙如常告之仪【告以配神作主】前祭一日诸卫令其属未後一刻各以其方器服守卫墻门【每门二人每隅一人】与太乐工人俱清斋一宿

陈设

前祭三日卫尉设祭官公卿以下次於东墻之外道南北向前祭二日太乐令设宫悬之乐於坛南内墻之内设歌钟歌磬右校扫除坛之内外又为瘞埴於坛之壬地内墻之外方深取足容物南出陛前祭一日奉礼设望瘞位及祭官公卿位於内墻之外如方丘之仪设牲牓於东墻之外当门西向玄牲一居前配帝玄牲一少退南上设廩牺令位於牲西南祝史陪其後俱北向设诸太祝位於牲东各当牲後祝史陪其後设太常卿省牲位於牲前近北南向设神州地祇酒樽於坛之上下太樽二着樽二牺樽二山罍二在坛上於东南隅北向象樽二山罍二在坛下皆於南陛之东北向西上设配帝着樽二牺樽二象樽二山罍二在坛上於神州酒樽之东北向西上设洗於坛南陛东在洗东篚在洗西南肆【篚实以巾爵】执樽罍篚冪者各於樽罍篚冪之後各设玉币之篚於坛之上下樽坫之所祭日未明五刻太史令郊社令升设神州地祇神坐於坛上北方南向席以稊秸设太宗文武圣皇帝神坐於东方西向席以莞设神位各於坐首

省牲器

省牲之日午後十刻去坛二百步所诸卫之属禁断行人晡後一刻诸行事之官各服其服郊社令帅府史二人及斋郎以樽坩罍洗筐幂入设於位晡後二刻太祝廩牺令以牲就勝位赞引引御史谒者引太常卿诣坛东陞升视涤濯於上【于视濯执尊者举幂告洁】讫引太常卿降复位谒者进太尉之左白请就门外位谒者赞引各引祭官以下就门外位谒者引太常卿就省牲位南向立廩牺令少前白请省牲退复位太常卿省牲廩牺令前北面举手曰膺还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎镬申视濯溉谒者各引祭官就厨省饌具讫俱还斋所祭日未明十五刻太官令帅宰人以鸾刀割牲祝史以豆取毛血各置於饌所遂烹牲

奠玉帛

祭日未明二刻诸祭官各服其服郊社令良醢令各帅其属入实樽罍玉帛【凡六尊之次太尊为上实以泛齐着尊次之实以醴齐牺尊次之实以盎齐象尊次之实以醒齐壶尊次之实以沈齐山罍为下实以清酒配帝着尊为上实以泛齐牺尊次之实以醴齐象尊次之实以盎齐山罍为下实以清酒玄酒各实於五齐之上尊礼神之玉以两珪有邸帛以玄】太官令帅进饌者实诸笾豆簠簋入各设於内壝之外饌幔内未明二刻奉礼郎帅赞者先入就位赞引引御史博士诸太祝及令史祝史与执樽罍筐幂者入自东壝门当坛南重行北面西上立定奉礼曰再拜御史以下皆再拜讫执樽罍筐幂者各就位赞引引御史及诸太祝诣坛东陞升行扫除於上令史祝史行扫除於下讫各就位未明一刻太乐令帅工人二舞次入就位文舞入陈於悬内武舞立於悬南道西谒者引司空入就位立定奉礼曰再拜司空再拜谒者引司空诣卯陞升行扫除於上降行乐悬於下讫引复位谒者赞引各引祀官次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位協律郎跪俛伏举麾【凡取物者皆跪俛伏而取以兴奠物则奠讫俛伏而後立】鼓祝奏顺和之乐乃以函钟之均作文舞之舞乐舞八成偃麾戛敌乐止【凡乐皆協律郎举麾工鼓祝而後作偃麾戛敌而後止】奉礼曰衆官再拜衆官皆再拜上下诸祝俱取玉帛各立於樽所谒者引太尉诣南陞升坛北向立太祝加玉於帛东向授太尉太尉受玉帛登歌作肃和之乐以应钟之均谒者引太尉进北向跪奠於神州地祇神坐俛伏兴谒者引太尉少退北向再拜讫谒者引太尉立於西方东向又太祝奉帛北向授太尉太尉受帛谒者引太尉进东向跪奠於太宗文武圣皇帝神坐俛伏兴谒者引太尉少退东向再拜讫登歌止谒者引太尉降自南陞还本位初衆官拜讫祝史各奉毛血之豆立於门外於登歌止祝史奉毛血入【正坐升自南陞配坐升自东陞】诸太祝迎取於坛上各进奠於神坐前太祝与祝史退立於樽所

进熟

太尉既升奠玉帛太官令出帅进饌者奉饌各陈於内壝门外谒者引司徒出诣饌所司徒奉神州地祇之俎诸太祝既奠毛血太官令各引饌入俎初入门雍和之乐作以太簇之均饌

至陞乐止祝史俱进彻毛血之豆降自东陞以出【神州之饌升自南陞配帝之饌升自东陞】诸太祝迎引於坛上各设於神坐前【笾豆盖冪先彻乃升簠簋既奠却其盖於下】设讫谒者引司徒太官令帅进饌者降自东陞以出司徒复位诸太祝各还樽所谒者引太尉诣罍洗盥手洗匏爵讫谒者引太尉升自南陞诣神州酒樽所执樽者举冪太尉酌泛齐讫乐作谒者引太尉进神州地祇神坐前北向立跪奠爵兴谒者引太尉少退北向立乐止太祝持版进於神坐之右东向跪读祝文曰维某年岁次月朔日子嗣天子臣某谨遣太尉封臣名敢昭告於神州地祇惟祇包函区夏载植羣生溥被域巾赖兹厚德式遵彝典揅此元辰敬以玉帛牺齐粢盛庶品明献厥诚备兹禋瘞皇曾祖考太宗文武圣皇帝配神作主尚飨讫兴太尉再拜初读祝文讫乐作太祝进奠版於神坐还樽所太尉再拜讫乐止谒者引太尉诣配帝酒樽所取爵於坫执樽者举冪太尉酌泛齐讫乐作谒者引太尉进太宗文武圣皇帝神坐前东向跪奠爵兴谒者引太尉少退东向立乐止太祝持版进於神坐之左北向跪读祝文曰维某年岁次月朔日子孝曾孙开元神武皇帝臣某谨遣太尉臣名敢昭告於皇曾祖考太宗文武圣皇帝令月嘉时只依恒礼用致瘞祭於神州地祇惟皇曾祖叶彼乾坤格於上下昭配之义钦率典常谨以制币牺齐粢盛庶品恭明荐作主侑神尚飨讫兴太尉再拜初读祝文讫乐作太祝进奠版於神坐还樽所太尉再拜讫乐止谒者引太尉进神州地祇神坐前北向立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝各帅斋郎进俎太祝减神前胙肉加於俎以胙肉共置一俎太祝持俎西向授太尉受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛戢乐止武舞入鼓祝作舒和之乐立定戛戢乐止初太尉献将毕谒者引太常卿诣罍洗盥手洗匏爵升酌盎齐终献如亚献之仪讫谒者引光禄卿降复位武舞六成乐止舞献俱毕诸太祝各进彻豆还尊所【彻者笾豆各一少移於故处】奉礼曰赐胙赞者喝衆官再拜衆官在位者皆再拜【已饮福受胙者不拜】顺和之乐作奉礼曰衆官再拜衆官在位者皆再拜乐一成止谒者进太尉之右白请就望瘞位谒者引太尉就望瘞位北向立於羣官将上下诸祝各执筐进神座前取玉币斋郎以俎载牲体黍稷餽爵酒各自其陞降坛北行当瘞埴西行以玉帛饌物置於埴讫奉礼曰可瘞埴东西厢各六人奠土半埴谒者进太尉之左白礼毕谒者引太尉出又赞引各引祭官以次出赞引御史以下俱复执事位奉礼曰再拜御史以下皆再拜赞引引出工人二舞以次出其祝版燔於斋所

卷三十三

钦定四库全书

大唐开元礼卷三十三 唐 萧嵩等 撰吉礼

皇帝仲春仲秋上戊祭大社

斋戒 陈设

銮驾出宫 奠玉帛

进熟 銮驾还宫

斋戒

皇帝散斋三日致斋二日如方丘之仪凡预祭之官散斋三日致斋二日【散斋皆於正寝致斋一日於本司一日於祭所其无本司者皆於祭所】近侍之官应从升者及从祭羣官诸方客使各於本司及公馆俱清斋一宿【无本司者各於正寝】散斋理事如旧惟不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事光禄卿监取明水火【太官令取水于阴鑒取火于阳燧火以供爨水以实尊】前祭一日诸卫令其属未後一刻各以其方器服守卫社宫门与太乐工人俱清斋一宿

陈设

前祭三日尚舍直长施大次於社宫西门之外道北南向尚舍奉御设御座卫尉设文武侍臣次於大次之後文官在左武官在右俱南向设诸祭官次於斋坊之内三师於北门之外道西诸王於三师之北俱东向南上文官从一品已下九品已上於斋坊南门之外重行东向北上介公鄺公於北门之外道东西向以南为上诸州使人东方南方於诸王西北东面西方北方於介公鄺公东北西面俱重行南上武官三品以下九品以上於东门之外道北南向以西为上诸国之客於东门之外东方南方於武官东北南向西方北方於道南北向俱以西为上前祭二日太乐令设宫悬之乐於坛北东方西方磬簠起南钟簠次之南方北方磬簠起东钟簠次之设十二鐃钟於编悬之间各依辰位树灵鼓於南悬之内道之左右植建鼓於四隅置祝敢於悬内【祝在左敢在右】设歌钟歌磬各於坛上近北南向皆磬簠在东钟簠在西其匏竹者各於坛下重行南向相对为首【凡悬皆展而编之】诸工人各於悬後东方西方以南为上南方北方以东为上右校清扫内外又为瘞瘞二於南门之内於稷坛西南方深取足容物北出陛前祭一日奉礼设御位北门之内当社坛之北南向【将祭奉礼郎一人守之在位版东北五步所南向】又设望瘞位西门之内当瘞瘞南向祭官公卿位於西门之内道北执事位於其後少北每等异位俱重行东面以南为上设御史位於坛上正位於太社坛东北

隅西向副位於太稷坛西北隅东向设奉礼位於乐悬西北赞者二人在北差退俱东面南上又设奉礼赞者位於瘞埴西北东向北上设協律郎位各於坛之上东北隅俱西向设太乐令位於南悬之间南向设从祭之官位三师位於北门之内道西诸王位於三师之西俱南面东上设介公鄺公位於道东南面西上文官从一品以下九品以上位於执事之北每等异位重行东向武官三品以下九品以上位於东方值文官每等异位重行西向皆以南为上诸州使人位东方南方於北门之内道西於诸王西北重行南向以东为上西方北方於道东於介公鄺公东北重行南向以西为上设诸蕃客位於北门之内东方南方於诸州使人之西每国异位俱重行南面以东为上西方北方於诸州使人之东每国异位俱重行南面以西为上设门外位祭官公卿以下皆於西门之外道南每等异位重行北向以东为上三师位於北门之外道西诸王於三师之北俱东向介公鄺公位於道东西向皆以南为上文官从一品以下九品以上位於西门之外祭官之南每等异位重行北面以东为上武官三品以下九品以上位於东门之外道北每等异位重行南面以西为上诸州使人东方南方於诸王西北重行东面西方北方於介公鄺公东北西面俱南上设诸国客位东方南方於武官东北每国异位俱重行南向西方北方於道南每国异位重行北向皆以西为上设酒樽之位太社太樽二着樽二山罍一在檀上西北隅南向设后土氏象樽二着樽二山罍一於太社酒樽之西俱南向东上各置於坫皆加勺罍【爵皆置於尊下】设太稷后稷酒樽於其坛上如太社后土之仪设御洗各於太社太稷坛之西北南向亚献之洗又各於西北俱南向罍水在洗西筐在洗东北肆【筐实以巾爵】执樽罍筐罍者位於樽罍筐罍之後各设玉币之筐於坛上樽坫之所晡後谒者引光禄卿詣厨省饌具讫还斋所祭日未明十五刻太官令帅宰人以鸾刀割牲祝史以豆取毛血置饌所遂烹牲未明五刻太史令郊社令升设太社太稷神坐各於坛上近北向设后土氏神坐於太社神坐之左后稷氏神坐於太稷神坐之左俱东向席皆以莞设神位各於坐首

銮驾出宫如方丘之仪

奠玉帛

祭日未明三刻诸祭官各服其服郊社令良醢令各帅其属入实樽罍玉币【太樽为上实以醴齐着樽次之实以盎齐山罍为下实以清酒配坐之尊亦如之玄酒各实於五齐之上尊礼神之玉太社太稷俱以两珪有邸币皆以玄也】太官令帅进饌者实诸笾豆簠簋皆设於神厨未明二刻奉礼帅赞者先入就位赞引引御史诸太祝及令史祝史与执樽罍筐罍者入自西门当太社坛北重行南面以东为上【凡引导者每曲一逡巡】立定奉礼曰再拜赞者承传【凡奉礼有词赞者皆承传】御史以下皆再拜讫执樽者各升自西陛立於樽所执罍洗筐罍者各就位赞引引御史诸太祝詣太社坛西陛升行扫除於上令史祝史行扫除於下降又詣太稷坛行扫除如太社之仪讫各引就位驾将至谒者赞引各引祭官通事舍人分引从祭羣官客使先至者俱就门外位驾至大次门外回辂南向将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂之大次谒者引文武五品以上从祭之官皆就门外位太乐令帅工人二舞次入就位文舞入陈於悬内武舞立於悬北道东谒者引司空入就位立定奉礼曰再拜司空再拜讫谒者引司空詣坛西陛升行扫除於上升太

稷坛亦如之讫降行乐悬於下讫引就门外位皇帝停大次半刻顷谒者赞引各引祭官通事舍人分引从祭文武羣官介公鄴公诸国客使先就位太常博士引太常卿立於大次门外当门北向侍中版奏外办皇帝服黼冕出次华盖侍卫如常仪【侍中负玺陪从如式】博士引太常卿太常卿引皇帝【凡太常卿前导皆博士先引】至社宫西门外殿中监进大珪尚衣奉御又以镇珪授殿中监殿中监受进皇帝搯大珪执镇珪华盖仗卫停於门外近侍者从入如常谒者引礼部尚书太常少卿陪从如常皇帝至版位南向立【每立定太常卿与博士退立於左】谒者赞引各引祭官以次就位立定太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位協律郎跪俛伏举麾【凡取物者皆跪俛伏而取以兴奠物则跪奠讫俛伏而後兴】鼓祝奏顺和之乐乃以函鍾之均文舞八成偃麾戛敌乐止【凡乐皆協律郎举麾鼓祝而後作偃麾戛敌而後止】太常前奏称请再拜退复位皇帝再拜奉礼曰衆官再拜衆官在位者皆再拜诸太祝俱取玉币於筐各立於樽所太常卿引皇帝太和之乐作【皇帝每行皆作太和之乐】皇帝诣太社坛升自北陛侍中中书令以下及左右侍卫量人从升【以下皆如之】皇帝升坛南向立乐止太祝加玉於币以授侍中侍中奉玉币西向进皇帝搯镇珪受玉帛【凡受物皆搯镇珪奠讫执珪俛伏兴】登歌作肃和之乐乃以应钟之均太常卿引皇帝进南向跪奠於太社神坐俛伏兴太常卿引皇帝少退南向再拜讫太常卿引皇帝立於东方西向又太祝以币授侍中侍中奉币南向进皇帝受币太常卿引皇帝西向进跪奠於后土氏神坐俛伏兴太常卿引皇帝少退西向再拜讫登歌止太常卿引皇帝降自北陛乐作太常卿引皇帝诣太稷坛升自北陛南向立乐止太祝加玉於币以授侍中侍中受玉帛西向进皇帝受玉帛登歌作太常卿引皇帝进南向跪奠於太稷神坐俛伏兴太常卿引皇帝少退南向再拜讫太常卿引皇帝立於东方西向又太祝以币授侍中侍中奉币南向进皇帝受币太常卿引皇帝进西向跪奠於后稷氏神坐俛伏兴太常卿引皇帝少退西向再拜讫登歌止太常卿引皇帝降自北陛乐作皇帝还版位南向立乐止初羣官拜讫祝史各奉毛血之豆立於门外登歌止祝史奉毛血入各由其陛升诸太祝迎取於坛上俱进奠於神坐前诸太祝与祝史退立於尊所

进熟

皇帝既升奠玉帛太官令出帅进饌者奉饌陈於西门外谒者引司徒出诣饌所司徒奉太社之俎初皇帝既至位乐止太官令引饌入太社太稷之饌入自正门配坐之饌入自左阂俎初入门雍和之乐作以太簇之均饌至陛乐止祝史各进彻毛血之豆降自西陛以出太社太稷之饌升自北陛配座之饌升自西陛诸太祝迎取於坛上各设於神坐前【笾豆盖罍先彻乃升簠簋既奠却其盖於下】设讫谒者引司徒以下降自西陛复位诸太祝还樽所太常卿引皇帝诣盥洗乐作皇帝至盥洗乐止侍中跪取?兴沃水又侍中跪取盘兴承水皇帝盥手黄门侍郎跪取巾於筐兴进皇帝帨手讫黄门侍郎受巾跪奠於筐黄门侍郎又取爵於筐兴进皇帝受爵侍中酌盥水又侍中奉盘皇帝洗爵黄门侍郎又授巾皆如初皇帝拭爵讫侍中奠盘?黄门侍郎受巾奠於筐皆如常太常卿引皇帝乐作皇帝诣太社坛升自北陛乐止谒者引司徒升自西陛立於樽所斋郎奉俎从升立司徒之後太常卿引皇帝诣太社酒樽所执樽者举罍侍中赞酌醴齐壽和之乐作【皇帝每酌献及饮福皆作壽和之乐】太常卿引皇帝进太社神前南向跪奠爵俛伏兴太常卿引皇帝少退南向立乐止太祝持版进於神坐之右西

面跪读祝文曰维某年岁次月朔日子嗣天子某敢昭告於太社惟神德兼博厚道着直方载生品物含弘庶类谨因仲春【仲秋】祇率常礼敬以玉帛一元大武柔毛刚鬣明粢苽合苽其嘉蔬嘉荐醴齐备兹禋瘞用申报本以后土勾龙氏配神作主尚飨讫兴皇帝再拜初读祝文讫乐作太祝进奠版於神坐还樽所皇帝拜讫乐止太常卿引皇帝诣后土氏酒樽所执樽者举冪侍中取爵於坫进皇帝受爵侍中赞酌醴齐乐作太常卿引皇帝进后土氏神坐前西向跪奠爵俛伏兴太常卿引皇帝少退西向立乐止太祝持版进於神座之左南面跪读祝文曰维某年岁次月朔日子嗣开元神武皇帝某敢昭告於后土氏爰兹仲春【仲秋】揆日惟吉敬修恒事荐於太社惟神功着水土平易九州昭配之义实惟通典谨以制币一元大武柔毛刚鬣明粢苽合苽其嘉蔬嘉荐醴齐旅於表位作主侑神尚飨讫兴皇帝再拜初读祝文讫乐作太祝进奠版於神座还樽所皇帝拜讫乐止太常卿引皇帝进太社神坐前南向立乐作太祝各以爵酌上罇福酒合置一爵一太祝持爵授侍中侍中受爵东向进皇帝再拜受爵跪祭酒啐酒奠爵俛伏兴太祝帅斋郎进俎太祝减太社神座前三牲胙肉置一俎上太祝以俎授司徒司徒持俎东向以次进皇帝每受以授左右皇帝跪取爵遂饮卒爵侍中进受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自北陛诣盥洗乐止谒者引司徒降坛西陛以从皇帝至盥洗盥手洗爵侍中黄门侍郎赞洗如常讫太常卿引皇帝乐作皇帝诣太稷坛升自北陛乐止谒者引三公与斋郎奉俎升自西陛立於樽所皇帝诣太稷酒樽所执樽者举冪侍中赞酌醴齐乐作太常卿引皇帝进太稷神坐前南向跪奠爵俛伏兴太常卿引皇帝少退南向立乐止太祝持版进於神座之右西面跪读祝文曰维某年岁次月朔日子嗣天子某敢昭告於太稷惟神播生百谷首兹八政用而不匮功济萌黎兹惟仲春【仲秋】敬以玉帛一元大武柔毛刚鬣明粢苽合苽其嘉蔬嘉荐醴齐式陈瘞祭备修常秩以后稷配神作主尚飨讫兴皇帝再拜初读祝文讫乐作太祝进奠版於神座还樽所皇帝拜讫乐止太常卿引皇帝诣后稷氏酒樽所执樽者举冪侍中取爵於坫进皇帝受爵侍中赞酌醴齐乐作太常卿引皇帝进后稷氏神座前西向跪奠爵俛伏兴太常卿引皇帝少退西向立乐止太祝持版进神座之左南面跪读祝文曰维某年岁次月朔日子嗣开元神武皇帝某敢昭告於后稷氏爰以仲春【仲秋】式拣吉辰敬修恒礼荐於太稷惟神功叶稼穡闡修农政允兹从祀用率旧章谨以制币一元大武柔毛刚鬣明粢苽其嘉蔬嘉荐醴齐陈於表位作主配神尚飨讫兴皇帝再拜初读祝文讫乐作太祝进奠版於神座还樽所皇帝拜讫乐止太常卿引皇帝进太稷神坐前南向立乐作皇帝饮福受胙如太社之仪讫乐止太常卿引皇帝乐作皇帝降自北陛还版位南向立乐止谒者引司徒降自西陛复位文舞出鼓祝作舒和之乐出讫戛散乐止武舞入鼓祝作舒和之乐立定戛散乐止皇帝献后上氏将毕谒者引太尉诣盥洗盥手洗爵讫太尉自西陛升坛诣太社酒樽所执樽者举冪太尉酌盎齐武舞作谒者引太尉进太社神座前南向跪奠爵兴谒者引太尉少退南向再拜谒者引太尉诣后土氏酒樽所取爵於坫执樽者举冪太尉酌盎齐谒者引太尉进后土氏神座前西向跪奠爵兴谒者引太尉少退西向再拜讫谒者引太尉进太社神座前南向立太祝各以爵酌罇福酒合置一爵一太祝持爵进太尉之右东向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉降自西陛诣盥洗盥手洗爵诣太稷坛升献如太社之仪讫引降复位初太尉献后土将毕谒者引光禄卿诣盥洗盥手洗爵升酌盎齐终献如亚献之仪讫谒者引光禄卿降复位武舞六成乐止舞献俱毕诣太祝各进彻豆还尊所【彻者筯豆各一少移于故处】

奉礼曰赐胙赞者唱衆官再拜衆官在位者皆再拜【已饮福受胙者不拜】顺和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望瘞位太常卿引皇帝乐作皇帝就望瘞位南向立乐止於羣官将拜诸太祝各执籩进神座前取玉币斋郎以俎载牲醴黍稷饮爵酒各由其陛降坛南行当瘞埽西行诸太祝以玉币饌物置於埽讫奉礼曰可瘞埽东西各四人寘土半埽太常卿前奏礼毕太常卿引皇帝还大次乐作皇帝出门殿中监前受镇珪以授尚衣奉御殿中监又前受大珪华盖侍卫如常仪皇帝入次乐止谒者赞引各引祭官通事舍人分引从祭羣官诸方客使以次出赞引引御史以下俱复执事位立定奉礼曰再拜御史以下皆再拜讫赞引引出工人二舞以次出其祝版燔於斋坊

銮驾还宫如方丘之仪

大唐开元礼卷三十三

卷三十四

钦定四库全书

大唐开元礼卷三十四 唐 萧嵩等 撰吉礼

仲春仲秋上戊祭太社有司摄事【蜡礼同】

斋戒 陈设

荐玉帛 进熟

斋戒

前祭五日诸预祭之官散斋三日致斋二日【散斋皆於正寝致斋一日於本司一日於祭所其无本司者皆於祭所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事诸祭官致斋之日给酒食及明衣各习礼於斋所光禄卿监取明水火【太官令取水于阴鉴取火于阳燧火以供爨水以实尊】前祭一日诸卫令其属未後一刻各以其方器服守卫社宫门【每门二人每隅一人】与太乐工人俱清斋一宿

陈设

前祭三日守宫设祭官公卿以下次於斋坊之内前祭二日太乐令设大悬之乐於坛北东方西方磬簋【起南钟?】次之南方北方磬簋起东钟?次之设十二罇钟於编悬之间各依辰位树灵鼓於南悬之内道之左右植建鼓於四隅置祝斂於悬内【祝在左斂在右】设歌钟歌磬各於坛上近北南向皆磬簋在东钟簋在西其匏竹者各立於坛下重行南向相对为首【凡悬皆展而编之】诸工人各位於悬後东方西方以南为上南方北方以西为上右校清扫内外又为埋坎於乐悬之北方深取足容物北出陛前祭一日奉礼设祭官公卿位於西门之内道北执事位於其後少北每等异位俱重行东面南上设御史位於太社坛东北西向一位於太社坛西北东向令史各陪其後设奉礼位於乐悬西北赞者二人在北差退俱东面设协律郎位各於坛上之东北隅俱西面设太乐令位於南悬之间设祭官公卿以下门外位道南每等异位重行北向以东为上设酒樽之位太社太尊二着樽二山罍一在坛上西北隅南向后土氏象樽二着樽二山罍一在太社酒樽之西俱南向东上【尊皆加勺罇有坫以置酒】设太稷后稷酒樽於其坛上如太社后土之仪设洗於太社坛北陛西北南向罍水在洗西筐在洗东北肆【筐实以巾爵】又设洗於稷坛西北亦如之执樽罍筐罇者各位於樽罍筐罇之後各设玉帛之筐於樽坫之所晡後郊社令帅斋郎以樽坫洗筐罇入设於位【升坛者各自西陛】谒者引光禄卿诣厨视濯漑【凡导引者每曲一逡巡】赞引引御史诣厨省饌具【司宰以下每事讫还斋所】祭日未明十五刻太官令率宰人以鸾刀割牲斋郎以豆

取毛血置於饌所遂烹牲【三牲用黝色】未明五刻大史令郊社令各服其服升设太社太稷神座各於坛上近南北向设后土氏神座於太社神座之左后稷氏神座於太稷神座之左俱东向席以莞设神位各於座首

奠玉帛

祭日未明三刻诸祭官各服其服郊社令良醢令各帅其属入实樽罍玉帛【太尊为上实以醴齐着樽次之实以盎齐山罍为下实以清酒配坐之尊亦如之齐加明水酒加玄酒各受於上尊祭神之玉太社太稷俱以雨珪有邸帛以玄】太官令帅进饌者实诸笾豆簠簋皆设於神厨未明二刻奉礼帅赞者先入就位赞引引御史诸太祝与执樽罍篚幂者入自西门当太社坛北重行南面东上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚幂者各就位赞引引御史诸太祝诣太社坛西陞升行扫除於上令史祝史行扫除於下降又诣太稷坛行扫除如太社之仪讫引就位未明一刻谒者赞引各引祭官俱就门外位太乐令帅工人二舞次入就位文舞入陈於悬内武舞立於悬北道东【其升坛者皆脱履於下降纳如常】谒者引司空入就位立定奉礼曰再拜司空再拜讫谒者引司空诣坛西陞升行扫除於上升稷坛亦如之降行乐悬於下讫引复位谒者赞引各引祭官次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位協律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏顺和之乐以函鍾之均【自後坛下之乐皆奏太簇】作文舞之舞乐舞八成偃麾戛敔乐止【凡乐皆协律郎举麾工鼓祝而後作偃麾戛敔而後止也】奉礼曰衆官再拜衆官在位者皆再拜诸太祝取玉帛於篚各立於樽所谒者引太尉诣太社坛升自北陞南向立太祝以玉帛西向授太尉太尉受玉帛登歌作肃和之乐以应钟之均谒者引太尉进南向跪奠於太祖神座俛伏兴谒者引太尉少退南向再拜讫太祝以帛授太尉太尉受帛东向跪奠於后土氏神座前谒者引太尉少退东向再拜讫登歌止谒者引太尉降自北陞诣太稷坛升奠玉帛如太社后土之仪谒者引太尉降还本位初衆官拜讫祝史各奉毛血之豆立於门外於登歌止祝史奉毛血入各由其陞升诸太祝迎取於坛上俱进奠於神座前诸太祝与祝史退立於樽所

进熟

太尉既升奠玉帛太官令出帅进饌者奉饌陈於西门神座还樽所太尉拜讫乐止谒者引太尉诣后土氏酒樽所取爵於坫执樽者举幂太尉酌醴齐乐作谒者引太尉进后土氏神座前西向跪奠爵兴谒者引太尉少退西向立乐止太祝持版进於神座之左南面跪读祝文曰维某年岁次月朔日子嗣开元神武皇帝某谨遣太尉封名敢昭告於后土氏爰兹仲春【仲秋】厥日惟戊敬修恒事荐於太社惟神功着水土平易九州昭配之义实惟通典谨以牺齐粢盛庶品式陈明荐作主侑神尚飨讫兴太尉再拜初读祝文讫乐作太祝进奠版於神座还樽所太尉拜讫乐止谒者引太尉进太社神座前南向立太祝各以爵酌罍福酒合置一爵一太祝持爵进太尉之右东向立太尉再拜受爵跪祭酒啐酒奠爵兴太祝帅斋郎进俎太祝减太社前三牲胙肉【皆取前脚第二骨】各置一俎上太祝持俎以次授太尉太尉每受以授

斋郎太尉跪取爵遂饮卒爵太祝进受爵复於坫太尉再拜谒者引太尉降自北陛诣盥洗盥手洗爵谒者引太尉诣太稷坛升自北陛诣太稷酒樽所执樽者举幂大尉酌醴齐讫乐作谒者引太尉进太稷神坐前南向跪奠爵兴谒者引太尉少退南向立乐止太祝持版进於神座之右西向跪读祝文曰维某年岁次月朔日子嗣天子某谨遣太尉封名敢昭告於太稷惟神播生百谷首兹八政用而不匮功济萌黎敬以玉帛牺齐粢盛庶品祇奉旧章备修瘞礼以后稷契配神作主尚飨讫兴太尉再拜初读祝文讫乐作太祝进奠版於神座还樽所太尉拜讫乐止谒者引太尉诣后稷氏酒樽所取爵於坫执樽者举幂太尉酌醴齐讫乐作谒者引太尉进后稷氏神座前西向跪奠爵兴谒者引太尉少退西向立乐止太祝持版进於神座之左南面跪读祝文曰维某年岁次月朔日子嗣天子某谨遣太尉封名敢昭告於后稷氏爰以仲春

【仲秋】式拣吉辰敬修恒礼荐於太稷惟神功叶稼穡闡修农政允兹从祀用率旧章谨以牺齐粢盛庶品式陈明荐作主配神尚飨讫兴太尉再拜初读祝文讫乐作太祝进奠版於神座还樽所太尉拜讫乐止谒者引太尉进太稷神座前南向立饮福受胙如太社之仪讫谒者引太尉降还本位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止太尉将复位谒者引太常卿诣盥洗盥手洗爵讫谒者引太常卿自西陛升坛诣太社酒樽所执樽者举幂太常卿酌盎齐武舞作谒者引太常卿进太社神座前南向跪奠爵兴谒者引太常卿少退南向再拜讫谒者引太常卿诣后土氏酒樽所取爵於坫执樽者举幂太常卿酌盎齐讫谒者引太常卿进后土氏神座前西向跪奠爵兴谒者引太常卿少退西向再拜讫谒者引太常卿进太社神座近北南向立太祝各以爵酌鬯福酒合置一爵一太祝持爵进太常卿之右东向立太常卿再拜受爵祭酒遂饮卒爵太祝进受爵复於坫太常卿兴再拜谒者引太常卿降自西陛诣盥洗盥手洗爵诣太稷坛升献如太社之仪讫谒者引太常卿降复位初太常卿献后土将毕谒者引光禄卿盥洗升酌盎齐终献如亚献之仪讫谒者引光禄卿降复位武舞止诸太祝各进彻豆还樽所【彻者筯豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】顺和之乐作奉礼曰衆官再拜衆官在位者皆再拜乐一成止谒者进太尉之右白请就望瘞位谒者引太尉就望瘞位南向立於衆官将拜太祝执籩进神座前取玉币斋郎以俎载牲体稷黍饭酒爵各由其陛降坛南行当瘞埽西行诸太祝以玉币饌物置於埽讫奉礼曰可瘞埽东西各以四人寘土半埽谒者进太尉之左白礼毕遂引太尉出谒者赞引各引祭官以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出其祝版燔於斋坊季冬蜡太社皆如春秋时祭之仪太社祝文曰维某年岁次月朔日子嗣天子某谨遣太尉封名敢昭告於太社惟神降佑百谷时登谨以玉币牺齐粢盛庶品敬荐於太社以后土勾龙氏配神作主尚飨后土氏祝文曰维某年岁次月朔日子嗣开元神武皇帝某谨遣太尉封名敢昭告於后土氏今时和年登敬荐蜡祀於太社惟神功協水土作主配神谨以牺齐粢盛庶品荐於后土氏尚飨太稷祝文曰维某年岁次月朔日子嗣天子某谨遣大尉封名敢昭告於太稷惟神主兹百谷粒此黎元谨率恒礼敬以玉币牺齐粢盛庶品明荐於太稷以后稷弃配神作主尚飨后稷氏祝文曰维某年岁次月朔日子嗣开元神武皇帝某谨遣太尉封名敢昭告於后稷氏今时和年登敬荐蜡祀於太稷惟神功協稼穡作主配神谨以牺齐粢盛庶品敬荐於后稷氏尚飨

卷三十五

钦定四库全书

大唐开元礼卷三十五 唐 萧嵩等 撰吉礼

祭五岳四镇

诸岳镇每年一祭各以五郊迎气日祭之东岳岱山祭於兖州界东镇沂山祭於沂州界南岳衡山祭於衡州界南镇会稽山祭於越州界中岳嵩山祭於河南府西岳华山祭於华州界西镇吴山祭於陇州界北岳恒山祭於定州界北镇医无闾山祭於营州界前祭五日诸祭官各散斋三日致斋二日【散斋皆正寝致斋祭所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事诸祭官致斋之日各给酒食及明衣各习礼於斋所前一日岳令清埽内外又爲瘞瘞於坛壬地方深取足容物赞礼者设初献位於坛东南亚献终献位於初献之南少退俱西面北上掌事者位於终献东南重行西面以北为上设赞唱者位於终献西南西向北上设献官等望瘞位於瘞瘞之东北西向设祭官已下门外位於南门之外道东重行西面以北为上祭器之数尊六筴十豆十簋二簠二俎三岳令帅其属诣坛东陞升设尊於坛上东南隅北向西上【尊皆加勺罍有坩以置爵】设玉筐於尊坩之所设洗於南陞东南北向盥水在洗东筐在洗西南肆【筐实以巾爵】执樽罍洗筐者各位於樽罍洗筐之後祭日未明烹牲於厨【其牲各随方色斋郎以豆先取血毛置於饌所】夙兴掌撰者实祭器【牲体牛羊豕皆载右胖前脚三节一节一段肩臂臑皆载之後脚三节一节一段去下节载上肫脰二节又取正脊脰脊横脊正肋短肋代肋各二骨以并余皆不设簋实稷黍簠实稻粱筴十实石盐乾鱼枣栗榛菱芡鹿脯白饼黑饼豆十实韭菹醯醢菁菹鹿醢芹菹兔醢笋菹鱼醢脾析菹?胎若土无者各以其类充之】凡祭官各服其服【三品毳冕四品绣冕五品玄冕六品以下爵弁若有二品以上各依令】岳令率其属入诣坛东陞升设岳神坐於坛上近北南向席以莞又实尊罍及玉【凡尊一实醴齐一实盎齐一实清酒其玄酒实於上尊祭神之玉两圭有邸】祝版置於坩岳令又以币置於筐斋郎以豆取血皆设於饌所【其币长一丈八尺各随牲色】赞唱者先入就位祝与执尊罍筐者入当坛南重行北面以西为上立定赞唱者曰再拜祝以下俱再拜执尊者升自东陞立於尊所执罍筐者各就位祝诣坛东陞升行扫除於上降行扫除於下讫各就位质明赞礼者引祭官以下俱就门外位立定一刻顷赞礼者引祭官以下入就位立定赞唱者曰再拜在位者皆再拜赞礼者进初献之左白有司谨具请行事退复位赞唱者曰再拜在位者皆再拜祝跪取玉币於筐兴立於尊所【凡取物皆跪俛伏而取以兴奠物则奠讫俛伏而後兴】掌饌者帅斋郎奉饌陈於东门之外赞礼者引初献诣坛升自南陞进岳神座前北向立祝以玉币东向进初献受玉币祝还尊所赞礼者引初献进北向跪奠於岳神座前兴少退北向再拜赞礼者引初献降还本位掌饌者引饌入升自南陞祝迎引於坛上设於神座前掌饌者帅斋郎降自东陞复位祝还尊所赞礼者引初献诣罍洗盥手洗爵升自南陞诣酒尊所执尊者举罍初献酌醴齐赞者引初献进诣岳神座前北向跪奠爵兴少退北向立祝持版进於神座之右东面跪读祝文曰维某年岁次月朔日子嗣天子某谨遣某官某敢昭告

於东岳岱宗惟神赞养万品作镇一方式因春始【南岳云夏始中岳云季夏西岳云秋始北岳云冬始】谨以玉帛牺齐粢盛庶品明荐於东岳岱宗尚飨讫兴初献再拜祝进奠版於神座还尊所祝以爵酌清酒进於初献之右西向立初献再拜受爵跪祭酒啐酒奠兴祝帅斋郎以俎进减神座前胙肉前脚第二节共置一俎上以授初献初献受以授斋郎初献跪取爵遂饮卒爵祝进受爵复於坫初献兴再拜赞礼者引初献降复位於初献饮福赞礼者引亚献诣罍洗盥手洗爵升自东陞诣酒尊所执尊者举罍亚献酌盞齐赞礼者引亚献诣神座前北向跪奠爵兴少退北向再拜祝以爵酌清酒进於亚献之右西向立亚献再拜受爵跪祭酒遂饮卒爵祝史受爵复於坫亚献兴再拜赞礼者引亚献降复位初亚献将毕赞礼者引终献盥洗升献饮福如亚献之仪讫赞礼者引终献降复位祝进神座前彻豆还尊所【彻者筯豆各一少移於故处】赞唱者曰再拜献官以下皆再拜【已饮福受胙者不拜】赞礼进初献之左白请就望瘞位赞者引初献就望瘞位西向立於献官将拜岳令进神座前跪取币斋郎以俎载牲体黍稷饭诣瘞埴以饌物置於埴东西厢各二人奠土半赞者进初献之左白礼毕遂引初献以下出祝与执尊罍筐罍者俱复执事位立定赞唱者曰再拜再拜讫遂出祝版燔於斋所

大唐开元礼卷三十五

卷三十六

钦定四库全书

大唐开元礼卷三十六 唐 萧嵩等 撰吉礼

祭四海四渎

凡四海四渎每年一祭各以五郊迎气日祭之东海於莱州界东渎大淮於唐州界南海於广州界南渎大江於益州界西海及西渎大河於同州界北海及北渎大济於河南府界祭前五日诸祭官各散斋三日致斋二日【散斋皆於正寝致斋皆於祭所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事其祭官致斋之日给酒食及明衣各习礼於斋所前一日渎令清扫内外又为瘞埽於坛壬地方深取足容物【埽内为坛高一丈四尺皆为陛】赞礼者设初献位於埽坛东南亚献终献位於初献之南少退俱西面北上设掌事位於终献东南重行西面以北为上设赞唱者位於终献西南西面北上设祭官以下门外位於南门之外道东重行西面以北为上祭器之数尊六筴十豆十簋二簠二俎三渎令帅其属诣坛东陞升设尊於埽坛上东南隅北向西上【尊皆加勺罍有坫以置爵】设玉筐於尊坫之所设洗於南陛东南北向罍水在洗东筐在洗西南肆【筐实巾爵】执尊罍洗筐者各位於尊罍洗筐之後祭日未明烹牲於厨【其牲各随方色斋郎以豆预取血毛置於饌所】夙兴掌饌者实祭器【牲体牛羊豕皆载右胖前脚三节一节一段肩臂臠皆载之後脚三节一节一段去下节载上肫胙二节又取正?脰脊横脊正肋短肋代肋各二骨以并余皆不设簠实黍稷簋实稻粱筴十实石盐乾鱼枣栗榛菱芡鹿脯白饼黑饼豆十实韭菹醯醢菁菹鹿醢芹菹兔醢笋菹鱼醢脾析菹豚胎若土无者各以其类充之】凡祭官各服其服渎令帅其属入诣坛东陞升设渎神座於坛上近北南向席以莞又实尊罍及玉【凡尊一实醴齐一实盎齐一实清酒玄酒各实於上尊祭神之玉两圭有邸】祝版置於坫渎令又以币置於筐斋郎以豆血设於饌所【其币长一丈八尺各随方色】赞唱者先入就位祝与执尊罍筐者入当坛南重行北面以西为上立定赞唱者曰再拜祝以下俱再拜执尊者升自东陞立於尊所执罍筐者各就位祝诣坛东陞升行扫除於上降行扫除於埽外讫各就位质明赞礼引祭官以下俱就门外位一刻顷赞礼引祭官以下入就位立定赞唱者曰再拜在位者皆再拜赞礼者进初献之左白有司谨具请行事退复位赞唱者曰再拜在位者皆再拜祝跪取玉币於筐兴立尊所【凡取物者皆跪俛?而取以兴奠物则奠讫俛?而後兴】掌饌者帅斋郎奉饌陈於东门之外赞礼者引初献诣坛升自南陛进神座前北向立祝以玉币东向进初献受玉币祝还尊所赞礼者引初献者进北向跪奠於神座兴少退北向再拜赞礼者引初献还本位掌饌者引饌入升自南陛祝迎引於坛上设於神座前掌饌者帅斋郎降自东陞复位祝还所赞礼者引初献诣罍洗盥手洗爵升自南陛诣酒尊所执尊者举罍初献酌醴齐赞礼者引初献进诣神座前北向跪奠爵兴少退北向立祝持版进於神座之右东向跪奠读祝文曰维某年岁次月朔日子嗣天子开元神武皇帝某谨遣某官某敢昭告於东渎大淮惟神源流深滋潜润溥洽阜成百谷疏浚三川青春伊始用遵典秩【南渎大江云维神总括大川朝宗巨海功昭润化德表灵长敬因夏首修其恒

秩西渎大河云惟神上通云汉光启图书分导九枝旁润十里素秋届序用率典常北瀆大济云维神泉源清洁浸被遐迩播通四气作纪一方玄冬肇节聿修典制】谨以玉帛粢盛牺齐庶品明荐於神尚飨讫兴再拜祝进奠版於神座还樽所祝以爵酌清酒进初献之右西向立初献再拜受爵跪祭酒啐酒奠爵兴祝帅斋郎以俎进减神前三牲胙肉各取前脚第三节共置一俎以授初献初献受以授斋郎初献跪取爵遂饮卒爵祝进受爵复於坳初献兴再拜赞礼者引亚献诣罍洗盥手洗爵升自东陞诣尊所执尊者举幂亚献酌盞斋赞礼者引亚献诣神座前北向跪奠爵兴少退北向再拜祝以爵酌清酒进於亚献之右西向立亚献再拜受爵跪祭酒遂饮卒爵祝受爵复於坳亚献兴再拜赞礼者引亚献降复位初亚献将毕赞礼者引终献盥洗升献饮福如亚献之仪讫赞礼者引终献降复位祝进神座前彻豆还尊所【彻者筯豆各一少移於故处】赞唱者曰再拜献官以下皆再拜渎令及斋郎以币血沈於渎渎令退就掌事位斋郎还饌所赞礼者进初献之左白礼毕遂引初献以下出祝与执尊罍篚幂者俱复执事位立定赞礼曰再拜祝以下皆再拜以出其祝版燔於斋所

大唐开元礼卷三十六

卷三十七

<史部,政书类,仪制之属,大唐开元礼>

钦定四库全书

大唐开元礼卷三十七 唐 萧嵩等 撰吉礼

皇帝时享於太庙

斋戒 陈设

省牲器 銮驾出宫

晨裸 馈食

祭七祀 銮驾还宫

斋戒

凡一岁五享於太庙【谓四孟月及腊】将享有司卜日如别仪前享七日平明太尉誓百官於尚书省曰某月某日享於太庙不供其事国有常刑皇帝散斋四日於别殿致斋三日於太极殿前致斋一日尚舍奉御设御幄於太极殿西序及室内俱东向尚舍直长张帟於前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各督其队入陈於殿庭如常仪通事舍人引文武五品以上袴褶陪位如式诸卫侍之官各服其服诸侍臣并结佩俱诣阁奉迎侍中版奏外办上水三刻皇帝服通天冠绛纱袍结佩乘舆出自西房曲直华盖警蹕侍卫如常仪皇帝即御座东向坐侍臣夹侍如常一刻顷侍中前跪奏称侍中臣某言请降就斋室俛伏兴还侍位皇帝降坐入室文武侍臣各还省直卫者如常通事舍人引陪位者以次出凡预享之官散斋四日致斋三日【散斋皆於正寝致斋二日於本司一日於享所其无本司者皆於享所】近侍之官应从升者及从享羣官诸方客使各於本司及公馆九庙子孙各於其第清斋一宿【无本司者各於正寝】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其官已斋而阙者通摄行事诸享官致斋之日给酒食及明衣各习礼於斋所光禄卿监取明水火【太官令取水於阴鉴取火於阳燧火以供?水以实尊】前享一日诸卫令其属未後一刻各以其方器服守卫庙门【每门二人每隅一人】及太乐令工人俱清斋一宿

陈设

前享三日尚舍直长施大次於庙东门之外道北南向尚舍奉御铺御坐守宫设文武侍臣

次於大次之後文官在左武官在右俱南向设诸享官次於斋坊之内九庙子孙於斋坊内近南西向北上文官九品以上於斋坊之南东方南方朝集使又於其南东方南方蕃客又於其南俱每等异位重行西向北上鄴公介公於庙西门之外近南武官九品以上於介公鄴公之南西方北方朝集使於武官之南西方北方蕃客又於其南俱每等异位重行东向北上【其褒圣侯於文官三品以下诸州使人分方各於朝集使之後】前享二日太乐令设宫悬之乐於庙庭东方西方磬簋起北钟簋次之南方北方磬簋起西钟簋次之设十二罇钟於编悬之间各依辰位树路鼓於北悬之内道之左右植建鼓於四隅置祝敌於悬内祝在左敌在右设歌钟歌磬於庙堂之上前楹间北向磬簋在西钟簋在东其匏竹者立在陛间重行北向相对为首【凡悬皆展而编之】诸工人各位於悬後东方西方以北为上南方北方以西为上右校清扫内外前享一日奉礼设御位於庙东陛东南南向设享官公卿位於东门之内道南执事者位於其後每等异位俱重行西面以北为上设御史位於庙堂之下一位於东南西向一位於西南东向令史各陪其後设奉礼位於乐悬东北赞者二人在南差退俱西向设协律郎位於庙堂之上前楹之间近西东向设太乐令位於北悬之间北向设从享之官位九庙子孙於享官公卿之南昭穆异位【虽有贵者以齿】文官九品以上位於子孙之南东方南方朝集使於文官之南东方南方蕃客又於其南俱每等异位重行西面北上介公鄴公位於西门之内道南武官九品以上於介公鄴公之南少西当文官西方北方朝集使於武官之南西方北方蕃客又於其南俱每等异位重行东面北上【其褒圣侯於文官三品之下诸州使人分方各位於朝集使後】设门外位享官公卿以下皆於东门之外道南每等异位重行北面西上子孙之位於享官公卿之东少南文官九品以上於子孙之东东方南方朝集使於文官之东东方南方蕃客又於其东俱每等异位重行北面西上设介公鄴公位於西门之外道南武官九品以上於介公鄴公之西少南西方北方朝集使於武官之西西方北方蕃客又於其西俱每等异位重行北面东上【其褒圣侯於文官三品之下诸州使人分方位於朝集使之後】设牲牓於东门之外当门南向以南为上设廩犧令位於牲西南祝史陪其後俱北向设诸太祝位於牲东各当牲後祝史各陪其後俱西面设太常卿省牲位於牲前近北又设御史位於太常卿之西俱南向设尊彝之位於庙堂上前楹间各於室户之左北向春夏每室鸡彝一鸟彝一牺尊二象尊二山罍二秋冬每室斚彝一黄彝一着尊二壶尊二山罍二皆加勺罍【凡宗庙罍皆以黼】皆西上各有坫焉【以置瓚爵】设簋簠鉶笾豆之位於庙堂之上俱东侧阶之北每座四簋居前四簠次之次以六登次以六鉶笾豆为後每坐异之皆以南为上屈陈而下设御洗於东陛东南亚献之洗又於东南俱北向罍水在洗东筐在洗西南肆【筐实以圭瓚巾爵】执尊罍筐罍者各位於尊罍筐罍之後

省牲器

省牲之日午後十刻庙所诸卫之属禁断行人太庙令整拂神坐幄晡後二刻太庙令帅府史二人及斋郎以尊坫罍洗筐罍及笾豆簋鉶入设於位加以巾盖【诸器物皆濯而陈之其升堂者自东阶】晡後三刻诸太祝与廩牺令以牲就牓位谒者引太常卿赞引引御史入诣东阶升遍视涤濯於上【凡导引者每曲一逡巡於视涤濯执尊者皆举罍告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝南向举手曰充俱还本位诸太祝与廩牺令以次牵牲诣厨授太官谒

者引光禄卿诣厨省鼎饌申视濯漑赞引引御史就厨省饌具【太常卿以下每事讫各还斋次】进饌者入彻筵豆簋鉶以出享日未明十五刻太官令帅宰人以鸾刀割牲祝史各取毛血每坐共实一豆遂烹牲祝史洗肝於郁鬯又取腍膋每坐共实一豆俱置於饌所

銮驾出宫

前出宫三日本司宣摄内外各供其职守宫设从享羣官五品以上次於承天门东西朝堂如常仪前二日太乐令设宫悬之乐於殿庭如常仪【驾出悬而不作】享日未明七刻撻一鼓为一严【三严时节前一日侍中奏裁】侍中奏开宫殿门及城门未明五刻撻二鼓为再严侍中版奏请中严奉礼设从享羣官五品以上位文官於东朝堂之前西向武官於西朝堂之前东向俱重行北上从享羣官五品以上俱集朝堂次各服其服【其六品以下及介公鄴公褒圣侯朝集使九庙之子孙诸方客使等并驾发之前预赴享所俱就次各服其服】所司陈大驾卤簿如别仪未明二刻撻三鼓为三严诸卫之属各督其队与鉞戟以次入陈於殿庭通事舍人引从享羣官各就朝堂前位诸侍卫之官各服其服侍中中书令以下俱诣西阶奉迎【侍中负宝如式】乘黄令进至辂於太极殿西阶之前南向千牛将军一人执长刀立於辂前北向黄门侍郎一人在侍臣之前赞者二人又在黄门之前侍中版奏外办太仆卿奋衣而升正立执轡皇帝衮冕乘輿以出降自西阶称警蹕如常仪千牛将军前执轡皇帝升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾进发俛伏兴退复位【凡黄门侍郎奏请皆进当銮驾前跪奏称具官臣某言讫俛伏兴】銮驾动又称警蹕黄门侍郎与赞者夹引以出千牛将军夹路而趋驾出承天门至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翌驾在黄麾内符宝郎奉六宝与殿中监後部从在黄钺内侍中中书令以下夹侍於辂前赞者在供奉官内侍臣上马毕黄门侍郎奏称请勅车右升侍中前承制制退称制曰可黄门侍郎退复位千牛将军升讫黄门侍郎奏称请銮驾进发退复位銮驾动称警蹕鼓传音如常不鸣鼓吹不得諠譁其从享之官在玄武队後如常仪

晨裸

享日未明四刻诸享官各服其服太庙令良醢令各帅其属入实尊罍【鸡彝斚彝及牺尊着尊壶尊之上尊皆实以明水山罍之上尊实以玄酒乌彝黄彝实以郁鬯牺尊着尊实以醴齐象尊壶尊实以盎齐山罍实以清酒】太官令帅饌者实诸筵豆簋簠未明三刻奉礼帅赞者引御史博士太庙令太祝宫闾令及令史祝史与执尊罍筐冪者入自东门当阶间重行北面西上立定奉礼曰再拜赞者承传【凡奉礼有司赞者皆承传】御史以下皆再拜讫执尊罍筐冪者各就位赞引引御史诸太祝诣东陛升堂行扫除於上令史祝史行扫除於下讫引就位未明一刻赞引引太庙令太祝宫闾令诣东陛升堂诣献祖室入开埕室太祝宫闾令奉出神主置於坐讫引太庙令以下次奉出懿祖次奉出太祖次奉出代祖次奉出高祖次奉出太宗次奉出高宗次奉出中宗次奉出睿宗神主置於坐如献祖之仪【皇祖妣以下神主皆宫闾令奉出俱并而处右】讫引太庙令以下降还本位驾将至谒者赞引引享官通事舍人

分别九庙子孙从享羣官诸方客使先至者俱就门外位驾至大次门外回辂南向将毕降立於辂右侍中进当銮驾前跪奏称侍中臣某言请降辂俛伏兴还侍位皇帝降辂乘舆之大次繖扇华盖侍卫如常仪太庙令以祝版奏御署讫近臣奉出太庙令受各奠於坵通事舍人引文武五品以上从享之官皆就门外位太乐令帅工人二舞入就位文舞入陈於悬内武舞立於悬南道西【其升堂者皆脱屣於下降纳如常】谒者引司空入就位立定奉礼曰再拜司空再拜讫谒者引司空诣东陛升堂行扫除於上降行乐悬於下讫引复位初司空行乐悬通事舍人谒者赞引各引享官及九庙子孙从享羣官诸方客使次入就位皇帝停大次半刻顷太常博士引太常卿立于大次门外当门北向侍中版奏外办皇帝出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引】至庙门外殿中监进镇珪皇帝执镇珪华盖仗卫停於门外近侍者从入如常皇帝至版位西向立【每立定太常卿与博士退立于左】太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位協律郎跪俛伏举麾【凡取物者皆跪俛伏而取以兴奠物则奠讫俛而後兴】鼓祝奏永和之乐乃以黄钟为宫大吕为角太簇为徵应钟为羽作文舞之舞乐舞九成【黄钟三奏大吕太簇应钟各再奏】偃麾戛敌乐止【凡乐皆協律郎举麾工鼓祝而後作偃麾戛敌而後止】太常卿前奏称请再拜退复位皇帝再拜奉礼曰衆官再拜衆官在位者皆再拜太常卿引皇帝至盥洗所太和之乐作【皇帝每行皆作太和之乐】皇帝至盥洗乐止侍中跪取匱兴沃水又侍中跪取盘兴承水皇帝搢镇珪【凡受物则搢珪奠讫则执珪俛伏兴】皇帝盥手黄门侍郎跪取巾於匱兴进皇帝手讫黄门侍郎受巾奠於匱黄门侍郎又取瓚於匱兴进皇帝受瓚侍中酌盥水又侍中奉盘皇帝洗瓚黄门侍郎又授巾皆如初皇帝拭瓚讫侍中奠盘匱黄门侍郎受巾奠於匱皆如常太常卿引皇帝乐作皇帝升自阼阶乐止侍中中书令以下及左右侍卫量人从升【以下皆如之】太常卿引皇帝诣献祖尊彝所执尊者举罍侍中赞酌郁酒讫登歌作肃和之乐以圜钟之均【自後登歌皆歌圜钟】太常卿引皇帝入诣献祖神坐前北向跪以鬯裸地奠之俛伏兴太常卿引皇帝出户北向再拜讫太常卿引皇帝次裸懿祖次裸太祖次裸代祖次裸高祖次裸太宗次裸高宗次裸中宗次裸睿宗并如上仪讫登歌止太常卿引皇帝乐作皇帝降自阼阶还版位西向立乐止初羣官拜讫祝史各奉毛血及肝膋之豆立於东门外斋郎奉炉炭萧稷黍各立於肝膋之後於登歌止祝史奉毛血肝膋与奉炉炭萧稷黍者以次入自正门升自泰阶诸太祝各迎取毛血肝膋於阶上俱入奠於神坐前祝史退立於尊所斋郎奉炉炭皆置於室户外之左其萧稷黍各置於炉炭下降自阼阶以出诸太祝俱取肝膋出户燔於炉炭还尊所

馈食

皇帝既升裸太官令出帅进饌者奉饌陈於东门之外重行南向以南为上谒者引司徒出诣饌所司徒奉献祖之俎初皇帝既至位乐止太官令引饌入自正门俎初入门雍和之乐作以无射之均【自後接神之乐堂下皆奏无射】饌至泰阶乐止祝史俱进彻毛血之豆降自阼阶以出饌升诸太祝迎引於阶上各设於神座前【笱豆盖罍先彻乃升簋簠既奠却其盖於下】设讫谒者引司徒以下降自阼阶复位诸太祝各取萧稷黍搗於脂燔於炉还尊所太常卿引皇帝诣盥洗乐作皇帝至盥洗乐止皇帝盥手洗爵侍中黄门侍郎赞洗如晨裸之仪

讫太常卿引皇帝乐作皇帝升自阼阶讫乐止太常卿引皇帝诣献祖尊彝所执尊者举冪侍中赞酌醴齐讫光大之舞作太常卿引皇帝入诣献祖神座前北向跪奠爵少东俛伏兴太常卿又引皇帝出取爵於坫酌醴齐讫太常卿引入诣神座前北面跪奠爵少西兴太常卿引皇帝出户北面立乐止太祝持版进於室户外之右东南跪读祝文曰维某年岁次月朔日子孝曾孙开元神武皇帝讳敢昭告於献祖宣皇帝祖妣宣庄皇后张氏气序流迈时惟孟春【孟夏孟秋孟冬】永怀罔极伏增远感谨以一元大武柔毛刚鬣明粢苾合苾其嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版於神座出还尊所皇帝拜讫乐止太常卿引皇帝诣懿祖尊彝所执尊者举冪侍中取爵於坫进皇帝受爵侍中赞酌醴齐讫长发之舞作太常卿引皇帝入诣懿祖神座前北面跪奠爵少东俛伏兴太常卿引皇帝出取爵於坫酌醴齐讫太常卿引入诣神座前北向跪奠爵少西兴太常卿引皇帝出户北面立乐止太祝持版进於户外之右东向跪读祝文曰维某年岁次月朔日子孝曾孙开元神武皇帝讳敢昭告於懿祖光皇帝皇祖妣懿皇后贾氏气序流迈时维孟春永怀罔极伏增远感谨以一元大武柔毛刚鬣明粢苾合苾其嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版於神座出还尊所皇帝拜讫乐止太常卿引皇帝诣太祖尊彝所执尊者举冪侍中取爵於坫进皇帝受爵侍中赞酌醴齐讫大政之舞作太常卿引皇帝入诣太祖神座前北向跪奠爵少东俛伏兴太常卿引皇帝出取爵於坫酌醴齐讫太常卿引入诣神座前北向跪奠爵少西兴太常卿引皇帝出户北向立乐止太祝持版进於室户外之右东向跪读祝文曰维某年岁次月朔日子孝曾孙开元神武皇帝讳敢昭告於太祖景皇帝祖妣景烈皇后梁氏气序流迈时维孟春永怀罔极伏增远感谨以一元大武柔毛刚鬣明粢苾合苾其嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版於神座出还尊所皇帝拜讫乐止太常卿引皇帝诣代祖尊彝所执尊者举冪侍中取爵於坫进皇帝受爵侍中赞酌醴齐讫大成之舞作太常卿引皇帝入诣代祖神座前北向跪奠爵少东俛伏兴太常卿又引皇帝出取爵于坫酌醴齐讫太常卿引入诣神座前北向跪奠爵少西兴太常卿引皇帝出户北向立乐止太祝持版进于户外之右东面跪读祝文曰维某年岁次月朔日子孝曾孙开元神武皇帝臣讳敢昭告于代祖元皇帝祖妣元贞皇后独孤氏气序流迈时维孟春永怀罔极伏增远感谨以一元大武柔毛刚鬣明粢苾合苾其嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版于神座出还尊所皇帝拜讫乐止太常卿引皇帝诣高祖尊彝所执尊者举冪侍中取爵于坫进皇帝受爵侍中赞酌醴齐讫大明之舞作太常卿引皇帝入诣高祖神座前北向跪奠爵少东俛伏兴太常卿又引皇帝出取爵于坫酌醴齐讫太常卿引入诣神座前北向跪奠爵少西兴太常卿引皇帝出户北向立乐止太祝持版进於室户外之右东面跪读祝文曰维某年岁次月朔日子孝曾孙开元神武皇帝臣讳敢昭告於皇高祖考神尧皇帝皇高祖妣太穆神皇后窦氏气序流迈时维孟春永怀罔极伏增远感谨以一元大武柔毛刚鬣明粢苾合苾其嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版于神座出还尊所皇帝拜讫乐止太常卿引皇帝诣太宗尊彝所执尊者举冪侍中取爵於坫进皇帝受爵侍中赞酌醴齐讫崇德之舞作太常卿引皇帝入诣太宗神座前北向跪奠爵少东俛伏兴太常卿又引皇帝出取爵於坫酌醴齐讫太常卿引入诣神座前北向跪奠爵少西兴太常卿引皇帝出户北向立乐止太祝持版进于室户外之右东面跪读祝文曰维某年岁次月朔日子孝曾孙开元神武皇帝臣讳敢昭

告於皇曾祖考太宗文武圣皇帝皇曾祖妣文德圣皇后长孙氏气序流迈时维孟春永怀罔极伏增远感谨以一元大武柔毛刚鬣明粢芻合芻苽嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版於神座出还尊所皇帝拜讫乐止太常卿引皇帝诣高宗尊彝所执尊者举冪侍中取爵於坫进皇帝受爵侍中赞酌醴齐讫钧天之舞作太常卿引皇帝入诣高宗神座前北向跪奠爵少东俛伏兴太常卿又引皇帝出取爵於坫酌醴齐讫太常卿引入诣神座所北向跪奠爵少西兴太常卿引皇帝出户北向立乐止太祝持版进於室户外之右东面跪读祝文曰维某年岁次月朔日孝孙开元神武皇帝臣讳敢昭告于皇祖考高宗天皇大帝皇祖妣大圣天后武氏气序流迈时惟孟春永怀罔极伏增远感谨以一元大武柔毛刚鬣明粢芻合芻苽嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版於神座出还尊所皇帝再拜乐止太常卿引皇帝诣中宗尊彝所执尊者举冪侍中取爵於坫进皇帝受爵侍中赞酌醴齐讫文和之舞作太常卿引皇帝入诣中宗神座前北向跪奠爵少东俛伏兴太常卿引皇帝出取爵於坫酌醴齐讫太常卿引入诣神座前北向跪奠爵少西兴太常卿引皇帝出户北向立乐止太祝持版进於室户外之右东面跪读祝文曰维某年岁次月朔日子孝侄开元神武皇帝臣讳敢昭告於皇伯考中宗孝和皇帝皇伯妣和思皇后赵氏气序流迈时维孟春永怀罔极伏增远感谨以一元大武柔毛刚鬣明粢芻合芻苽嘉蔬嘉荐醴齐敬修时享以申追慕尚飨读祝讫兴皇帝再拜讫又再拜初读祝文讫乐作太祝入奠版於神座出还尊所皇帝拜讫乐止太常卿引皇帝诣睿宗尊彝所执尊者举冪侍中取爵於坫进皇帝受爵侍中赞酌醴齐讫景云之舞作太常卿引皇帝入诣睿宗神座前北向跪奠爵少东俛伏兴太常卿又引皇帝出取爵於坫酌醴齐太常卿引入诣神座前北向跪奠爵少西兴太常卿引皇帝出户北向立乐止太祝持版进於室户外之右东面跪读祝文曰维某年岁次月朔日孝子开元神武皇帝臣讳敢昭告於皇考睿宗大圣真皇帝皇妣昭成皇后窦氏气序流迈时维孟春永怀罔极伏增远感谨以一元大武柔毛刚鬣明粢芻合芻苽嘉蔬嘉荐醴齐敬修时享以申追慕尚飨读讫兴皇帝再拜讫又再拜初读祝文讫乐作太祝入奠版於神座出还尊所皇帝拜讫曲终乐止太常卿引皇帝诣东序西向立壽和之乐作皇帝献将讫谒者引司徒诣东阶升立於前楹间北面东上皇帝献讫诸太祝各以爵酌上尊福酒合置一爵一太祝持爵授侍中侍中受北向进皇帝再拜受爵跪祭酒啐酒奠爵俛伏兴诸太祝各帅斋郎持俎进太祝减神前三牲胙肉【各取前脚第二骨】加於俎又以筮取稷黍饭还尊所以胙肉各共置一俎上以饭共置一筮以饭授司徒司徒奉进皇帝受以授左右太祝又以胙肉授司徒司徒受俎以次进皇帝每受以授左右谒者引司徒司徒降复位皇帝跪取爵遂饮卒爵侍中进受虚爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自阼阶还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初皇帝将复位谒者引太尉诣盥洗盥手洗爵讫谒者引太尉升自阼阶诣献祖尊彝所执尊者举冪太尉酌盥齐武舞作谒者引太尉入诣献祖神座前北向跪奠爵少东兴谒者引太尉出户北向再拜谒者又引太尉取爵於坫酌盥齐讫谒者引入诣神座前北向跪奠爵少西讫兴谒者引太尉出户北向再拜讫谒者引太尉次诣懿祖尊彝所取爵於坫执尊者举冪太尉酌盥齐谒者引太尉入诣懿祖神座前北向跪奠爵少东兴谒者引太尉出户北向再拜谒者又引太尉取爵於坫酌盥齐讫谒者引入诣神座前北向跪奠爵少西讫兴谒者引太尉出户北面再拜谒者引太尉次献太祖次献代祖次献高祖次献太宗次献高宗次献中宗次献睿宗并如上仪

乞谒者引诣东序西向立诸太祝各以爵酌鬯福酒合置一爵一太祝持爵进太尉之左北面立太尉再拜受爵跪祭酒遂饮卒爵太祝进受虚爵复於坵太尉兴再拜谒者引太尉降复位初太尉献将毕谒者引光禄卿诣鬯洗盥洗升酌盎齐终献如亚献之仪讫引光禄卿降复位武舞止登歌作雍和之乐诸太祝各入室彻豆还尊所【彻者筮豆各一少移於故取处】登歌止奉礼曰赐胙赞者唱衆官再拜衆官在位者皆再拜【已饮福者不拜】永和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏礼毕太常卿引皇帝还大次乐作皇帝出门乐止殿中监受镇珪华盖侍卫如常仪通事舍人谒者赞引各引享官及九庙子孙从享羣官诸方客使以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出太庙令与太祝宫闈令纳神主如常仪其祝版燔於斋坊

祭七祀礼【各因时享祭之惟中溜季夏别祭】

司命户以春竈以夏中溜以季夏土王日门厉以秋行以冬祭日未明一刻太庙令帅其属入布神席於庙庭西门之内道南东向以北为上席皆以莞设神位各於座首设酒尊於神座东南设洗於酒尊东南俱北向鬯水在洗东篚在洗西南肆【篚实以巾爵】太庙令与良醢令之属入实尊鬯如常其执尊鬯篚者各位於尊鬯篚之後初太祝以下入祝史与执尊鬯篚者次入就位遂於堂上设饌大官丞引饌入祝史迎引於座首各设於神座前於光禄卿将升献赞引引献官诣鬯洗盥洗诣酒尊所执尊者举冪献官酌酒赞引引献官进西向跪奠于司命神座少退西向立祝史持版进神座之右北面跪读祝文曰维某年岁次月朔日子嗣开元神武皇帝遣某官位姓名敢昭告于司命三阳煦物四序惟始式遵常礼谨以牺齐粢盛庶品明荐於司命尚飨户云时惟岁首升阳赞滞竈云时惟夏始盛阳作统门云时惟孟秋升阴纪物厉云时属实沉气序方肃行云时惟冬首盛陰作纪读祝文讫兴献官再拜祝史进奠版於神坐还尊所【其七祀祝版祝史一人读之】献官拜讫赞引引献官诣酒尊所酌献户如上仪讫赞引引还本位於堂上彻豆祝史进彻豆还尊所腊享祝文维某年岁次月朔日子孝曾孙开元神武皇帝某敢昭告於献祖宣皇帝祖妣宣庄皇后张氏肃承灵佑锡兹介福时和年登率遵彝典谨以一元大武柔毛刚鬣明粢芻合芻其嘉蔬嘉荐醴齐恭斋栗备兹清祀尚飨【余室祝文准此太祖以下称臣】腊享祭七祀祝文维某年岁次月朔日子嗣开元神武皇帝谨遣某官姓名敢昭告於司命竈中溜门厉行今时和年丰式遵常礼以牺齐粢盛庶品明荐於司命户竈中溜门厉行尚飨献官惟献司命余坐斋郎助奠余如上仪

銮驾还宫

皇帝既还大次侍中版奏请解严【将士不得辄离部位】皇帝停大次一刻顷搥一鼓为一严转仗卫於还途如来仪三刻顷搥二鼓为再严将士布队仗侍中版奏请中严皇帝服通天冠绛纱袍诸享官服朝服五刻顷搥三鼓为三严通事舍人各引羣官客使序立於大次前近南文武侍臣诣大次奉迎乘黄令进金辂於大次门外南向千牛将军立於辂右侍中版奏外办太仆卿升执轡皇帝乘輿出次繖扇侍卫警蹕如常仪皇帝升辂太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎赞者夹引千牛将军夹辂而趋

至侍臣上马所黄门侍郎奏称请銮驾权停敕侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾发引退复位鼓传音銮驾动鼓吹振作而还文武等羣官皆从如来仪诸方客使还馆驾至承天门外侍臣下马所銮驾权停文武侍臣皆下马千牛将军降立於轂右讫銮驾动千牛将军夹轂而趋驾入嘉德门太乐令令撞蕤宾之钟在五钟皆应鼓祝奏采茨之乐至太极门戛敌乐止入太极门鼓祝奏太和之乐驾至横街北当上合门回轂南向侍中进当銮驾前跪奏称侍中臣某言请降轂俛伏兴还侍位皇帝降轂乘輿以入繖扇侍卫警蹕如常仪侍臣从至合戛敌乐止初文武羣官至东朝堂通事舍人承旨敕羣官并还皇帝既入侍中版奏请解严叩钲将士各还其所

大唐开元礼卷三十七

卷三十八

钦定四库全书

大唐开元礼卷三十八 唐 萧嵩等 撰吉礼

时享於太庙有司摄事

斋戒 陈设

省牲器 晨裸

馈食 祭七祀

斋戒

凡一岁五享於太庙【四时孟月及腊】将享有司卜日如别仪前享七日平明太尉誓百官於尚书省曰某月某日时享於太庙各扬其职不供其事国有常刑凡预享之官散斋四日致斋三日【散斋皆於正寝致斋二日於本司一日於享所其无本司者皆於享所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事诸享官致斋之日官给酒食及明衣各习礼於斋坊所光禄卿监取明水火【太官令取水於陰鉴取火於阳燧火以供?水以实尊】前享一日诸卫令其属未後一刻各以其方器服守卫庙门【每门二人每隅一人】与太乐工人俱清斋一宿

陈设

前享三日右校清扫内外守宫设享官公卿以下次於斋坊之内前享二日太乐令设宫悬之乐於庙庭东方西方磬簠起北钟簠次之南方北方磬簠起西钟簠次之设十二罇钟於编悬之间各依辰位树路鼓於北悬之内道之左右植建鼓於四隅置祝敌於悬内祝在左敌在右设歌钟歌磬於庙堂之上前楹间北向磬簠在西钟簠在东其匏竹者立於阶间重行北向相对为首【凡悬皆展而编之】诸工人各位於悬後东方西方以北为上南方北方以西为上前享一日奉礼设享官公卿位於东门之内道北执事位於道南每等异位俱重行西面以北为上设御史位於庙堂之下一位於东南西向一位於西南东向令史各於其後设奉礼位於乐悬东北赞者二人在南差退俱西面设协律郎位於庙堂之上前楹间近西东向设太乐令位於北悬之间北向设门外位享官公卿以下皆於东门之外道南每等异位重行北面西上设牲腍於东门之外当门西向以南为上设廩牺令位於牲西南史陪其後俱北向设诸太祝位於牲东各当牲後祝史各陪其後俱西向设太常卿省牲位於牲前近北又设御史位於太常卿之西俱南向设尊彝之位於庙堂上前楹间各於室户之左北向春夏每室鸡彝一鸟彝一牺尊二象尊二山罍二秋冬每室斚彝一黄彝一着尊二壶尊二山罍二皆加勺罍【凡

宗庙冪皆以黼】皆西上各有坫【以置瓚爵】设簋鉶登笾豆之位于庙堂之上俱东侧阶之北每坐四簋居前四簋次之次以六登次以六鉶笾豆为後每坐异之皆以南为上屈陈而下设洗於东阶东南北向盥水在洗东筐在洗西南肆【筐实以珪瓚巾爵】执尊盥筐冪者位於尊盥筐冪之後

省牲器

省牲之日午後十刻庙所诸卫之属禁断行人太庙令整拂神座幄晡後二刻太庙令帅府史二人及斋郎以尊坫盥洗筐冪及笾豆鉶登入设於位加以巾盖【诸器物皆濯而陈之】晡後三刻诸太祝与廩牺令以牲就腍位谒者引太常卿赞引引御史入诣东阶升遍视涤濯於上【凡导引者每曲一逡巡於视涤濯执尊者皆举冪】讫引降就省牲位南向立廩牺令少前请省牲退复位太常卿省牲廩牺令又前北面举手曰腍还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饌申视濯溉赞引引御史就厨省饌【太常卿已下每事讫各还斋所】进饌者入彻笾豆簋簠鉶登以出享日未明十五刻太官令帅宰人以釜刀割牲祝史各取毛血洗肝於郁鬯又取腍膋每座共实一豆俱置於饌所【腍膋肠间脂】

晨裸

享日未明四刻诸享官各服其服太庙令良醢令各帅其属入实尊盥【鸡彝斚彝及牺尊象尊壶尊上尊皆实以明水山盥之上尊实以玄酒鸟彝黄彝实以郁鬯牺尊实以醴齐象尊壶尊实以盎齐山盥实以清酒】太官令帅进饌者实诸笾豆享日未明三刻奉礼帅赞者先入就位赞引引御史博士太庙令宫闾令诸太祝及令史祝史与执尊盥筐冪者入自东门当阶间重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊盥筐冪者各就位赞引引御史诸太祝诣东陛升堂行扫除於上令史祝史行扫除於下讫引就位未明二刻赞引引太庙令太祝宫闾令自东陛升堂诣献祖室入开庑室太祝宫闾令奉出神主置於座讫引太庙令太祝以下次奉出懿祖次奉出太祖次奉出代祖次奉出高祖次奉出太宗次奉出高宗次奉出中宗次奉出睿宗神主置於座如献祖之仪【皇祖妣以下神主皆宫闾令奉出俱同坐并列而处右】讫引太庙令以下降复位未明一刻谒者赞引各引享官俱就东门外位太乐令帅工人二舞次入就位文舞入陈於悬内武舞立於悬南道西【其升堂者皆脱履於下降纳如常】谒者引司空入就位立定奉礼曰再拜司空再拜讫谒者引司空诣东陛升堂行扫除於上降行乐悬於下讫引复位初司空行乐悬谒者赞引各引享官以下次入就位立定奉礼曰衆官再拜衆官在位者皆再拜【其先拜者不拜】谒者进太尉之左白称有司谨具请行事退复位協律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏永和之乐乃以黄钟之均作文舞之舞乐舞九成【黄钟三奏大吕太簇应钟各再奏】偃麾戛敔乐止【凡乐皆協律郎举麾工鼓祝而後作偃麾戛敔而後止】奉礼曰衆官再拜衆官皆再拜谒者引太尉诣盥洗盥手洗瓚讫谒者引太尉升自东陛诣献祖尊彝所执尊者举冪太尉酌郁酒讫登歌作肃和之乐以圜钟之均【自後登歌皆歌圜钟】谒者引太尉入诣献祖神座前北向跪以鬯裸地奠讫兴谒者引

太尉出户北向再拜讫谒者引太尉以次裸懿祖次裸太祖次裸代祖次裸高祖次裸太宗次裸高宗次裸中宗次裸睿宗并依上仪讫登歌止谒者引太尉降复位初衆官拜讫祝史各奉毛血及肝膋之豆立於东门外斋郎奉炉炭萧稷黍各位於肝膋之後於登歌止祝史奉毛血肝膋与奉炉炭萧稷黍者以次入自正门升自泰阶诸太祝各迎毛血肝膋於陛上俱入奠於神座前祝史退立於尊所斋郎奉炉炭皆置於室户外之左其萧稷黍各置於炉炭下降自阼阶以出诸太祝俱取肝膋出户燔於炉炭还尊所

馈食

太尉既升裸太官令出帅进饌者奉饌陈於东门之外重行西向以南为上谒者引司徒出诣饌所司徒奉献祖之俎初太尉既至位太官令引饌入自正门俎初入门雍和之乐作以无射之均【自後接神之乐堂下皆奏无射】饌至泰阶乐止祝史俱进彻毛血之豆降自阼阶以出饌升诸太祝迎引於陛上各设於神座前【笾豆盖幂先彻乃升簠簋既奠却其盖於下】设讫谒者引司徒以下降自阼阶复位诸太祝各取萧稷黍揉肝燔於炉炭还尊所谒者引太尉诣盥洗盥手洗爵讫谒者引太尉升自阼阶诣献祖尊彝所执尊者举幂太尉酌醴齐讫光大之舞作谒者引太尉入诣献祖神座前北向跪奠爵少东兴谒者又引太尉取爵于坫酌醴齐讫谒者引入诣神座前北向跪奠爵少西兴谒者引太尉出户北向立乐止太祝持版进於室户外之右东面跪读祝文曰维某年岁次月朔日子孝曾孙开元神武皇帝某谨遣太尉封臣名敢昭告於献祖宣皇帝祖妣宣庄皇后张氏气序流迈时惟孟春【孟夏孟秋孟冬】永怀罔极伏增远感谨以一元大武柔毛刚鬣明粢苽合苽苽嘉蔬嘉荐醴齐敬修时享以申追慕尚飨【余室祝文准此太祖以下称臣】讫兴太尉再拜讫又再拜初读祝文讫乐作太祝入奠版於神座出还尊所太尉拜讫乐止谒者引太尉诣懿祖尊彝所取爵於坫执尊者举幂太尉酌醴齐讫长发之舞作谒者引太尉入诣懿祖神座前北向跪奠爵少东兴谒者又引太尉出取爵於坫酌醴齐讫谒者引入诣神座前北向跪奠爵少西兴谒者引太尉出户外向北立乐止太祝持版进於室户外之右东面跪读祝文讫兴太尉再拜讫又再拜初读祝文讫乐作太祝入奠版於神座出还尊所太尉拜讫乐止谒者引太尉诣太祖尊彝所取爵於坫执尊者举幂太尉酌醴齐讫大政之舞作谒者引太尉入诣太祖神座前北向跪奠爵少东兴谒者又引太尉出取爵於坫酌醴齐讫谒者引入诣神座前北向跪奠爵少西兴谒者引太尉出户北向立乐止太祝持版进於室户外之右东面跪读祝文讫兴太尉再拜讫又再拜初读祝文讫乐作太祝入奠版於神座出还尊所太尉拜讫乐止谒者引太尉诣代祖尊彝所取爵於坫执尊者举幂太尉酌醴齐讫大成之舞作谒者引太尉入诣代祖神座前北向跪奠爵少东兴谒者又引太尉出取爵於坫酌醴齐讫谒者引入诣神座前北向跪奠爵少西兴谒者引太尉出户北向立乐止太祝持版进於室户外之右东面跪读祝文讫兴太尉再拜讫又再拜初读祝文讫乐作太尉拜讫乐止谒者引太尉诣高祖尊彝所取爵於坫执尊者举幂太尉酌醴齐讫大明之舞作谒者引太尉入诣高祖神座前北向跪奠爵少东兴谒者又引太尉出取爵於坫酌醴齐讫谒者引入诣神座前北向跪奠爵少西兴谒者引太尉出户北向立乐终八节止太祝持版进於室户外之右东面跪读祝文讫兴太尉再拜讫又再拜初读祝文讫乐作太祝入奠版於神座出还尊所太尉拜讫曲终乐止谒者引太尉诣太宗尊彝所取爵於坫执尊者举幂太尉酌醴齐讫崇德之舞作谒者引太尉入诣太宗神座前北向跪奠爵少东兴谒者

又引太尉出取爵於坫酌醴齐讫谒者引入诣神座前北向跪奠爵少西兴谒者引太尉出户北面立乐终八节止太祝持版进於户外之右东面跪读祝文讫兴太尉再拜讫又再拜初读祝文讫乐作太祝入奠版於神座还尊所太尉拜讫曲终乐止谒者引太尉诣高宗尊彝所取爵於坫执尊者举冪太尉酌醴齐讫钧天之舞作谒者引太尉入诣高宗神座前北面跪奠爵少东兴谒者又引太尉出取爵於坫酌醴齐讫谒者引入诣神座前北向跪奠爵少西兴谒者引太尉北向立乐终八节止太祝持版进於户外之右东面跪读祝文讫兴太尉再拜讫又再拜初读祝文讫乐作太祝入奠版於神座还尊所太尉拜讫曲终乐止谒者引太尉诣中宗尊彝所取爵於坫执尊者举冪太尉酌醴齐讫文和之舞作谒者引太尉入诣中宗神座前北向跪奠爵少东兴谒者又引太尉出取爵於坫酌醴齐讫谒者引入诣神座前北向跪奠爵少西兴谒者引太尉出户北向立乐终八节止太祝持版进於户外之右东面跪读祝文讫兴太尉再拜讫又再拜初读祝文讫乐作太祝入奠版於神座出还尊所太尉拜讫曲终乐止谒者引太尉诣东序西向立诸太祝各以爵酌鬯福酒合置一爵一太祝进太尉之左北向立太尉再拜受爵跪祭酒啐酒奠爵兴诸祝史各帅斋郎进俎大祝减神前三牲胙肉【皆取前脚第二骨】加於俎又以筯取稷黍饭还尊所以胙肉共置一俎上以饭共置一筯以饭授太尉太尉以授斋郎又以三牲胙肉以次授太尉太尉受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止太尉将复位谒者引太常卿诣盥洗盥手洗爵讫谒者引太常卿升自阼阶诣献祖尊彝所执尊者举冪太常卿酌盥齐武舞作谒者引太常卿入诣献祖座前北面跪奠爵少东兴谒者引太常卿出户北向再拜讫谒者又引太常卿取爵於坫酌盥齐讫谒者引入诣神座前北向跪奠爵少西讫兴谒者引太常卿出户北面再拜讫谒者引太常卿次诣懿祖尊彝所取爵於坫执尊者举冪太常卿酌盥齐讫谒者引太常卿入诣懿祖神座前北向跪奠爵少东兴谒者引太常卿出户北向再拜讫谒者又引太常卿取爵於坫酌盥齐讫谒者引入诣神座前北向跪奠爵少西讫兴谒者引太常卿出户北面再拜谒者引太常卿次献太祖次献代祖次献高祖次献太宗次献高宗次献中宗次献睿宗并如上仪讫谒者引太常卿诣东序西向立诸太祝各以爵酌鬯福酒合置一爵一太祝持爵进太常卿之左北向立太常卿再拜受爵跪祭酒遂饮卒爵太祝进受爵复於坫太常卿兴再拜讫谒者引太常卿降复位太常卿献将毕谒者引光禄卿诣盥洗盥洗升酌盥齐终献如亚献之仪讫光禄卿降复位武舞止登歌作雍和之乐诸太祝各入室彻豆还尊所【彻者筯豆各一少移于故处】登歌止奉礼曰赐胙赞者唱衆官再拜衆官在位者皆再拜【已饮福受胙者不拜】永和之乐作奉礼曰衆官再拜衆官在位者皆再拜乐一成止谒者进太尉之左白礼毕谒者赞引各引享官以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出太庙令与太祝宫闾令纳神主如常仪其祝版燔於斋坊

祭七祀礼【各因时享祭之惟中溜季夏】

司命户以春竈以夏门厉以秋行以冬祭日未明一刻太庙丞帅其属入布神席於庙庭西门之内道南东向以北为上席皆以莞设神位各於座首设酒尊於神座东南设洗於酒尊东南俱北向罍水在洗东篚在洗西南肆【篚实以巾爵】太庙令与良醞令之属入实尊罍如常其执尊罍篚者各位於尊罍篚之後初太祝以下入祝史与执尊罍篚者次入就位遂於堂上设饌太官丞引饌入祝史迎引于座首各设於神座前於光禄卿将升献赞引引献官诣罍洗盥洗诣酒尊所执尊者举罍献官酌酒赞引引献官进西面跪奠於司命神座少退西向立祝史持版进神座之右北面跪读祝文曰维某年岁次月朔日子嗣开元神武皇帝遣具位姓名敢昭告於司命三阳煦物四序惟始式遵常礼以牺齐粢盛庶品明荐於司命尚飨户云时惟岁首升阳赞滞竈云时惟夏始盛阳作统门云时惟孟秋升陰纪物厉云时属实沉气序方肃行云时惟冬首盛陰作纪读祝文讫兴献官再拜祝史进奠版於神座还尊所【其七祀祝版祝史一人读之】献官再拜赞引引献官诣酒尊所酌酒献户如上仪讫赞引引还本位於堂上彻豆祝史进彻豆还尊所腊享祭文维某年岁次月朔日子孝曾孙开元神武皇帝某谨遣太尉封臣名敢昭告于皇祖某諡祖妣某氏肃承灵佑锡兹介福时和年登率遵彝典谨以一元大武柔毛刚鬣明粢芻合芻苢嘉蔬嘉荐醴齐?恭斋栗备兹清醴尚飨【余室祀文准此太祖以下称臣】腊享祭七祀文维某年岁次月朔日子嗣开元神武皇帝遣其位姓名敢昭告於司命户竈中溜门厉行今时和年丰式遵常礼谨以牺齐粢盛庶品明荐於司命户竈中溜门厉行尚飨献官惟献司命余座斋郎助奠行事如上仪

大唐开元礼卷三十八

卷三十九

<史部,政书类,仪制之属,大唐开元礼>

钦定四库全书

大唐开元礼卷三十九 唐 萧嵩等 撰吉礼

皇帝祫享於太庙

斋戒 陈设

省牲器 銮驾出宫

晨裸 馈食

祭七祀 功臣配享

銮驾还宫

斋戒

宗庙三年一祫以孟冬将享有司卜日如别仪前享七日平明太尉誓百官於尚书省曰某月某日祫享於太庙各扬其职不供其事国有常刑皇帝散斋四日於别殿致斋三日于太极殿前致斋一日尚舍奉御设御幄於太极殿西序及室内俱东向尚舍直长张帷于前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各督其队入陈於殿庭如常仪通事舍人引文武五品以上袴褶陪位如式诸侍卫之官各服其器服诸侍臣并结佩俱诣合奉迎侍中版奏外办上水三刻皇帝服通天冠绛纱袍结佩乘舆出自西房曲直华盖警蹕侍卫如常仪皇帝即御坐东向坐侍臣夹侍如常一刻顷侍中前跪奏称侍中臣某言请降就斋室俯伏兴还侍位皇帝降坐入室文武侍臣各还省直卫者如常通事舍人引陪位者以次出凡预享之官散斋四日致斋三日【散斋皆于正寝致斋二日于本司一日于祀所其无本司者皆于祀所】近侍之官应从升者及从享羣官诸方客使各於本司及公馆清斋一宿九庙子孙各於其第清斋一宿【无本司者皆于正寝】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事诸享官致斋之日给酒食及明衣各习礼於斋所光禄卿监取明水火【太官令取水于阴监取火于阳燧火以供?水以实尊】前享一日诸卫令其属未後一刻各以其方器服守卫庙门【每门二人每隅一人】与太乐工人俱清斋一宿

陈设

前享三日尚舍直长施大次於庙东门之外道北南向尚舍奉御舖御座守宫设文武侍臣次於大次之後文官在左武官在右俱南向设诸享官次於斋坊之内九庙子孙於斋坊内近南西向北上文官九品以上於斋坊之南东方南方蕃客又於其南俱每等异位重行西向北上介公鄘公於庙西门之外近南武官九品以上於介公鄘公之南西方北方藩客又於其南俱每等异位重行东向北上【其褒圣侯於文官三品之下若有诸州使人分方位于文武官之後】前享二日太乐令设宫悬之乐於庙庭东方西方磬簠起北钟簠次之南方北方磬簠起西钟簠次之设十二鐃钟於编悬之间各依辰位树路鼓於北悬之内道之左右植建鼓於四隅置祝敔於悬内祝在左敔在右设歌钟歌磬於庙堂之上前楹间北向磬簠在西钟簠在东其匏竹者立於陛间重行北向相对为首【凡悬皆展而编之】诸工人各位於悬後东方西方以北为上南方北方以西为上右校清扫内外前享一日奉礼设御位於庙堂东陛东南西向设享官公卿位於东门之内道南执事者位於其後每等异位俱重行西向以北为上设御史位於庙堂之下一位於东南西向一位於西南东向令史各陪其後设奉礼位於乐悬东北赞者二人在南差退俱西面设協律郎位於庙堂上前楹之间近西东向设太乐令位於北悬之间北向设从享之官位九庙子孙於享官公卿之南昭穆异位【虽有贵者以齿】文官九品以上位於子孙之南东方南方蕃客又於其南俱每等异位重行西面北上介公鄘公位於西门之内道南武官九品以上於介公鄘公之南少西当文官西方北方蕃客又於其南俱每等异位重行东面北上【其褒圣侯于文官三品之下若有诸州使人分方位于文武官之後】设牲牓於东门之外当门西向以南为上设廩牺令位於牲西南史陪其後俱北向设诸太祝位於牲东各当牲後祝史各陪其後俱西向设太常卿省牲位於牲前近北又设御史位於太常卿之西俱南向设尊彝之位於庙堂之上下每座彝一黄彝一牺尊二象尊二着尊二山罍二在堂上皆於神座之左献祖太祖高祖高宗尊彝在前楹间北向懿祖代祖太宗中宗睿宗尊彝在户外南向各有坫焉【以置瓚爵】其壶尊二太尊二山罍四皆在堂下阶间北向西上设簋簠鉶筯豆之位於庙堂之上俱东侧阶之北每坐四簋居前四簠次之次以六登次以六鉶筯豆为後每座异之皆以南为上屈陈而下设御洗於东陛东南亚献之洗又於东南俱北向罍水在洗东篚在洗西南肆【篚实以珪瓚巾爵】执尊罍篚冪者各位於尊罍篚冪之後享日未明五刻太庙令服其服布昭穆之坐於户外自西序以东皇八代祖献祖宣皇帝皇六代祖太祖景皇帝皇高祖高祖神尧皇帝皇祖高宗天皇大帝坐北厢南面皇七代祖懿祖光皇帝皇五代祖代祖元皇帝皇曾祖太宗文武圣皇帝皇伯孝中宗孝和皇帝皇考睿宗大圣真皇帝坐南厢北面每坐皆设黼黻莞席纷纯藻席画纯次席黼纯左右几

省牲器

省牲之日午後十刻庙所诸卫之属禁断行人晡後二刻太庙令丞帅府史三人及斋郎以尊坫罍洗篚冪及筯豆簋簠鉶入设於位加以巾盖【诸器物皆濯而陈之其升堂者自东阶】晡後三刻诸太祝与廩牺令以牲就牓位谒者引太常卿赞引引御史入诣东阶升遍视涤濯於上【凡导引者每曲一逡巡於视濯执尊者皆举冪告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎饌申视濯溉赞引引御史就厨省饌具【太常以下每事讫各还斋所】进饌者入彻筯

豆簋鉶以出享日未明十五刻太官令帅宰人以鸾刀割牲祝史各取毛血每坐共实一豆遂烹牲祝史洗肝於郁鬯又取腍膋每坐共实一豆俱置於饌所

銮驾出宫

前出宫三日本司宣摄内外各供其职守宫设从享羣官五品以上次於承天门外东西朝堂如常前三日太乐令设宫悬之乐於殿庭如常仪【驾出悬而不作】享日未明七刻撻一鼓为一严【三严时节前一日侍中奏裁】侍中奏开宫门及城门未明五刻撻二鼓为再严侍中版奏请中严奉礼郎设从享羣官五品以上位文官於东朝堂之前西向武官於西朝堂之前东向俱重行北上从享羣官五品以上俱集朝堂次各服其服【其六品以下及介公鄯公褒圣侯九庙子孙诸方客使等并驾发之前预赴享所俱就次各服其服】所司陈大驾卤簿如别仪未明二刻撻三鼓为三严诸卫之属各督其队与鉞戟以次入陈於殿庭通事舍人引从享羣官各就朝堂前位诸卫侍之官各服其器服侍中中书令以下俱诣西阶奉迎【侍中负宝如式】乘黄令进玉辂於太极殿西阶之前南向千牛将军一人执长刀立於辂前北向黄门侍郎一人在侍臣之前赞者二人在黄门之前侍中版奏外办太仆卿备衣而升正立执轡皇帝袞冕乘輿以出降自西阶称警蹕如常仪千牛将军前执轡皇帝升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾进发俯伏兴退复位【凡黄门侍郎奏请皆当銮驾前跪奏具官臣某言讫俛兴】銮驾动又称警蹕黄门侍郎与赞者夹引以出千牛将军夹辂而趋驾出顺天门至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从在黄钺内侍中中书令以下夹侍於路前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾进发退复位銮驾动称警蹕鼓传音如常不鸣鼓吹不得諠譁其从享之官在玄武队後如常仪

晨裸

享日未明四刻诸享官各服其服太庙令良醢令各帅其属入实尊罍【皐彝及五齐之上尊皆实以明水山罍之上尊皆实以玄酒黄彝实以郁鬯牺尊实以泛齐象尊实以醴齐着尊实以盎齐壶尊实以醢齐太尊实以沈齐山罍实以清酒】太官令帅进饌者实诸笾豆簠簋未明三刻奉礼帅赞引者先入就位赞引引御史博士宫闾令太祝及令史祝史与执尊罍篚冪者入自东门当阶间重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊罍篚冪者各就位赞者赞引引御史诸太祝诣东陛升堂行扫除於上令史祝史行扫除於下讫引就位立定太庙令帅其属陈瑞物於庙庭泰阶之西上瑞为前列次瑞次之下瑞为後列又陈伐国所得宝器上次先後亦如之皆北向西上俱藉以席【所司各守之】未明二刻陈腰輿於东阶之东每室各二皆西向北上立定赞引引太庙令太祝宫闾令内外执事者以腰輿自东陛升堂诣献祖室入开埴室太祝宫闾令奉出神主各置於輿出诣坐前奉神主置于座讫引太庙令以下次奉出懿祖次奉出太祖次奉出代祖次

奉出高祖次奉出太宗次奉出高宗次奉出中宗次奉出睿宗神主於座如献祖之仪【皇祖妣以下神主俱宫闈令奉出并坐处右位】讫引太庙令以下各复位驾将至谒者赞引各引享官通事舍人分引从享羣官九庙子孙诸方客使先至者皆就门外位驾至大次门外回路南向将军降立於路右侍中进当銮驾前跪奏称侍中臣某言请降辂俛伏兴还侍位皇帝降辂乘輿之大次繖扇华盖侍卫如常仪太庙令以祝版御署讫近臣奉出太庙令受各奠於坫通事舍人引文武五品以上从享之官皆就门外位太乐令帅工人二舞次入就位文舞入陈於悬内武舞立於悬南道西【其升堂者皆脱屣于下降纳如常】谒者引司空入就位立定奉礼曰再拜司空再拜讫谒者引诣东陛升堂行扫除於上降行乐悬于下讫引复位初司空行乐悬谒者赞引各引享官通事舍人分引九庙子孙从享羣官诸方客使入就位皇帝停大次半刻顷太常博士引太常卿立於大次门外当门北向侍中版奏外办皇帝出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引】至庙门外殿中监进镇珪皇帝执镇珪华盖仗卫停於门外近侍者从入如常皇帝至版位西向立【每立定太常卿与博士退立于左】太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位協律郎跪俛伏举麾【凡取物者皆跪俛而取以兴奠物则奠讫俛伏而後兴】鼓祝奏永和之乐乃以黄钟为宫大吕为角太簇为徵应钟为羽作文舞之舞乐舞九成【黄钟三奏大吕太簇应钟各再奏】偃麾戛敔乐止【凡乐皆协律郎举麾工鼓祝而後作偃麾戛敔而後止】太常卿前奏称请再拜退复位皇帝再拜奉礼曰衆官再拜衆官在位者皆再拜太常卿引皇帝诣盥洗太和之乐作【皇帝每行皆作太和之乐】皇帝至盥洗乐止侍中跪取匱兴沃水又侍中跪取盘兴承水皇帝搢镇珪【凡受物皆搢镇珪奠讫执珪俛兴】皇帝盥手黄门侍郎跪取巾於匱兴进皇帝手黄门侍郎受巾跪奠於匱黄门侍郎又取瓚於匱兴进皇帝受瓚侍中酌盥水又侍中奉盘皇帝洗瓚黄门侍郎又授巾皆如初皇帝拭瓚讫侍中奠盘黄门侍郎受巾奠於匱皆如常太常卿引皇帝乐作皇帝升自阼阶乐止侍中中书令以下及左右侍卫量人从升【以下皆如之】太常卿引皇帝诣献祖尊彝所执尊者举冪侍中赞酌郁鬯讫登歌作肃和之乐以圜钟之均【自後登歌皆歌圜钟】太常卿引皇帝进献祖神座前北向跪以鬯裸地奠之俯伏兴太常卿引皇帝少退北向再拜讫太常卿引皇帝诣懿祖尊彝所执尊者举冪侍中取瓚於坫进皇帝受瓚侍中赞酌郁酒讫太常卿引皇帝进懿祖神座前南向跪以鬯裸地奠之俛伏兴太常卿引皇帝少退南向再拜讫太常卿引皇帝次祿太祖次祿代祖次祿高祖次祿太宗次祿高宗次祿中宗次祿睿宗并如上仪讫登歌止太常卿引皇帝乐作皇帝降自阼阶还版位西向立乐止初羣官拜讫祝史各奉毛血及肝膋之豆立於东门外斋郎奉炉炭萧稷黍各立於肝膋之後於登歌止祝史奉毛血肝膋与奉炉炭萧稷黍者以次入自正门升自泰阶诸太祝各迎取毛血肝膋於阶上俱进奠於神座前祝史退立於尊所斋郎奉炉炭皆置於神座之左直神座间其萧稷黍各置於炉炭下降自阼阶以出诸太祝俱取肝膋燔於炉炭还尊所

馈食

皇帝既升祿太官令出帅进饌者奉饌陈於东门之外重行西向以南为上谒者引司徒出诣饌所司徒奉献祖之俎初皇帝既至位乐止太官令引饌入自正门俎初入门雍和之乐作

以无射之均【自後接神乐堂上皆奏无射】饌至泰阶乐止祝史俱进彻毛血之豆降自阼阶以出饌升诸太祝迎引於阶上各设於神座前【笾豆盖幂先彻乃升簋簠既奠却其盖於下】设讫谒者引司徒降自阼阶复位诸太祝各取萧稷黍糯於脂燔於炉炭还尊所太常卿引皇帝至盥洗乐作皇帝至盥洗乐止皇帝盥手洗爵侍中黄门侍郎赞洗如晨裸之仪讫太常卿引皇帝乐作皇帝升自阼阶讫乐止太常卿引皇帝诣献祖尊彝所执尊者举幂侍中取爵於坫进皇帝受爵侍中赞酌泛齐讫光大之舞作太常卿引皇帝进献祖神坐前北向跪奠爵少东俛伏兴太常卿引又皇帝取爵於坫酌泛齐讫太常卿引皇帝进神座前北向跪奠爵少西讫兴太常卿引皇帝少退北向立乐止太祝持版进於神座之右东面跪读祝文曰维某年岁次月朔日子孝曾孙开元神武皇帝某敢昭告於献祖宣皇帝祖妣庄宣皇后张氏晷度环周岁序云及永怀追慕伏增远感谨以一元大武柔毛刚鬣明粢芻合芻其嘉蔬嘉荐泛齐肃雍明献恭备祫享尚飨【余室祝文准此太祖以下称臣】讫兴皇帝再拜讫又再拜初读祝文讫乐作太祝进奠版於神座还尊所皇帝拜讫乐止太常卿引皇帝诣懿祖尊彝所执尊者举幂侍中取爵於坫进皇帝受爵侍中赞酌泛齐讫长发之舞作太常卿引皇帝进懿祖神坐前南向跪奠爵少西俛伏兴太常卿又引皇帝取爵於坫酌泛齐讫太常卿引皇帝进神座前南向跪奠爵少东讫兴太常卿引皇帝少退南向立乐止太祝持版进於神座之右西向跪读祝文讫兴皇帝再拜讫又再拜初读祝文讫乐作太祝进奠版於神座还尊所皇帝拜讫乐止太常卿引皇帝诣太祖尊彝所执尊者举幂侍中取爵於坫进皇帝受爵侍中赞酌泛齐讫大政之舞作太常卿进引皇帝诣太祖神座前北向跪奠爵少东俛伏兴太常卿又引皇帝取爵于坫酌泛齐讫太常卿引皇帝进神座前北向跪奠爵少西讫兴太常卿引皇帝少退北向立乐止太祝持版进於神座之右东面跪读祝文讫兴皇帝再拜讫又再拜初读祝文讫乐作太祝进奠版於神座还尊所皇帝拜讫乐止太常卿引皇帝诣代祖尊彝所执尊者取幂侍中取爵于坫进皇帝受爵侍中赞酌泛齐讫大成之舞作太常卿引皇帝进代祖神座前南向跪奠爵少西俛伏兴太常卿又引皇帝取爵於坫酌泛齐讫太常卿引皇帝进神座前南向跪奠爵少东俛伏兴太常卿引皇帝少退南向立乐终八节止太祝持版进於神座之右西向跪读祝文讫兴皇帝再拜讫又再拜初读祝文讫乐作太祝进奠版於神座还尊所皇帝拜讫曲终乐止太常卿引皇帝诣高祖尊彝所执尊者举幂侍中取爵於坫进皇帝受爵侍中赞酌泛齐讫大明之舞作太常卿引皇帝进高祖神座前北向跪奠爵少东俛伏兴太常引皇帝取爵於坫酌泛齐讫太常卿引皇帝进神座前北向跪奠爵少西兴太常卿引皇帝少退北向立乐止太祝持版进於神座之右东面跪读祝文讫兴皇帝再拜讫又再拜初读祝文讫乐作太祝进奠版於神座还尊所皇帝拜讫乐止太常卿引皇帝诣太宗尊彝所执尊者举幂侍中取爵於坫进皇帝受爵侍中赞酌泛齐讫崇德之舞作太常卿引皇帝进太宗神座前南向跪奠爵少西俛伏兴太常卿又引皇帝取爵於坫酌泛齐讫太常卿引皇帝进神座前南向跪奠爵兴太常卿引皇帝少退南向立乐止太祝持版进於神座之右西面跪读祝文讫兴皇帝再拜讫又再拜初读祝文讫乐作大祝进奠版於神座还尊所皇帝拜讫乐止太常卿引皇帝诣高宗尊彝所执尊者举幂侍中取爵於坫进皇帝受爵侍中赞酌泛齐钧天之舞作太常卿引皇帝进高宗神座前北向跪奠爵少东俛伏兴太常卿又引皇帝取爵於坫酌泛齐讫太常卿又引皇帝进神座前北向跪奠爵少西俛伏兴太常卿引皇帝少退北向立乐终八节止太祝持版进於神座之右东向跪读祝文讫兴皇帝再拜讫又再拜初读祝文讫乐作太祝进奠版於神座还尊所皇帝拜讫曲终乐止太常卿引皇帝诣中宗尊彝所执尊者举幂侍中取爵於坫进皇

帝受爵侍中赞酌泛齐讫太和之舞作太常卿引皇帝进中宗神座前南向跪奠爵少西俛伏兴太常卿又引皇帝取爵於坫酌泛齐讫太常卿引皇帝进神座前南向跪奠爵少东俛伏兴太常卿引皇帝少退南向立乐终八节止太祝持版进於神座之右西向跪读祝文讫兴皇帝再拜讫又再拜读祝文讫乐作太祝进奠版於神座还尊所皇帝拜讫曲终乐止太常卿引皇帝诣睿宗尊彝所执尊者举冪侍中取爵於坫进皇帝受爵侍中赞酌泛齐讫景云之舞作太常卿引皇帝进睿宗神座前南向跪奠爵少西俛伏兴太常卿又引皇帝取爵於坫酌泛齐太常卿引皇帝进神座前南向跪奠爵少东俛伏兴太常卿引皇帝少退南向立乐终八节止太祝持版进於神座之右西向跪读祝文讫兴皇帝再拜讫又再拜读祝文讫乐作太祝进奠版於神座还尊所皇帝拜讫曲终乐止太常卿引皇帝诣东序西向立壽和之乐作皇帝将献讫奉礼引司徒诣阼阶升立於前楹间北面东上皇帝献讫诸太祝各以爵酌上尊福酒合置一爵一太祝持爵授侍中侍中受爵北向进皇帝再拜受爵跪祭酒啐酒奠爵俛伏兴诸太祝各帅斋郎进俎太祝减神前三牲胙肉【各取前脚第二节】加於俎又以筯取稷黍饭兴还尊所以胙肉共置一俎上以饭共置一筯以饭授司徒司徒奉进皇帝受以授左右太祝又以胙肉授司徒司徒受俎以次进皇帝每受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自阼阶还版位西向立乐止文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止初皇帝将复位谒者引太尉诣罍洗盥手洗爵讫谒者引太尉升自阼阶诣献祖尊彝所执樽者举冪太尉酌醴齐讫武舞作谒者引太尉进献祖神坐前北向跪奠爵少东兴谒者引太尉少退北向再拜谒者又引太尉取爵於坫酌醴齐讫谒者引太尉进神座前北向跪奠爵少西讫兴谒者引太尉北向少退再拜讫谒者引太尉次诣懿祖樽彝所执樽者举冪太尉酌醴齐讫谒者引太尉进懿祖神座前南向跪奠爵少西兴谒者引太尉少退南向再拜谒者又引太尉取爵於坫酌醴齐讫谒者引太尉进神座前南向跪奠爵少东讫兴谒者引太尉少退南向再拜谒者引太尉次献太祖次献代祖次献高祖次献太宗次献高宗次献中宗次献睿宗并如上仪讫谒者引太尉诣东序西向立诸太祝各以爵酌罍福酒合置一爵一太祝持爵进太尉之左北向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉降复位初太尉献将毕谒者引光禄卿诣罍洗盥手洗爵升酌盎齐终献如亚献之仪讫引光禄卿降复位武舞止登歌作雍和之乐诸太祝各进彻豆还樽所【彻者筯豆各一少移於故处】登歌止奉礼曰赐胙赞者唱衆官再拜衆官在位者皆再拜【已饮福者不拜】永和之乐作太常卿前奏称再拜退复位皇帝再拜奉礼曰衆官再拜衆官在位者皆再拜乐一成止太常卿前奏礼毕太常卿引皇帝还大次乐作皇帝出门乐止殿中监前受镇珪华盖侍卫如常仪通事舍人谒者赞引各引享官九庙子孙及从享羣官诸方客使以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出太庙令与太祝宫闈令帅腰舆升纳神主如常仪其祝版燔於斋坊

祭七祀【其日总祭如腊享】

功臣配享

享日未明一刻太庙令布功臣神座於太庙庭吏部尚书赠司空郕国公殷开山光禄卿渝

国公刘政会开府仪同三司淮安靖王神通礼部尚书赠司空河间元王孝恭右配享高祖庙庭泰阶之东少南西向以北为上

司空赠太尉梁国文昭公房玄龄特进赠司空郑国文贞公魏徵洛州都督赠尚书左仆射蒋国忠公屈突通开府仪同三司赠司徒申国文献公高士廉

右配享太宗庙庭少南西向以北为上

司空太子师赠太尉英国贞武公李积中书令赠尚书右仆射高唐县公马周尚书左仆射兼太子少傅北平县公张行成

右配享高宗庙庭少南西向以北为上

侍中谯国公桓彦范侍中平阳郡公敬晖中书令兼吏部尚书汉阳郡公张柬之特进博陵郡公崔玄暉中书令南阳郡公袁恕已

右配享中宗庙庭少南西向以北为上

尚书左仆射太子少傅赠司空许国文贞公苏瓌尚书左丞相太子少保徐国公刘幽求

右配享睿宗庙庭少南西向以北为上

诸座各设版於座首【其版文各具题官爵姓名】每座各设壶樽二於左北上玄酒在西加勺冪置爵於樽下设洗於终献盥洗东南北向太庙令与良醢令以齐实樽如常堂上设饌讫太官令帅进饌者出奉饌入祝迎引於座左各设於座前太官令以下出祝还樽所亚献将毕赞引引献官诣盥洗盥手洗爵诣尊所执樽者举冪献官酌酒诸助奠者皆酌酒讫赞引引献官进诣首座前东面奠爵赞引引还本位於献官进奠诸助奠者各进奠於座还樽所於堂上彻豆祝进首座前彻豆还樽所

銮驾还宫

皇帝既还大次侍中版奏请解严【将士不得辄离部位】皇帝停大次一刻顷搥一鼓为一严转仗卫还涂如来仪三刻搥二鼓为再严将士布队仗侍中版奏请中严皇帝服通天冠绛纱袍诸享官服朝服五刻顷搥三鼓为三严谒者赞引各引侍臣诣大次奉迎乘黄令进辂於大次门外南向千牛将军立於辂右侍中版奏外办太仆卿升执轡皇帝乘舆出繖扇侍卫警蹕如常仪皇帝升路太仆卿立授绥黄门侍郎奏称请銮驾进发退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称

请銮驾进发退复位鼓传音銮驾动鼓吹振作而还文武羣官皆从如来仪诸方客使便还馆
驾至承天门外侍臣下马所銮驾权停文武侍臣皆下马千牛将军降立於辂右讫銮驾动千
牛将军夹辂而趋驾入嘉德门太乐令令撞蕤宾之钟左五钟皆应鼓祝奏采茨之乐至太极
门戛敔乐止入太极门鼓祝奏太和之乐驾至横街北当上阁门回辂南向侍中进当銮驾前
跪奏称侍中臣某言请降辂俯伏兴还侍立皇帝降辂乘舆以入繖扇侍卫警蹕如常仪侍臣
从至合戛敔乐止初文武羣官至东朝堂通事舍人承旨勅羣官并还皇帝既入侍中版奏请
严叩钲将士各还其所

大唐开元礼卷三十九

卷四十

钦定四库全书

大唐开元礼卷四十 唐 萧嵩等 撰吉礼

祫享於太庙有司摄事

斋戒 陈设

省牲器 晨裸

馈食 祭七祀

功臣配享

斋戒

宗庙三年一祫以孟冬将享有司卜日如别仪前享七日平明太尉誓百官於尚书省曰某月某日祫享於太庙各扬其职不供其事国有常刑凡预享之官散斋四日致斋三日【散斋於正寝致斋二日於本司一日於斋坊具无本司者皆於斋坊】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事诸享官致斋之日给酒食及明衣各习礼於斋所光禄卿监取明水火【太官令取水於阴鉴取火於阳燧火以供?水以实尊也】前祭一日诸卫令其属未後一刻各以其方器服守卫庙门【每门二人每隅一人】与太乐工人俱清斋一宿

陈设

前享三日守宫设享官公卿以下次於斋坊之内前享二日太乐令设宫悬之乐於庙庭东方西方磬簠起北钟簠次之南方北方磬簠起西钟?次之设十二鐃钟於编悬之间各依辰位树路鼓於北悬之内道之左右植建鼓於四隅置祝斂於悬内【祝在左斂在右】设歌钟歌磬於堂上前楹间北向磬?在西钟?在东其匏竹者立於阶间重行北面相对为首【凡悬皆展而编之】诸工人位於悬後东方西方以北为上南方北方以西为上右校清扫内外前享一日奉礼设享官公卿位於东门之内道北执事位於道南每等异位俱重行西向以北为上设御史位於堂下一位於东南西向一位於西南东向令史各陪其後设奉礼位於乐悬东北赞者二人在南差退俱西面设协律郎位於堂上前楹间近西东向设太乐令位於北悬之间北向设门外位享官公卿以下皆於东门之外道南每等异位重行北面西上设牲牓於东门之外当门西向以南为上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北又设御史位於太常卿之西俱南向

设尊彝之位於堂上每坐尊彝一黄彝一牺樽二象樽二着樽二山罍二在堂上皆於神座之左献祖太祖高祖高宗尊彝在前楹间北向懿祖代祖太宗中宗睿宗尊彝在户外南向各有坫焉【以置瓚爵】其壶樽二太樽二山罍四皆於堂下阶间北向西上设簋鉶笾豆之位於堂上俱东侧阶之北每坐二簋居前二簋次之次以三登次以三鉶笾豆为後每坐异之皆以南为上屈陈而下设洗於东陛东南北向罍水在洗东篚在洗西南肆【篚实以珪瓚巾爵】执樽罍篚冪者各位於樽罍篚冪之後享日未明五刻太庙令服其服布昭穆之座於户外自西序以东献祖太祖高祖高宗皆北厢南向懿祖代祖太宗中宗睿宗之坐皆南厢北向每坐皆设黼展莞席纷纯藻席绩纯次席黼纯左右

省牲器

省牲之日午後十刻庙所诸卫之属禁断行人晡後二刻太庙令丞帅府史三人及斋郎以樽坫罍洗篚冪及笾豆簋鉶入设於位加以巾盖【诸器物皆濯而陈之升堂者自东阶】晡後三刻诸太祝与廩牺令以牲就牓位谒者引太常卿赞引引御史入诣东阶升遍视涤濯於上【凡导引者每曲一逡巡於视濯执樽者举冪告洁】讫引降就牲位南向立廩牺令少前曰请省牲退复位太常卿省牲廩牺令又前北面举手曰牓还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿诣厨省鼎鑊申视濯溉赞引引御史就厨省饌具【太常卿以下每事讫各还斋坊】进饌者入彻笾豆簋鉶以出享日未明十五刻太官令帅宰人以鸾刀割牲祝史各取毛血每座共实一豆遂烹牲祝史洗肝於郁鬯又取腍膋每座共实一豆遂置於饌所

晨裸

享日未明四刻诸享官各服其服太庙令良醢令各率其属入实樽罍【尊彝及五齐之上樽实以明水山罍之上樽皆实以玄酒黄彝实以郁鬯牺樽实以泛齐象樽实以醴齐着樽实以盎齐壶樽实以醢齐太尊实以沈齐山罍实以清酒】太官令帅进饌者实诸笾豆簋簠未明三刻奉礼率赞者先入就位赞引引御史博士太庙令太祝宫闾令及令史祝史与执樽罍篚冪者入自东门当阶间重行北面西上立定奉礼曰再拜赞者承传【凡奉礼有词皆赞者承传】御史以下皆再拜执樽罍篚冪者各就位赞引引御史诸太祝诣东陛升坛行扫除於上令史祝史行扫除於下讫引就位太庙令帅其属陈瑞物於庙庭泰阶之西上瑞为前上列次瑞次之下瑞为後列又陈伐国所得宝器上次先後亦如之皆北面西上俱藉以席【所司各守之】未明二刻陈腰舆於东陛之东每室各二俱西面北上立定赞引引太庙令太祝宫闾令帅内外执事者以腰舆自东陛升堂诣献祖室入开埽室太祝宫闾令奉出神主各置於舆出诣座前奉神主置於座讫引太庙令以下次奉出懿祖光皇帝次奉出太祖景皇帝次奉出代祖元皇帝次奉出高祖神尧皇帝次奉出太宗文武圣皇帝次奉出高宗天皇大帝次奉出中宗孝和皇帝次奉出睿宗大圣真皇帝神主皆如献祖之仪【皇祖妣以下神主皆宫闾令奉出俱并而处右】讫引太庙令以下各复位未明一刻谒者引各享官俱就东门外位太乐令帅工人二舞次入就位文舞入陈於悬内武舞立於悬南道西【其升堂皆脱屣于下降纳如常】谒者引司空入就位立定奉礼曰再拜司空再拜讫谒者引司空诣东陛升堂行扫

除於上降行乐悬於下讫引复位初司空行乐悬谒者赞引各引享官以下次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位协律郎跪俯伏举麾【凡取物皆跪俯伏而取以兴奠物则奠讫俯伏而後兴】鼓祝奏永和之乐乃以黄钟为宫大吕为角太簇为徵应钟为羽作文舞之舞乐舞九成【黄钟三奏大吕太簇应钟各再奏】奉礼曰衆官再拜衆官在位者皆再拜谒者引太尉诣盥洗瓚讫谒者引太尉升自东陛诣献祖樽彝所执樽者举幂太尉酌郁酒讫登歌作肃和之乐以圜钟之均【自後登歌皆用圜钟】谒者引太尉进献祖神座前北向跪以鬯裸地奠讫兴谒者引太尉少退北向再拜讫谒者引太尉诣懿祖樽彝所取瓚於坫执樽者举幂太尉酌郁酒讫谒者引太尉诣懿祖神座前南向跪以鬯裸地奠讫兴谒者引太尉少退南向再拜讫谒者引太尉次祿太祖次祿代祖次祿高祖次祿太宗次祿高宗次祿中宗次祿睿宗并如上仪讫登歌止谒者引太尉降复位初衆官拜讫祝史各奉毛血及肝膋之豆立於东门外斋郎奉炉炭萧稷黍各立於肝膋之後於登歌止祝史奉毛血肝膋与奉炉炭萧稷黍者以次入自正门升自泰阶诸太祝各迎取毛血肝膋於陛上俱进奠於神坐前祝史退立於樽所斋郎奉炉炭皆置於神座之左直神座间其萧稷黍各置於炉炭下降自阼阶以出诸太祝俱取肝膋燔於炉炭还樽

馈食

太尉既升祿太官令出帅进饌者奉饌陈於东门之外重行西向以南为上谒者引司徒出诣饌所司徒奉献祖之俎初太尉既至位太官令引饌入自正门俎入门雍和之乐作以无射之均【自後接神之乐堂下皆奏无射】饌至泰阶乐止祝史各进跪彻毛血之豆降自阼阶以出饌升诸太祝迎引於陛上各设於神座前【笾豆盖幂先彻乃升簋簠既奠却其盖於下】设毕谒者引司徒以下降自阼阶复位诸太祝各取萧稷黍擣於脂燔於炉炭还樽所谒者引太尉诣盥洗盥手洗爵讫谒者引太尉升自阼阶诣献祖樽彝所执樽者举幂太尉酌泛齐讫光大之舞作谒者引太尉进献祖神座前北向跪奠爵少东兴谒者又引太尉取爵於坫酌泛齐讫谒者引入神座前北向跪奠爵少西进谒者引太尉少退北向立乐止太祝持版进於神座之右东面跪读祝文曰维某年岁次月朔日子孝曾孙开元神武皇帝某谨遣太尉某官臣某敢昭告於献祖宣皇帝祖妣庄宣皇后张氏晷运环周岁序云及永怀追慕伏增远感谨以一元大武柔毛刚鬣明粢芻合芻蕘嘉蔬嘉荐泛齐肃雍明献恭备祫享尚飨【余室祝文准此太祖以下称臣】讫兴太尉再拜讫又再拜初读祝文讫乐作太祝进奠版於神座还樽所太尉再拜讫乐止谒者引太尉诣懿祖樽彝所取爵於坫执樽者举幂太尉酌泛齐讫长发之舞作谒者引太尉诣懿祖神座前南面跪奠爵少西兴谒者又引太尉取爵於坫酌泛齐讫谒者引进神座前南向跪奠爵少东兴谒者引太尉少退南向立乐止太祝持版进於神座之右西向跪读祝文讫兴太尉再拜讫又再拜初读祝文讫乐作太祝进奠版於神座还樽所太尉再拜讫乐止谒者引太尉诣太祖樽彝所取爵於坫执樽者举幂太尉酌泛齐讫大政之乐作谒者引太尉进太祖神座前北向跪奠爵少东讫兴谒者又引太尉取爵於坫酌泛齐讫谒者引进神座前北向跪奠爵少西讫兴谒者引太尉少退北向立乐止太祝持版进於神座之右东面跪读祝文讫兴太尉再拜讫又再拜初读祝文讫乐作太祝进奠版於神座还樽所太尉再拜讫乐止谒者引太尉诣代祖樽彝所取爵於坫执樽者举幂太尉酌泛齐讫大成之舞

作谒者引太尉进代祖神座前南向跪奠爵少西兴谒者又引太尉取爵於坫酌泛齐讫谒者引进神座前南向跪奠爵少东兴谒者引太尉少退南向立乐止太祝持版进於神座之右西向跪读祝文讫兴太尉再拜讫又载拜初读祝文讫乐作太祝进奠版於神座还樽所太尉再拜讫乐止谒者引太尉诣高祖尊彝所取爵於坫执尊者举冪太尉酌泛齐讫大明之舞作谒者引太尉进高祖神座前北向跪奠爵少东兴谒者又引太尉取爵於坫酌泛齐讫谒者引进神座前北向跪奠爵少西兴谒者引太尉少退北向立乐止太祝持版进於神座之右东向跪读祝文讫兴太尉再拜讫又再拜初读祝文讫乐作太祝进奠版於神座还樽所太尉再拜讫乐止谒者引太尉诣太宗尊彝所取爵於坫执尊者举冪太尉酌泛齐讫崇德之舞作谒者引太尉进太宗神座前南向跪奠爵少西兴谒者又引太尉取爵於坫酌泛齐讫谒者引进神座前南向跪奠爵少东兴谒者引太尉少退南向立乐止太祝持版进於神座之右西向跪读祝文讫太尉再拜讫又再拜初读祝文讫乐作太祝进奠版於神座还尊所太尉再拜讫乐止谒者引太尉诣高宗尊彝所取爵於坫执尊者举冪太尉酌泛齐讫钧天之舞作谒者引太尉进高宗神座前北向跪奠爵少东兴谒者又引太尉取爵於坫酌泛齐讫谒者引进神座前北面跪奠爵少西兴谒者引太尉少退北向立乐止太祝持版进於神座之右东向跪读祝文讫太尉再拜讫又再拜初读祝文讫乐作太祝进奠版於神座还尊所太尉再拜讫乐止谒者引太尉诣中宗尊彝所取爵於坫执尊者举冪太尉酌泛齐讫文和之舞作谒者引太尉进中宗神座前南向跪奠爵少西兴谒者又引太尉取爵於坫酌泛齐讫谒者引进神座前南向跪奠爵少东兴谒者引太尉少退南向立乐止太祝持版进於神座之右西向跪读祝文讫太尉再拜讫又再拜初读祝文讫乐作太祝进奠版於神座太尉再拜讫乐止谒者引太尉诣睿宗尊彝所取爵於坫执尊者举冪太尉酌泛齐讫景云之舞作谒者引太尉进睿宗神座前北向跪奠爵少东兴谒者又引太尉取爵於坫酌泛齐讫谒者引进神座前北向跪奠爵少西兴谒者引太尉少退北向立乐止太祝持版进於神座之右东向跪读祝文讫太尉再拜讫又再拜初读祝文讫乐作太祝进奠版於神座还尊所太尉再拜讫乐止谒者引太尉诣东序西向立诸太祝各以爵酌鬯福酒合置一爵一太祝持爵进太尉之左北向立太尉再拜受爵跪祭酒啐酒奠爵兴诸祝史各率斋郎进俎太祝减神前三牲胙肉【皆取前脚第二骨】加於俎又以筯取稷黍饭兴还尊所以胙肉各共置一俎上以饭共置一筯以饭授太尉太尉受以授斋郎又以三牲胙肉以次授太尉太尉每受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉将复位谒者引太常卿诣盥洗盥手洗爵谒者引太常卿升自阼阶诣献祖尊彝所执尊者举冪太常卿酌醴齐武舞作谒者引太常卿进献祖神座前北面跪奠爵少东兴谒者引太常卿少退北向再拜讫谒者引太常卿又诣尊彝所酌醴齐讫进神座前北面跪奠爵少西兴谒者引太常卿诣懿祖神座前南向跪奠爵少西兴谒者引太常卿少退北向再拜讫谒者引太常卿又诣尊彝所酌醴齐讫进神座前南向跪奠爵少东兴谒者引太常卿南面再拜讫谒者引太常卿次献太祖次献代祖次献高祖次献太宗次献高宗次献中宗次献睿宗如上仪讫谒者引太常卿诣东序西向立诸太祝各以爵酌鬯福酒合置一爵一太祝持爵进太常卿之左北向立太常卿再拜受爵跪祭酒遂饮卒爵太祝进受爵复於坫太常卿兴再拜讫初谒者引太常卿献将毕谒者引光禄卿诣盥洗盥手洗爵酌盎齐终献如亚献之仪讫引光禄卿降复位武舞止登歌作诸太祝各进彻豆还尊所登歌止奉礼曰赐胙赞者唱衆官再拜衆官在位者皆再拜乐一成止谒者进太尉之左白礼毕谒者赞引各引享

官以出贊引引御史太祝以下俱复执事位立定奉礼曰再拜御史以下皆再拜贊引引出工人二舞以次出太庙令与太祝官闾令帅腰輿升殿纳神主如常仪其祝版燔於斋坊

祭七祀【其日總祭如腊享仪】

功臣配享【如祫享仪】

大唐开元礼卷四十

卷四十一

钦定四库全书

大唐开元礼卷四十一 唐 萧嵩等 撰吉礼

皇帝禘享於太庙

斋戒 陈设

省牲器 銮驾出宫

晨裸 馈食

祭七祀 功臣配享

銮驾还宫

斋戒

宗庙五年一禘以孟夏将享有司卜日如别仪前享七日平明太尉誓百官於尚书省曰某月某日禘享於太庙各扬其职不供其事国有常刑皇帝散斋四日於别殿致斋三日於太极殿前致斋一日尚舍奉御设御幄於太极殿西序及室内东向尚舍直长张帟於前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各督其队入陈於殿庭如常仪通事舍人引文武五品以上袴褶陪位如式诸侍卫之官各服其器服诸侍臣并结佩俱诣合奉迎侍中版奏外办上水三刻皇帝服通天冠绛纱袍结佩乘輿出自西房曲直华盖警蹕侍卫如常仪皇帝即御座东向坐侍臣夹侍如常一刻顷侍中前跪奏称侍中臣某言请降就斋室俯伏兴复侍位皇帝降座入室文武侍臣各还省直卫者如常通事舍人引陪位者以次出凡预享之官散斋四日致斋三日【散斋皆於正寝致斋二日於本司一日於斋所其无本司者皆於享所】近侍之官应从升者及从享羣官诸方客使各於本司及公馆九庙子孙各於其第俱清斋一宿【无本司者皆於正寝】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事诸享官致斋之日给酒食及明衣各习礼於斋坊光禄卿监取明水火【太官令取水於阴鉴取火於阳燧火以供爨水以实尊】前享一日诸卫令其属未後一刻各以其方器服守卫庙门【每门二人每隅一人】与太乐工人俱清斋一宿

陈设

前享三日上舍直长施大次於庙东门之外道北南向尚舍奉御铺御座守宫设文武侍臣

次於大次之後文官在左武官在右俱南向设诸享官次於斋坊之内九庙子孙於斋坊内近南西向北上文官九品以上於斋坊之内东方南方蕃客又於其南俱每等异位重行西向北上介公鄴公於庙西门之外近南武官九品以上於介公鄴公之南西方北方蕃客又於其南俱每等异位重行东向北上【其褒圣侯于文官三品之下若有诸州使人分方位於文武官之後】前享二日太乐令设宫悬之乐於庙庭东方西方磬簠起北钟簠次之南方北方磬簠起西钟簠次之设十二鐃钟於编悬之间各依辰位树路鼓於北悬之内道之左右植建鼓於四隅置祝敢於悬内【祝在左敢在右】设歌钟歌磬於庙堂之上前楹间北向磬簠在西钟簠在东其匏竹者立於阶间重行北向相对为首【凡悬皆展而编之】诸工人各位於悬後东方西方以北为上南方北方以西为上右校清扫内外前享一日奉礼设御位於庙堂东阶东南南向设享官公卿位於东门之内道南执事者位於其後每等异位俱重行西向以北为上设御史位於庙堂之下一位於东南南向一位於西南东向令史各陪其後设奉礼位於乐悬东北赞者二人在南差退俱西面设协律郎位於庙堂之上前楹之间近西东向设太乐令位於北悬之间北向设从享之官位九庙之子孙於享官公卿之南昭穆异位【虽有贵者以齿】文官九品以上位於子孙之南东方南方蕃客又於其南俱每等异位重行西面北上介公鄴公位西门之内道南武官九品以上於介公鄴公之南少西当文官西方北方蕃客又於其南俱每等异位重行东面北上【其褒圣侯位於文官三品之下若有诸州使人分方位于文武官之後】设门外位享官公卿以下皆於东门之外道南每等异位重行北面西上子孙之位於享官公卿之东少南文官九品以上於子孙之东东方南方蕃客又於其东俱每等异位重行北面西上设介公鄴公位於西门之外道南武官九品以上於介公鄴公之西少南西方北方蕃客又於其西俱每等异位重行北面东上【其褒圣侯位於文官三品之下若有诸州使人分方位於文武官之後】设牲牓於东门之外当门南向以南为上设廩牺令位於牲牓西南史陪其後俱北向设诸太祝位於牲东各当牲後祝史各陪其後俱南向设太常卿省牲位於牲前近北又设御史位於太常卿之西俱南向设樽彝之位於庙堂之上下每座鸡彝一鸟彝一牺樽二象樽二着樽二壶樽二山罍二在堂上皆於神座之左献祖太祖高祖高宗樽彝在前楹间北向懿祖代祖太宗中宗睿宗樽彝在户外南向各有坫焉【以置瓚爵】其壶樽二太樽二山罍四皆在堂下阶间北向西上设簋簠鉶登笾豆之位於堂上俱东侧阶之北每座四簋居前四簠次之次以六登次以六鉶笾豆为後每座异之皆以南为上屈陈而下设御洗於东陛东南亚献之洗又於东南俱北向罍水在洗东篚在洗西南肆【篚实以珪瓚巾爵】执樽罍篚冪各位於樽罍篚冪之後享日未明五刻太庙令服其服布昭穆之座於户外自西序以东献祖太祖高祖高宗座皆在北厢南面懿祖代祖太宗中宗睿宗座皆南厢北面每座皆设黼黻莞席纷藻席画纯次席黼纯左右几

省牲器

省牲之日午後十刻庙所诸卫之属禁断行人太庙令整拂神幄座晡後二刻太庙令丞帅府史三人及斋郎以樽坫罍洗篚冪及笾豆簋簠鉶入设於位加以巾盖【诸器物皆濯而陈之其升堂者自东阶】晡後三刻诸太祝与廩牺令以牲就牓位谒者引太常卿赞引引御史诣东陛升遍视涤濯於上【凡导引者每曲一逡巡於视濯执尊者皆举冪告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牓还本

位诸太祝巡牲一匝西面举手曰充俱还本位诸太祝与廩牺令以次牵牲就厨授太官谒者引光禄卿诣厨省鼎饌申视濯漑赞引引御史就厨省饌具【太常卿以下每事讫各还斋所】进饌者入彻笾豆簋鉶以出享日未明十五刻太官令帅宰人以鸾刀割牲祝史各取毛血每座共实一豆遂烹牲祝史洗肝於郁鬯又取腍膋每坐共实一豆俱置於饌所【腍膋肠间脂也】

銮驾出宫

前出宫三日本司宣摄内外各供其职守宫设从享羣官五品以上次於承天门外东西朝堂如常前二日太乐令设宫悬之乐於殿庭如常仪【驾出悬而不作】享日未明七刻撻一鼓为一严【三严时节前一日侍中奏裁】侍中奏开宫殿门及城门未明五刻撻二鼓为再严侍中版奏请中严奉礼设从享羣官五品以上位文官於东朝堂之前西向武官於西朝堂之前东向俱重行北上从享官五品以上俱集朝堂次各服其服【其六品以下及介公鄴公九庙子孙褒圣侯诸方客使等并驾发之前预赴享所俱就次各服其服】所司陈大驾卤簿如别仪未明二刻撻三鼓为三严诸卫之属各督其队与鉞戟以次入陈於殿庭谒者引从享羣官各就朝堂前位诸侍卫之官各服其器服侍中中书令以下俱诣西阶奉迎【侍中负玺如式】乘黄令进玉辂於太极殿西阶之前南向千牛将军一人执长刀立於辂前北向黄门侍郎一人在宫臣之前赞者二人又在黄门侍郎之前侍中版奏外办太仆卿奋衣而升正立执轡皇帝袞冕乘輿以出降自西阶称警蹕如常仪千牛将军前执轡皇帝升路太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾发引俯伏兴退复位【黄门侍郎奏请皆进当銮驾前跪奏称某官臣某言讫俯伏兴】銮驾动称警蹕黄门侍郎与赞者夹引以出千牛将军夹辂而趋驾出承天门至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从在黄钺内侍中中书令以下夹侍於辂前赞者在供奉官人内侍臣上马毕黄门侍郎奏称请勒车右升侍中前承制退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕鼓传音如常不鸣鼓吹不得諠譁其从享之官在玄武队後如常仪

晨裸

享日未明四刻诸享官各服其服太庙令良醢令各帅其属入实樽罍【鸡彝及诸齐之上樽皆实以明水山罍之上樽实以玄酒鸟彝实以鬱鬯牺樽实以泛齐象樽实以醴齐着樽实以盎齐壶樽实以醢齐太樽实以沈齐山罍实以清酒也】太官令帅进饌者实诸笾豆簋簠未明三刻奉礼帅赞者先入就位赞引引御史博士太庙令太祝宫闾令及令史祝史与执樽罍篚幂者入自东门当阶间重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚幂者各就位赞引引御史诸太祝诣东阶各就位太庙令帅其属陈瑞物於庙庭太阶之西上瑞为前列次瑞次之下瑞为後列又陈伐国所得宝器上次先後亦如之皆北面西上俱藉以席【所司皆各守之】未明二刻陈腰輿於东阶之

东每室各二皆西向北上立定赞引引御史太庙令太祝宫闾令帅内外执事者以腰舆自东陞升诣献祖室入开塼室太祝宫闾令奉出神主各置於舆出诣座前奉神主置於位讫引太庙令以下次奉出懿祖次奉出太祖次奉出代祖次奉出高祖次奉出太宗次奉出高宗次奉出中宗次奉出睿宗神主置於座如献祖之仪【皇祖妣以下神主皆宫闾令奉出俱并座处右】讫引太庙令以下降复位驾将至谒者赞引各引享官通事舍人分别九庙子孙及从祀羣官诸方客使先至者俱就门外位驾至大次门外回辂南向将军降立於辂右侍中进当銮驾前跪奏称侍中臣某言请降辂俯伏兴还侍位皇帝降辂乘舆之大次繖扇华盖侍卫如常仪太祝令以祝版进御署讫近臣奉出太庙令受各奠於坵谒者引文武五品以上从享之官皆就门外位太乐令帅工人二舞入就位文舞入陈於悬内武舞立於悬南道西【其升堂者脱屣於下降纳如常】谒者引司空入就位立定奉礼曰再拜司空再拜讫谒者引诣东陞升堂行扫除於上降行乐悬於下讫引复位初司空行乐悬谒者赞引各引享官及九庙子孙从享羣官诸方客使次入就位皇帝停大次半刻顷太常博士引太常卿立於大次门外当门北向侍中版奏外办皇帝出次华盖侍卫如常仪【侍中负玺陪从如式】博士引太常卿太常卿引皇帝【凡太常卿前导皆博士先引】至庙门外殿中监进镇珪皇帝执镇珪华盖仗卫停於门外近侍者从入如常皇帝至版位西向立【每立定太常卿与博士退立於左】太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位協律郎跪俯伏举麾【凡取物者皆跪俯伏而取以兴奠物则奠讫而後兴】鼓祝奏永和之乐乃以黄钟为宫大吕为角太簇为徵应钟为羽作文德之舞乐舞九成【黄钟三奏大吕太簇应钟各再奏】偃麾戛敔乐止【凡乐皆協律郎举麾工鼓祝而後作偃麾戛敔而後止】太常卿前奏称请再拜退复位皇帝再拜奉礼曰衆官再拜衆官在位者皆再拜太常卿引皇帝诣盥洗太和之乐作【皇帝每行皆作太和之乐】皇帝至盥洗乐止侍中跪取?兴沃水又侍中跪取盘承水皇帝搢镇珪【凡受物则搢镇珪奠讫执珪俯伏兴】皇帝盥手黄门侍郎跪取巾於篚兴进皇帝?手讫黄门侍郎受巾跪奠於篚黄门侍郎又取瓚於篚兴进皇帝受瓚侍中酌盥水又侍中奉盘皇帝洗拭瓚讫侍中奠盘?黄门侍郎受巾奠於篚皆如常太常卿引皇帝乐作皇帝升自阼阶乐止侍中中书令以下及左右侍卫量人从升【以下皆如之】太常卿引皇帝诣献祖樽彝所执樽者举罍侍中赞酌郁鬯酒讫登歌作肃和之乐以圜钟之均【自後登歌皆歌圜钟】太常卿引皇帝诣献祖神坐前北面跪以鬯裸地奠之俯伏兴太常卿引皇帝少退北面再拜讫太常卿引皇帝诣懿祖樽彝所执樽者举罍侍中取瓚於坵进皇帝受瓚侍中赞酌郁鬯酒讫太常卿引皇帝诣懿祖神座前南向跪以鬯裸地奠之俯伏兴太常卿引皇帝少退南向再拜讫太常卿引皇帝次裸太祖次裸代祖次裸高祖次裸太宗次裸高宗次裸中宗次裸睿宗皆如上仪登歌止太常卿引皇帝乐作皇帝降自阼阶还版位西向立乐止初羣官再拜讫祝史各奉毛血之豆及肝膋之豆立於东门外斋郎奉炉炭萧稷黍各立於肝膋之後於登歌止祝史奉毛血肝膋与奉炉炭萧稷黍者以次入自正门升自泰阶诸太祝各迎取毛血肝膋於阶上俱入奠於神座前祝史太祝立於樽所斋郎奉炉炭皆置於室户外之左其萧稷黍各置於炉炭下降自阼阶以出诸太祝俱取肝出户燔於炉炭还樽所

馈食

皇帝既升裸太官令出帅进饌者奉饌陈於东门之外重行西向以南为上谒者引司徒出诣饌所司徒奉献祖之俎初皇帝既至位乐止太官令引饌入自正门俎初入门雍和之乐作以无射之均【自後接神之乐堂下皆奏无射】饌至泰阶乐止祝史俱进彻毛血之豆降自阼阶以出饌升诸太祝迎引於陛上各设於神座前【笾豆盖幂先彻乃升簋簠既奠却其盖於下】设讫谒者引司徒以下降自阼阶复位诸太祝各取萧稷黍糯於脂燔於炉炭还樽所太常卿引皇帝诣盥洗乐作皇帝至盥洗乐止皇帝盥手洗爵侍中黄门侍郎赞洗如晨裸之仪讫太常卿引皇帝乐作皇帝升自阼阶讫乐止太常卿引皇帝诣献祖樽彝所执樽者举幂侍中取爵於坫进前皇帝受爵侍中赞酌泛齐讫光大之舞作太常卿引皇帝诣献祖神座前北向跪奠爵少东俯伏兴太常卿又引皇帝取爵於坫酌泛齐讫太常卿引皇帝诣神座前北向跪奠爵少西讫太常卿引皇帝少退北向立乐止太祝持版进於神座之右东面跪读祝文曰维某年岁次月朔日子孝曾孙开元神武皇帝某敢昭告於献祖宣皇帝祖妣宣庄皇后张氏晷度环周岁序云及永怀追慕伏增远感谨以一元大武柔毛刚鬣明粢苽合苽其嘉蔬嘉荐泛齐肃雍明献祗荐禋事尚飨【余室祝文准此太祖以下称臣】讫兴皇帝再拜讫初读祝文讫太祝进奠版於神座出还樽所皇帝拜讫乐止太常卿引皇帝诣懿祖樽彝所执樽者举幂侍中取爵於坫进前皇帝受爵侍中赞酌泛齐讫长发之舞作太常卿引皇帝诣懿祖神座前南向跪奠爵少西俯伏兴太常卿又引皇帝出取爵於坫酌泛齐讫太常卿引皇帝诣神座前南向跪奠爵少东兴太常卿引皇帝少退南向立乐止太祝持版进於座右西面跪读祝文讫兴皇帝再拜讫又再拜初读祝文讫乐作太祝进奠版於神座还樽所太常卿引皇帝诣太祖樽彝所执樽者举幂侍中取爵於坫进前皇帝受爵侍中赞酌泛齐讫太常卿引皇帝诣神座前北向跪奠爵少东俯伏兴太常卿又引皇帝取爵於坫酌泛齐讫太常卿引皇帝诣神座前北向跪奠爵少西讫兴太常卿引皇帝少退北向立乐止太祝持版进於座右东面跪读祝文讫兴皇帝再拜讫又再拜初读祝文讫乐作太祝持版奠於神座出还樽所皇帝拜讫乐止太常卿引皇帝诣代祖樽彝所执樽者举幂侍中取爵於坫进前皇帝受爵侍中赞酌泛齐讫大成之舞作太常卿引皇帝诣代祖神座前南向跪奠爵少西俯伏兴太常卿又引皇帝取爵於坫酌泛齐讫太常卿引皇帝进诣神座前南向跪奠爵少东讫兴太常卿引皇帝少退南向立乐止太祝持版进於座右西面跪读祝文讫兴皇帝再拜讫又再拜初读祝文讫乐作太祝进奠版於神座还樽所皇帝拜讫乐止太常卿引皇帝诣高祖樽彝所执樽者举幂侍中取爵於坫进前皇帝受爵侍中赞酌泛齐讫大明之舞作太常卿引皇帝诣高祖神座前北面跪奠爵少东俯伏兴太常卿引皇帝取爵於坫酌泛齐讫太常卿引皇帝进诣神座前北向跪奠爵少西讫兴太常卿引皇帝少退北向立乐终八节止太祝持版进於座右东面跪读祝文讫兴皇帝再拜讫又再拜初读祝文讫乐作太祝进奠版於神座还樽所皇帝拜讫曲终乐止太常卿引皇帝诣太宗樽彝所执樽者举幂侍中取爵於坫进前皇帝受爵侍中赞酌泛齐讫崇德之舞作太常卿引皇帝进诣太宗神座前南向跪奠爵少西俯伏兴太常卿引皇帝出取爵於坫酌泛齐讫太常卿引皇帝进诣神座前南向跪奠爵少东讫兴太常卿引皇帝少退南向立乐终八节止太祝持版进於座右西面跪读祝文讫兴皇帝再拜讫又再拜初读祝文讫乐作太祝进奠版於神座还樽所皇帝拜讫曲终乐止太常卿引皇帝诣高宗樽彝所执樽者举幂侍中取爵於坫进前皇帝受爵侍中赞酌泛齐讫钧天之舞作太常卿引皇帝进高宗神座前北向跪奠爵少东俯伏兴太常卿又引皇帝取爵於坫酌泛齐讫太常卿又引皇帝进神座前北向跪奠爵少西俯伏兴太常卿引皇帝少退北向立乐终八节止太祝持版进於座右东向

跪读祝文讫兴皇帝再拜讫又再拜初读祝文讫乐作太祝进奠版於神座还樽所皇帝再拜讫乐止太常卿引皇帝诣中宗樽彝所执樽者举冪侍中取爵於坫进前皇帝受爵侍中赞酌泛齐讫文和之舞作太常卿引皇帝进中宗神座前南面跪奠爵少西俯伏兴太常卿引皇帝取爵於坫酌泛齐讫太常卿引皇帝进神座前南向跪奠爵少东俯伏兴太常卿引皇帝少退南向立乐终八节止太祝持版进於座右西向跪读祝文讫兴皇帝再拜讫又再拜初读祝文讫乐作太祝进奠版於神座还樽所皇帝拜讫曲终乐止太常卿引皇帝诣睿宗樽彝所执樽者举冪侍中取爵於坫进前皇帝受爵侍中赞酌泛齐讫景云之舞作太常卿引皇帝进睿宗神座前南向跪奠爵少西俯伏兴太常卿又引皇帝取爵於坫酌泛齐讫太常卿引皇帝进神座前南向跪奠爵少东俯伏兴太常卿引皇帝少退南向立乐终八节止太祝持版进於神座之右西面跪读祝文讫兴皇帝再拜讫又再拜初读祝文讫兴乐作太祝进奠版於神座还樽所皇帝拜讫曲终乐止太常卿引皇帝诣东序西向立壽和之乐作皇帝献将毕谒者引司徒诣东阶升立於前楹间北面东上皇帝献讫诸太祝各以爵酌上樽福酒合置一爵一太祝持爵授侍中侍中受爵北向进皇帝再拜受爵跪祭酒啐酒奠爵俯伏兴诸太祝各帅齐郎持俎进太祝减神前三牲胙肉【各取前脚第二骨】加於俎又以筴取稷黍饭还樽所以胙肉各共置一俎上以饭共置一筴以饭授司徒司徒奉进皇帝受以授左右太祝又以胙肉授司徒司徒受俎以次进皇帝每受以授左右赞引谒者引司徒降复位皇帝跪取爵遂饮卒爵侍中进受虚爵以授太祝复於坫皇帝俯伏兴再拜乐止太常卿引皇帝乐作皇帝降自阼阶还版位西向立乐止文舞出鼓祝作舒和之乐出讫戛敔乐止武舞入鼓祝作舒和之乐立定戛敔乐止初皇帝将复位谒者引太尉诣罍洗盥手洗爵讫谒者引太尉升自阼阶诣献祖樽彝所执樽者举冪太尉酌醴齐武舞作谒者引太尉诣献祖神座前北向跪奠爵少东兴谒者引太尉北向再拜谒者又引太尉取爵於坫酌醴齐讫谒者引太尉诣神座前北向跪奠爵少西讫兴谒者引太尉少退北面再拜讫谒者引太尉次诣懿祖樽彝所取爵於坫执樽者举冪太尉酌醴齐讫谒者引太尉诣懿祖神座前南向跪奠爵少西兴谒者引太尉少退南向再拜谒者又引太尉取爵於坫酌醴齐讫谒者引太尉诣神座前南向跪奠爵少东讫兴谒者引太尉少退南面又再拜讫谒者又引太尉次献太祖次献代祖次献高祖次献太宗次献高宗次献中宗次献睿宗并如上仪讫谒者引太尉诣东序西向立诸太祝各以爵酌罍福酒合置一爵一太祝持爵进太尉之左北向立太尉再拜受爵跪祭酒遂饮卒爵太祝进受虚爵复於坫太尉兴再拜谒者引太尉降复位初太尉献将毕谒者引光禄卿诣罍洗盥洗升酌盎齐终献如亚献之仪讫引光禄卿降复位武舞止登歌作雍和之乐诸太祝各入室彻豆还樽所【彻者筴豆各一少移於故处】登歌止奉礼曰赐胙赞者唱衆官再拜衆官在位者皆再拜【已饮福者不拜】永和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏礼毕太常卿引皇帝还大次乐作皇帝出门乐止殿中监前受镇珪华盖侍卫如常仪谒者赞引各引享官九庙子孙及从享羣官诸方客使以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出太庙令与太祝宫闈令纳神主如常仪其祝版燔於斋坊

祭七祀【其日总祀如腊享】

功臣配享【如祫享仪】

銮驾还宫

皇帝既还大次侍中版奏请解严【将士不得辄离部位】皇帝停大次一刻顷搥一鼓为一严转仗卫於还涂如来仪三刻顷搥二鼓为再严将士布队仗侍中版奏请中严皇帝服通天冠绛纱袍诸享官服朝服五刻顷搥三鼓为三严谒者赞引各引享官客使序立於大次前近南文武近臣诣大次奉迎乘黄令进金辂於大次门外南向千牛将军立於路右侍中版奏外办太仆卿升执轡皇帝乘輿出次繖扇侍卫警蹕如常仪皇帝升辂太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎赞者夹引千牛将军夹路而趋至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾发引退复位鼓传音銮驾动鼓吹振作而还文武羣官皆从如来仪诸方客使便还馆驾至承天门至侍臣下马所銮驾权停文武侍臣皆下马千牛将军降立於辂右讫銮驾动千牛将军夹路而趋驾入嘉德门太乐令令撞蕤宾之钟左右五钟皆应鼓祝奏采茨之乐至太极门戛敌乐止入太极门鼓祝奏太和之乐驾至横街北当东上合回辂南向侍中进当銮驾前跪奏称侍中臣某言请降辂俯伏兴还侍位皇帝降辂乘輿以入繖扇侍卫警蹕如常仪侍臣从至合戛敌乐止初文武羣官至东朝堂通事舍人承旨勅羣官并还皇帝既入侍中版奏请解严叩钲将士各还其所

大唐开元礼卷四十一

卷四十二

钦定四库全书

大唐开元礼卷四十二 唐 萧嵩等 撰吉礼

禘享於太庙有司摄事

斋戒 陈设

省牲器 晨裸

馈食 祭七祀

斋戒

宗庙五年一禘以孟夏将享有司卜日如别仪享前七日平明太尉誓百官於尚书省曰某月某日禘於太庙各扬其职不供其事国有常刑凡预享之官散斋四日致斋三日【散斋皆於正寝致斋二日於本司一日於享所其无本司者於享所】散斋理事如故唯不吊丧问疾不作乐不判署刑杀文书不行刑罚不预秽恶致斋唯享事得行其余悉断其享官已斋而阙者通摄行事致斋之日官给酒食及明衣各习礼於斋所光禄卿监取明水火【太官令取水於阴鉴取火於阳燧火以供?水以实樽】前享一日诸卫令其属未後一刻各以其方器服守卫庙门【每门二人每隅一人】与太乐工人俱清斋一宿

陈设

前享三日守宫设享官公卿以下次於斋坊之内前享二日太乐令设宫悬之乐於庙庭东方西方磬簠起北钟簠次之南方北方磬簠起西钟簠次之设十二罇钟於编悬之间各依辰位树路鼓於北悬之内道之左右植建鼓於四隅置祝敔於悬内祝在左敔在右设歌钟歌磬於庙堂之上前楹间北向磬簠在西钟簠在东其匏竹者立於阶间重行北向相对为首【凡悬皆展而编之】诸工人各位於悬後东方西方以北为上南方北方以西为上右校清扫内外前享一日奉礼设享官公卿位於东门之内道北执事位於道南每等异位俱重行西面以北为上设御史位於庙堂之下一在东南西向一在西南东向令史各陪其後设奉礼位於乐悬东北赞者二人在南差退俱西面设协律郎位於庙堂之上前楹近西东向设太乐令位於北悬之间北向设门外位享官公卿以下皆於东门之外道南每等异位重行北面西上设牲牓於东门之外当门西向以南为上设廩牺令位於牲西南史陪其後俱北向设诸太祝位於牲东各当牲後祝史陪其後俱西向设太常卿省牲位於牲前近北又设御史位於太常卿之西俱南向设樽彝之位於庙堂之上下每座鷄彝一乌彝一牺樽二着樽二壶樽二在堂上皆於神座之左【各有坫马以置瓚爵】其太樽二山罍四皆在堂下阶间北面西上设簠簋鉶

登筵豆之位於庙堂之上俱东侧阶之北每座四簋居前四簋次之次以六登次以六鉶筵豆为後每座异之皆以南为上屈陈而下设洗於东南北向盥水在洗东篚在洗西南肆【篚实以珪瓚巾爵】执樽盥篚冪者各位在樽盥篚冪之後享日未明五刻太庙令服其服布昭穆之座於户外自西序以东献祖太祖高祖高宗座皆北厢南向懿祖代祖太宗中宗睿宗座皆南厢北向每座皆黼展莞席纷纯藻席画纯次席黼纯左右几

省牲器

省牲之日午後十刻庙所诸卫之属禁断行人晡後二刻太庙令丞帅府史三人及斋郎以樽坩盥洗篚冪及筵豆簋簠鉶登入设於位加以巾盖【诸器物皆濯而陈之其升者自东阶】晡後三刻诸太祝与廩牺令以牲就榜位谒者引太常卿赞引引御史入诣东阶升遍视涤濯於上【凡导引者每曲一逡巡於视濯执樽者举冪告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牖还本位诸太祝各巡牲一匝西面举手曰充俱还本位诸太祝与廩牺令以次牵牲诣厨授太官谒者引光禄卿省鼎饍申视濯溉赞引引御史就厨省饍具【太常卿以下每事讫各还斋所】进饍者入彻筵豆簋簠鉶登以出享日未明十五刻太官令帅宰人以鸾刀割牲祝史各取毛血每座共实一豆遂烹牲祝史洗肝於郁鬯又取腍膋每座共实一豆俱置於饍所【腍膋肠间脂】

晨裸

享日未明四刻诸享官各服其服太庙令良醢令各帅其属入实樽盥【鸡彝及诸齐之上尊皆实以明水山罍之上尊实以玄酒鸟尊实以鬱鬯牺尊实以泛齐象尊实以醴齐着樽实以盎齐壶樽实以醢齐太尊实以沈齐山罍实以清酒】太官令帅进饍者实诸筵豆簋簠未明三刻奉礼帅赞引者先入就位赞引引御史太祝博士宫闾令及令史祝史与执樽盥篚冪者入自东门当阶间重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽盥篚冪者各就位赞引引御史诸太祝诣东陛升堂行扫除於上令史祝史行扫除於下讫引降复位太庙令帅其属陈瑞物於庙庭泰阶之西上瑞为前列次瑞次之下瑞为後列又陈伐国所得宝器上次先後亦如之皆北向西上俱藉以席【所司各守之】未明二刻陈腰舆於东陛之东每室各二皆西向北上立定赞引引太庙令太祝宫闾令师内外执事者以腰舆自东陛升堂诣献祖室入开帑室太祝宫闾令奉出神主置於舆诣座前奉神主置於座讫引太庙令以下次奉出懿祖次奉出太祖次奉出代祖次奉出高祖次奉出太宗次奉出中宗次奉出睿宗神主置於座皆如献祖之仪【以下皇祖妣神主皆宫闾令奉出俱并处俱在右】讫引太庙令以下降复位未明一刻谒者赞引各引享官俱就东门外位太乐令率工人二舞次入就位文舞入陈於悬内武舞立於悬南道西【其升堂座者皆脱屣於下降纳如掌仪】谒者引司空入就位立定奉礼曰再拜司空再拜谒者引司空诣东陛升堂行扫除於上降行乐悬於下讫引复位初司空行乐悬谒者赞引各引献享官以下次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事退复位協律郎跪俯伏举麾【凡取物者皆跪俯伏而取以兴奠物则奠讫俯伏而後兴】鼓祝奏永和之乐乃以黄钟为宫大吕为角太簇为徵应钟为羽作文舞之舞

乐舞九成【黄钟三奏大吕太簇应钟各再奏】偃麾戛敌乐止【凡乐皆協律郎举麾工鼓祝而後作偃麾戛敌而後止】奉礼曰衆官再拜衆官在位者皆再拜谒者引太尉詣疊洗盥手洗瓚訖谒者引太尉升自东陛詣献祖樽彝所执樽者举冪太尉酌郁酒訖登歌作肃和之乐以圜钟之均【自後登歌皆歌圜钟】谒者引太尉詣献祖神座前北向跪以鬯裸地奠之兴谒者引太尉北向再拜訖谒者引太尉詣懿祖樽彝所取瓚於坩执樽者举冪太尉酌郁酒訖谒者引太尉詣懿祖神座前南向跪以鬯裸地奠之兴谒者引太尉南向再拜訖谒者引太尉次裸太祖次裸代祖次裸高祖次裸太宗次裸高宗次裸中宗次裸睿宗并如上仪訖登歌止谒者引太尉降复位初衆官拜訖祝史各奉毛血及肝膋之豆立於东门外斋郎奉炉炭萧稷黍各立於肝膋之後於登歌止祝史奉毛血肝膋与奉炉炭萧稷黍者以次入自正门升自泰阶诸太祝各迎取毛血肝膋於阶上俱入奠於神座前祝史退立於樽所斋郎奉炉炭皆置於室户外之左其萧稷黍各置於炉炭下降自阼阶以出诸太祝俱取肝膋出户燔於炉炭还樽所

馈食

太尉既升裸太官令出帅进饌者奉饌陈於东门之外重行西向以南为上谒者引司徒出詣饌所奉献祖之俎初太尉既至位太官令引饌入自正门俎初入门雍和之乐作以无射之均【自後接神之乐堂下皆奏无射】饌至泰阶乐止祝史俱进彻毛血之豆降自阼阶以出饌升诸太祝迎引於陛上各设於神座【笾豆盖冪先彻乃升簋簠既奠却其盖於下】设訖谒者引司徒以下降自阼阶复位诸太祝各取萧稷黍濡於脂燔於炉炭还樽所谒者引太尉詣疊洗盥手洗爵訖谒者引太尉升自阼阶詣献祖樽彝所执樽者举冪太尉酌泛齐訖光大之舞作谒者引太尉詣献祖神座前北向跪奠爵少东兴谒者又引太尉取爵於坩酌泛齐訖北向跪奠爵少西兴谒者引太尉少退北向立乐止太祝持版进於座右东面跪读祝文曰维某年岁次月朔日子孝曾孙开元神武皇帝某谨遣太尉某官封臣某敢昭告於献祖宣皇帝祖妣宣庄皇后张氏晷运环周岁序云及永怀追慕伏增远感谨以一元大武柔毛刚鬣明粢芻合芻其嘉蔬嘉荐醴齐肃雍明献祗荐禋事尚飨【余室祝文准此太祖以下称臣】訖兴太尉再拜訖又再拜初读祝文訖乐作太祝入奠版於神座还樽所太尉拜訖乐止谒者引太尉詣懿祖樽彝所取爵於坩执樽者举冪太尉酌泛齐訖长发之舞作谒者引太尉詣懿祖神座前南向跪奠爵少西兴谒者又引太尉取爵於坩酌泛齐訖南向跪奠爵少东兴谒者又引太尉少退南向立乐止太祝持版进於座右西向跪读祝文訖兴太尉再拜又再拜初读祝文訖乐作太祝进奠版於神座还樽所太尉拜訖乐止谒者引太尉詣太祖樽彝所取爵於坩执樽者举冪太尉酌泛齐訖大政之舞作谒者引太尉詣太祖神座前北向跪奠爵少东兴谒者又引太尉取爵於坩酌泛齐訖北向跪奠爵少西兴谒者又引太尉少退北向立乐止太祝持版进於座右东向跪读祝文訖兴太尉再拜訖又再拜初读祝文訖乐作太祝进奠版於神座还樽所太尉拜訖乐止谒者引太尉詣代祖樽彝所取爵於坩执樽者举冪太尉酌泛齐訖大成之舞作谒者引太尉詣代祖神座前南向跪奠爵少西兴谒者引太尉取爵於坩酌泛齐訖南向跪奠爵少东兴谒者引太尉少退南向立乐止太祝持版进於座右西向跪读祝文訖兴太尉再拜訖又再拜初读祝文訖乐作太祝进奠版於神座还樽所太尉拜訖乐止谒者引太尉詣高祖樽彝所取爵於坩执樽者举冪太尉酌泛齐訖大明之舞作谒者引太尉詣高祖神

座前北向跪奠爵少东兴谒者又引太尉取爵於坫酌泛齐讫北向跪奠爵少西兴谒者引太尉少退北向立乐止太祝持版进於座右东向跪读祝文讫兴太尉再拜讫又再拜初读祝文讫乐作太祝进奠版於神座还樽所太尉拜讫乐止谒者引太尉诣太宗樽彝所取爵於坫执樽者举冪太尉酌泛齐讫崇德之舞作谒者引太尉诣太宗神座前南向跪奠爵少西兴谒者又引太尉取爵於坫酌泛齐讫南向跪奠爵少东兴谒者引太尉少退南向立乐止太祝持版进於座右西向跪读祝文讫兴太尉再拜讫又再拜初读祝文讫乐作太祝入奠版於神座还樽所太尉拜讫乐止谒者引太尉诣高宗樽彝所取爵於坫执樽者举冪太尉酌泛齐讫钧天之舞作谒者引太尉进高宗神座前北向跪奠爵少东兴谒者又引太尉取爵於坫酌泛齐讫北向跪奠爵少西兴谒者引太尉少退北向立乐止太祝持版进於座右东向跪读祝文讫兴太尉再拜讫又再拜初读祝文讫乐作太祝进奠版於神座前还樽所太尉拜讫乐止谒者引太尉诣中宗樽彝所取爵於坫执樽者举冪太尉酌泛齐讫文和之舞作谒者引太尉进中宗神座前南向跪奠爵少西兴谒者又引太尉取爵於坫酌泛齐讫南向跪奠爵少东兴谒者引太尉少退南向立乐止太祝持版进於座右西向跪读祝文讫兴太尉再拜讫又再拜初读祝文讫乐作太祝进奠版於神座还樽所太尉拜讫乐止谒者引太尉诣睿宗樽彝所取爵於坫执樽者举冪太尉酌泛齐讫景云之舞作谒者引太尉进睿宗神座前南向跪奠爵少西兴谒者又引太尉取爵於坫酌泛齐讫南向跪奠爵少东兴谒者引太尉少退南向立乐终八节止太祝持版进於座右西向跪读祝文讫兴太尉再拜讫又再拜初读祝文讫乐作太祝进奠版於神座还樽所太尉拜讫曲终乐止谒者引太尉进诣东序西向立诸太祝各以爵酌鬯福酒合置一爵一太祝持爵进太尉之左北向立太尉再拜受爵跪祭酒啐酒奠爵兴诸太祝各帅斋郎进俎太祝减神座前三牲胙肉【皆取前脚第三骨】加於俎又以筴取稷黍饭兴还樽所以胙肉共置一俎上以饭共置一筴以饭授太尉太尉受以授斋郎又以三牲胙肉授太尉太尉每受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉将复位谒者引太常卿诣盥洗盥手洗爵讫谒者引太常卿升自阼阶诣献祖樽彝所执樽者举冪太常卿酌泛齐讫谒者引太常卿诣献祖神座前北面跪奠爵少东太常卿再拜讫兴谒者引太常卿取爵於坫酌泛齐讫诣神座前北面跪奠爵少西兴又再拜谒者引太常卿诣懿祖樽彝所执樽者举冪太常卿酌醴齐讫谒者引太常卿诣懿祖神座前南面跪奠爵少西兴太常卿再拜讫兴谒者又引太常卿取爵於坫酌醴齐讫谒者引太常卿诣神座前南面跪奠爵少东兴又再拜谒者引太常卿次献太祖次献代祖次献高祖次献太宗次献高宗次献中宗次献睿宗并如上仪讫谒者引太常卿诣东序西向立诸太祝各以爵酌鬯福酒合置一爵一太祝持爵进太常卿之左北向立太常卿再拜受爵跪祭酒遂饮卒爵太祝进受爵复於坫太常卿兴再拜讫谒者引太常卿降复位初太常卿献将毕谒者引光禄卿诣盥洗盥手洗爵酌盎齐终献如亚献之仪讫引光禄卿降复位武舞止登歌作诸太祝各进彻豆还樽所【彻者筴豆各一少移於故处】登歌止奉礼曰赐胙赞者唱衆官再拜衆官在位者皆再拜【已饮福受胙者不拜】永和之乐作奉礼曰衆官再拜衆官在位者皆再拜乐一成止谒者进太尉之左白礼毕谒者赞引各引享官以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出太庙令与太祝宫闾令帅腰舆升纳神主如常仪其祝版燔於斋坊

祭七祀【其日总祭如腊享】

功臣配享【依祫享仪】

大唐开元礼卷四十二

卷四十三

<史部,政书类,仪制之属,大唐开元礼>

钦定四库全书

大唐开元礼卷四十三 唐 萧嵩等 撰吉礼

肃明皇后庙时享有司摄事

斋戒 陈设

省牲器 晨裸

馈食

斋戒

将享有司卜日如别仪前享七日平明太尉誓百官於尚书省曰某月某日时享於肃明皇后庙各扬其职不供其事国有常刑凡预享之官散斋四日致斋三日【散斋皆于正寝致斋二日于本司一日于斋坊无本司者皆于斋坊】散斋理事如旧唯不吊丧问疾不作乐不判署刑杀文书不行刑罚不预秽恶致斋唯享事得行其余悉断其享官已斋而阙者通摄行事诸享官致斋之日给酒食及明衣各习礼於斋所光禄卿监取明水火【太官令取水于阴鉴取火于阳燧火以供爨水以实樽】前享一日诸卫令其属未後一刻各以其方器服守卫庙门【每门二人每隅一人】与太乐工人俱清斋一宿

陈设

前享三日右校清扫内外守宫设享官公卿以下次於斋坊之内前享二日太乐令设官悬之乐於庙庭东方西方磬簠起北钟簠次之南方北方磬簠起西钟簠次之设十二罇钟於编悬之间各依辰位树路鼓於北悬之内道之左右植建鼓於四隅置祝敢於悬内【祝在左敢在右】设歌钟歌磬於庙堂之上前楹间北向磬簠在西钟簠在东其匏竹者立於阶间重行北向相对为首【凡悬皆展而编之】诸工人各位於悬後东方西方以北为上南方北方以西为上前享一日奉礼设享官公卿位於东门之内道北执事位在道南每等异位俱重行西向以北为上设御史位於庙堂之下一位於东南西向一位於西南东向令史各於其後设奉礼位於乐悬东北赞者二人在南差退俱西面设协律郎位於庙堂之上前楹间近西东向设太乐令位於北悬之间北向设门外位享官公卿以下皆於东门之外道南每等异位重行北面西上设牲腍於东门之外当门西向以南为上设廩牺令位在牲西南史陪其後俱北向设太祝位於牲东当牲後祝史陪其後俱西向设太常卿省牲位於牲前近北又设御史位在太

常卿之西俱南向设樽彝之位於庙堂之上前楹间於室户之左北向春夏鸡彝一鸟彝一牺樽二象樽二山罍二秋冬斚彝一黄彝一着樽二壶樽二山罍二皆加勺冪冪皆以黼皆西上各有坫【以置瓚爵】设簠簋鉶登笾豆之位於堂上俱东侧阶之北四簠居前四簋次之次以六登次以六鉶笾豆为後皆以南为上屈陈而下设洗於东阶东南北向罍水在洗东筐在洗西南肆【筐实以珪瓚巾爵】执樽罍者位在樽罍之後

省牲器

省牲之日午後十刻庙所诸卫之属禁断行人太庙令整拂神幄座晡後二刻太庙令帅府史二人及斋郎以樽坫罍洗筐冪及笾豆鉶登入设於位加以巾盖【凡物器皆濯而陈之】晡後三刻太祝与廩牺令以牲就腍位谒者引太常卿赞引引御史入诣东陛升遍视涤濯於上【凡导引者每曲一逡巡于视涤濯执樽者皆举冪告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牓还本位太祝巡牲一匝西面举手曰充还本位太祝与廩牺令以次牵牲诣厨授太官谒者引光禄卿诣厨省鼎饌申视濯溉赞引引御史就厨省饌具【太常卿每事讫各还斋所】进饌者入彻笾豆簠簋鉶登以出享日未明十五刻太官令帅宰人以鸾刀割牲祝史取毛血共实一豆遂烹牲祝史洗肝於郁鬯又取腍膋共实一豆置於饌所

晨裸

享日未明四刻诸享官各服其服太庙令良醢令各率其属入实樽罍【鸡彝斚彝及牺樽象樽着樽壶樽之上樽皆实以明水山罍之上樽实以玄酒鸟彝黄彝实以郁鬯牺樽实以醴齐壶樽实以盎齐山罍实以清酒】太官令帅进饌者实诸笾豆簠簋未明三刻奉礼帅赞者先入就位赞引引御史博士太祝宫闾令及令史祝史与执樽罍筐冪者各就位赞引引御史太祝诣东陛升堂行扫除於上令史祝史行扫除於下讫引降复位未明二刻赞引引太庙令太祝宫闾令诣东陛升堂太祝宫闾令入室开帑奉出神主置於座引太庙令以下降复位未明一刻谒者赞引各引享官俱就东门外位太乐令帅工人二舞次入就位文舞入陈於悬内武舞立於悬南道西【其升堂者皆脱屣於下降纳如常】谒者引司空入就位立定奉礼曰再拜司空再拜讫谒者引司空诣东陛升堂行扫除於上降行乐悬於下讫引复位初司空行乐悬讫赞引引享官以下次入就位立定奉礼曰衆官再拜衆官在位者皆再拜讫谒者进太尉之左白有司谨具请行事退复位協律郎跪俯伏举麾【凡取物者皆俯伏而取以兴奠物则奠讫而後兴】鼓祝奏永和之乐乃以黄钟之均作文舞之舞乐舞九成【黄钟三奏大吕太簇应钟各再奏】偃麾戛敌乐止【凡乐举麾而作戛敌而止】奉礼曰衆官再拜衆官在位者皆再拜谒者引太尉诣罍洗盥手洗瓚讫谒者引太尉升自东阶诣樽彝所执樽者举冪太尉酌郁酒讫登歌作肃和之乐以圜钟之宫谒者引太尉入诣神座前北面跪以鬯裸地奠之兴谒者引太尉出北向再拜讫登歌止谒者引太尉降复位初衆官拜讫祝史奉毛血及肝膋之豆立於东门外斋郎奉炉炭萧稷黍立於肝膋之後於登歌止祝史奉毛血肝膋与奉炉炭萧稷黍者以次入自正门升自泰阶太祝迎毛血肝膋於阶上奠於神座前祝史退立於樽所斋郎以萧黍各置於炉炭下降自阼阶以出太祝取肝膋出户燔於炉炭还樽所

馈食

太尉既升裸太官令出帅进饌者奉饌陈於东门之外重行西向以南为上谒者引司徒出诣饌所司徒奉饌初太尉既至位太官令引饌入自正门俎初入门雍和之乐作以无射之均饌至阶乐止祝史进彻毛血之豆降自阼阶以出饌升太祝迎引於阶上设於神座前谒者引司徒以下降自阼阶复位太祝取萧稷黍糯於脂燔於炉炭还樽所赞者引太尉诣盥洗盥手洗爵讫升自阼阶诣樽彝所执樽者举冪太尉酌醴齐讫坤贞之舞作谒者引太尉入诣神座前北向跪奠爵出户北向立乐止太祝持版进於室户外之右东面跪读祝文曰维某年岁次月朔日子孝子开元神武皇帝某谨遣摄太尉某官臣某敢昭告於皇妣肃明皇后刘氏气序流迈时惟孟春永怀罔极伏增远感谨以一元大武柔毛刚鬣明粢芻合芻其嘉蔬嘉荐醴齐敬修时享以申追慕尚飨读讫兴太尉再拜讫又再拜初读祝文讫乐作太祝入奠版於神座出还樽所太尉拜讫乐止太祝以爵酌鬯福酒合置一爵一太祝持进太尉之左东向立太尉再拜受爵跪祭酒啐酒奠爵兴太祝减神前三牲胙肉【皆取前脚第二骨】加於俎又以筴取稷黍饭兴还樽所以胙肉置一俎上以饭置筴豆以饭授太尉太尉以授斋郎又以俎肉次授太尉太尉每授即以授斋郎讫太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛戢乐止武舞入鼓祝作舒和之乐立定戛戢乐止初太尉将复位谒者引太常卿诣盥洗盥手洗爵讫升自阼阶诣樽彝所执樽者举冪太常卿酌盎齐武舞作谒者引太常卿入诣神座前北面跪奠爵谒者引太常卿出户北向再拜讫太祝以爵酌鬯福酒一爵持进太常卿之左北向立太常卿再拜受爵跪祭酒遂饮卒爵太祝进受爵复於坫太常卿再拜讫降复位太常卿献将毕谒者引光禄卿诣盥洗盥手洗爵酌盎齐之礼一如亚献之仪讫光禄卿降复位武舞止登歌作雍和之乐太祝入室彻豆还樽所【彻者筴豆各一少移於故处】登歌止奉礼曰赐胙赞者唱衆官再拜衆官在位者皆再拜【已饮福受胙者不拜】永和之乐作奉礼曰衆官再拜衆官在位者皆再拜乐一成止谒者进太尉之左白礼毕谒者赞引各引享官以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出宫闈令纳神主如常仪其祝版焚於斋坊

卷四十四

钦定四库全书

大唐开元礼卷四十四 唐 萧嵩等 撰吉礼

孝敬皇帝庙时享有司摄事

斋戒 陈设

省牲器 晨裸

馈食

斋戒

将享有司卜日如别仪前享七日平明太尉誓百官於尚书省曰某月某日时享於孝敬皇帝庙各扬其职不供其事国有常刑凡预祭之官散斋四日致斋三日【散斋皆于正寝致斋二日于本司一日于斋坊无本司皆于斋坊】散斋理事如旧惟不吊丧问疾不判署刑杀文书不作乐不行刑罚不预秽恶致斋惟享事得行其余悉断其享官已斋而阙者通摄行事诸享官致斋之日给酒食及明衣各习礼於斋所光禄卿监取明水火【太官令取水于阴鉴取火于阳燧火以供爨水以实樽】前享一日诸卫令其属未後一刻各以其方器服守卫庙门【每门二人每隅一人】与太乐工人俱清斋一宿

陈设

前享三日右校清扫内外守宫设享官公卿以下次於斋坊之内前享二日太乐令设宫悬之乐於庙庭东方西方磬簠起北钟簠次之南方北方磬簠起西钟簠次之设十二罇钟於编悬之间各依辰位树路鼓於北悬之内道之左右植建鼓於四隅置祝敌於悬内【祝在左敌在右】设歌钟歌磬於庙堂之上前楹间北向磬簠在西钟簠在东其匏竹者立於阶间重行北向相对为首【凡悬皆展而编之】诸工人各位於悬後东方西方以北为上南方北方以西为上前享一日奉礼设享官公卿位於东门之内道北执事位在道南每等异位俱重行西面以北为上设御史位於庙堂之上位於东南西向一位於西南东向令史各於其後设奉礼位於乐悬东北赞者二人在南差退俱西向设协律郎位於庙堂之上前楹间近西东向设太乐令位於北悬之间北向设门外位享官公卿以下皆於东门之外道南每等异位重行北面西上设牲腍於东门之外当门西向以南为上廩牺令位於牲西南史陪其後俱北向设太祝位於牲东当牲後祝史陪其後俱西向设太常卿省牲位於牲前近北又设御史位在太常卿之西俱南向设樽彝之位於堂上前楹间於室户之左北向春夏奠鸡彝一鸟彝一牺樽二象樽二山罍二秋冬尊彝一黄彝一着樽二壶樽二山罍二皆加勺罍罍以黼皆西上各有坫

【以置瓚爵】设簋簠鉶登笾豆之位於堂上俱东侧阶之北四簋居前四簠次之次以六登次以六鉶笾豆为後皆以南为上屈陈而下设洗於东陞东南北向盥水在洗东篚在洗西南肆【篚实以珪瓚巾爵】执樽罍者位在樽罍之後

省牲器

省牲之日午後十刻庙所诸卫之属禁断行人庙令整拂神幄坐晡後二刻庙令帅府史二人斋郎以樽坫罍洗篚罍及笾豆鉶登入设於位加以巾盖【凡器物皆濯而陈之】晡後三刻太祝与廩牺令以牲就牓位谒者引太常卿赞引引御史入诣东陞升遍视涤溉於上【凡导引者每曲一逡巡於视濯执樽者皆举罍告洁】讫引降就省牲位南向立廩牺令少前曰请省牲退复位太常卿省牲廩牺令又前北面举手曰牓还本位太祝循牲一匝西面举手曰充还本位太祝与廩牺令以次牵牲诣厨授太官谒者引光禄卿诣厨省鼎镬申视濯溉赞引引御史就厨省饌具【太常卿以下每事讫各还斋所】进饌者入彻笾豆簋簠鉶登以出享日未明十五刻太官令帅宰人以鸾刀割牲祝史取毛血共实一豆遂烹牲祝史洗肝於鬯鬯又取胙膋共实一豆置於饌所【胙膋肠间脂也】

晨裸

享日未明四刻诸享官各服其服太庙令良醢令各帅其属入实樽罍【鸡彝斚彝及牺樽象樽着樽壶樽之上樽实以明水山罍之上樽实以玄酒鸟彝黄彝实以鬯鬯牺樽着樽实以醴齐象樽壶樽实以盎齐山罍实以清酒】太官令帅进饌者实诸笾豆簋簠未明三刻奉礼帅赞者先入就位赞引引御史博士太庙令宫闈令太祝及令史祝史与执樽罍篚罍者入自东门当阶间重行北面西上立定奉礼曰再拜赞者承传御史以下皆再拜讫执樽罍篚罍者各就位赞引引御史太祝诣东陞升堂行扫除於上令史祝史行扫除於下讫引降复位未明二刻赞引引太庙令太祝宫闈令诣东阶升堂入室开埆太祝宫闈令奉出神主置於座讫【皇后神主宫闈令奉出并坐而处右】引太庙令以下降复位未明一刻谒者赞引各引享官俱就东门外位太乐令帅工人二舞以次入就位文舞入陈於悬内武舞立於悬南道西【其升堂者皆脱屣于下降纳如常】谒者引司空入就位立定奉礼曰再拜司空再拜讫谒者引司空诣东陞升堂行扫除於上降行乐悬於下讫引复位初司空行乐悬谒者赞引引享官次入就位立定奉礼曰衆官再拜衆官再拜讫谒者进太尉之左白有司谨具请行事退复位协律郎跪俯伏举麾【凡取物者皆跪俯伏而取以兴奠物则奠讫而後兴】鼓祝奏永和之乐乃以黄钟之均作文舞之舞乐舞九成【黄钟三奏大吕太簇应钟各再奏】偃麾戛敌乐止【凡乐協律郎举麾工鼓祝而後作偃麾戛敌而後止】奉礼曰衆官再拜衆官在位者皆再拜谒者引太尉诣罍洗盥洗讫谒者引太尉升自东阶诣樽彝所执樽者举罍太尉酌郁酒讫登歌作肃和之乐以圜钟之均谒者引太尉入诣神座前北面跪以鬯裸地奠之兴谒者引太尉出户北面再拜讫登歌止谒者引太尉降复位初衆官再拜讫祝史取毛血肝膋之豆立於东门外斋郎奉炉炭萧稷黍立於肝膋之後於登歌止祝史奉毛血肝膋斋郎奉炉炭萧稷黍以次入自正门升自泰阶太祝迎毛血肝膋於阶上入奠於神座前祝史退立於樽所斋郎奉炉加炭皆置於室户外之左其萧稷黍各置於炉炭下降自阼阶以出太祝取肝膋出户燔於

炉炭复还樽彝所

馈食

太尉既升裸太官令出帅进饌者奉饌陈於东门之外重行西向以南为上谒者引司徒出诣饌所司徒奉饌初太尉既至位太官令引饌入自正门俎初入门雍和之乐作以无射之均饌至泰阶乐止祝史进彻毛血之豆降自阼阶以出饌升太祝迎引於阶上设於神座【笾豆盖幂先彻乃升簋簠既奠却其盖於下】设讫谒者引司徒以下降自阼阶复位太祝取萧於脂燔於炉炭还樽所赞引引太尉诣罍洗盥手洗爵讫谒者引太尉升自阼阶诣樽彝所执樽者举幂太尉酌醴齐讫承光之舞作谒者引太尉入诣神座前北向跪奠爵少东兴谒者又引太尉取爵於坫酌醴齐讫谒者引入神座前北向跪奠爵少西谒者引太尉出户北向立乐止太祝持版进於室户外之右东面跪读祝文曰维某年岁次月朔日子孝侄开元神武皇帝某谨遣某官摄太尉臣某敢昭告於皇伯考孝敬皇帝哀皇后裴氏气序流迈时惟孟春永怀罔极伏增远感谨以一元大武柔毛刚鬣明粢苽合苽其嘉蔬嘉荐醴齐敬修时享以申追慕尚飨讫兴太尉再拜讫又再拜初读祝文讫乐作太祝入奠版於神座还樽所太尉拜讫乐止太祝以爵酌罍福酒一爵持进太尉之左东向立太尉再拜受爵跪祭酒啐酒奠爵兴祝史帅斋郎进俎太祝减神前三牲胙肉【皆取前脚第二骨】加於俎又以笾取稷黍饭兴还樽所以胙肉置一俎以饭置一笾以饭授太尉太尉每受即以授斋郎讫太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛散乐止武舞入鼓祝作舒和之乐立定戛散乐止初太尉将复位谒者引太常卿诣罍洗盥手洗爵讫谒者引太常卿升自阼阶诣樽彝所执樽者举幂太常卿酌盎齐武舞作谒者引太常卿入诣神座前北面跪奠爵少东讫谒者引太常卿出户北向再拜讫谒者又引太常卿取爵於坫酌盎齐讫谒者引入神座前北向跪奠爵少西讫兴谒者引太常卿出户北面又再拜讫太祝以爵酌罍福酒一爵持进太常卿之左东向立太常卿再拜受爵跪祭酒遂饮卒爵太祝进受爵复於坫太常卿再拜讫降复位太常卿献将毕谒者引光禄卿诣罍洗盥手洗爵酌盎齐之礼一如亚献之仪讫光禄卿降复位武舞止登歌作雍和之乐太祝入室彻豆还樽所【彻者笾豆各一少移於故处】登歌止奉礼曰赐胙赞者唱衆官再拜衆官在位者皆再拜【已饮福受胙者不拜】永和之乐作奉礼曰衆官再拜衆官在位者皆再拜乐一成止谒者进太尉之左白礼毕谒者赞引各引享官以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出太庙令与太祝宫闾令纳神主如常仪其祝版焚於斋坊

大唐开元礼卷四十四

卷四十五

钦定四库全书

大唐开元礼卷四十五 唐 萧嵩等 撰吉礼

皇帝拜五陵 皇后拜五陵

太常卿行诸陵

皇帝拜五陵

将拜陵所司承制内外宣摄随职供办前发二日太尉告太庙如常仪将作预修理拜谒之所及寝宫务极洁敬不得喧杂尚舍直长去陵十里所设行宫奉御铺御座斋室如常仪守宫设从驾百官及皇亲诸亲客使位及次如常仪尚舍又於谒拜陵所之道西量设小次又於寝宫前之西南设大次东向御座如常仪守宫量设侍臣次於御次西南又设羣官等应陪位者次於侍臣之西南随地之宜皆东向以北为上文官在北武官在南朝集使於武官之南尚食预备太牢之饌珍羞庶品务极丰洁【太常涤棧牲牢及粢盛光禄司农及掌祠人供办如式】拜谒前一日皇帝至行宫诣斋室仗卫如式陵令以玉册进御署讫近臣奉出陵令受讫奉礼设御位於陵东南隅西向【其有山谷隐映则随地设位望陵而拜】又设位於寝宫之内寝殿东阶之东南西向又设百官位於陵所行从官及皇亲诸亲客使等分方位於神道之左右相对为首又设百官位於寝宫所大次之前分方序立如常并随地之宜拜谒日未明五刻诸卫量设黄麾大仗於陵寝陈布【诸陵寝旧宿卫人各依本职掌不得移动】未明三刻从行百官及皇亲五等以上诸亲三等已上并客使等应陪者俱就位侍中版奏请中严【其布位及进严典仪相赞设之】近仗就陈如常未明一刻侍中版奏外办皇帝素服乘马以出勅侍臣上马曲直华盖繖扇侍卫如常仪诣陵西南小次所控马以入少顷侍中版奏外办皇帝出次博士引太常卿太常卿前导皇帝至位立太常卿前奏请再拜【博士与太常卿退立於後】皇帝再拜太常卿又前奏请再拜皇帝又再拜【有泣无哭】奉礼曰再拜赞者承传陪位者皆再拜又再拜讫【凡赞引进退皆通事舍人赞相以後准此】少顷太常卿前奏请辞皇帝再拜又再拜奉礼曰奉辞赞者承传陪位者再拜又再拜太常卿引皇帝还小次乘马出次勅侍臣上马仪仗侍卫诣寝宫皇帝从陵回诣大次乘马以入其仗卫等各立以俟其行从百官及皇亲诸亲并客使等并依位序立於大次之前所司严洁具酒饌侍中版奏外办皇帝步出大次博士引太常卿太常卿前导皇帝至寝宫南门仗卫停於门外【其应从入之官临时奏听进止】博士引太常卿太常卿前导皇帝入内门取东廊进至寝殿东阶之东南西向立定太常卿前奏再拜讫引皇帝升东阶当神座前北面再拜讫又当皇后神座前再拜讫入进省服翫拂拭床帐勅所司进太牢之饌加备珍羞陈设【若有太子诸王公主陪葬栢城内者并於寝殿东廊下所司致祭功臣陪葬者於东廊下各奠饌布位量定献官行事】太常卿引皇帝出诣酒樽所酌酒进【其樽站陈於堂户外之东南如常仪】皇帝入奠酒三爵讫当神座前北面立太祝二人对持玉册於室户外之右东向一太祝东向跪读祝文讫皇帝再拜

又再拜若更荐奠服翫即躬自执陈讫太常卿引皇帝出户当神座前北面立太常卿奏请辞皇帝再拜又再拜讫太常卿引皇帝出中门太常卿前奏请权停【其从官及行事官并出大门外奉候】其守宫使内侍官引内官帅寝宫内人谒见皇帝出侍卫如常仪还大次少顷若犹宿即乘马还行宫若更向前陵即於大次便进发【皆近侍预奏取进止与仗卫计会】

皇后拜五陵

所司预设大次於寝宫之东随地之宜东向铺御座如常又设先朝妃嫔次於大次之南子宫设大长公主长公主及诸亲妇人命妇等次於妃嫔之南皆东向及拜谒之处皆障以行帷前一日内谒者设中宫御座於寝宫东大次前近东东向又设先朝妃嫔以下位於御位西南各於其次之东皆重行东面以北为上又设司赞位於妃嫔东北东面掌赞二人在南差退皇帝发行宫後皇后乘四望车如常行之式之大次改服假髻白练单衣服内典引各引妃嫔以下就位立讫内侍版奏外办司言引尚宫尚宫引皇后【每尚宫前导皆司言先引】出就位【尚服负琮宝以从如式】立定尚仪前奏再拜退复位皇后再拜司赞曰再拜掌赞承传诸陪位者皆再拜少顷尚仪又前奏请再拜辞皇后再拜司赞曰再拜掌赞承传诸陪位者皆再拜尚宫引皇后还大次谒寝宫如常仪皇后初还大次内典引各引陪位者退皇后拜陵讫於寝宫东大次改服钿钗礼衣【若服常服临时听进止】乘舆诣寝宫尚服负琮宝以从侍卫如常先朝妃嫔大长公主长公主陪从如常式至寝宫北门降舆入大次皇帝既入寝宫尚宫引皇后侍从如常诣寝殿前西阶之西东面立其妃嫔公主等陪从位於皇后之西南皆东面北上又设司赞位於妃嫔东北东面掌赞二人在南差退在位者立定尚仪前奏再拜皇后再拜司赞曰再拜掌赞承传妃嫔以下皆再拜讫尚宫引皇后升自西阶入室【妃嫔公主等仍立於阶下】诣先帝神座前北面再拜讫尚宫又引皇后诣先帝皇后神座前北面再拜讫尚宫引皇后进省先后服翫讫引退西厢东面立进食讫皇帝出尚宫引皇后从出降自西阶复阶下位尚仪奏再拜辞皇后再拜讫司赞曰再拜掌赞承传诸陪位妃嫔等皆再拜尚宫引皇后之大次更衣妃嫔以下皆更衣皇帝过皇后出寝宫北门乘四望车还行宫侍从如来仪

太常卿行诸陵

所司预择吉日行日之朝车府令具轺车驾一马清道青衣团扇曲盖繖扇俱诣太常寺门布列以俟守宫预於陵南百步道东设次西向北上右校令具翦除利器以备洒埽太常卿公服乘车奉礼以下公服陪从到次降车停便座奉礼设卿位於兆门外之左西向陵官在卿位东南执事官又於其南俱西面北上设奉礼位於陵官之西西面赞者二人在南少退谒者引太常卿次出就位赞引引诸官以次就位立定奉礼曰再拜赞者承传在位者俱再拜谒者引太常卿赞引引诸官以次入奉行毕谒者引复位奉礼曰再拜赞者承传在位者皆再拜谒者引太常卿赞引引诸官各就便座少顷乘车发引次诣诸陵奉行如上仪若应须洒埽及芟薙修理皆即随事处分

大唐开元礼卷四十五

卷四十六

钦定四库全书

大唐开元礼卷四十六 唐 萧嵩等 撰吉礼

皇帝孟春吉亥享先农耕籍

斋戒 陈设

銮驾出宫 馈享

耕籍 銮驾还宫

劳酒

斋戒

前祀五日皇帝散斋三日於别殿致斋二日一日於太极殿一日於行宫前致斋一日尚舍奉御设御幄於太极殿西序及室内俱东向尚舍直长张帷於前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各督其队入陈於殿庭如常仪尚舍引文武五品以上袴褶陪位如常式诸近侍之官各服其器服诸侍臣并结佩俱诣阁奉迎侍中版奏外办上水三刻皇帝服通天冠绛纱袍结佩乘輿出自西房曲直华盖警蹕侍卫如常仪皇帝即御坐东向坐侍中夹侍如常一刻顷侍中前跪奏称侍中臣某言请降就斋室俛伏兴还侍位皇帝降坐入室文武侍臣各还省直卫者如常仪舍人引陪位者以次出凡预享之官散斋三日致斋二日【散斋皆於正寝致斋一日於本司一日於享所其无本司者则一日於郊社署】近侍之官应从升者及从享羣官诸方客使各於享所俱清斋一宿散斋理事如旧唯不吊丧问疾不作乐不判署刑杀文书不行刑罚不预秽恶致斋唯享事得行其余悉断其享官已斋而阙者通摄行事诸享官致斋之日给酒食及明衣各习礼於斋所光禄卿监取明水火【太官令取水於陰鑒取火於阳燧火以供?水以实尊】前享一日诸卫令其属未後一刻各以其方器服守卫墻门【每门二人每隅一人】与太乐工人俱清斋一宿

陈设

前享三日尚舍直长施大次於外墻东门之内道北南向尚舍奉御铺御坐守宫设文武侍臣次於大次之後文官在左武官在右俱南向设诸享官次於东墻之外道南从享文官九品以上於享官之东东方南方朝集使於文官之东东方南方蕃客又於其东俱每等异位北向西上介公鄯公於西墻之外道南武官九品已上於介公鄯公之西西方北方朝集使於武官之西西方北方蕃客又於其西俱每等异位北向东上【其褒圣侯於文官三品之下诸州使

人分方位於朝集使之後】设饌幔於内壝东门之外道南北向前享二日太乐令设宫悬之乐於坛南内壝之内东方西方磬簋起北钟簋次之南方北方磬簋起西钟簋次之设十二罇钟於编悬之间各依辰位树路鼓於北悬之内道之左右植建鼓於四隅置祝敌於悬内祝在左敌在右设歌钟歌磬於坛上近南北向磬簋在西钟簋在东其匏竹者立於坛下重行北向相对为首【凡悬皆展而编之】诸工人各位於悬後东方西方以北为上南方北方以西为上右校扫除坛之内外又为瘞埴於坛之壬地外壝之内方深取足容物南出陛前享一日奉礼设御坐於坛之东南南向设望瘞位於坛西南当瘞北向设享官公卿位於内壝东门之内道南执事者位於其後每等异位俱重行西向北上设御史位於坛下一位於东南南向一位於西南东向令史各陪其後设奉礼位於乐悬东北赞者二人在南差退俱西向又设奉礼赞者位於瘞西南东面设协律郎位於坛上南陛之西东向设太乐令位於北悬之间当坛北向设从享之官位文官九品以上於执事之南东方南方朝集使於文官之南东方南方蕃客又於其南俱每等异位重行西面北上鄴公介公位於南壝西门之内道南武官九品已上於鄴公介公之後西方北方朝集使於武官之南西方北方蕃客又於其南俱每等异位重行东面北上【其褒圣侯於文官三品之下诸州使人分方位于朝集使之後】又设享官及从享羣官等门外位於东西壝门之外道南皆如设次之式又设御耕籍位於外壝南门之外十步所南向设从耕位三公诸王诸尚书诸卿位於御坐东南重行西向各依推数为列其公王尚书卿等非耕者位於耕者之东重行西向俱北上鄴公介公位於御坐西南东向以北为上尚舍设御耒席於三公之北少西南向奉礼又设司农卿位於御耒席东少南南向廩牺令於司农卿之南少退诸执耒耜者位於公卿耕者之後非耕者之前西向【御耒耜一具三公耒耜三具诸王尚书卿各正位三人合耒耜九具以下耒太常各令籍田农人执之】设酒尊之位於坛上神农氏牺尊二象尊二山罍二在东南隅北向后稷氏牺尊二象尊二山罍二在神农氏酒樽之东俱北向西上【尊皆加勺罍有站以置爵】设御洗於坛南陛东南亚献之洗於东陛之南俱北向执尊罍篚冪者各位於尊罍篚冪之後设币篚於坛上各於尊站之所晡後郊社令帅斋郎以尊站罍洗篚冪入设於位【升坛者自东陛】谒者引光禄卿诣厨视濯漑【凡导引者每曲一逡巡】赞引引御史诣厨省饌具【光禄卿以下每事讫各还斋所】享日未明十五刻太官令帅宰人以鸾刀割牲祝史以豆取毛血各置於饌所遂烹牲未明五刻太史令郊社令各服其服升设神农氏神坐於坛上北方南向设后稷氏神坐於东方西向席皆以莞设神坐於坐首

銮驾出宫

前出三日本司宣摄内外各供其职尚舍设行宫於坛南东向随地之宜守宫设从享官五品以上次於承天门外东西朝堂如常前二日太乐令设宫悬之乐於殿庭如常仪【驾出悬而不作】其日昼漏上水五刻銮驾发引发引前七刻撻一鼓为一严【三严时节前一日侍中奏裁】前五刻撻二鼓为再严侍中版奏请中严奉礼设从享群官五品以上位於东朝堂之前西向武官於西朝堂之前东向俱重行北上从享群官五品以上依时刻俱集朝堂次各服其服【其六品以下及鄴公介公褒圣侯朝集使诸方客使等并依驾出之日赴享所】所司陈大驾卤簿前二刻撻三鼓为三严诸卫之属各督其队与鉞戟以次入陈於殿庭谒者引从享群官各就朝堂前位诸侍卫之官各服其器服侍中中书令以下俱就西阶奉迎【侍中

负实如式】乘黄令进耕根车於太极殿西阶之前南向千牛将军一人执长刀立於车前北面黄门侍郎一人在侍臣之前赞者二人又在黄门侍郎之前侍中版奏外办太仆卿奋衣而升正立执轡皇帝斋服乘輿以出降自西阶称警蹕如常仪千牛将军前执轡皇帝升车太仆卿立授绥侍中中书令以下夹卫如常乘黄令进耒耜太仆卿受之载於御者之间黄门侍郎进当銮驾前跪奏称黄门侍郎臣某言请銮驾发引俛伏兴退复位【凡黄门侍郎奏请皆进銮驾前跪奏称某官臣某言讫俛伏兴】銮驾动又称警蹕黄门侍郎与赞者夹引以出千牛将军夹车而趋驾出承天门至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从在黄钺内侍中中书令以下夹侍於车前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏銮驾发引退复位銮驾动称警蹕鼓传音如常不鸣鼓吹不得喧哗其从享之官在玄武队後如常仪驾将至诸享官俱朝服结佩谒者引立於次前重行北面西上驾过引下还斋所驾至行宫南门外回车南向将军降立於车右侍中进当銮驾前跪奉称臣侍中臣某言请降车俛伏兴还侍位皇帝降车乘輿入繖扇华盖侍卫警蹕如常仪宿卫如式乘黄令受耒耜掌之谒者赞引从享官通事舍人分引文武群官五品以上集行宫朝堂前文左武右舍人承旨勅羣官等各还次

馈享

享日未明三刻诸享官及从享之官各服其服郊社令良醞令帅其属入实尊罍及币【牺尊实以醴齐象尊实以盎齐山罍实以清酒齐皆加明水酒皆加玄酒各实於上尊祀神币皆以青色】太官令帅进饌者实诸筵豆簠簋等入设饌幔内未明二刻奉礼帅赞者先入就位赞引引御史诸太祝及令史祝史与执尊罍篚幂者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执尊罍篚幂者各就位赞引引御史诸太祝诣坛东陞升行扫除於上令史祝史行扫除於下讫引降就位未明一刻谒者赞引各引享官及从享羣官客使等俱就门外位太乐令帅工人二舞次入就位文舞入陈於悬内武舞立於悬南道西【其升坛者皆脱履于下降纳如常】谒者引司空入就位立定奉礼曰再拜司空再拜讫谒者引司空诣坛东陞升行扫除於上降行乐悬於下讫引复位初司空行乐悬谒者赞引各引享官及从享官客使等次入就位初未明三刻诸卫列大驾仗卫陈设如式侍中版奏请中严乘黄令进耕根车於行宫南门外回车南向【若行宫坛相远严警如式】未明一刻侍中版奏外办质明皇帝服袞冕乘輿以出繖扇华盖侍卫如常仪【侍中负玺陪从如式】皇帝升车讫乘黄令进耒耜太仆受载如初黄门侍郎奏请銮驾发引还侍位銮驾动称警蹕如常千牛将军夹车而趋【若行宫去坛远奏升车如式】驾至大次门外回车南向侍中进当銮驾前跪奏称侍中臣某言请降车俛伏兴还侍位皇帝降车乘輿之大次繖扇华盖侍卫如常仪郊社令以祝版进御署讫近臣奉出郊社令受各奠於坫初皇帝降车讫乘黄令受耒耜授廩牺令而横执之左其耜之耕所置於席遂守之【凡执耒耜皆横之授则先其耒後其耜】皇帝停大次半刻顷太常博士引太常卿立於大次门外当门北向侍中版奏外办皇帝出次华盖侍卫如常仪博士引太常卿太常卿引皇帝【凡太常卿前导皆博士先引】至内壝门外殿中监进大珪尚衣奉御又以镇珪授殿中监殿中监受进

皇帝搢大珪执镇珪华盖仗卫停於门外近侍省卫从入如常仪皇帝至版位西向立【每立定太常与博士退立于左】太常卿前奏称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏兴举麾【凡取物者皆跪俛伏取以兴奠物则奠讫俛伏而後兴】鼓祝奏永和之乐以姑洗之均【自後坛下接神之乐皆奏姑洗】作文舞之舞乐舞三成偃麾戛敔乐止【凡乐皆协律郎举麾工鼓祝而後作偃麾戛敔而後止】太常卿前奏称请再拜退复位皇帝再拜奉礼曰衆官再拜衆官在位者皆再拜太祝俱取币於筐各立於尊所太常卿引皇帝太和之乐作【皇帝每行皆作太和之乐】皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立乐止太祝以币授侍中侍中受币东向进皇帝搢镇珪受币【凡受物皆搢镇珪奠讫执镇珪俛伏兴】登歌作肃和之乐以南吕之均太常卿引皇帝进北面跪奠於神农氏神坐俛伏兴太常卿引皇帝少退北向再拜讫太常卿引皇帝又立於西方东向又太祝以币授侍中侍中受币北向进皇帝受币太常卿引皇帝进东面跪奠於后稷氏神坐俛伏兴太常卿引皇帝少退东面再拜讫登歌止太常卿引皇帝乐作皇帝降自南陛还版位西向立乐止初羣官拜讫祝史奉毛血之豆立於门外登歌止祝史奉毛血入升自南陛配坐升自东陛太祝迎取於坛上进奠於神坐前太祝与祝史退立於尊所皇帝既升奠币太官令出帅进饌者奉饌陈於内墀门外谒者引司徒出诣饌所司徒奉神农之俎皇帝既至版位乐止太官令引饌入俎初入门雍和之乐作饌至陛乐止祝史进跪彻毛血之豆降自东陛以出神农氏之饌升自南陛配坐之饌升自东陛太祝迎引於坛上各设於神坐前【笾豆盖幂先彻乃升簋簠既奠却其盖於下】设讫谒者引司徒以下降自东陛复位太祝各还樽所太常卿引皇帝诣盥洗乐作皇帝至盥洗乐止侍中跪取?兴沃水又侍中跪取盘兴承水皇帝盥手黄门侍郎跪取巾於筐兴进皇帝帨手讫黄门侍郎受巾跪奠於筐兴进爵皇帝受爵倚中酌盥水又侍中奉盘皇帝洗爵黄门侍郎又授巾皆如初皇帝拭爵讫侍中奠盘?黄门侍郎受巾奠於筐皆如初太常卿引皇帝乐作皇帝诣坛升自南陛乐止谒者引司徒升自东陛立於尊所斋郎奉俎从升立於司徒之後太常卿引皇帝诣神农氏酒樽所执尊者举幂侍中赞酌醴齐讫壽和之乐作【皇帝每酌献及饮福皆作壽和之乐】太常卿引皇帝进神农氏神坐前北向跪奠爵俛伏兴太常卿引皇帝少退北面立乐止太祝持版进於神坐之右东面跪读祝文曰维某年岁次月朔日子嗣开元神武皇帝某敢昭告於帝神农氏献春伊始东作方兴率由典则恭事千亩谨以制币牺齐粢盛庶品肃备恒祀陈其明荐以后稷配神作主尚飨讫兴皇帝再拜初读祝文讫乐作太祝进跪奠版於神坐兴还尊所皇帝拜讫乐止太常卿引皇帝诣后稷氏酒樽所执樽者举幂侍中取爵于坫进皇帝受爵侍中赞酌醴齐讫乐作太常卿引皇帝进后稷氏神坐前东向跪奠爵俛伏兴太常卿引皇帝少退东向立乐止太祝持版进於神坐之左北向跪读祝文曰维某年岁次月朔日子嗣开元神武皇帝某敢昭告于后稷氏土膏覬起爰循耕籍用荐恒祀于帝神农氏惟神功叶稼穡实允昭配谨以制币牺齐

粢盛庶品式陈明荐作主侑神尚飨讫兴皇帝再拜初读祝文讫乐作太祝进跪奠版於神坐前俛伏兴还尊所皇帝拜讫乐止太常卿引皇帝进神农氏神坐前北面立乐作太祝各以爵酌上尊福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝帅斋郎进俎太祝减神农前三牲胙肉【皆取前脚第二骨】各置一俎上又以笾豆取稷黍饭共置一笾太祝先以饭笾授司徒司徒受西向进皇帝受以授左右又以

胙肉授司徒司徒受俎以次进皇帝每受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复於坵皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讠夏敌乐止武舞入鼓祝奏舒和之乐立定夏敌乐止皇帝将复位谒者引太尉诣罍洗盥手洗爵谒者引太尉自东陛升坛诣神农氏象尊所执尊者举罍太尉酌盎齐武舞作谒者引太尉进神农氏神坐前北向跪奠爵兴谒者引太尉少退北向再拜谒者引太尉诣后稷氏象尊所取爵於坵执尊者举罍太尉酌盎齐谒者引太尉进后稷氏神坐前东面跪奠爵兴谒者引太尉少退东向再拜谒者引太尉进神农神座前北向立太祝各以尊酌罍酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坵太尉兴再拜谒者引太尉降复位初太尉献将毕谒者引光禄卿诣罍洗盥手洗爵升酌盎齐终献如亚献之仪讠谒者引光禄卿降复位武舞止诸太祝各进跪彻豆兴还尊所【彻者筵豆各一少移於故处】奉礼曰赐胙赞者唱衆官再拜衆官在位者皆再拜【已饮福者不拜】永和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望瘞位奉礼帅赞者就瘞埴西南位太常卿引皇帝太和之乐作皇帝就望瘞位北向立乐止於群官将拜太祝各执筐进神坐前取币各由其陛降坛诣埴以币置於埴讠奉礼曰可瘞埴东西厢各四人寘土半埴太常卿前奏礼毕请就耕籍位太常卿引皇帝乐作皇帝诣耕位南向立乐止初白礼毕奉礼帅赞者还本位

耕籍

皇帝将诣望瘞位谒者引三公及应从耕侍耕者各就耕位司农先就位诸执耒耜者皆就位皇帝初诣耕位廩牺令进诣御耒席南北面跪俛伏搯笏解韬出耒执耒起少退北面立司农卿进受耒以授侍中侍中奉耒进皇帝受以三推侍中受耒耜反於司农司农反於廩牺令讠还本位廩牺令复耒於韬执耒起复位立皇帝初耕执耒耜者以耒耜各授侍耕者皇帝耕讠三公诸王五推尚书卿九推讠执耒耜者前受耒耜退复位侍中前奏礼毕退复位太常卿引皇帝自南门还大次乐作皇帝出内壝东门殿中监前受镇珪以授尚衣奉御殿中监又前受大珪华盖侍卫如常仪皇帝入次乐止谒者赞引各引享官及从享群官诸方客使以次出赞引各引御史太祝以下俱复执事位立定奉礼曰再拜御史以下皆再拜赞引引出工人二舞以次出太常卿帅其属以次耕於千亩其祝版燔於斋坊

銮驾还宫

皇帝既还大次侍中版奏请解严【将军不得辄离部伍】皇帝停大次一刻顷槌一鼓为一严转仗卫於还涂如来仪三刻顷槌二鼓为再严将士布队仗侍中版奏请中严皇帝通天冠绛纱袍诸享官服朝服五刻顷槌三鼓为三严通事舍人各引羣官客使序立於大次之前近南文武侍臣诣大次门外南向千牛将军立於车右侍中版奏外办太仆卿升执轡皇帝乘輿出次繖扇侍卫警蹕如常仪皇帝升车太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎赞引夹引千牛将军夹车而趋至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文

武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升
讫黄门侍郎奏称请銮驾发引退复位鼓传音銮驾动鼓吹振作而还文武羣官皆从如来仪
诸方客使便还馆驾至承天门外侍臣下马所銮驾权停文武侍臣皆下马千牛将军降立於
车右讫銮驾动千牛将军夹车而趋驾入嘉德门太乐令撞蕤宾之钟左五钟右五钟皆应鼓
祝奏采茨之乐至太极门戛敌乐止入太极殿鼓祝奏太和之乐驾至横街北当东上合回车
南向侍中进当銮驾前跪奏称侍中臣某言请降车俛伏兴还侍位皇帝降车乘輿以入繖扇
侍卫警蹕如常仪侍臣从至合戛敌乐止初文武群臣至东朝堂通事舍人承旨勅群官并还
皇帝既入侍中版奏请解严叩钲将士各还其所

劳酒

车驾还宫之明日设会於太极殿如元会之仪【唯不贺不上壽为异】

大唐开元礼卷四十六

卷四十七

钦定四库全书

大唐开元礼卷四十七 唐 萧嵩等 撰吉礼

孟春吉亥享先农於藉田有司摄事

斋戒 陈设

享饗

斋戒

凡预享之官散斋三日致斋二日【散斋皆於正寝致斋一日於本司一日於享所其无本司皆於享所】散斋理事如旧唯不吊丧问疾不作乐不判署刑杀文书不行刑罚不预秽恶致斋唯享事得行其余悉断其享官已斋而阙者通摄行事光禄卿监取明水火【太官令取水於陰鉴取火於阳燧火以供爨水以实尊】前享一日诸卫令其属未後一刻各以其方器服守卫墻门【每门二人每隅一人】与太乐工人俱清斋一宿

陈设

前享三日右校扫除坛之内又为瘞瘞於坛之壬地外墻之内方深取足容物南出陞前享二日卫尉设享官公卿以下次於外墻东门之外道南北向以西为上设饗幔於内墻东门之外道南北向大乐令设宫悬之乐於坛南内墻之内东方西方磬簠起北钟簠次之南方北方磬簠起西钟簠次之设十二鐃钟於编悬之间各依辰位树路鼓於北悬之内道之左右植建鼓于四隅置祝敔於悬内【祝在左敔在右】设歌钟歌磬於坛上近南北向磬簠在西钟簠在东其匏竹者立於坛下重行北向相对为首【凡悬皆展而编之】诸工人各位於悬後东方西方以南为上南方北方以西为上前享一日奉礼设享官公卿位於内墻东门之内道北执事位於道南每等异位重行西面以北为上设望瘞位於坛之西南当瘞瘞北向设御史位於坛之下一人位於东南南向一人位於西南东向令史各陪其後设奉礼位於乐悬东北赞者二人在南差退俱西向北上又设奉礼赞者位於瘞瘞西南东面南上设协律郎位於坛上南陞之西东向设太乐令位於北悬之间当坛北向设享官公卿以下门外位皆於东墻之外道南每等异位重行北面以西为上设酒樽之位於坛上神农氏牺尊二象尊二山罍二在东南隅北向后稷氏犧尊二象尊二山罍二在神农氏酒尊之东俱北向西上【尊俱置於坫皆加勺罍设爵于尊下】设洗於坛上南陞东南北向罍水在洗东篚在洗西南肆【篚实以巾爵】执尊罍篚罍者各位於尊罍篚罍之後各设币篚於坛上尊坫之所晡後谒者引光禄卿诣厨视濯漑又谒者引诸享官诣厨省饗具讫还斋所享日未明十五刻太官令帅率人以鸾刀割牲祝史以豆取毛血置於饗所遂烹牲未明五刻太史令郊社令升设神农氏神坐於

坛上北方南向设后稷氏神坐於东方西向席俱以莞设神位各於坐首

馈享

享日未明三刻诸享官各服其服郊社令良醢令各帅其属入实樽罍及币【牺尊实以醴齐象尊实以盎齐其玄酒各实于两齐之上尊山罍实以清酒礼神之币皆以青】太官令帅诸进饌者实诸笾豆簋簠入陈於东门之外饌幔内未明二刻奉礼帅赞者先入就位赞引引御史诸太祝及令史祝史与执尊罍篚幂者入自东门当坛南重行北面西上【凡导引者每曲一逡巡】立定奉礼曰再拜赞者承传【凡奉礼有词赞者皆承传】御史以下皆再拜讫执樽者升自东陛立於尊所坛下执樽罍篚幂者各就位赞引引御史诸太祝诣坛东陛升行扫除於上令史祝史行扫除於下讫引降就位未明一刻太乐令帅工人二舞次入就位文舞入陈於悬内武舞立於悬南道西谒者引司空入就位立定奉礼曰再拜司空再拜讫谒者引司空诣坛东陛升行扫除於上降行乐悬於下讫引还本位初司空入谒者引享官赞引引执事者俱就壝外位司空行扫除讫谒者赞引各引享官以次入就位立定奉礼曰衆官再拜衆官在位者皆再拜【其先拜者不拜】谒者进太尉之左白有司谨具请行事还本位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝以角音奏永和之乐以姑洗之均作文舞之舞乐舞三成偃麾戛敔乐止【凡乐皆协律郎举麾工鼓祝而後作偃麾戛敔而後止】奉礼曰衆官再拜衆官皆再拜诸太祝俱取币於篚各立於尊所谒者引太尉诣坛升自南陛北向立太祝以币东向授太尉受币登歌作肃和之乐乃以南吕之均谒者引太尉进北面跪奠於神农氏神坐兴谒者引太尉少退北向再拜谒者引太尉立于西方东向又太祝奉币北向授太尉受币谒者引太尉进东面跪奠於后稷氏神坐兴谒者引太尉少退东向再拜讫登歌止谒者引太尉降自南陛还本位初群官拜讫祝史奉毛血立于门外登歌止祝史奉毛血升自南陛配坐升自东陛太祝迎取于坛上进奠于神坐前太祝兴祝史退立于尊所太尉既升奠币太官令出帅进饌者奉饌陈于内壝东门之外谒者引司徒出诣饌所司徒奉神农之俎太官令引饌入俎初入门雍和之乐作【自後酌献皆作雍和】饌至陛乐止祝史跪彻毛血之豆降自东陛以出神农氏之饌升自南陛配坐饌升自东陛诸太祝迎引於坛上各设於神坐前【笾豆盖幂先彻乃升簋簠既奠却其盖于下】设讫谒者引司徒以下降复位诸太祝各还尊所谒者引太尉升自南陛诣神农氏酒尊所执尊者举幂太尉酌醴齐讫乐作谒者引太尉进神农氏神坐前北向跪奠爵兴谒者引太尉少退北向立乐止太祝持版进於神坐之右东面跪读祝文曰维某年岁次月朔日子嗣皇帝臣某谨遣太尉封臣名敢昭告于神农氏献春伊始东作方兴率由典则恭事千亩谨以制币牺齐粢盛庶品肃备恒祀陈其明荐以后稷配神作主尚飨讫兴太尉再拜初读祝文讫乐作太祝进跪奠版於神坐兴还尊所太尉拜讫乐止谒者引太尉诣后稷氏酒樽所取爵于坫执尊者举幂太尉酌醴齐讫乐作谒者引太尉进后稷氏神坐前东向立乐止太祝持版进於神坐之左北面跪读祝文曰维某年岁次月朔日子嗣开元神武皇帝某谨遣太尉封臣名敢昭告于后稷氏土膏覬起爰循耕籍式陈明荐于帝神农氏惟神功叶稼穡实允昭配谨荐制币牺齐粢盛庶品作主侑神尚飨讫兴太尉再拜初读祝文讫乐作太祝进跪奠版于神坐兴还尊所太尉拜讫乐止谒者引太尉进神农氏神坐前北向立太祝各以爵酌罍福酒合置一爵一太祝持爵进太尉之右西向立太尉再拜受爵跪祭酒啐酒奠爵兴太祝帅斋郎奉俎太祝减神农前三

牲胙肉加於俎又以筯取稷黍饭兴以胙肉共置一俎上又以饭共置一筯太祝先以饭筯授太尉太尉受以授斋郎又以俎授太尉太尉每受以授斋郎太尉跪取爵遂饮卒爵太祝进受爵复於坫太尉兴再拜谒者引太尉降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初太尉献将毕谒者引太常卿诣盥洗盥手洗爵讫谒者引太常卿自东陞升坛诣神农氏象尊所执尊者举罍太常卿酌盎齐讫武舞作谒者引太常卿进神农氏神坐前北向跪奠爵兴谒者引太常卿少退北向再拜谒者引太常卿进神农氏神坐前北向立太祝各以爵酌罍福酒合置一爵一太祝持爵进太常之右西向立太常卿再拜受爵跪祭酒遂饮卒爵太祝进受爵复於坫太常卿兴再拜谒者引太常卿降复位初太常卿献将毕谒者引光禄卿诣盥洗盥洗讫升酌盎齐终献如亚献之仪讫谒者引光禄卿降复位武舞六成舞献俱毕诸太祝各进跪彻豆还尊所【彻者筯豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】奉礼曰衆官再拜衆官在位者皆再拜乐一成止谒者进太尉之左白请就望瘞位谒者引太尉就望瘞位北向立於衆官将拜讫诸太祝各持筐进神坐前跪取币斋郎以俎载牲体稷黍饭爵酒兴各由其陞降坛诣瘞埴以币饌物置於埴讫奉礼曰可瘞埴东西厢各四人寘土半埴谒者引太尉出又谒者赞引各引享官以次出赞引引御史以下俱复执事位立定奉礼曰再拜御史以下皆再拜赞引引出工人二舞以次出其祝版燔於斋坊

大唐开元礼卷四十七

卷四十八

钦定四库全书

大唐开元礼卷四十八 唐 萧嵩等 撰吉礼

皇后季春吉已享先蚕亲桑

斋戒 陈设

车驾出宫 馈享

亲桑 车驾还宫

劳酒

斋戒

先祀五日散斋三日於後殿致斋二日於正殿前致斋一日尚寝设御幄於正殿西序及室中俱东向致斋之日昼漏上水一刻尚仪版奏请中严尚服帅司仗布侍卫司宾引内命妇陪位并如式六尚以下各服其服诣後殿奉迎尚仪版奏外办上水三刻皇后服钿钗礼衣结佩乘輿出自西房华盖警蹕侍卫如常仪皇后即御坐东向坐六尚以下侍卫如常一刻顷尚仪前跪奏称尚仪妾姓言请降就斋室兴退复位皇后降坐乘輿入室六尚以下各还寝直卫者如常司宾引陪位者退散斋之日内侍帅内命妇之吉者使蚕於蚕室凡预享之官散斋三日於其寝致斋二日一日於其寝一日於享所【亚献终献则致斋二日皆於其寝】六尚以下应从升者及从享内外命妇各於其寝清斋一宿散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事诸预享之官致斋之日给酒食及明衣各习礼於斋所光禄卿监取明水火【太官令取水於陰监取火於阳燧火以供爨水以实尊】前享一日诸卫令其属未後一刻各以其方器服守卫墀门【每门二人每隅一人】享日未明给使代执与女工人等俱清斋一宿

陈设

前享三日尚舍直长施大次於外墀东门之内道北南向尚舍奉御铺御坐尚舍直长设内命妇及六尚以下次於大次之後俱南向守宫设外命妇次大长公主长公主公主以下於南墀之外道西三公夫人以下在其南俱重行每等异位东向北上设陈饌幔於内墀东门之外道南北向前享二日太乐令设宫悬之乐於坛南内墀之内东方西方磬簋起北钟簋次之南方北方磬簋起西钟簋次之设十二大磬於编悬之间各依辰位置祝敔於悬内祝在左敔在右设歌钟歌磬於坛上近南北向磬簋在西钟簋在东其匏竹者立於坛下重行北向相对为

首【凡悬皆展而编之】诸女工人各位於悬後东方西方以南为上南方北方以西为上右校扫除坛之内外又为瘞瘞於坛之壬地内壝之外方深取足容物南出陛又为采桑坛於坛二十步所方三丈高五尺西出陛尚舍量施帷障於外壝之外四而开门其东门使容厌翟车前享一日内谒者设御坐於坛之东南西向设望瘞位於坛之西南当瘞瘞西向设亚献终献位於内壝东门之内道南执事者位於其後每等异位俱重行西向北上设典正位於坛下一位於东南西向一位於西南东向女史各陪其後设司赞位於乐悬东北掌赞二人在南差退俱西面又设司赞掌赞位於埋瘞西南东面南上设典乐举麾位於坛上南陛之西东向设司乐位於北悬之间当坛北向设内命妇位於终献之南絶位每等异位重行西向北上设外命妇位于中壝南门之外大长公主以下於道东东西当内命妇位差退公夫人以下於道西去道远近准公主位俱每等异位重行相向北上又设御采桑位于采桑坛上东向设内命妇采桑位于坛下当御位东北每等异位南向西上设外命妇采桑位於坛下当御位东南每等异位北向西上设执御鉤筐者位於内命妇之西少南西上【尚功执鉤典制执筐】设内命妇执鉤筐者位各於其采桑位之後【尚功下四典执鉤典制下女史执筐】设门外位享官於东壝之外道南从享内命妇于享官之东俱每等异位重行北面西上从享外命妇於南壝之外道西如设次之式设酒尊之位於坛上东南隅北向西上牺尊二象尊二山罍二【尊皆加勺罍有坫以置爵】设御洗于坛南陛东南亚献之洗又於东南俱北向罍水在洗东筐在洗西南肆【筐实以巾爵】执尊罍筐罍者各位于尊罍筐罍之後设币筐于坛上樽坫之所哺後内谒者帅其属以尊坫罍洗筐罍入设于坛上【升坛者自东陛】享日未明十五刻太官令帅宰人以鸾刀割牲祝史以豆取毛血置于饌所遂烹牲【其神厨及诸司供事便次守宫与金吾相之量于坛东张设】享日未明五刻司设服其服升设先蚕氏神坐于坛上北方南向席以莞设神坐於坐首

车驾出宫

前享一日金吾奏请外命妇等应集坛所者并听夜行其应采桑者四人各具女侍者进筐鉤载之而行监门预奏请享日未明四刻开所由苑门诸亲及命妇以下以次入诣坛南次所各服其服应采桑者筐鉤各具女侍者执授内谒者监内谒者监受之以授执鉤筐者享日未明三刻撻一鼓为一严【三严时节前一日内侍奏裁】未明二刻撻二鼓为再严尚仪版奏请中严内命妇各服其服所司陈车驾卤簿未明一刻撻三鼓为三严司宾引内命妇入立于庭重行西而以北为上六尚以下各服其服俱诣室奉迎【尚服负宝如式】内仆进厌翟车于阁门尚仪版奏外办馭者执輿皇后服鞠衣乘輿以出华盖侍卫警蹕如常内命妇从出门皇后升车尚功司制进筐鉤载之仗卫如常仪内命妇及六尚等乘车陪从如式其内命妇应采桑者四人各服其服典制等进筐鉤载之诸翊驾之官皆乘马驾动警蹕如常不鸣鼓角诸卫前後督摄如常内命妇宫人以次从

馈享

享日未明三刻诸享官各服其服尚仪及司醢帅其属入寔尊罍及币【牺尊实以醴齐象尊实以盎齐山罍实以清酒齐加明水酒加玄酒各实上尊币以黑】太官令寔诸笾豆簠簋

俎等内谒者帅其属诣厨奉饌入设於饌幔内【内侍之属与司膳等守掌之其三牲之肉不
上升神俎者亦太官付内谒者同时进入以供颁胙自余供享之物并诸司前一日预进】驾
将至女相者引先置享官内典引引外命妇俱就门外位【女相者以尚仪下女史充】驾至
大次门外回车南向尚仪进车前跪奏称尚仪妾姓言请降车兴还侍位皇后降车乘舆之大
次华盖繖扇侍卫如常仪尚仪以祝版进御署讫奉出奠於坵皇后降车讫尚功司制进受鈎
筐以退【其内命妇鈎筐则内命妇降车讫典制等进受之】典赞引亚献及从享内命妇俱
就门外位司赞帅掌赞先入就位女相者引尚仪典正及女史祝史【女史祝史以尚仪下女
史充】与女执尊罍篚幂者入自东门当坛南北面西上立定司赞曰再拜掌赞承传【凡司
赞有词掌赞皆承传】尚仪以下皆再拜讫尚仪以下各就位司乐帅女工人入就位典赞引
亚献终献女相者引执事者司宾引内命妇内典引引外命妇俱入就位皇后停大次半刻顷
司言引尚宫立於大次门外当门北向尚仪版奏外办皇后出次华盖侍卫如常【尚服负宝
陪从如式】司言引尚宫尚宫引皇后【凡尚宫前导皆司言先引】入自东门华盖仗卫停
於门外近侍者从入如常皇后至版位西向立【每立定尚宫与司言退立于左】立定尚宫
前奏称请再拜退复位皇后再拜司赞曰衆官再拜享官及内外命妇在位者皆再拜【其先
拜者不拜】尚宫前奏有司谨具请行事退复位典乐跪举麾【凡取物者皆跪而取以兴奠
物亦跪奠而後兴】鼓祝奏永和之乐以姑洗之均【自後坛下接神之乐皆奏姑洗】三成
偃麾戛敔乐止【凡乐皆典乐举麾工鼓祝而後作偃麾戛敔而後止】尚宫前奏称请再拜
退复位皇后再拜司赞曰衆官再拜享官及内外命妇在位者皆再拜坛上尚仪跪取币於篚
兴立於尊所尚宫引皇后正和之乐作【皇后每行皆作正和之乐】皇后诣坛升自南陛六
尚已下量人从升【以下升皆如之】皇后升坛北面立乐止尚仪奉币东向进皇后受币登
歌作肃和之乐以南吕之均尚宫引皇后进北向跪奠於神坐兴尚宫引皇后少退北向再拜
讫登歌止尚宫引皇后乐作降自南陛还版位西向立乐止初内外命妇拜讫女史祝史奉毛
血之豆立于内壝东门之外於登歌止女史祝史奉毛血入升自南陛尚仪迎引於坛上进跪
奠於神坐前兴与女祝史退立於尊所皇后既升奠币司膳出帅女进饌者奉饌陈於内壝东
门之外皇后既降复位司膳引饌入俎初入门雍和之乐作饌至陛乐止女祝史跪彻毛血之
豆降自东陛以出饌升自南陛尚仪迎引於坛上设於神坐前【笾豆盖幂先彻乃升簠簋既
奠却其盖於下】设讫司膳帅女进饌者降自东陛复位尚仪还尊所尚宫引皇后诣罍洗乐
作皇后至罍洗乐止尚仪跪取兴沃水司言跪取盘兴承水皇后盥手司言跪取巾於篚兴进
皇后帨手讫司言受巾跪奠於篚司言跪取爵於篚兴进皇后受爵尚仪酌罍水司言奉盘皇
后洗爵司言授巾皆如初皇后拭爵讫尚仪奠司言奠盘巾皆如常尚宫引皇后乐作诣坛升
自南陛乐止尚宫引皇后诣酒尊所执尊者举幂尚仪赞酌醴齐讫壽和之乐作【皇后每酌
献及饮福皆作壽和之乐】尚宫引皇后退北向立乐止尚仪持版进於神坐之右东面跪读
祝文曰维某年岁次月朔日子皇后某氏敢昭告于先蚕氏惟神肇兴蚕织功济黔黎爰择嘉
时式遵令典谨以制币牺齐粢盛庶品明荐于神尚飨讫兴皇后再拜初读祝文讫乐作尚仪
跪进奠版于神坐兴还尊所皇后拜讫乐止尚仪以爵酌上尊酒西向进皇后再拜受爵跪祭
酒啐酒奠爵兴尚仪帅女进饌者持笾俎进尚仪以神前三牲胙肉【皆取前脚第二骨】各
置一俎上又以笾取稷黍饭共置一笾尚仪先以饭笾西向进皇后受以授左右尚仪又以胙
俎以次进皇后每受以授左右皇后跪取爵遂饮卒爵尚仪进受爵复于坵皇后兴再拜讫乐
止尚宫引皇后乐作降自南陛还版位西向立乐止皇后献将毕典赞引贵妃诣罍洗盥手洗

爵讫典赞引贵妃自东陛升坛诣象尊所执尊者举冪贵妃酌盎齐典赞引进神坐前北向跪奠爵兴典赞引贵妃少退北向再拜尚仪以爵酌鬯福酒持爵进贵妃之右西向立贵妃再拜受爵跪祭酒遂饮卒爵尚仪进受爵复于坳贵妃再拜典赞引贵妃降自东陛复位初贵妃献将毕又典赞引昭仪诣鬯洗盥手洗爵升酌盎齐终献如亚献之仪讫典赞引昭仪降复位尚仪进神坐前跪彻豆兴还樽所【彻者筭豆各一少移於故处】司赞曰赐胙掌赞唱衆官再拜衆官在位者皆再拜【已饮福者不拜】永和之乐作尚宫前奏称请再拜退复位皇后再拜司赞曰衆官再拜衆官在位者皆再拜乐一成止尚宫前奏请就望瘞位司赞帅掌赞就瘞埒西南位尚宫引皇后乐作至望瘞位西向立乐止於衆官将拜尚仪执筐进神坐前取币自北陛降坛西行诣瘞埒以币置于埒讫司赞曰可瘞埒东西各四人寘土半埒尚宫前奏礼毕请就采桑位尚宫引皇后乐作诣采桑坛升自西陛东向立乐止初白礼毕司赞帅掌赞还本位

亲桑

皇后将诣望瘞位司宾引内外命妇采桑者俱就采桑位【内外命妇一品各二人二品三品各一人】诸执鉤筐者各就位皇后既至采桑位尚功奉金鉤自北陛升坛进典制奉筐从升皇后受鉤采桑典制奉筐受桑皇后采三条止尚宫前受鉤典制以筐俱退复位皇后初采典制等各以鉤授内外命妇皇后采桑讫内外命妇以次采桑女史执筐者受之内外命妇一品各采五条二品三品各采九条止典制等受鉤与执筐者退复位司宾各引内外命妇采桑者退复位司宾引婕妤一人诣蚕室尚功率执鉤筐者以从至蚕室尚宫以桑授蚕母蚕母受桑切之以授婕妤婕妤食蚕洒一薄讫司宾引婕妤还本位尚仪前奏礼毕退复位尚宫引皇后乐作还大次入大次讫乐止司宾引内命妇内典引引外命妇各还其次尚仪典正以下俱复执事位立定司赞曰再拜尚仪以下皆再拜讫出女工人以次出其祝版燔於斋所

车驾还宫

皇后既还大次内侍版奏请解严【将士不得辄离部伍】皇后停大次一刻顷搥一鼓为一严转仗卫於还涂如来仪三刻顷搥二鼓为再严尚仪版奏请中严皇后服钿钗礼衣三刻顷搥三鼓为三严内典引引外命妇出次就门外位司宾引内命妇出次序立於大次之前六尚以下依式奉迎内仆进厌翟车於大次门外南向尚仪版奏外办驭者执轡皇后乘輿出次华盖侍卫警蹕如常皇后升輿鼓吹振作而行内命妇以下乘车陪从如来仪车驾过内典引引外命妇退还第驾至正殿门外回车南向尚仪进当车前跪奏称尚仪妾姓言请降车兴还侍位皇后降车乘輿入侍卫如常内侍版奏请解严将士各还其所

劳酒

车驾还宫之明日内外命妇设会于正殿如元会之仪【惟不贺不上壽为异】

大唐开元礼卷四十八

卷四十九

钦定四库全书

大唐开元礼卷四十九 唐 萧嵩等 撰吉礼

季春吉已享先蚕於公桑有司摄事

斋戒 陈设

馈享

斋戒

前享五日诸预享官散斋五日各於其寝致斋二日一日於其寝一日於享所散斋理事如旧惟不吊丧问疾不作乐不判署刑杀文书不行刑罚不预秽恶致斋唯享事得行其余悉断其享官已斋而阙者通摄行事凡预享之官致斋之日给酒食及明衣各习礼於斋所光禄卿监取明水火【太官令取水於陰鑒取火於阳燧火以供爨水以实尊】前享一日诸卫令其属未後一刻各以其方器服守卫壝门【每门二人每隅一人】享日未明给使代执与女工人俱清斋一宿

陈设

前享三日守宫设享官次於东壝之内道南北向以西为上设陈饌幔于内壝东门之外道南北向前享三日太乐令设宫悬之乐於坛南内壝之内东方西方磬簠起北钟簠次之南方北方磬簠起西钟簠次之设十二大磬於编悬之间各依辰位置祝馔於悬内祝在左馔在右设歌钟歌磬於坛上近南北向磬簠在西钟簠在东其匏竹者立於坛下重行北向相对为首【凡悬皆展而编之】诸女工人各位於悬後东方西方以南为上南方北方以西为上右校扫除坛之内又为瘞埴於坛之壬地内壝之外方深取足容物南出陛前享一日内谒者设三献位於内壝东门之内道北执事位于道南每等异位皆重行西向以北为上又设望瘞位於坛之东北当瘞埴道西向又设典正位于坛下一位於东南西向一位於西南东向女史各陪其後【纠察违失】设掌赞位於乐悬东北女史二人在南差退俱西向又设掌赞女史位于瘞埴西南东向南上设典乐举麾位於坛上南陛之西东向设司乐位於北悬之间当坛北向设三献以下门外位於东壝之外道南向每等异位重行北面西上设酒尊之位於坛上东南隅北向西上牺樽二象尊二山罍二【尊皆加勺罍有站以置爵】设洗於坛南陛东南北向罍水在洗东筐在洗西南肆执樽罍筐罍者各位於樽罍筐罍之後设币筐於坛上樽站之所晡後内谒者帅其属以樽罍筐罍入设於位【升坛者自东陛】享日未明十五刻太官令帅宰人以鸾刀割牲祝史以豆取毛血置于饌所【其神厨及诸司供事便次守宫与金吾相之量于坛东张设】享日未明五刻司设服其服升设先蚕氏神座于坛上北方南向席以莞

设神位于坐首

馈享

享日未明三刻诸享官各服其服女史及司醢各帅其属入实樽罍及币【牺尊寔以醴齐象尊寔以盎齐山罍寔以清酒齐加明水酒加玄酒各寔于上尊其币以黑】太官令寔诸笾豆簠簋俎等内谒者帅其属诣厨奉饌入设於饌幔内【内侍之属与司膳等守掌之其三牲之肉不上神俎者亦太官付内谒者同时进入以供颁胙自余享之物并诸司前一日预进】质明女相者引享官以下就壝外位【女相者皆以尚仪下女史充】掌赞帅女史先入就位女相者引典正女祝及女史女祝史【女祝以典赞下充女祝史以典正下充之】与女执尊罍篚冪者入自东门当坛南北面西上立定掌赞曰再拜女史承传【凡掌赞有词女史皆承传】典正以下皆再拜典正以下各就位司乐帅女工人入就位女相者各引享官入就位立定掌赞曰再拜在位者皆再拜女相者进尚宫之左白有司谨具请行事退复位典乐跪举麾【凡取物者亦跪而取以典奠物皆跪奠讫而後兴】鼓祝奏永和之乐以姑洗之均【自後坛下之乐皆奏姑洗】三成偃麾戛敌乐止【凡乐皆典乐举麾工鼓祝而後作偃麾戛敌而後止】掌赞曰再拜在位者皆再拜女祝跪取币於篚兴立于尊所女相者引尚宫诣坛升自南陛北面立女祝奉币东向进尚宫受币登歌作肃和之乐以南吕之均女相者引尚宫进北向跪奠於神坐兴女相者引尚宫少退北向再拜讫登歌止女相者引尚宫降自南陛还本位初享官以下拜讫女祝史奉毛血之豆立於内壝东门外於登歌止女祝史奉毛血入升自南陛女祝迎引於坛上进跪奠於神坐前兴女祝史退立於尊所尚宫既升奠币司膳出帅女进饌者奉饌陈於内壝东门之外尚宫既降复位司膳引饌入俎初入门雍和之乐作【自後酌献皆奏雍和】饌至陛乐止女祝史进跪彻毛血之豆降自东陛以出饌升自南陛女祝迎引於坛上设於神坐前【笾豆盖冪先彻乃升簠簋既奠却其盖於下】设讫司膳帅女进饌者降自东陛复位女祝还尊所女相者引尚宫诣罍洗盥手洗爵讫女相者引尚宫升自南陛诣牺尊所执尊者举冪尚宫酌醴齐乐作女相者引尚宫进先蚕氏神坐前北向跪奠爵兴女相者引尚宫少退北向立乐止女祝持版进于神坐之右东向跪读祝文曰维某年岁次月朔日子皇后某氏谨遣某官妾姓敢昭告于先蚕氏惟神肇兴蚕织功济黔黎爰择嘉时式遵令典谨以制币牺齐粢盛庶品明荐于神尚飨讫兴尚宫再拜初读祝文讫乐作女祝进跪奠版于神坐兴还尊所尚宫再拜讫乐止女祝以爵酌罍福酒进於尚宫之右西向立尚宫再拜受爵跪祭酒啐酒奠爵兴女史帅女进饌者持笾俎进女祝减神坐前三牲胙肉【皆取前脚第二骨】各置一俎又以笾取稷黍饭共置一笾女祝先以饭笾西向进尚宫受以授女进饌者女祝又以胙俎以次进尚宫每受以授女进饌者尚宫跪取爵遂饮卒爵女祝进受爵复於坫尚宫兴再拜女相者引尚宫降复位初尚宫献将毕女相者引尚仪诣罍洗盥手洗爵讫升自东陛诣象尊所执尊者举冪尚仪酌盎齐女相者引进神坐前北面跪奠爵兴女相者引尚仪少退北向再拜女祝以爵酌罍福酒持进尚仪之右西向立尚仪再拜受爵跪祭酒遂饮卒爵女祝进受爵复於坫尚仪再拜女祝等引自东陛降复位初尚仪献将毕又女相引尚食诣罍洗盥手洗爵升酌盎齐终献皆如亚献之仪讫女相者引降复位女祝进跪彻豆兴还樽所【彻者笾豆各一少移于故处】掌赞曰赐胙女史唱衆官再拜衆官在位者皆再拜【已饮福受胙者不拜】永和之乐作掌赞曰再拜在位者皆再拜讫乐一成止女相者进尚宫之左白请

就望瘞位女相者引尚宫就望瘞位掌赞女史转就瘞埴西南位东向立於衆官将拜女史执筐进神座前跪取币兴降西南位东向立於衆官将拜女史执筐进神坐前跪取币兴降自南陞西行诣瘞埴以币置於埴讫掌赞曰可瘞埴东西各四人寘土半埴女相者进尚宫之左白礼毕女相者引尚宫出又女相者引享官以次出初白礼毕掌赞帅女史还本位典正女史以下俱复执事位立定掌赞曰再拜典正以下皆再拜讫引出女工人以次出其祝版燔于斋所其祝版郊社令预送付内侍享前一日内侍进御署讫皇后北面再拜近侍奉版出授内侍送享所享前之平明女祝以版奠於坵

大唐开元礼卷四十九

卷五十

钦定四库全书

大唐开元礼卷五十 唐 萧嵩等 撰吉礼

有司享先代帝王

前享五日诸享官各散斋三日於正寝致斋二日於其庙所【无庙者祭於坛其坛制准州社坛】散斋理事如旧唯不吊丧问疾不作乐不判署刑杀文书不行刑罚不预秽恶致齐唯享事得行其余悉断其祭官已斋而阙者通摄行事【其祭官以当州长官充以次通取】诸享官致斋之日给酒食及明衣各习礼於斋所前一日所管县官清扫内外整拂神坐【无庙者享日未明县官帅其属入诣坛东陞升设神坐于坛上近北南向席以莞已後陈设行事皆依准在庙之位】设配坐於神坐东南南向席以莞又为瘞坎于庙後壬地方深取足容物赞礼者设初献位於东阶东南亚献终献位於初献之南少退俱西面北上设掌事者位于终献东南重行南向以北为上设赞唱者位於终献西南南向北上设望瘞位於庙堂东北南向又设赞唱者位於瘞堦东北南向北上设享官以下位於南门之外道东重行南向以北为上【无庙者即设享官以下位於坛东墼门之外道南重行南向以北为上】祭器之数每坐樽六筴十豆十簋二簠二鉶三俎三县官帅其属升设尊於庙堂上前楹间室户之外北向正坐之樽在西配坐之樽在东【樽皆加勺罍有坫以置爵正坐爵一配坐爵四】设币筐於樽所设洗於东阶东南北向东西当东溜南北以堂深罍水在洗东筐在洗西南肆实爵三巾二在筐加勺罍执尊罍洗筐者各位於尊罍洗筐之後享日未明烹牲於厨夙兴掌饌者实祭器【牲体牛羊豕皆载右腓前脚三节节一段皆载之後脚三节节一段去上节载下二节又取正脊脰脊横脊正肋代肋短肋各二骨以并余皆不设簋实稷黍簠实稻粱筴十实石盐乾鱼枣栗榛菱芡鹿脯白饼黑饼豆十实韭菹醯醢菁菹鹿醢芹菹兔醢笋俎鱼醢脾析菹豚肺若土无者各以其类充之】诸享官以下各服祭服【三品毳冕四品絺冕五品玄冕六品以下爵弁】县官帅其属入实樽罍及币【每坐之尊一实醴齐一实盎齐一实清酒其玄酒各实於上尊币用帛长一丈八尺色用白】祝版各置於坫赞唱者先就位祝与执尊罍筐者入立於庭重行北面以西为上立定赞唱者曰再拜祝以下俱再拜执尊者升自东阶【坛则升自东陞以後准此】立於尊所执尊罍筐者各就位升自东阶行扫除於上降行扫除於下讫各引就位质明赞礼者引享官以下俱就门外位少顷赞礼者引享官以下以次入就位立定赞唱者曰再拜在位者皆再拜赞礼者进初献之左白有司谨具请行事退复位祝跪取币於筐各立於尊所【凡取物者皆俛伏跪取而後兴奠物则跪奠讫俛伏而後兴】掌饌者帅执饌者奉饌陈於南门之外【坛则奉饌陈於东墼门外】赞礼者引初献升自东阶【坛则升自南陞已後初献升降皆准此】进当神坐前北面立祝以币东向进初献受币祝还尊所赞礼者引初献入跪奠於神坐兴出户北向再拜赞礼者引初献入当配坐西壁下东面立祝以币北向进初献受币祝还樽所赞礼者引初献进东面跪奠於配坐兴退复位东面再拜赞礼者引初献降复位掌饌者引饌入升自东阶【坛则升自南陞】祝迎引於阶上各设於神坐前掌饌者帅执饌者各复本位祝还尊所赞礼者引初献诣罍洗盥手洗爵升自东阶诣酒尊所执尊者举

羣初献酌醴齐赞礼者引初献入诣神坐前北向跪奠爵兴出户北向立祝持版进於神坐之右东面跪读祝文讫兴初献再拜祝进跪奠版於神坐兴还尊所赞礼者引初献诣配坐酒尊所取爵於坫执尊者举羣初献酌醴齐赞礼者引初献入东面跪奠於配坐前兴退立於西壁下东面立祝持版入立於配坐之左北面跪读祝文讫兴初献再拜祝进跪奠版於配坐兴还尊所赞礼者引初献出户北向立各以爵酌清酒合置一爵一祝持爵进初献之右西向立初献再拜受爵跪祭酒啐酒奠爵兴祝各帅执饌者以俎跪减神坐前三牲胙肉【各取前脚第二骨】共置一俎上以授初献初献受以授掌饌者初献跪取爵遂饮卒爵祝受爵复於坫初献兴再拜赞礼者引初献降复位於初献饮福赞礼者引亚献诣盥洗盥手洗爵升自东阶诣酒尊所执尊者举羣亚献酌盎齐赞礼者引亚献入诣神坐前北向跪奠爵兴出户北向再拜赞礼者引亚献诣配坐酒尊所取爵於坫执尊者举羣亚献酌盎齐赞礼者引亚献入诣配坐前东面跪奠爵兴退於西壁下东面再拜出户北向立祝各以爵酌清酒合置一爵一祝持爵进于亚献之右西面立亚献再拜受爵跪祭酒遂饮卒爵祝受爵复於坫亚献兴再拜赞礼者引亚献降复位初亚献献将毕赞礼者引终献盥洗升献饮福如亚献之仪讫赞礼者引终献降复位祝各进神坐前跪彻豆兴还樽所【彻者筮豆各一少移于故处】赞唱者曰再拜【非饮福受胙者皆再拜】再拜讫赞唱者又曰再拜献官已下皆再拜赞礼者进初献之左白请就望瘞位赞礼者引初献就望瘞位西向立赞唱者转立於望瘞东北位初献官拜讫祝各进神坐前跪取币兴降自西阶【坛则降自南陛】诣瘞埴北南面以币置於坎赞唱曰可瘞埴东西面各二人寘土半埴赞礼者进初献之左白礼毕遂引初献以下出赞唱者还本位祝与执尊罍者俱复执事位立定赞唱者曰再拜祝以下皆再拜以出祝版焚於斋所 帝嘗祭文维某年岁次月朔日子嗣开元神武皇帝讳谨遣具官姓名敢昭告于帝高辛氏惟帝能序三辰功施万物式遵祠典敬以牺齐粢盛庶品祇荐于帝高辛氏尚飨帝尧祝文维某年岁次月朔日子嗣开元神武皇帝讳谨遣具官姓名敢昭告于帝陶唐氏惟帝则天行化光被四表式遵祠典敬以制币牺齐粢盛庶品祇荐于帝陶唐氏尚飨 配坐祝文维某年岁次月朔日子嗣开元皇帝遣官姓名敢昭告于唐司徒惟公敬敷五教弘赞彝伦率由旧章配享於帝陶唐氏敬以制币牺齐粢盛庶品明荐于唐司徒公尚飨 帝舜祝文维某年岁次月朔日子嗣开元神武皇帝讳谨遣具官姓名敢昭告于帝有虞氏惟帝道光七政绩宣五典式遵故实敬以制币牺齐粢盛庶品祇荐于帝有虞氏尚飨 配坐祝文维某年岁次月朔日子嗣开元神武皇帝讳谨遣具官姓名敢昭告于皐陶氏伏惟爰定五刑载敷九德率由旧典配享于帝有虞氏敬以制币牺齐粢盛庶品明荐于皐陶氏尚飨 夏王禹祝文惟某年岁次月朔日子嗣开元神武皇帝讳谨遣具官姓名敢昭告于夏王禹惟王克平九土功施万代式遵故实敬以制币牺齐粢盛庶品祇荐于夏王禹尚飨 配坐祝文维某年岁次月朔日子嗣开元神武皇帝讳谨遣具官姓名敢昭告于伯益氏惟公赞敷下土克蕃庶物率由旧章配享于夏王禹祇以牺齐粢盛庶品明荐于伯益氏尚飨 殷王汤祝文维某年月朔日子嗣开元神武皇帝讳谨遣具官姓名敢昭告于殷王汤惟王革命黜暴功济天下式遵祠典敬以制币牺齐粢盛庶品只荐于殷王汤尚飨 配坐祝文维某年岁次月朔日子嗣开元神武皇帝谨遣具官姓名敢昭告于伊尹氏惟公弼谐政道功格天地率由故实配享於殷王汤敬以制币牺齐粢盛庶品明荐于伊尹氏尚飨 周文王祝文维某年岁次月朔日子嗣开元神武皇帝讳谨遣具官姓名敢昭告于周文王维王受命作周经纬天地式遵祠典敬以制币牺齐粢盛庶品祇荐于周文王尚飨 配坐祝文维某年岁次月朔日子嗣开元神武皇帝遣具官姓名敢昭告于齐太公惟公纯德孔明翼成

周室率由旧典配享于周文王敬以制币牺齐粢盛庶品明荐于齐太公尚飨 周武王祝文维某年岁次月朔日子嗣开元神武皇帝谨遣具官姓名敢昭告于周武王惟王应天顺人克定祸乱式遵祠典敬以制币牺齐粢盛庶品祗荐于周武王尚飨 配坐祝文维某年岁次月朔日子嗣开元神武皇帝遣具官姓名敢昭告于周文公召康公惟公道克十乱功着分陕率由旧典配享於周武王敬以制币牺齐粢盛庶品明荐于周文公召康公尚飨 汉高帝祝文维某年岁次月朔日子嗣开元神武皇帝讳谨遣具官姓名敢昭告于汉高帝惟帝神武应期载安区夏式遵祠典敬以制币牺齐粢盛庶品祗荐于汉高帝尚飨 配坐祝文维某年岁次月朔日子嗣开元神武皇帝遣具官姓名敢昭告于萧相国惟公翼成汉业厥功惟茂率由旧章配享于汉高祖敬以制币牺齐粢盛庶品明荐于萧相国尚飨

大唐开元礼卷五十

卷五十一

<史部,政书类,仪制之属,大唐开元礼>

钦定四库全书

大唐开元礼卷五十一 唐 萧嵩等 撰吉礼

荐新于太庙 季夏祭中溜于太庙孟冬祭司寒【纳冰开冰附】

兴庆宫祭五龙坛荐新于太庙

荐新之日太庙令帅斋郎洒扫于庙之内太官预饌所荐之物于神厨【若有酒者庙司设尊坩罍洗如常式】谒者引太常卿入立于门东之内道北面南谒者赞引称再拜太常卿再拜进饌者奉饌入自正门升自太阶各设於神坐前【笾豆盖幂彻之如式】讫降自东阶以出谒者引太常卿升自东阶诣献祖室户前盥洗酌献讫再拜又再拜【若无酒即俱再拜】讫谒者引太常卿复位谒者赞拜太常卿再拜讫谒者引出冬鱼 蕨 笋 蒲白 韭 菹 智豆小豆 藁苽 菱人子姜 菱索 春酒 桑落酒 竹根 梁米 黄米 粳米 糯米 稷米茄子 甘子 甘蔗 藕 芋子 鷄头人 苜蓿蔓菁 胡瓜 冬瓜 瓠子 春鱼 水苏 枸杞茨子 藕 油麻 櫻桃 麦子 椿头 莲子粟米 榛 李 杏 林檎 橘 榘庵罗果 枣 兔脾 鼈 鹿 野鷄

荐新物皆以品物时新堪供进者所司先送太常令尚食相与简择仍以滋味与新物相宜者配之以荐皆如上仪

祭中溜

季夏土王日祭中溜于太庙之庭前祭三日诸享官散斋二日于正寝致斋一日於庙所散斋理事如旧唯不吊丧问疾不作乐不判署刑杀文书不行刑罚不预秽恶致斋惟祭事得行其余悉断其祭官已斋而阙者通摄行事前祭一日卫尉陈设如常祭日未明十刻太官丞具特牲之饌未明一刻太庙令帅其属入布神坐於庙庭西四门之内道南东向席以莞设神位于坐首设酒樽于神坐东南设洗又於酒樽东南俱北向罍水在洗东篚在西南肆【篚寔以巾爵】奉礼设太庙令位於神坐东南执事者位於其後俱北向西上设门外位皆於东门之外道南重行北向以西为上质明诸行事之官各服其服良醞之属入实樽罍太官丞监寔笾豆簠簋赞引引太庙令又赞引引执事者俱就门外位太祝与执樽罍篚幂者先入诣神坐前西向再拜讫各就位立定赞引引太庙令又赞引引执事者入就位赞引赞拜太庙令以下皆再拜太官令丞出诣饌所赞引进太庙令之左白有司谨具请行事退复位太官丞引饌入太祝迎引于坐首设于神坐前讫太官丞以下还本位太祝还樽所赞引引太庙令诣罍洗盥手洗爵诣酒樽所执樽者举幂太庙令酌酒赞引引太庙令进神坐前西向跪奠爵俛伏兴少退西向立太祝持版进於神坐之右北向跪读祝文曰维某年岁次月朔日子嗣开元神武皇帝谨遣具位姓名敢昭告于中溜赖兹保养毗庶以安式荷神功祇率恒礼爰以特牲芻合芻蕘

嘉蔬嘉荐醴酒明祀于神尚飨讫兴太庙令再拜太祝进跪奠版於神坐俛伏兴还樽所太祝以爵酌福酒进太庙令之左北面立太庙令再拜受爵跪祭酒遂饮卒爵太祝进受爵还尊所太庙令俛伏兴再拜赞引引还本位太祝进跪彻豆俛伏兴还樽所【彻者少移于故处】太祝与执樽罍篚冪者俱复位立定赞引赞拜太庙令以下皆再拜赞引进太庙令之左白礼毕遂引太庙令以下出其祝版燔于斋坊

祭司寒纳冰【纳冰开冰礼附】

前三日诸祭官散斋二日於家正寝致斋一日於祭所右校扫除祭所卫尉陈设如常祭日未明十刻太官丞具特牲之饌未明一刻郊社丞入布神坐於庙北南向设神位於坐首又帅其属设酒樽於神坐东南设洗於酒樽东南俱北向罍水在洗东篚在洗西南肆【篚实以巾爵】执樽罍篚者各位於樽罍篚之後上林令设桃弧棘矢於冰室户内之右【祭讫遂留之】奉礼设上林令位於神坐东南执事者陪其後俱重行西向以北为上质明上林令以下各服其服郊社丞良醢令之属入实樽罍太官丞监实筮豆簠簋赞引引上林令又赞引引执事者俱就门外位立定太祝与执樽罍篚者先入立於神前北向俱再拜讫各就位赞引引上林令又赞引引执事者俱入就位立定赞引赞拜上林令以下皆再拜太官丞出诣饌所赞引进上林令之左白有司谨具请行事退复位太官丞引饌入太祝迎于坐首设於神座前讫太官丞以下还本位太祝还樽所赞引引上林令盥手洗爵诣酒樽所执樽者举冪上林令酌酒赞引引上林令进神坐北向跪奠爵俛伏兴少退北向立太祝持版进于神坐之右东面跪读祝文曰维某年岁次十月朔日开元神武皇帝谨遣某官姓名昭告於玄冥之神顺兹时令增冰坚厚式遵常典将纳凌陰谨以玄牡秬黍嘉荐清酌明祀于神尚飨讫兴上林令再拜太祝进跪奠版于神坐俛伏兴还樽所太祝以爵酌福酒进上林令之右西向立上林令再拜受爵跪祭酒遂饮卒爵太祝进受爵复于樽所上林令跪俛伏兴再拜赞引引还本位太祝进跪彻豆俛伏兴还樽所【彻者少移于故处】太祝与执樽罍篚者俱复位立定赞引赞拜上林令以下皆再拜赞引进上林令之左白礼毕赞引引上林令以下出其祝版燔於斋坊

兴庆宫祭五龙坛

将祭有司筮日如别仪前祀三日诸预祭之官散斋二日致斋一日【散斋於寝致斋於祀所】散斋理事如旧惟不吊丧问疾不作乐不行刑罚不判署刑杀文书不预秽恶致斋惟祭事得行其余悉断其祭官已斋而阙者通摄行事前祭二日守宫设祭官次於东墀之外道南北向以西为上设陈饌幔於内墀东门之外道南北向太乐令设判悬之乐於坛南右校扫除坛之内前后祀一日晡後一刻诸卫令其属各以其方器服守卫墀门清斋一宿奉礼设献官位於南墀东南西向执事位於献官东南俱西向北上设奉礼位於献官西南赞者二人在南差退设祭官以下门外位於东墀之外道南每等异位重行北向以西为上郊社令帅斋郎设散樽五龙各二於坛上东南隅北向西上【尊皆加勺冪有玷以置爵】设洗於坛东南北向罍水在洗东篚在洗西南肆【篚实巾爵】执樽罍篚冪者各位於樽罍篚冪之後祀日未明十五刻太官令帅宰人以鸾刀烹牲於厨【牲以少牢】未明二刻郊社令帅斋郎各服其服升设五龙坐于坛上近北南向东上席以莞设神位各於坐首未明一刻祭官以上各服其服

郊社令与良醞之属入实樽罍太祝以币置于筐太官令帅进饌者实诸筯豆簋簠等设于饌幔内质明谒者引献官以下就门外位奉礼帅赞者先入就位执樽罍筐冪者入当坛南重行北向以西为上立定奉礼曰再拜赞者承传执樽罍筐冪者皆再拜讫执樽罍筐冪者自东陞升立于樽所各就位太乐令帅工人入就位谒者进献官之左白有司谨具请行事退复位协律郎跪俛伏举麾鼓祝乃以姑洗之均乐舞三成偃麾戛敌乐止奉礼曰衆官再拜在位者皆再拜讫复位太祝取币於筐立于樽所太官令帅进饌者奉饌陈於东门外谒者引献官诣南陞升北向立太祝以币授献官献官受币登歌作以南吕之均谒者引献官进北面跪奠於青龙之坐前诸坐皆太祝助奠俱毕献官再拜讫登歌止谒者引献官降自南陞还本位太官令引饌入升自南阶太祝迎引于坛上设饌於神坐讫降复位谒者引献官诣罍洗盥手洗爵讫引升南陞诣罍所执樽者举冪献官酌酒谒者引进神坐前北向跪奠爵于青龙之坐太祝等助奠诸生俱毕少退向北立太祝持版进于青龙坐之右东向跪读祝文讫【祝文临时制撰】献官再拜太祝进跪奠版于神坐俛伏兴还樽所太祝以爵酌罍福酒进献官之右西向立献官再拜受爵跪祭酒奠爵兴太祝帅斋郎进俎太祝跪减神前胙肉兴以授献官献官受以授斋郎献官跪取爵遂饮卒爵太祝进受爵复于坫献官再拜谒者引降复位太祝跪彻豆俛伏兴还樽所奉礼曰赐胙赞者唱衆官再拜在位者皆再拜【献官不拜】奉礼又曰再拜在位者俱再拜谒者进献官之左白礼毕遂引献官以下出太祝以下复执事位立定奉礼曰再拜太祝再拜讫其祝版燔於斋所【如沈玉於川临时别取进止】

卷五十二

钦定四库全书

大唐开元礼卷五十二 唐 萧嵩等 撰吉礼

皇帝视学

视学前一日所司洒扫学堂之内外尚舍设大次于学堂之後守宫设皇太子次于大次之东皆随地之宜并如常仪尚舍设御坐于学堂上北壁下当中南向监司设讲榻於御坐之西南向设执读坐于前楹间当讲榻北向尚舍又设皇太子坐於御坐东南南向设文官三品以上坐於皇太子之南少退重行西面北上设武官三品以上坐於讲榻西南当文官重行东面北上设侍讲坐於执读西北武官之前东面北上【其执如意者一人立于侍讲之南东面】设论议坐於讲榻之前北面三馆学官坐於武官之後设脱履席於西阶下典仪设版位皇太子於东阶东南西面执经於西阶西南东面文官三品以上于皇太子东南重行西面北上武官三品以上於执经西南侍讲执读执如意等于执经之後皆重行东面北上学生分位于文武官之後皆重行北上设典仪位於东阶之西赞者二人在南差退俱西向

出宫

前出宫三日本司宣摄内外各供其职其日应从驾文武官依时刻俱集朝堂诸卫陈设仗卫侍中版奏外办皇帝乘马文武侍从并如常行幸之仪驾将至祭酒帅监官学官学生等奉迎於路左【学生青衿服】驾至大次门外降入如常

视学

皇帝既入大次执经侍讲执读执如意等及学官各服公服典仪帅赞者先入就位谒者赞引文武三品以上及执经以下学官等入就堂下位皇太子立於学堂门外之东西向侍卫如常侍中版奏外办皇帝出大次升自北阶即御坐南向坐侍臣及近侍量人从升典仪一人升就东阶上西面立舍人引皇太子就位立【诸卫率庶子等量人从入立于皇太子东南西面北上】奉礼曰再拜赞者承传皇太子以下在位者皆再拜侍中跪奏称请勅皇太子及王公等升坐又侍中称制曰可侍中诣东阶上西面称勅皇太子及公王等升殿上典仪承传阶下赞者又承传皇太子以下应坐者皆再拜讫通事舍人引皇太子及羣官应坐者各升坐讫【其公服者脱履于阶下及降纳皆如常仪】执读读所讲经执经释义讫遂行如意侍讲者执如意就论议坐以次论难讫侍中跪奏礼毕群官皆起通事舍人各降堂下位若有勅赐会则侍中前承制降诣堂下宣勅及太官下食案等并如常仪皇帝降坐还大次侍卫如常仪羣官以下会讫皆出执经以下改服常服【学生仍青衿服】

车驾还宫

皇帝既还大次侍中量时刻版奏外办皇帝出次文武官陪从还宫如来仪初驾出国子祭
酒帅监官学官学生等奉辞于路左如常式

大唐开元礼卷五十二

卷五十三

钦定四库全书

大唐开元礼卷五十三 唐 萧嵩等 撰吉礼

皇太子释奠於孔宣父

皇太子散斋三日於别殿致斋二日於正殿前致斋一日典设郎设皇太子幄坐於正殿东序及室内俱西向又张帷於前楹下【殿若无室张帷为之】致斋之日质明诸卫率各勒所部屯门列仗如常昼漏上水一刻左庶子版奏请中严近仗就陈于合外通事舍人引宫臣文武七品以上袴褶陪位如式诸侍卫之官各服其器服诸侍臣并结佩俱诣合奉迎左庶子版奏外办上水三刻皇太子服通天冠绛纱袍结佩以出侍卫如常皇太子即位西向坐侍臣夹侍如常一顷刻左庶子前跪奏称左庶子臣某言请降就斋室俛伏兴还侍位皇太子降坐入室文武侍臣各还本司直卫者如常典谒引陪位以次出凡预享之官散斋三日致斋二日【散斋皆于正寝致斋一日于本司一日于享所其无本司者皆于享所】近侍之官应从升者及从享羣官监官学生等各于本司及学官俱清斋一宿散斋理事如旧惟不吊丧问疾不作乐不判署刑杀文书不行刑罚不预秽恶致斋唯享事得行其余悉断其享官已斋而阙者通摄行事诸享官致斋之日给酒食及明衣各习礼于斋所太官令取明水火【取水于陰鑒取火于阳燧火以供爨水以寔尊】前享一日诸卫令其属未後一刻各以其方器服守卫庙门及太乐工人俱清斋一宿

陈设

前享三日典设郎设皇太子便次于庙东西向又设便次於学堂之後随地之宜守宫设文武侍臣次各于便次之後文左武右设诸享官次于斋坊之内从享之官于庙东门之外随地之宜前享二日太乐令设轩悬之乐于庙庭东方西方磬簋起北钟簋次之南方北方磬簋起西钟簋次之设三罇钟於编悬之间各依辰位树路鼓于北悬之间道之左右植建鼓于三隅置祝敔于悬内祝在左敔在右设歌钟歌磬於庙堂之上前楹间北向磬簋在西钟簋在东其匏竹者立於堂下阶间重行北向相对为首【凡悬皆展而编之】诸工人各位於悬後右校扫除内外为瘞瘞於院内堂之壬地方深取足容物南出陞前享一日奉礼设皇太子位於东陞东南南向又设望瘞位于庙堂东北当埋瘞南向设亚献终献位于皇太子东南执事者於其後俱重行西向北上设御史位於庙堂之下西南东向令史陪其後设奉礼位於乐悬东北赞者二人在南差退俱西面又设奉礼赞者位於埋瘞东北南面东上设协律郎位于庙楹近西之间东向设太乐令位於北悬之间北向从享羣官七品以上位於乐悬之东当执事西向监官学官位於乐悬之西当宫官东向设学生位於宫官监官学官之後俱重行北上设门外位亚献终献位于东门之外道南执事位於其後每等异位俱北向西上监官学官位於献官东南从享官官位於学官之东俱重行北面以西为上设酒樽位于庙堂之上先圣牺樽二象樽二山罍二在前楹间北向先师牺樽二象樽二山罍二在先圣酒樽之东俱西向【尊皆加

勺罍有玷以置爵其先师之爵同置于一玷】设洗於东阶东南亚献之洗又於东南俱北向罍水在洗东篚在洗西南肆执樽罍篚罍者各于樽罍篚罍之後设币篚二各於樽玷之所典设郎设皇太子坐於学堂之上东壁下西向监司设讲榻於北壁下南向又设执读者坐於前楹间当讲榻北向守宫设太傅少傅坐於皇太子西北面皆东上【若有令?事以下坐则设坐于皇太子西南北向东上】侍讲者坐於执读西北【执如意者一人立于侍讲之西】三馆学官非侍讲者坐於侍讲之西北面东上若有上台三品以上观讲者设坐於侍讲之北南面东上设论义坐於讲榻之前近南北面设脱履席於西阶之南东向掌仪设版位宫官七品以上於东阶东南西向北上执经侍讲等於西阶西南监官及学官非侍讲者于侍讲之後若有上台三品以上观讲者位於执经之北少退重行皆东面北上学生分位於宫官学官之後皆重行北上设掌仪位於宫官西北赞者二人在南皆西向晡後郊社令帅斋郎以樽玷罍洗篚罍入设於位【升堂者自东阶】谒者引司业诣厨视濯漑【凡导引者每曲一逡巡】赞引引御史诣厨省饌具【司业以下每事讫各还斋所】享日未明十五刻太官令帅宰人以鸾刀割牲祝史以豆二取毛血置于饌所遂烹牲【其牲用太牢二正坐及先师首坐俎皆升右胖十一体左丘明以下折分余体升之】未明五刻郊社令帅其属及庙司各服其服升设先圣神坐於堂上西楹间东向设先师神坐於先圣神坐东北南向西上【若前堂不容则又于室外之东屋陈而北东向南上】席皆以莞设神坐各于坐首

出宫

前出宫二日本司宣摄内外各供其职守宫设从享宫官次於东宫朝堂如常其日未明所司依卤簿陈设於重明门外奉礼设从享宫官位於东宫庙堂如常文武宫臣七品以上依时刻俱集於次各服公服诸卫率各勒所部陈设如式左庶子版奏请中严典谒引宫官各就位诸侍卫之官各服其器服【左庶子负玺如式】俱诣阁奉迎仆进轺车於西阁外南向【若须乘辇则聽临时进止】内率一人执刀立於车前北向中允一人在侍臣之前赞者二人在中允前左庶子版奏外办仆奋衣而升正立执轡皇太子着具服远游冠乘舆以出左右侍卫如常仪内率执轡皇太子升车仆立授绥左庶子以下夹侍如常仪中允进当车前奏称请发引俛伏兴退复位【凡中允奏请皆当车前跪奏称具官某言讫俛伏兴】车动中允与赞者夹引以出内率夹车而趋出重明门至侍臣上马所中允奏称请车权停令侍臣上马左庶子前承令退称令曰诺中允退称侍臣上马赞者承传文武侍臣皆上马庶子以下夹侍於车前赞者在供奉官人内侍臣上马毕中允奏称请令车右升左庶子前承令退称令曰诺中允退复位内率升讫中允奏请发引退复位皇太子车动太傅乘车训导少傅乘车训从出延喜门不鸣鼓吹从享宫臣乘马陪从如常仪

饌享

享日未明三刻诸享官各服祭服诸陪祭之官皆公服学生青衿服郊社令良醞令各帅其属入实樽罍及币【牺尊实以醴齐象樽实以盎齐山罍实以清酒齐皆加明水酒加玄酒各实于上尊其币以白各长一丈八尺】太官令帅其属实诸筵豆簠簋俎等未明二刻奉礼帅赞者先入就位赞引引御史太祝及令史祝史与执樽罍篚罍者入自东门当阶间重行北面

西上立定奉礼曰再拜赞者承传【凡赞礼有词赞者皆承传】御史以下皆再拜讫执樽罍
篚幂者各就位赞引引御史太祝诣东阶升堂行扫除於上令史祝史行扫除於下讫降还斋
所奉礼以下次还斋所皇太子将至谒者赞引各引享官及从享学官俱就门外位学生皆就
门内位皇太子至孔子庙门外回车南向内内率降立於车左右庶子进当车前跪奏称左庶
子臣某言请降车还侍位皇太子降车乘舆之便次侍卫如常仪郊社令以祝版进皇太子署
讫近臣奉出郊社令受各奠於坫未明一刻谒者赞引引从享宫官就门外位奉礼帅赞者先
入就位赞引引御史以下入就位太乐令帅工人二舞次入就位文舞入陈於悬内武舞立於
悬南道西【其升堂者皆脱履于下降纳如常】谒者引祭酒入就位立定奉礼曰再拜祭酒
再拜讫谒者引祭酒诣东阶升堂行扫除於上降行乐悬於下讫引还本位初祭酒行乐悬谒
者赞引各引祭官及陪祭之官次入就位皇太子停便次半刻顷率更令立於便次门外当门
东向左庶子版奏外办皇太子出便次侍卫如常仪率更令引皇太子至庙东门中允进笏皇
太子执笏近侍者从入如常仪皇太子至版位西向立【每立定率更令退立于左】率更令
前后再拜退复位皇太子再拜奉礼曰衆官再拜衆官在位者皆再拜【其先拜者不拜】率
更令前后有司谨具请行事退复位协律郎跪俛伏举麾鼓祝奏永和之乐以姑洗之均【自
後堂下接神之乐皆奏姑洗】文舞之舞乐舞三成偃麾戛敌乐止【凡乐皆协律郎举麾工
鼓祝而後作偃麾戛敌而止】率更令前后再拜退复位皇太子再拜奉礼曰衆官再拜衆官
在位者及学生皆再拜太祝各跪取币於篚立於樽所率更令引皇太子永和之乐作【皇太
子每行皆作永和之乐】皇太子自东阶升左庶子以下及左右侍卫量人从升【以下皆如
之】皇太子升堂进先圣神坐前西向立乐止太祝以币授左庶子左庶子奉币北向进皇太
子搢笏受币【每受物搢笏奠讫执笏俛伏兴】登歌作肃和之乐以南吕之均率更令引皇
太子少退西向再拜讫率更令引皇太子进先师首坐前北向立又太祝以币授左庶子左庶
子奉币西向进皇太子受币率更令引皇太子进北向跪奠於先师坐首俛伏兴率更令引皇
太子少退北向再拜登歌止率更令引皇太子乐作皇太子降自东阶还版位西向立乐止初
羣官拜讫祝史各奉毛血之豆立东门外于登歌止祝史奉毛血升自东阶太祝迎取於阶上
进奠於先圣及先师首坐前太祝与祝史退立於樽所初皇太子既升奠币太官令出帅进饌
者奉饌陈於东门之外初皇太子既至位乐止太官令引饌入俎初入门奏雍和之乐【自後
酌献皆奏雍和】饌至阶乐止祝史各进跪彻毛血之豆降自东阶以出饌升太祝迎引於阶
上各设於神坐前【笱豆盖幂先彻乃升簋簠既奠却其盖于下】设讫太官令以下降复位
太祝还樽所率更令引皇太子诣罍洗乐作皇太子至罍洗乐止左庶子跪取?兴沃水又左庶
子跪取盘承水皇太子盥手中允跪取巾於篚兴进皇太子盥手讫中允受巾跪奠於篚遂取
爵於篚兴进皇太子受爵左庶子酌罍水又左庶子奉盘皇太子洗爵中允又授巾如初皇太
子拭爵讫左庶子奠盘?中允受巾奠於篚皆如常率更令引太子乐作至先圣酒樽所执樽者
举幂左庶子赞酌酒齐讫乐作率更令引皇太子进先圣神坐前西向跪奠爵俛伏兴率更令
引皇太子少退西向立乐止太祝持版进於神坐之右北面跪读祝文曰维某年岁次月朔日
子皇太子敢昭告於先圣孔宣父惟夫子固夭攸纵诞降生知经纬礼乐阐扬文教余烈遗风
千载是仰俾兹末学依仁游艺谨以制币牺齐粢盛庶品祇奉旧章式陈明荐以先师顔子等
配尚飨讫兴皇太子再拜初读祝文讫乐作太祝进跪奠版于神坐兴还樽所皇太子拜讫乐
止率更令引至先师酒樽所执樽者举幂左庶子取爵於坫进皇太子受爵左庶子赞酌醴齐
乐作率更令引进先师首坐前北向跪奠爵俛伏兴皇太子少退北向立乐止【皇太子既奠

首坐爵余坐皆斋郎助奠相次而毕其亚献终献斋郎助奠亦如之】太祝持版进於先师神坐之左西面跪读祝文曰维某年岁次月朔日子皇太子某敢昭告於先师顔子等七十二贤爰以仲春【仲秋】率遵故典敬修释奠於先圣孔宣父惟子等或服膺圣教德冠四科或先阐儒风贻范千载谨以制币牺齐粢盛庶品式陈明献从祀配神尚飨讫兴皇太子再拜初读祝文讫乐作太祝进跪奠版於神坐兴还樽所皇太子拜讫乐止率更令引皇太子诣东序西向立乐作太祝各以爵酌上樽福酒合置一爵一太祝持爵授左庶子奉爵北向进皇太子再拜受爵跪祭酒啐酒奠爵兴太祝各帅斋郎进俎太祝跪减先圣及先师首坐前三牲胙肉【皆取前脚第二骨】加於俎又以筴取稷黍饭兴以胙肉各共置一俎上又以饭共置一筴太祝授左庶子左庶子奉饭北向进皇太子受以授左右太祝以俎授左庶子左庶子以次奉进皇太子每受以授左右讫皇太子跪取爵遂饮卒爵左庶子进受爵以授太祝复於坫皇太子俛伏兴再拜乐止率更令引皇太子乐作皇太子降自东阶还版位西向立乐止文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初皇太子将复位谒者引国子祭酒诣罍洗盥手洗爵讫谒者引祭酒升自东阶诣先圣酒樽所执樽者举罍祭酒酌盎齐讫武舞作谒者引祭酒进先圣神坐前西向跪奠爵兴谒者引祭酒少退西向再拜谒者引祭酒诣先师酒樽所取爵於坫执樽者举罍祭酒酌盎齐谒者引祭酒进先师首坐前北向跪奠爵兴谒者引祭酒少退北向再拜讫谒者引祭酒诣东序西向立太祝各以爵酌罍福酒合置一爵一太祝持爵进祭酒之左北向立祭酒再拜受爵跪祭酒遂饮卒爵太祝进受爵复于坫祭酒兴再拜谒者引祭酒降复位初祭酒献将毕谒者引司业诣罍洗盥洗讫升酌盎齐终献如亚献之仪讫谒者引司业降复位武舞止太祝等各进跪彻豆兴还樽所【彻者筴豆各一少移于故处】奉礼曰赐胙赞者唱衆官再拜衆官在位者及学生皆再拜【已饮福者不拜】永和之乐作率更令前启再拜退复位皇太子再拜奉礼曰衆官再拜衆官在位者及学生皆再拜乐一成止率更令前启请就望瘞位率更令引皇太子就瘞位西向立奉礼率赞者转就瘞埽东北位初在位者将拜太祝各执筐进神坐前跪以筐取币降自西阶诣瘞埽以币置於埽讫奉礼曰可瘞埽东西厢各四人奠土半埽率更令前启礼毕率更令引皇太子还便次乐作皇太子出门乐止中允进受笏侍卫如常仪谒者赞引各引亚献以下以次出初白礼毕奉礼帅赞者还本位赞引引御史以下俱复执事位立定奉礼曰再拜御史以下皆再拜讫赞引引出学生以次出其祝版燔於斋坊

讲学

皇太子既入便次改服常服执经侍讲执读执如意及三馆学官并公服学生青衿服余皆常服掌仪帅赞者先入就位谒者各引羣官及学生等次入就位左庶子版奏外办皇太子乘輿出便次【若须乘马临时听进止】侍卫如常仪至学堂後降輿升自北阶即座坐【左右侍卫量人从升太傅少傅亦就座坐】掌仪曰再拜赞者承传群官及学生等在位者皆再拜【执经不拜】左庶子跪奏请令执经等升俛伏兴又左庶子称令曰诺左庶子退降诣西阶下立於执经等之前北面宣令曰执经以下并升坐应坐者并再拜【执经不拜】通事舍人引执经以下升各就座坐【其升坐者脱履如式】讫执读读所讲经执经释义讫执如意者以如意授侍讲侍讲兴受进诣论议坐北面问所疑执经者为通之讫兴退以如意授执者退还本坐执如意者以如意次授诸侍讲者皆如上仪总讫左庶子跪奏礼毕羣官皆起通事舍

人各引就堂下位皇太子降坐降自北阶入学堂後便次羣官以次出执经以下改服常服【学生仍青衿服】

还宫

皇太子既入便次左庶子版奏请解严【将士不得辄离本位】皇太子改服公服停次一刻顷搥一鼓为一严有司转仗卫於还涂如来仪二刻顷又搥二鼓为再严左庶子版奏请中严国子祭酒以下学生以上并出就学外道左奉辞三刻顷又搥三鼓为三严仆进轺车于学门外如常左庶子版奏外办皇太子乘輿出便次至学门外降輿乘车侍卫如常左庶子奏请及车右升降侍臣上马文武陪从皆如来仪车动鼓吹振作如式至国子祭酒以下奉辞处车权停国子祭酒以下皆再拜通事舍人承令宣劳及拜皆如常车至城隅鼓吹止过庙鼓吹作至延喜门鼓吹止入延喜门鼓吹作至重明门宫官文武俱下马皇太子乘车入太傅少傅还皇太子至殿前回车南向左庶子跪奏请降车乘輿入侍臣从至合左庶子版奏请解严将士还本所

大唐开元礼卷五十三

卷五十四

钦定四库全书

大唐开元礼卷五十四 唐 萧嵩等 撰吉礼

国子释奠於孔宣父 皇子束修

学生束修

国子释奠於孔宣父

将享司馆预申享日本司请下其礼所司随职供办凡预享之官散斋三日致斋二日【散斋皆于正寝致斋二日于本司一日于享所其无本司者皆于享所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事馆官及诸学生皆清斋于学馆一宿诸享官致斋之日给酒食及明衣各习礼於斋所太官令取明水火【取水于陰鑒取火于阳燧火以供爨水以实尊】前享一日诸卫令其属未後一刻各以其方器服守卫庙门及太乐工人俱清斋一宿

陈设

前享三日守卫设献官以下次于斋坊前享二日太乐令设轩悬之乐於庙庭东方西方磬簠起北钟簠次之南方北方磬簠起西钟簠次之设三罇钟于编悬之间各依辰位树路鼓於北悬之间道之左右植建鼓於三隅置祝敌於悬内【祝在左敌在右】设歌钟歌磬於庙堂之上前楹间北向磬簠在西钟簠在东其匏竹者立於堂下阶间重行北向相对为首【凡悬皆展而编之】诸工人各位于悬後右校扫除内外又为瘞瘠于院内堂之壬地方深取足容物南出陛前享一日奉礼设三献位於东门之内道北执事位於道南每等异位俱西向北上设望瘞位於堂之东北当瘞瘠之东西向设御史位於庙堂之下西南东向令陪其後设奉礼位于乐悬东北赞者二人在南差退俱西面又设奉礼赞者位于瘞瘠东北南面东上设协律郎位於庙堂上前楹之间近西东向设太乐令位于北悬之间北向设馆官位於悬东当执事西向设学官位於悬西当馆官东向设学生位于学官馆官之後俱重行北上若有观者设位於南门之内道左右重行北面相对为首【金吾监检不得喧哗杂乱】设三献门外位於东门之外道南执事位於其後每等异位俱北向西上馆官学官位於三献东南俱重行北向以西为上设酒樽之位於堂先圣牺尊二象尊二山罍二在前楹间北面先师牺尊二象尊二山罍二在先圣酒尊之东俱西向【尊皆加勺罍有站以置爵其先师之爵同置于一站】设洗於东阶东南北向罍水在洗东篚在洗西南肆【篚实以巾爵】执樽罍篚罍者各位於樽罍篚罍之後设币篚二於樽站之所晡後二刻郊社令帅斋郎以樽站罍洗篚罍入设於位【升堂者自东阶】谒者引祭酒司业诣厨视濯漑【凡导引者每曲一逡巡】赞引引御史诣厨省饌具【祭酒司业以下每事讫各还斋所】享日未明十五刻太官令帅宰人以鸾刀割牲

祝史以豆二取毛血置于饌所遂烹牲【其牲用太牢二正坐及先师首坐俎皆升右胖十一體左丘明以下析分余体升之】未明五刻郊社令帅其属及庙司各服其服升设先圣神坐於庙室内西楹间东向设先师神坐於先圣东北南向其余弟子冉伯牛仲弓宰我子贡冉有子路子游子夏闵子骞曾参高柴宓子贱公西赤林放樊须有若孔忠琴牢梁鱣叔仲会冉孺曾点陈亢漆雕开商瞿司马耕子张巫马施秦非商泽郑国公冶长澹台灭明原宪蘧伯玉公伯寮燕汲秦祖冉季左人郢公孙龙任不齐南宫绌秦商廉梁步叔乘施常顔之仆狄黑漆雕哆县成顔路顔恽公祖句兹伯荣旗顔高秦冉申枨顔辛申党公皙哀后处曹恤奚容蒧石作蜀壤驷赤漆雕徒父乐欬等坐及二十一贤左丘明公羊高谷梁赤伏胜高堂生戴圣毛萇孔安国刘向郑衆杜子春马融卢植郑玄服贾逵何休王肃王弼杜预范甯等坐以次东陈皆南向西上【若东陈不容则又于东壁屈陈而南西向】席皆以莞设神位各於坐首

饌享

享日未明三刻诸享官服其祭服诸陪祭之官皆公服学生青衿服郊社令良醢令各帅其属入实樽罍及币【牺尊实以醴齐象尊实以盎齐山罍实以清酒齐加明水酒加玄酒各实于上尊其币以白长一丈八尺】太官令帅其属实诸筵豆簋簠等未明二刻奉礼帅赞者先入就位赞引引御史太祝及令史祝史与执樽罍篚幂者入自东门当阶间重行北面西上立定奉礼曰再拜赞者承传【凡奉礼有辞赞者皆承传】御史以下皆再拜讫执樽罍篚幂者各就位赞引引御史太祝诣东阶升堂行扫除於上令史祝史行扫除於下讫引就位谒者引享官以下俱就门外位其学生并入就门内位未明一刻太乐令帅工人二舞次入就位文舞入陈於悬内武舞立於悬南道西【其升堂者皆脱履於下降纳如常】谒者引司业入就位立定奉礼曰再拜司业再拜谒者引司业诣东阶升堂行扫除於上降行乐悬於下讫引还本位初司业行扫除讫谒者赞引各引享官以下学官以上次入就位立定奉礼曰衆官再拜衆官及学生皆再拜【其先拜者不拜】谒者进祭酒之左白有司谨具请行事退复位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏永和之乐以姑洗之均【自後堂下之乐皆奏姑洗】作文舞之舞乐舞三成偃麾戛敔乐止【凡乐皆协律郎举麾工鼓祝而後作偃麾戛敔而後止】奉礼曰衆官再拜衆官在位者皆再拜太祝俱跪取币於篚兴各立於尊所谒者引祭酒升自东阶进先圣神坐前西向立太祝以币授祭酒受币登歌作肃和之乐以南吕之均谒者引祭酒进西向跪奠於先圣神坐兴少退西向再拜谒者引祭酒当先师首坐前北向立又太祝以币西向授祭酒谒者引祭酒进北向跪奠於先师首坐前少退北向再拜登歌止谒者引祭酒降复位初羣官拜讫祝史各奉毛血之豆立东门外登歌止祝史奉毛血升自东阶太祝迎取於阶上进奠於先圣及先师首坐前太祝与祝史退立於樽所初祭酒既升奠币太官令出帅进饌者奉饌陈於东门之外祭酒降复位太官令引饌入俎初入门雍和之乐作【自後酌献皆作雍和】饌至阶乐止祝史各进跪彻毛血之豆降自东阶以出饌升太祝迎引於阶上各设於神坐前【筵豆盖幂先彻乃升簋簠既奠却其盖于下】设讫太官令以下降复位太祝还樽所谒者引祭酒诣罍洗盥手洗爵讫引升诣先圣酒樽所执樽者举幂乐作引祭酒诣先圣神坐前跪奠爵俛伏兴少退西向立乐止太祝持进於神坐之右北面跪读祝文曰维某年岁次月朔日皇帝谨遣祭酒某封姓名敢昭告於先圣孔宣父惟夫子固天攸纵诞降生知经纬礼乐阐扬文教余烈遗风千载是仰俾兹

末学依仁游艺谨以制币牺齐粢盛庶品祇奉旧章式陈明荐以先师顔子等配尚飨太祝兴祭酒再拜初读祝文讫乐作又太祝进跪奠版於神坐还樽所祭酒拜讫乐止谒者引祭酒诣先师酒樽所取爵於坫执樽者举冪祭酒酌醴齐乐作谒者引祭酒进先师首坐前北向跪奠爵兴少退北面立乐止【祭酒既奠首坐爵余坐皆斋郎助奠相次而下其亚献终献斋郎助奠亦如之】太祝持版进於先师神坐之左西向跪读祝文曰维某年岁次月朔日子嗣开元神武皇帝谨遣祭官某姓名敢昭告於先师顔子等七十二贤爰以仲春【仲秋】率遵故实敬修释奠於先圣孔宣父惟子等或服膺圣教德冠四科或光阐儒风贻范千载谨以制币牺齐粢盛庶品式陈明荐从祀配神尚飨太祝兴祭酒再拜初读祝文讫乐作太祝进奠版於神坐还樽所祭酒拜讫乐止谒者引祭酒诣东序西向立太祝各以爵酌鬯福酒合置一爵一太祝持爵进祭酒之左北向立祭酒再拜受爵啐酒奠爵俛伏兴太祝帅斋郎进俎跪减先圣及先师首坐前三牲胙肉【皆取前脚第二节】加於俎又以筯取稷黍饭兴以胙肉各共置一俎又以饭共置一筯太祝先以饭筯授祭酒祭酒受以授斋郎又以俎授祭酒祭酒每受以授斋郎祭酒跪取爵遂饮卒爵太祝受爵复於坫祭酒俛伏兴再拜谒者引祭酒降复位文舞出鼓祝作舒和之乐出讫戛敌乐止武舞入鼓祝作舒和之乐立定戛敌乐止初祭酒献将毕谒者引司业诣鬯洗盥手洗爵讫谒者引升自东阶诣先师酒樽所执樽者举冪司业酌盎齐讫武舞作谒者引司业进先圣神坐前西向跪奠爵兴谒者引少退西向再拜讫谒者引司业诣先师酒樽所取爵于坫执樽者举冪司业酌盎齐谒者引司业进先师首坐前北向跪奠爵兴少退司业再拜谒者引司业诣东序西向立太祝各以爵酌鬯福酒合置一爵一太祝持爵进司业之左司业再拜受爵跪祭酒遂饮卒爵太祝进受爵复於坫司业兴再拜谒者引降复位初司业献将毕谒者引博士诣鬯洗盥手洗爵讫升酌盎齐终献如亚献之仪讫引降复位武舞止太祝等各进跪彻豆兴还樽所奉礼曰赐胙赞者唱衆官再拜衆官在位者及学生皆再拜【已饮福受胙者不拜】奏永和之乐奉礼曰衆官再拜衆官在位者及学生皆再拜乐一成止谒者进祭酒之左白请就望瘞位谒者引祭酒就望瘞位西向立奉礼赞者就瘞埽东北位初在位者将拜诸太祝各执筐进神坐前跪取币兴降自西阶诣瘞埽以币置於埽讫奉礼曰可瘞埽东西厢各四人實土半埽谒者进祭酒之左白礼毕遂引祭酒出谒者赞引各引享官以下以次出初白礼毕奉礼帅赞者还本位赞引引御史太祝以下俱复执事位立定奉礼曰再拜御史太祝以下皆再拜赞引引出诸学生以次出其祝版燔於斋所

皇子束修

束帛一筐【五疋】酒一壶【五?】修一案【五挺】

其日平明皇太子服学生之服【其服青衿】至学门外博士公服执事者引立於学堂东阶下西面相者引皇太子立於门外东西向【不自同于宾客】陈束帛筐壶酒脯案於皇太子南当门北向重行西上将命者出立门西东面曰敢请事皇子少进曰某方受业於先生敢请见将命者入告博士曰某也不德请皇子无辱【若已封王则云请王无辱】将命出告皇太子曰某不敢为仪敢固请将命者入告博士曰请皇子就位某敢见将命者出告皇太子曰某不敢以视宾客请终赐见将命者入告博士曰某辞不得命敢不从将命者出告执筐者以筐东面授皇子皇子执筐博士降俟於东阶下西面相者引皇子执事者奉壶酒脯修案以从皇子

入门而左诣西阶之南东面奉酒脯者立於皇子西南东面北上皇子跪奠篚再拜博士答拜皇子还避遂进跪取篚相者引皇子进博士前东面授币奉壶酒修案者从奠博士前博士受币执事者取酒修币以东相者引皇子立於阶间近南北面奉酒修者出皇子拜讫相者引皇子出

学生束修

束帛一篚【准令】酒一壶【二?】修一案【五脰】

其日平明学生青衿服至学门博士公服立於学堂东阶上西面赞者引学生立於门东西面【不自同于宾客】陈束帛篚壶脯案於学生西南当门北向重行西上将命者出立於门西东面曰敢请事学生少进曰某方受业於先生敢请见将命者入告博士曰某也不德请子无辱将命者出告学生曰某不敢为仪敢固请将命者入告博士曰请子就位某敢见将命者出学生曰某不敢以视宾客请终赐见将命者入告博士曰某辞不得命敢不从将命者出告执篚者以篚东面授学生博士降俟於东阶下西面赞礼者引学生执酒脯者从之学生入门而左立於西阶之南东面执酒脯者立於学生之南东面北上学生跪奠篚再拜博士答拜学生还避遂进跪取篚赞礼者引学生进博士前东面授币执酒脯者从奠博士前博士受币赞者取酒脯币以东执酒脯者出赞礼者引学生立当阶间近南北面再拜赞礼者引出

大唐开元礼卷五十四

卷五十五

钦定四库全书

大唐开元礼卷五十五 唐 萧嵩等 撰吉礼

仲春仲秋释奠於齐太公

斋戒

将享所司随职供办凡预享之官散斋三日致斋二日【散斋皆於正寝致斋二日于本司一日于祭所其无本司者皆於祭所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事诸享官散斋之日给酒食及明衣各习礼於斋所太官令监取明水火【取水于陰鑒取火於阳燧火以供爨水以寔尊】前享一日诸卫令其属未後一刻各以其方器服守卫庙门及太乐工人俱清斋一宿

陈设

前享三日守宫设献官以下次於斋坊前享二日太乐令设轩悬之乐於庙庭东方南方磬簠起北钟簠次之南方北方磬簠起西钟簠次之设三罇钟於编悬之间各依辰位树路鼓於北悬之间道之左右植建鼓於三隅置祝馔于悬内【祝在左馔在右】设歌钟歌磬於庙堂之上前楹间北向磬簠在西钟簠在东执匏竹者立於堂下阶间重行北向相对为首【凡悬皆展而编之】诸工人各位於悬後右校扫除内外又为瘞瘞院内堂之壬地方取足容物南出陛前享一日奉礼设三献位於东门之内道北执事位於道南每等异位俱西面北上设望瘞位於堂之东北当埋瘞之东西向设御史位於堂下西南东向令史陪其後设奉礼位於乐悬东北赞者二人在南差退俱西向又设奉礼赞者位於瘞瘞东北南面东上设协律位於堂上前楹间近西东向设太乐令位於北悬之间北向设庙官位於学悬东西若有观者位于南门外内道之左右重行北面相对为首【金吾监检不得喧杂】设三献门外位执事者位於其後每等异位俱北向西上设庙官位於三献东南俱重行北面西上设酒罇之位於堂上齐太公牺罇二象罇二山罇二在前楹间北向留侯牺尊二象尊二山罇二在太公酒罇之东俱西向【尊皆加勺幂有坫以置爵其留侯之爵同置于一坫】设洗於东阶东南北向罇水在洗东篚在洗西南肆执罇罇篚幂者各位於罇罇篚篚之後设币篚二各於罇坫之所晡後郊社令帅斋郎以罇坫罇洗篚幂设於位【升堂者自东阶】谒者引三献官等诣厨视濯溉【凡导引者每曲一逡巡】赞引引御史诣厨省馔具享日未明十五刻太官令帅宰人以鸾刀割牲祝史以豆二取毛血置於馔所遂烹牲【其牲用太牢一正坐及配坐俎皆升右胖十一体以下折分余體升之】未明五刻郊社令率其属及庙司各服其服整拂神幄

馈享

享日未明三刻诸享官各服其祭服诸陪祭之官皆公服郊社令良醢令各帅其属入实樽罍及币【牺尊实以醴齐象尊实以盎齐山罍实以清酒齐皆加明水酒皆加玄酒各实于上尊其币以白各长一丈八尺】太官令帅其属实诸笾豆簠簋等未明二刻奉礼帅赞者先入就位赞引引御史太祝及令史与执樽罍篚幂者入自东门当阶间重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚幂者各就位赞引引御史太祝诣东阶升堂行扫除於上令史祝史行扫除於下讫引降就位谒者引享官以下俱就门外位未明一刻太乐令帅工人二舞次入就位文舞入陈於悬内武舞立於悬南道西【其升堂者皆脱履於下降纳如常】谒者引亚献官入就位立定奉礼曰再拜亚献官再拜讫谒者引亚献官诣东阶升堂行扫除於上降行乐悬於下讫引还本位初献扫除讫谒者赞引引享官以下次入就位立定奉礼曰衆官再拜衆官在位者皆再拜【其先拜者不拜】谒者进初亚献官之左白有司谨具请行事退复位协律郎跪俯伏举麾【凡取物者皆跪俛伏而取以兴奠物则奠讫俛伏而後兴】鼓祝奏永和之乐以姑洗之均【自後堂下之乐皆奏姑洗】作武舞之舞乐舞三成偃麾戛敌乐止【凡乐皆协律郎举麾工鼓祝而後作偃麾戛敌而後止】奉礼曰衆官再拜衆官在位者皆再拜太祝俱跪取币於篚兴各立於樽所谒者引初献官升自东阶进太公神坐前北向立太祝以币东向授初献官初献官受币登歌作肃和之乐以南吕之均谒者引初献官进北面跪奠於太公神坐兴少退北向再拜谒者初引献官当留侯首坐前东向立又太祝以币北向授初献官初献官受币谒者引初献官进东向跪奠於留侯首坐兴少退东向再拜登歌止谒者引初献官降复位初衆官拜讫祝史各奉毛血之豆立於东门外登歌止祝史奉毛血升自东阶太祝迎取於阶上进奠於太公留侯首坐前太祝兴祝史退立於樽所初献官既升奠币太官令出帅进饌者奉饌陈於东门之外初献官降复位太官令引饌入俎初入门雍和之乐作【自後酌献皆作雍和】饌至阶乐止祝史各进跪彻毛血之豆降自东阶以出饌升太祝迎引於阶上各设於神坐前【笾豆盖幂先彻乃升簋簠既奠却其盖於下】设讫太官令以下降复位太祝还樽所谒者引初献官诣罍洗盥手洗爵引升诣太公酒樽所执樽者举幂初献官酌醴齐乐作谒者引初献官诣太公神坐前北向跪奠爵俛伏兴少退北向立乐止太祝持版进於神坐之右东向跪读祝文曰维某年岁次月朔日子嗣皇帝谨遣某官姓名敢昭告於齐太公惟公爰定六韜载成七德功业昭着生灵攸仰俾兹末学克奉旧章谨以制币牺齐粢盛庶品式陈明荐以张留侯等配祀尚飨太祝兴初献官再拜初读祝文讫乐作太祝进跪奠版於神坐兴还樽所初献官拜讫乐止谒者引初献官诣留侯酒樽所取爵于坫执樽者举幂初献官酌醴齐乐作谒者引初献官进留侯首坐前东向跪奠爵兴少退东面立乐止【初献官既奠首坐爵余坐皆斋郎助奠相次而毕其亚献终献斋郎助奠亦如之】太祝持版进於留侯神坐之左北面跪读祝文曰维某年岁次月朔日子嗣皇帝遣某官姓名敢昭告於留侯惟子宣扬武教光赞道钤大济生灵貽范千载谨以制币牺齐粢盛庶品式陈明荐从祀配神尚飨太祝进跪兴初献官再拜初读祝文讫乐作太祝奠版於神坐兴还樽所初献官拜讫乐止谒者引初献官诣东序西向立太祝各以爵酌罍福酒合置一爵一太祝持爵进初献官之左北向立初献官再拜受爵祭酒啐酒奠爵俛伏兴太祝帅斋郎奠爵俛伏兴太祝帅斋郎进俎跪减太公及留侯首坐前三牲胙肉【皆取前脚第二骨】加於俎又以饭共置一笾太祝先以饭笾授初献官受以授斋郎又以俎授初献官每受以授斋郎初献官跪取爵遂饮卒爵复於坫初献官俛伏兴再拜谒者引初献官降复位文舞出鼓祝作舒和之乐立定戛敌乐止初初献官献将毕谒者引亚献官诣罍洗

盥手洗爵讫谒者引升自东阶诣太公酒樽所执樽者举冪亚献官酌盎齐讫武舞作谒者引亚献官诣太公神座前北面跪奠爵俛伏兴少退北向再拜讫谒者引亚献官诣留侯酒樽所取爵於坫执樽者举冪亚献官酌盎齐讫谒者引亚献官进留侯首坐前东向跪奠爵兴少退东向再拜谒者引亚献官诣东序西向立太祝各以爵酌鬯福酒合置一爵一太祝持爵进亚献官之左亚献官再拜受爵跪饮卒爵太祝进受爵复於坫亚献官兴再拜谒者引降复位亚献官献将毕谒者引终献官诣罍洗盥手讫升酌盎齐终献如亚献之仪讫引降复位武舞止太祝等各进跪彻豆兴还樽所【彻者筯豆各一少移於故处】奉礼曰赐胙赞者唱衆官再拜【已饮福受胙者不拜】奏永和之乐奉礼曰衆官再拜衆官在位者皆再拜乐一成止谒者进初献官之左白请就望瘞位谒者引初献官就瘞位西向立奉礼帅赞者转就瘞埽东北位初在位者将拜诸太祝各执筐进神坐前跪取币兴降自西阶诣瘞埽以币置於埽讫奉礼曰可瘞埽东西厢各四人奠土半埽谒者进初献官之左白礼毕遂引初献官出谒者赞引各引享官以下以次出初白礼毕奉礼帅赞者还本位赞引引御史太祝以下俱复执事位立定奉礼曰再拜御史以下皆再拜赞引引出乐工以下皆出其祝版燔於斋坊

大唐开元礼卷五十五

卷五十六

钦定四库全书

大唐开元礼卷五十六 唐 萧嵩等 撰吉礼

皇帝巡狩告於圜丘

斋戒 陈设 銮驾出宫

亲告 銮驾还宫

斋戒

将告有司卜日如别仪前一日皇帝斋於太极殿如郊祀之仪凡預告之官清斋於告所近侍之官应从升者各於本司清斋一宿诸卫令其属晡後一刻各以其方器服守卫墻门清斋一宿

陈设

前告三日尚舍直长设大次於外墻东门之外道北南向尚舍奉御铺御坐卫尉设文武侍臣次於大次之後文官在左武官在右俱南向又设告官及从驾羣官次各於常所设陈饌幔於内墻东门之内道南北向前二日太乐令设宫悬之乐於坛南设登歌举麾位於坛上并如常仪前一日右校扫除坛之内外郊社令积柴於燎坛坛方一丈二尺开上南出户高四尺奉礼设御位於坛之东南西向【将告奉礼一人守之在版位西南五步西向】设望燎位当柴坛之北南向设告官及从驾羣官版位於内外如常仪郊社令帅府史一人及斋郎以樽坩罍洗篚冪及玉帛之篚入设於位并如常仪执樽罍篚冪者各位於樽罍篚冪之後告日未明五刻太史令郊社令升设昊天上帝坐於坛上北方南向席以藁秸设神位於坐首告日未明十刻太官令帅宰人以鸾刀烹牲於厨

銮驾出宫

皇帝服衮冕之服乘玉辂备大驾及严鼓时刻奏请进发内外器服皆如常仪

亲告

其日未明三刻诸告官各服其服郊社令良醞令各帅其属入实樽罍玉帛【太尊寔以泛齐凡尊皆二其玄酒各寔于上尊礼神之玉以苍璧其帛亦苍】太官令帅进饌者寔筵豆簠簋入设於内墻之东门外饌幔内未明二刻奉礼率赞者先入就位赞引引御史太祝以下入

行扫除如常仪讫各引就位驾将至谒者赞引各引告官以下及从告羣臣客使先至者俱就门外位驾至大次门外回辂南向千牛将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂之大次协律郎太乐令帅工人各入就位【凡升坛者皆脱履於下降纳如常】皇帝停大次半刻谒者赞引各引从驾羣官入就位太常博士引太常卿立於大次门外当门北向侍中版奏外办皇帝服大裘而冕出次华盖侍卫如常仪【侍中负宝陪从如常】博士引太常卿太常卿引皇帝【凡太常卿前导皆博士先引】至内壝门外殿中监进镇珪华盖仗卫停於大门外近侍者从入如常谒者引礼部尚书太常少卿陪从如常皇帝至版位西向立通事舍人各引从告官及诸王介公酈公诸方客使以次入就位立定太常卿前奏称请再拜退复位皇帝再拜奉礼曰衆官再拜赞者承传【凡奉礼有词赞者皆承传】衆官在位者皆再拜太常卿前奏有司谨具请行事退复位协律郎跪俛伏兴举麾鼓祝奏豫和之乐乃以圜钟之均奏文舞之舞六成偃麾戛敌乐止【凡乐皆协律郎举麾工鼓祝而後作偃麾戛敌而後止】太常卿前奏称请再拜退复位皇帝再拜奉礼曰衆官再拜衆官皆再拜诸太祝俱取玉币於筐各立於尊所太常卿引皇帝太和之乐作皇帝诣坛升自南陛近侍者从升如常仪皇帝升坛北向立乐止太祝加玉於币以授侍中侍中奉玉币东向进皇帝受玉帛登歌作肃和之乐太常卿引皇帝进北向跪奠於天帝神坐俛伏兴太常卿引皇帝稍退北向再拜讫登歌止乐作皇帝降自南陛还版位西向立乐止初羣官拜讫谒者引司徒太官令出帅进饌者奉饌陈於内壝东门之外司徒奉天帝之俎皇帝既至位乐止太官令引饌入俎初入门雍和之乐作饌至阶乐止饌升於南陛太祝迎引於坛上各设於神坐前设讫谒者引司徒以下降自东陛复位诸太祝各还尊所太常卿引皇帝诣盥洗乐作皇帝至盥洗乐止侍中跪取匱兴沃水又侍中跪取盘兴承水皇帝盥手黄门侍郎取巾於筐兴进皇帝帨手讫受巾跪奠於筐遂取匏爵於筐兴进皇帝受爵侍中酌盥水又侍中奉盘皇帝洗爵黄门侍郎又授巾皆如初皇帝拭爵讫侍中奠盘匱黄门侍郎受巾奠於筐皆如常太常卿引皇帝乐作皇帝诣坛升自南陛乐止近侍者从升如常谒者引司徒升自东陛立於樽所斋郎奉俎从升立於司徒之後太常卿引皇帝诣天帝酒樽所执樽者举罍侍中赞酌泛齐讫壽和之乐作【皇帝每酌献及饮福酒皆作壽和之乐】皇帝进天帝神坐前北向跪奠爵俛伏兴太常卿引皇帝少退北向立乐止太祝持版进於神坐之右东向跪读祝文【祝文临时撰】讫兴皇帝再拜初读祝文讫乐作太祝进奠版於神坐还樽所太常卿引皇帝进天帝座前北向立乐作太祝以爵酌盥福酒合置一爵一太祝持爵以授侍中侍中受爵西向进皇帝再拜受爵跪祭酒奠爵俛伏兴诸太祝各帅斋郎进俎太祝减神前胙肉加於俎兴以胙肉共置一俎上授司徒司徒奉俎西向进皇帝受以授左右皇帝跪取爵遂饮卒爵侍中进受爵以授太祝太祝受爵复於坵皇帝俛伏兴再拜乐止太常卿引皇帝乐作皇帝降自南陛还版位西向立乐止谒者引司徒降复位太祝各进彻豆还樽所奉礼曰赐胙赞者唱衆官再拜衆官在位者皆再拜乐作太常卿前奏称再拜退复位皇帝再拜奉礼曰衆官再拜衆官皆再拜乐一成止太常卿前奏请就望燎位太常卿引皇帝乐作皇帝至望燎位南向立乐止於羣官将拜诸太祝各以筐进神坐前取玉帛祝版斋郎以俎载牲体稷黍饭爵酒兴各自其陛降坛南行当柴坛南东行自南陛登柴坛以玉币饌物置於柴上讫奉礼曰可燎东西面各四人炬燎火半柴太常卿前奏礼毕太常卿引皇帝出内壝门殿中监前受镇珪华盖侍卫如常仪皇帝入次乐止谒者赞引各引从告官及从驾群官诸方客使以次出赞引引御史以下俱复执事位立定奉礼曰再拜御史以下皆再拜赞引引出工人以下以次出

銮驾还宫

皇帝既还大次侍中版奏请解严【将士不得辄离部伍】皇帝改服通天冠绛纱袍乘金
辂鼓吹振作奏请还宫如常仪

大唐开元礼卷五十六

卷五十七

钦定四库全书

大唐开元礼卷五十七 唐 萧嵩等 撰吉礼

巡狩告圜丘有司摄事

将告有司卜日如别仪前二日守宫设告官以下次各依常所设陈饌幔於内壝东门之外道北南向右校扫除坛之内郊社令积柴於燎坛前一日诸告官清斋於告所诸卫令其属晡後一刻各以其方器服守卫壝门奉礼设版位内外并如常仪郊社令帅其属以樽坩罍洗筐罍入设皆如常仪执樽罍筐罍者各位於樽罍筐罍之後太官令预饌酒脯醢告日未明四刻太史令郊社令各服其服升设神位席如常未明三刻诸告官各服其服郊社令良醢令之属入实樽罍及玉币【天帝太尊二着尊二一实以明水为上一实以醴齐次之山罍各二一实以玄酒为上一实清酒次之玉以苍璧币以苍】太祝以玉帛置於筐设於饌所未明二刻奉礼帅赞者先入就位赞引引御史太祝以下入行扫除如常仪讫各就位未明一刻谒者引告官以下俱就门外位立定又谒者引告官赞引引执事者次入就位立定奉礼曰再拜赞者承传【凡奉礼有词赞者皆承传】告官以下皆再拜谒者进告官之左白有司谨具请行事奉礼曰再拜在位者皆再拜初谒者白请行事太官令出帅饌者奉饌陈於东门之外初太官令出太祝跪取玉於筐兴立於樽所谒者引告官升自午陛北向立太祝以玉东向授告官受玉进北面跪奠於天帝神座俛伏兴少退北向再拜谒者降还本位太祝还樽所太官令引饌入自午陛太祝迎引於坛上设於神坐前【笾豆盖罍彻之如式】设讫太官令以下降自东陛复位诸太祝各还樽所谒者引告官诣罍洗盥手洗爵讫升自南陛诣天帝酒樽所执樽者举罍告官酌醴齐谒者引告官诣天帝神坐前北向跪奠爵俛伏兴少退北向立太祝持版进於神坐之右东向跪读祝文【祝文临时撰】讫兴告官再拜太祝进跪奠版於神坐兴还樽所告官拜讫谒者引告官进天帝神坐前北向立太祝以爵酌罍福酒合置一爵一太祝持爵进告官之右西向立告官再拜受爵跪祭酒遂饮卒爵太祝进受爵复於坩告官俛伏兴再拜讫谒者引告官降复位太祝各进跪彻豆俛伏兴还樽所奉礼曰再拜告官及再位者皆再拜谒者进告官之左白请就望燎位谒者引告官就望燎位南向立初衆官将拜太祝取玉币及祝版置於柴上户内柴东西各四人以炬燎火半柴谒者进告官之左白礼毕谒者引告官赞引引执事者以次出御史以下俱复执事位立定奉礼曰再拜御史以下皆再拜赞引引出

大唐开元礼卷五十七

卷五十八

钦定四库全书

大唐开元礼卷五十八 唐 萧嵩等 撰吉礼

皇帝巡狩告於太社

斋戒 陈设

銮驾出宫 荐玉帛

进熟 銮驾还宫

斋戒

将告有司卜日如别仪前一日皇帝清斋於太极殿诸预告之官清斋於太社署近侍之官应从升者及羣官客使等各於本司及公馆清斋一宿诸卫令其属晡後一刻各以其方器服守卫社宫门与乐工人俱清斋一宿

陈设

前告三日尚舍直长设大次於社宫西门之外道北南向尚舍奉御铺御坐守宫设文武侍臣及从驾羣官次各於常所前二日太乐令设宫悬之乐於坛北各设登歌及举麾位各於坛上并如常仪右校清扫内外又为瘞瘞二於乐悬之北如常前一日奉礼设御位於北门之内当社坛南向设告官及从驾羣官版位於内外如常仪郊社令帅府史二人及斋郎以樽坩洗篚罍入设皆如常仪执樽罍篚罍者各位於樽罍篚罍之後告日未明十五刻太官令帅宰人烹牲於厨【牲用黑牛二斋郎以豆取牲血如常】未明四刻太社令郊社令各服其服升设神坐席位如常

銮驾出宫

皇帝服袞冕乘玉辂陈大驾卤簿其严鼓时刻奏请进发内外器服皆如常仪

荐玉帛

其日未明三刻诸告官各服其服郊社令良醢令各帅其属入实樽罍玉帛【太尊实以醴齐配坐之象尊其实亦如之其明水各实于上尊玉俱以两珪有邸】太祝各以帛置於篚【帛随牲色各长一丈八尺】太官令帅进饌者实诸笾豆簋簠等皆设於神厨未明二刻奉礼

帅赞者先入就位赞引引御史太祝以下行扫除如常仪讫各引就位车驾将至谒者赞引各引告官以下及从升羣官客使先至者俱就门外位驾至大次门外回辂南向千牛将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂之大次郊社令以祝版进署如常谒者赞引各引从驾羣官俱就门外位奉礼帅赞者先入就位赞引引御史及诸太祝与执樽罍筐冪者亦就位太乐令帅工人次入就位【升堂者皆脱履於下降纳如式】通事舍人各引告官及从告羣官客使次入就位皇帝停大次半刻顷太常博士引太常卿立於大次门外北向侍中版奏外办皇帝出次华盖侍卫如常仪博士引太常卿太常卿引皇帝【凡太常卿前导皆博士先引】至社宫北门外殿中监进镇圭华盖仗卫停於门外近侍者从入如常皇帝至版位南向立【每立定太常卿与博士退立於左】太常卿前奏请再拜退复位皇帝再拜奉礼曰衆官再拜赞者承传【凡奉礼有词赞者皆承传】衆官在位者皆再拜太常卿奏有司谨具请行事退复位协律郎跪俛伏兴举麾鼓祝奏顺和之乐以函钟之均乐八成偃麾戛敌乐止【凡乐皆协律郎举麾工鼓祝而後作偃麾戛敌而後止】太常卿前奏再拜退复位皇帝再拜奉礼曰衆官再拜衆官在位者皆再拜诸祝俱取玉币於筐各立於樽所太常卿引皇帝太和之乐作【皇帝每行皆作太和之乐】皇帝诣太社坛升自北陛近侍者从升如常仪皇帝升坛南向立乐止太祝加币玉以授侍中侍中奉玉币西向进皇帝受玉币登歌作肃和之乐以应钟之均太常卿引皇帝进南面跪奠於太社神前俛伏兴太常卿引皇帝少退南向再拜太常卿引皇帝立於东方西向又太祝以币授侍中侍中奉币南面进皇帝受币太常卿引皇帝进西向跪奠於后土氏神坐俛伏兴太常卿引皇帝少退西向再拜讫登歌止太常卿引皇帝降自北陛乐作太常卿引皇帝诣太稷坛升奠玉币於太稷氏后稷氏升降皆如太社坛讫太常卿引皇帝降自北陛乐作皇帝还版位南向立乐止

进熟

皇帝既升奠玉币太官令出帅进饌者奉饌陈於西门之外司徒奉太社之俎初皇帝既至位乐止太官令引太社太稷之饌入自正门后土后稷之饌入自左门俎初入门雍和之乐作饌至陛乐止太社太稷之饌升自北陛后土后稷之饌升自西陛诸祝迎引於坛上各设於神坐前讫谒者引司徒以下降复位诸祝各还樽所太常卿引皇帝诣罍洗乐作皇帝至罍洗乐止侍中跪取兴沃水又侍中跪取盘兴承水皇帝盥手黄门侍中跪取巾於筐兴进皇帝帨手讫受巾跪奠於筐遂取爵於筐兴进皇帝受爵侍中酌罍水又侍中奉盘以承水皇帝洗爵黄门侍郎又授巾如初皇帝拭爵讫侍中奠盘侍中受巾奠於筐太常卿引皇帝乐作皇帝诣太社坛升自北陛乐止近侍者从升如常谒者引司徒升自西陛立于樽所斋郎奉俎从升立於司徒之後太常卿引皇帝诣太社酒樽所执樽者举冪侍中赞酌醴齐讫寿和之乐作【皇帝每酌献及饮福皆作壽和之乐】太常卿引皇帝进太社神坐前南向跪奠爵俛伏兴太常卿引皇帝少退南向立乐止太祝持版进於神坐之右西向跪读祝文讫【祝文临时撰】皇帝再拜初读祝文讫乐作太祝进跪奠版於神坐兴还樽所皇帝拜讫乐止太常卿引皇帝诣后土酒樽所执樽者举冪侍中取爵於坩进皇帝受爵侍中赞酌醴齐讫乐作太常卿引皇帝进后土神坐前向西跪奠爵俛伏兴太常卿引皇帝少退西向立乐止太祝持版进於神坐之左南向跪读祝文讫兴皇帝再拜初读祝文讫乐作太祝进跪奠版於神坐兴还樽所皇帝拜讫乐止太常卿引皇帝诣太社神座前南向立乐作太祝以爵酌罍福酒合置一爵一太祝持爵

以授侍中侍中受爵东向以进皇帝再拜受爵跪祭酒啐酒奠爵俛伏兴诸祝帅斋郎进俎太祝减太社神前胙肉太祝以俎授司徒司徒奉俎东向进皇帝受以授左右皇帝跪取爵遂饮卒爵侍中进受爵以授太祝太祝受爵复於坵皇帝俛伏兴再拜乐止太常卿引皇帝乐作皇帝降自北陛诣罍洗乐止谒者引司徒升自西陛立於樽所皇帝至罍洗盥手洗爵侍中黄门侍郎赞洗如常讫太常卿引皇帝乐作皇帝诣太稷坛升自北陛乐止皇帝酌献太稷后稷皆如太社后土之仪讫太常卿引皇帝降自北陛乐作皇帝还版位南面立乐止谒者引司徒复位登歌作诸祝各进彻豆还樽所【彻者筓豆各一少移於故处】奉礼曰赐胙赞者唱衆官再拜衆官在位者皆再拜【已饮福受胙者不拜】乐作太常卿前奏再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望瘞位太常卿引皇帝乐作皇帝至望瘞位南向立乐止於羣官将拜诸祝各执筐进神坐前取玉帛斋郎以俎载牲体稷黍饭爵酒各由其陛降坛南行当瘞埴西行诸祝以玉帛饌物置於埴讫奉礼曰可瘞埴东西面各四人寘土半埴太常卿前奏礼毕太常卿引皇帝还大次乐作皇帝出门殿中监前受镇珪华盖侍卫如常仪皇帝如次乐止谒者赞引各引告官及从驾羣官以次出赞引引御史以下俱复执事位立定奉礼曰再拜御史以下皆再拜赞引引出工人以次出其祝版燔於斋坊

銮驾还宫如常仪

大唐开元礼卷五十八

卷五十九

钦定四库全书

大唐开元礼卷五十九 唐 萧嵩等 撰吉礼

巡狩告於大社有司摄事

将告有司卜日如别仪前二日守宫设告官以下次各於常所右校清扫内外又为瘞埴二如常前一日诸告官清斋於社所诸卫令其属晡後一刻各以其方器服守卫社宫门奉礼设版位於内外并如常仪郊社令帅其属以樽坩罍洗篚冪者位於樽罍洗篚冪之後太官令预饌酒脯醢告日未明四刻太史令郊社令各服其服设神位席如常未明三刻诸告官各服其服郊社令良醢令之属入实樽罍及玉【正坐太尊二一寔明水为上一实醴齐次之配坐象樽二其实亦如之皆山罍二一实玄酒为上一实清酒次之玉两珪有邸】太祝各以币置於篚设於饌所【币以黑长一丈八尺】未明二刻奉礼帅赞者先入就位赞引引御史太祝以下入行扫除如常仪质明谒者引告官以下俱就门外位奉礼帅赞者先入就位赞引引执事者次入就位立定奉礼曰再拜赞者承传【凡奉礼有词赞者皆承传】告官以下皆再拜谒者进告官之左白有司谨具请行事退复位奉礼曰再拜在位者皆再拜初白请行事太官令出帅进饌者奉饌陈於西门之外初太官令出太祝跪取玉於篚兴各立於樽所谒者引告官诣大社坛升自北陛南向立太祝以玉币西向授告官受玉币进南向跪奠於大社神坐俛伏兴少退南向再拜谒者引告官降自北陛诣太稷坛升奠玉币如大社之仪讫谒者引降还本位太祝各还樽所太官令引饌入太社太稷之饌入自正门配坐之饌入自左闕各由其陛升诸太祝迎引於坛上各设於神坐前【笾豆盖冪彻之如式】设讫太官令以下降自西陛复位诸大祝各还樽所谒者引告官诣罍洗盥手洗爵讫诣大社坛升自北陛诣大社酒樽所执樽者举冪告官酌醴齐谒者引告官进大社神坐前南向跪奠爵俛伏兴少退南向立太祝持版进於神坐之右西向跪读祝文【祝文临时撰】讫兴告官再拜太祝进跪奠版于神座俛伏兴还樽所告官拜讫谒者引告官诣后土氏酒樽所取爵於坩执樽者举告官酌醴齐讫谒者引告官进后土氏神坐前西向跪奠爵俛伏兴少退西向立太祝持版进於神坐之左南向跪读祝文讫兴告官再拜太祝进跪奠版於神坐俛伏兴还樽所告官拜讫谒者引告官诣太社神坐前南面立太祝各以爵酌罍福酒合置一爵一太祝持爵进告官之右东向立告官再拜受爵跪祭酒遂饮卒爵太祝进受爵复於坩告官俛伏兴再拜讫谒者引告官降自北陛诣罍洗盥手洗爵谒者引告官诣太稷坛北陛升献太稷后稷如太社之仪讫引告官降复位诸祝各进跪彻豆俛伏兴还樽所奉礼曰再拜在位者皆再拜【已饮福者不拜】奉礼曰再拜告官以下皆再拜谒者进告官之左白请就望瘞位谒者引告官就望瘞位南向立於衆官将拜诸祝各以篚於神坐前取币寘诸埴奉礼曰可瘞左右各四人寘土半埴谒者进告官之左白礼毕谒者引告官赞引引执事者以次出御史太祝以下俱复执事位立定奉礼曰再拜御史以下皆再拜赞引引出其祝版燔於斋坊

大唐开元礼卷五十九

卷六十

钦定四库全书

大唐开元礼卷六十 唐 萧嵩等 撰吉礼

皇帝巡狩告於太庙

斋戒 陈设

銮驾出宫 晨裸

馈食 銮驾还宫

斋戒

将告有司卜日如别仪前一日皇帝清斋於太极殿凡预告之官清斋於庙所近侍之官应从升者及羣官客使等各於本司及公館清斋一宿诸卫令其属晡後一刻各以其方器服守卫庙门与太乐工人俱清斋一宿

陈设

前告三日尚舍直长施大次於庙东门之外道北南向尚舍奉御铺御坐守宫设文武侍臣之次於大次之後文官在左武官在右俱南向又设告官及从驾羣官次各於常所前二日太乐令设宫悬之乐於庙庭设登歌及举麾位於殿上并如常仪右校清扫内外前一日奉礼设御位於庙东阶东南南向设告官及从驾羣官版位於内外如常仪设酒樽之位於堂上前楹间各於室户外之左北向每室春夏鷄彝一鸟彝一牺樽二秋冬斚彝一黄彝一着樽二皆加勺罍俱西上各有所实【珪琖瓚杓】设罍洗筐冪於常所【筐实以珪瓚巾爵】执樽罍筐冪者各位於樽罍筐冪之後太庙令整拂神幄又帅府史斋郎以樽坩罍洗筐冪入设於位告日未明十五刻太官令帅宰人以鸾刀烹牲於厨每室各犊一

銮驾出宫如常仪

晨裸

其日未明三刻诸预告之官各服其服太官令良醢令各帅其属入实樽罍【鷄彝斚彝牺尊之上实以明水鸟彝黄彝寔以郁鬯着尊寔以醴齐】太官令帅进饌者实诸笾豆簠簋等未明二刻奉礼帅赞者先入就位赞引引御史太祝以下入行扫除如常仪讫各引就位未明一刻赞引引太庙令太祝宫闾令入当阶间北面西上立定奉礼曰再拜赞者承传太庙令以

下皆再拜升自东阶入开埒室奉出献祖以下九室神主各置於座如常仪讫各就位驾将至谒者赞引各引告官以下通事舍人分引从羣官客使先至者俱就门外位驾至大次门外回轂南向千牛将军降立於轂右侍中进当銮驾前跪奏称侍中臣某言请降轂俛伏兴还侍位皇帝降轂之大次太庙令以祝版进署如常通事舍人各引从驾群官俱就门外位太乐令帅工人入就位【其升堂者皆脱履於下降纳如常】谒者赞引各引告官及从官客使次入就位皇帝停大次半刻顷太常博士引太常卿立於大次门外当门北向侍中版奏外办皇帝出次华盖侍卫如常仪博士引太常卿太常卿引皇帝【凡太常卿前导皆博士先引】庙门外殿中监进镇圭华盖仗卫停於门外近侍者从入如常皇帝至版位西面立太常卿前奉称请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏兴举麾【凡取物者皆跪俛而取以兴奠物则奠讫俛而後兴】鼓祝奏永和之乐乃以黄钟之均九成【黄钟三奏大吕太簇应钟各再奏也】偃麾戛敌乐止【凡乐皆协律郎举麾工鼓祝而後作偃麾戛敌而後止】太常卿前奏请再拜退复位皇帝再拜奉礼曰衆官再拜衆官在位者皆再拜太常卿引皇帝诣盥洗太之乐作【皇帝每行皆作太之乐】皇帝至盥洗乐止侍中跪取兴沃水又侍中跪取盘兴承水皇帝搢镇圭【凡受物则搢镇圭奠讫执圭俛伏兴】皇帝盥手黄门侍郎跪取巾於篚兴进皇帝脱手讫黄门侍郎受巾跪奠於篚黄门侍郎又取珪瓚於篚进皇帝受瓚侍中酌鬯水又侍中奉盘皇帝洗瓚黄门侍郎又授巾皆如初皇帝拭瓚讫侍中奠盘黄门侍郎受巾奠於篚皆如常太常卿引皇帝乐作皇帝升自阼阶乐止侍中中书令以下及左右侍卫量人从升太常卿引皇帝诣献祖樽鬯所执樽者举冪侍中赞酌鬯酒讫登歌作肃和之乐以圜钟之均【自後登歌皆用圜钟】太常卿引皇帝入诣献祖神座前北向跪以鬯裸地奠之俯伏兴太常卿引皇帝出户北向再拜讫太常卿引皇帝诣懿祖樽彝所执樽者举冪侍中取瓚於坫进皇帝受瓚侍中赞酌郁酒讫太常卿引皇帝入诣懿祖神坐前北向跪以鬯裸地奠之俛伏兴太常卿引皇帝出户北向再拜讫太常卿引皇帝次裸太祖次裸高祖次裸太宗次裸高宗次裸中宗次裸睿宗并如上仪讫登歌止太常卿引皇帝乐作皇帝降自阼阶至版位乐止

馈食

皇帝既升裸太官令出帅进饌者奉饌陈於东门之外谒者引司徒诣饌所司徒奉献祖之俎初皇帝既至位乐止大官令引饌入自正门俎初入门雍和之乐作以无射之均【笾豆盖冪彻之如式】设讫谒者引司徒以下降复位诸祝各还樽所太常卿引皇帝诣盥洗乐作皇帝至盥洗乐止皇帝盥手洗爵侍中黄门侍郎赞洗皆如晨裸之仪讫太常卿引皇帝乐作皇帝升自阼阶讫乐止太常卿引皇帝诣献祖樽彝所执樽者举冪侍中赞酌醴齐讫壽和之乐作【皇帝酌献饮福皆作壽和之乐】太常卿引皇帝诣献祖神坐前北面跪奠爵俛伏兴太常卿引皇帝出户北向立乐止太祝持版进於室户外之右东面跪读祝文【祝文临时撰】讫兴皇帝再拜初读祝文讫乐作太祝入跪奠版於神坐前兴出还樽所皇帝拜讫乐止太常卿引皇帝诣懿祖樽彝所执樽者举冪侍中取爵於坫进皇帝受爵侍中赞酌醴齐讫太常卿引皇帝以次献皆如懿祖之仪【惟不盥洗】讫太常卿引皇帝诣东序西向立乐作皇帝献将毕谒者引司徒升自东阶立於前楹之间北面诸祝各以爵酌福酒合置一爵一太祝持爵以授侍中侍中受爵北向进皇帝再拜受爵跪祭酒啐酒奠爵俛伏兴诸祝各帅斋郎持俎进

太祝减神前胙肉又以筯取稷黍饭皆如常还樽所以黍稷饭共置一筯以胙肉共置一俎上先以饭授司徒司徒奉进皇帝受以授左右又以俎授司徒司徒奉进皇帝受以授左右皇帝跪取爵遂饮卒爵侍中进受爵以授太祝太祝受爵复於坵皇帝俛伏兴再拜乐止太常卿引皇帝乐作皇帝降自阼阶还版位西向立乐止谒者引司徒降复位登歌作诸祝各入室彻豆出还樽所【彻者筯豆各一少移於故处】登歌止奉礼曰赐胙赞者唱衆官再拜衆官皆再拜乐作太常卿前奏称请再拜退复位皇帝再拜奉礼曰衆官再拜衆官皆再拜乐一成止太常卿前奏礼毕太常卿引皇帝出门乐止殿中监前受镇珪华盖侍卫如常仪皇帝入次谒者赞引各引在位者以次出赞引引御史太祝以下俱复执事位立定奉礼曰再拜御史以下皆再拜赞引引出工人以次出太庙令太祝宫闾令纳神主如常仪其祝版燔於斋坊

銮驾还宫如常仪

大唐开元礼卷六十

卷六十一

钦定四库全书

大唐开元礼卷六十一 唐 萧嵩等 撰吉礼

巡狩告於太庙有司摄事

前二日守宫设告官以下次各於常所右校清扫内外又为瘞瘞於北门之内道西方深取足容物前一日诸告官清斋於庙所诸卫令其属晡後一刻各以其方器服守卫庙门奉礼设版位於内外并如常仪设望瘞位於堂之东北当瘞瘞西向又设奉礼位於瘞坎东北向赞者二人在西少退太庙令拂拭神幄又帅其属以樽坩罍洗篚罍制币之篚入设皆如常仪执樽罍篚罍者各立於樽罍篚罍之後太官令预饌酒脯醢告日未明三刻诸官以下各服其服太庙令良醢令之属入实樽罍及玉币【每室春夏用两牺尊秋冬用两着尊一实明水为上一实以醴齐次之山罍二一实玄酒为上一实清酒次之币以白各长一丈八尺】未明二刻奉礼帅赞者先入就位赞引引御史太祝以下再拜入行扫除如常仪讫各就位未明一刻赞引引太庙令太祝宫闾令入当阶间北面西上立定奉礼曰再拜赞者承传【凡奉礼有词赞者皆承传】太庙令以下皆再拜升自东阶入开幄室奉礼出献祖以下九室神主各置於坐如常仪讫各就位谒者引告官以下俱就门外位质明谒者引告官以下赞引引执事者次入就位立定奉礼曰再拜告官以下皆再拜【其先拜者不拜】谒者进告官之左白有司谨具请行事退复位奉礼曰再拜在位皆再拜初白请行事太官令帅进饌者奉饌陈於东门之外初太官令出诸太祝俱取币於篚各立於樽所谒者引告官升自东阶诣献祖庙室户前北面立太祝以币东向授告官受币进北面跪奠於献祖神坐俛伏兴出户北面再拜讫谒者引告官次进币於懿祖以下皆如上仪讫谒者引还本位诸太祝各还樽所太官令引饌入自正门各由其陞升诸太祝迎引於阶上各设於神坐前讫太官令以下降复位诸太祝各还樽所谒者引告官诣罍洗盥手洗爵讫升自东阶诣献祖酒樽所执樽者举罍告官酌醴齐谒者引告官入诣献祖神坐前北向跪奠爵俛伏兴出户北向立太祝持版进於室户外之右东面跪读祝文【祝文临时撰】讫兴告官再拜太祝进跪奠版於神坐俛伏兴还樽所告官拜讫谒者引告官以次献皆如献祖之仪【唯不盥洗】讫谒者引告官诣东序西向立诸太祝各以爵酌罍福酒合置一爵一太祝持爵进告官之左北向立告官再拜受爵跪祭酒遂饮卒爵太祝进受爵复於坩告官俛伏兴再拜讫谒者引告官降复位诸太祝各入室跪彻豆兴还樽所【彻者筵豆各一少移於故处】奉礼曰再拜在位者皆再拜【已饮福者不拜】奉礼曰再拜告官以下皆再拜讫谒者进告官之左请就望瘞位奉礼赞者转就瘞坎东北位谒者引告官就望瘞位西向立於告官将拜诸太祝各执篚进神坐前跪取币兴降自阶诣瘞坎以制币置於坎讫奉礼曰可瘞坎东西面各四人奠土半坎谒者进告官之左白礼毕谒者引告官赞引引执事者以次出初白礼毕奉礼赞者还本位御史太祝以下俱复执事位立定奉礼曰再拜御史以下皆再拜赞引引出太庙令太祝宫闾令纳神主如常仪其祝版燔於斋坊归与此礼同

大唐开元礼卷六十一

卷六十二

钦定四库全书

大唐开元礼卷六十二 唐 萧嵩等 撰吉礼

皇帝巡狩 銮驾出宫

燔柴告至 銮驾还宫

望秩山川 肆觐东后

考制度

銮驾出宫

将巡狩所司承制先颁告於东方诸州曰皇帝二月东巡狩各修平乃守考乃职事敢不敬戒国有大刑驾将发告圜丘宗庙社稷皆如上仪皇帝出宫备大驾卤簿皆如常仪輶於国门祭所过山川如亲征之礼所经州县刺史县令先待於境通事舍人承制问百年古先帝王名臣烈士皆州县致祭

燔柴告至

将告将作预於太山下修圜坛四出陛【若见有封禅祀天坛即不须别筑】前告三日尚舍直长施大次於外壝东门之内道北南向尚舍奉御铺御坐守宫设文武侍臣次於大次之後文官在左武官在右俱南向又设告官次於东壝之外道南从官文官九品以上於告官之东东方诸州刺史县令应朝者於文官之东东方南方蕃客又於其东俱重行每等异位北向西上鄯公介公於西壝之外道南武官九品以上於介公之西西方北方蕃客又於其西俱重行每等异位北向东上【其褒圣侯於文官三品之下若有诸州使人分方於武官之後】设陈饌幔於内壝东门之外道南北向前二日太乐令设宫悬之乐於坛南设登歌之乐於坛上并如常仪右校扫除坛之内外郊社令积柴於燎坛【其坛於乐悬之南外壝之内】方一丈高一丈二尺开上南出户方六尺前一【日】皇帝清斋於行宫預告之官皆於告所清斋一日近

侍之官应从升者及从告羣官诸方客使皆於其所俱清斋一宿诸卫令其属晡後一刻各以其方器服守卫壝门与太乐工人俱清斋一宿奉礼设御位於坛之东南西向设告官司徒位於内壝东门之内道南执事者位於其後俱西面北上设御史位於坛下一位於东南西向一位於西南东向令史各陪其後设奉礼位於乐悬东北赞者二人在南差退俱西向设协律郎位於坛上南陛之西东向设太乐令位於北悬之间望燎坛之北设从祀之官位文官九品

以上於执事之南东方诸州刺史县令又於其南东方蕃客又於其南俱每等异位重行西面北上鄯公介公於内壝西门之内道南武官九品以上於鄯公介公之後当文官西方北方蕃客於武官之南俱每等异位重行东面北上【其褒圣侯位於文官三品之下若有诸州使人分位於文武官之後】设告官以下门外位於东西壝门之外道南皆如设次之式郊社令率府史一人及斋郎以樽坩罍洗筐霁入设於位并如常仪执樽罍筐霁者各位於樽罍筐霁之後告日未明十五刻太官令帅率人令烹牲於厨【苍牲一騂牲一】未明四刻太史令郊社令各服其服升设昊天上帝神坐於坛上北方南向席以藁秸设高祖神尧皇帝神坐於东方西向席以莞设神坐各於座首未明三刻诸告官各服其服郊社令良醞令各帅其属入实樽罍及玉【天帝太尊二配帝着尊二俱以泛齐其明水各寔於上尊玉以苍璧币长一丈八尺】太祝以玉帛置於筐太官令帅进饌者奉饌寔诸笾豆簠簋等皆设饌幔内未明二刻奉礼率赞者先入就位赞引引御史太祝以下行扫除如常仪讫各就位皇帝服袞冕乘辂发行宫奏请进发内外器服皆如常仪驾将至谒者赞引各引告官通事舍人引从告羣官东方刺史县令诸方客使俱就门外位驾至大次门外迴辂南向千牛将军立於辂右侍中进当銮驾前跪奏称侍中臣某言请降辂俛伏兴还侍位皇帝降辂之大次郊社令以祝版进署如常协律郎与太乐令帅工人入就位【其升堂者皆脱履於下降纳如常】谒者赞引各引告官通事舍人引从告群官刺史县令及诸方客使次入就位皇帝停大次半刻顷太常博士引太常卿立於大次门外当门北向侍中版奏外办皇帝出次华盖侍卫如常仪【侍中负玺陪从如式】博士引太常卿太常卿引皇帝【凡太常卿前导皆博士前引】至内壝门外殿中监进镇珪华盖仗卫停於门外侍者从入如常皇帝至版位西向立【每立定太常卿与博士退立於左】太常卿前奏称请再拜退复位皇帝再拜赞者承传【凡奉礼有词赞者皆承传】衆官在位者皆再拜太常卿前奏有司谨具请行事退复位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏豫和之乐乃以圜钟为宫黄钟为角太簇为徵姑洗为羽乐舞六成偃麾戛敌乐止【凡乐皆协律郎举麾工鼓祝而後作偃麾戛敌而後止】太乐卿前奏称请再拜退复位皇帝再拜奉礼曰衆官再拜衆官在位者皆再拜太祝取玉於筐立於樽所太常卿引皇帝太和之乐作【皇帝每行皆作太和之乐】皇帝诣坛升自南陛近侍者从升如常仪皇帝升坛北向立乐止太祝以玉授侍中侍中奉玉东向进皇帝搢镇珪【凡受物则搢镇珪奠讫执珪俛伏兴】受玉登歌作肃和之乐以大吕之均太常卿引皇帝北向跪奠於昊天上帝神坐俛伏兴太常卿引皇帝少退北向再拜讫太常卿又引皇帝立於东方西向配座太祝以币授侍中侍中奉币北向进皇帝受币太常卿引皇帝进东面跪奠於高祖神尧皇帝神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止初皇帝既升奠玉太官令出帅进饌者奉饌陈於内壝东门之外谒者引司徒出诣饌所司徒奉天帝之俎初皇帝既至位乐止太官令引饌入俎初入门奏雍和之乐以黄钟之均【自後接神之乐皆奏黄钟】饌至陛乐止天帝之饌升自南陛配帝之饌升自东陛诸太祝迎引於坛上各设於神坐前【笾豆盖霁彻之如式】设讫谒者引司徒以下降自东陛复位诸太祝各还樽所太常卿引皇帝诣罍洗乐作皇帝至罍洗乐止侍中跪取兴沃水又侍中跪取盘兴承水皇帝盥手黄门侍郎跪取巾於筐兴进皇帝帨手讫受巾跪奠於筐遂取匏爵於筐兴进皇帝受爵侍中酌罍水又侍中奉盘皇帝洗爵黄门侍郎授巾皆如初皇帝拭爵讫侍中奠盘黄门侍郎受巾奠於筐皆如常太常卿引皇帝乐作皇帝诣坛升自南陛乐止谒者引司徒升自东陛立於樽所斋郎奉俎从升立於司徒之後

太常卿引皇帝诣天帝酒樽所执樽者举冪侍中赞酌泛齐讫壽和之乐作【皇帝每酌献饮福皆作壽和之乐】太常卿引皇帝进天帝神坐前北面跪奠爵俛伏兴太常卿引皇帝少退北向立乐止太祝持版进於神坐之右东面跪读祝文【祝文临时撰】讫兴皇帝再拜初读祝文讫乐作太祝进奠版於神坐还樽所皇帝拜讫乐止太常卿引皇帝诣配帝酒樽所执樽者举冪侍中取爵於坫皇帝受爵侍中赞酌泛齐讫乐作太常卿引皇帝进高祖神尧皇帝神坐前东向跪奠爵俛伏兴太常卿引皇帝少退东向立乐止太祝持版进於神坐之右北面跪读祝文讫兴皇帝再拜初读祝文讫乐作太祝进奠版於神坐还樽所皇帝拜讫乐止太常卿引皇帝进天帝神坐前北向立乐作太祝各以爵酌壘福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴诸太祝各帅斋郎进俎太祝减神前胙肉【皆取前脚第二骨】兴以胙肉共置一俎上授司徒司徒奉俎西向进皇帝受以授左右皇帝跪取爵遂饮卒爵侍中进受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛西向立乐止谒者引司徒降复位太祝各进彻豆还樽所【彻者筭豆各一少移於故处】奉礼曰赐胙赞者唱衆官再拜衆官在位者皆再拜豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝就望燎位南向立乐止羣官将拜诸太祝各以筐进神坐前取玉币祝版斋郎以俎载牲体黍稷饭各由其陛降坛南行经柴坛西过坛东行自南陛登紫坛以玉币饌物等置於柴上户内奉礼曰可燎东西面各六人以炬燎火半柴太常卿前奏礼毕太常卿引皇帝还次乐作皇帝出内壝门殿中监前受镇珪华盖侍卫如常仪皇帝入次乐止谒者赞引各引告官通事舍人引从告羣官诸方客使以次出赞引引御史太祝以下俱复执事位立定奉礼曰再拜御史以下皆再拜赞引引工人以次出

銮驾还行宫

皇帝既还大次侍中版奏请解严【将士不得辄离部伍】皇帝改服通天冠绛纱袍乘辂奏请还宫如常仪

望秩於山川

柴之明日望秩祀於岳镇海渚山林川泽丘陵坟衍原隰将祭所司预为坛於祭所其神皆以尊卑为序重行南向前三日守宫设祭官以下次於东壝之外道南北向以西为上设陈饌幔於内壝东门之外道北南向前二日太乐令设宫悬之乐於坛南设登歌於坛上如常仪右校扫除坛之内又为瘞埴於坛北之壬地外壝之内方深取足容物前一日诸祭官清斋於祭所诸卫令其属晡後一刻各以其方器服守卫壝门与太乐工人俱清斋一宿奉礼设祭官位於内壝东门之内道北执事位於道南俱西向北上设御史位於坛下一位於东南西向一位於西南东向令史各陪其後设奉礼位於乐悬东北赞者二人在南差退俱西向设协律郎位於坛上南陛之西东向设太乐令位於北悬之间设望瘞位於瘞埴之东西向设祭官以下门外位於外壝东门之外道南每等异位北向西上设酒樽之位岳镇海渚各山樽二山林川泽俱蜃樽二丘陵坟衍原隰俱散樽二各於坛上南陛之东北向西上【其岳坛上加山壘二置於山樽东北向皆加勺冪】设玉筐於樽坫之所设洗於坛南陛东南如常仪执樽壘筐冪

者各立於樽罍篚罍之後郊社令帥齋郎以樽坩罍洗篚罍入設於位祭日未明十五刻太官令帥宰人以鸞刀割牲齋郎以豆取毛血置於饌所遂烹牲未明二刻太史令郊社令各服其服入設神坐各於壇上北方南向席皆以莞設神位各於座首未明一刻祭官以下各服其服郊社令良醢令入實樽罍及玉【山樽實以醢齊蜃樽實以沈齊散樽及山罍皆寔以清酒齊加明水酒加玄酒各寔於上尊祭主之玉以兩珪有邸】太祝以帀置於篚太官令帥進饌者寔筵豆簠簋等奉禮帥贊者先入就位贊引引御史太祝與執樽罍篚罍者入自東門當壇南重行北面西上立定奉禮曰再拜贊者承傳【凡奉禮有詞贊者皆承傳】御史以下皆再拜訖執樽罍篚罍者各就位贊引引御史詣壇東陞上行掃除於上令史祝史行掃除於下訖引就位質明謁者引獻官贊引引執事者俱就東門外位太樂令帥工人次入就位謁者贊引各引獻官以下入就位立定奉禮曰再拜在位者皆再拜謁者進獻官之左白有司謹具請行事退復位協律郎跪俛伏舉麾【凡取物者皆跪俛伏而取以興奠物則奠訖俛伏而後興】鼓祝奏順和之樂以蕤賓之均【自後堂下之樂皆奏姑洗】樂舞三成偃麾戛敔樂止【凡樂皆協律郎舉麾工鼓祝而後作偃麾戛敔而後止】奉禮曰再拜獻官以下皆再拜太祝取玉於篚立於樽所謁者引獻官詣岳壇升自南陞北向太祝以玉帀東面授獻官登歌作肅和之樂以函鍾之均謁者引獻官進北面跪奠於岳神坐俛伏興謁者引退北向再拜訖登歌止謁者引獻官降自南陞還本位初獻官升陞奠玉帀太官令出帥進饌者奉饌陳於東門外於登歌止太官令引饌入俎初入門雍和之樂作饌至陞樂止饌升南陞太祝迎引於壇上設於岳神坐前【筵豆蓋罍徹之如式】設訖太官令以下降自東陞以出太祝還樽所其鎮海以下之饌皆祝史迎於壇上設於神坐前相次而畢訖謁者引獻官詣罍洗盥手洗爵謁者引升自南陞詣酒樽所執樽者舉罍獻官酌醴齊訖樂作謁者引詣岳神坐前北面跪奠爵興謁者引獻官少退北面立樂止初獻官進奠爵太祝各以爵酌酒助奠鎮海以下還樽所太祝持版進於神坐之右東面跪讀祝文【祝文臨時撰】訖興獻官再拜初讀祝文訖樂作太祝進奠版於神坐還樽所獻官拜訖樂止太祝酌罍福酒進獻官之右西向立獻官再拜受爵跪祭酒啐酒奠爵興太祝帥齋郎進俎太祝減神前三牲胙肉【皆取前脚第二骨】加於俎西向授獻官受以授齋郎獻官跪取爵遂飲卒爵太祝受爵復於坩獻官興再拜謁者引獻官降復位諸祝各進徹豆如常訖還樽所奉禮曰賜胙贊者唱再拜在位者皆再拜【獻官不拜】順和之樂作奉禮又曰再拜獻官以下皆再拜樂作一成止謁者進獻官之左白請就望瘞位贊者引獻官就望瘞位西向立於衆官將拜諸太祝各執篚進神坐跪取玉帀齋郎以俎載毛血等各由其陞降壇詣瘞坎以物置於坎訖奉禮曰可瘞塹東西各四人實土半坎謁者進獻官之左白禮畢遂引出贊引引執事者以次出又贊引引御史太祝以下俱復執事位奉禮曰再拜御史以下皆再拜訖出贊引引工人以次出其祝版燔於齋所

肆覲東后

望秩之明日肆覲東后於告至之前刺史縣令皆先奉見如常將作預於行宮之南為壇宮方三百步面一門為壇於壇內三分壇二在南壇方九尺六丈高九尺出陞四【南面兩陞余三面各一陞】前二日太樂令設宮懸之樂於壇南如殿庭之儀前一日尚舍鋪御坐於壇上近北南向又設解劍席於南陞之西守宮於門外量設百官次文東武西以北为上東方刺史縣令次於文官之南蕃客次於武官之南所司陳輦輅於壇南如常典儀設羣官版位文官一

品以下九品以上位於坛东南每等异位重行西向以北为上武官一品以下九品以上位於坛西南当文官每等异位重行东面以北为上东方刺史县令於坛南三分庭一在南每等异位重行北面以西为上若有蕃客则位於刺史之西每国异位重行北面以东为上设典仪位於南陛之东赞者二人在南差退俱西面北上奉礼设门外位文官一品以下九品以上位於门东每等异位重行西面武官一品以下九品以上位於门西每等异位重行东面俱以北为上设东方刺史县令位於文官之南每等异位重行西面以北为上蕃客位於武官之南每等异位重行东面以北为上其日未明三刻诸卫各以其方器服量设牙旗於壇外四面未明一刻诸卫各勒所部列黄麾大仗及鉞戟陈於壇内如殿庭之仪羣官及刺史以下各集就次服其朝服蕃客集次各服其国服侍中版奏请中严近伏陈於行宫门外侍卫之官各服其器服符宝郎奉宝俱詣行宫门外奉迎典仪帅赞者先入就位吏部兵部主客部赞羣官客使俱出次通事舍人各引就门外位刺史县令俱执贄通事舍人引就门外位【贄各以其土所有锦绮繒布葛越之属俱五两为一束而执之仍饰以黄帔】其余常土贡之物并盛以筐其属执之列於县令位後通事舍人引文官武官一品以下九品以上先入就位侍中版奏外办皇帝将出仗动太乐令令撞黄钟之钟右五钟皆应协律郎举麾工鼓祝奏太和之乐【凡乐皆协律郎举麾工鼓祝而後作偃麾戛敌而後止】皇帝服袞冕乘輿以出曲直华盖警蹕侍卫如常仪皇帝入自北壇门由北陛升坛即御坐南向坐符宝郎奉宝置於御坐乐止腰輿退羽仪华盖仍侍於御侧通事舍人引东方刺史入就位鸿臚引蕃客次入就位初刺史入壇门悬下举麾舒和之乐作至位立定乐止典仪曰再拜赞者承传执贄者跪奠贄兴在位者皆再拜讫跪取贄兴【凡拜奠贄皆兴】侍中前承制降詣刺史东北西面立称有制【蕃客则舍人承旨詣前宣勅】刺史以下皆再拜宣制讫又再拜户部引诸州贡物两行各入於刺史位前东西陈之龟为前列金次之丹漆丝纁四海九州之美物重行陈於後讫陈物者各退立於东西厢文武前侧立通事舍人引刺史为首者一人执贄詣解剑席跪解剑脱舄执贄兴舍人接引升坛詣御坐前北面跪奏称具官臣姓名等敢献壤奠遂奠贄俛伏兴又舍人跪举以东授所司舍人引刺史降詣解劍席跪佩剑纳舄兴通事舍人引复北面位初为首者奠贄通事舍人引在庭者以次奠贄於位前讫俛伏兴引退复位讫刺史以下俱再拜户部尚书进詣陛间北面跪奏称户部尚书臣某言诸州贡物请付所司俛伏兴侍郎前承诏退称制曰可尚书退复位所司受贄其执贡物人各进执物所司引退俱出东门初刺史将朝中书侍郎以诸州镇表文别於一案俟於西门外给事中以祥瑞案俟於东门外俱令史绛公服对举案侍郎给事中俱就侍臣班初刺史将入门中书侍郎降引表案入詣西阶下东面立给事中降引祥瑞案入詣东阶下西面立刺史将升奠中书令黄门侍郎俱降立於阶下刺史执贄升阶中书令黄门侍郎各取所奏之文以次升初度支尚书奏退复位讫中书令前跪奏诸方表讫黄门侍郎又前跪奏祥瑞各还侍位侍郎与给事中引案退典仪曰再拜赞者承传文武羣官刺史以下诸州客使俱再拜讫通事舍人以次引北面位者出就门外位侍中前跪奏称侍中臣某言礼毕俛伏兴还侍位皇帝兴太乐令令撞?宾之钟左右钟皆应太和之乐作皇帝乘輿降自北陛警蹕侍卫如来仪入行宫乐止通事舍人引东西面位者以次出设会如正会之仪

考制度

朝覲之明日左右丞相以考制度事奏闻命太常卿采诗陈之以观百姓之风俗命市纳贾

以观百姓之好恶命典礼者考时月定日同律礼乐制度衣服正之山川神只有不举者为不敬宗庙有不顺者为不孝不孝不敬者则长官黜以爵革制度衣服者为叛叛者长官有讨有功德於百姓者加爵赏五月南巡狩至於南岳如东巡狩之礼八月西巡狩至於西岳如南巡狩之礼十有一月北巡狩至於北岳如西巡狩之礼归格於祖祢用特如别礼若登封告禅如别仪

大唐开元礼卷六十二

卷六十三

<史部,政书类,仪制之属,大唐开元礼>

钦定四库全书

大唐开元礼卷六十三 唐 萧嵩等 撰吉礼

皇帝封祀於泰山

銮驾进发 斋戒

制度 陈设

省牲器 銮驾上山

荐玉帛 进熟

封玉册 燔燎

銮驾还宫

銮驾进发

皇帝将有事於泰山有司卜日如别仪告昊天上帝太庙太社皆如巡狩之礼【告太庙高祖祝文加封祀配神作主之意告睿宗祝文加禪祭配神作主之意】皇帝出宫备大驾卤簿輶於国门祭所过山川古先帝名臣烈士皆如巡狩之礼通事舍人承制门百年所经州县刺史县令先待於境至泰山下柴告昊天上帝於圜丘坛如巡狩告至之礼【有司摄事】前祀所司以太牢祭於泰山神如常式

斋戒

前祀七日平明太尉誓百官於尚书省曰某月某日皇帝有事於泰山各扬其职不供其事国有常刑皇帝散斋於行宫後殿四日致斋於前殿三日前致斋一日尚舍奉御设御幄於前後西序及室内俱东向尚舍直长张帐於前楹下致斋之日质明诸卫勒所部屯门列仗昼漏上水一刻侍中版奏请中严诸卫之属各督其队入陈於殿庭如常仪通事舍人分引五品以上陪如式【文官朝服武官袴褶】诸侍卫之官各服其器服诸侍臣并结佩俱诣阁奉迎上水二刻侍中版奏外办皇帝服袞冕结佩出自西房曲直华盖警蹕侍卫如常仪皇帝即御坐东向坐侍臣夹侍如式一刻顷侍中前跪奏称侍中臣某言请降就斋室俛伏兴还侍位侍臣

等各退出皇帝降坐入室文武侍臣各还省直卫者如常凡预祭之官散斋四日致斋三日【散斋皆於正寝致斋二日於本司一日於祀所其无本司者皆於祀所】近侍之官应从升者及从祀羣官诸方客使各於本司及公馆清斋一宿散斋理事如旧唯不吊丧问疾不作乐不判署刑杀文书不行刑罚不预秽恶致斋唯祀事得行其余悉断其祀官已斋而阙者通摄行事凡祀官致斋之日给酒食给明衣各习礼於斋所光禄卿监取明水火【太官令取水於陰鑒取火於阳燧火以供爨水以实尊】前祀一日诸卫令其属未後一刻各以其方器服守卫壝门【每门二人每隅一人】与太乐工人清斋一宿

制度

将作大匠预领徒於泰山上立圆台广五丈高九尺土色各依方色又於圆台上起方坛广一丈二尺高九尺其台坛四面各为一陛玉牒长一尺三寸广五寸厚五分刻牒为字以金填之用金匱盛【其玉牒文中书门下奏取进止其文请内鑄其石检等并如後制】郊社令积柴为燎坛於山上圆台之东南量地之宜柴高一丈二尺方一丈开上南出户方六尺又为圆坛於山下三成十二陛如圜丘之制随地之宜坛上饰以玄四面依方色坛外为三壝郊社令又积柴於坛南燎如山上之仪又为玉册皆以金绳连编玉牒为之每牒长一尺二寸广一寸二分厚三分刻玉填金为字【少府监量文多少为字】又为玉匱一长一尺三寸并检方五寸当纒绳篆刻为五道当封宝篆刻深二分方取容受命宝印以藏正坐玉册制度如玉匱又为黄金?以纒玉匱金匱各五周为金泥以封玉匱金匱又为石?以藏玉匱用方石再累各方五尺厚一尺从凿石中广深令容玉匱?旁施检篆皆刻深三寸三分濶一尺南北各二东西各三去隅皆七寸纒绳篆皆刻深三分濶一寸五分为石检十枚以检石?皆长三尺濶一尺厚七寸皆刻为三道广一寸五分深四寸当封篆大小取容宝印深二寸七分皆有石盖制与封刻篆相应以检櫂封印其检立於?旁当刻篆又为金绳三以纒石?各五周径三分为石泥以封石撼【以石末和方色土为之其封玉匱金匱石撼用受命宝并所司量时预奏请出】为距石一十二枚皆濶二尺厚一尺长一丈斜刻其首令与?隅相应分距撼四隅皆再累为五色土圆封以封石?上径一丈二尺下径三丈九尺

陈设

前祀三日卫尉设文武侍臣次於山下封祀坛外壝东门之内道北阶间文官在左武官在右俱南向设诸祀官次於东壝之外道南北向西上三师南壝之外道东诸王於三帅之南俱西向北上文官从一品以下九品以上於祀官之东皇亲五等以上诸亲三等以上於文官之东东方诸州刺史县令又於文官之东俱北向西上介公鄴公於南壝之外道西东向诸州使人於介公鄴公之西东向诸方之客东方南方於诸王东南西向西方北方於介公鄴公西南东向皆以北为上武官三品以下九品以上於西壝之外道南北向东上设陈饌幔於内壝东门西门之外道北南向北门之外道东西向【坛上及东方之饌陈于东门外南方及西方之饌陈於西门外北方之饌陈於北门外】前祀二日太乐令设宫悬之乐於山下封祀坛之南内壝之外东方西方磬簋起北钟簋次之南方北方磬簋起西钟簋次之设十二鐃钟於编悬之间各依辰位树雷鼓於北悬之内道之左右植建鼓於四隅置祝斂於悬内【祝在左斂在

右】设歌钟歌磬於坛上近南北向磬簋在西钟簋在东其匏竹者立於坛下重行北向相对为首【凡悬皆展而编之】诸工人各位於悬後东方西方以北为上南方北方以西为上右校扫除坛之内外国前祀一日奉礼郎设祀官公卿位於山下封祀坛内壝东门之外道南分献之官於公卿之南执事者位於其後每等异位重行西面北上设御史位於东陛之东南向设奉礼位於乐悬东北赞者二人在南差退俱西向设协律郎位於坛上南陛之西东向设太乐令位於北悬之间当坛北向设从祀之官位三帅位於悬南道东诸王位於三师之东俱北面西上介公鄘公位於道西北面东上文官从一品以下九品以上位於执事之南东方诸州刺之县令又於文官之南每等异位重行西向俱以北为上武官三品以下九品以上位於西方值文官皇亲五等以上诸亲三等以下於武官之南每等异位重行东向诸州使人位於内壝南门之外道西重行东面皆以北为上设诸国客使位於内壝南门之外东方南方於诸王东南每国异位重行北面以西为上西方北方於介公鄘公西南每国异位重行北面以东为上【其褒圣侯位於文官三品以下】设牲牓於山下封祀坛之外当门西向苍牲一居前【正座】又苍牲一【配座】青牲一在北少退南上次赤牲一次黄牲一次白牲一次玄牲一【以上五方帝座】又青牲一【大明】又白牲一【夜明】设廩牺令位於牲西南令史陪其後俱北向设太祝位於牲东各当牲後祝史陪其後俱西向设太常卿省牲位於牲前近北又设御史位於太常卿之西俱南向设昊天上帝酒樽位於圆台坛之上下太樽二着樽二牺樽二山罍二在坛上於东南隅北向象樽二壶樽二山罍四在坛下皆於南陛之东北向西上设配帝着樽二牺樽二象樽二山罍二在坛上皆於昊天酒樽之东北向西上其山下封祀坛设五帝日月俱太尊二在神座之左其内官每陛间各象樽二在第二等中官每陛间各壶樽二在第三等外官每陛间各概樽二於内壝之内衆星每道间各散樽二於内壝之外凡樽各设於神坐之左而右向【五帝日月以上之尊置於坛内官以下之尊俱藉以席皆加勺罍设爵于尊下】设罍洗各於坛南陛东南亚献之洗又於东南俱北向罍水在洗东篚在洗西南肆【篚实以巾爵】设分献罍洗篚罍各於其方陛道之左俱内向执樽罍篚罍者各於樽罍篚罍之後各设玉帛之篚於坛之上下樽坫之所祀日未明五刻太史令郊社令各服其服升设昊天上帝神坐於山上圆台之上北方南向以三脊茅为神藉设高祖神尧皇帝神坐於东方西向席以莞设神坐皆於坐首又太史令郊社令设五方帝日月神坐於山下封祀坛之上青帝於东陛之北赤帝於南陛之东黄帝於南陛之西白帝於西陛之南黑帝於北陛之西大明於东陛之南夜明於西陛之北皆以藁秸设五星十二辰河汉及内官之坐於第二等十有二陛之间各依方面几席皆内向其内官中有北斗北辰位於南陛之内差在行位前设二十八宿及中官之座於第三等亦如之布外官席位於内壝之内衆星席位於内壝之外各依方次席皆以莞设神坐各於坐首所司陈异宝及嘉瑞等於乐悬之北东西厢

省牲器

省牲之日午後十刻去坛二百步所诸卫之属禁断行人晡後二刻郊社令丞帅府史三人及斋郎以樽坫罍洗篚罍入设於位【凡升坛者各由其陛】赞引引御史诸太祝诣坛东陛御史二人升行扫除於上太祝七人与祝史行扫除於下讫引降还斋所奉礼以下还斋所晡後三刻诸太祝与廩牺令以牲就版位赞者引太常卿赞引引御史入诣坛东陛升视涤濯及玉【凡导引者每曲一逡巡於视涤濯执尊者举罍告洁】讫引降就省牲位南向立廩牺令

少前曰请省牲退复位太常卿省牲牺牲令又前北面举手曰臚还本位诸太祝各循牲一匝西面举手曰充俱还本位诸太祝与廩牺令以次牵牲诣厨授太官其五星以下羊豕所司各依令预备如常仪谒者引光禄诣厨省鼎饌申视濯溉谒者赞引各引御史祀官就厨省饌及五齐三酒讫俱还斋所祀日未明十五刻太官令帅宰人以鸾刀割牲祀史以豆取毛血各置於饌所遂烹牲

鸾驾上山

前祀三日本司宣摄内外各供其职卫尉设祀官羣官五品以上便次於行宫朝堂如常仪前祀二日尚舍直长施大次於圆台东门外道北又於山中道设止息大次俱南向尚舍奉御铺御坐卫尉设从驾文武羣官及诸方使应从升者次於圆台南门之外文东武西并如常仪郊社令设御洗圆台南陛之东北向盥水在洗东筐在洗西南肆【设布幕】其日奉礼设御位於圆台南当坛北向设群官五品以上版位於御位之南文东武西重行北向相对为首设东方诸州刺史县令位於文官之东诸州使人位於武官之西设蕃客位东方南方於文官东南每国异位北面西上西方北方於武官西南每国异位北面东上设御史位於圆台东西如祀礼设奉礼赞者位於群官东北西面设执事位於东门之内道南西面皆北上前祀一日未明七刻撻一鼓为一严【三严时节祀前一日节侍中奏裁】未明二刻撻二鼓为再严侍中版奏请中严从祀官五品以上俱就次各服其服所司陈大驾卤簿未明二刻撻三鼓为三严诸卫之属各督其队与鉞戟以次陈於行宫门外谒者赞引各引祀官通事舍人分引从祀羣官诸侍臣结佩俱诣行宫门外奉迎【侍中负宝如式】乘黄令进辇於行宫门外侍中版奏请登山皇帝服袞冕乘辇以出警蹕如常仪黄门侍郎进当驾前跪奏称黄门侍郎臣某言请銮驾进发俛伏兴退复位銮驾动又称警蹕黄门侍郎侍中中书令以下夹引以出千牛将军夹辇而趋驾至侍臣上马所黄门侍郎奏请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从在黄钺内侍臣上马毕黄门侍郎奏称銮驾进发退复位銮驾动称警蹕如常鼓吹不鸣不得喧譁从祀官在玄武队後如常【若须先置则听临时节度】车辂鼓吹待於山下御史大夫刺史县令前导如式至中道止息大次前回辇南向侍中奏请降辇如常皇帝降辇之大次羣官皆随便而舍停大次三刻顷侍中奏请皇帝出次升辇进发如初驾至台东门外大次前回辇南向侍中进当驾前跪奏称侍中臣某言请降辇俛伏兴还侍位皇帝降辇之大次如常仪通事舍人承旨勅从祀羣官退就门外位

奠玉币

祀日未明三刻诸祀官各服其服郊社令帅其属以玉币及玉册置於山上圆台坛上坩所【礼神之玉以苍币以苍币配坐之币亦如之】又以玉匱金匱金绳金泥盛於筐置於石?之侧良醖令帅其属各入实樽?玉币【凡六尊之次太尊为上实以泛齐着尊次之寔以醴齐犧尊次之寔以盎齐象尊次之寔以醞齐壶尊次之寔以沈齐山罍为下寔以清酒配帝着尊为上寔以泛齐犧尊次之寔以醴齐象尊次之寔以盎齐山?为下寔以清酒其玄酒各寔於五齐之上尊礼神之玉昊天上帝以苍璧上帝及配帝之币以苍】太官令帅进饌者寔诸笾豆簋

簠各於饌幔内未明二刻奉礼帅赞者先入就位赞引引御史以下入行扫除如常仪未明一刻谒者赞引各引文官五品以上从祀之官皆就圆台南位谒引司空入行扫除讫出复位侍中版奏外办皇帝服

大裘而冕出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引】入自东门殿中监进大珪尚衣奉御又以镇珪授殿中监殿中监受进皇帝搢大珪执镇珪纁藉华盖仗卫停於门外近侍者从入如常谒者引礼部尚书太常少卿陪从如常【大珪如搢不便请预定近侍承捧】皇帝至版位北向立【每立定太常卿与博士退立於左】谒者赞引各引祀官次入就位立定太常卿前奏称请再拜退复位皇帝再拜奉礼曰再拜衆官在位者皆再拜太常卿前奏有司谨具请行事退复位正座配座太祝取玉币於簠各立於樽所太常卿引皇帝诣坛升自南陛侍中中书令以下及左右侍卫量人从升【以下皆如之】皇帝升坛北向立太祝加玉於币以授侍中侍中奉玉币东向进皇帝搢镇珪受玉币【凡受物皆搢镇珪奠讫执镇珪俛伏兴】登歌作肃和之乐以大吕之均太常卿引皇帝进北面跪奠於昊天上帝神坐俛伏兴太常卿引皇帝少退北向再拜讫太常卿引皇帝立於西方东向又太祝以币授侍中侍中奉币北向进皇帝受币太常卿引皇帝进东面跪奠於高祖神尧皇帝神坐俛伏兴太常卿引皇帝少退东向再拜讫登歌止太常卿引皇帝乐作皇帝降自南陛还版位西向立乐止诸太祝还樽所

山下封祀坛【其日自山下五步立一人直至下坛遥呼万岁以为节候】

祀日未明三刻诸祀官各服其服郊社令帅其属以五帝及日月中外官以下之玉币各置於坫所【五帝之玉以四圭有邸日月以珪璧币各以方色】良醑令帅其属各入实樽罍玉币【五帝俱以太尊皆实以泛齐日月之尊实以醴齐内官之象尊实以醢齐中官之壶尊实以沈齐外官之概尊实以清酒衆星之散尊实以旨酒其玄酒各实於五齐之上尊礼神之玉青帝以青珪赤帝以赤璋黄帝以黄琮白帝以珽虞黑帝以玄璜日月以珪邸天帝日月以下币皆从方色】太官令帅进饌者实笾豆簠簋各设於饌幔内未明二刻奉礼帅赞者先入就位赞引引御史以下入行扫除如常仪未明一刻谒者赞引各引祀官皆就位太乐令帅工人二舞次入文舞入陈於悬内武舞立於悬南道西谒者引司空入行扫除讫出复位於皇帝奠玉币封祀坛谒者赞引各引祀官入就位立定奉礼曰衆官再拜衆官在位者皆再拜【其先拜者不拜】协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏豫和之乐乃以圆钟为宫黄钟为角太簇为徵姑洗为羽【圆钟三奏黄钟太簇姑洗各一奏】舞文舞之舞乐舞六成偃麾戛敌乐止【凡乐皆协律郎举麾工鼓祝而後作偃麾戛敌乐止】奉礼曰衆官再拜衆官在位者皆再拜谒者七人各引献官及诸太祝奉玉币各进奠於神座如常仪将进奠登歌作肃和之乐以大吕之均余星座币亦如之进奠讫各还本位初羣官拜讫夜明以上祝史各奉毛血之豆立於门外登歌止祝史奉毛血入坛上各由其陞升坛下毛血各诣其座诸太祝俱迎受各奠於神座前诸太祝与祝史退立於樽所

进熟

皇帝既升奠玉帛太官令出帅进饌者奉饌各陈於内壝门外谒者引司徒出诣饌所司徒奉昊天上帝之俎初皇帝既至位乐止太官令引饌入俎初入门雍和之乐作以黄钟之均【自後接神之乐皆用雍和】饌至陛乐止祝史俱进跪彻毛血之豆降自东陛以出昊天上帝之饌升自午陛配帝之饌自卯升陛诸太祝迎引各设於神座前【笾豆盖幂彻之如式】设讫谒者引司徒太官令帅进饌者俱降自东陛以出司徒复位诸太祝各还樽所太常卿引皇帝诣罍洗乐作皇帝至罍洗乐止侍中跪取兴沃水又侍中跪取盘盂承水皇帝盥手黄门侍郎跪取巾於筐兴进皇帝脱手讫黄门侍郎受巾跪奠於筐黄门侍郎又取匏爵於筐兴进皇帝受爵侍中酌罍水又侍中奉盘皇帝洗爵黄门侍郎又授巾皆如初皇帝拭爵讫侍中奠盘黄门侍郎受巾奠於筐皆如初太常卿引皇帝乐作皇帝诣坛升自南陛讫乐止谒者引司徒升自东陛立於樽所斋郎奉俎从升立於司徒之後太常卿引皇帝诣昊天上帝酒樽所执樽者举幂侍中赞酌泛齐讫壽和之乐作【皇帝每酌献及饮福皆作壽和之乐】太常卿引皇帝进昊天上帝神坐前北向跪奠爵俛伏兴太常卿引皇帝少退北向立乐止太祝二人持玉册进於神坐之右东面跪又太祝一人跪读玉册文讫俛伏兴【册文中书门下撰进少府监刻文】皇帝再拜初读祝文讫乐作太祝进奠册於神坐还樽所皇帝拜讫乐止太常卿引皇帝诣配帝酒樽所执樽者举幂侍中取爵於坫进皇帝受爵侍中赞酌泛齐讫乐作太常卿引皇帝进高祖神尧皇帝神坐前东向跪奠爵俛伏兴太常卿引皇帝少退东向立乐止太祝二人持玉册进於神坐之在北面跪又太祝一人跪读册文讫俛伏兴皇帝再拜初读册文讫乐作太祝进奠册於神坐还樽所皇帝拜讫乐止太常卿引皇帝进昊天上帝神坐前北向立乐作太祝各以爵酌上樽酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉【皆取前脚第二骨】共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中进受爵以授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止皇帝献将毕谒者引太尉诣罍洗盥手洗匏爵讫谒者引大尉自东陛升坛诣昊天上帝着樽所执樽者举幂太尉酌醴齐谒者引太尉进昊天上帝神坐前北向跪奠爵兴谒者引太尉少退北面再拜谒者引太尉诣高祖神尧皇帝神坐牺樽所取尊於坫执樽者举幂太尉酌醴齐谒者引太尉进高祖神尧皇帝神座前东向跪奠爵兴谒者引太尉少退东向再拜谒者引太尉进昊天上帝神座前北向立太祝以爵酌罍福酒合置一爵一太祝特爵进太尉之右西向立太尉再拜讫受爵跪祭酒遂饮卒爵太祝进受爵复於坫太尉兴再拜谒者引太尉降复位初太尉献将毕谒者引光禄卿诣罍洗盥手洗匏爵升酌盎齐终献如亚献之仪讫谒者引光禄卿降复位初皇帝将升献太官令引饌入其山下封祀坛五帝日月以下之饌亦相次而入俎初入门雍和之乐作以黄钟之均饌至陛乐止祝史俱进跪彻毛血之豆降自东陛以出木帝之饌升自寅陛火帝之饌升自巳陛土帝之饌升自未陛金帝之饌升自酉陛水帝之饌升自子陛太明之饌升自辰陛夜明之饌升自戌陛其内官中官衆星之饌所由师长皆先陈布设讫谒者引司徒太官令帅进饌者俱降自东陛以出司徒复位诸太祝各还樽所於山上太尉之亚献也封祀坛谒者七人分引五方帝及大明夜明等献官诣罍洗盥手洗匏爵讫各由其陛升诣第一等俱酌泛齐讫各跪奠於神座前兴各引降还本位初第一等献官将献谒者五人次引献官各诣罍洗盥洗讫各由其陛升诣第二等内官酒樽所俱酌醴齐各进跪奠爵於内官首座兴余坐皆祝史斋郎助奠相次而毕谒者各引献官还本位初第二等献官将献谒者四人次引献官俱诣罍洗盥洗各由其陛升坛

詣第三等中官酒樽所俱酌盞齊以獻贊引四人次引獻官詣盥洗盥洗訖詣外官酒樽所俱酌醴齊以獻贊引四人次引獻官詣盥洗詣衆星酒樽所俱酌沈齊以獻其祝史齋郎酌酒助奠皆如內官之儀訖謁者贊引各引獻官還本位武舞六成樂止舞獻俱畢上下諸祝各進跪徹豆興還樽所【徹者筮豆各一少移於故處】奉禮曰賜胙贊者唱衆官再拜衆官在位者皆再拜樂作一成止

燔燎

終獻將畢侍中前跪奏曰請就望燎位太常卿引皇帝就望燎位太祝奉玉帛等就柴壇置於柴上戶內訖奉禮曰可燎東西面各六人以炬燎火半柴侍中跪奏禮畢太常卿引皇帝出贊引引祀官以下皆出其山下封祀壇獻官獻畢奉禮曰請就望燎位諸獻官俱就望燎位諸太祝各取玉帛等就柴壇自南陞升於柴上戶內訖奉禮曰可燎東西面各六人以炬燎火半柴訖奉禮曰禮畢獻官以下皆出

封玉冊

燔燎畢侍中前跪奏稱具官臣某言請封玉冊太常卿引皇帝自南陞升壇北向立【近侍者從升如式少府監具金繩金泥等并所用物立於御側符寶郎奉受命寶立於侍中之側】謁者引太尉進昊天上帝神坐前跪取玉冊置於案進皇帝受玉冊跪疊之納於玉匱中纏以金繩封以金泥侍中取受命寶跪以進皇帝取寶以印玉匱訖興侍中受寶以授符寶郎通事舍人引太尉進皇帝跪捧玉匱授太尉太尉跪受皇帝興太尉退復位側身奉玉匱太常卿前奏請再拜皇帝再拜訖入次如常儀太尉奉玉匱之案於石南北向立執事者發石蓋太尉奉玉匱跪藏於石內執事者覆石蓋檢以石檢纏以金繩封以石泥訖太尉以玉寶遍印訖引降復位將作帥執事者以石距封固又以五色土圓封後續令畢功其配座玉牒封於金匱皆如封玉匱之儀訖太尉奉金匱從降俱復位【封禪還以金匱內太廟藏於高祖神堯皇帝之右室如別儀】太常卿前奏禮畢【若有祥瑞則太史監跪奏訖侍臣奉賀再拜三稱萬內外皆稱萬歲訖又再拜】太常卿引皇帝還大次樂作皇帝還大次出東門殿中監前受鎮圭以授尚衣奉御殿中監又受大圭華蓋侍衛如常皇帝入次樂止謁者贊引各引祀官通事舍人分引從祀羣官以次出復位立定奉禮曰再拜衆官在位者皆再拜訖贊引引出工人二舞以次出

銮駕還宮

皇帝既還大次侍中版奏請解嚴【將士不得輒離部位】轉仗衛於還途如來儀二刻頃侍中版奏請中嚴皇帝冠通天冠綵紗袍諸祀官服朝服三刻頃謁者贊引各引祀官通事舍人分引從祀羣官侍臣詣大次奉迎乘黃令進輦於大次門外南向領左右千牛將軍立於輦右侍中版奏外辦皇帝出次升輦降山千牛將軍夾輦而趨警蹕導從如常皇帝下至圓台所權停乘黃令進玉輅太仆升執轡侍中進當駕前跪奏稱侍中臣某言請降輦升輅俛伏興還侍位皇帝降輦升輅太仆立授綬文武侍臣皆上马皇帝勅車右升領左右將軍升輅陪乘侍

臣上马毕黄门侍郎跪奏请銮驾进发退复位銮驾动侍卫警蹕如常驾至行宫门外迴辂南向领左右将军降立於辂右侍臣下马讫侍中进当銮驾前跪奏称侍中臣某言请降辂俛伏兴还侍位皇帝降辂入侍臣从至阁通事舍人承旨勅羣官并还皇帝既入侍中版奏请解严叩钲将士各还其所

大唐开元礼卷六十三

卷六十四

钦定四库全书

大唐开元礼卷六十四 唐 萧嵩等 撰吉礼

皇帝禪於社首山 斋戒

制度 陈设

省牲器 銮驾出宫

荐玉帛 进熟

封检 銮驾还宫

朝覲羣臣 考制度

斋戒

前祭七日太尉誓百官於行从尚书省曰某月某日皇帝禪於社首山各扬其职不供其事邦有常刑皇帝散斋四日致斋三日诸应斋者皆如封太山之仪光禄卿监取明水火【太官令取水於陰监取火於阳燧火以供爨水以寔尊也】

制度

将祭将作预於社首山禪所为禪祭坛如方丘之制八角三成每等高四尺上濶十六步设八陛上等陛广八尺中等陛广一丈下等陛广一丈二尺为三重壝量地之宜四面开门玉册石?玉匱金匱金泥检距圆封立碑等并如封祀之仪

陈设

前祭三日尚舍直长施大次於外壝东门之内道北尚舍奉御铺御座守宫设文武侍臣次於大次前各分左右相向设诸祭官次於东壝之外道南从祭文官九品以上於祭官之东皇亲诸亲又於其东东方南方蕃客又於其东重行每等异位北面西上介公鄴公於西壝之西道南武官九品以上於介公鄴公之西西方北方蕃客又於其西俱重行每等异位北向东上【其褒圣侯於文官三品以下若有诸州使人分方各於文武官之後】设陈饌幔於内壝东西门之外道北南向【坛上及东方之饌陈於东门外南方西方北方之饌陈於西门外】前祭二日太乐令设宫悬之乐於坛南内壝之外东方西方磬簠起北钟簠次之南方北方磬簠

起西钟簋次之设十二罇钟於编悬之间各依辰位树灵鼓於北悬之内道之左右植建鼓於四隅置祝馐於悬内【祝在左馐在右】设歌钟歌磬於坛上近南北向磬簋在西钟簋在东其匏竹者立於坛下重行北向相对为首【凡悬皆展而编之】诸工人各位於悬後东方西方以北为上南方北方以西为上右校扫除坛之内又为瘞瘞於坛之壬地外壝之内方深取足容物南出陛前祭一日奉礼设御座於坛之东南南向设祭官公卿位於内壝东门之外道南分献之官於公卿之南执事者位於其後每等异位俱重行西面北上设御史位於坛下一位於东南南向一位於西南东向令史各陪其後设奉礼位於乐悬东北赞者二人在南差退俱南向设协律郎位於坛上南陛之西东向设太乐令位於北悬之间北向又设望瘞位於坛之东北南向设从祀之官位文官九品以上於执事之南皇亲诸亲又於其南东方诸州刺史县令又於其南俱每等异位重行西面北上鄘公介公位於内壝西门之外道南武官九品以上於鄘公介公之後当文官西方北方蕃客於武官之南每等异位重行东面北上【其褒圣侯於文官三品以下若有诸州使人分方各於文武官之後】设祭官从祭羣官门外位於东西壝门之外道南皆如设次之式设牲腍於东壝之外当门西向南上黄牲一居前【正坐】又黄牲一在北少退【配坐】黝牲一在南少退【神州】设廩牺令位於牲之西南祝史陪其後俱北向设诸太祝位於牲东各当牲後祝史陪其後俱南向设太常卿省牲位於牲前近北又设御史位於太常卿之西俱南向设酒樽之位皇地只太樽二着樽二牺樽二山罍二在坛上东南隅北向象樽二壶樽二山罍四在坛下南陛之东北隅俱南向设配帝着樽二牺樽二象樽二山罍二在坛上皇地只酒樽之东北向西上神州太樽二在第一等每方岳镇海渚俱山樽二山林川泽各蜃樽二丘陵以下各散樽二皆於坛下凡樽各设於神坐之左而右向【尊皆加勺罍配帝以上有坫置爵】设御洗於坛南陛东南亚献之洗於东陛之南俱北向罍水在洗东篚在洗西南肆【篚实以巾爵】设分献罍洗篚罍各於其方陛道之左俱内向执樽罍篚罍者各於樽罍篚罍之後设玉帛之篚於坛上樽坫之所祭日未明五刻太史令郊社令各服其服升设皇地只神坐於坛上北方南向席以藁秸设睿宗大圣真皇帝坐於东方西面席以莞设神州地只坐於第一等东南方席以藁秸又设岳镇以下之坐於内壝之内各於其方嵩岳以下之坐於坛之西南俱内向席皆以莞设神位各於坐首

省牲器

省牲之日午後十刻去坛二百步所诸卫之属禁断行人晡後二刻郊社令帅府史二人斋郎以樽坫罍洗篚罍入设於位【升坛者自东陛】晡後三刻诸太祝与廩牺令以牲就腍位谒者引太常卿赞引引御史入诣坛东陛升视涤濯【凡导引者每曲一逡巡於视涤濯执樽者皆举罍告洁】引降就省牲位南向立廩牺令少前白请省牲退复位太常卿省牲廩牺令又前北面举手曰牖还本位诸太祝各循牲一匝南向举手曰充俱还本位诸太祝与廩牺令以次牵牲诣厨授太官岳镇以下羊豕依令预备如常仪谒者引光禄卿诣厨省鼎饌申视濯溉赞引引御史诣厨省饌具【太常卿以下每事讫各还斋所】祭日未明十五刻太官令帅宰人以鸾刀割牲斋郎以豆取黄牲之毛血祝史以豆取毛血各置於饌所遂烹牲

銮驾出行宫如封太山之仪

荐玉帛

祭日未明三刻诸祭官及从祭之官各服其服郊社令良醞令各帅其属入寔樽罍及玉帛

【凡六尊之次大尊为上实以泛齐着尊次之实以醞齐牺尊次之实以盎齐象尊次之实以醴齐壶尊次之寔以沈齐山罍为下寔以清酒配帝着尊为上实以泛齐牺尊次之寔以盎齐山罍为下实以清酒神州太尊寔以泛齐岳镇海渚之山尊寔以醞齐山川林泽之蜃尊寔以沈齐丘陵以下之散尊寔以醴齐齐皆加明水玄酒各寔於上尊礼神之玉皇地只以黄琮帀以黄配帝之帀如之神州之玉以两珪有邸帀以玄五岳四渎海镇之帀各从方色并各长一丈八尺与册等各设奠於尊坫之所】太官令帅进饌者寔诸笾豆簋簠等皆设於饌幔内未明二刻奉礼帅赞者先入就位赞引引御史诸太祝及令史祝史与执樽罍篚冪者入自东门当坛南重行北面西上立定奉礼曰再拜赞者承传【凡奉礼有词赞者皆承传】御史以下皆再拜讫执樽罍篚冪者各就位赞引引御史诸太祝诣坛东陞升行扫除於上令史祝史行扫除於下讫各引就位驾将至谒者赞引各引祭官通事舍人分引从祭羣官诸方客使俱就门外位驾至大次门外回辂南向千牛将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂乘舆之大次繖扇华盖侍卫如常仪郊社令以祝版进御署讫近臣奉出郊社令受各奠於坫谒者引文武五品以上从祭之官皆就壝外位太乐令帅工人二舞次入就位文舞入陈於悬内武舞立於悬南道西【其升坛者脱履於下降纳如常】谒者引司空入就位立定奉礼曰再拜司空再拜讫谒者引司空诣坛东陞行扫除於上降行乐悬於下讫谒者赞引各引祭官及从祭羣官客使等次入就位皇帝停大次半刻顷太常博士引太常卿立於大次门外当门北向侍中版奏外办皇帝出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引】至中壝门外殿中监进大珪尚衣奉御又以镇珪授殿中监殿中监受进皇帝搢大珪执镇珪华盖仗卫停於门外近侍者从入如常皇帝至版位西向立【每立定太常卿与博士退立於左】太常卿前奏请再拜退复位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏顺和之乐乃以林钟之均文舞作乐舞八成【休钟太簇姑洗南吕各再奏】偃麾戛敔乐止【凡乐皆协律郎举麾工鼓祝而後作偃麾戛敔而後止】太常卿前奏称请再拜退复位皇帝再拜奉礼曰衆官再拜衆官在位者皆再拜太祝取玉於篚立於樽所太常卿引皇帝太和之乐作【皇帝每行皆作太和之乐】皇帝诣坛升自南陞侍中中书令以下及左右侍卫量人从升【以下皆如之】皇帝升坛北向立乐止太祝以玉授侍中侍中奉玉东向进皇帝搢镇珪受玉帀【凡受物皆搢镇珪奠讫执镇珪俛伏而後兴】登歌作肃和之乐以应钟之均太常卿引皇帝进北向跪奠於皇地只神坐俛伏兴太常卿引皇帝少退北向再拜讫太常卿引皇帝立於东方西向又太祝以帀授侍中侍中受帀北向进皇帝受帀太常卿引皇帝东向跪奠於睿宗大圣真皇帝神坐俛伏兴太常卿引皇帝少退东向再拜讫登歌止太常卿引皇帝乐作皇帝自南陞降还版位西向立乐止皇帝将奠配帝之帀诸太祝奉玉帀等各进奠於神坐讫还樽所初羣官拜讫祝史各奉毛血之豆立於门外于登歌止祝史奉毛血入【正坐升自南陞配坐升自东陞神州之坐升自己陞】诸太祝迎取於坛上各进奠於神坐前诸太祝与祝史退立於樽所

进熟

皇帝既升奠玉帛太官令帅进饌者奉饌陈於内墀门外谒者引司徒出诣饌所司徒奉皇地只之俎初皇帝复位乐止太官令各引饌入俎初入门奏雍和之乐以太簇之均【自後接神之乐皆奏太簇】饌至陛乐止祝史各进彻毛血之豆降自西陛【正坐之饌升自南陛配帝之饌升自东陛神州之饌升自己陛其岳镇海渚之坐所由师长各陈布于坐】诸太祝迎饌於坛上各设於神坐前【笾豆盖幂彻之如式】设讌谒者引司徒太官令帅进饌者降自东陛以出司徒复位诸太祝还樽所又进设岳镇以下之饌相次而毕太常卿引皇帝诣盥洗乐作皇帝至盥洗乐止侍中跪取兴沃水又侍中跪取盘兴承水皇帝盥手黄门侍郎跪取巾於筐兴进皇帝脱手黄门侍郎又取匏爵於筐兴进皇帝受爵侍中酌盥水又侍中奉盘皇帝洗爵黄门侍郎又授巾皆如初皇帝拭爵讌侍中奠盘?黄门侍郎受巾奠於筐皆如初太常卿引皇帝诣坛升自东陛乐止谒者引司徒升自东陛立於樽所斋郎奉俎从升立於司徒之後太常卿引皇帝诣皇地只酒樽所执樽者举幂侍中赞酌泛齐讌壽和之乐作【皇帝每酌献及饮福皆作壽和之乐】太常卿引皇帝进皇地只神座前北面跪奠爵俛伏兴太常卿引皇帝少退北向立乐止太祝二人持玉册进於神坐之右东向跪又太祝一人跪读册文讌俛伏兴【册文并中书门下进少府监刻】皇帝再拜初读册文讌太祝进奠册於神坐还樽所皇帝拜讌乐止太常卿引皇帝诣配帝酒樽所执樽者举幂侍中取爵於坫进皇帝受爵侍中赞酌泛齐讌乐作太常卿引皇帝进睿宗大圣真皇帝神坐前东向跪奠爵俛伏兴太常卿引皇帝少退东向立乐止太祝二人持玉册进於神坐之左北向跪又太祝一人跪读祝文讌俛伏兴皇帝再拜初读祝文讌乐作太祝进奠册於神坐还樽所皇帝拜讌乐止太常卿引皇帝进皇地只神坐前北向立乐作太祝各以爵酌上樽福酒合置一爵一太祝持爵授侍中侍中受爵西向进皇帝再拜受爵跪祭酒啐酒奠爵俛伏兴太祝各帅斋郎进俎太祝减神前胙肉【皆取前脚第二骨】加於俎以胙肉共置一俎上太祝持俎以授司徒司徒奉俎西向进皇帝受以授左右谒者引司徒降复位皇帝跪取爵遂饮卒爵侍中受爵授太祝太祝受爵复於坫皇帝俛伏兴再拜乐止太常卿引皇帝乐作皇帝降自南陛还版位西向立乐止文舞出鼓祝作舒和之乐出讌戛敌乐止武舞入鼓祝作舒和之乐立定戛敌乐止初皇帝将复位谒者引太尉诣盥洗盥手洗爵讌谒者引太尉自东陛升坛诣皇地只着樽所执樽者举幂太尉酌醴齐武舞作谒者引太尉进皇地只神坐前北向跪奠爵兴谒者引太尉少退北面再拜讌谒者引太尉诣配帝牺尊所取爵於坫执樽者举幂太尉酌醴齐谒者引太尉进睿宗大圣真皇帝神坐前东向跪奠爵兴谒者引太尉少退东向再拜讌谒者引太尉进皇地只神坐前北向立太祝各以爵酌盥福酒合置一爵一太祝持爵进太尉之右西向立太尉再拜受爵跪祭酒遂饮卒爵太祝进受爵复於坫太尉兴再拜谒者引太尉降复位初太尉献将毕谒者引光禄卿诣盥洗盥手洗匏爵终献如亚献之仪讌谒者引光禄卿降复位武舞止初太尉既升献谒者一人引神州献官诣盥洗盥手洗爵讌升自己陛诣酒樽所执樽者举幂酌泛齐进奠於神州坐前引降还本位谒者五人引献官各诣盥洗讌引献官各诣樽所俱酌醴齐进奠爵於诸方岳镇海渚首坐余坐皆祝史助奠相次而毕引还本位又赞引五人各引献官诣盥洗盥手洗爵讌诣酒樽所酌沈齐献山川林泽如岳镇之仪讌各引献官还本位又赞引五人各引献官诣盥洗盥手洗爵讌诣酒樽所酌清酒献丘陵以下及斋郎助奠如上仪讌各还本位上下诸祝各进彻豆还樽所【彻者笾豆各一少移於故处】奉礼曰赐胙赞者唱衆官再拜衆官在位者皆再拜

【已饮福者不拜】顺和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望瘞位太常卿引皇帝乐作皇帝就望瘞位西向立乐止於羣官将拜上下诸祝各执籩进神坐前取玉帛斋郎以俎载神州以上牲体稷黍饭爵酒各由其陛降坛北行当瘞埽西行诸太祝以玉币饌物祝史以毛血置於埽诸祝又以岳镇以下之牲体皆从瘞奉礼曰可瘞埽东西厢各六人寘土半埽太常卿引皇帝还版位

封玉册

皇帝既就望瘞位侍中前跪奏称具官臣某言请封玉册太常卿引皇帝自南陛升坛北面立【近侍者陪从如式】谒者引太尉进於皇地只神座前跪取玉册置於案进皇帝受玉册跪叠之内於玉匱中纏以金绳封以金泥侍中取受命宝跪以进皇帝取宝以印玉匱讫兴侍中受宝以授符宝郎通事舍人引太尉进皇帝跪奉玉匱授太尉太尉跪受皇帝兴太尉退复位侧身奉玉匱太常卿前奏请再拜皇帝再拜讫入次如常仪太尉奉玉匱之案於石?南北向立执事者发石盖太尉奉玉匱跪藏於石?内执事者覆石盖检以石检纏以金绳封以石泥讫太尉以玉宝遍印讫复位将作帅执事者以石跪封固以五色土圜封如太山之仪太尉又进睿宗大圣真皇帝神坐前跪取玉册内金匱皆如封玉匱之仪讫太尉奉金匱从降俱复位【封禪还太尉以金匱藏於睿宗大圣真皇帝庙如封祀之仪】太常卿前奏礼毕【若有祥瑞太史监跪奏侍臣奉贺皆如封祀坛之仪】太常卿引皇帝还大次乐作皇帝出中壝门殿中监前跪受镇珪以授尚衣奉御殿中监又前受大珪华盖侍卫如常仪皇帝入次乐止谒者赞引各引祭官通事舍人分引从祭羣官诸方客使以次出赞引引御史太祝以下俱复执事位立定奉礼曰再拜御史以下皆再拜赞引引出工人二舞以次出祭讫以奇禽异兽合瑞典者皆纵之于神祀所其祀版燔於斋所

銮驾还行宫如封太山之仪

皇帝朝覲羣官

禪之明日朝羣官及岳牧以下於朝覲坛皆如巡狩朝覲之仪皇帝服袞冕乘輿以出曲直华盖警蹕侍卫入自北壝门由北陛升坛即御座符宝郎奉宝置於御座扇开乐止通事舍人引三品以上及岳牧以下入就位如常仪通事舍人引上公一人舒和之乐作公至西陛就解劔席乐止脱舄跪解剑置於席兴相礼者与通事舍人引进当御坐前北向跪贺称具官臣名等言天封肇建景福惟新伏惟开元神武皇帝陛下万壽无疆俛伏兴通事舍人引上公降坛诣解劔席纳舄乐作通事舍人引复位立定乐止典仪曰再拜赞者承传上公以下皆再拜侍中前承制降诣上公之东北向称有制上公及羣官皆再拜宣云封禪之庆与公等同之公及羣官又再拜舞蹈三称万岁又再拜引退

考制度并如巡狩之仪

大唐开元礼卷六十四

卷六十五

钦定四库全书

大唐开元礼卷六十五 唐 萧嵩等 撰吉礼

时旱祈於太庙 时旱祈於太社

时旱祈於太庙

将祈有司卜日如别仪前二日守宫设祈官以下次各於常所右校扫除内外为瘞埽於北门之内道西方深取足容物前一日诸告官清斋於庙所诸卫令其属哺後一刻各以其方器服守卫庙门奉礼设版位於内外并如常仪设望瘞位於堂之东北当瘞埽西向设奉礼位於瘞埽东北南向赞者二人在西少退太庙令拂拭神幄又帅其属以樽坩罍洗篚冪制币篚入设皆如常仪执樽罍篚冪者各位於樽罍篚冪之後太官令预饌酒脯醢告日未明三刻诸告官以下各服其服太庙令良醢令之属入实樽罍及币【每室春夏用两牺尊秋冬用两着尊一实以明水为上一实以醴齐次之山罍二一实以玄酒为上一实以清酒次之币以帛各长一丈八尺】未明二刻奉礼帅赞者先入就位赞引引御史博士太庙令宫闾令太祝以下入当阶北面西上立定奉礼曰再拜赞者承传【凡奉礼有词赞者皆承传】御史以下皆再拜讫升行扫除於上太庙令已下升自东阶入开埽室奉出献祖以下九室神主各置於坐如常仪讫各引就位质明谒者引祈官以下俱就门外位谒者引祈官赞引引执事者次入就位立定奉礼曰再拜祈官以下皆再拜谒者进祈官之左白有司谨具请行事退复位太官令出帅进饌者奉饌陈於东门之外初太官令出诸太祝俱取币於篚各立於樽所谒者引祈官升自东阶诣献祖庙室户前北向立太祝以币东向授祈官祈官受币进北向跪奠於献祖神座俛伏兴出户北向再拜讫谒者引祈官次进币於懿祖以下九室皆如上仪讫谒者引还本位各太祝各还樽所太官令引饌入升自太阶诸太祝各引迎於阶上各设於神座前讫太官令以下降复位诸太祝各还於樽所谒者引祈官诣罍洗盥手洗爵讫升自东阶诣献祖酒樽所执樽者举冪祈官酌醴齐讫谒者引祈官入诣献祖神座前北向跪奠爵俛伏兴出户北向立太祝持版进於户外之右东向跪读祝文【其文为水旱疠疫蝗虫及征伐四夷各临时制之】讫兴祈官再拜太祝进跪奠版於神座俛伏兴还樽所谒者引祈官次诣懿祖太祖代祖高祖太宗高宗中宗睿宗神座酌献读祝皆如献祖之仪【唯不盥洗】讫谒者引祈官诣东序西向立诸太祝各以爵酌罍福酒合置一爵一太祝持爵进祈官之左北向立祈官再拜受爵跪祭酒遂饮卒爵太祝受爵复於坩祈官俛伏兴再拜讫谒者引祈官降复位诸太祝各入室跪彻豆兴还樽所【彻者筭豆各一少移於故处】奉礼曰再拜在位者皆再拜【已饮福者不拜】奉礼曰再拜祈官以下皆再拜讫谒者进祈官之左白请就望瘞位奉礼赞者转就瘞位东北谒者引祈官就望瘞位西向立於祈官将拜诸太祝各持篚进神座前跪取币兴降自太阶诣瘞埽以制币置於埽讫奉礼曰可瘞东西各四人奠土半坎谒者进祈官之左白礼毕奉礼赞者还本位御史太祝以下俱复执事位奉礼曰再拜御史以下俱再拜赞引引出太庙太祝宫闾令纳神主如常仪其祝版燔於斋坊若得所祈报祠用太牢受胙与时享同余与告礼

同祭文临时制

时旱祈於太社

将祈有司卜日如别仪其行事进止与巡狩告社稷礼并同太社祝文曰惟某年岁次月朔日子嗣天子某谨遣具位姓名敢昭告於太社爰以农要久阙时雨惟神哀此苍生敷降灵液谨以玉帛清酌脯醢明荐於太社以后土勾龙氏配神作主尚飨【太稷文同】后土氏祝文曰维某年岁次月朔日子嗣皇帝某谨遣具位姓名敢昭告於后土氏爰以农要久阙时雨惟神哀此苍生敷降灵液谨以清酌脯醢明荐於后土氏尚飨【后稷文同】得雨报祠用太牢瘞币血饮福受胙与正祭同余与告礼同太社祝文曰维某年岁次月朔日子嗣天子某谨遣具位姓名敢昭告於太社往以久阙时雨敢陈诚情惟神昭佑降兹嘉液率土沾洽苍生咸赖谨以玉帛牺齐粢盛庶品明荐於太社以后土勾龙氏配神作主尚飨【太稷祝文同】后土氏祝文曰维某年岁次月朔日子嗣皇帝某谨遣具位姓名敢昭告於后土氏往以久阙时雨敢陈诚情惟神昭佑降兹嘉液率土沾洽苍生咸赖谨以牺齐粢盛庶品明荐於后土氏尚飨【后稷祝文同】

大唐开元礼卷六十五

卷六十六

钦定四库全书

大唐开元礼卷六十六 唐 萧嵩等 撰吉礼

时旱祈岳镇於郊【报祠礼同】

将祈有司筮日如别仪前二日守宫设祈官以下次於东墼之外道南北向以西为上设陈饌幔於内墼东门之外道北南向右校扫除坛之内又为瘞瘳於坛之壬地方深取足容物南出陛前一日诸祈官清斋於祈所诸卫令其属晡後一刻各以其方器服守卫墼门俱清斋一宿奉礼设祈官位於内墼东门之内道北执事位於道南每等异位俱重行西向以北为上设御史位於坛下西南东向令史陪其後设奉礼位於祈官西南赞者二人次之少退俱西向又设祈官门外位於东墼之外道南每等异位重行北向以西为上郊社令以酒樽入设岳镇海渚各山樽二山川各蜃樽二每方皆於神座之左皆右向【俱有坫以置爵】设盥洗篚幂各於其方陛道之左俱内向执樽盥篚幂者各於其樽盥篚幂之後祭日未明二刻太史令郊社令各服其服设岳镇海渚及诸山川神坐各依其方俱内向席皆以莞设神位各於坐首未明一刻诸祈官以下各服其服郊社令与良醢令之属入实樽罍【山罍实以醴齐蜃樽实以沈齐明水各实於上尊】太祝以币置於篚设於饌所【岳镇海渚皆有币各依其方色各长一丈八尺】太史令帅进饌者实笾豆入设於内墼东门之外饌幔内奉礼帅赞者先入就位赞引引御史太祝以下与执樽盥篚幂者入诣南方山川之西南当门重行北面以西为上立定奉礼曰再拜赞者承传【凡奉礼有词赞者皆承传】御史以下皆再拜执樽盥篚幂者各就位赞引引御史以下行扫除如常仪讫出还斋所奉礼以下次还斋所质明谒者引献官以下俱就门外位奉礼帅赞者先入就位赞引引御史以下入就位谒者引献官赞引引执事者次入就位立定奉礼曰再拜献官以下皆再拜谒者进献官之左白有司谨具请行事退复位奉礼曰再拜在位者皆再拜太祝各取币於篚以授献官献官受币诣东岳座诸太祝各奠币於诸岳镇海渚之座谒者引献官再拜讫降还本位於献官初受币太官令帅进饌者奉饌陈於东门之外献官奠币再拜讫太官令引饌入诸太祝迎引於坐首各奠於神座前太官令以下还本位诸太祝各还樽所谒者引献官诣盥洗盥手洗爵诣东岳酒樽所执樽者举幂献官酌醴齐谒者引献官进於东岳神座前东向跪奠爵兴少退东向立初献官进奠祝史以爵酌酒助奠东镇以下还樽所太祝持版进於神座之右西面跪读祝文曰维某年岁次月朔日子嗣天子某谨遣具官姓名敢昭告於东方岳镇海渚久阙时雨黎元惟惧惟神哀救苍生敷降嘉液谨以制币清酌脯醢明荐於东方岳镇海渚尚飨太祝兴献官再拜太祝进跪奠版於神座兴还樽所献官拜讫谒者引献官以次献诸方岳镇海渚如东方之仪【诸方祝文并同】讫谒者引献官还本位初献东岳赞引次引献官诣盥洗盥手洗爵讫诣东方山川酒樽所执樽者举幂献官酌酒讫赞引引献官进诣东方山川首座前跪奠爵兴少退东向立初献官奠酒斋郎酌酒助奠讫还樽所太祝持版进於神座之右南面跪读祝文曰维某年岁次月朔日子嗣天子某谨遣具官姓名敢昭告於东方山川久阙时雨黎元惟惧惟神哀救苍生敷降嘉液谨以清酌脯醢明荐於东方山川尚飨祝兴献官再拜祝跪奠版於神座兴还樽所献官拜

讫赞引引献官以次献诸方山川如东方之仪【诸方祝文皆同】讫赞引引献官还本位诸祝各进跪彻豆兴还尊所【彻者少移於故处】奉礼曰再拜献官以下皆再拜谒者进献官之左白请就望瘞位谒者引献官就望瘞位西向立於在位者将拜诸太祝各进神座前跪取币置於埽奉礼曰可瘞东西厢各二人置土半坎谒者进初献官之左白礼毕遂引献官出赞引引执事者以次出御史太祝以下俱复执事位立定奉礼曰再拜御史以下皆再拜赞引引出祝版燔於斋所报祠用牲币饮福受胙於东方岳镇山川首坐之前【其山川惟饮福不受胙】埋币血与正祭同余与祈礼同其祝文曰维某年岁次月朔日子嗣天子某谨遣具位姓名敢昭告於东方岳镇海渎往以久阙时雨敢陈诚祷惟神昭佑降兹嘉液九土沾洽苍生咸赖谨以制币牺齐粢盛庶品明荐於东方岳镇海渎尚飨【诸方祝文同】山川祝文曰维某年岁次月朔日子嗣天子某谨遣具位姓名敢昭告於东方山川往以久阙时雨式陈诚祷惟神昭佑降兹嘉液九土沾洽苍生咸赖谨以牺齐粢盛庶品明荐於东方山川尚飨【诸方祝文皆同】

大唐开元礼卷六十六

卷六十七

钦定四库全书

大唐开元礼卷六十七 唐 萧嵩等 撰吉礼

时早就祈岳镇海渎 久雨禋国门

时早就祈岳镇海渎

将祈有司筮日如别仪前一日诸祈官皆於祈所清斋一宿所司清扫内外又为埋埽於坛南如常礼设祈官位於坛东南执事者位於祈官东南奉礼於执事西南赞者二人在南差退俱西向北上又设太祝奉币帛位於瘞坎之南北向【海渎即设於奉币位南北向】又设祈官以下位於门外道东重行西面北上设樽罍筐各於常所执樽罍筐者各位於樽罍筐之後其日未明祈官以下各服其服所司帅其属入设神座及樽罍如常仪太祝以币置於筐【币各依方色长一丈八尺】掌饌者实笾豆【笾一实脯豆一寔醢】奉礼帅赞者先入就位赞引太祝及执樽罍筐羣者入当坛南重行北面以西为上立定奉礼曰再拜赞者承传【凡奉礼有词赞者皆承传】太祝以下皆再拜执樽者各就位赞引引太祝升自东阶行扫除於上讫降行扫除於下皆就位质明谒者引祈官赞引引执事者俱就门外位谒者引祈官赞引引执事者俱入就位立定奉礼曰再拜祈官以下皆再拜【其先拜者不拜】谒者进祈官之左白有司谨具请行事退复位奉礼曰再拜在位者皆再拜初白请行事掌饌者帅进饌者奉饌陈於门外祈官拜讫太祝跪取币於筐以授祈官祈官奉币置於神座祈官拜讫降复位掌饌者引饌入升自南阶太祝迎引於坛上进设座前设讫掌饌者以下降复执事位谒者引祈官诣罍洗盥手洗爵升自南阶诣酒樽所执樽者举羣祈官酌酒谒者引祈官进北面跪奠於神座前俛伏兴少退北向立太祝持版进於神座之右东面跪读祝文曰维某年岁次月朔日子嗣天子某谨遣具官姓名敢昭告於某岳【镇海渎】久阙时雨黎元惟惧惟神哀救苍生敷降嘉液谨以制币清酌醢醢明荐於神尚飨祝兴祈官再拜太祝进跪奠版於神座兴还樽所祈官再拜谒者引祈官降复位太祝进跪彻豆还樽所【彻者笾豆各一少移於故处】奉礼曰再拜在位者皆再拜谒者进祈官之左白请就望瘞位谒者引祈官就望瘞位西向立於在位者将拜太祝进神座前跪取币置於埽东西面各二人寘土半埽【海渎则以币沉之】奉礼曰再拜祈官以下皆再拜谒者进祈官之左白礼毕遂引祈官出赞引引执事者以次出太祝以下俱复执事位立定奉礼曰再拜太祝以下皆再拜以出奉礼赞者以次出其祝版燔於斋所得雨报祠用牲其沈瘞币血及饮福受胙皆与正祭同余与祈礼同祝文曰维某年岁次月朔日子嗣天子某谨遣具官姓名敢昭告於某岳【镇海渎各随称】往以久阙时雨敢陈诚祷惟神昭佑降兹嘉液九土沾洽苍生咸赖谨以制币牺齐粢盛庶品明荐於神尚飨

久雨禋国门

将祭有司筮日如别仪前一日诸祭官清斋於祭所右校扫除祭所太官丞预饌酒醢脯【

尊以瓢尊】其日质明郊社令帅其属设神座皆内向设酒樽各於神座之左设盥洗及篚於酒樽之左俱内向【篚实以巾爵】执樽盥洗篚者各位於樽盥洗篚之後奉礼设献官之位於盥洗之左右向执事者位於其後皆近神为上郊社丞与良醞令属实樽盥献官以下俱就位立定谒者赞引献官以下皆再拜祝与执樽盥洗篚者各就位立定太官丞出诣饌所谒者进献官之左白有司谨具请行事退复位太官丞引饌入太祝迎引设於神座前设讫太官丞以下还本位祝还樽所谒者引献官诣盥洗盥手洗爵诣樽所执樽者举冪献官酌酒进神座前跪奠爵俛伏兴少退向座立太祝持版进於神座之右东面跪读祝文曰维某年岁次月朔日子嗣天子遣某官姓名昭告於国门霖雨淹久害於百谷惟灵降福应时开霁谨以清酌嘉荐明告於神尚飨祝兴献官再拜太祝进跪奠版於神座俛伏兴还樽所献官拜讫谒者引还本位祝进跪彻豆俛伏兴还樽所【彻者少移於故处】祝与执樽盥篚者俱复执事位谒者赞拜献官以下皆再拜谒者进献官之左白礼毕遂引献官以下出每祭皆如之其祝版燔於斋所若雨止报祠以少牢饮福余与祈同祝文曰维某年岁次月朔日子嗣天子遣某官姓名昭告於国门前以霖雨式陈诚祷惟神降祉应时开霁谨以清酌少牢粢盛庶品明荐於神尚飨

大唐开元礼卷六十七

卷六十八

钦定四库全书

大唐开元礼卷六十八 唐 萧嵩等 撰吉礼

诸州祭社稷

前三日刺史散斋於别寝二日致斋於厅事一日亚献以下与祭之官散斋二日各於正寝致斋一日於坛所【上佐为亚献録事参军及判司通为终献若刺史及上佐有事故并以次差摄】散斋理事如旧唯不吊丧问疾不作乐不判署刑杀文书不行刑罚不预秽恶致斋惟祭事得行其余悉断诸从祭之官各清斋於公馆一日【从祭官刺史未出之前赴祠所】前二日本司豫修除坛之内【其坛方二丈五尺高三尺四陛三等】为瘞瘞二於坛西门之外道北南向设刺史次於社坛西门之外道北南向设祭官以下次於刺史次西北俱南向以东为上前一日晡後本司帅其属守社坛四门去墼九十步所禁止行人本司设刺史位於北门之内道西南向【若刺史有故摄祭初献位於亚献之前东向】设亚献终献位於稷坛西北设掌事者位於西门之内道北俱每等异位东向南上设赞唱者位於终献东北南向西上设州官位於祭官掌事之北东面府官位於东方当州官西面俱重行南上设望瘞位於坛北南向东上设门外位祭官以下於西门之外道南州官於祭官之南俱重行北面以东为上府官於东门之外道南重行北面以西为上祭器之数每座樽二筵八豆八簋二簠二俎三【羊豕脾腊各一俎】掌事者以樽坫升自西阶各设於坛上西北隅配座之樽在西俱南向东上皆加勺羃社稷皆爵一配座皆爵四置於坫设洗於社坛北陛之西去坛三步所南向盥水在洗西加勺羃篚在洗东北肆实爵六巾二於篚加羃执樽盥洗篚者各於樽盥洗篚之後祭日未明烹牲於厨【祝以豆二取牲血】夙兴掌饌者实祭器【牲体羊豕皆载右胖前脚三节肩膊膂节一段皆载之後脚三节一段去下一节载上肫脰二节又取正脊脰脊横脊短肋正肋代肋共各二骨以并余皆不设簋实黍稷簋实稻粱边实石盐乾鱼枣栗榛菱芡鹿脯豆实藿菹醢醢菁菹鹿醢芹菹兔醢笋菹鱼醢若土无者以其类充之】本司帅掌事者以席入自西门诣坛西阶升设社稷神座各於坛上近南北向又设后土氏神座於社神之左后稷氏神座於稷神之左俱东向席皆以莞质明诸祭官及从祭之官各服其服【祭官服祭服从祭之官应公服者公服非公服者常服】本司帅掌事者入实樽盥【每坐二尊一实玄酒为上一实醴齐次之】祝版各置於坫祝以币各置於篚与血豆俱设於饌所【社稷之币皆用黑各长一丈八尺】赞唱者先入就位诸祝与执樽盥篚者入自西门当社坛北重行南向以东为上立定赞唱者曰 拜祝以下皆 拜执樽者各升自西阶立於樽所执盥篚者各就位祝诣社坛升自西阶行埽除讫降诣稷坛升行埽除如社坛之仪行埽除於下讫皆就位刺史将至赞礼者引祭官及从祭之官与掌事者俱就门外位刺史至参军事引之次赞唱者先入就位刺史停於次少顷服祭服出次参军事引刺史入自西门就位南向立参军事立於刺史之东少退南向赞礼者引祭官以下及从祭之官以次入就位【凡导引者每曲一逡巡】立定赞唱者曰 拜刺史以下皆 拜参军事少退刺史之左西面白请行事退复位本司帅执饌者奉饌陈於西门之外祝以币授刺史参军引刺史自北阶升社坛南向跪奠币于社神座前讫

兴少退 拜祝又以币授刺史参军引刺史升稷坛南向跪奠币於稷神座如社坛之仪讫参军引刺史降复位本司引饌入社稷之饌升自北阶配坐之饌升自西阶诸祝迎引於坛上设於神座前【笾豆盖幂先彻乃升簋簠既奠却其盖於下笾居左豆居右簋簠居其间羊豕二俎横而重於右腊俎特于左】本司与执饌者降自西阶复位诸祝史各还樽所参军事引刺史诣罍洗执罍者酌水执洗者跪取盘兴承水刺史盥手执篚者跪取巾於篚兴进刺史帨手讫执篚者受巾跪奠於篚遂取爵兴进刺史受爵执罍者酌水刺史洗爵执篚者又跪取巾於篚兴进刺史拭爵讫授巾奠於篚奉盘者跪奠盘兴参军引刺史自社坛北阶升诣社神酒樽所执樽者举幂刺史酌醴齐参军引刺史诣社神座前南向跪奠爵兴少退南向立祝持版进於神座之右西向跪读祝文曰维某年岁次月朔日子具位姓名敢昭告於社神惟神德兼博厚道着直方载生品物含养庶类谨因仲春【仲秋】祇率常礼敬以制币牺齐粢盛庶品备兹明荐用申报本以后土勾龙氏配神作主尚飨祝兴刺史 拜祝进跪奠版於神座还樽所刺史拜讫参军事引刺史诣配座酒樽所执樽者举幂刺史酌醴齐讫参军事引刺史诣后土氏神座前西向跪奠爵兴少退西向立祝持版进於神座之左南面跪读祝文曰维某年岁次月朔日子具位姓名敢昭告於后土氏爰以仲春【仲秋】厥日惟戊敬修恒事荐於社神惟神功着水土平易九州昭配之义实通祠典谨以牺齐粢盛庶品式陈明荐作主侑神尚飨讫兴刺史 拜祝进跪奠版於神座兴还樽所刺史拜讫参军事引刺史进当社神座南向立祝史各以爵酌罍福酒合置一爵一祝持爵进於刺史之右东向立刺史 拜受爵跪祭酒啐酒奠爵祝帅执饌者以俎进减社神前胙肉【各取前脚第二骨】共置一俎上兴祝持俎东向进刺史受以授左右刺史跪取爵遂饮卒爵祝进受爵复於坫刺史兴 拜参军事引刺史降自北阶诣罍洗爵自稷坛北阶升诣稷神酒樽所执樽者举幂刺史酌醴齐参军事引刺史诣稷神座前南向跪奠爵少退南向立祝持版进於神座之右西面跪读祝文曰维某年岁次月朔日子具位姓名敢昭告於稷神惟神播生百谷首兹八政用而不匮功济甿黎敬以制币牺齐粢盛庶品祇奉旧章备兹瘞礼以后稷弃配神作主尚飨祝兴刺史 拜祝进跪奠版於神座前兴还樽所刺史拜讫参军事引刺史诣配座酒樽所刺史取爵於坫执樽者举幂刺史酌醴齐参军事引刺史诣后稷氏神座前西向跪奠爵兴少退西向立祝持版进於神座之左南面跪读祝文曰维某年岁次月朔日子具位姓名敢昭告於后稷氏爰以仲春【仲秋】敬修恒礼荐於稷神惟神功叶稼穡闡修农政允兹从祀用率旧章谨以牺齐粢盛庶品式陈明荐作主配神尚飨祝兴刺史 拜祝进跪奠版於神座兴还樽所刺史拜讫参军事引刺史诣稷神座前南向立饮福受胙如社坛之仪讫参军事引刺史降自北阶还本位初刺史献将毕赞礼者引亚献诣罍洗盥手洗爵讫赞礼者引亚献自社坛西阶升诣社神座前南向跪奠爵兴少退南向 拜赞礼者引亚献诣后土氏酒樽所取爵於坫执樽者举幂亚献酌醴齐赞礼者引亚献诣后土氏神座西面跪奠爵兴少退西向 拜赞礼者引亚献进当社神座前南面立祝各以爵酌福酒合置一爵祝持爵进於亚献之右东向立亚献 拜受爵跪祭酒遂饮卒爵祝受爵复於坫亚献兴 拜赞者引亚献降自西阶诣罍洗盥手洗爵诣稷坛升献饮福如社坛之仪讫降复位初亚献将毕赞礼者引终献诣罍洗盥洗升酌终献如亚献之仪讫降复位诸祝各进神座跪彻豆兴还樽所【彻者笾豆各一少移于故处】赞唱曰赐胙再拜非饮福受胙者皆再拜赞唱者又曰再拜刺史以下皆再拜参军事少进刺史之左白请就望瘞位参军事引刺史就望瘞位南向立祝於神前取币及血寘於坫赞唱曰可瘞坫东西面各二人寘土半坎参军事少进刺史之左西面白礼毕遂引刺史还次赞礼者引祭官以下以次出诸祝

及执樽罍筐者降复掌事位赞唱者曰再拜祝以下皆再拜以次出其祝版燔於斋所

大唐开元礼卷六十八

卷六十九

钦定四库全书

大唐开元礼卷六十九 唐 萧嵩等 撰吉礼

诸州释奠於孔宣父 州学生束修

诸州释奠於孔宣父

前享三日刺史散斋於别寝二日致斋於厅事一日亚献以下与享之官散斋二日各於正寝致斋一日於享所【上佐为亚献博士为终献刺史上佐有故并以次差摄博士有故次取参军事以上摄】散斋理事如旧唯不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事助教及诸学生皆清斋於学馆一宿前享二日本司埽除内外又为瘞瘳于院内堂之壬地方深取足容物南出陞本司设刺史以下次于门外随地之宜前享一日晡後本司帅其属守门本司设三献位于东阶东南每等异位俱西向设掌事位于三献东南西向北上设望瘞位于堂之东北当瘞瘳西向设助教位于西阶西当掌事位学生位于助教之後俱东面北上设赞唱者位于瘞瘳东北南向东上设三献门外位于道东每等异位西向掌事位于终献之後北上祭器之数每坐樽二笾豆各八簋二簠二俎三【羊豕及腊各一且】掌事者以樽坫升设于堂上前楹间北向先圣之樽在西先师之樽在东俱西上皆加勺冪先圣爵一配坐爵四各置于坫设币筐于樽所设洗置东楹南北以堂深冪水在洗东加勺冪筐在洗西南肆实爵三巾二于筐加冪执樽冪洗筐者各就位于樽冪洗筐之後享日未明烹牲于厨【祝以豆二取毛血】夙兴掌饌者实祭器【牲体羊豕皆载右胛前脚肩臂臠节一段皆载之後脚三节节一段去下一节载上肫脰二节又取正脊脰脊横脊短肋正肋代肋各二骨以并余皆不设簠实黍稷簋实稻粱笾实石盐乾鱼枣栗榛菱芡鹿脯豆实蠶菹醯醢菁菹鹿醢芹菹兔醢笋菹鱼醢若土无者以其类充之】本司率掌事者设先圣神席于堂上西楹间东向设先师神席于先圣神席东北南向席皆以莞质明诸享官各服祭服助教儒服学生青衿服本司帅掌事者实樽冪及币【各坐尊二一实玄酒为上一实醴齐次之礼神之币用白各长一丈八尺】祝版各置于坫赞唱者先入就位祝二人与执樽冪筐者入立于庭重行北面西上立定赞唱曰 拜祝以下皆 拜执樽冪筐者各就位祝升自东阶行埽除讫降自东阶各就位刺史将至赞礼者引享官以下俱就门外位助教学生并入就门内位刺史至参军事引之次赞唱者先入就位祝升自东阶各立于樽後刺史停于次少顷服祭服出次参军事引刺史入就位西向立参军事退立于左赞礼者引享官以下次入就位【凡导引者每曲一逡巡】立定赞唱者曰 拜刺史以下皆 拜参军事少退刺史之左北面白请行事退复位祝俱跪取币于筐兴各立于樽所【凡取物者皆跪俛伏而取以兴奠物则奠讫俛伏而後兴】本司帅执饌者奉饌陈于门外参军事引刺史升自东阶进先圣神坐前西向立祝以币北面授刺史参军事引刺史进西向跪奠于先圣神坐兴少退西向 拜讫参军事引刺史当先圣神坐前北面立又祝以币西向授刺史参军事引刺史进北向跪奠于先师神坐兴少退北向 拜参军事引刺史降复位本司引饌入升自东

阶祝迎引于阶上各设于神坐前【筵豆盖幂先彻乃升簋簠既奠却其盖于下筵居左豆居右簋簠居其间羊豕二俎横而重于右腊特于左】设讫本司引执饌者降出祝还樽所参军事引刺史诣盥洗执盥者酌水执洗者跪取盘兴承水刺史盥手执籩者跪取巾于籩兴进刺史悦手讫执籩者受巾跪奠于籩遂取爵兴以进刺史受爵执盥者酌水刺史洗爵执籩者又跪取巾于籩兴进刺史拭爵讫执籩者受巾跪奠于籩奉盘者跪奠盘兴参军事引刺史升自东阶诣先圣酒樽所执樽者举幂刺史酌醴齐参军事引刺史诣先圣神坐前西向跪奠爵兴少退西向立祝持版进于神坐之右北向跪读祝文曰维某年岁次月朔日子具位姓名敢昭告于先圣孔宣父惟夫子固天攸纵诞降生知经纬礼乐阐扬文教余烈遗风千载是仰俾兹末学依仁游艺谨以制币牺齐粢盛庶品祇奉旧章式陈明荐以先师顔子配神尚飨祝兴刺史拜祝进跪奠版于神坐兴还樽所刺史拜讫参军事引刺史诣先师酒樽所取爵于坫执樽者举幂刺史酌醴齐参军事引刺史诣先师神坐前北向跪奠爵兴少退北向立祝持版进于神坐之左西向跪读祝文曰维某年岁次月朔日子刺史具官姓名敢昭告于先师顔子爰以仲春【仲秋】率遵故实敬修释奠于先圣孔宣父惟子庶几具体德冠四科服道圣门实臻闾奥谨以制币牺齐粢盛庶品式陈明献从祀配神尚飨祝兴刺史拜祝进跪奠版于神坐兴还樽所刺史拜讫参军事引刺史诣东序西向立祝各以爵酌盥福酒合置一爵一祝持爵进刺史之左北向立刺史再拜受爵跪祭酒啐酒奠爵俛伏兴祝各帅进饌者进俎跪减先圣神前胙肉【各取前脚第二骨】共置一俎上又以筵取黍稷饭共置一筵兴祝先以饭进刺史受以授执饌者又以俎进刺史受以授执饌者刺史跪取爵遂饮卒爵祝进受爵复于坫刺史兴拜参军事引刺史降复位初刺史献将毕赞礼者引亚献诣盥洗盥手洗爵升献饮福皆如刺史之仪【唯不读祝不受胙】讫降复位亚献将毕赞礼者引终献诣盥洗盥洗升献如亚献之仪讫降复位祝各进神坐前跪彻豆兴还樽所【彻者筵豆各一少移于故处】赞唱者曰赐胙再拜非饮福受胙者皆再拜赞唱者又曰再拜刺史以下皆再拜参军事少进北面白请就望瘞位参军事引刺史就望瘞位西向立赞唱者转就瘞埽东北位初在位者将拜祝各以籩进神坐前跪取币降自西阶诣埋埽以币置于埽讫赞唱者曰可瘞埽东西厢各二人奠土半埽【埋讫奠土者以籩出】参军事少进刺史之左北面白礼毕遂引刺史出赞礼者各引享官以下以次出初礼毕赞唱者还本位祝与执樽盥籩者俱复掌事位立定赞唱者曰拜祝以下俱拜以次出其祝版燔于斋所

州学生行束修礼

束帛一筐【三疋】酒一壶【五斗】脯一案【十五脰】

其日平明各生青衿服至学门博士公服若儒服立于学堂东阶上西面赞礼者引学生立于门东西面【不自同于宾客】陈束帛筐酒脯案于学生西南当门北向重行西上将命者出立于门西东面曰敢请事学生少进曰某方受业于先生敢请见将命者入告博士曰某也不德请子无辱将命者出告学生曰某不敢为仪敢固以请将命者入告博士曰子就位某敢见将命者出告学生曰某不敢以视宾客请终赐见将命者入告博士曰某辞不得敢不从命将命者出告执籩者以籩东面授学生博士降俟于东阶下西面赞礼者引学生执酒脯者从学生入门而左立于西阶之南东面执酒脯者立于学生西南东面北上学生跪奠筐拜博

士荅拜学生还避遂进跪取筐赞礼者引学生进博士前东面授执酒脯者从奠于博士前博士受币赞礼者取酒脯币以东执酒脯者出赞礼者引学生立于阶间近南北面 拜讫引出

大唐开元礼卷六十九

卷七十

钦定四库全书

大唐开元礼卷七十 唐 萧嵩等 撰吉礼

诸州祈社稷 诸州祈祷诸神诸州祭城门

诸州祈社稷

前二日本司扫除坛之内外又为瘞瘳于坛北如常设上佐以下次于社坛西门之外道北随地之宜前一日诸祈官皆于祭所清斋一日掌事者饌酒脯醢设上佐位于稷坛西北掌事以下位于西门之内道北俱重行东向以南为上设赞唱者位于上佐东北东向南上设望瘞位于埋瘳北南向设上佐以下门外位于西门之外道南俱重行北向以东为上其日夙兴本司帅其属守社坛四门去坛九十步所禁断行人掌事者入设神坐樽坫罍洗篚冪如常祭之仪【每坐各筵一豆一筐实巾二爵二配坐皆爵一并置于坫】质明上佐以下各服其服本司帅掌事者入实樽罍祝版各置于坫又以币各置于篚设于饌所【其币各长一丈八尺】赞礼者引上佐以下俱就门外位赞唱者先入就位祝与执樽罍篚者入当社坛北重行南向以东为上立定赞唱者曰 拜祝以下皆 拜执樽者各升自西阶立于樽所执罍篚者各就位祝诣社坛升自西阶行埽除又诣稷坛升行埽除讫诸祝出奉币篚入就瘞瘳北位赞礼者引上佐以下入就位立定赞唱者曰 拜上佐以下皆 拜赞礼者进上佐之左白请行事还本位赞唱者曰再拜上佐以下皆再拜初白请行事掌饌者率执饌者奉饌陈于西门之外祝以币授上佐赞者引上佐升社坛北陞南向跪奠于社神前讫兴少退 拜讫复位又祝以币授上佐上佐奉币升稷坛跪奠如社坛之仪讫掌饌者引饌入社稷之饌升自北陞配坐之饌升自西陞诸祝迎引于坛上各设于神坐前讫掌饌者降自西陞复位诸祝各还樽所赞者引上佐诣罍洗盥手洗爵自社坛北陞升诣社神酒樽所执樽者举冪上佐酌酒进诣社神坐前南向跪奠爵兴少退南向立祝持版进于神坐之右西向跪读祝文曰维某年岁次月朔日子刺史姓名谨遣具位姓名敢昭告于社神久阙时雨黎元惟惧惟神哀此苍生敷降嘉液谨以制币清酌脯醢明荐于神以后土氏勾龙配神作主尚飨兴上佐 拜祝进跪奠版于神坐兴还樽所上佐拜讫赞礼引上佐诣配坐酒樽所取爵于坫执樽者举冪上佐酌酒进诣后土氏神坐前西向跪奠爵兴少退西向立祝持版进于神坐之左南面跪读祝文曰维某年岁次月朔日子刺史姓名谨遣具位姓名敢昭告于后土氏久阙时雨黎元惟惧惟神哀此苍生敷降嘉液谨以制币清酌脯醢明荐于后土氏尚飨祝兴上佐 拜祝进跪奠版于神坐兴还樽所上佐拜讫赞礼者引上佐降自北陞诣罍洗盥手洗爵诣稷坛北陞升献如社坛之仪【稷神及后稷氏祝文并同】赞礼者引上佐降复位诸祝各进神坐前跪彻豆兴还樽所赞唱者曰 拜上佐以下皆 拜赞礼者进上佐之左白请就望瘞位赞者引上佐就望瘞位南向立祝以篚于神前取币及血黍稷饭皆奠于瘳赞唱者曰可瘞瘳东西各二人奠土半瘳赞者进上佐之左白礼毕遂引出诸执事者以次出祝与执樽罍篚者降复执事位赞唱者曰 拜祝以下皆 拜以次出其祝版燔于斋所得雨报祠以豕羊其祭器之数及饮福受胙瘞币血皆与

正祭同余与祈礼同祝文曰维某年岁次月朔日子刺史姓名谨遣具位某官姓名敢昭告于社神往以久阙时雨式陈诚祷惟神监佑降兹嘉液品物沾洽苍生咸赖谨以制币牺齐粢盛庶品明荐于社神以后土氏勾龙配神作主尚飨维某年岁次月朔日子刺史姓名谨遣具位姓名敢昭告于后土氏往以久阙时雨式陈诚祷惟神监佑降兹嘉液品物沾洽苍生咸赖谨以制币牺齐粢盛庶品明荐于后土氏尚飨【稷神及后稷氏祝文并同】

诸州祈祷诸神

前日本司设上佐以下次于祈所随地之宜又为瘞瘠于神坐之南方深取足容物诸祈官皆于祈所清斋一日掌事者饌酒脯醢【每坐筴豆各一】祈日质明去祭所七十步禁止行人上佐以下各服其服祝帅掌事者奉席入设神坐于北厢南向【若更有诸坐则以西为上】赞礼者帅执樽者设樽于神坐之左北向设洗于酒樽东南北向盥水在洗西南肆篚在樽左【篚实巾爵】执樽盥篚者各位于樽盥篚之後设上佐以下位于神坐东南重行西向以北为上设赞唱者位于上佐西南西向设望瘞位于瘞瘠之南北向设上佐以下门外位于东门之外道南北向西上掌事者入实樽盥祝以祝版置于坵又以币置于篚设于饌所【其币长一丈八尺】赞礼者引上佐以下俱就门外位赞唱者先入就位祝与执樽盥篚者入当神坐前北面重行北向西上立定赞唱者曰 拜祝以下皆 拜执樽盥篚者各就位祝进神坐前行埽除讫赞唱者曰 拜上佐以下皆 拜赞礼者进上佐之左白请行事退复位赞唱者曰 拜上佐以下皆 拜初白请行事掌饌者帅执饌者奉饌陈于西门之外祝以币授上佐上佐奉币跪奠于神坐前讫兴少退 拜讫复位掌饌者引饌入祝迎引于坐首各设于神坐前执饌者退复位祝还樽所赞礼者引上佐诣盥洗盥手洗爵讫诣酒樽所执樽者举罍上佐酌酒赞礼者引上佐诣神坐前北向跪奠爵兴少退北向立祝持版进于神坐之右东向跪读祝文曰维某年岁次月朔日子刺史姓名谨遣具位姓名敢昭告于某神爰以农要久阙时雨惟神哀此苍生敷降灵液谨以制币清酌脯醢明荐于某神尚飨祝兴上佐 拜祝进跪奠版于神坐兴还樽所【若更有诸坐祈官酌献皆如上仪唯不盥手其祝文与上同】赞礼者引上佐还本位祝进神坐前跪彻豆兴还樽所赞唱者曰 拜上佐以下皆 拜赞礼者进上佐之左白请就望瘞位上佐就望瘞位北向立祝以币寘于坎东西各二人寘土半坎赞者进上佐之左白礼毕遂引上佐以下出讫祝与执樽盥篚者俱复执事位赞唱者曰 拜祝以下皆 拜以出其祝版燔于斋所【若祈海渎等币沈之设奉币位各向所祈之水沉之仪节一与瘞同若祈先代帝王其瘞正祭】得雨报祠【币如正祭之礼】牢饌饮福受胙【若非岳镇海渎及先代帝王唯饮福不受胙】瘞币血皆同祭社之礼【其瘞瘠之位仍依祈礼若海渎等沉币又并沉血其奉币血位及沉之仪节皆準祈沉之礼若报祠先代帝王其币仍与祈同】余皆与祈礼同祝文曰维某年岁次月朔日子刺史姓名谨遣具位姓名敢昭告于某神往以久阙时雨式陈诚祷惟神监佑降兹嘉液品物沾洽苍生咸赖谨以制币牺齐粢盛庶品明荐于神尚飨

诸州祭城门

若霖雨不止祭祭城门设神坐皆内向设瓢齐之樽于神坐之左设盥洗及篚于酒樽之左

俱内向设司功位于盥洗之左而右向执事者位于其後皆以近神为上赞礼者赞拜无币不为瘞坎余与祈诸神同祝文曰维某年岁次月朔日子刺史姓名谨遣具位姓名敢昭告于城门霖雨久淹害于百谷惟灵降福应时开霁谨以清酌嘉献明告于城门尚飨若雨止报祠用特牲饮福余与祭同祝文曰维某年岁次月朔日子刺史姓名谨遣具位姓名敢昭告于城门前以霖雨式陈诚祷惟灵降祉应时开霁谨以清酌牲齐粢盛庶品明荐于城门尚飨

大唐开元礼卷七十

卷七十一

钦定四库全书

大唐开元礼卷七十一 唐 萧嵩等 撰吉礼

诸县祭社稷 诸里祭社稷

诸县祭社稷

前三日县令散斋于别寝二日致斋于厅事一日亚献以下与祭之官散斋二日各于正寝致斋一日皆于坛所【丞为亚献主簿及尉通为终献若县令以下有故以次差摄县官不足以州佐及比县官充】散斋理事如旧唯不吊丧问疾不作乐不判署刑杀文书不行刑罚不预秽恶致斋惟祭事得行其余悉断诸从祭之官各清斋于公馆一宿【从祭之官于县令未出之前预赴于祭所】前二日本司预修除坛之内【其坛方二丈五尺高三尺四出陛三等】为瘞埽二于坛北方深取足容物南出陛设县令次于社坛西门之外道北南向设祭官以下次于县令次西北俱南向以东为上前一日晡後本司帅其属守社坛四门去墼七十步所禁止行人本司设县令位于北门之内道西南向【若县令有故摄祭初献位于亚献之前东向】设亚献终献位于稷坛西北设掌事者位于西门之内道北俱每等异位东向南上设赞唱者位于终献东北东向南上设从祭之官位于掌事之北俱重行东向以南为上设望瘞位于埽北南向东上设门外位祭官以下於西门之外道南县官於祭官之南俱重行北向以东为上祭器之数每坐樽二筴八豆八簠二簋二俎三【羊豕及腊各一俎】掌事者以樽坫升自西陛各设于坛上西北隅配坐之樽在西俱南向东上皆加勺罍社稷皆爵一配坐皆爵四各置于坫设洗于社稷北陛之西去坛三步所南向罍水在洗西加勺罍篚在洗东北肆实爵六巾二于篚加罍执樽罍洗篚者各于樽罍洗篚之後祭日未明烹牲于厨【祝以豆二取牲血】夙兴掌饌者实祭器【牲体羊豕皆载右胖前脚三节臂膊膂节一段皆载之後脚三节一段去下一节载上肫脰二节又取正脊脰脊横脊短肋正肋代肋各二骨以并余皆不设簠实黍稷簋实稻粱筴实石塩乾鱼枣栗榛菱芡鹿脯豆实藿菹醯醢菁俎鹿醢芹俎兔醢笋俎鱼醢其土无者各以类充】本司帅掌事者以席入自西门诣坛西陛升设社稷神坐各于坛上近南北向又设后土氏神坐于社神之左后稷氏神坐于稷神之左俱东向席皆以莞质明诸祭官及从祭之官各服其服【祭官服祭服从祭之官应公服者公服非公服者常服】本司帅掌事者入实樽罍【每坐二尊一实玄酒为上一实醴齐次之】祝版各置于坫祝以币各置于篚与血豆俱设于樽所【社稷之币皆用黑各长一丈八尺】赞唱者先入就位诸祝与执樽罍者入自西门当社稷北重行南向以东为上立定赞唱者曰 拜祝以下皆 拜执樽者各升自西陛立于樽所执罍篚者各就位诸祝诣社坛升自西陛行埽除讫降诣稷坛升行埽除如社坛之仪降行埽除于下讫出还斋所赞唱者次还斋所县令将至赞礼者引祭官及从祭之官与掌事俱就门外位县令至赞礼者引之次赞唱者先入就位县令停于次少顷服祭服出次赞礼者引县令入自西门就位南向立赞礼者立于县令之东少退南向赞礼者引祭官以下及从祭之官以次入就位【凡导引者每曲一逡巡】立定赞唱者曰 拜县

令以下皆 拜赞礼者少进县令之左西面白请行事退复位赞唱者曰 拜县令以下皆 拜初赞礼白请行事本司帅执饌者奉饌陈于西门之外祝以币授县令赞者引县令自北陞升社坛南向跪奠于社神前讫兴少退 拜祝又以币授县令县令升稷坛如社坛之仪讫赞者引县令降复位本司引饌入社稷之饌升自北陞配坐之饌升自西陞诸祝迎引于坛上各设于神坐前【笾豆盖幂先彻乃升簋簠既奠却其盖于下笾在左豆在右簋簠居其中羊豕二俎横而重于右腊俎特于左】本司与执饌者降自西陞复位诸祝各还樽所赞礼者引县令诣盥洗执盥者酌水执洗者跪取盘兴承水县令盥手执篚者跪取巾于篚兴进县令帨手讫执篚者受巾跪奠于篚遂取爵兴进县令受爵执盥者酌水县令洗爵执篚者又跪取巾于篚兴进县令拭爵讫受巾奠于篚奉盘者跪奠盘兴赞礼者引县令自社坛北陞升诣社神酒樽所执樽者举幂县令酌醴齐赞礼者引县令诣社神坐前南向跪奠爵兴少退南向立祝持版进于神坐之右西面跪读祝文曰维某年岁次月朔日子具位姓名敢昭告于社神惟神德兼博厚道着直方载生品物含养庶类谨因仲春【仲秋】祗率常礼敬以制币牺齐粢盛庶品备兹明荐用申报本以后土氏勾龙配神作主尚飨祝兴县令 拜祝进跪奠版于神坐兴还樽所县令 拜讫赞礼者引县令诣配坐酒樽所县令取爵于坵执樽者举幂县令酌醴齐赞礼者引诣后土氏神坐前西面跪奠爵兴少退西向立祝持版进于神坐之左南向跪读祝文曰维某年岁次月朔日子具位姓名敢昭告于后土氏爰兹仲春【仲秋】厥日惟戊敬修恒礼荐于社神惟神功着水土平易九州昭配之仪实通祀典谨以牺齐粢盛庶品式陈明荐作主侑神尚飨祝兴县令 拜祝进跪奠版于神坐兴还樽所县令拜讫赞礼者引县令进当社神坐前南向立祝各以爵酌福酒合置一爵一祝持爵进于县令之右东向立县令 拜受爵跪祭酒啐酒奠爵兴祝帅执饌者以俎进跪减社神前胙肉【各取前脚二骨】共置一俎上兴祝持俎东向进县令受以授左右县令跪取爵遂饮卒爵祝进受爵复于坵县令兴 拜赞礼者引县令降自北陞诣盥洗盥手洗爵自稷坛北陞升诣稷神酒樽所执樽者举幂县令酌醴齐赞礼者引县令诣稷神坐前南向跪奠爵兴少退南向立祝持版进于神坐之右西向跪读祝文曰维某年岁次月朔日子具位姓名敢昭告于稷神惟神播生百谷首兹八政用而不匮功济氓黎敬以制币牺齐粢盛庶品祗奉旧章备兹瘞礼以后稷氏配神作主尚飨祝兴县令 拜祝进跪奠版于神坐兴还樽所县令拜讫赞礼者引县令诣配坐酒樽所县令取爵于坵执樽者举幂县令酌醴齐赞礼者引县令诣后稷氏神坐前西向跪奠爵兴少退西向立祝持版进于神坐之左南面跪读祝文曰维某年岁次月朔日子具位姓名敢昭告于后稷氏爰以仲春【仲秋】敬修恒礼荐于稷神惟神功叶稼穡闡修农政允兹从祀敬率旧章谨以牺齐粢盛庶品式陈明荐作主配神尚飨祝兴县令 拜祝进跪奠版于神坐兴还樽所县令拜讫赞礼者引县令诣稷神坐前南向立饮福受胙如社坛之仪讫赞礼者引县令降自北陞还本位初县令献将毕赞礼者引亚献诣社坛西陞升诣社神酒樽所执樽者举幂亚献酌醴齐赞礼者引亚献诣社神坐前南向跪奠爵兴少退南向 拜赞礼者引亚献诣后土氏酒樽所取爵于坵执樽者举幂亚献酌醴齐赞礼者引亚献诣后土氏神坐前西向跪奠爵兴少退西向 拜赞礼者引亚献诣当社神坐前南向立祝各以爵酌福酒合置一爵祝持爵进于亚献之右东向立亚献 拜受爵跪祭酒遂饮卒爵祝进受爵复于坵亚献兴 拜赞礼者引亚献降自西陞诣盥洗盥手洗爵诣稷坛升献饮福如社坛之仪讫降复位初亚献将毕赞礼者引终献诣盥洗盥洗升酌终献如亚献之仪讫降复位诸祝各进神坐前跪彻豆兴还樽所【彻者笾豆各一少移于故处】赞唱者曰赐胙 拜非饮福受胙者皆 拜赞唱者又曰 拜

县令以下皆 拜赞礼者少进县令之左西面白请就望瘞位赞礼者引县令就望瘞位南向立祝于神前取币及血寘于埴赞礼者曰可瘞埴东西面各二人寘土半坎赞礼者少进县令之左白礼毕遂引县令出还次赞礼者引祭官以下以次出诸祝及执樽罍篚者降复位赞唱者曰再拜祝以下皆再拜以次出其祝版燔于斋所

诸里祭社稷

前一日社正及诸社人与祭者各清斋一宿于家之正寝【正寝者谓家之前堂待宾之所】应设饌之家预修理神树之下又为瘞埴于神树之北方深取足容物掌事者设社正位于稷坐西北十步所东面诸社人位于其後东面南上设祝奉血豆位于瘞埴之北南向祭器之数酒樽二并勺一以巾覆之俎一筯二豆二爵二簠二簋二【无礼器量以余器充之】祭日未明烹牲于厨【惟以特豕祝以豆取牲血置于饌所】夙兴掌饌者实祭器【牲体载右胖前脚三节节一段肩臂臠皆载之後脚三节节一段去下节载上肫脰二节又取正脊横脊短肋正肋代肋各二骨以并分载之二俎余皆不设其樽一实玄酒为上一实清酒次之筯实枣栗豆实菹醢簠实黍稷簋实稻粱】掌事者以席入社神之席设于神树下稷神之席设于神树西俱北向质明社正以下各常服掌事者以盥水器入设于神树北十步所加勺一巾二爵于其下盛以箱又以酒樽入设于神树北近西社神之樽在东稷神之樽在西俱东上南向【置爵二及祝版于尊下】执樽者立于樽後掌事者实樽酒讫祝及执樽者【其祝以社人有学识者充】入当社神北南向以东为上皆 拜讫执酒樽者各就樽後立其执盥者就器後立赞礼者引社正以下俱就位立定赞礼者赞 拜社正以下皆 拜祝诣樽所赞礼者赞 拜社正以下皆 拜掌事者以饌入各设于神坐前【菹醢居前左右廂黍稷在其间俎居其外】讫掌事者出赞礼者引社正诣盥器所执盥器者酌水社正洗手取巾拭手讫洗爵讫赞礼者引社正诣社神酒樽所酌酒讫赞礼者引社正诣社神坐前跪奠爵于饌右兴少退南向立祝持版进社神坐东西向跪读祝文曰维某年岁次月朔日子某坊【村即云某村以下准此】社正姓名合社若干人敢昭告于社神惟神载育黎元长兹庶物爰以仲春【仲秋】日惟吉戊谨率恒礼敬以特性清酌粢盛庶品祇荐于社神尚飨祝兴社正以下及社人等俱 拜赞礼者引社正诣稷神酒樽所取爵酌酒讫赞礼者引社正诣稷神饌前南向跪奠酒于饌右兴少退南向立祝持版进于稷神饌西东向跪读祝文曰维某年岁次月朔日子某坊社正姓名合社若干人等敢昭告于稷神惟神主兹百谷粒此羣黎今当仲春吉戊【秋云仲秋】谨率恒礼敬以特性清酌粢盛庶品祇荐于稷神尚飨祝兴社正以下及社人俱 拜赞礼者引社正立于社神坐前南向祝以爵酌社神及稷神福酒合置一爵进社正之右社正 拜受酒讫跪祭酒遂饮卒爵祝受爵还樽所社正兴丹拜赞礼者引社正还本位立定赞礼者赞 拜社正及社人俱 拜讫祝以血寘于埴埴东西各一人寘土半坎赞礼者少前白礼毕引社人等出祝与执樽者复社神位 拜讫出其余饌社人等俱于此餽如常会之仪其祝版燔于祭所

大唐开元礼卷七十一

卷七十二

钦定四库全书

大唐开元礼卷七十二 唐 萧嵩等 撰吉礼

诸县释奠於孔宣父 县学生束修

诸县释奠於孔宣父

前享三日县令散斋于别寝二日致斋于厅事一日亚献以下与祭之官散斋二日各于正寝致斋一日于享所【丞为亚献主簿及尉通为终献若县令以下有故并以次差摄县官不足以州官判佐以下及比县官充】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官已斋而阙者通摄行事学官及诸学生皆清斋于学馆一宿前享二日本司埽除内外又为瘞瘞于院内堂之壬地方深取足容物南出陞本司设县令以下次于门外随地之宜前享一日晡後本司帅其属守门本司设三献位于东阶东南每等异位俱西向设掌事者位于三献东南西向北上设望瘞位于堂之东北当瘞埽西南设学官位于西阶西南当掌事位学生位于学官之後俱东向北上设赞礼者位于三献西南西向北上又设赞唱者位于瘞埽东北南向东上设三献门外位于道东每等异位俱西向掌事位于终献之後北上祭器之数每坐樽二笾八豆八簋二簠二俎三【羊豕及腊各一俎】掌事者以樽坫升设于堂上前楹间北向先圣之樽在西先师之樽在东俱西上皆加勺幂先圣爵一配坐爵四各置于坫设币筐于樽所设洗置东荣南北以堂深疊水在洗东加勺幂筐在洗西南肆实爵三巾二于筐加幂执樽疊洗筐者各于樽疊洗筐之後享日未明烹牲于厨【祝以豆二取毛血】夙兴掌馔者实祭器【牲体羊豕皆载右胖前脚肩臂膂节一段皆载之後脚三节节一段去下一节载上肫腧二节又取正脊脰脊横脊短肋正肋代肋各二骨以并余皆不设簋实黍稷簠实稻粱笾实石塩乾鱼枣栗榛菱芡鹿脯豆实蠃菹醯醢菁菹鹿醢芹菹兔醢笋菹鱼醢若土无者各以其类充之】本司帅掌事者设先圣神席于西楹间东向设先师神席于先圣神坐东北南向席皆以莞质明诸享官各服祭服学官儒服学生青衿服本司帅掌事者入实樽疊及币【每坐尊二一实玄酒为上一实醴齐次之礼神之币用白各长一丈八尺】祝版各置于坫赞唱者先入就位祝二人与执樽疊筐者入立于庭以西为上立定赞唱者赞拜祝以下皆拜执樽疊筐者各就位祝升自东阶行埽除讫降自东陞以出还斋所县令将至赞礼者引享官以下俱就门外位学官学生并入就门内位县令至赞礼者引之次赞唱者先入就位祝升自东阶各立于樽後县令停于次少顷服祭服出次赞礼者引县令入就位西向立赞礼退立于左赞唱者引享官以下次入就位【凡引导者每曲一逡巡】立定赞唱者曰拜县令以下皆拜赞礼者少进县令之左白请行事退复位祝俱跪取币于筐兴各立于樽所【凡取物者皆跪俛伏而取以兴奠物则奠讫俛伏而後兴】本司帅执馔者奉馔陈于门外赞礼者引县令升自东阶进先圣神坐前西向立祝以币北向授县令受币赞礼者引县令西向跪奠于先圣神坐兴少退西向拜讫赞礼者引县令当先师神坐前北向立祝又以币西向授县令受币赞礼者引县令北向跪奠于先师神坐

兴少退北向 拜赞礼者引县令降复位本司引饌入升自东阶祝迎引于阶上各设于神坐前【筯豆盖冪先彻乃升簋簠既奠却其盖于下筯右豆左簋簠居其间羊豕二俎横而重于右腊特于左】设訖本司与执饌者降出祝还樽所赞礼者引县令诣盥洗执盥者酌水执洗者跪取盘兴承水县令盥手执篚者跪取巾于篚兴进县令帨手訖执篚者受巾跪奠于篚遂取爵兴以进县令受爵执盥者酌水县令洗爵执篚者跪取巾于篚兴进县令拭爵訖受巾跪奠于篚奉盘者跪奠盘兴赞礼者引县令升自东阶诣先圣酒樽所执樽者举冪县令酌醴齐赞礼者引县令诣先圣神坐前西向跪奠爵兴少退西向立祝持版进于神坐之右北面跪读祝文曰维某年岁次月朔日子县令具官姓名敢昭告于先圣孔宣父惟夫子固天攸纵诞降生知经纬礼乐阐扬文教余烈遗风千载是仰俾兹末学依仁游艺谨以制币牺齐粢盛庶品祇奉旧章式陈明荐以先师顔子配尚飨祝兴县令 拜祝进跪奠版于神坐还樽所县令拜訖赞礼者引县令诣先师酒樽所取爵于坫执樽者举冪县令酌醴齐赞礼者引县令诣先师神坐前北面跪奠爵兴少退北向立祝持版进于神坐之右西向跪读祝文曰维某年岁次月朔日子县令具官姓名敢昭告于先师顔子爰以仲春【仲秋】率遵故实敬修释典于先圣孔宣父惟夫子庶几具体德冠四科服道圣门实臻壺奥谨以制币牺齐粢盛庶品式陈明献从祀配神尚飨祝兴县令 拜祝进跪奠版于神坐兴还樽所县令拜訖赞礼者引县令诣东序西向立祝各以爵酌福酒合置一爵一祝持爵进县令之左北向立县令 拜受爵跪奠酒啐酒奠爵俛伏兴祝各帅执饌者进俎跪减先圣神前胙肉【各取前脚第二骨】共置一俎上又以筯取稷黍饭共置一筯祝先以饭进县令受以授执饌者又以俎进县令受以授执饌者县令跪取爵遂饮卒爵祝进受爵复于坫县令兴 拜赞礼者引县令降复位初县令献将毕赞礼者引亚献诣盥洗盥手洗爵升献饮福如县令之仪【惟不读祝版不受胙】訖降复位初亚献将毕赞礼者引终献诣盥洗盥手洗爵升献饮福如亚献之仪訖降复位祝各进神坐前跪彻豆还尊所【彻者筯豆各一少移于故处】赞唱者曰赐胙 拜非饮福受胙者皆 拜赞唱者又曰 拜县令以下皆 拜赞礼者少进白请就望瘞位赞礼者引县令就望瘞位西向立赞唱者转就瘞埕东北位初在位者将拜祝各以篚进神坐前跪取币降自西阶诣瘞埕以币置于埕訖赞唱者曰可瘞埕东西厢各二人奠土半埕【瘞訖奠土者以篚出】赞礼者进县令之左北面白礼毕遂引县令出赞礼者各引享官以次出初白礼毕赞唱者还本位祝与执樽盥洗篚者俱复掌事位立定赞唱者曰 拜祝以下俱 拜以出其祝版燔于斋所

县学生行束修礼

束帛一篚【一疋】酒一壶【二斗】脯一案【五脰】

其日平明学生青衿服至学门博士公服若儒服立于学堂东阶上西面赞礼者引学生立于门东西面【不自同于宾客】陈束帛篚酒壶脯案于学生西南当门北向重行西上将命者出立于门西东面曰敢请事学生少进曰某方受业于先生敢请见将命者入告博士曰某也不德请子无辱将命者出告学生曰某不敢为仪敢固以请将命者入告博士曰请子就位某敢见将命者出告学生曰某不敢以视宾客请终赐见将命者入告博士曰某辞不得命敢不从将命者出告执篚者以篚东面授学生博士降俟于东阶下西面赞礼者引学生执酒脯

者从之学生入门而左立于西阶之南东面执脯者立于学生西南东面北上学生跪奠篚
拜博士荅拜学生还辟遂跪取篚赞礼者引学生进博士前东面授币赞礼者取酒脯币以东
执酒脯者出赞礼者引学生立于阶间近南北面 拜讫引出

大唐开元礼卷七十二

卷七十三

<史部,政书类,仪制之属,大唐开元礼>

钦定四库全书

大唐开元礼卷七十三 唐 萧嵩等 撰吉礼

诸县祈社稷 诸县祈诸神

诸县祭城门

诸县祈社稷

前二日本司埽除坛之内外又为瘞瘳于坛北如常仪设县丞以下次于社坛西门之外道北随地之宜前一日诸祈官皆于祭所清斋一日掌事者饌酒脯醢设县丞位于稷坛西北掌事以下位于西门之内道北俱重行东向以南为上设赞唱者位于县丞东北东面南上设望瘞位于埽北南向设县丞以下门外位于西门之外道南俱重行北面以东为上其日夙兴本司帅其属守社坛四门去墼七十步所禁断行人掌事入设神席樽坩罍洗筐霁如常祭之仪【每坐各筭一豆一筐实巾二爵二配坐皆爵一置于坩】质明县丞以下各服其服本司帅掌事者入实樽罍祝以祝版各置于坩又以币各置于筐设于饌所【其币各长一丈八尺】赞礼者引县丞以下俱就门外位赞唱者先入就位祝与执樽罍筐者入当社坛北重行南向以东为上立定赞唱者曰 拜祝以下皆 拜执樽者各升自西陞立于樽所执罍筐者各就位诸祝诣社坛升自西陞行埽除降又诣稷坛升行埽除讫诸祝奉币筐入就瘞埽北位赞礼者引县丞以下入就位立定赞唱者曰 拜县丞以下皆 拜赞礼者进县丞之左白请行事还本位祝升诣酒樽所立赞唱者曰 拜县丞以下皆 拜初白请行事掌饌者帅执饌者奉饌陈于西门之外祝以币北向授祈官祈官奉币自北陞登社坛南向跪奠于社神前讫兴少退 拜讫复位又祝以币授祈官祈官受币升稷坛跪奠如社坛之仪讫掌饌者引饌入社稷之饌升自北陞配坐之饌升自西陞诸祝迎引于坛上各设于神坐前讫掌饌者降自西陞复位诸祝各还樽所赞礼者引县丞诣罍洗盥手洗爵自社坛北陞升诣社神酒樽所执樽者举霁县丞酌酒进诣社神坐前南向跪奠爵兴少退南向立祝持版进神坐之左西向跪读祝文曰维某年岁次月朔日子县令姓名谨遣具位姓名敢昭告于社神久阙时雨黎元惟惧惟神哀此苍生邀降灵液谨以制币清酌脯醢明荐于社神以后土勾龙氏配神作主尚飨讫县丞拜祝进跪奠版于神坐兴还樽所县丞拜讫赞礼者引县丞诣配坐酒樽所取爵于坩执樽者举霁县丞酌酒进诣后土氏神坐前西向跪奠爵兴少退西向立祝持版进于神坐之左南面跪读祝文曰维某年岁次月朔日子县令姓名谨遣具位姓名敢昭告于后土氏久阙时雨黎元惟惧惟神哀此苍生邀降灵液谨以制币清酌脯醢明荐于后土氏尚飨讫兴县丞拜祝进跪奠版于神坐兴还樽所县丞拜讫赞礼者引县丞诣罍洗盥手洗爵诣稷坛北陞升献如社坛之仪【稷神及后稷氏祝文与上同】献讫赞礼者引县丞降复位诸祝各进神坐前

跪彻豆兴还樽所赞唱者曰再拜县丞以下皆再拜赞礼者进县丞之左白请就望瘞位赞礼者引县丞就望瘞位南向立祝取币及血寘于埽东西面各二人寘土半埽赞礼者进县丞之左白礼毕遂引出诸执事者以次出诸祝与执樽罍篚者降复执事位赞唱者曰 拜祝以下俱 拜以出其祝版燔于斋所得雨报祠以羊豕其祭器之数及饮福受胙瘞币血皆与正祭同祝文曰维某年岁次月朔日子县令姓名谨遣具位姓名敢昭告于社神往以久阙时雨式陈情祷惟神鉴佑降兹嘉液品物沾洽苍生咸赖谨以制币牺齐粢盛庶品明荐于社神以后土勾龙氏配神作主尚飨维某年岁次月朔日子县令姓名谨遣具位姓名敢昭告于后土氏往以久阙时雨式陈诚祷惟神鉴佑降兹嘉液品物沾洽苍生咸赖谨以制币牺齐粢盛庶品明荐于后土氏尚飨【稷神后稷祝文同】

诸县祈诸神

前一日本司设县丞以下次于祈所随地之宜又为瘞埽于神坐之南方深取足容物诸祈官皆于祈所清斋一日掌事者饌酒脯醢【每坐筮豆各一】祈日质明去祈所五十步禁止行人县丞以下各服其服祝帅掌事者入设神坐于北厢南向【若更有诣坐则以西为上】赞礼者帅执樽者设尊于神坐之左北向设洗于酒樽东南北向罍水在洗东篚在洗西南肆【篚实以巾爵】执樽罍篚者各位于樽罍篚之后设县丞以下位于神坐东南重行西向以北为上设赞唱者位于县丞西南向设望瘞位于瘞埽之南北向设县丞以下门外位于东门之外道南北向西上掌事者入实樽罍祝以版置于坫又以币置于饌所【其币各长一丈八尺】赞礼者引县丞以下俱就门外位赞唱者先入就位祝与执樽罍篚者入当神坐前重行北面西上立定赞唱者曰 拜祝以下皆 拜执樽罍篚者各就位祝进神坐前行埽除讫赞礼者引县丞以下入就位立定赞唱者曰 拜县丞以下皆 拜赞礼者进县丞之左白请行事还本位祝升诣酒樽所立定赞唱者曰 拜县丞以下皆 拜初白请行事掌饌者帅执饌者奉饌陈于西门之外祝以币授县丞县丞奉币跪奠于神坐讫兴少退 拜掌饌者引饌入祝迎引于坐首各设于神坐前讫执饌者退复位祝还樽所赞礼者引县丞诣罍洗盥手洗爵讫诣酒樽所执樽者举罍县丞酌酒赞礼者引县丞诣神坐前北向跪奠爵兴少退北向立祝持版进于神坐之右东向跪读祝文曰维某年岁次月朔日子县令姓名谨遣具位姓名敢昭告于某神爰以久阙时雨黎元惟惧惟神哀此苍生敷降灵液谨以制币清酌脯醢明荐于某神尚飨讫兴县丞 拜祝进跪奠版于神坐兴还樽所【若更有诸坐祈官酌献皆如上仪惟不盥洗其祝文并同】赞礼者引县丞还本位祝进神坐前跪彻豆兴还樽所赞唱者曰 拜县丞以下皆 拜赞礼者进县丞之左白请就望瘞位县丞就望瘞位祝以币血寘诸埽东西面各二人寘土半埽赞礼者进县丞之左白礼毕遂引县丞以下出祝与执樽罍篚者俱复执事位赞唱者曰 拜祝以下皆 拜以出其祝版燔于斋所若祈海渚等其币沉之设奉币位各向所祈之水沉之仪节一与祠同若祈先代帝王其瘞币如正祭之礼得雨报祠牢饌饮福受胙【若非岳镇海渚及先代帝王惟饮福不受胙】瘞币血皆同祭社之礼【其瘞埽之位仍依祈礼若海渚等沉币又并沉血其奉币血位及沉之仪节皆准祈沉之礼若报祠先代帝王其币与祈同】余皆与祈礼同祝文曰维某年岁次月朔日子县令姓名谨遣具位姓名敢昭告于某神往以久阙时雨式陈诚祷惟神鉴佑降兹嘉液庶品沾洽苍生咸赖谨以制币牺齐粢盛庶品明荐于某神尚飨

诸县祭城门【报祠礼同】

若霖雨不止祭祭城门设神坐皆内向设瓢齐之樽各于神坐之左设盥洗及篚于其後皆于酒樽之左俱内向设县尉位于盥洗之左而右向执事者位于其後皆以近神为上赞礼者赞拜无币不为瘞埽余与祈诸神同祝文曰维某年岁次月朔日子县令姓名谨遣具位姓名敢昭告于城门霖雨淹久害于百谷惟灵降福应时开霁谨以清酌嘉荐明告于城门尚飨若雨止报祠用特牲饮福余与祭礼同祝文曰维某年岁次月朔日子县令姓名谨遣具位姓名敢昭告于城门前以霖雨式陈诚祷惟灵降祉应时开霁谨以清酌特牲粢盛庶品明荐于城门尚飨

大唐开元礼卷七十三

卷七十四

钦定四库全书

大唐开元礼卷七十四 唐 萧嵩等 撰吉礼

诸太子庙时享

斋戒 陈设

晨裸 馈食

斋戒

将享有司卜日如别仪凡与享之官散斋二日致斋一日【散斋皆于正寝致斋于享所】散斋理事如旧惟不吊丧问疾不作乐不判署刑杀文书不行刑罚不预秽恶致斋惟享事得行其余悉断其享官以下已斋而阙者通摄行事诸享官致斋之日给酒食及明衣各习礼于斋所前享一日诸卫令其属未後一刻各以其方器服守卫庙门【每门一人】与太乐工人俱清斋一宿

陈设

前享二日右校清扫内外守宫设享官以下次于斋坊之内前享二日太乐令设轩悬之乐于庙庭东方西方磬簠起北钟簠次之南方北方磬簠起西钟簠次之设三罇钟于编悬之间各依辰位树路鼓于北悬之间植建鼓于三隅置祝敌于悬内【祝在左敌在右】设歌钟歌磬于庙堂之上前楹间北向磬簠在西钟簠在东其匏竹者立于堂下阶间重行北向相对为首【凡悬皆展而编之】诸工人各位于悬後前享一日奉礼设享官以下位于东门之内道北执事位于道南每等异位俱重行西向以北为上设奉礼位于乐悬东北赞者一人在南差退俱西向设协律郎位于庙堂之上前楹间近西东向设太乐令位于乐悬之间北向设门外位享官以下于东门外道南每等异位北向西上前享一日晡前三刻庙令帅府史斋即以樽坩盥洗筐罍入设于位其笾豆鉶登陈于庙堂之东加以巾盖【笾豆各十登四俎二玉瓚一簠簋各二萧蒿坩盘各一盥洗各一设器物者皆濯而陈之】晡後三刻赞引引博士诣省视濯溉还樽所享日未明十五刻太官令帅宰人以鸾刀割牲取腍膋共实一豆置于饌所【腍膋肠间脂】

晨裸

享日未明四刻诸享官各服其服庙令良醢令各率其属入实樽罍【牺尊实以醴齐象尊实以盎齐山罍实以清酒其三尊之上尊实以玄酒爵七勺二筐一并设洗于堂下其器乌漆

为】太官令帅进饌者实诸筯豆簠簋未明三刻奉礼帅赞者先入就位赞引引博士宫闾令及执樽罍篚幂者入自东门当阶重行北面西上立定奉礼曰 拜訖赞引引博士升堂上各就位宫闾令开埽室出神主置于坐位訖还执事位未明二刻谒者引享官俱就门外位太乐令引工人入訖赞引引亚献先入就位 拜訖行埽除复位谒者引享官入就位立定奉礼曰 拜享官等 拜訖谒者进初献之左白有司谨具请行事退复位协律郎跪俛伏举麾【凡取物者皆跪俛伏而取以兴奠物则奠訖俛伏而後兴】鼓祝奏肃和之乐三成偃麾戛敔乐止【凡乐皆协律郎举麾工鼓祝而後作偃麾戛敔而後止】奉礼曰衆官 拜衆官在位者皆 拜谒者引初献诣罍洗盥手洗爵訖谒者引初献升自东阶诣取爵酌以授斋郎奠爵俛伏兴 拜訖赞引引复位赞引引亚献诣罍洗盥手洗爵升堂诣樽所酌酒入奠于神坐前兴退户外 拜訖少退立斋郎酌福酒两爵合置一爵亚献 拜跪受爵啐酒饮卒爵以爵授斋郎俛伏兴 拜訖引复位次引终献如亚献之仪引复位訖奉礼曰赐胙赞者曰 拜【饮福酒者不拜】奏肃和之乐一成止赞者曰 拜在位者皆 拜訖赞引进初献之左白礼毕赞引各引享官以次出赞引引博士以下俱就执事位奉礼曰 拜博士以下皆 拜引出宫闾令纳神主如常仪其祝版燔于斋坊

大唐开元礼卷七十四

卷七十五

钦定四库全书

大唐开元礼卷七十五 唐 萧嵩等 撰吉礼

三品以上时享其庙

前享五日筮于庙门之外主人公服立于门东西面掌事者各服其服立于门西东面北上设筮席于闑西阒外筮者开轘出策兼执之东面受命于主人曰孝曾孙某来日丁亥祇享于庙尚飨【丁亥必亥则直举一日以言之己亥辛亥苟有亥焉可也】筮者曰诺进就筮席西向以轘击筮遂述曰假尔太筮有常曾孙某来日丁亥祇享于庙尚飨乃释轘坐筮讫兴降席东面称占曰从筮者退若不吉即筮远日如初仪赞礼者进主人之左告礼毕掌事者彻筮席先享三日主人及亚献终献并执事者各散斋二日于正寝致斋一日于庙所【同官寮佐之长为亚献其次为终献无则以亲宾为之】子孙及凡入庙者各于其家清斋一宿凡散斋不吊丧问疾不作乐不行刑罚不预秽恶致斋惟享事得行其余悉断其享官已斋而阙者通摄行事前一日之夕清扫内外掌庙者整拂神幄赞礼者设主人之位于东阶东南西向亚献终献位于主人东南掌事者位于终献东南俱重行西向北上设子孙之位于庭重行北向西上设赞唱者位于终献西南西向又设亚献以下门外位于东门之东执事者在南差退俱西向设牲腍于南门之外当门北向以西为上掌牲者位于牲西北东向诸祝位于牲後俱北向设亚献省牲位于牲前近东西向设祭器之数每室尊二簋二簠二登二鉶二俎二笾豆一品二品各十三品八掌事者以樽入设于前楹下各于室户之东北向西上皆加勺冪【首坐爵一余坐皆爵四置于坫】设祭器于序东西向每坐簋在前簠次之登次之鉶次之笾次之豆次之俎在後每坐异之皆以南为上屈陈而下设洗于东阶东南东西当东溜南北以堂深罍在洗东加勺冪篚在洗西南肆实爵三巾二于篚加冪【凡器物皆濯而陈之】执樽罍洗篚者各立于樽罍洗篚之後掌牲者以牲就腍位赞礼引亚献入诣东阶升堂徧视濯溉【于视濯执尊者皆举冪告洁】讫引降就省牲位亚献省牲掌牲者前东面举手曰牖还本位诸祝循牲一匝北面举手曰充俱还本位诸祝引掌牲者以次牵牲付厨赞礼者引终献诣厨省鼎饗视濯溉【亚献以下每事讫各还斋所】执饗者入彻簋簠笾豆俎鉶以出享日未明烹牲于厨夙兴掌饗者实祭品【牲体皆载右胖前脚三节节一段肩臂臠皆载之後脚三节节一段去下一节载上肫脰二节又取正脊脰脊横脊短肋代肋正肋各二骨以并余皆不设簋实黍稷簠实稻粱笾实石?乾脯枣栗之属豆实醢酱醯醢之类】主人以下各服其服掌事者入实樽罍【每室二尊一实玄酒为上一实醴齐次之】祝版各置於坫诸祝与奄人入立於庭北面西上立定皆再拜讫升自东阶以次出神主各置於坐【夫人之主奄人奉出俱并而处右】质明赞礼者引亚献以下及子孙俱就门外位赞唱者先入就位诸祝与执樽罍者入立於庭北面西上立定赞唱者曰再拜祝以下皆再拜各就位掌饗者奉饗陈於门外赞礼者引主人入就位又赞礼者引亚献以下及子孙以次入就位立定赞唱者曰再拜主人以下皆再拜赞礼者进主人之左白请行事退复位掌饗者引饗入升自东阶诸祝迎引于神坐前【笾居右豆居左簋簠登鉶居其间羊豕二俎横陈重于右腊俎特于其左】执炉炭萧稷臠膋者各

从其俎升置于室户外之左其萧稷各置于炉炭下施設訖掌饌以下降出诸祝各取萧稷搗于脂燔于炉炭还樽所赞礼者引主人诣盥洗执盥者酌水执洗者跪取盘兴承水主人盥手执篚者跪取巾于篚兴进主人拭手执篚者受巾跪奠于篚遂取爵兴以进主人受爵执盥者酌水主人洗爵执篚者又跪取巾于篚兴进主人拭爵訖受巾跪奠于篚奉盘者跪奠盘兴【凡取物者跪俛伏而取以兴奠物则奠訖俛伏而兴】赞礼者引主人自东阶升堂诣某祖酒樽所执樽者举幂主人酌酒赞礼者引主人进诣某祖神坐前北向跪奠爵兴出户北向立祝持版进于室户外之右东面跪读祝文曰维某年岁次月朔日子孝曾孙某官敢昭告于某祖考某谥祖妣某邑夫人某氏时惟仲春【夏云仲夏秋云仲秋冬云仲冬】伏增远感谨以柔毛刚鬣明粢芻合芻苢嘉蔬嘉荐醴齐敬荐祠享尚飨【春言祠夏言禘秋言尝冬言烝】訖兴主人 拜祝进跪奠版于神坐兴还樽所赞礼者引主人以次酌献如上仪【唯不盥洗】訖赞礼者引主人诣东序西向立诸祝各以爵酌福酒合置一爵祝持爵进主人之左北向立主人 拜受爵跪祭酒啐酒奠爵兴诸祝各帅执饌者以俎入减神前胙肉各置一俎上又以笾遍取稷黍饭共置一笾祝先以饭笾进主人受以授左右祝又以俎授主人每受以授左右訖主人跪取爵遂饮卒爵祝进受爵复于坫主人兴 拜赞礼者引主人降自东阶还本位西向立主人献将毕赞礼者引亚献诣盥洗盥手洗爵升自东阶诣某祖酒樽所执樽者举幂亚献酌酒赞礼者引亚献进诣某祖神坐前北面跪奠爵兴出户北向 拜赞礼者引亚献以次酌献如上仪訖赞礼者引亚献诣东序西向立诸祝各以爵酌福酒合置一爵一祝持爵进亚献之左北向立亚献 拜受爵跪祭酒遂饮卒爵祝进受爵复于坫亚献兴 拜赞礼者引亚献降复位又赞礼者引终献诣盥洗盥手升献如亚献之仪訖降复位诸祝皆进神坐前跪彻豆兴还樽所【彻者笾豆各一少移于故处】赞唱者曰 拜非饮福受胙者皆 拜赞唱者又曰 拜主人以下皆 拜赞礼者进主人之左白礼毕遂引主人出赞礼者引亚献以下出子孙以次出诸祝与执樽盥篚者俱复执事位立定赞礼者曰 拜诸祝以下皆 拜执樽盥篚者出诸祝与阍人匱神主纳于埽室如常仪祝版燔于斋所

褒圣侯祀孔宣父庙及王公以下皆此礼惟祝文别

大唐开元礼卷七十五

卷七十六

钦定四库全书

大唐开元礼卷七十六 唐 萧嵩等 撰吉礼

三品以上祫享其庙 三品以下禘享其庙 三品以上祫享其庙

前享五日筮于庙门之外斋及设位牲牷祭器省牲皆如时享之仪掌事者以樽坩入设于庙堂之上皆于神坐之左昭坐之樽在前楹北向始祖及穆坐之尊在户外南向俱以近神为上皆加勺冪【若始祖在曾祖以下则设尊依亲庙之式其坐首爵一余皆爵四各置于坩】设祭器于东序西向每坐簋在前簠次之登次之鉶次之笾次之豆次之俎在後每坐异之皆以南为上屈陈而下设洗於东阶东南东西当东溜南北以堂深罍水在洗东加勺冪篚在洗西南肆实爵三巾二于篚加冪【凡器皆濯而陈之】执尊罍篚冪者各位于尊罍篚冪之後享日未明烹牲于厨夙兴掌饌者实祭器【牲体皆载右胖前三节节一段肩臂臠皆载之後三节节一段下去一节载上肫脰二节又取正脊脰脊横脊短肋正肋代肋各二骨以并余皆不设簋实稷黍簠实稻粱笾实石盐乾脯枣栗之属豆实醢酱醯醢之类】掌庙者设祫坐于庙堂之上自西序以东始祖坐于西序东向昭坐于始祖东北南向穆坐于东南北向俱西上【若始封者仍在曾祖之下则空东面之坐依昭穆南北设之每坐皆有屏几礼席设趺匱如式】主人以下各服其服掌事者入实尊罍【每室四尊一实醴齐为上一实盎齐次之玄酒各实于上尊玄酒者重古陈而不酌】祝版各置于坩诸祝与奄者入立于庭北面西上掌事者持?輿从入立于东阶下西面北上立定祝与奄者皆再拜讫帅腰輿升自东阶诣始祖庙入开埽室出神主置于輿出诣坐以主置于座以次出神主如上仪【夫人之主奄人奉出俱并而处右】质明赞礼者引亚献以下及子孙俱就门外位赞唱者先入就位诸祝与执尊罍者入就于庭北面西上立定赞唱者曰 拜祝以下皆 拜各就位掌事者帅执饌者奉饌陈于门外赞礼者引主人入就位又赞者引亚献以下及子孙以次入就位立定赞唱者曰 拜主人以下皆 拜赞礼者进主人之左白请行事退复位掌饌者引饌入升自东阶祝迎引于阶上各设于神坐前【笾居右豆居左鉶登簋簠居其间羊豕二俎横陈重于右腊俎于左】执炉炭萧稷黍膋膋者从其俎特并设于神坐之左少後其萧稷各置于炉炭下于施設讫掌饌以下降出诸祝各取萧稷擣于脂燔于炉炭还樽所赞礼者引主人诣罍洗执罍者酌水执洗者跪取盘兴承水主人盥手执篚者跪取巾于篚兴进主人拭手执篚者受巾跪奠于篚遂取爵兴以进主人受爵执罍者酌水主人洗爵执篚者又跪取巾于篚兴进主人拭爵讫受巾跪奠于篚奉盘者跪奠盘兴【凡取物者皆跪俛伏而取以兴奠物则奠讫俛伏而後兴】赞礼者引主人自东阶升堂诣始祖酒樽所执樽者举冪主人酌醴齐赞礼者引主人进诣始祖神坐前西向跪奠爵兴少退西向立祝持版进于神坐之右北面跪读祝文曰维某年岁次月朔日子孝曾孙封某官敢昭告于祖考某諡封岁序推移伏增远念谨以柔毛刚鬣明粢苽合苽其嘉蔬嘉荐醴齐敬荐祫事于始祖考某諡封始祖妣夫人某氏配尚飨【祖考及子孙依尊卑称号其祝文同】讫兴主人 拜祝进跪奠版于神坐兴还尊所赞礼者引主人依昭穆酌献如上仪【唯不盥洗】讫赞礼者引主人诣东序西向立诸祝各以爵酌福酒合置一爵一

祝持爵进主人之左北向立主人 拜受爵祭酒啐酒奠爵兴诸祝各帅执饌者以俎进减神前胙肉各置一俎上又以笱遍取稷黍饭共置一笱祝先以饭笱进主人受以授左右祝又以俎以次进主人每受以授左右讫主人跪取爵遂饮卒爵祝进受爵复于坫主人兴 拜赞礼者引主人降自东阶还本位西向立主人献将毕赞礼者引亚献诣罍洗盥手洗爵升自东阶诣始祖酒尊所执尊者举罍亚献酌盎齐赞礼者引亚献进诣始祖神坐前西面跪奠爵少退西向 拜赞礼者引亚献以次酌献如上仪讫赞礼者引亚献诣东序西向立诸祝各以爵酌福酒合置一爵一祝持爵进亚献之左北向立亚献 拜受爵跪祭酒遂引卒爵祝进受爵复于坫亚献兴 拜赞礼者引亚献降复位又赞礼引终献诣罍洗盥洗升献如亚献之仪讫降复位诸祝皆进神坐前跪彻豆兴还樽所【彻者笱豆各一少移于故处】赞唱者曰 拜非饮福受胙者皆 拜赞唱者又曰 拜主人以下皆 拜赞礼者进主人之左白礼毕遂引主人出赞礼者引亚献以下及子孙以次出诸祝与执樽罍篚者俱复执事位立定赞唱者曰 拜诸祝以下皆 拜执尊罍篚者出诸祝与奄者匱神主置于舆纳于埽室如常仪

三品以下禘享其庙

前享五日筮于庙门之外斋及设位牲牷祭器皆如时享之仪掌事者以樽坫入设于庙堂皆于神坐之左昭坐之尊在前楹间北向始祖及穆坐之尊在户外南向俱以近神为上未毁庙之尊坫于前楹下各于室内之东北向西上皆加勺罍【其首坐爵一余坐皆爵四各置于坫】设祭器于东序西向每坐簋在前簠次之登次之鉶次之笱次之豆次之俎在後每坐异之皆以南为上屈陈而下设洗于东阶东南东西当东溜南北以堂深罍水在洗东加勺罍篚在洗西南肆实爵三巾二篚加罍【凡器皆濯面陈之】执尊罍篚罍者各位于樽罍篚罍之後享日未明烹牲于厨夙兴掌饌者实祭器【牲体皆载右胖前脚三节节一段肩臂臠皆载之後脚三节节一段去下一节载上肫脰二节又取正脊脰脊横脊短肋正肋代肋各二骨以并余皆不设簋实黍稷簠实稻粱笱实塩脯枣栗之属豆实醢醢醢菹之类】掌庙者设神坐于庙堂之上自西序以东始祖坐于西序东向昭坐于始祖东北南向穆坐于始祖东南北向俱西上其未毁庙之主各于其室如时享【若始封者仍在即各于其室如时享】主人以下各服其服掌事者入实尊罍【每室四尊一实醴齐为上一实盎齐次之玄酒各实于上尊设玄酒者重古设而不酌者也】祝版各置于坫诸祝与奄者入立于庭北面西上掌事者持?舆从入立于东阶下西面立定祝与奄者皆 拜讫帅?舆升自东阶诣始祖庙入开埽室出神主置于舆出诣坐前以主置于坐以次出毁庙神主如常仪未毁庙主出置于室内之坐如时享【夫人之主奄人奉出俱并而处右】讫出还斋所质明赞礼者引亚献以下及子孙俱就门外位赞唱者先入就位诸祝与执樽罍者入立于庭北面西上立定赞唱者曰 拜祝以下皆 拜各就位掌饌者奉饌陈于门外赞礼者引主人就位又赞礼者引亚献以下及子孙以次入就位立定赞唱者曰 拜主人以下皆 拜赞礼者进主人之左白请行事退复位掌饌者引饌入升自东阶诸祝迎引于阶上各设于神坐前【笱居左豆居右簋簠登鉶居其间羊豕二俎横陈重于右腊俎特于左】执炉炭萧稷黍臠膋者从其俎升设于神坐之左少後其萧稷各置于炉炭下施設讫掌饌以下降出诸祝各取萧稷擣于脂燔于炉炭还樽所赞礼者引主人诣罍洗执罍者酌水执洗者跪取盘兴承水主人盥手执篚者跪取巾于篚兴进主人拭手执篚者受巾跪奠于篚遂取爵兴以进主人受爵执罍者酌水主人洗爵执篚者又跪取巾

于筐兴进主人拭爵讫受巾跪奠于筐奉盘者跪奠盘兴【凡取物者跪俛伏而取以兴奠物则奠讫俛伏而後兴】赞礼者引主人自东阶升堂诣始祖酒尊所执尊者举冪主人酌醴齐赞礼者引主人诣始祖神坐前西向跪奠爵兴少退西向立祝持版进于神坐之右北面跪读祝文曰维某年岁次月朔日子孝曾孙某官封敢昭告于始祖考某谥祖妣夫人某氏岁序推移伏增远感谨以柔毛刚鬣明粢芻合芻蕘嘉蔬嘉荐醴齐祗荐禋享于始祖考某谥尚享【祖考及子孙各依尊卑称号祝文同】讫兴主人 拜祝进跪奠版于神坐兴还樽所赞礼者引主人依昭穆入室酌献如上仪【惟不盥洗】赞礼者引主人诣东序西向立诸祝各以爵酌福酒合置一爵一祝持爵进主人之左北向立主人 拜受爵跪祭酒啐酒奠爵兴诸祝各帅执饌者以俎进减神前胙肉各共置一俎上又以笱遍取稷黍饭共置一笱祝先以饭笱进主人受以授左右祝又以俎以次进主人每受以授左右讫主人跪取爵遂饮卒爵祝进受爵复于坫主人兴 拜赞礼者引主人降自东阶还本位西向立初主人献将毕赞礼者引亚献诣盥洗爵升自东阶诣始祖酒尊所执尊者举冪亚献酌盎齐赞礼者引亚献进诣始祖神坐前西向跪奠爵兴少退西向 拜赞礼者引亚献以次酌献如上仪讫赞礼者引亚献诣东序西向立诸祝各以爵酌福酒合置一爵一祝持爵进亚献之左北向立亚献 拜受爵跪祭酒遂饮卒爵祝进受爵复于坫亚献兴 拜赞礼者引亚献降复位又赞礼者引终献诣盥洗盥洗升献如亚献之仪讫降复位诸祝皆进神坐前跪彻豆兴还尊所【彻者笱豆各一少移于故处】赞唱者曰 拜非饮福受胙者皆 拜赞唱者又曰 拜主人以下皆 拜赞礼者进主人之左白礼毕遂引主人出赞礼者引亚献以下及子孙以次出诸祝与执樽罍筐者俱复执事位立定赞唱者曰 拜诸祝以下皆 拜执樽罍筐者出诸祝与奄者匱神主置于舆纳于埽室如常仪

大唐开元礼卷七十六

卷七十七

钦定四库全书

大唐开元礼卷七十七 唐 萧嵩等 撰吉礼

四品五品时享其庙

前享五日筮于庙门之外主人公服立于门东西面掌事者各服其服立于门西东面北上设筮席于闑西阼外西面筮者开鞶出策兼执之东面受命于主人主人曰孝曾孙某来日丁亥祇享于庙尚飨【非必丁亥也直举一日以言之己亥辛亥苟有亥焉可也】筮者曰诺进就筮席西面以鞶击筮遂述曰假尔太筮有常孝曾孙某来日丁亥祇享于庙尚飨乃释鞶坐筮讫兴降席东面称占曰从筮者退若不吉则筮远日如初仪赞礼者进主人之左告礼毕掌事者彻筮席先享三日主人及亚献终献并执事者各散斋二日于正寝致斋一日于庙所【同官僚佐之长为亚献其次为终献无则亲宾为之】子孙及凡入庙者各于家清斋一宿散斋不吊丧问疾不作乐不行刑罚不预秽恶致斋惟祭事得行其余悉断其享官已斋而阙者通摄行事前一日之夕清扫内外掌庙者整拂神幄赞礼者设主人之位於东阶东南西向亚献终献位于主人东南掌事者位于终献东南俱重行西向北上设子孙之位于庭重行北面西上设赞唱者位于终献西南西向设亚献以下门外位于门外之东执事者在南差退俱西向设牲腍于南门北向以西为上掌牲者位于牲西北东向诸祝位于牲後俱北向设亚献省牲位于牲前近东西向祭器之数每室尊二簋二簠二登二鉶二俎二笾六豆六掌事者以尊入设于前楹下各于室户之东北向西上皆加勺冪【首坐爵一余坐爵四置于尊下】设祭器于东序西向每坐簋在前簠次之登次之鉶次之笾次之豆次之俎在後每坐异之皆以南为上屈陈而下设洗於东阶东南东西当东溜南北以堂深疊水在洗东篚在洗西南肆实爵三巾二于篚加冪【凡器皆濯而陈之】执樽疊洗篚者各位于樽疊洗篚之後掌事者以牲就腍位赞礼者引亚献入诣东阶升堂遍视涤濯【于视濯执尊者皆举冪告洁】讫引降就省牲位亚献省牲掌牲者前东面举手曰牖还本位诸祝各循牲一匝北向举手曰充还本位诸祝与掌牲者以次牵牲付厨赞礼引终献诣厨省鼎饌视濯漑【亚献以下每事讫各还斋所】执饌者入彻簋簠笾豆鉶以出享日未明烹牲于厨夙兴掌饌者实祭器【牲体皆载右胖前脚三节节一段肩臂臠皆载之後脚三节节一段去下一节载上肫胙二节又取正脊脰脊横脊短肋正肋代肋各二骨以并余皆不设簋实黍稷簠实稻粱笾实醢脯枣栗之属豆实醢醢醢菹之类】主人以下各服其服掌事者入实尊罍【每尊二一实玄酒为上一实醴齐次之】祝版各置于尊所诸祝入立于庭北面西上立定皆再拜讫升自东阶整拂几筵讫出还斋所质明赞礼者引亚献以下及子孙俱就门外位赞礼者先入就位诸祝与执尊者入立于庭北面西上立定赞唱者曰再拜祝以下皆再拜各就位掌饌者奉饌陈于门外赞礼者引主人入就位又赞礼者引亚献以下及子孙以次入就位立定赞唱者曰再拜主人以下皆再拜赞礼者进主人之左白请行事退复位掌饌者引饌入升自东阶诸祝迎引于阶上各设于神坐前【笾居左豆居右簋簠登鉶居其间羊豕二俎横陈重于右腊俎特于左】执炉炭萧稷臠膋者各从其俎升置于堂户外之左其萧稷各置于炉炭下施設讫掌饌以下降出诸

祝各取萧稷擣于脂燔于炉炭还尊所赞礼者引主人诣盥洗执盥者酌水执洗者跪取盘兴承水主人盥手执篚者跪取巾于篚兴进主人拭手执篚者受巾跪奠于篚遂取爵兴以进主人受爵执盥者酌水主人洗爵执篚者又跪取巾于篚兴进主人拭爵讫受巾跪奠于篚奉盘者跪奠盘兴【凡取物者跪俛伏而取以兴奠物则奠讫俛伏而後兴】赞礼者引主人自东阶升堂诣某祖酒尊所执尊者举冪主人酌酒赞礼者引主人进诣某祖神坐前北面跪奠爵兴出户北向立祝持版进户外之右东面跪读祝文曰维某年岁次月朔日子孝曾孙某封官【无封者但称官】敢昭告于某祖考某諡封时惟仲春【夏云仲夏秋云仲秋冬云仲冬】伏增远感谨以柔毛刚鬣嘉荐普淖醴齐敬荐祠【其酌尝蒸各随时言】于某祖考某諡封某祖妣夫人某氏配尚飨【祖考及子孙各依尊卑称号祝文同】讫兴主人再拜祝进跪奠版於神坐兴还尊所赞礼者引主人以次酌献如上仪【惟不盥洗】讫赞礼者引主人诣东序西向立诸祝各以爵酌福酒合置一爵一祝持爵进主人之左北向立主人再拜受爵跪祭酒啐酒奠爵兴诸祝各帅执饌者以俎入减神前胙肉各共置一俎上又以笾遍取稷黍饭共置一笾祝先以饭笾进主人受以授左右又以俎授主人每受以授左右讫主人跪取爵遂饮卒爵祝进受爵复尊所主人兴再拜赞礼者引主人降自东阶还本位西向立初主人献将毕赞礼者引亚献诣盥洗盥手洗爵升自东阶诣某祖酒尊所执尊者举冪亚献酌酒赞礼者引亚献进某祖神坐前北向跪奠爵兴出户北向再拜赞礼者引亚献以次酌献如上仪讫赞礼者引亚献诣东序西向立诸祝各以爵酌福酒合置一爵一祝持爵进亚献之左北向立亚献再拜受爵跪祭酒遂饮卒爵祝进受爵复于尊所亚献兴再拜赞礼者引亚献降复位又赞礼者引终献诣盥洗盥手升献如亚献之仪讫降复位诸祝皆进神坐前跪彻豆兴还尊所【彻者笾豆各一少移于故处】赞唱者曰再拜非饮福受胙者皆再拜赞唱者又曰再拜主人以下皆再拜赞礼者进主人之左白礼毕遂引主人出赞礼者引亚献以下及子孙以次出诸祝与执尊盥篚者俱复执事位立定赞唱者曰再拜诸祝以下皆再拜与执尊盥篚者出

卷七十八

钦定四库全书

大唐开元礼卷七十八 唐 萧嵩等 撰吉礼

六品以下时祠 王公以下拜扫【寒食拜扫附】 六品以下时祠

前享五日筮于正寝之堂【若有庙者筮于庙门外如五品以上之仪】主人公服立于堂上楹间近东西面掌事者立于楹间近西东面北上设筮席于主人之西西面筮者开鞶出策兼执之东面受命于主人主人曰孝孙某来日丁亥春祠【有庙者云祇享于庙下同】尚飨筮者曰诺进就筮席西面以鞶击筮遂述曰假尔泰筮有常孝孙某来日丁亥春祠尚享乃释鞶坐筮讫兴降席东面称占从筮者退若不吉则筮远日如初仪赞礼者进主人之左告礼毕掌事者彻筮席先享三日主人及亚献终献并执事者各散斋二日致斋一日【亚献终献亲宾为之】子孙及凡预享事各清斋一宿散斋不吊丧问疾不作乐不行刑罚不预秽恶致斋惟享事得行其余悉断其已斋而阙者通摄行事前一日之夕清扫内外赞礼者设主人之位于东阶东南西向亚献终献位于主人东南掌事者位于终献东南俱重行西向北上设子孙之位于终献西南西面设亚献以下门外位于门外之东执事者在南差退俱西向设牲腍于南门之外当门北向以西为上掌牲位于牲西北东向诸祝位于牲後俱北向设亚献省牲位于牲前近东西向祭器之数每坐尊二簋一簠一登一鉶一俎一笾二豆二掌事者以尊入设于楹下近东北向西上皆加勺罍【首坐爵一余皆爵四置于尊下】设祭器于东序西向每坐簋在前簠次之登次之鉶次之笾次之豆次之俎在後每坐异之以南为上设洗於东阶东南东西当东溜南北以堂深疊水在洗东加勺罍篚在洗西南肆实爵二巾二于篚加罍【凡器物皆濯而陈之】执尊疊洗篚者各位于尊疊洗篚之後掌牲者以牲就腍位亚献省牲掌牲者前东面举手曰腍还本位诸祝各循牲一匝北面举手曰充俱还本位诸祝与掌牲者以次牵牲付厨赞礼者引终献诣厨省鼎饌视濯漑【亚献以下每事讫各还斋所】执饌者入彻簋簠笾豆登鉶以出享日未明烹牲于厨夙兴掌饌者实祭器【牲体皆载右胖前脚三节节一段肩臂臠皆载之後脚三节节一段去下一节载上肫脰二节又取正脊脰脊横脊短肋正肋代肋各二骨以并余皆不设簋实稷簠实黍笾实脯枣豆实菹醢】主人以下各服其服掌事者入实尊疊【每室二尊一实玄酒为上一实醴齐次之】祝版各置于尊所诸祝设神坐于正寝室内祖坐在西东向祢坐在祖坐东北南向皆有几讫各就位质明赞礼者引亚献以下及子孙俱就位诸祝与执尊疊者入立于庭北面西上立定赞唱者曰再拜祝以下皆再拜各就位掌饌者奉饌陈于门外赞礼者引主人入就位又赞礼者引亚献以下及子孙以次入就位立定赞唱者曰再拜主人以下皆再拜赞礼者进主人之左白请行事退复位掌饌者引饌入升自东阶诸祝迎引于阶上各设于神坐前【笾居左豆居右簋簠登鉶居其间俎横于其前】执炉炭萧稷臠膋者从其俎升置于堂户外之左其萧稷各于炉炭下施設讫掌饌以下降出祝取萧稷擣于脂燔于炉炭还樽所赞礼者引主人诣疊洗执疊者酌水执洗者跪取盘兴承水主人盥手执篚者跪取巾于篚兴进主人拭手执篚者受巾跪奠于篚遂取爵兴以进主人受爵执疊者酌水主人洗爵执篚者又跪取巾于篚兴进主人拭爵讫受巾跪奠于

簠奉盘者跪奠盘兴【凡取物者皆跪俛伏而取以兴奠物则奠讫俛伏而後兴】赞礼者引主人自东阶升堂诣祖酒尊所执尊者举冪主人酌酒赞礼者引主人进诣祖神坐前西向跪奠爵兴少退西向立祝持版进于神坐之右北面跪读祝文曰维某年岁次月朔日子孝孙某官封某【无封者单称官无官者称名而已】敢昭告于祖考某諡封祖妣夫人某氏时惟仲春【仲夏仲秋仲冬】伏增远感谨以刚鬣嘉荐普淖醴齐祗荐祠事尚飨【考及子各依尊卑称号其祝文并同】讫兴主人再拜祝进跪奠版于神坐兴还尊所赞礼者引主人诣祖考酒尊所酌酒进祖考神坐前北向跪奠爵兴少退北向立祝持版进于祖考神坐之左西向跪读祝文余皆如上仪【惟不盥洗】讫赞礼者引主人诣祖坐前近东西向立诸祝各以爵酌福酒合置一爵一祝持爵进主人之左北向立主人再拜受爵跪祭酒啐酒奠爵兴诸祝各帅执饌者以俎入减神前胙肉共置一俎上又以笾遍取稷黍饭共置一笾祝先以饭笾进主人受以授左右祝又以俎次授主人受以授左右讫主人跪取爵遂饮卒爵祝进受爵复于尊所主人兴一拜赞礼者引主人降自西阶还本位西向立初主人献将毕赞礼者引亚献诣盥洗盥手洗爵升自东阶诣祖酒尊所执尊者举冪亚献酌酒赞礼者引亚献进诣先祖神坐前西向跪奠爵兴少退再拜赞礼者引亚献酌酒北面献爵余如上仪讫赞礼者引亚献诣祖神坐前近东西向立诸祝各以爵酌福酒合置一爵一祝持爵进亚献之左北向立亚献再拜受爵跪祭酒遂饮卒爵祝进受爵复于尊所亚献兴再拜赞礼者引亚献降复位又赞礼者引终献诣盥洗盥手升献如亚献之仪讫降复位诸祝皆进神坐前跪彻豆兴还樽所【彻者笾豆各一少移于故处】赞唱者曰一拜非饮福受胙者皆再拜赞唱者又曰一拜主人以下皆再拜赞礼者进主人之左白礼毕遂引主人出赞礼者引亚献以下及子孙以次出诸祝与执尊罍簠者俱复执事位立定赞唱者曰再拜诸祝以下皆再拜与执尊罍簠者出

王公以下拜扫

先期卜日如常仪前一日掌事者设次于莹南百步道东西向北上备芟翦草木之器赞礼者设主人以下位于莹门外之东西面以北为上其日主人到次改服公服无者常服赞礼者赞再拜主人以下俱再拜赞礼者引主人以下入奉行坟莹【精灵感慕有泣无哭】至于封树内外环绕展省三周其有荆棘虑与荒草连接者皆随即芟翦不令火田得及扫除讫赞礼者引主人以下复门外位赞礼者引之次遂还第若假满或远行辞墓若外官假满或京官远行辞墓泣而後行其寒食上墓如前拜扫仪惟不卜日【古者宗子去在他国庶子无庙许望墓为坛以时祭今之上墓义或有凭然神道尚幽不可逼黷莹域宜于墓南山门之外设净席为位望祭以时饌如平生所嗜若一莹数墓每墓各设位席昭穆异列以西为上主人盥手奠爵三献而止彻饌讫主人以下辞墓食余饌者可于他处避不见墓孝子之情也】

大唐开元礼卷七十八

卷七十九

钦定四库全书

大唐开元礼卷七十九 唐 萧嵩等 撰宾礼

蕃国主来朝以束帛迎劳

遣使戒蕃主见日 蕃主奉见

受蕃国使表及币

蕃主来朝遣使迎劳

前一日守宫殿次於候馆门之外道右南向其日使者至掌次者引就次蕃主服其国服所司引立于东阶下西面【凡蕃主进止所司先引制使皆谒者先导】使者朝服出次立於门西东面从者执束帛立於使者之南蕃主有司出门东西面曰敢请事使者曰奉制劳某主【称其国名】有司入告蕃主迎於馆门外之东西面再拜使者与蕃主俱入使者先升立于西阶上执束帛者从升立于使者之北俱东面蕃主升立于东阶上西面使者执币称有制蕃主将下拜使者曰有後制无下拜蕃主旋北面再拜稽首使者宣制讫蕃主进受币【彩五疋为一束其蕃主答劳使各以土物其多少相准不得过劳币劳于远郊其礼同蕃主还赠于远郊亦如之劳蕃使即无束帛】退复位以币授左右又再拜稽首使者出立于馆门外之西东面蕃主送于馆门之外西面答使者蕃主揖使者俱入让升蕃主先升东阶上西面使者升西阶上东面蕃主以土物宾使者使者再拜受蕃主再拜送物使者降出蕃主从出外皆如初蕃主再拜送使者还蕃主入鸿臚迎引诣朝堂依方北面立所司奏闻舍人承勅出称有勅蕃主再拜宣劳讫又再拜所司引就馆如常仪

皇帝遣使戒蕃主见日

前一日守宫设次于馆门之外道右南向其日使者至掌次者引就次蕃主服其国服降立于东阶下西面蕃主诸官立于蕃主之後西面北上使者朝服出次立于门西东面蕃主有司出门东西面曰敢请事使者曰奉制戒某主见日有司入告蕃主迎于馆门外之东西面再拜使者与蕃主俱入使者升自西阶东面蕃主升自东阶西面使者称有制蕃主再拜宣制曰某日某主见蕃主又再拜稽首使者降出蕃主送於馆门之外西面再拜使者还蕃主入

蕃主奉见【奉辞礼同】

前一日尚书奉御整设御幄于太极殿北壁南向守宫设次太乐令展宫悬设举麾位于上下鼓吹令设十二案乘黄令陈车辂尚辇奉御陈舆辇尚舍奉御铺蕃主牀坐于御座西南东

向并如常仪其日典仪设蕃主位于悬南道西北面又设蕃国诸官之位于蕃主位後各依其班重行北面以西为上设典仪位于悬之东北赞者二人在南差退俱西面诸卫各勒所部列黄麾仗屯门及陈於殿庭太乐令帅工人入就位协律郎入就举麾位所司迎引蕃主至承天门外通事舍人引就次本司入奏鉞戟近仗入陈如常典仪帅赞者先入就位侍中版奏请中严诸侍卫之官各服其服符宝郎奉宝俱诣合奉迎蕃主服其国服出次通事舍人引立于合外西厢东面【若更有诸蕃以国大小为叙】蕃国诸官各服其服立于蕃主之後俱东面北上侍中版奏外办皇帝服通天冠绛纱袍乘舆以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎举麾鼓祝奏太和之乐以姑洗之均皇帝出自西房即御坐南向坐符宝郎奉宝置于御座侍卫如常偃麾戛敌乐止【凡乐皆协律郎举麾工鼓祝而後作偃麾戛敌而止】舍人引蕃主入门舒和之乐作至位乐止典仪曰再拜赞者承传蕃主再拜稽首侍中承制降旨蕃主西北东面称有制蕃主再拜稽首宣制讫又蕃主再拜稽首侍中回奏又承制降劳勅令升坐蕃主再拜稽首舍人引蕃主乐作蕃主至阶乐止舍人接引升至坐後蕃主就坐俛伏侍中承制劳问蕃主俛伏避席将下拜侍中承制曰无下拜蕃主复位拜对如常侍中回奏又承制劳还馆舍人引蕃主降自西阶典谒承引乐作复悬南位乐止蕃主再拜稽首讫舍人引蕃主乐作蕃主出门乐止初蕃主升坐舍人引蕃国诸官以次入就位立定典仪曰再拜赞者承传蕃国诸官俱再拜稽首舍人承勅降自西阶诣蕃国诸官西北东面称勅旨蕃国诸官皆再拜稽首对讫又再拜稽首舍人回奏又承勅降劳还馆蕃国诸官俱再拜稽首于蕃主出舍人引蕃国诸官以次出讫侍中前跪奏称侍中臣某言礼毕俛伏兴还侍位皇帝兴太乐令令撞蕤宾之钟左五钟皆应鼓祝奏太和之乐皇帝降坐乘舆入自东房侍卫警蹕如常仪侍臣从至阁乐止

皇帝受蕃使表及币【其劳及戒见日亦如上仪】

前一日尚舍奉御整设御幄于所御之殿北壁南向守宫设使者次太乐令展宫悬设举麾位于上下并如常仪其日典仪设使者位于悬南重行北面以西为上庭实位于客前典仪位于悬东北赞者二人在南差退俱西向诸卫勒所部列黄麾半仗屯门及入陈於殿庭太乐令帅工人入就位协律郎入就举麾位所司引客至承天门外典谒引就次本司入奏鉞戟近仗入陈如常典仪帅赞者先入就位侍中版奏请中严侍卫之官各服其器服符宝郎奉宝俱诣合奉迎使者服其国服奉书出次通事舍人引立于合外西厢东面从者执币玉庭实立于後俱东面北上侍中版奏外办皇帝服通天冠乘舆以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应鼓祝奏太和之乐以姑洗之均皇帝出自西房即御座南向坐符宝郎奉宝置于御座侍卫如常仪乐止中书侍郎一人令史二人持案预俟于西阶下东向北上舍人引使者及庭实入就悬南位使者初入门舒和之乐作立定乐止【大蕃大使为作乐次蕃大使及大蕃中使以下皆不设乐悬及黄麾仗】中书侍郎帅持案者进诣使者前东面侍郎受书置于案回诣西阶侍郎取书升奏持案者退初侍郎奏书有司各帅其属受币于庭典仪曰再拜赞者承传使者以下皆再拜舍人前承制降旨使者前蕃国主使者再拜对讫又再拜舍人回奏又承勅问其臣下使者再拜对又劳使者以下拜对及舍人回奏并如常仪舍人承制劳还馆使者再拜舍人引使者以下出乐作止如常侍中前跪奏称侍中臣言礼毕俛伏兴还侍位皇帝兴太乐令令撞蕤宾之钟左五钟皆应鼓祝奏太和之乐

皇帝降坐乘輿入自东房侍卫警蹕如常仪侍臣从至合乐止

大唐开元礼卷七十九

卷八十

钦定四库全书

大唐开元礼卷八十 唐 萧嵩等 撰宾礼

皇帝宴蕃国主 皇帝宴蕃国使

皇帝宴蕃国主

前一日尚舍奉御整设御幄于所御之殿北壁南向尚食奉御太官令各具饌守宫设次太乐令设登歌位于殿上展宫悬于殿庭设举麾位于上下鼓吹令设十二案乘黄令陈车辂尚辇奉御陈輿辇并如常仪其日尚舍奉御铺蕃主牀座于御座西南蕃国诸官应升殿者坐于蕃主之後设不升殿者坐于西廊下俱东面北上尚食奉御设御酒樽太官令设蕃主以下酒樽并如常仪典仪设蕃主版位于悬南又设蕃国诸官之位于蕃主之後俱重行北向西上设典仪位于悬之东北如常仪诸卫各勒所部列黄麾仗屯门陈于殿庭太乐令帅工人二舞入就位协律郎入就举麾位所司迎引蕃主至承天门外通事舍人引入次【凡蕃客出入升降皆掌客监引】所司入奏鉞戟近仗入陈如常典仪帅赞者先入就位侍中版奏请中严侍卫之官各服其器服符宝郎奉宝俱诣合奉迎蕃主服其国服出次通事舍人引立于合外西厢东面蕃国诸官各服其国服立于蕃主之後俱东面北上侍中版奏外办皇帝服通天冠绛纱袍乘輿以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎举麾鼓祝奏太和之乐鼓吹振作【凡乐皆协律郎举麾工鼓祝而後作偃麾戛戩而後止】皇帝出自西房即御座南向坐符宝郎奉宝置於御座侍卫如常仪典仪一人升立於东阶上赞者二人立於阶下俱西面通事舍人引蕃主入国诸官从入蕃主入门舒和之乐作蕃主至位乐止其有献物则从入陈于蕃主之前以西为上立定典仪曰再拜赞者承传蕃主及蕃国诸官皆再拜侍中承旨降勅蕃主升坐蕃主再拜蕃主奉贄【其贄随其国所有一以轻者为之】曰某国蕃臣某敢献壤奠侍中升奏又侍中承旨曰朕其受之侍中降于蕃主东北西向称有制蕃主再拜宣制讫蕃主又再拜讫以贄授侍中侍中以贄授所司又所司受其余币俱以东舍人承旨奉勅蕃国诸官等坐蕃国诸官俱再拜通事舍人引蕃主又通事舍人引蕃国诸官应升殿者诣西阶蕃主初行乐作至阶乐止通事舍人各引升立于座後初蕃国诸官诣西阶其不升殿者通事舍人分引立于廊下席後立定殿上典仪唱就坐阶下赞者承传蕃主以下皆就位俛伏坐太乐令引歌者及琴瑟至阶脱履於下升就坐位其笙管者就阶间北面立尚食奉御进酒至阶殿上典仪唱酒至兴阶下赞者承传蕃主以下皆俛伏兴立坐後殿中监到阶省酒尚食奉御奉酒进皇帝举酒良醕令又行酒殿上典仪唱再拜阶下赞者承传蕃主以下皆再拜搢笏受觶殿上典仪唱就坐阶下赞者承传蕃主以下皆就坐俛伏坐饮皇帝初举酒登歌作昭和三终尚食奉御进受虚觶奠于坫登歌讫降复位觴行三周尚食奉御进御食食升于阶殿上典仪唱食至兴阶下赞者承传蕃主以下皆执笏俛伏兴立座後殿中监到阶省案尚食奉御品尝食讫以次进置御前太官令又行蕃主以下食案设讫殿上典仪唱就坐阶下赞者承传蕃主以下皆就坐俯伏坐皇帝乃饭休和之乐作蕃主以下皆饭

御食毕乐止蕃主以下食讫尚食太官俱彻案又行酒遂设庶羞二舞以次入作若赐酒舍人前承旨诣受赐者前蒙赐者执笏俛伏起立坐後舍人称赐酒蒙赐者再拜酒至蒙赐者搢笏受觶就席俛伏饮卒觶俯伏起立授虚觶又再拜就席俛伏坐会毕通事舍人赞蕃主兴蕃主以下皆俛伏兴立座後通事舍人引降乐作复悬南位乐止其廊下者通事舍人引复悬南位立定典仪曰再拜赞者承传蕃主以下皆再拜若有筐篚舍人前承旨降宣勅蕃主以下皆再拜太府帅其属以衣物以次授之讫蕃主以下又再拜通事舍人引出乐作出门乐止侍中前跪奏称侍中臣某言礼毕俛伏兴还侍位皇帝兴太乐令令撞?宾之钟左五钟皆应奏太和之乐鼓吹振作皇帝降坐乘輿入自东房侍卫警蹕如常仪侍臣从至合乐止

皇帝宴蕃国使

前一日尚舍奉御设御幄于殿之北壁南向太官令具饌守宫设使者次太乐令展宫悬于殿庭设举麾位于上下并如常仪【若大蕃中使小蕃大使等以下则不设乐及黄麾仗】其日尚舍奉御铺使者牀于御座西南设不升殿者座席于西厢下俱东面北上典仪设使者位于悬南重行北向东上设典仪赞者位于悬之东北如常仪诸卫各勒所部列黄麾半仗屯门及陈于殿庭太乐令帅工人二舞入就位所司迎引使者至承天门外通事舍人引就次所司入奏鉞戟近仗入陈如常典仪帅赞者先入就位侍中版奏请中严诸侍卫之官各服其器服诣合蕃使以下服其国服出次通事舍人引立于合外西厢东面从者立于使者之後重行东面北上侍中版奏外办皇帝服通天冠绛纱袍【不设乐者则常服】乘輿以出曲直华盖侍卫警蹕如常仪皇帝将出仗动太乐令令撞黄钟之钟右五钟皆应协律郎举麾鼓祝奏太和之乐【凡乐皆协律郎举麾工鼓祝而後作偃麾戛敌而後止】皇帝出自西房即御座西向坐符宝郎奉宝置于御座侍卫如常仪乐止典仪一人升立于东阶上赞者二人立于阶下俱西面典仪引使者以下入就悬南位使者初入门作舒和之乐至位乐止立定典仪曰再拜赞者承传使者以下皆再拜舍人前承旨降勅使者升坐使者以下皆再拜通事舍人引应升殿者诣西阶乐止如常通事舍人引立于座後其不升殿者分引诣廊下席後上下立定殿上典仪唱就座阶下赞者承传上下诸客各就座俛伏坐酒至阶殿上典仪唱酒至兴阶下赞者承传上下诸客皆俛伏兴立座後太官令行酒殿上典仪唱再拜阶下赞者承传上下诸客皆再拜搢笏受觶殿上典仪唱就坐阶下赞者承传蕃使以下诸客皆就坐俛伏坐饮觴行三周食升阶殿上典仪唱食至兴阶下赞者承传上下诸客皆执笏俛伏兴立座後太官令行诸客案设食讫殿上典仪唱就坐阶下赞者承传上下诸客皆就坐俛伏坐上下诸客皆饭诸客食讫太官令俱彻案又行酒遂设庶羞二舞以次入作若赐酒舍人前承旨诣受赐者前蒙赐者执笏俛伏起立座後舍人称赐酒蒙赐者再拜搢笏受觶就席俛伏饮卒觶俛伏兴立授虚觶又再拜就席俛伏坐会毕通事舍人赞使者兴上下诸客皆俛伏兴立座後通事舍人引使者降乐作复悬南位乐止其廊下者分引复位立定典仪曰再拜赞者承传使者以下皆再拜若有筐篚舍人前承旨降宣勅使者以下又皆再拜太府帅其属以次授之讫使者以下又再拜通事舍人引出乐作出门乐止侍中前跪称侍中臣某言礼毕俛伏兴还侍位皇帝兴太乐令令撞蕤宾之钟左五钟皆应奏太和之乐皇帝降坐乘輿入自东房侍卫警蹕如常仪侍臣从至合乐止

大唐开元礼卷八十

卷八十一

钦定四库全书

大唐开元礼卷八十一 唐 萧嵩等 撰军礼

皇帝亲征类於上帝 纂严

斋戒 陈设

銮驾出宫 荐玉帛

进熟 銮驾还宫

纂严

纂严前一日本司承制宣摄内外诸司各随职备办尚舍奉御施御幄坐于太极殿北壁下南向如常守宫设羣官文武次于东西朝堂如常仪典仪设羣官位于殿庭文东武西每等异位重行北向相对为首乘黄令陈革辂及玉辂以下及车旗之属如常未明一刻开诸宫门诸卫勒所部列黄麾仗于门及陈于殿庭如常仪其日平明留从之官悉集朝堂次侍臣服平巾帻袴褶其将帅等及从行之官亦平巾帻袴褶留守之官公服上水五刻侍中版奏请中严鉞戟近仗以次列于殿庭上水三刻通事舍人引羣官以次就位诸侍臣俱诣合奉迎侍中版奏外办皇帝服武弁之服御马以出曲直华盖侍卫警蹕如常即御坐南向坐典仪唱再拜羣官在位者皆再拜訖中书令承旨勅百寮訖通事舍人以次引羣官出侍臣跪奏礼毕俛伏兴皇帝降坐御马入自东房侍臣从至合如常礼

斋戒

将告有司卜日如别仪前一日皇帝清斋于太极殿诸预告之官清斋于告所侍从之官应从升者及羣官客使等各于本司及公馆诸军将各于正寝俱清斋一宿【若在营者斋于军幕】晡後一刻诸卫令其属各以其方器服守卫墻门与太乐工人俱清斋一宿

陈设

前告三日尚舍直长施大次於外墻东门之内道北南向尚舍奉御铺御坐守宫设文武侍臣次于大次之後文官在左武官在右俱南向又设告官及从驾羣官次各於常所设军将次於外墻南门之外道东西向以北为上设陈饌幔於内墻东门之外道南北向前二日太乐令设宫悬之乐於坛南设登歌及举麾位於坛上并如常仪右校扫除坛之内外郊社令积柴於燎坛方一丈高一丈二尺开上南出户方四尺前一日奉礼设御位於坛之东南南向设望燎

位於柴坛之北南向设告官及从驾羣官版位於内外如常仪设军将位于悬南每等异位重行北面以西为上设军将门外位於南坛之外道东每等异位重行西向北上郊社令帅府史与斋郎以尊坫罍洗篚罍入设於位并如常仪执樽罍篚罍者各位於樽罍篚罍之後告日未明十五刻太官令帅宰人烹牲於厨【牲二一正座一配座】未明四刻太史令郊社令各服其服升设昊天上帝神坐於坛上北方南向席以藁秸设神坐於坐首

銮驾出宫

皇帝武弁乘革辂备大驾及严鼓时刻奏请进发内外器服皆如常仪前後备六军【诸军鼓严一准大驾】

荐玉帛

其日未明二刻诸告官各服其服郊社令良醢令各帅其属入实樽罍及玉【天帝太樽二实以泛齐明水实于上樽山罍二一实玄酒为上一实清酒次之玉帛以苍】太祝以玉帛置於篚太官令帅进饌者实笾豆簠簋等皆设於饌幔内未明一刻奉礼帅赞者先入就位赞引御史博士太祝以下及执事者入行扫除如常仪讫各就位驾将至谒者赞引各引告官以下及从告羣官客使先至者俱就门外位驾至大次门外回辂南向千牛将军降立辂右侍中进当銮驾前跪奏称侍中臣某言请降辂俛伏兴还侍位皇帝降辂之大次郊社令以祝版进署如常谒者赞引各引从驾羣官就门外位太乐令帅工人以次入就位【其升坛者皆脱履于下降纳如常】谒者赞引各引告官及从告羣官客使诸将军次入就位皇帝停大次半刻顷太常博士引太常卿立于大次门外当门北向侍中版奏外办皇帝出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引】至内壝门外殿中监进镇珪华盖仗卫停于门近侍者从入如常皇帝至版位西向立【每立定太常卿与博士退立于左】太常卿前奏请再拜退复位皇帝再拜奉礼曰衆官再拜赞者承传【凡奉礼有词赞者皆承传】衆官在位者皆再拜太常卿前奏有司谨具请行事退复位协律郎跪俛伏举麾【凡取物皆跪俛伏而取以兴奠物则奠讫俛伏而後兴】鼓祝奏豫和之乐以圜钟为角太簇为徵姑洗为羽乐六成偃麾戛敔乐止【凡乐皆协律郎举麾工鼓祝而後作偃麾戛敔而後止】太常卿前奏请再拜退复位皇帝再拜奉礼曰衆官再拜衆官在位者皆再拜太祝取玉帛于篚立于樽所太常卿引皇帝太和之乐作【皇帝每行皆作太和之乐】皇帝诣坛升自南陛近侍者从升如常仪皇帝升坛北向立乐止太祝以玉授侍中奉玉东向进皇帝搢镇珪【凡授物则搢镇珪奠讫执珪俛伏兴受】受玉帛登歌作肃和之乐以大吕之均太常卿引皇帝北面跪奠于昊天上帝神坐俛伏兴太常卿引皇帝少退北向立再拜讫登歌止太常卿引皇帝乐作皇帝降自南陛还版位西向立乐止

进熟

皇帝既升奠玉帛太官令出帅进饌者奉饌陈於内壝东门之外谒者引司徒出诣饌所司徒奉天帝之俎初皇帝既至位乐止太官令引饌入俎初入门奏雍和之乐以黄钟之均【自

後接神之乐皆奏黄钟之均】至陞乐止饌升自午陞太祝迎引于坛上各设於神坐前【筮豆盖冪彻之如式】谒者引司徒以下降自东陞复位诸执事各还樽所太常卿引皇帝诣罍洗乐作皇帝至罍洗乐止侍中跪取匱兴沃水又侍中跪取盘兴承水皇帝盥手黄门侍郎跪取巾於篚兴皇帝悅手訖黄门侍郎受巾跪奠於篚黄门侍郎又取匏爵於篚兴进皇帝受爵侍中酌罍水又侍中奉盘承水皇帝洗爵黄门侍郎又授巾如初皇帝拭爵訖侍中奠盘匱黄门侍郎受巾奠於篚皆如常太常卿引皇帝乐作皇帝诣坛升自南陞訖乐止谒者引司徒升自东陞立於樽所斋郎奉俎从升立於司徒之後太常卿引皇帝诣天帝酒樽所执樽者举冪侍中赞酌泛齐訖寿和之乐作【皇帝每酌献两饮福酒皆作寿和之乐】太常卿引皇帝进天帝神坐前北面跪奠爵俛伏兴太常卿引皇帝少退北向立乐止太祝持版进於神坐之右东面跪读祝文【祝文临时撰】訖兴皇帝再拜初读祝文訖乐作太祝进跪奠版於神坐兴还樽所皇帝拜訖乐止太常卿引皇帝进天帝神坐前北面立乐作太祝以爵酌上樽福酒合置一爵一太祝持爵以授侍中侍中受爵西向进皇帝再拜受爵跪祭酒啐酒奠爵俛伏兴诸祝各帅斋郎进俎太祝减神前胙肉如常太祝以俎授司徒奉俎西向进皇帝受以授左右皇帝跪取爵遂饮卒爵侍中进受爵以授太祝太祝受爵复於坵太常卿引皇帝乐作皇帝降自南陞还版位西向立乐止谒者引司徒降复位皇帝既降坛谒者引诸军将诣坛东陞立於天帝神坐前北向西上初军将升太祝帅斋郎以爵酌罍福酒进立於军将之西东面北上军将俱再拜受爵跪祭酒啐酒奠爵兴太祝各帅斋郎进俎减神前胙肉以次授军将受以授斋郎军将俱跪取爵遂饮卒爵太祝帅斋郎受爵复於坵军将俱兴再拜谒者引军将降复位诸祝各进跪彻豆兴还樽所【彻者筮豆各一少移于故处】奉礼曰赐胙赞者唱衆官再拜衆官在位者皆再拜【已饮福者不拜】豫和之乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏请就望燎位太常卿引皇帝乐作皇帝就望燎位南向立乐止于羣官将拜太祝各执篚进神坐前取玉币祝版斋郎以俎载牲体稷黍饭及酒爵各由陞登坛南行经悬内当柴坛南东行自南陞登柴坛以玉币祝版饌物置于柴上户内訖奉礼曰可燎东西面各六人以炬火燎半柴太常卿前奏礼毕太常卿引皇帝还大次乐作皇帝出内壝门殿中监前受镇珪华盖侍卫如常仪皇帝入次乐止谒者引告官及从驾羣官客使等与诸军将以次出赞引引御史太祝以下俱复执事位立定奉礼曰再拜御史以下皆再拜赞引出工人二舞以次出其祝版燔于斋所

銮驾还宫如郊社之仪

大唐开元礼卷八十一

卷八十二

钦定四库全书

大唐开元礼卷八十二 唐 萧嵩等 撰军礼

皇帝亲征宜于太社 斋戒

陈设 銮驾出宫

荐玉帛 进熟

銮驾还宫

斋戒

将告有司卜日如前仪前一日皇帝清斋于太极殿凡预告之官清斋于庙所近侍之官应从升者及羣官各使等各于本司及公馆诸军将各于正寝清斋一宿【若在营者斋于军幕】诸卫令其属晡後一刻各以其方器服守卫社宫门与太乐工人俱清斋一宿

陈设

前告三日尚舍直长施大次于社宫西门之外道北南向尚舍奉御铺御坐守宫设文武侍臣次于大次之後文官在左武官在右俱南向设告官及从驾羣官次各如常仪设军将次于社宫北门之外道西东向以北为上前二日太乐令设宫悬之乐于坛北又设登歌及举麾位于坛上并如常仪右校清扫内外又为瘞埴二于乐悬之北如常前一日奉礼设御位北门之内当社坛南向设太祝等奉币血位于埴北如常设告官及从驾羣官版位于内外如常仪郊社令帅府史一人及斋郎以樽坩罍洗筐冪入设皆如常仪执樽罍筐冪者各位于樽罍筐冪之後告日未明十五刻太官令帅宰人烹牲于厨【牲用黑牛二斋郎以豆取牲血如常】未明四刻太史令郊社令各服其服升设神席位如常

銮驾出宫

皇帝服武弁乘革辂陈大驾卤簿其严鼓时刻奏请进发内外器服皆如常仪前後备六军

奠玉币

其日未明二刻诸告官各服其服郊社令良醢令各率其属入实樽罍及玉【太樽实以醴齐配坐之象尊实亦如之其明水各实于上尊玉俱以两珪有邸】太祝各以币置于筐【币

随牲色各长一丈八尺】太官令帅进饌者实诸筮豆簠簋等皆设于神厨未明三刻奉礼帅赞者先入就位赞引引御史博士太祝诸执事者入行扫除如常仪讫各就位銮驾将至谒者赞引各引从驾羣官就门下位太乐令帅工人入就位【其升坛者皆脱履于下降纳如常】谒者赞引告官及从告羣官客使入就位皇帝停大次半刻顷太常博士引太常卿立于大次门外当门北向侍中版奏外办皇帝出次华盖侍卫如常仪博士引太常卿太常卿引皇帝【凡太常卿前导皆博士先引】社宫北门外殿中监进镇珪华盖仗卫停于门外近侍者从入如常皇帝至版位南面立【每立太常卿博士退立于左】太常卿前奏请再拜退复位皇帝再拜奉礼曰衆官再拜赞者承传【凡奉礼有词赞者皆承传】衆官在位者皆再拜太常卿前奏有司谨具请行事退复位协律郎跪俛伏举麾【凡取物者皆跪俛伏而取以兴奠讫则俛伏兴】鼓祝奏顺和之乐以函钟之均乐舞八成偃麾戛敌乐止【凡乐皆协律郎举麾工鼓祝而後作偃麾戛敌而後止】太常卿前奏请再拜退复位皇帝再拜奉礼曰衆官再拜衆官皆再拜诸祝俱取玉币于筐各立于樽所太常卿引皇帝太和之乐作【皇帝每行皆作太和之乐】皇帝诣太社坛升自北陛近侍者从升如常仪皇帝升坛南向立乐止太祝加玉于币以授侍中侍中奉玉币西向进皇帝受玉币登歌作肃和之乐以应钟之均太常卿引皇帝进南面跪奠于太社神坐俛伏兴太常卿引皇帝少退南面再拜太常卿引皇帝立于东方西向又太祝以币授侍中侍中奉币南面进皇帝受币太常卿引皇帝进西向跪奠于后土氏神坐前俛伏兴太常卿引皇帝少退西向再拜讫登歌止太常卿引皇帝降自北陛乐作太常卿引皇帝诣太稷坛升奠玉币于太稷氏后稷氏升降皆如太社坛仪太常卿引皇帝降自北陛乐止皇帝还版位南向立乐止

进熟

皇帝既升奠玉币太官令出帅进饌者奉饌入陈于西门之外司徒奉太社之俎初皇帝既至位乐止太官令引饌入太社太稷之饌入自正门后土后稷之饌入自左闕俎初入门雍和之乐作饌至陛乐止太社太稷之饌升自北陛后土后稷之饌升自西陛诸祝迎引于坛上各设于神坐前设讫谒者引司徒以下降复位诸祝各还樽所太常卿引皇帝诣盥洗乐作皇帝至盥洗乐止侍中跪取兴沃水又侍中跪取盘兴承水皇帝盥手黄门侍郎跪取巾於筐兴进帨手讫黄门侍郎受巾跪奠于筐黄门侍郎又取爵于筐兴进皇帝皇帝受爵侍中酌盥水又侍中奉盘承水皇帝洗爵黄门侍郎又授巾如初皇帝拭爵讫侍中奠盘匱黄门侍郎受巾奠于筐皆如常太常卿引皇帝乐作皇帝诣太社坛升自北陛乐止近侍官从升如常谒者引司徒升自西陛立于樽所斋郎奉俎从升立于司徒之後太常卿引皇帝诣太社酒樽所执樽者举冪侍中赞酌醴齐讫壽和之乐作【皇帝每酌献及饮福酒皆作壽和之乐】太常卿引皇帝进太社神坐前南面跪奠爵俛伏兴太常卿引皇帝少退南向立乐止太祝持版进于神坐之右西向跪读祝文【其祝文临时撰告以亲征意】讫兴皇帝再拜初读祝文讫乐作太祝进跪奠版于神坐前兴还樽所皇帝拜讫乐止太常卿引皇帝诣后土氏酒樽所执尊者举冪侍中取爵于坫进皇帝受爵侍中赞酌醴齐讫乐作太常卿引皇帝进后土氏神坐前西向跪奠爵俛伏兴太常卿引皇帝少退西向立乐止太祝持版进于神坐之左南向跪读祝文讫兴皇帝再拜初读祝文讫乐作太祝进跪奠版于神坐兴还樽所皇帝拜讫乐止太常卿引皇帝进太社神坐前南向立乐作太祝各以爵酌福酒合置一爵一太祝持爵以授侍中侍中受爵

东向以进皇帝再拜受爵跪祭酒啐酒奠爵俛伏兴诸祝各帅斋郎进俎太祝减太社神前胙肉太祝以俎授司徒司徒奉俎东向进皇帝受以授左右皇帝跪取爵遂饮卒爵侍中进受爵以授太祝太祝受爵复于坳皇帝俛伏兴再拜乐止太常卿引皇帝乐作皇帝降自北陛诣罍洗乐止谒者引司徒从降皇帝至罍洗盥手洗爵侍中黄门侍郎赞洗如常讫太常卿引皇帝乐作皇帝诣太稷坛升自北陛乐止皇帝酌献太稷后稷皆如太社后土之仪太常卿引皇帝降自北陛乐作皇帝还版位南面立乐止谒者引司徒降复位皇帝既降谒者引诸军将升自西陛进立于太社神坐前南面西上初军将升诸太祝各帅斋郎以爵酌罍福酒进立于军将之东西面南上军将俱再拜受爵跪祭酒啐酒奠爵兴诸太祝各帅斋郎进俎减神前胙肉以次授军将受以授斋郎军将俱跪取爵遂饮卒爵太祝帅斋郎受爵复于坳军将兴俱再拜谒者引军将降复位登歌作诸祝俱进彻豆还樽所登歌止【彻者豆笾各一少移于故处】奉礼曰赐胙赞者唱衆官再拜衆官皆再拜【已饮福受胙者则不拜】乐作太常卿前奏称请再拜退复位皇帝再拜奉礼曰衆官再拜衆官皆再拜乐一成止太常卿前奏请就望瘞位太常卿引皇帝乐作皇帝至望瘞位南向立乐止于羣官将拜诸祝各执筐进神坐前取玉币斋郎以俎载牲体稷黍饭爵酒各由其陛降坛南行当瘞埴西行诸祝以玉币饌物置于埴讫奉礼曰可瘞埴东西面各四人奠土半埴太常卿前奏礼毕太常卿引皇帝还大次乐作皇帝出社宫门殿中监前受镇珪华盖侍卫如常仪皇帝入次乐止谒者赞引各引告官及从驾羣官以次出赞引引御史以下俱复执事位立定奉礼曰再拜御史以下皆再拜赞引引出工人以次出其祝版燔於斋所

銮驾还宫如常仪

大唐开元礼卷八十二

卷八十三

钦定四库全书

大唐开元礼卷八十三 唐 萧嵩等 撰军礼

皇帝亲征告于太庙 斋戒

陈设 銮驾出宫

晨裸 馈食

銮驾还宫 凯旋献俘

解严

斋戒

将告有司卜日如别仪前一日皇帝清斋於太极殿凡預告之官清斋於庙所近侍之官应从升者及羣官客使等各于本司及公馆清斋一日诸军将亦各于正寝清斋一宿【若在营者斋于军幕】诸卫令其属晡後一刻各以其方器服守卫庙门与太乐工人俱清斋一宿

陈设

前告三日尚舍直长施大次于庙东门之外道北南向尚舍奉御铺御坐守宫设文武侍臣次于大次之後文官在左武官在右俱南向设告官及从驾羣官次各如常仪设军将次于南门之外道东西向以北为上前二日太乐令设宫悬之乐于庙庭设登歌及举麾位于殿上并如常仪右校清扫内外前一日奉御设御坐于东陛东南南向告官及从驾羣官版位设于内外如常仪设军将位于悬南每等异位重行北面以西为上设军将门外位於南门之外道东每等异位重行西面北上设酒樽之位于堂上前楹间各于室户之左北向春夏每室鸡彝一鸟彝一牺尊二山罍二秋冬犛彝一黄彝一着樽二山罍二皆加勺罍俱西上各有坫焉【以置瓚爵】设罍洗篚罍於常所【篚实以巾爵珪瓚】执樽罍篚罍者各位于樽罍篚罍之後太庙令整拂神幄又帅府史斋郎以樽坫罍洗篚罍入设于位告日未明十五刻太官令帅宰人以鸾刀割牲於厨【每室各犊一】

銮驾出宫如圜丘之仪

皇帝服武弁乘革辂前後备六军严鼓并准大驾

晨裸

其日未明三刻诸預告之官各服其服太庙令良醢令各帅其属入实樽罍【鸡彝斚彝牺尊着尊之上尊皆实以明水山罍之上尊实以玄酒鸟彝黄彝实以鬱鬯牺尊着尊实以醴齐山罍实以清酒】太官令帅进饌者实诸笾豆簠簋等未明二刻奉礼帅赞者先入就位未明一刻赞引引御史博士太庙令太祝宫闾令及令史当祝史执樽 罍篚幕者陛间北面西上立定奉礼曰再拜赞者承传【凡奉礼有词赞者皆承传】太庙令以下皆再拜升自东阶入开堦室奉出九室神主各置于坐如常仪讫引就位驾将至谒者赞引各引告官以下通事舍人分引从告羣官诸方客使先至者俱就门外位驾至大次门外回辂南向千牛将军降立于辂右侍中进当銮驾前跪奏称侍中臣某言请降辂俛伏兴还侍位皇帝降辂乘舆之大次太庙令以祝版进署如常仪谒者赞引各引告官及从驾羣官俱就门外位协律郎太乐令帅工人次入就位【其升堂者皆脱履于下降纳如常】谒者赞引各引告官通事舍人分引从告羣官客使诸军将等次入就位皇帝停大次半刻顷太常博士引太常卿立大次当门北向侍中版奏外办皇帝出次华盖侍卫如常仪太常博士引太常卿太常卿引皇帝【凡太常卿前导皆博士先引】至庙门外监中殿进镇珪华盖仗卫停於门外近侍者从入如常皇帝至版位西向立【每立定太常卿博士退立于左】太常卿前奏称请再拜退还位皇帝再拜奉礼曰衆官再拜衆官在位者皆再拜【其先拜者不拜】太常卿前奏有司谨具请行事退复位协律郎跪俛伏举麾【凡取物者皆跪俛伏而取以兴奠物则奠讫俛伏而後兴】鼓祝奏永和之乐乃以黄钟之均乐舞九成偃麾戛戢乐止太常卿前奏称请再拜退复位皇帝再拜奉礼曰衆官再拜衆官在位者皆再拜太常卿引皇帝诣罍洗太和之乐作皇帝至罍洗乐止侍中跪取匱兴沃水又侍中跪取盘兴承水皇帝搢镇珪【凡受物则搢镇珪奠讫执珪俛伏兴】皇帝盥手黄门侍郎跪取巾于篚兴进皇帝幌手讫黄门侍郎受巾跪奠于篚黄门侍郎又取瓚于篚进皇帝受瓚侍中酌罍水又侍中奏盘皇帝洗瓚黄门侍郎又授巾皆如前皇帝拭瓚讫侍中奠盘匱黄门侍郎受巾奠于篚皆如常太常卿引皇帝乐作皇帝升自阼阶乐止侍中中书令以下及左右侍卫量人从升太常卿引皇帝诣献祖尊彝所执樽者举罍侍中赞酌鬱酒讫登歌作肃和之乐以圜钟之均【自後登歌皆歌圜钟】太常卿引皇帝入诣献祖神坐前北向跪以鬯裸地奠之俛伏兴太常卿引皇帝出户北向再拜讫太常卿引皇帝诣懿祖尊彝所执樽者举罍侍中取瓚于坫进皇帝受瓚侍中赞酌鬱酒讫太常卿引皇帝入诣懿祖神坐前北向跪以鬯裸地奠之俛伏兴太常卿引皇帝出户北向再拜讫太常卿引皇帝次裸太祖次裸代祖次裸高祖次裸太宗次裸高宗次裸中宗次裸睿宗并如上仪讫登歌止太常卿引皇帝乐作皇帝降自阼阶至版位西向立乐止

馈食

皇帝既升裸太官令出帅进饌者奉饌陈于东门之外谒者引司徒出诣饌所遂奉献祖之俎初皇帝既至位乐止太官令引饌入自正门俎初入门雍和之乐作以无射之均饌至泰阶乐止诸太祝迎引于阶上各于神坐前设讫谒者引司徒降复位诸太祝各还樽所太常卿引皇帝诣罍洗乐作皇帝至罍洗乐止皇帝盥手洗爵侍中黄门侍郎赞洗皆如晨裸之仪讫太常卿引皇帝乐作皇帝升自阼阶讫乐止太常卿引皇帝诣献祖樽彝所执樽者举罍侍中赞

酌醴齐讫壽和之乐作太常卿引皇帝入诣献祖神坐前北向跪奠爵俛伏兴太常卿引皇帝出户北向立乐止太祝持版进于室户外之右东向跪读祝文【祝文临时撰告以亲征意】讫兴皇帝再拜又再拜初读祝文讫乐作太祝入奠版于神坐出还樽所皇帝拜讫乐止太常卿引皇帝次诣懿祖太祖代祖高祖太宗高宗中宗睿宗樽彝所酌献跪读祝文再拜皆如献祖之仪【惟不盥手】讫太常卿引皇帝诣东序西向立乐作皇帝献将毕谒者引司徒升自东阶立于前楹之间北面诸太祝各以爵酌上樽福酒合置一爵一太祝持爵以授侍中侍中受爵北向进皇帝再拜受爵跪祭酒啐酒奠爵俛伏兴诸太祝各帅斋郎持俎进太祝减神前胙肉又以筯取黍稷饭皆如常还樽所以黍稷饭共置一筯以胙肉共置一俎上先以饭授司徒司徒进皇帝受以授左右又以俎授司徒司徒奉进皇帝受以授左右皇帝跪取爵遂饮卒爵侍中进受爵以授太祝太祝受爵复于坳皇帝俛伏兴再拜乐止太常卿引皇帝乐作皇帝降自阼阶还版位西向立乐止谒者引司徒降复位皇帝既降谒者引诸军将自东阶进立于皇考睿宗大圣真皇帝室户前北向西上初军将升诸太祝各帅斋郎以爵酌鬯福酒进立于军将之东西向北上军将俱再拜受爵跪祭酒啐酒奠爵兴诸太祝各帅斋郎受爵复于坳军将兴俱再拜谒者引军将降复位登歌作诸祝各入室彻豆出还樽所【彻者筯豆各一少移于故处】奉礼曰赐胙赞者唱衆官再拜衆官在位者皆再拜【已饮福者不拜】乐作太常卿前奏称请再拜退复位皇帝再拜奉礼曰衆官再拜衆官在位者皆再拜乐一成止太常卿前奏礼毕太常卿引皇帝还大次乐作皇帝出门乐止殿中监前受镇圭华盖侍卫如常仪皇帝入次谒者赞引各引在位者以次出赞引引御史太祝以下俱复执事位立定奉礼曰再拜御史以下皆再拜赞引引出工人以次出太庙令太祝宫闾令纳神主如常仪其祝版燔于斋坊

銮驾还宫

皇帝既还大次侍中版奏请解严【将士不得辄离部位】皇帝仍武弁乘革辂鼓吹振作奏请还宫如常仪

凯旋献俘

凯旋告日陈俘馘于南门之外北面西上军实陈于後其告奠之礼皆与告礼同

解严

未解严前日本司各随职供办尚舍奉御铺御幄坐于太极殿中楹之间南向如常守宫设文武百官次于东西朝堂奉礼于东西朝堂设文武百官版位如初典仪设位于殿庭文东武西皆重行北向相对为首设典仪位于东阶东南赞者二人在南差退乘黄令陈革辂旌旗之属于殿庭其日平明诸卫各勒所部屯门列仗百官服袴褶督将服戎服皆集朝堂次昼漏上水五刻侍中版奏请中严鉞戟以次列于殿庭上水七刻典谒引羣官以次入就位上水十刻应迎奉之官诣西阁奉迎侍中版奏外办皇帝服通天冠绛纱袍御輿以出曲直华盖警蹕如常仪皇帝出自西方即御座侍臣夹侍如常仪典仪称再拜赞者承传羣官皆再拜通事舍

人以次引羣官出侍中跪奏礼毕俛伏兴还侍位皇帝降坐御輿入自东房侍臣从至合如常

大唐开元礼卷八十三

卷八十四

<史部,政书类,仪制之属,大唐开元礼>

钦定四库全书

大唐开元礼卷八十四 唐 萧嵩等 撰军礼

皇帝亲征禡於所至之地

亲征及巡狩郊祀有司輶於国门

亲征及巡狩登所过山川

平荡寇贼宣露布 遣使劳军将

皇帝亲征禡於所至之地

将祭有司卜日如别仪前祭一日皇帝清斋于行宫凡预祭之官清斋于祭所近侍之官与从祭羣官及诸军将皆于军幕清斋一宿诸卫令其属各以其方器服守卫墻门亦清斋一宿尚舍直长施大次于外墻东门之内道北南向尚舍奉御铺御坐守宫设文武侍臣次于大次之後文官在左武官在右俱南向设羣官次于东门之外道南北向西上设诸军将次于南墻之外道东西向北上右校修除祭所又为瘞瘞于神坐西北内墻之外方深取足容物前一日奉礼设御位於神坐东南西向设望瘞位于神座西南当瘞瘞北向设祭官位於御位东南执事者位於其後俱重行西向北上设御史位一位於神座西南东向一位于神坐东南西向设奉礼位于祭官西南赞者二人在南差退俱西向北上又设奉礼赞者位于瘞瘞西南设从祭羣官位于祭官之南俱重行西向北上设军将位于南厢重行北面西上设门外位祭官以下皆于东墻之外道南从祭羣官位于祭官之南俱重行北向西上军将位于南墻之外道东重行西向北上兵部侍郎建二旗于南门之外【去门三十步】郊社令帅府史及斋郎以樽坩罍洗筐罍入设于位牺樽二象樽二山罍二皆於神坐东南俱北向西上【尊皆加勺罍有坩以置爵】又设御洗于酒樽东南诸将罍洗又于东南皆北向罍水在洗东筐在洗西南肆【筐实以巾爵】执樽罍筐罍者各于樽罍筐罍之後设币筐于酒樽之所祭日未明十五刻太官令预备特牲之饌【牲以犊】未明四刻郊社令奉熊席入设黄帝轩辕氏神坐于墻内近北南向兵部侍郎置甲冑弓矢于坐侧建稍于坐後未明二刻郊社令良醢令各帅其属入实樽罍及币【牺尊实以醴齐象尊实以盎齐山罍实以清酒齐皆加明水酒加玄酒各实于上尊】太官令帅进饌者先入就位赞者引御史太祝与执樽罍筐罍者入当神座前重行北向西上立定奉礼曰再拜赞者承传【凡奉礼有词赞者皆承传】御史以下皆再拜执樽罍者各就位赞引引御史太祝行扫除讫引就位皇帝服武弁之服诣祭所诸将与从祭之官皆戎服陪从如常驾将至谒者引行事之官皆就东门外位驾至大次门外下马之大次太祝令以

祝版进御署如常谒者赞引各引从驾羣官及诸军将俱就门外位谒者赞引各引祭官及从祭羣官诸军将等次入就位皇帝停大次半刻顷太常博士引太常卿立于大次门外当门北向侍中版奏外办皇帝入门仗卫停于门外近侍者从入如常皇帝至版位西向立【每立定太常卿与博士退立于左】太常卿前奏请再拜退复位皇帝再拜奉礼曰衆官再拜衆官皆再拜太常卿前奏有司谨具请行事退复位太祝跪取币于筐兴立于樽所【凡取物者皆跪俛伏而取以兴奠物则奠讫俛伏而後兴】太常卿引皇帝进神坐前北向立太祝以币授侍中侍中秦币东向进皇帝受币太常卿引皇帝进北面跪奠于神坐俛伏兴太常卿引皇帝少退北向再拜讫太常卿引皇帝还版位西向立于衆官拜讫太官令出帅进饌者奉饌陈于东门之外谒者引司徒出诣饌所司徒奉俎皇帝既复位太官令引饌入太祝迎引设于神坐前施設讫谒者引司徒以下还本位太祝还尊所太常卿引皇帝诣盥洗侍中黄门侍郎赞洗授巾爵并如常仪谒者引司徒进立于樽所斋郎奉俎立于司徒之後皇帝洗爵讫太常卿引皇帝诣樽所执樽者举冪侍中赞酌醴齐讫太常卿引皇帝进帝轩辕氏神坐前北向跪奠爵俛伏兴太常卿引皇帝少退北向立太祝持版进于神坐之右东面跪读祝文【祝文临时随事撰】讫兴皇帝再拜太祝进奠版于神坐还樽所太祝以爵酌上樽福酒以授侍中侍中受爵西向进皇帝再拜受爵跪祭酒啐酒奠爵俛伏兴太祝帅斋郎进俎太祝以俎减神前胙肉如常太祝以俎授司徒司徒奉俎西向进皇帝受以授左右皇帝跪取爵遂饮卒爵侍中进受爵以授太祝太祝受爵复于坫皇帝俛伏兴再拜讫太常卿引皇帝还版位西向立谒者引司徒还本位谒者引上将诣盥洗盥手洗爵诣酒樽所执樽者举冪上将酌盃齐讫引诣神坐前北向跪奠爵兴少退北向再拜太祝以爵酌盃福酒进上将之右西向立上将再拜受爵跪祭酒遂饮卒爵太祝受爵还樽所上将兴又再拜讫引还本位谒者又引次将诣盥洗盥手洗爵终献如亚献之仪讫引次将还本位太祝进彻豆还樽所【彻者筯豆各一少移于故处】太常卿前奏称请再拜退复位皇帝再拜奉礼曰衆官再拜衆官在位者皆再拜太常卿前奏请就望瘞位太常卿引皇帝就望瘞位北向立奉礼赞者转就瘞埽位于衆官将拜太祝执筐进神坐前取币北行当瘞埽西行至瘞埽太祝以币置于埽讫奉礼曰可瘞埽东西向各四人奠土半埽太常卿前奏礼毕太常卿引皇帝还大次侍卫如式谒者赞引各引祭官及从祭羣官与诸军将以次出奉礼赞者退复位御史太祝以下俱复执事位立定奉礼曰再拜御史以下皆再拜赞引引出其祝版燔于祭所皇帝还行宫如来仪若备六军及严鼓作止如类告之礼

亲征及巡狩郊祭有司輶於国门

车驾出日右校预於国门外委土为輶【輶谓为山象也】又为瘞埽于神坐西北方深取足容物太祝布神坐于輶前南向太官令帅宰人刳羊郊社令之属设尊盃筐冪于神坐之左俱右向置币于尊所驾将至太祝立于盥洗东南西向祝史与执尊盃筐冪者俱就尊盃所立太祝再拜诣樽所取币进跪奠于神坐兴还本位进饌者荐脯醢于神坐前加羊于輶西首太祝诣盥洗盥手洗爵诣尊所酌酒进跪奠于神坐兴少退北向立读祝文讫【祝文临时撰】太祝再拜还本位少顷太祝帅斋郎奉币酌酒饌物宰人举羊肆解之太祝并载埋于瘞寘之执尊者彻盃筐席驾至权停太祝以爵酌酒授太仆卿太仆卿左执轡右受酒祭两轡及軹前【軹穀末軹軹前】乃饮授爵辄輶而行

亲征及巡狩告所过山川

前一日诸告官俱清斋于告所执事者预修除告所又为埋埽当神坐之南如常方深取足容物太官令备牢饌【山镇海渎用太牢中山川用少牢小山川用特牲若行速即用酒脯】告日郊社丞布神席於告所近北南向设酒尊于神坐之左而右向设洗于酒尊东南北向罍水在洗东篚在洗西南肆【篚实以巾爵】执尊罍篚罍者各立于尊罍篚罍之後奉礼设告官位於罍洗东南西向执事者位于其後北上设奉礼位于告官西南东向赞者二人在南少退所司实尊罍俎豆太祝实币篚斋郎取豆血【币长一丈八尺随牲色用】奉礼帅赞者先入就位执尊罍篚罍者次入就位谒者引告官以下次入就位立定奉礼曰再拜赞者承传告官以下皆再拜谒者进告官之左白有司谨具请行事退复位奉礼曰再拜告官以下皆再拜太祝以币授告官告官受币谒者引告官詣神坐前北面跪奠币俛伏兴少退再拜告官复位太官丞引饌入太祝迎引设于神坐前太官丞以下还本位谒者引告官詣罍洗盥手洗爵讫谒者引告官詣酒樽所执尊者举罍告官酌酒讫跪进奠于神坐俛伏兴少退北面立太祝持版进于神坐之右东向跪读祝文【祝文临时撰】讫兴告官再拜太祝进跪奠版于神坐俛伏兴还樽所太祝以爵酌福酒进告官之右西向立告官再拜受爵跪祭酒啐酒奠爵俛伏兴太祝帅斋郎进俎太祝减胙如常太祝以俎授告官告官受以授斋郎告官跪取爵遂饮卒爵太祝受爵还樽所告官俛伏兴再拜讫引还本位太祝进跪彻豆俛伏兴还樽所奉礼曰再拜在位者皆再拜【告官则不拜】奉礼又曰再拜告官以下皆再拜谒者进告官之左白请就望瘞位谒者引告官就望瘞位北向立于告官将拜太祝以篚进神前取币斋郎取豆血并寘诸埽埽东西各二人寘土半埽谒者进告官之右白礼毕遂引各官以出太祝与执尊罍者俱复执事位立定奉礼曰再拜太祝以下皆再拜讫以次出其祝版则燔于告所

平荡寇贼宣露布

其日守宫量设羣官次露布至兵部侍郎奉以奏闻仍承制集文武羣官客使于东朝堂羣官客使至俱就次各服其服奉礼设羣官版位于东朝堂之前近南文武西重行北向相对为首又设客使之位如常仪设中书令位于羣官之北南面量时刻吏部兵部赞羣官客使出次谒者赞引各引就位立定中书令受露布置于案令史二人绦公服对举之典谒引中书令举案者从之出就南面位持案者立于中书令西南东面立定持案者进中书令前中书令取露布持案者退复位中书令称有制羣官客使皆再拜中书令宣露布讫羣官客使又再拜皆舞蹈讫又再拜谒者引兵部尚书进中书令前受露布退复位兵部侍郎前受之典谒引中书令入谒者引羣官客使各还次

遣使劳军将

前一日执事者预设使者次于营南门之外道右南向使者至谒者引之次使者将到兵部预集大将以下于南门之外列左右厢俱重行北面相对为首使者出次谒者引立于门西东面持节者立于使者之北史二人持制书案立于使者西南俱东面立定大将北面再拜谒者引使者持节者前导入门而左持案者从之使者立于罍前南面持节者立于使者之东少南

西向持案者立于使者西南东面又谒者引大将以下入立于使者之南依左右厢俱重行北面相对为首立定持节者脱节衣持案者进使者前使者取制书持案者退复位使者称有制大将以下俱再拜宣诏讫大将以下又再拜谒者引大将进使者前北面受制书退复位持节者加节衣谒者引使者持节者前导以出持案者从之俱复门外位大将以制书授左右拜送使者于门外使者还大将入初使者出诸将以下以次出若赐衣物使者出次立于门外立定执事者以衣物立于案南俱东面北上使者入衣物随入初大将受制书复位执事以衣物遍授之大将以下受讫又再拜

大唐开元礼卷八十四

卷八十五

钦定四库全书

大唐开元礼卷八十五 唐 萧嵩等 撰军礼

皇帝讲武 皇帝田狩

皇帝讲武

仲冬之月讲武於都外前期十有一日所司奏请讲武兵部承诏遂命将帅简军士有司先芟莱除地为场方一千二百步四出为和门又於其内墀地为步骑六军营域处所左右厢各为三军皆上军在北中军次之下军在南东西相向中间相去三百步五十步立表一行凡立五行表表间前後各相去五十步为三军进止之节又别墀地於北厢南向为车驾停观之处前三日尚舍奉御设大次及御座於其中如常仪前一日讲武将帅及士卒集於墀所禁誼譁依方色建旗为和门於都墀之中及四角皆建五彩牙旌旗鼓甲仗威仪悉备於墀所大将以下各有统帅如常式步军大将甲胄乘马教骑大将亦乘马教习士衆为战阵之法凡教为阵少者在前长者在後其还则长者在前少者在後长者持弓矢短者持戈矛力者持旌旗勇者持钲鼓刀楯为前行持稍者次之弓箭者为後行将帅先教士衆使习见旌旗指麾之踪旗卧则跪旗举则起金鼓动止之节声鼓则进声金则止知刑罚之苦赏赐之利持五兵之便战鬪之备习串跪起及行列险隘之路讲武日未明十刻军士皆严备五刻将士皆贯甲步军各为直阵以相俟将军依仪各依格备物大将军各依格处分军中立旗鼓之下【凡六军各鼓十二钲一大角四并止于其军後表之下】銮驾出宫如常式讲日未明七刻撾一鼓为一严【三严时节前一日侍中奏裁出宫以刚日】侍中奏开宫殿门及城门未明五刻撾二鼓为再严侍中版奏请中严文武官应从者俱先至文武官皆公服所司为小驾依图陈设未明二刻撾三鼓为三严诸卫各督其队与鉞戟以次入陈於殿庭诸侍卫之官各服其器服诸侍臣俱诣西阶下奉迎【侍中负玺如式】乘黄令进革辂于太极殿西阶之前南向千牛将军一人执长刀立于辂前北向黄门侍郎一人在侍臣之前赞者二人又在黄门之前侍中版奏外办太仆卿奋衣而升正立执轡皇帝升辂太仆卿立授绥升讫侍中中书令以下夹侍如常黄门侍郎进当銮驾前跪奏称黄门侍郎臣某言请銮驾发引俛伏兴退复位【凡黄门侍郎奏请皆进銮驾前跪奏称具官臣某言讫俛伏兴】銮驾动称警蹕黄门侍郎赞者夹引以出千牛将军夹辂而趋驾出承天门至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内赞者在供奉官人内侍臣上马毕黄门侍郎奏称诣勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕如常銮驾至墀所兵部尚书介胄乘马奉引至讲武所入自都墀之北和门至两步军之北当空南向黄门侍郎奏称请降辂还侍位皇帝降辂入大次而观兵部尚书停于东厢西向立三仗小退以通观路领军减小驾骑士立于都墀之四周侍臣依左右厢立于大次之前东西面北上文武九品以上皆公服文东武西在侍臣之外十步所重行北上诸州使人及

蕃客先集于都墀北和门外东方南方立于道东西方北方立于道西皆向轂而立以北为上驾至和门奉礼曰再拜在位者皆再拜皇帝入次谒者引诸州使人鸿胪引蕃客东方南方立于大次东北南向以西为上西方北方立于大次西北南向以东为上若有观者立于都墀骑士仗外四周任意然後讲武诸州使人及蕃客立定吹大角三通中军将各以鞞令鼓二军俱击鼓三鼓有司偃旗步士皆跪二军诸师果毅以上各进于中军大将旗鼓之下左厢中军大将立于旗鼓之东西面诸军将立于旗鼓之南北面东上右厢中军大将立于旗鼓之西东面诸军将立于旗鼓之南北面西上以听誓大将誓曰今行讲武以教人战进退左右一如军法用命有常赏不用命有常刑可不勉之誓讫左右三军各长史二人振铎分循以警衆诸果毅各以誓词徧告其所部遂声鼓有司举旗士衆皆起骑徒皆行及表擊铎骑徒乃止又击三鼓有司偃旗士衆皆跪又击鼓有司举旗士衆皆起骑骤徒趋及表乃止整列立定东军一鼓举青旗为直阵西军亦鼓而举白旗为方阵以应之次南军鼓而举赤旗为锐阵北军亦鼓而举黑旗为曲阵以应之次东军一鼓而举黄旗为圆阵西军亦鼓而举青旗为直阵以应之次西军鼓而举白旗为方阵东军亦鼓而举赤旗为锐阵以应之次东军鼓而举黑旗为曲阵西军亦鼓而举黄旗为圆阵以应之凡阵迭为客主先举者为客後举者为主从五行相胜之法为阵应之每变阵二军各选刀楯之士五十人挑战于两军之前第一第二挑战迭为勇怯之状第三挑战为敌均之势第四第五挑战为胜败之形每将变阵先鼓而为直阵然後变从余阵之法五阵毕两军俱为直阵又击三鼓有司偃旗士衆皆跪又声鼓举旗士衆皆起骑驰徒走左右军俱至中表相拟击而还每退至一行表跪起如前遂复本列侍中跪奏请观骑军又侍中称制曰可侍中俛伏兴二军吹角擊鼓誓衆俱进及表而止皆如步军惟无跪起骑军东西迭为主客为五变之阵皆如步军之法每阵各八骑挑战於两阵之间如步军法五阵毕俱大擊鼓而前盘马相拟擊而罢遂振旅而还凡步骑二军之士备则满数省则半之损益随时惟不得减将帅凡相拟擊皆不得以刃相及凡步士逐退限过中表二十步而止不得过也骑士不在此例【若因田狩则令讲武军士之外先期为围观讫乘马鼓行亲禽如别礼狩讫乘轂振旅而还如常仪】讲武罢侍中跪奏称侍中臣某言讲武礼毕请还俛伏兴皇帝降御輿侍卫如常仪皇帝升轂太仆卿立授绥升讫勅车右升千牛将军升轂陪乘黄门侍郎奏称请銮驾发引退复位銮驾动称警蹕如仪黄门侍郎赞者夹引至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请銮驾发引退复位銮驾动鼓吹振作文武羣官皆从如来仪【诸客使便还館】驾到承天门外至侍臣下马所銮驾权停文武侍臣皆下马千牛将军降立于轂右讫銮驾动千牛将军夹路而趋驾入太极门至横街北当东上合回轂南向侍中进当銮驾前跪奏称侍中臣某言请降轂俛伏兴还侍位皇帝降轂御輿以入侍臣从至合初文武羣官至承天门外舍人承制勅羣官还皇帝既入侍中版奏请解严叩铎将士各还其所明日羣官奉参起居如别礼

皇帝狩田

仲冬狩田之礼前期十日兵部徵衆庶修田法虞部量地广狭表所田之野前狩二日本司建旗于所田之後随地之宜前一日未明诸将各帅士徒集于旗下不得喧譁质明麾旗後至者罚之兵部分申田令遂围田其两翼之将皆建旗及夜布围讫【若围广或先期二日三日

】围阙其南面【且?南面及狩随地所向】驾出以刚日其发引次舍如常将至田所皇帝鼓行入围鼓吹令以鼓六十陈於皇帝东南西向六十陈於皇帝西南东向皆乘马【各备萧角】诸将皆鼓行赴围乃设驱逆之骑百有二十既设驱逆皇帝乘马南向有司敛大绥以从诸公王以下皆乘马带弓矢陈于驾前後所司之属又敛小绥以从乃驱兽出皇帝之前初一驱过有司整飭弓矢以前再驱过本司奉进弓矢三驱过皇帝乃从禽左而射之每驱必三跪以上皇帝发亢大绥皇帝既发然後公王发公王发亢小绥诸公既发以次射之讫驱逆之骑止然後百姓猎凡射兽自左而射之达於左隅为上射达左耳本为中射达右耳本为次射左髀达於右?为下射羣兽相从不尽杀已被射者不重射其面不剪其毛其出表者不逐之田将止虞部建旗于田内乃雷击驾鼓及诸将之鼓士徒噪呼诸得禽者献於旗下致其左耳大兽公之小兽私之其上着者以供宗庙次者以供宾客下者以充庖厨乃命有司饁兽于四郊以兽告至于庙社【其因讲武以狩则先设围亦如之】

大唐开元礼卷八十五

卷八十六

钦定四库全书

大唐开元礼卷八十六 唐 萧嵩等 撰军礼

皇帝射於射宫 皇帝观射於射宫 皇帝射於射宫

前一日太乐令设宫悬之乐鼓吹令设十二案於射殿之庭以当月之调登歌各以其合东悬在东阶东西面西悬在西阶西东面南北二悬各登歌广开中央【广开中央羣射位】张熊侯去殿九十步设乏於侯西十步北十步【乏侯边避矢物以革为之高广七尺先有堞为之则不须更设】设五楅庭前少西【楅长七尺博三寸厚一寸半龙首蛇身所以委矢】布侍射者位於西阶前东西北上布司马位於侍射位之南东面布获者位於乏东东面布侍射射位於殿阶下当御前少西横布南面侍射者弓矢俟於西门外陈赏物於东阶下少东置罚丰於西阶下少西【丰者所以承罚爵形似豆大而卑】设罚尊於西阶西南北以堂深设簠於尊西南肆实爵加幂其日质明御服武弁出乐作警蹕及文武侍卫皆如常仪文武官俱公服典乐作及会并如元会之仪酒三遍侍中奏称有司既具请射又侍中前承制退称制曰可王公以下皆降文官立於东阶下西面北上武官立西阶下於射位之後东面北上持鉞戟队羣立於两边千牛备身二人横奉御弓及矢立於东阶上西面执弓者在北设站於执弓者之前又置御决拾筈于其上【决今之射沓拾今之射捍】获者持旌自乏南行当侯东行至侯负侯北面立【负侯谓背侯向内立令衆射者见侯与旌堞有志于中】侍射者出西门外取弓矢两手奉弓搯乘矢于带【搯插乘矢四矢】入立于殿下射位西东面司马奉弓自西阶升当西楹前南面挥弓命获者去侯获者以旌去侯西行十步北行至乏止司马降自西阶复位千牛郎将一人奉决拾以筈千牛将军奉弓又千牛郎将奉矢进立于御榻东少南西面郎将跪奠筈於御榻前少东遂拂以巾取决兴赞设决讫千牛郎将又跪取拾兴赞设拾讫以筈退奠于站上复位千牛将军北面张弓以袂顺左右隈上再下一【弓左右隈谓弓上面下面以衣袂摩拭上面再下面一度】西面左执弣右执箚以进御讫退立于御榻东少後千牛郎将以巾拂矢进十一供御皇帝欲射协律郎举麾先奏鼓吹两奏乐驺虞五节御乃射第一矢与第六节相应第二矢与第七节相应以至九节协律郎偃麾乐止千牛将军以矢行奏中曰获下日留上日扬左日左方右日右方【留谓矢短不及侯扬谓矢过侯左右谓矢偏不正】御射讫千牛将军于御坐东西面受弓退付千牛于东阶上千牛郎将以筈受决拾退奠于站上复位侍射者进升射席北面立左旋东面张弓南面挟矢协律郎举麾乃作乐不作鼓吹奉乐狸首三节然後发矢若侍射者多则齐发第一发与第四节相应第二发与第五节相应以至七节协律郎偃麾乐止弓右旋东面弛弓北面立乃退复西阶下位【其射人多少临时听进止若九品以上俱蒙赐射则六品以下後日引射所司监之】司马升自西阶楹前南面挥弓命取矢司马降复位取矢者以御矢付千牛郎将於东阶下侍射者矢加于楅北括侍射者释弓于庭前北面东上所司奏请赏侍射中者罚不中者侍中称制曰可所司立楅之东西面监唱取矢取矢者各唱中者姓名中者立于东阶下西面北上不中者立于西阶下东面北上俱再拜所司於东阶下以陈赏物受讫退复西面位酌者於罚尊西东面酌进北面跪奠於丰

上退立於丰南少西不中者进丰南北面跪取丰上爵立饮卒爵跪奠丰下退复东面位酌者北面跪取虚爵酌奠如初不中者以次进饮皆如初饮讫典谒引王公以下及侍射者皆庭前北面相对为首再拜讫引出持鉞戟队复位御入奏乐警蹕如常仪所司以弓矢出中门外付侍射者引出若御射无侍射之人则不设楅不陈赏物不设罚尊若御燕游小射则常服不陈乐悬不行会礼王公以下事讫出无北面再拜之仪

皇帝观射于射宫

前一日太乐令设宫悬之乐及登歌如亲射之仪张麋侯去殿九十步设之于侯西十步设第一楅于庭前少西设第二楅于第一楅南二步以次五楅【楅所以承矢楅皆龙首蛇身长七尺博三寸厚一寸半】陈赏物于东阶下少东置罚丰于西阶下少西设罚尊于西阶南北以堂深设筐于尊西肆实爵加幂布王公以下释弓矢席位于中门外左右俱北上布三品以上会席会于殿上如常仪布四品五品会席位于西阶南在乐悬内东厢者西面北上西厢者东面北上【若殿上人少四品五品亦升之】布六品以下会席位于东西乐悬南俱北上【若四品五品升殿则在悬内】布王公以下将射位于东西阶前俱北上布左右司射位于王公将射位前右者西面右者东面俱北上布司马位于右司射之南东面布三品以上及左供奉官射席于御座东楹间少前又布三品以下及右供奉官射席于御座西楹间少前【席各横布各容六人】布四品以下射席于殿阶下如殿上之仪布获者位于乏东东面取矢者在获者之南俱东面【获者谓看矢踈密者】置左右司射各三人司马二人其日质明王公以下俱公服持弓矢分为左右引入至中门外位御服武弁服出乐作警蹕如常仪【凡射先行会礼】酒三遍所司奏请赐王公以下射侍中前承诏退称制曰可王公以下将射者皆降庭前北面相对为首再拜讫典谒引出复中门外位跪取弓矢兴两手奉弓搯乘矢【搯插乘矢四矢】典谒引入复将射位左右司射及司马及获者皆就位执罚尊者立于尊南执筐者立于筐南皆北面酌者立于尊东西面获者持旌自乏南行十步当侯东行至侯负侯北面立【负侯谓背侯内向立令衆射者见侯与旌堦有志於中】左右司射各一人先导射皆搯乘矢於带以两手奉弓左者从东阶右者从西阶至阶左者西面右者东面相顾立定俱升进各当席前北面俱进升射席立定左厢者右旋西面张弓右厢者左旋东面张弓俱南面挟一个【挟谓置矢于弓】司马执弓自西阶升当右射之前左旋南面挥弓命获者去侯获者持旌去侯西行十步当乏北行至乏止乃射左司射一发右司射一发更迭射讫左司射右旋西面弛弓右司射左旋东面弛弓俱北面立定俱少退各从东西阶降于阶下相向立定乃退复位左右司射各于王公位前北面次比王公从首六人引从东西阶升如司射之仪至射席相对为首北面立左者右旋西面张弓右者左旋东面张弓俱南面挟一个所司奏请以射乐乐王公以下【若两番射则每番惟射取中侯未须作乐相应】侍中前承制退称制曰可通事舍人承传西向告太常卿太常卿於西悬内东面命乐正曰奏乐门若一【言奏七节节门踈数如一】司射自西阶升当御前少西东向誓曰无射获无猎获【不得射侯边获者又不得猎过获者之旁】射者俱逡巡司射退降复位司射又自西阶升誓曰不鼓不释【不与鼓节相应虽中不释筭】射者又逡巡司射退降复位协律郎举麾作狸首之乐奏乐至第三节讫左右俱一发使与第四节相应左右又一发使与第五节相应以至第七节射讫协律郎偃麾乐止左厢射者左旋西向弛弓右厢射者右旋东面弛弓俱北面立少退从东西阶降立于阶下相

向北上立定乃退左右司射各以次取六人俱升射如初与乐节相应如初射讫退降如初四品以下射于殿下即射席升降及射与乐相应如殿上仪射讫者三品以下及近侍之官释弓于下升复会位四品以下皆复会位坐其未射者皆立继射如初射总讫司马自西阶升殿挥弓命取矢取矢者上中下矢各一人持其不中者矢亦使人持至庭前其第一矢跪加第一楅北括其下以次加楅讫其取矢者各立楅南北面王公已下各降执弓庭前北面立所司奏请赏射中者罚不中者侍中前承制退称制曰可所司立楅之西东面监唱取矢者各唱中者姓名中者立东阶下西面北上依射中疎密为序其不中者【谓四矢俱不中侯者】立于西阶下东面北上依品为序东西俱再拜所司东阶下以次付赏物受讫者退复西面位【若赐多且置于位待御入持出中门外付之】酌者于罚尊西东面酌进北面跪奠丰上立于丰南少西不中者丰南北面横奠弓跪取爵立饮卒爵跪奠爵丰下取弓退复东面位酌者继酌奠于丰不中者以次饮皆如初若更射则取矢者以矢就东西面位付射者付讫左右司射各从首取王公以下六人升射如初始作乐与乐相应如上仪其赏罚皆如初讫典谒者引中者及不中者及不射者皆庭前北面各依品相对再拜讫出复中门外位持鉞戟者复位御入乐作称警蹕如常仪所司持矢出中门外付射者讫引出若御不亲观射则不设乐悬王公以下各执弓矢入庭前北面拜讫通事舍人宣勅赐王公以下食王公等皆再拜典谒引王公以下就东西廊下食讫舍人又宣勅赐王公以下射王公以下在位者皆再拜左右司射引王公以下射皆如御前之仪射讫王公以下皆北面相对立通事舍人宣勅云射中者依算赐物不中者罚酒王公等皆再拜其受赏及罚皆如御前之仪北面再拜取矢讫引出

大唐开元礼卷八十六

卷八十七

钦定四库全书

大唐开元礼卷八十七 唐 萧嵩等 撰军礼

制遣大将出征有司宜乎太社

将告有司卜日如别仪前一日告官致斋於社所守宫设告官以下次各於常所设诸将次於社宫北门之外道西东向以南为上右校清除内外又为瘞埽二於南门之内坛西南如常奉礼设告官以下版位如常仪设诸将位於北门之内当太社坛每等异位重行南面以东为上设诸将门外位於北门之外道西每等异位重行东向以南为上郊社令帅其属以尊罍洗篚冪玉币之篚入设皆如常式执尊罍篚冪者各於尊罍篚冪之後告日未明十刻太官令预具牢饌质明告官以下各服其服太史令郊社令率其属奉神席位升设如常郊社令良醢令之属入实尊罍玉币【太尊实以醴齐配坐之象尊其实亦如之凡尊皆三其玄酒各实于上尊礼神之玉太社太稷俱以两珪有邸币皆以玄一丈八尺】奉礼帅赞者先入就位赞者引御史太祝以下入行扫除如常

仪讫引就位赞引引告官以下俱就门外位谒者引告官赞引引执事者入就位立定奉礼曰再拜赞者承传【凡奉礼有词赞者皆承传】告官以下皆再拜【其先拜者不拜】太官出帅进饌者奉饌陈于西门外初告官入谒者引诸将俱就门外位告官入讫谒者引诸将入就位立定奉礼曰再拜大将以下皆再拜谒者进告官之左白有司谨具请行事还本位诸祝俱取玉币于篚各立于尊所谒者引告官诣太社坛升自北陛南面立太祝取玉币西向授告官受玉币进南面跪奠于太社神坐俛伏兴少退南面再拜讫谒者引告官立于东方西面太祝以币南向授告官告官受币进西向跪奠于后土氏神坐俛伏兴少退西向再拜讫谒者引告官降自北陛诣太稷坛升奠币如太社坛之仪讫谒者引还本位诸祝各还尊所太官令引饌入太社稷之饌入自正门配坐之饌入自左闕至陛各由其陛升诸祝迎引于坛上各设于神坐前【笾豆盖冪彻之如式】施設讫太官令以下降复位诸祝各还尊所谒者引告官诣罍洗盥手洗爵讫谒者引告官诣太社坛升自北陛诣太社酒尊所执尊者举冪告官酌醴齐讫谒者引告官遂进太社神坐前跪奠俛伏兴少退南面立太祝持版进于神坐之右西面读祝文【祝文临时撰】讫兴告官再拜太祝进跪奠版于神坐俛伏兴还樽所告官拜讫谒者引告官诣后土氏酒樽所取爵于坫执樽者举冪告官酌醴齐讫谒者引告官进后土氏神坐前西面跪奠爵俛伏兴少退西向立太祝持版进于神坐之左南面跪读祝文讫兴告官再拜太祝进跪奠版于神坐俛伏兴还樽所告官拜讫谒者引告官进太社神坐前南向立诸祝各以爵酌酒合置一爵一太祝持爵进告官之右东向立告官再拜受爵跪祭酒啐酒奠爵俛伏兴太祝帅斋郎持俎进减神前胙肉共置一俎太祝持俎进西向以授告官告官受以授斋郎告官跪取爵遂饮卒爵太祝进受爵复于坫告官俛伏兴再拜讫谒者引告官降自北陛诣罍洗盥手洗爵讫谒者引告官诣太稷坛北陛升献如太社坛之仪讫引告官降复位初告官诣太稷坛谒者引诸将诣太社坛升自西陛进立于太社神坐前南面东上初诸将升诸祝帅斋

郎以爵酌福酒进诸将之东西面立诸将皆再拜受爵跪祭酒啐酒奠爵俛伏兴诸祝帅斋郎进俎减神前胙肉以次授诸将受以授斋郎诸将俱跪取爵遂饮卒爵太祝帅斋郎受爵复于坵诸将俛伏兴再拜讫谒者引诸将各降诣太稷坛饮福受胙如太社坛之仪讫引还本位奉礼曰再拜诸将以下皆再拜谒者引出初诸将出诸祝各进跪彻豆俛伏兴还樽所【彻者筯豆各一少移于故处】奉礼曰赐胙赞者唱再拜在位者皆再拜【已饮福受胙者不拜】奉礼曰再拜告官以下皆再拜谒者进告官之左白请就望瘞位谒者引告官就望瘞位南向立初告官将拜诸祝各执筐进神坐前跪取玉币斋郎又以俎载牲体稷黍饭爵酒兴各由其陛降坛诣瘞埽以玉帛饌物置于埽讫奉礼曰可瘞埽东西各四人寘土半埽谒者进告官之左白礼毕谒者引告官赞引执事者以次出赞引引御史以下皆再拜赞引引出若凯旋惟陈俘馘及军实于北门之外南面东上其告礼如上仪其祝版燔于斋所

大唐开元礼卷八十七

卷八十八

钦定四库全书

大唐开元礼卷八十八 唐 萧嵩等 撰军礼

制遣大将出征有司告于太庙

制遣大将出征有司告于齐太公庙

制遣大将出征有司告于太庙

将告有司卜日如别仪前一日诸告官致斋于庙所卫尉设告官以下次各于常所右校清扫内外奉礼设告官版位于内外并如常仪设诸将位于庙庭横阶之南道东每等异位重行北向以西为上又设诸将门外位于南门之外道东重行西向以北为上太庙令整拂神幄又帅其属以尊坩罍洗篚幂入设于神坐如常仪执樽罍篚幂者各位于樽罍篚幂之后告日未明十刻太官预具牢饌【其饌每室用牺牲一】未明三刻诸告官以下各服其服太庙令良醢令入实樽罍及币【每室牺尊二一实玄酒为上一实醴齐次之】未明二刻奉礼帅斋郎先入就位赞引引御史太祝以下再拜入行扫除皆如常仪赞引引太庙令太祝宫闾令自东阶入开埽室奉出献祖以下神主各置于坐皆如常仪讫各引就位又赞引引告官次入就位立定奉礼曰再拜告官以下皆再拜【其先拜者不拜】太官令出帅进饌者奉饌陈于东门外初告官等入谒者引诸将以下入就位立定奉礼曰再拜诸将以下皆再拜谒者近告官之左白有司谨具请行事还本位诸祝俱取币于篚各立于樽所谒者引告官升自东阶诣献祖庙室户前北面立太祝以币东向授告官告官受币进入室北面跪奠于神坐俛伏兴出户北向再拜讫谒者引告官以次进奠币于懿祖以下如上仪讫谒者引还本位诸祝各还樽所太官令引饌入自正门升自泰阶诸祝迎引于阶上各设于神坐前【笾豆盖幂彻之如式】设讫太官令以下降复位诸祝各还樽所谒者引告官诣罍洗盥手洗爵执升东阶诣献祖酒樽所执樽者举幂告官酌醴齐讫谒者引告官入诣献祖神坐前北向跪奠爵俛伏兴出户北向立太祝持版进于室户外之右东向跪读祝文【祝文临时撰】讫兴告官再拜讫又再拜太祝进跪奠版于神坐俛伏兴还樽所谒者引告官以次献懿祖太祖代祖高祖太宗高宗中宗睿宗皆如上仪遍献讫谒者引告官诣东序西向立诸祝各以爵酌福酒合置一爵太祝持爵进告官之左北面立告官再拜受爵跪祭酒啐酒奠爵俛伏兴诸祝各帅斋郎进俎减神前胙肉共置一俎太祝持俎以授告官告官受以授斋郎告官跪取爵遂饮卒爵太祝进受爵复于坩告官俛伏兴再拜讫谒者引告官降复位告官饮福将讫谒者引诸将升自东阶进当皇考睿宗大圣真皇帝庙室少户前北面西上初诸将升诸祝帅斋郎以爵酌福酒诣诸将之东西面北上诸将皆再拜受爵跪祭酒啐酒奠爵俛伏兴诸祝帅斋郎进俎减神前胙肉以次授诸将诸将受以授斋郎诸将俱跪取爵遂饮卒爵太祝帅斋郎受爵复于坩诸将俛伏兴再拜讫谒者引诸将降复位奉礼曰再拜诸将以下皆再拜谒者引出诸祝各进神坐前跪彻豆俛伏兴还樽所奉礼曰赐胙赞者唱再拜在位者俱再拜【已饮福受胙者不拜】奉礼曰再拜告

官以下皆再拜讫谒者进告官之左白请就望瘞位谒者引告官就望瘞位西向立于告官将拜诸祝俱执篚进神坐前跪取币斋郎以俎载牲体稷黍饭爵酒兴降自东阶诣瘞埽以币饌物置于埽讫奉礼曰可瘞埽东西面各二人寘土半埽谒者进告官之左白礼毕谒者引告官赞引引执事者以次出赞引引御史以下俱复执事位立定奉礼曰再拜御史以下皆再拜赞引引出太庙令宫闾令纳神主如常仪【祝版燔于斋宫】若凯旋惟陈俘馘及军实于南门之外北面西上其告礼如常仪

大将出征告齐太公庙

将告有司卜日如别仪前一日诸告官致斋于庙所卫尉设次各于常所右校清扫内外奉礼设告官位于内外并如常仪诸将位于庙庭道东北向西上设诸将位于南门之外道东西向北上庙令整拂神坐又帅其属以樽坫罍洗篚冪入设皆如常仪执樽罍篚冪者各位于樽罍篚冪之後告日未明十刻太官预具酒脯醢如常未明三刻诸告官以下各服其服庙令良醢令之属入实樽罍及币【犧尊二一实以玄酒一实以醴齐】未明二刻奉礼帅赞者先入就位赞引引庙令太祝等入当阶间北面西上立定奉礼曰再拜庙令以下皆再拜升自东阶入就位立定奉礼曰再拜告官以下皆再拜太官令出帅进饌者奉饌陈于东门外谒者引诸将以下入就位立定奉礼曰再拜诸将以下皆再拜谒者进告官之左白有司谨具请行事还本位诸祝俱取币于篚各立于樽所谒者引告官升自东阶诣太公神坐前北向立太祝以币东向授告官告官受币进北面跪奠于太公坐俛伏兴少退北向再拜讫谒者引告官当留侯坐前东向立又太祝以币北向授告官告官受币谒者引告官东向跪奠于留侯坐兴少退东向再拜讫谒者引告官诣罍洗盥手洗爵讫谒者引告官升自东阶诣太公酒樽所执樽者举冪告官酌醴齐谒者引告官入诣太公神坐前北向跪奠爵俛伏兴少退北向立太祝持版进于太公神坐之右东向跪读祝文【祝文临时撰】讫兴告官再拜太祝进跪奠祝版于神坐俛伏兴还樽所告官拜讫谒者引告官诣留侯酒樽所取爵于坫执樽者举冪告官酌醴齐讫谒者引告官进留侯神坐前东向跪奠爵兴少退东向立太祝持版进于留侯神坐之左北向跪读祝文兴告官再拜太祝跪奠版于留侯神坐兴还樽所奉礼曰再拜告官以下皆再拜谒者进告官之左白请就望瘞位太祝跪取币兴诣瘞埽以币置于埽讫奉礼曰可瘞埽东西厢各二人寘土半埽谒者进告官之左白礼毕奉礼帅赞者告官皆复位立定奉礼曰再拜告官以下皆再拜讫以次出其祝版燔于斋坊

大唐开元礼卷八十八

卷八十九

钦定四库全书

大唐开元礼卷八十九 唐 萧嵩等 撰军礼

祀马祖 享先牧

祭马社 祭马步

仲春祀马祖

将祀有司卜日如别仪前祀三日诸预祀之官散斋二日致斋一日【散斋于正寝致斋于祀所】散斋理事如旧惟不吊丧问疾不作乐不行刑罚不判署刑杀文书不预秽恶致斋惟祀事得行其余悉断其祀官已斋而阙者通摄行事前二日守宫设祀官次于东墼之外道南北向以西为上设陈饌幔于内墼之外郊社令积柴于燎坛方五尺高五尺南出户太官令具特牲之饌其日未明二刻太史郊社令升设马祖神坐于坛上近北南向席以莞设神位於坐首奉礼设献官位于坛东南西向执事位于献官东南俱西向北上设奉礼位于献官西南赞者二人在南差退又设奉礼赞者位于燎坛东北俱西向北上设望燎当柴坛之北南向设祀官以下门外位于东墼之外道南每等异位重行北向以西为上郊社令设酒樽于坛上东南隅北向设洗于坛东北北向盥水在洗东篚在洗西南肆【篚实巾爵】执樽盥篚冪者各位于樽盥篚冪之後设币篚于樽坫之所未明一刻太祝献官以下各服其服郊社与良醞之属入实樽盥及币质明谒者引献官以下俱就门外位奉礼帅赞者先入就位赞引引太祝与执樽盥篚冪者入当坛南重行北面以西为上立定奉礼曰再拜赞者承传【凡奉礼有词赞者皆承传】太祝以下皆再拜太祝与执樽者升自东阶立于樽所执盥洗篚冪者各就位谒者引献官以下入就位立定奉礼曰再拜在位者皆再拜谒者进献官之左白有司谨具请行事退复位太官令出诣饌所太祝跪取币于篚兴立于樽所谒者引献官诣神坐前北向立太祝奉币东向授献官受币进北面跪奠于神坐俛伏兴少退北向再拜谒者引献官还本位太官令引饌入升自南陛太祝迎引于坛上设于神坐前设讫太官令以下降复位太祝还樽所谒者引献官诣盥洗盥手洗爵讫谒者引献官升自南陛诣酒樽所执樽者举冪献官酌醴齐谒者引献官进神坐前北向跪奠爵俛伏兴少退北向立太祝持版进于神坐之右东面跪读祝文曰维某年岁次月朔日天子谨遣具官臣姓名告于马祖天驷之神爰以春季游牝于牧祗荐制币牺齐粢盛庶品明荐于马祖天驷之神尚享讫兴献官再拜太祝进跪奠版于神坐俛伏兴还樽所太祝以爵酌福酒进献官之右西向立献官再拜受爵跪祭酒遂饮卒爵太祝进受爵复于坫献官俛伏兴太祝帅斋郎进俎太祝减神前胙肉兴以授献官受以授斋郎谒者引献官降自南陛还本位太祝进跪彻豆俛伏兴还樽所【彻者筯豆各一少移于故处】奉礼曰再拜在位者皆再拜【已饮福受胙者不拜】奉礼又曰再拜在位者俱再拜谒者进献官之左白请就望瘞位谒者引献官就望瘞位南向立奉礼又帅赞者退立于燎坛东北位太祝进神坐前取制币祝版爵酒又以俎载牲体稷黍饭兴降自南陛南行当柴坛东南行自南

陞登柴坛以币酒祝版饌置柴上讫奉礼曰可燎东西面各二人以炬燎火起以炬投坛上火半柴谒者进献官之左白礼毕遂引献官以下出奉礼帅赞者还本位赞引引太祝以下俱复执事位立定奉礼曰再拜太祝以下皆再拜赞引引出

仲夏享先牧

将享有司筮日如别仪前享三日预享之官散斋二日于正寝致斋一日于享所右校扫除坛之内又为瘞埽于坛之壬地方深取足容物卫尉设享官次于东墼之外道南北向以西为上太官令具特牲之饌其日未明二刻太史令郊社令设升先牧神坐于坛上近北南向席以莞设神位于坐首奉礼设献官位于坛东南南向执事位于献官东南俱西向北上设奉礼位于献官西南赞者二人在南差退俱西向北上又设奉礼赞者位于瘞埽西南东面南上设望燎位于坛之西南北向设享官以下门外位于东墼之外道南每等异位重行北向以西为上郊社令设酒樽于坛上东南隅北向设洗于坛东北向盥水在洗东篚在洗西南肆【篚实巾爵】执樽罍篚冪者各位于樽罍篚冪之後设币篚于尊坫之所未明一刻享官以下各服其服郊社令太官令与良醢之属入实樽罍及币质明谒者引献官以下俱就门外位奉礼帅赞者先入就位赞引引太祝与执樽罍篚冪者入当坛南重行北面以西为上立定奉礼曰再拜赞者承传【凡奉礼有词赞者皆承传】太祝以下俱再拜祝与执事者升自东陞立于樽所执樽罍篚冪者各就位谒者引献官以下入就位立定奉礼曰再拜在位者皆再拜谒者进献官之左白有司谨具请行事退复位太官令出诣饌所太祝跪取币于篚兴立于尊所谒者引献官诣神坐前北向立太祝奉币东向授献官受币进北面跪奠於神坐俛伏兴少退北向再拜谒者引献官还本位太官令引饌入升自南陞太祝迎引於坛上设於神坐前设讫太官令以下降复位祝还樽所谒者引献官诣罍洗盥手洗爵讫谒者引献官升自南陞诣酒樽所执樽者举冪献官酌酒谒者引献官进先牧神坐前北向跪奠爵俛伏兴少退北向立太祝持版进神坐之右东向跪读祝文曰维某年岁次月朔日子嗣开元神武皇帝遗具官臣姓名敢昭告於先牧之神惟神肇开牧养厥利无穷式因颁马爰以制币牺齐粢盛庶品明荐於先牧之神尚享讫兴献官再拜太祝进跪奠版於神坐俛伏兴还樽所太祝以爵酌福酒进献官之右西向立献官再拜受爵跪祭酒遂饮卒爵祝进受爵复於坫献官俛伏兴太祝帅斋郎进俎太祝减神前胙肉以授献官献官受以授斋郎谒者引献官降自南陞还本位太祝进跪彻豆俛伏兴还樽所【彻者筮豆各一少移於故处】奉礼曰再拜在位者皆再拜【已饮福受胙者不拜】奉礼曰再拜在位者俱再拜谒者进献官之左白请就望瘞位谒者引献官就望瘞位北向立奉礼帅赞者又就瘞埽西南位太祝进神坐前跪取币爵酒又以俎载牲体稷黍饭兴降自南陞北行当瘞埽西行至埽以币酒饌置於坎讫奉礼曰可瘞东西面各二人真土半埽谒者进献官之左白礼毕遂引献官以下出奉礼帅赞者还本位赞引引太祝俱复执事位立定奉礼曰再拜太祝以下皆再拜赞引引出其祝版焚於斋坊

仲秋祭马社

荐享之仪并与先牧同其祝文曰维某年岁次月朔日子嗣开元神武皇帝遣具官姓名敢昭告於马社之神惟神肇教人乘用赖於今式因肆仆爰以制币牺齐粢盛庶品明荐於马社

之神尚飨

仲冬祭马步

荐享之仪并与先牧同其祝文曰维某年岁次月朔日开元神武皇帝谨遣具官姓名敢昭告於马步之神惟神为国所重在於闲牧神其屏兹凶慝使无有害载因献校爰以制币牺齐粢盛庶品明荐於马步之神尚飨

大唐开元礼卷八十九

卷九十

钦定四库全书

大唐开元礼卷九十 唐 萧嵩等 撰军礼

合朔伐鼓 合朔诸州伐鼓

大雩 诸州县雩

合朔伐鼓【二分二至即否】

其日合朔前三刻郊社令及门仆各服赤帻绛衣守四门令巡门监察鼓吹令平巾帻袴褶帅工人以方色麾旒分置四门屋下龙蛇鼓随设于左东门者立于北塾南面南门者立于东塾西面西门者立于南塾北面北门者立于西塾东面【门侧堂曰塾麾杠各长一丈旒以方色各长八尺】队正一人着平巾帻袴褶执刀帅卫士五人执五兵立于鼓外矛处东戟在南斧钺在西稍在北郊社令立攢于社坛四隅以朱丝绳萦之太史官一人赤帻赤衣立于社坛北向日观变黄麾次之龙鼓一面次之在北弓一张矢四鏃次之诸工鼓静立候日有变史官曰祥有变工人齐举麾龙鼓齐发声如雷史官称止工人罢鼓其日废务百官守本司日有变皇帝素服避正殿百官以下府史以上皆素服各于听事之前重行每等异位向日立明复而止

合朔诸州伐鼓

其日见日有变则废务所司置鼓于刺史听事之前刺史州官及九品以上俱素服立于鼓後重行每等异位向日立刺史先擊鼓执事代之明复俱止

大雩

大雩之礼前一日所司奏闻选人年十二以上十六以下为侏子着假面衣赤布袴褶二十四人为一队六人作一行执事者十二人着赤帻襦衣执鞭工人二十二人其一人方相氏着假面黄金四目蒙熊皮玄衣朱裳右执戈左执楯其一人唱师着假面皮衣执捧鼓角各十合为一队队别鼓吹令一人太卜令一人各监所部巫师二人【令已下皆服平巾帻袴褶】以逐恶鬼於禁中有司预备每门雄鸡及酒拟于宫城正门皇城诸门磔禳设祭太祝一人斋郎三人右校为瘞埽各于皇城中门外之右方深称其事前一日之夕雩者赴集所具其器服依次陈布以待事其日未明诸卫依时勒所部屯门列仗近仗入陈于阶下如常仪鼓吹令帅雩者各集于宫门外内侍诣皇帝所御殿前奏侏子备请逐疫讫出命寺伯六人分引雩者于长乐门永安门以入至左右上阁鼓噪以进方相氏执戈扬楯唱率唱侏子和曰甲作食 肺胃食疫雄伯食魅腾简食不祥览诸食咎伯奇食梦强梁祖明共食磔死寄生委随食观错断

食巨穷奇腾根共食蛊凡使一十二神追恶鬼凶赫汝躯拉汝干节解汝肌肉抽汝肺肠汝不急去後者为粮周呼讫前後鼓噪而出诸队各趋顺天门以出分诣诸城门出郭而止傩者将出祝布神席当中门南向出讫宰手斋郎鬻牲匈磔之神席之西藉以席北首斋郎酌酒太祝受奠之祝史持版于坐右跪读祝文曰维某年岁次月朔日天子遣太祝臣姓名敢昭告于太陰之神玄冬已谢青阳驭节惟神屏除凶厉俾无後艰谨以清酌敬荐於太陰之神尚享讫兴奠版於席乃举牲并酒瘞於埽讫退其内寺伯导引出顺天门外止

诸州县傩

方相四人俱执戈楯唱率四人【戈今以小戟方相唱率俱以杂职充之】侏子【都督及上州六十人中下州四十人县皆二十人其方相唱率县皆二人】取人年十五以下十三以上杂职八人四人执鼓四人执鞭前一日之夕所司帅领宿于州府门外【其县门亦如之】未辨色所司白刺史请引傩者入【其县令则所司白县令】将辨色宦者二人出门各执青麾引傩者入【无宦者外人引导】于是傩者击鼓俱噪呼鼓鞭击戈扬楯而入唱率唱侏子和曰甲作食 胠胃食疫雄伯食魅腾简食不祥览诸食咎伯奇食梦强梁祖明共食 死寄生委随食观错断食巨穷奇腾根共食蛊凡使一十二神逐恶鬼凶赫汝躯拉汝干节解汝肌肉抽汝肝肠汝不急去後者为粮宦者引之遍索诸室及门巷讫宦者引出中门所司接引出仍鼓噪而出出大门外分为四部各趣城四门出郭而止初傩者入祝五人各帅执事者以酒脯各诣州门及城四门【其县门亦准此】傩者出便酌酒奠脯于门右禳祝而止乃举酒脯埋于西南【酒以爵脯以笱】其祝文曰维某年岁次月朔日祝姓名敢昭告于太陰之神寒往暑来陰阳之恒度惟神无泯其道以屏 厉谨以酒脯之奠敬荐于神尚飨

大唐开元礼卷九十

卷九十一

钦定四库全书

大唐开元礼卷九十一 唐 萧嵩等 撰嘉礼

皇帝加元服上 卜日

告圜丘 告方泽

告宗庙 临轩行事

谒见太后

卜日

皇帝将加元服有司卜日如别仪

告圜丘

前一日诸告官清斋於告所诸卫各帅其属晡後一刻各以其方器服守卫壇门守宫设告官以下次各於常所设陈饌於内壇东门之外道北南向右校扫除坛之内外郊社令积柴於燎坛如常仪奉礼设版位於内外并如常仪郊社令率其属以樽坩鬯洗筐罍入设皆如常执樽鬯筐罍者各位於樽鬯筐罍之後太官令预饌酒脯醢告日未明四刻太史令郊社令各服其服升设神席如常未明二刻诸告官各服其服郊社令良醢令入实樽鬯及玉帛【太尊二一实以明水为上一实以泛齐次之山鬯二一实以玄酒为上一实以清酒次之玉以四珪有邸币以苍】未明一刻奉礼帅赞者先入就位赞引引御史太祝以下入行扫除如常仪质明谒者引告官以下俱就门外位奉礼帅赞者先入就位赞引引御史以下就位谒者引告官赞引引执事者以次入就位立定奉礼曰再拜赞者承传【凡奉礼有词赞者皆承传】告官以下皆再拜谒者进告官之左白有司谨具请行事退复位奉礼曰再拜在位者皆再拜初谒者白请行事太官令出帅进饌者奉饌陈於东门之外初太官令出太祝跪取玉帛於筐兴立於樽所谒者引告官升自午陛北向立太祝以玉帛东向授告官受玉帛进北面跪奠於昊天上帝神坐俛伏兴少退北向再拜谒者引降还本位太祝还樽所太官令引饌入升自午陛太祝迎引於坛上设於神坐前【笾豆盖罍彻之如式】设讫太官令以下降自东陛复位太祝还樽所谒者引告官诣盥洗盥手洗爵讫升自南陛诣酒樽所执樽者举罍告官酌泛齐谒者引告官诣神坐前北面跪奠爵俛伏兴少退北面立太祝持版进於神坐之右东面跪读祝文【祝文临时撰】讫兴告官再拜太祝进跪奠版於神坐兴还樽所告官再拜讫太祝以爵酌鬯福酒一太祝持爵进告官之右西向立告官再拜受爵跪祭酒遂饮卒爵太祝进受爵复於坩告官俛伏兴谒者引告官降复位太祝进跪彻豆俛伏兴还樽所奉礼曰再拜在位者皆再拜

【告官不拜】奉礼又曰再拜告官以下皆再拜谒者进告官之左白请就望瘞位南向立於衆官将拜太祝执篚进神坐取玉币祝版降坛南行自柴坛南陞升以玉币祝版置於柴上户内奉礼曰可燎东西面各六人以炬燎火半柴谒者进告官之左白礼毕谒者引告官赞引引执事者以次出御史太祝以下俱复执事位立定奉礼曰再拜御史以下皆再拜赞引引出

告方泽

前一日诸告官皆清斋於告所诸卫各帅其属晡後一刻各以其方器服守卫壇門守宫设告官以下次各於常所设陈饌幔於内壇东门之外道北南向右校扫除坛之内又为埋埽於坛南外壇之内方深取足容物北出陞奉礼设版位於内外并如常仪郊社令帅其属以樽坩罍洗篚罍入设皆如常执樽罍篚罍者各位於樽罍篚罍之後太官令预饌酒脯醢告日未明四刻太史令郊社令各服其服升设神席如常未明二刻诸告官各服其服郊社令良醢令入实樽罍及玉【设太尊二一实明水为上一实醴齐次之山罍二一实玄酒为上一实清酒次之玉以两珪有邸币以黄色】未明一刻奉礼帅赞者先入就位赞引引御史太祝以下入行扫除如常仪质明谒者引告官以下俱就位如常赞引引御史以下入就位谒者引告官赞引引执事者次入就位立定奉礼曰再拜赞者承传【凡奉礼有词赞者皆承传】告官以下皆再拜谒者进告官之左白有司谨具请行事退复位奉礼曰再拜在位者皆再拜初谒者请行事太官令出帅进饌者奉饌陈於东门之外初太官令出太祝跪取玉币於篚兴立於樽所谒者引告官诣坛升自南陞北向立太祝以玉币东向授告官谒者引告官进北面跪奠於神坐俛伏兴少退北面再拜谒者引降复位太祝还樽所太官令引饌入升自南陞太祝迎引於坛上各设於神坐前【笾豆盖罍彻之如式】设讫太官令以下降自东陞复位太祝还樽所谒者引告官诣罍洗盥手洗爵讫升自南陞诣酒樽所执樽者举罍告官酌醴齐谒者引告官诣皇地祇神坐前北向跪奠爵俛伏兴少退北向立太祝持版进於神坐右西向跪读祝文【祝文临时撰】讫兴告官再拜太祝进跪奠版於神坐还樽所告官再拜讫太祝以爵酌罍福酒一太祝持爵进告官之右东向立告官再拜受爵跪祭酒遂饮卒爵太祝进受爵复於坩告官俛伏兴再拜讫谒者引告官降复位太祝进跪彻豆俛伏兴还樽所奉礼曰再拜在位者皆再拜【告官不拜】奉礼又曰再拜告官以下皆再拜谒者进告官之左白请就望瘞位谒者引告官就望瘞位南向立於告官将拜诸太祝各执篚进神坐前跪取玉帛兴降就瘞坎以玉币置於坎讫奉礼曰可瘞坎东西面各四人奠土半坎谒者进告官之左白礼毕谒者引告官赞引引执事者以次出御史太祝以下俱复执事位立定奉礼曰再拜御史以下皆再拜赞引引出其祝版燔於斋所

告宗庙

前一日诸告官清斋於庙所诸卫各帅其属晡後一刻各以其方器服守卫庙門守宫设告官以下次各於常所右校清扫内外又为瘞埽於北门之内道西方深取足容物奉礼设版位於内外并如常仪又设望瘞位於堂之东北当瘞埽南向又设奉礼位於瘞埽东北南向赞者二人在西少退太庙令整拂神幄又率其属以樽坩罍洗篚罍制币之篚入设皆如常仪执樽罍篚罍者各位於樽罍篚罍之後太官令预饌酒脯醢告日未明三刻诸告官各服其服太官

令良醞令帅属入实樽罍及币【每室牺尊二一实明水为上一实醴齐次之山罍二一实玄酒为上一实清酒次之币以白各长一丈八尺】未明二刻奉礼帅赞者先入就位赞引引御史太祝以下入行扫除讫各就位未明一刻赞引引太庙令太祝以下宫闾令入当阶间北面西向立定奉礼曰再拜赞者承传【凡奉礼有词赞者皆承传】太庙令以下皆再拜升自东陛入开堦室奉出太祖以下神主各置於座如常仪讫各就位质明谒者引告官以下俱就门外位立定又引入就位立定奉礼曰再拜告官以下皆再拜【其先拜者不拜】谒者进告官之左白有司谨具请行事退复位太官令出帅进饌者奉饌陈於东门之外初太官令出诸太祝俱取币於筐各立於樽所谒者引告官升自东陛诣献祖庙室户外北面立太祝以币东向授告官受币进入北面跪奠於神坐俛伏兴出户北面立再拜谒者引告官以次进奠币於懿祖以下皆如上仪讫谒者引还本位诸太祝各还樽所太官令引饌入自正门升自太阶诸太祝迎引於阶上各设於神坐前【笾豆盖幂彻之如式】设讫太官令以下降复位诸太祝各还樽所谒者引告官诣罍洗盥手洗爵讫升自东陛诣献祖酒樽所执樽者举幂告官酌爵罍谒者引告官入诣献祖神坐前北向奠爵俛伏兴出户北向立太祝持版进於室户外之右东面跪读祝文【祝文临时撰】讫兴告官再拜太祝进跪奠版於神坐俛伏兴还樽所告官拜讫谒者引告官以次酌献皆如献祖之仪【唯不盥洗】遍献讫谒者引告官诣东序西向立诸祝各以爵酌罍福酒合置一爵一太祝持爵进告官之左北向立告官再拜受爵跪祭酒遂饮卒爵太祝进受爵复於坵告官俛伏兴再拜谒者引告官降复位诸太祝各入室跪彻豆俛伏兴还樽所奉礼曰再拜在位者皆再拜【告官不拜】奉礼又曰再拜告官以下皆再拜谒者进告官之左白请就望瘞位奉礼赞者转就瘞堦东北位谒者引告官就望瘞位西向立於告官将拜诸太祝各执筐进神坐前跪取币兴降自太阶诣瘞堦诸太祝以制币置於堦讫奉礼曰可瘞堦东西面各四人奠土半堦谒者进告官之左白礼毕谒者引告官赞引引执事者以次出初白礼毕奉礼赞者还本位御史太祝以下俱复执事位立定奉礼曰再拜御史以下皆再拜赞引引其祝版燔於斋所太庙令太祝宫闾令纳神主如常仪

临轩行事

先一日尚舍奉御设御冠席於太极殿中楹之间南向莞筵纷纯加藻席纁纯加次席黼纯守宫设羣官次於朝堂太乐令展宫悬於殿庭并如常仪设协律郎举麾位於殿上西阶之西东向一位於乐悬东南西向鼓吹令分置十二案於建鼓之外乘黄令陈车辂尚辇奉御陈舆辇如常仪典仪设文官一品以下五品以上位於悬东六品以下於横街之南皆重行西面北上设武官一品以下五品以上位於悬西六品以下於横街之南当文官皆重行东面北上设朝集使位分方於文武官当品之下设诸亲位於四品五品之下【皇宗亲在东异姓亲在西】设蕃客位各分方於朝集使六品之南诸州使人分方於朝集使九品之後又设太师太尉位於横街之南道东北向西上又设典仪位於悬之东北赞者二人在南少退俱西向奉礼设门外位於西朝堂皆如元日之仪其日诸卫勒所部屯门列黄麾仗如常羣官依时刻集朝堂俱就次各服其服通事舍人引就朝堂前位侍中版奏请中严太乐令鼓吹令帅工人入就位奉礼即设罍洗於阼阶东南罍在洗东加勺幂筐在洗西南肆实巾加幂尚舍奉御设席於东房内近西又张帷於东序外殿中监陈袞服於东房内席上东领玄衣纁裳十二章【八章在衣日月星辰山龙华虫火宗彝四章在裳藻粉米黼黻】白纱中单黼领青褙褙革带玉鈎

大带【青带朱里紕其外上以朱下以绿鈎用组之】朱黻三章【山龙火】鹿卢玉具剑火珠鏢首白玉双佩玄组大双绶六彩玄黄赤白缥缘纯玄质长二丈四尺五寸首广一尺【小双绶长二尺六寸色同大绶而首半之间施三玉环】朱鞮赤舄金饰绩纁【用白罗巾方六寸属带於前两幅】玉簪及栳三物同箱在服北尚舍奉御设莞筵一纷纯加藻席绩纯加次席黼纯又在南尚食奉御实醴樽於东序外惟内站在樽北实角觶栖各一加羃饌陈於樽西笾豆各十二俎三在笾豆之北设盥洗於樽东盥在洗西加勺羃篚在洗东北肆实巾加羃执樽盥笾豆及在庭盥篚者并绛公服立於其所衮冕垂白珠十有二旒以组为纓色如其绶黻纁充耳玉导置於箱太常博士一人立於西阶下近西东面诸侍卫之官各服其器服俱诣合奉迎典仪帅赞者先入就位通事舍人各引群官入就陪列位太常博士引太常卿升西阶立於西房外当户北向侍中版奏外办皇帝着空顶黑介帨双童髻双玉导缘纱袍以出侍卫警蹕如常仪皇帝将出仗动太乐令令撞黄钟之钟右五钟皆应协律郎举麾鼓祝奏太和之乐【凡乐皆协律郎举麾工鼓祝而後作偃麾戛敌而後止】皇帝出自西房太常博士引太常卿太常卿引皇帝【每太常卿前导皆博士先引】皇帝即御坐南向立乐止【太常卿与博士退立於皇帝之左】通事舍人引太师太尉入就位【凡太师太尉进退皆舍人导引】太师初入门舒和之乐作至位乐止典仪曰再拜赞者承传群官在位者皆再拜太师升自西阶太师初行乐作至阶乐止太师升立於西阶上东面太尉诣阼阶下盥洗盥手升自东阶诣东房内取纁栳箱进跪奠於御坐西端太师诣御坐前跪奏称请坐退复位皇帝坐太尉进当御坐前少左跪脱空顶帨置於栳箱栳毕设纁兴少西东面立太师降盥初降乐作盥讫诣西阶下乐止太师受冕左执顶右执前升自西阶进当皇帝前少左乐作太师祝曰令月吉日始加元服寿考惟祺以介景福乃跪冠兴复西阶上位太尉进皇帝前少左跪设簪结纓兴复位皇帝兴太常卿引皇帝适东房殿中监进彻栳纁箱以退皇帝着衮服太常卿引皇帝出即席南向坐乐止太尉诣序外帷内盥手洗觶酌醴加栖覆之面叶立於序内南面太师进受醴面柄进御坐前北面祝曰甘醴唯厚嘉荐令芳承天之休寿考不忘讫跪进觶兴降立於西阶下东面於将祝殿中监帅进饌者奉饌设於御坐前皇帝左执觶右取脯擣於醢祭於笾豆之间太尉取肺一以进皇帝皇帝奠觶於荐西受肺却左手执本右手絶末以祭上左手啖之授太尉太尉加於俎降立於太师之南皇帝脱手【侍中一人进脱巾】取觶以栖祭醴啐醴建栖奠觶於荐东皇帝初受觶伏和之乐作奠觶讫乐止太师太尉俱复横街南位太师初行乐作至位乐止典仪唱再拜赞者承传在位者皆再拜太师太尉出初行乐作出门乐止侍中前跪奏礼毕皇帝兴太乐令令撞?宾之钟左五钟皆应太和之乐作太常卿引皇帝皇帝入自东房侍卫警蹕如来仪入讫乐止通事舍人引东西面位者以次出

谒见太后

其日冠讫着通天冠服诣太后所御殿如常朝见之式尚宫引就殿前北面再拜讫尚宫引出还宫如常

大唐开元礼卷九十一

卷九十二

钦定四库全书

大唐开元礼卷九十二 唐 萧嵩等 撰嘉礼

皇帝加元服下 谒太庙

会羣臣 羣臣上礼

谒太庙

将谒太庙有司卜日如别仪前一日皇帝清斋於太极殿太尉以下清斋於庙所近侍之官应从入庙者各於本司清斋一宿诸卫令其属晡後一刻各以其方器服守卫庙门与太乐工人俱清斋一宿前三日尚舍直长设大次於太庙南门之外道西东向尚舍奉御铺御坐守宫设文武侍臣次於大次之後文官在左武官在右俱东向设太尉以下次於斋坊之内设三师次於侍臣次之东西向前二日太乐令设宫悬之乐於庙庭东方西方磬?起北钟?次之南方北方磬?起西钟?次之设十二鐃钟於编悬之间各依辰位树路鼓於北悬之内道之左右植建鼓於四隅置祝敔於悬内祝在左敔在右设歌钟歌磬於庙堂之上前楹之间北向磬?在西钟?在东其匏竹者立於阶间重行北向相对为首【凡悬皆展而编之】诸工人各於悬後东方西方以北为上南方北方以西为上右校清扫内外前一日奉礼设御位於乐悬之南道西北向设太尉以下及御史等位於内外并如常仪设酒樽之位於庙堂上前楹间各於室户之左北向每室鸡彝一鸟彝一牺樽二山罍二皆加勺罍皆西上各有坫焉【以置瓚爵】设洗於东阶东南北向罍水在洗东篚在洗西南肆【篚实以珪瓚巾爵也】执樽罍篚罍者各位於樽罍篚罍之後太庙令整拂神幄又帅府史斋郎以樽坫罍洗篚罍入设於位其日未明十五刻太官令帅宰人以鸾刀割牲於厨谒日未明三刻太尉以下各服其服太官令良醢令各帅其属实樽罍【鸡彝牺樽之上樽皆实以明水山罍之上樽实以玄酒鸟彝实以鬯鬯牺樽实以醴齐山罍实以清酒】太官令帅进饌者实诸笾豆簠簋等未明二刻奉礼帅赞者先入就位赞引引御史以下入行扫除如常仪讫各就位未明一刻赞引引太庙令太祝宫闈令入自东门当阶间重行北面以西为上立定奉礼曰再拜赞者承传【凡奉礼有词赞者皆承传】太庙令以下皆再拜升自东阶入开埽室奉出献祖以下神主各置於坐如常仪讫各就位质明谒者引太尉以下俱就门外位太乐令帅工人次就位【其升堂者皆脱屣于阶下降纳如常】谒者引太尉以下赞引引执事者次入就位立定奉礼曰再拜太尉以下皆再拜【其先拜者不拜】谒者进太尉之左白有司谨具请行事退复位协律郎跪俛伏举麾兴【凡取物者皆跪俛伏而取以兴奠物则奠讫跪俛伏而兴】鼓祝奏永和之乐乃以黄钟为宫大吕为角太簇为徵应钟为羽乐九成【黄钟三奏大吕太簇应钟各再奏】偃麾戛敔乐止【凡乐皆协律举麾工鼓祝而後作偃麾戛敔而後止】奉礼曰再拜衆官在位者皆再拜谒者引太尉诣罍洗太尉盥手洗瓚升自阼阶诣献祖尊彝所执樽者举罍太尉酌鬯讫登歌作肃和之乐乃以圜钟之均【自後登歌皆歌圜钟】诣者引太尉入诣献祖坐前北向跪以鬯裸

地奠之俛伏兴谒者引出户北向再拜讫谒者引太尉诣懿祖樽彝所执樽者举冪太尉取瓚於坫醴鬯谒者引太尉入诣懿祖神坐前北面跪以鬯裸地奠之如常仪俛伏兴谒者引太尉出户北向再拜谒者引太尉次裸太祖次裸代祖次裸高祖次裸太宗次裸高宗次裸中宗次裸睿宗皆如上仪讫登歌止谒者引太尉降复位初太尉既升裸太官令帅进饌者奉饌陈於东门之外谒者引司徒出诣饌所司徒奉献祖之俎初太尉既至位太官令引饌入自正门俎初入门雍和之乐作【自後酌献皆作雍和】以无射之均【自後接神之乐堂下皆奏无射】饌至阶乐止饌升诸太祝迎引於阶上各设於神坐前【笾豆盖冪彻之如式】设讫谒者引司徒以下降复位诸祝各还樽所谒者引太尉诣盥洗盥手洗爵讫升自阼阶诣献祖酒樽所执樽者举冪太尉酌醴齐讫乐作谒者引太尉入诣献祖神坐前北面跪奠爵俛伏兴出户北向立乐止太祝持版进於室户外之右东向跪读祝文曰维某年岁次月朔日子孝曾孙皇帝某【太祖以下称臣某】谨遣太尉封臣名敢昭告於献祖宣皇帝祖妣某氏敬遵恒典礼加元服以今吉辰祗见谨以一元大武明粢苽合苽苽嘉蔬嘉荐醴齐尚飨讫兴太尉再拜初读祝文讫乐作太祝进跪奠版於神坐俛伏兴还樽所太尉拜讫乐止谒者引太尉以次献皆如献祖之仪【唯不盥洗】遍献讫谒者引太尉诣东序西向立诸祝各以爵酌鬯福酒合置一爵一太祝持爵进太尉之左北向太尉再拜受爵跪祭酒啐酒奠爵兴诸祝各帅斋郎进俎减神前胙肉加於俎上又以笾取稷黍饭兴以胙肉共置一俎以饭共置一笾先以饭授太尉太尉受以授斋郎又以胙肉授太尉太尉受以授斋郎太尉跪取爵遂饮卒爵太祝进受爵复於坫太尉兴再拜讫谒者引太尉降复位赞引引御史太祝及执樽鬯筐冪者俱就执事位重行西面立以俟皇帝既谒庙出门太祝等升复位讫登歌作雍和之乐诸祝各入室彻豆还樽所【彻者笾豆各一少移於故处】登歌止奉礼曰赐胙赞者唱再拜在位者皆再拜【太尉不拜】乐作奉礼又曰再拜在位者皆再拜乐一成止谒者进太尉之左白礼毕遂引太尉出赞引引执事者以次出赞引引御史太祝以下俱复执事位立定奉礼曰再拜御史以下皆再拜赞引引出工人以次出其祝版燔於斋坊太尉令太祝宫闾令纳神主如常仪

亲谒

前出宫三日本司宣摄内外各共其职前一日守宫设羣臣五品以上次於东西朝堂如常谒日昼漏上水三刻銮驾出宫发引前七刻撾一鼓为一严【三严时节前一日左相奏裁】发引前五刻撾二鼓为再严侍中版奏请中严奉礼设羣官五品以上位於东西朝堂如常文武官五品以上俱集朝堂就次各服其服所司依图陈小驾卤簿发引前二刻撾三鼓为三严诸卫之属各督其队与鉞戟以次入陈於殿庭谒者引文武羣官各就位诸侍卫之官各服其器服侍中中书令以下俱诣合奉迎【侍中奉宝如式】乘黄令进金辂於西合外南向千牛将军一人执长刀立於辂前北向黄门侍郎一人在侍臣之前赞者二人又在黄门侍郎之前侍中版奏外办太仆令奋衣而升正立执轡皇帝服袞乘輿以出警蹕侍卫如常仪千牛将军前执轡皇帝升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾引发俛伏兴退复位【凡黄门侍郎奏请皆进銮驾前跪奏称具官臣某言讫俛伏兴】銮驾动又称警蹕黄门侍郎与赞者夹引以出千牛将军夹路而趋驾出承天门至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾

内符宝郎奉六宝与殿中监後从侍中中书令以下夹侍於路前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕鼓传音如常不鸣鼓吹不得諠譁驾过通事舍人引文武羣官不从者退就次以俟谒庙驾至大次迴辂东向千牛将军降立於辂右侍中进当銮驾前跪奏称侍中臣某言请降辂俛伏兴还侍位皇帝降路乘輿之大次繖扇华盖侍卫如常仪通事舍人引三师各就便坐各服其服出立於大次门外太常博士引太常卿立於大次门外当门西向侍中版奏外办皇帝出次华盖侍卫如常仪【侍中负宝陪从如式】博士引太常卿太常卿引皇帝【凡太常卿前导皆博士先引也】至庙门外殿中监进镇珪皇帝执镇珪华盖仗卫停於门外三师迎侍者从入如常皇帝初入太和之乐作至版位北向立乐止太常卿与博士退立於左太常卿前奏称请再拜皇帝再拜少顷太常卿又奏称请再拜皇帝又再拜讫太常博士引太常卿太常卿引皇帝出还大次初行乐作出门乐止皇帝出门殿中监前受镇珪华盖侍卫如常仪皇帝还大次侍中版奏请解严【将士不得辄离部伍】皇帝停大次一刻顷搥一鼓为一严转仗卫於还涂如来仪三刻顷搥二鼓为再严将士布队仗侍中版奏请中严皇帝改着通天冠绛纱袍五刻顷搥三鼓为三严文武侍臣诣大次奉迎乘黄令进金辂於大次门外东向千牛将军立於辂右侍中版奏外办太仆卿升执轡皇帝乘輿出次警蹕侍卫如常仪皇帝升辂太仆卿立授绥黄门侍郎奏称请銮驾发引俛伏兴退复位銮驾动警蹕如常仪黄门侍郎赞引夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中承前制退称制曰可黄门侍郎退复位千牛将军升讫黄门侍郎奏称请銮驾发引俛伏兴退复位鼓传音銮驾动鼓吹振作而还文武群官导从如来仪驾将至通事舍人引文武群官进就位以近驾为上驾至侍臣下马所銮驾权停文武侍臣皆下马千牛将军降立於辂右侍臣下马讫銮驾动千牛将军夹辂而趋驾至横街北当东上合回路南向侍中进当銮驾前跪奏称侍中臣某言请降路俛伏兴还侍位皇帝降辂乘輿以入侍臣从至合初皇帝入承天门舍人承旨勅羣官还皇帝既入合侍中版奏请解严叩钲将士各还本所

会羣臣

皇帝见庙之明日会羣臣如元会之仪其上寿词云具官臣某言伏惟皇帝陛下吉辰元服礼备乐和臣等不胜大庆谨上千万岁寿

羣臣上礼

前一日守宫量设次於东朝堂如常仪其日应上礼之官依时刻各集於次服朝服奉礼先设上礼之官位於东朝堂之前近南文武西重行北面相对为首又设中书?人位於吏部官之北南向设奉礼位於文官东北赞者二人在南差退俱西向通事舍人引应上礼之官就位立定令史二人对举表案礼部郎中引就中书舍人前取表授舍人讫引案退奉礼唱再拜赞者承传在位者皆再拜中书舍人奉表入进通事舍人引在位者退

大唐开元礼卷九十二

卷九十三

钦定四库全书

大唐开元礼卷九十三 唐 萧嵩等 撰嘉礼

纳后上 卜日

告圜丘 告方泽

临轩命使 纳采

问名 纳吉

纳徵 告期

告庙 册后

卜日

将纳后有司卜日如别仪

告圜丘告方泽

与加元服之仪同【祝文临时撰】

临轩命使

将行纳采制命太尉为使者宗正卿为副使吏部承以戒之【问名纳吉纳徵告期奉迎并同使】前一日尚舍奉御设御幄於太极殿如常守宫设群官客使等诸应陪位者次於东西朝堂太乐令展宫悬於殿庭设举麾位於殿上一位於悬下鼓吹令设十二案乘黄令陈车辂尚辇奉御陈輿辇皆如元日之仪典仪设文官一品以下五品以上位於悬东六品以下於横街之南皆重行西面北上设武官一品以下五品以上位於悬西六品以下於横街之南当文官皆重行东面北上设朝集使位各分方於文武官当品之下设诸亲位於四品五品之下【皇宗亲在东异姓亲在西】设蕃客位各分方於朝集使六品之南诸州使人分方位於朝集使九品之後设典仪位於悬之东北赞者二人在南少退西向设使者受命位於横街南道东副使又於其东少退俱北面奉礼设门外位於东西朝堂如元日之仪其日诸卫勒所部列黄麾仗如常仪群官依时刻集朝堂俱就次各服其服通事舍人引就朝堂前位侍中量时刻版奏请中严鉞戟近仗入陈於殿庭太乐令帅工人入就位协律郎入就举麾位诸侍卫之官各

服其器服符宝郎奉宝俱诣阁奉迎典仪帅赞者先入就位通事舍人引群官入就位又引使者及副使立於太极门外道东西面黄门侍郎引主节执幡节中书侍郎引制书案立於左延明门内道北面西北上侍中版奏外办皇帝服袞冕御輿以出曲直华盖警蹕侍卫如常仪皇帝将出仗动皇帝出自西房即御坐南向坐符宝郎奉宝置於御坐如常通事舍人引使主副入就位立定典仪曰再拜赞者承传羣官在位者皆再拜侍中前承制降诣使者东北西面称有制使主副俱再拜侍中宣制曰纳某官某氏女为皇后命公等持节行纳采等礼宣讫使主副又再拜侍中还侍位黄门侍郎引主节立於使者东北西面主节以节授黄门侍郎黄门侍郎执节西面授使者使者受付主节立於使者後黄门侍郎退中书侍郎引制书案立於使者东北西面中书侍郎取制书【持案者退自使後立於使者之左】西面授使者使者受制书置於案持案者退立於使後中书侍郎退典仪曰再拜赞者承传羣官在位者皆再拜舍人引使主副出持节者前导持案者次之侍中前跪奏称侍中臣某言礼毕俛伏兴还侍位皇帝降御輿入自东房侍卫警蹕如来仪舍人引羣官在位者以次出初使主副乘辂备仪仗而行鼓吹备而不作从者乘车以从其制书以油络网犍车载而行自後皆如之

纳采

前一日守宫设使者次於后氏大门外道右南向其日大昕使主副至於后氏大门外掌次者延入次【凡宾主及行事者皆公服】主人受於庙【无庙者受於正寝】掌事者布神席於室户外之西莞筵纷纯加藻席画纯南向右雕几使主副出次谒者引立於大门外之西东面北上持幡节者立於使者之北少退东面令史二人对举制案立於使主副之南执雁者又在其南俱东面主人立於大门内西向宾者立於主人之左北面受命出立於门东西面曰敢请事使者曰某奉制纳采宾者入告主人曰臣某之女若如人既蒙制访臣某不敢辞宾者出告入引主人出迎使者於大门外之南北面主人再拜使者不答拜主人揖使先入至於阶使者及宗正卿入幡节前导其持案及执雁者从入幡节立西阶之西东面【自後幡节皆如之】使者由西阶升立於两楹间南面使副在使者西南持案及执雁者在使副西南俱东面主人升阼阶诣使者前北面立持案者以案进使副前使副取制书持案者退复位使副奉制书进授使者退复位持节者脱节衣使者曰有制主人再拜宣制毕主人降诣阶间北面再拜稽首讫升进北面受制书退以授左右仍北面立使副取雁以授使者退复位使者受雁主人再拜进受雁退以授左右仍北面立宾者引二人对举答表案进立於主人後少西宾者取表以授主人主人受进授使者讫退复位再拜持节者加节衣谒者引使者及使副等降自西阶以出

制文【凡六礼皆以版长一尺二寸博四寸厚八分后家答版亦如之】

皇帝曰咨具官封姓浑元资始肇经人伦爰及夫妇以奉天地宗庙社稷谋於公卿咸以为宜率由旧典今使使持节太尉封某宗正卿封某以礼纳采

答文

皇帝嘉命访婚陋族备数采择臣之女【姑姊妹则云先臣某官之遗女】未闲教训衣履若而人钦承旧章肃奉典训某官封臣姓名稽首顿首再拜承制诏

问名

使者既出遂立於内门外之西东面并如纳采位初使者降主人降立於内门内东厢西面
宾者进受命出请事使者曰将加卜筮奉制问名宾者入告主人曰臣某之子若如人既蒙制
访臣某不敢辞宾者出告入引主人出迎使者於内门外之南北面揖使者先入就位至於阶
使者及使副入幡节前导持案及执雁者从入使者由西阶升立於两楹间南面使副在使者
西南持案及执雁者在使副西南俱东面主人升阼阶诣使者前北面立持案者以案进使副
前使副取制书持案者退复位使副奉制书进授使者退复位持节者脱节衣使者曰有制主
人再拜使者宣制毕主人降诣阶间北面再拜稽首讫升进北面受制书退以授左右仍北面
立使副取雁以授使者使者受雁主人再拜进受雁以授左右仍北面立宾者引二人对举答
表案於主人後少西宾者取表以授主人主人受进授使者讫退复位再拜持节者加节衣谒
者引使者及使副等降自西阶以出立於内门外之西使副在南少退俱东面初使者降主人
降立於东阶下西面宾者进受命出请事使者曰礼毕宾者入告主人曰某公奉制至於某室
某有先人之礼请礼从者宾者出告使者曰某既得将事敢辞宾者入告主人曰先人之礼敢
固以请宾者出告使者曰某辞不得命敢不从宾者入告遂引主人升立於序端掌事者彻几
改设二筵东上【各用莞筵纷纯加藻席纁纯】设罍醴於东房西牖下加勺冪站在樽北实
觶二角枵二各一筵一豆实以脯醢在坵北又设洗於东阶东南如常施設讫宾者引主人降
迎使者於内门外之东西面揖使者先入使者入门而左使副从之主人入门而右至阶主人
曰请某位升使者曰某敢辞主人又曰固请某位升使者曰某敢固辞主人又曰终请某位升
使者曰某终敢辞主人升自阼阶使者升自西阶使副从升俱北面主人阼阶上北面再拜使
者及副使西阶上北面答再拜主人受几於序端掌事者内拂几三奉两端西北面以进主人
东南向外拂几三振袂内执之掌事者一人又执几以从主人主人进西北向使者序进迎受
於筵前东南向以俟主人还东阶上北面再拜送使者以几进北面跪各设於坐差退於西阶
上北面东上俱答再拜立於阶西东面南上赞者二人俱升取觶降盥手洗觶升实醴加枵於
觶覆之面叶出房南面主人受醴面柄进使者於筵前西北向立又赞者执觶以从使者西阶
上北面各一拜序进筵前东南面主人以次授醴使者受俱复西阶位上主人退复东阶上北
面一拜送掌事者以次荐脯醢於筵前使者各进升筵皆坐左执觶右取脯濡於醢祭於笱豆
之间各以枵祭醴三始扱一祭又扱再祭兴各以枵兼诸觶上腊降筵於西阶上俱北面坐啐
醴建枵各奠觶遂拜执觶兴主人答拜使者进升筵坐各奠觶於荐东降筵序立於西阶上东
面南上掌事者牵马入陈於门内三分庭一在南北首西上又掌事者奉币筐升自东阶以授
主人主人授於序端进西面位掌事者一人又奉币筐立於主人之後使者西阶上俱北面再
拜主人进诣楹间面南立使者序进立於主人之西俱南面主人以币筐授使者使者受退立
於西阶上东面执币者又以币筐授主人主人受以授使副使副受之退立於使者位北俱东
面主人还东阶上北面拜送使者降自西阶从者迓受币使者当庭实揖马以出牵马者从出
使者出大门外之西东面立从者迓受马主人出门东西面再拜送使者退主人入立於东阶
下西面宾者告於主人曰宾不顾矣主人反於寝使者奉答表诣阙进

制文

皇帝曰咨某官封姓两仪配合承天统物正位於内必俟令族重章旧典今使使持节太尉封某宗正卿封某以礼问名

荅文

皇帝嘉命使者某重宣中制问臣名族臣女夫妇所生先臣故某官之遗玄孙先臣故某官之遗曾孙先臣故某官之遗孙先臣故某官之外孙女年若干钦承旧章肃奉典制某官臣姓某稽首顿首再拜承制诏【若女祖以上在则直云某官臣之孙女等语】

纳吉

前一日守宫设使者次於后氏大门外如初其日大昕使主副至於后氏大门外掌次者延入次掌事者设几筵如初使主副出次谒者引立於大门外之西东面北上持幡节者立於使者之北少退东面令史二人举对制案立於使主副之南执雁者又在其南俱东面主人立大门内西面宾者进受命出请事使者曰加卜筮占曰从制使某也纳吉宾者入告主人曰臣某之女若而人龟筮云吉臣预在焉臣某谨奉典制宾者出告入引主人出迎使者於大门外之南北面主人再拜使者不答拜主人揖使者先入至於阶使者及使副入幡节前导持案及执雁者从入幡节立西阶之西东面使者由西阶升立於楹阶南面使副在使者西南持案及执雁者在使副西南俱东面主人升阼阶诣使者前北面立持案者以按进使副前使副取制书持案者退复位使副奉制书进授使者退复位持节者脱节衣使者曰有制主人再拜使者宣制毕主人降诣阶间北面再拜稽首讫升进北面受制书退以授左右仍北面立使副取鴈授使者退复位使者受鴈主人再拜进受鴈退授左右仍北面立宾者引二人对举答表案进立於主人後少西宾者取表以授主人主人受以进授使者讫退复位再拜持节者加节衣谒者引使者及使副等降自西阶以出立於内门外之西面使副在南少退俱东面初使者降主人降立於东阶下西面宾者进受命出请事使者曰礼毕其宾使者如问名之仪

制文

皇帝曰咨某官姓人谋龟从金曰贞吉敬顺典礼今使使持节太尉封臣某宗正卿臣某以礼纳吉

荅文

皇帝嘉命使者某重宣中制太卜元吉臣陋族卑鄙忧惧不堪钦承旧章肃奉典制某官臣姓某稽首顿首再拜承制诏

纳徵

前一日守宫设使者次如初其日大昕使主副至后氏大门外掌次者延入次执事者入布
幕於内门之外玄纁束帛陈於幕上六马陈於幕南北首西上执事者奉穀珪以匱俟於幕东
西面掌事者设几筵如初使主副出次谒者引立於大门外西东面北上持幡节者立於使者
之北少退东面令史二人对举制案於使副之南东面主人立於大门内西面宾者进受命出
请事使者曰某奉制纳徵宾者入告主人曰奉制赐臣以重礼臣某只奉典制宾者出告入引
主人出迎使者於大门外之南北面主人再拜使者不答拜谒者引使者及使副入幡节前导
持案者从入使者入门而左主人入门而右至於内门使主副立於门西东面北上主人立於
门东西面宾者引主人揖使者先入门至於阶使副从入由西阶升立於楹间南面使副在使
者西南持案者在使副西南俱东面主人由阼阶诣使者前北面立於主人揖入门执事者坐
后匱取珪加於玄纁上及牵马者从入三分庭一在南北首西上执珪者在马西俱北面持案
者以案进使副前使副取制书持案者退复位使副奉制书进授使者退复位持节者脱节衣
使者曰有制主人再拜讫使者宣制毕主人降诣阶间北面再拜稽首讫升进北面受制书退
以授左右仍北面立宾者引二人对举答表案进主人後少西宾者取表以授主人主人受以
授使者讫退复位再拜谒者引使者及使副等降自西阶以出立於内门外之西使副在南少
退俱东面初主人受制书讫左右受玉帛於庭受马者自左授之以东牵马者既授马自前面
而出主人降立於东阶下西面宾者进受命出请事使者曰礼毕其宾使者如纳吉之仪

制文

皇帝曰咨某官姓之女有母仪之德窈窕之姿如山如河宜奉宗庙永承天祚玄纁珪马以
章典礼今使使持节太尉封某宗正卿封某以礼纳徵

答文

皇帝嘉命使者某重宣中制降婚卑陋崇以上公宠以丰礼备物典策钦承旧章肃奉典制
某官臣姓名稽首顿首再拜承制诏

告期

前一日守宫设使者次如初其日大昕使主副至后氏大门外掌次者延入次掌事者设几
筵如初使主副出次谒者引立於大门外之西东面北上持幡节者立於使者之北少退东面
令史二人对举制书案立於使副之南执雁者又在其南俱东面主人立於大门内西面宾者
进受命出请事使者曰制使某告期宾者入告主人曰臣某谨奉制宾者出告入引主人出迎
使者於大门外之南北面主人再拜使者不答拜主人揖使者先入至於阶使者及使副入幡
节前导持案及执雁者从入使者由西阶升立於两楹间南面使副在使者西南持案及执雁
者在使副西南俱东面主人升阼阶诣使者前北面持案者以案进使副前使副取制书进授
使者退复位持节者脱节衣使者曰有制主人再拜使者宣制毕主人降诣阶间北面再拜稽
首讫升进北面受制书退授左右仍北面立使副取雁授使者退复位使者受雁主人再拜进
受雁退以授左右仍北面立宾者引二人对举答表案进立於主人後少西宾者进取表以授

主人主人受以进授使者讫复位再拜持节者加节衣謁者引使者及使副等降自西阶以出立於内门外之西使副在南少进俱东面初使者降主人降立於东阶下西面傧者进受命出请事使者曰礼毕其傧使者如纳徵之仪

制文

皇帝曰咨某官姓谋於公卿太筮元龟罔有不臧率遵典礼今使使持节太尉封某宗正卿封某以礼告期

答文

皇帝嘉命使者某重宣中制告曰惟某年某月日可迎臣钦承旧章肃奉制典某官臣姓某稽首顿首再拜承制诏

告庙

有司以特牲告如常告礼【祝文临时撰】

册后

前一日守宫设使者次於后氏第大门外之西如常尚舍设尚宫以下次於后氏合外道西东向障以行帷其日临轩命使如纳采命使之仪【太尉为正使司徒为副使】奉礼设使者位於大门外之西东向使副及内侍位於使者之南举册案及宝绶者在南差退持节者在使者之北少退俱东向设主人位於大门外之南北面设使者以下及主人位於内门外亦如之设内謁者监位於内门外主人之南西面内謁者监设司赞位於东阶东南掌赞者二人在南差退俱西向謁者监又预置一案於合外近限使主副乘辂持节备仪仗鼓吹备而不作至后氏大门外使者降辂掌次者延入次尚宫以下至合之次内仆进重翟以下於大门之外道西东向以北为上诸卫令其属布后仪仗如常使者出次謁者引使者以下就门外位主人朝服出立於东阶下西面傧者进受命出门东西面曰敢请事使者曰某奉制授皇后备物典册傧者入告遂引主人出迎於大门外北面再拜使者不答拜謁者引使者入门而左持节者前导持案者次之主人入门而右至内门外各就位立定奉册宝案者进当使副前使副受册宝持案者退复位使副以册宝进受使者退复位内侍进使者前西面受册宝东面授内謁者监退复位内謁者监持册宝入立於合外之西东面跪置册宝於案俛伏兴尚宫以下入合奉后首饰褱衣【其衣服所司预进】傅姆赞出尚宫引降立於庭中北面尚宫跪取册尚服跪取宝绶兴进立於后之右少前西向司言司宝各一人进於后左少前东向尚宫称有制尚仪赞皇后再拜皇后再拜宣册讫尚仪又赞皇后再拜皇后再拜尚宫奉册进授皇后皇后受以授司言尚服又奉宝绶次授皇后皇后受以授司宝讫尚仪赞皇后升坐尚宫引皇后升坐南向坐内官以下俱降立於庭重行北向以西为上立定司赞曰再拜掌赞承传内官以下皆再拜讫诸应侍卫者各升立於侍位尚仪前跪奏称礼毕皇后降坐尚宫引皇后入於宫主人傧使者

如告期之仪使者乘辂而还诣阙复命

册文

维年月日皇帝使使持节太尉封某司徒封某册命某官女某氏为皇后咨尔易基乾坤诗
首关睢王化之本实由内辅是故皇英嫔虞帝道以光任姒妃周胤嗣克昌皇后其祗勗厥德
以肃承宗庙?恭中馈尽敬妇道帅导六宫作范仪於四海皇天无亲惟德是依可不慎欤

大唐开元礼卷九十三

卷九十四

<史部,政书类,仪制之属,大唐开元礼>

钦定四库全书

大唐开元礼卷九十四 唐 萧嵩等 撰嘉礼

纳后下 命使奉迎

同牢 皇后谢表

朝太后 皇后受羣臣贺

会羣臣 外命妇朝会

羣臣上礼 皇后庙见

车驾出宫

命使奉迎

其日晡後侍中量时刻版奏请中严晡後三刻皇帝服袞冕出升所御殿宫人侍卫如常仪文武之官五品以上立於东西朝堂如常仪奉迎前一日守宫设使者次於大门之外道右设使副及内侍次於使者次西俱南向尚舍设宫人次於合外道西奉礼设使者位於大门外之西东向使副位於使者之南持案及执雁者又在南差退持节者在使者之北少退俱东向奉礼位於使副西南赞者二人在南差退俱东面又设内侍位於大门外道左西面其日司赞又设宫人以下位於堂前使主副朝服发朝堂乘辂持节备仪仗至大门外使者降辂掌次者延入次宫人等各之次奉迎文武官至宿卫及列卤簿如常奏请皇后中严量时刻姆傅导皇后尚宫前引出升堂宫人等侍卫如常仪皇后将出主妇出於房外之西南向文武奉迎者皆陪立於大门之外文官在东武官在西皆以北为上立定谒者引使者诣大门外位立使副内侍等各就位主人立於内门外堂前东阶下西向宾者受命出请事使者曰某奉制今以吉辰率职奉迎宾者入告主人曰臣谨奉典制宾者出告入引主人出门南北面再拜使者不答拜谒者引使者入门而左持节者前导使副及持案执雁者次之主人入门而右至内门外堂西阶间使者先升立於两楹间南面使副在使者西南持案及执雁者在使副西南俱东面主人升东阶诣使者前北面立持案者以案进使副前使副取制书持案者退复位使者曰有制主人再拜使者宣制毕主人降诣阶间北面再拜稽首讫升进北面受制书退以授左右讫主人再拜仍北面立使副取雁授使者讫主人再拜进受雁退授左右仍北面立宾者引二人对举答表案进立於主人後少西宾者取表以授主人主人受以授使者讫退复位再拜谒者引使

副降自西阶以出复门外位立定奉礼曰再拜赞者承传使主副俱再拜使者曰令月吉日臣某等承制率职奉迎内侍受以入传於司言司言受以奏闻尚仪奏请皇后再拜皇后再拜讫主人入升自东阶进西面诫之曰戒之敬之夙夜无违命主人退立於东阶上西面毋诫於西阶上施衿结帨曰勉之敬之夙夜无违命讫腰舆进皇后升舆以降尚宫前导六尚以下侍卫如常皇后升重翟以几姆加憬内宫侍从及内侍导引应乘车从者如鹵簿常仪迎使及百官当引从者退随便立皇后车出大门外以次乘车马引从如常

制文

皇帝曰咨某官姓岁吉令月吉日惟某率由典礼今遣使持节太尉封某宗正卿封某以礼迎

答文

皇帝嘉命使者某重宣中诏令月吉辰备礼以迎蝼蚁之族猥承大礼忧惧战悸钦承旧章肃奉典制某官臣某稽首顿首再拜承制诏

同牢

其日内侍之属设皇后大次於皇帝所御殿门外之东南向铺坐如常将夕尚寝设皇帝御幄於所御之殿室内之奥东向铺地席重茵施屏障初昏尚食设洗於东阶东西当东灵南北以堂深罍水在洗东筐在洗西南肆【筐实以巾二爵二】设讫后洗於东房近北罍水在洗西筐在洗东北肆皆加勺冪饌於东房西牖下设豆各二十四簠簋各二登各三皆加巾盖俎三樽於室内北牖下玄酒在西加冪勺南柄【冪夏用絺冬用组】又樽於房户外之东庑玄酒沾在南加四爵合卺【其器皆乌漆唯登以陶卺以匏】皇后重翟入门鸣钟鼓【其钟鼓所司预陈设鸣钟鼓者所以声告内外】鹵簿止於外近侍应从者如常皇后从永巷至大次前回车南向施步障毕尚仪进当车前跪奏称请降车兴退复位皇后降车御舆司舆率繖扇等司灯率执烛者俱布列前後皇后入就大次严整讫尚宫引皇后诣所御殿门外之东西向立尚仪跪奏外办请降坐礼迎皇帝降坐尚宫前引诣门内之西东面揖后以入尚食彻樽冪酌玄酒三注於樽尚寝设席於室内之西东向【莞筵纷纯加藻席纁纯次席黼纯对席亦准此】皇帝导后升自西阶入室即席东向立皇后入立於樽西南面皇帝盥於南洗后盥於北洗尚食帅其属以饌入设饌於席前菹醢在其北俎三入设于豆东豕俎特於俎北【豆东菹醢之东】尚食设黍於酱稷稻粱又在东设清於饌东南【饌要方】设对酱於东【对酱后饌也设之当俎特】菹醢在其南北上设黍於豕俎北其西稷稻粱设清於酱北尚食启会却于簠簋之南对簠簋于北【启发也豆盖彻於房内】各加匕箸尚寝设对席於饌东尚食西面跪奏饌具兴皇帝揖皇后对席西面皆坐尚食跪取韭菹擣醢授皇帝又尚食跪取韭菹擣醢授皇后皇帝及皇后俱受祭於豆间尚食又取黍实於左手遍取稷稻粱反於右手授皇帝又尚食取黍实於左手遍取稷稻粱反於右手授皇后皇帝及皇后俱受祭於豆间又各取肺皆絶末授皇帝及皇后皇帝及皇后俱受又祭於豆间讫尚食各以肺加於俎司饰二人以巾

授皇帝及皇后俱帨手讫尚食各跪品尝饌讫各移黍置於席上以次授肺脊皇帝及皇后皆食三饭卒食尚食二人俱盥手洗爵於房入室詣酒樽所酌酒进授皇帝及皇后俱受爵祭酒尚食各以肝从皆奠爵振祭哂之尚食皆受实於俎豆各取爵皆饮讫尚仪俱进授虚爵奠於坵再醑如初三醑用盃如再醑尚食俱降东阶洗爵升酌於户外樽进北面俱奠爵兴再拜跪取爵祭酒遂饮卒爵奠爵遂拜执爵兴奠於筐还侍位尚仪北面跪奏称礼毕兴皇帝皇后俱兴尚宫引皇帝入东房释冕服御常服又尚宫引皇后入幄脱服尚宫引皇帝入尚食帅其属彻饌设於东房如初皇后从者餽皇帝之饌皇帝侍者餽皇后之饌

皇后谢表

皇后至宫之明日服展衣出司言引尚宫尚宫前导及左右侍从如常升正殿两楹间北面立又尚仪以谢表授皇后尚仪以案俟於前皇后置表案上尚宫赞拜皇后再拜讫尚仪以表降殿授内侍内侍因中书以闻初内侍出门皇后降殿还寝如常

朝皇太后

其日大昕所司设皇太后御坐地席於所御之殿南向尚食帅司膳设侧樽甒醴於东房内东壁下加勺冪筯一豆一实以脯醢设於樽北又设洗於樽西近北罍水在洗西筐在洗东北肆【筐实以巾冪角觶一角柶一】其日皇后夙兴沐浴尚仪版 请皇后中严质明六尚及诸侍卫官人俱詣寝殿奉迎尚仪版奏外办皇后服褱衣加首饰御輿尚宫前导降自西阶以出侍卫如常至太后合外皇后降輿障扇侍从如常立於西厢东面皇后将至尚仪奏请皇太后中严皇后既至合外尚仪奏皇太后外办皇太后服褱衣加首饰司言引尚宫尚宫引皇太后出即御坐南向坐侍从如常皇后执笄枣栗暇修司言引尚宫尚宫引皇后入升自西阶北面再拜进跪奠笄於皇太后坐前皇太后抚之尚食进彻以东司言引尚宫尚宫引皇后退北面又再拜司设设皇后席於牖户之间近北南向司言引尚宫尚宫引皇后立於席西南向尚食入东房盥手洗觶酌醴加柶面柄出进詣皇后席前北面立皇后进北面再拜受醴尚食荐脯醢於席前皇后升席坐左执觶右取脯擣於醢祭于筯豆之间以柶祭醴三始扱一祭又扱再祭加柶于觶面叶兴降席北面跪啐醴建柶兴北面再拜进升席跪奠 於荐东兴降席司言引尚宫尚宫引皇后降自西阶以出御輿而还侍从如来仪皇后出合尚仪跪奏称礼毕俛伏兴还侍位皇太后降坐入室如常

皇后受羣臣贺

右如正冬贺仪唯贺辞云具官臣某等言伏惟殿下徽猷昭备至德应期凡厥黔黎不胜庆跃

皇帝会羣臣

右如正冬会议唯乐备而不作上壽辞云具官某等言皇后坤仪配天德昭厚载克崇万叶

显嗣徽音凡厥兆庶载怀鳧藻臣等不胜庆忭谨上千万岁壽

外命妇朝会

右如正冬朝会之仪唯贺辞云某位妾姓等言伏惟殿下坤象配天德昭厚载率土含识不胜忭舞会辞唯加谨上千万岁壽

羣臣上礼

右如加元服上礼之仪

皇后庙见

前一日皇后清斋於别殿内官应从入庙者俱斋一日於庙所诸卫令其属晡後一刻各以其方器服守卫庙门与太乐工人俱清斋一宿前二日舍尚直长设皇后大次於太庙北门内之西东向周以行帷尚舍奉御铺御坐尚舍直长又量设内官以下次於大次之後守宫设外命妇妃主以下次於庙北门外之西道南北向东上周以行帷又设行事太尉以下次於斋坊之内太乐令设宫悬之乐於庙庭东方西方磬簠起北钟簠次之南方北方磬簠起西钟簠次之设十二罇钟於编悬之间各依辰位树路鼓於北悬之内道之左右植建鼓於四隅置祝馑於悬内祝在左馑在右设歌钟歌磬於庙堂之上前楹之间北向磬簠在西钟簠在东其匏竹者立於阶间重行北面相对为首【凡悬皆展而编之】诸工人各位於悬後东方西方以北为上南方北方以西为上前一日右校清扫内外内谒者监设皇后版位於乐悬之北道西北向设外命妇位於其次前北面东上奉礼设太尉以下及御史等位於内外并如常仪设酒樽之位於庙堂上前楹间各於室户之左北向每室彝二樽二【春秋用鸡彝鸟彝牺尊秋冬用斚彝黄彝着尊】山彝二皆加勺罍皆西上各有坫焉【以置瓚爵】设洗於东阶东南北向彝水在洗东篚在洗西南肆【篚实以珪瓚巾爵】执樽彝篚罍者各位於樽篚之後太庙令整拂神幄又帅府史斋郎以樽坫彝洗篚罍入设於位其日未明十五刻太官令帅宰人以鸾刀割牲於厨谒日未明三刻太尉以下各服其服太庙令良醢令各帅其属入实樽彝如式太官令帅进饌者实诸笾豆簠簋等未明二刻奉礼帅赞者先入就位赞引引御史以下行扫除如常仪讫引还斋所奉礼以下次还斋所未明一刻奉礼帅赞者先入就位赞引引太庙令太祝宫闈令入自东门当阶间重行北面以西为上立定奉礼曰再拜赞者承传【凡奉礼有词赞者皆承传】太庙令以下皆再拜升自东阶入开圜室奉出献祖以下神主各置於坐如常仪讫引还斋所质明谒者引太庙令以下俱就门外位奉礼帅赞者先入就位赞引引御史以下入就位太乐令帅工人入就位【其升堂内者皆脱履於阶下降纳如式】谒者引太尉赞引引执事者次入就位立定奉礼曰再拜太尉以下皆再拜【其先拜者不拜】谒者进太尉之左白有司谨具请行事退复位协律郎跪俛伏举麾兴【凡取物者皆跪俛伏而取以兴奠物则奠讫俛伏而後兴】鼓祝奏永和之乐乃以黄钟为宫大吕为角太簇为徵应钟为羽乐九成【黄钟三奏大吕太簇应钟各再奏】偃麾戛敔乐止【凡乐皆协律郎举麾工鼓祝而後作偃麾戛敔而后止也】奉礼曰再拜太尉以下皆再拜谒者引太尉诣彝洗太尉盥手

洗瓚升自阼阶诣献祖樽彝所执樽者举冪太尉酌爵鬯登歌作肃和之乐乃以圜钟之均【自後登歌皆作圜钟】谒者引太尉入诣献祖坐前北面跪以鬯裸地奠之俛伏兴谒者引太尉出户北向再拜讫谒者引太尉诣懿祖樽彝所执樽者举冪太尉取瓚於坫酌爵鬯谒者引太尉入诣懿祖神坐前北面跪以鬯裸地奠之俛伏兴谒者引太尉出户北面再拜讫谒者引太尉次裸太祖次裸代祖次裸高祖次裸太宗次裸高宗次裸中宗次裸睿宗皆如上仪讫登歌止谒者引太尉还斋所初太尉既升裸太官令帅进饌者奉饌陈於东门之外谒者引司徒出诣饌所司徒奉献祖之俎太官令引饌入自正门俎初入门雍和之乐作【自後酌献皆歌雍和】以无射之均【自後接神之乐堂下皆奏无射】饌至阶乐止饌升诸太祝迎引於阶上各设於神座前【笾豆盖冪彻之如式】设讫谒者引司徒以下还斋所诸祝各还樽所谒者引太尉诣盥洗盥手洗爵讫升自阼阶诣献祖樽彝所执樽者举冪太尉酌醴齐讫乐作谒者引太尉入诣献祖神座前北面跪奠爵俯伏兴出户北向立乐止太祝持版进於室户外之右东向跪读祝文曰维某年岁次月朔日子孝曾孙开元神武皇帝某【太祖以下称臣某】谨遣太尉封臣名敢昭告於皇祖某謚皇后某氏【太祖以下庙则称妾某氏】将伸祗见谨以一元大武明粢芻合芻苢嘉蔬嘉荐醴齐敬荐尚飨讫兴太尉再拜初读祝文讫乐作太祝进跪奠版於神座前俛伏兴还樽所太尉拜讫乐止谒者引太尉以次献皆如献祖之仪【惟不盥洗】遍献讫谒者引太尉诣东序西向立诸祝各以爵酌鬯福酒合置一爵一太祝持爵进太尉之左北向太尉再拜受爵跪祭酒啐酒奠爵兴诸祝各帅斋郎进俎跪减神前胙肉加於俎上又以笾取稷黍饭兴以俎肉共置一俎以饭共置一笾先以饭授太尉太尉受以授斋郎又以胙肉授太尉太尉受以授斋郎太尉跪取爵遂饮卒爵太祝进受爵复於坫太尉兴再拜讫谒者引太尉还斋所赞引引御史太祝及执樽鬯筐冪者俱还斋所以俟皇后既谒庙出门谒者引太尉以下诸执事及工人等各入复位登歌作雍和之乐诸祝各进入室彻豆出还樽所【彻者笾豆各一少移於故处】登歌止奉礼曰赐胙赞者唱再拜在位者皆再拜【太尉不拜】乐作奉礼又曰再拜在位者皆再拜乐一成止谒者进太尉之左白礼毕遂引太尉出赞引引执事者以次出御史太尉以下俱复执事位立定奉礼曰再拜御史以下皆再拜赞引引出工人以次出其祝版燔於斋坊太庙令太祝宫闈令纳神主如常仪

车驾出宫

前出宫三日本司宣摄内外各共其职其日昼漏上水四刻车驾出宫发引前七刻撻一鼓为一严【三严时节前一日内侍奏裁】发引前五刻撻二鼓为再严尚仪版奏请中严司赞设内命妇版位於皇后所御殿合外道东重行西向北上内命妇各服其服所司陈小驾卤簿发引前二刻撻三鼓为三严司宾引内命妇各服其服就位六尚以下各服其服俱诣室奉迎【尚服负玺如式】内仆进重翟於合外尚仪版奏外办驭者执轡皇后首饰褱衣乘輿以出警蹕侍卫如常仪皇后升车仗卫如常六尚等乘车陪从如式司宾引内命妇退随近以俟诸翊驾之官皆乘马驾动称警蹕如常不鸣鼓角诸卫前後督摄如常外命妇三品以上及公主县主皆先至各就次俱服其器服车驾将出内侍之属守庙四门内谒者赞引命妇妃主等出次内典引引就位立驾过引还次初驾将至内侍之属守庙四门驾至庙北门回车北向尚仪进当车驾前跪奏称尚仪妾姓言请降车兴还侍位皇后降车升輿入大次繖扇华盖侍卫如常仪卤簿停於庙外皇后停大次半刻顷司言引尚宫立於大次门外当西向尚仪版奏外办

皇后出次侍卫如常【尚服负玺陪从如式】司言引尚宫尚宫引皇后【凡尚宫前导皆司言先引】至版位北向立尚宫与司言退立於左皇后定立尚宫前奏称请再拜皇后再拜少顷尚宫又奏称再拜皇后又再拜讫司言引尚宫尚宫引皇后还大次内侍版奏请解严【将士不得辄离部伍】皇后停大次一刻顷撻一鼓为一严转仗卫於还?如来仪三刻顷撻二鼓为再严尚仪版奏请中严皇后改着钿钗礼衣五刻顷撻三鼓为三严六尚以下诣大次奉迎内仆进重翟於庙北门之外尚仪版奏外办驭者执轡皇后乘輿出次华盖侍卫如常皇后升车鼓吹振作而还六尚等升车陪从如来仪皇后将出门内谒者赞引外命妇等出次内典引引就位驾至位所内侍奏请驾权停外命妇还外命妇再拜讫内侍承令令外命妇又再拜车驾过内典引引外命妇退各还第驾至所御殿合外回车南向尚仪进当车驾前跪奏称尚仪妾姓言请降车兴还侍位皇后降车乘輿以入侍卫如常於车驾将至司宾引内命妇俱就位皇后既入司宾引内命妇退内侍版奏请解严将士各还其所

大唐开元礼卷九十四

卷九十五

钦定四库全书

大唐开元礼卷九十五 唐 萧嵩等 撰嘉礼

皇帝元正冬至受皇太子朝贺

皇后元正冬至受皇太子朝贺

皇帝元正冬至受皇太子朝贺

前二日本司宣摄内外各供其职前一日尚舍奉御设御幄於太极殿北壁南向守宫设皇太子次於承天门外东朝堂之北西向又於东宫朝堂设宫臣次如常式太乐令展宫悬於殿庭设麾於殿上西阶之西东向一位於乐悬东南西向鼓吹令设十二案乘黄令陈车辂尚辇奉御陈舆辇并如常仪设皇太子位于横街南道东北面设典仪位於悬之东北赞者二人在南差退俱西面奉礼设宫臣版位於东宫朝堂如常其日依时刻宫官俱集於次各服其服诸卫率各勒所部陈设如常左庶子版奏请中严典谒引宫臣各就位侍卫之官各服其器服【左庶子负宝如式】俱诣合奉迎仆进金辂於西合外南向内率一人执刀立於辂前北向中允一人在侍臣之前赞者二人又在中允之前左庶子版奏外办仆奋衣而升正立执轡皇太子具服远游冠【若未冠则双童髻】绛纱袍升舆以出左右侍卫如常仪内率前执轡皇太子升辂仆立授绥左庶子以下夹侍如常仪中允进当辂前跪奏称中允臣某言请发引俛伏兴退复位【凡中允奏请皆进当辂前跪奏称具官臣某言讫俛伏兴】辂动中允与赞者夹引以出内率夹辂而趋出重明门至侍臣上马所中允奏称请辂权停令侍臣上马左庶子前承令退称令曰诺中允退称侍臣上马赞者承传文武侍臣皆上马左庶子以下夹侍於辂前赞者在供奉官人内侍臣上马毕中允奏称请令车右升左庶子前承令退称令曰诺中允退复位内率升讫中允奏称请发引退复位皇太子辂动三师乘车训导王少乘车训从鸣铙而行文武宫臣皆乘马以从至长乐门铙吹止至次前回辂西向内率降立於辂右左庶子进当辂前跪奏称左庶子臣某言请降辂俛伏兴还侍位皇太子降辂舍人引皇太子就次坐侍卫如常仪其日依时刻将士填街诸卫勒所部列黄麾大仗屯门及陈于殿庭如常仪皇太子既就次侍中版奏请中严近仗就陈於门外太乐令帅工人入就位协律郎入就举麾位侍卫之官各服其器服符宝郎奉宝俱诣合奉迎典仪帅赞者先入就位通事舍人引群官属以下次入就位皇太子出次舍人引皇太子三师三少导从如式入立於太极殿门外之东西面【诸卫率左右庶子舍人及近侍者量人从入】侍中版奏外办皇帝服袞冕之服乘舆以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛?举麾鼓祝奏太和之乐鼓吹振作皇帝出自西房即御坐南向坐符宝郎奉宝置御坐如常协律郎偃麾戛敌乐止【凡乐皆协律郎举麾工鼓祝而後作偃麾戛敌而後止也】舍人引皇太子就位【诸卫率左右庶子以下从入者立于皇太子东南西面北上】皇太子初入门舒和之乐作至位乐止立定典仪曰再拜赞者承传皇太子再拜舍人引皇太子诣西阶皇太子初行

乐作至阶乐止舍人引皇太子升进当御坐前北面跪贺称元正首祚景福惟新伏惟陛下与天同体【冬至贺云天正长至伏惟陛下如日之升】俛伏兴舍人引降乐作复位乐止皇太子再拜侍中前承制降诣皇太子东面西向称有制皇太子再拜宣制讫皇太子又再拜典仪唱再拜皇太子又再拜舍人引皇太子出初行乐作出门乐止皇太子既出公主入朝朝贺如别礼

皇后元正冬至受皇太子朝贺

前一日守宫设皇太子次于崇义门内随地之宜其日司赞设皇太子版位于皇后正殿之庭悬南北面皇太子朝皇帝讫舍人引皇太子从纳义门诣崇义门内次权停外命妇朝贺将讫舍人引皇太子出立於肃章门外命妇出讫内谒者监引皇太子至肃章门司宾承引皇太子入就位立定司赞唱再拜皇太子再拜讫司宾引皇太子诣西阶升当御坐前北面跪贺贺称元正首祚景福惟新伏惟殿下与时同休【冬至贺云天正长至伏惟殿下如日之升】俛伏兴降复位皇太子再拜尚仪前承令降诣皇太子西北东面称令旨皇太子再拜宣令讫又再拜司赞唱再拜皇太子又再拜司宾引皇太子至合内谒者监承引以出舍人引皇太子乘车还宫如来仪

大唐开元礼卷九十五

卷九十六

钦定四库全书

大唐开元礼卷九十六 唐 萧嵩等 撰嘉礼

皇帝元正冬至受皇太子妃朝贺

皇后元正冬至受皇太子妃朝贺

皇帝元正冬至受皇太子妃朝贺

其日依时刻诸卫率各勒所部陈布妃仪仗如常内廄尉进车於合外司测量时刻后外办妃服首饰褕衣乘车以出侍卫如常入至下车所妃降车侍从如常内侍所司引诣合外皇帝即御坐南向近侍如常司宾引妃升自西阶进当御坐前北面跪贺称元正首祚景福惟新伏惟开元神武皇帝陛下与天同休【冬至贺云天正长至伏惟陛下如日之升】贺讫起司宾引降复位妃再拜讫尚仪前承勅降诣妃西北东面称有勅妃再拜宣勅讫又再拜司宾引妃还宫

皇后元正冬至受皇太子妃朝贺

皇太子妃朝皇帝讫诣皇后所御之殿立於合外六尚以下各服其服俱诣皇后内合奉迎如常皇后出即御坐南向坐近侍如常司宾引妃入立於庭北面立定再拜司宾引妃升自西阶进当御坐前北面跪贺称元正首祚景福惟新伏惟皇后殿下与时同休【冬至贺云伏惟殿下如日之升】贺讫起司宾引降复位妃再拜讫尚仪前承令降诣妃西北东面称令旨妃再拜宣令讫又再拜司宾引妃出乘车还宫如来仪若诸王妃奉勅同朝则各服其服预至皇太子妃下车所侍随入位在皇太子妃南北面西上唯不升於阶外与皇太子妃同若别朝亦准皇太子妃式

大唐开元礼卷九十六

卷九十七

钦定四库全书

大唐开元礼卷九十七 唐 萧嵩等 撰嘉礼

皇帝元正冬至受羣臣朝贺【并会】

皇帝千秋节受羣臣朝贺【并会】

皇帝元正冬至受羣臣朝贺【并会】

前一日尚舍奉御设御幄於太极殿北壁下南向铺御坐如常守宫设羣官各使等次於东西朝堂太乐令展宫悬于殿庭设麾于殿上西阶之西东向一位於乐悬东南西向鼓吹令分置十二案於建鼓之外乘黄令陈车辂尚辇奉御陈輦輦尚舍奉御又设解剑席於悬西北横街之南并如常仪设文官三品以上位於横街之南道东【褒圣侯于三品之下】介公鄴公位于道西武官三品以上於介公鄴公之西少南俱每等异位重行北面相对为首设文官四品五品位於悬东六品以下於横街之南每等异位重行西面北上设诸州朝集使位都督刺史及三品以上东方南方於文官三品之东重行北面西上西方北方於武官三品之西重行北面东上四品以下皆分方位于文武官当品以下诸州使人分方立於朝集使之下亦如之设诸亲位于四品五品之南【皇亲在东异姓亲在西】设诸方客位三等以上东方南方于东方朝集使之东每国异位重行北面西上西方北方于西方朝集使之西每国异位重行北面东上四等以下分方位於朝集使六品之下每等重行异位设典仪位于悬之东北赞者二人在南少退俱西面奉礼设门外位文官于东朝堂每等异位重行西面【褒圣侯于三品之下】介公鄴公于西朝堂之前武官于介公之南少退每等异位重行东面诸亲位于文武官四品五品之南【皇帝宗亲在东异姓亲在西】设诸州朝集使位东方南方于宗亲之南每等异位重行西面西方北方于异姓亲之南每等异位重行东面诸州使人分方位于朝集使之下亦如之诸方客位东方南方于东方朝集使之南每国异位重行西面北上西方北方于西方朝集使之南东面北上其日依时刻将士填街诸卫勒所部列黄麾大仗屯门及陈于殿庭如常仪群官诸亲客使集朝堂皆就次各服其服侍中版奏请中严近仗就次陈於合外太乐令帅工人入就位协律郎入就举麾位诸侍卫之官各服其器服符宝郎奉宝俱诣合奉迎典仪帅赞者先入就位吏部兵部主客户部赞羣官客使俱出次通事舍人各引就朝堂前位又通事舍人引四品以下及诸亲客使等应先直者入就位侍中版奏外办皇帝服袞冕【冬至则服通天冠绛纱袍】御輦出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎俛伏举麾鼓祝奏太和之乐鼓吹振作皇帝出自西房即御坐南向坐符宝郎奉宝置于御坐如常协律郎偃麾戛敌乐止通事舍人引王公以下及诸客使等以次入就位【皇太子若来朝皇太子朝出乞典谒引王公以下入】公初入门舒和之乐作公至位乐止羣官客使等立定典仪曰再拜赞者承传羣官客使等皆再拜乞通事舍人引上公一人诣西陛公初行乐作至解剑席乐止公就席脱舄跪解剑置於席俛伏兴通事舍人引

升阶进当御坐前北面跪贺称某官臣某言元正首祚景福惟新伏惟开元神武皇帝陛下与天同休【冬至云天正长至伏惟陛下如日之升】俛伏兴通事舍人引降陛诣席後上公跪着剑俛伏兴纳舄乐作复横街南位乐止羣官客使等俱再拜侍中前承诏降诣羣官东北西面称有制羣官客使等皆再拜宣制曰履新之庆与公等同之【冬至云履长之庆与公等同之】宣制讫羣官客使等皆再拜讫舞蹈三称万岁讫又再拜侍中还侍位初羣官将朝中书侍郎以诸州镇表为一案候於右延明门外给事中以祥瑞案俟于左延明门外俱令史绦公服对举案侍郎给事中俱就侍臣班於班初入户部以诸州贡物陈於太极门东东西厢礼部以诸蕃贡物量可执者蕃客手执入就内位其重大者陈于朝堂前初上公将入门中书侍郎降引表案入诣西阶下东面立给事中降引祥瑞案入诣东阶下西面立上公将升贺中书令黄门侍郎降各立阶下初上公升阶中书令黄门侍郎各取所奏之文以次升上公贺讫中书令前跪奏诸方表讫黄门侍郎又进跪奏祥瑞讫俱降置所奏之文于案各还侍位侍郎与给事中引案退至东西阶前案遂出侍郎给事中还侍位初侍中宣制讫朝集使及蕃客皆再拜讫户部尚书进诣阶间北面跪奏【其尚书奏仍待黄门侍郎奏祥瑞讫】称户部尚书臣某言诸州贡物请付所司俛伏兴侍中前承制退称制曰可尚书退复位礼部尚书以次进诣阶间北面跪奏称礼部尚书臣某言诸蕃贡物请付所司俛伏兴侍中前承制退称制曰可尚书退复位侍中还侍位太府帅其属受诸州及诸蕃贡物出归仁纳义门执物者随之典仪曰再拜通事舍人以次引北面位者出公初行乐作出门乐止侍中前跪奏称侍中臣某言礼毕俛伏兴还侍位皇帝兴太乐令令撞?宾之钟左五钟皆应奏太和之乐鼓吹振作皇帝降坐御輦入自东房侍卫警蹕如来仪侍臣从至合乐止通事舍人引东西面位者以次出【蕃客先出其冬至朝则不改奏祥瑞贡物又无诸方表】

会

朝讫太乐令设登歌於殿上引二舞入立於悬南尚舍奉御铺羣官升殿者坐文官三品以上於御座东南西向【褒圣侯於三品之下】介公 公於御坐西南东向武官三品以上於介公 公之後朝集使都督刺史及三品以上东方於文官三品之後西方北方於武官三品之後蕃客三等以上东方南方於东方朝集使之後西方北方於西方朝集使之後俱重行每等异位以北为上设不升殿者坐各於其位又设羣臣解劔席於悬之西北横街之南并如常仪尚食奉御设壽罇於殿上东序之端西向设玷於樽南加爵一太官令设升殿者酒樽於东厢近北设殿庭羣官酒樽各於其坐之南皆有玷罇俱障以帷施設讫吏部兵部户部主客赞羣官客使俱出次通事舍人各引就朝堂前位典仪帅赞者先入就位通事舍人各引非升殿者次入就位侍中版奏外办皇帝改服通天冠绦纱袍【冬至则不改服】御輦以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应奏太和之乐鼓吹振作皇帝出自西房即御坐南向坐符宝郎奉宝置於御坐如常乐止典仪一人升就东阶上西面立通事舍人引公王以下及诸客使以次入就位公初入门乐作至位乐止羣官客使立定【若期会别日设位赞拜陈列如朝礼其日二舞与工人俱入就位】侍中进当御坐前北面跪奏称侍中臣某言请延诸公王等升俛伏兴又侍中称制曰可侍中诣东阶上西面称制延公王等升殿上典仪承传阶下赞者又承传羣官客使皆再拜侍中还侍位羣官拜讫通事舍人引应升殿者诣东西阶公初行乐作至解劔席乐止公王以下各脱舄跪解劔置于席上俛

伏兴通事舍人接引上公一人升阶少东西面立以下各位于坐後立定光禄卿进诣阶间跪奏称臣某言请赐羣臣上壽俛伏兴侍中称制曰可光禄卿进诣酒樽所西向立通事舍人引上公诣酒樽所北面立尚食奉御酌酒一爵授上公上公搢笏受爵通事舍人引上公退北面跪称某官臣某等稽首言元正首祚【冬至云元正长至】臣等不胜大庆谨上千万岁壽俛伏兴再拜羣官客使等上下俱再拜立于席後侍中前承制退称敬举公等之觴群官客使等上下又再拜殿中监取爵奉进近臣逖进皇帝举酒休和之乐作羣臣客使等上下皆舞蹈三称万岁皇帝举酒讫殿中监进受虚爵以授尚食奉御奉御受爵复於坳乐止初殿中监受虚爵殿上典仪唱再拜阶下赞者承传羣官客使等上下皆再拜通事舍人引上公就坐後立殿上典仪唱就坐阶下赞者承传羣官客使等上下皆就坐俛伏坐太乐令引歌者及琴瑟至阶脱履於下升就位坐其笙管者进诣阶间北面立尚食奉御进酒至阶殿上典仪唱酒至兴阶下赞者承传羣官客使等上下皆俛伏起立於席後殿中监到阶省酒尚食奉御奉酒进皇帝举酒太官令又行羣官酒酒至殿上典仪唱再拜阶下赞者承传羣官客使等皆再拜搢笏受觶殿上典仪唱就坐阶下赞者承传羣官客使等上下皆就坐俛伏坐饮皇帝初举酒登歌作昭和之乐三终尚食奉御进受虚觶复于坳登歌讫降复位觴行三周尚食奉御进御食食升阶殿上典仪唱食至兴阶下赞者承传羣官客使等上下皆执笏俛伏兴起立坐後殿中监到阶省案尚食奉御品尝食讫以次进置御前太官令又行羣官案【御若不食羣官案先上讫不须兴】设食讫殿上典仪唱就坐阶下赞者承传羣官客使等上下皆就坐俛伏坐皇帝乃饭休和之乐作羣官客使上下俱饭御食毕乐止仍行酒遂设庶羞太乐令引二舞以次入作若赐酒侍中承诏诣东阶西向称赐酒殿上典仪承传阶下赞者又承传羣官客使等上下皆执笏俛伏起再拜搢笏立受觶就席俛伏坐饮讫俛伏起立授虚爵执笏又再拜就坐酒行十二遍会毕殿上典仪唱可起阶下赞者承传羣官客使等上下皆俛伏起立席後通事舍人引降阶俱诣席後跪着劔俛伏兴纳舄乐作复横街南位乐止位于殿庭者仍立于席後立定典仪曰再拜赞者承传羣官客使等在位皆再拜【位于殿庭者拜于席後】若有勅赐物侍中前承制降诣羣官东北西面称有制羣官客使等皆再拜侍中宣制讫羣臣客使等又再拜通事舍人引羣官客使等以次出公初行乐作出门乐止侍中前跪奏称侍中臣某言礼毕俛伏兴还侍位皇帝兴太乐令令撞?宾之钟左五钟皆应奏太和之乐鼓吹振作皇帝降坐御辇入自东房侍卫警蹕如来仪侍臣从至合乐止通事舍人引东西面者以次出【蕃客先出】皇帝若服翼善冠袴褶则京官着袴褶朝集使着公服【升坐者脱履如式】若设九部乐则去乐悬无警蹕太乐令设九部伎位于左右延明门外羣官初唱万岁太乐令即引九部伎声作而入各就位以次作如式

皇帝千秋节御楼受羣臣朝贺

前三日所司供备如式前一日尚舍铺御坐及内外张设并如寻常御楼之仪尚舍光禄供办如式尚食预置壽樽于楼上御坐之东义置壽樽于楼前之东南【皆有盞竿】其日平晓陈列仗卫如常仪百官常服咸就横街南依东西班序立侍中版奏外办皇帝御座候卷帘通事舍人分引羣官诣横街北壽樽之西俱北面中书门下及供奉官如常式立定典仪赞再拜横街南北百官俱再拜讫尚食奉御酌壽酒以授殿中监殿中监以授侍中侍中执酒正立殿中监受侍中之酒侍中执笏稍前跪奏称千秋令节臣等不胜大庆谨上千万岁壽奏讫兴再

拜羣官上下皆再拜所司酌壽樽之酒以进皇帝受酒承制宣云得卿等壽酒与卿等内外同庆皇帝举酒羣官上下又再拜三呼万岁舞蹈又再拜讫诣坐所太官令酌酒以进侍中执酒以出羣官等俱出谢酒讫就位太常卿引乐如常仪【其横街南羣官应有常食者引就坐如式余退】其羣官所献甘露醇酎上食等所由并其日平晓于楼之便门奉进会毕楼上褰帘羣官各出就位立定典仪赞再拜羣官等俱再拜【若临时别有进止随事赞相】垂帘羣官退

大唐开元礼卷九十七

卷九十八

钦定四库全书

大唐开元礼卷九十八 唐 萧嵩等 撰嘉礼

皇后正至受羣臣朝贺

皇后正至受外命妇朝贺【并会】

皇后正至受羣臣朝贺

前一日尚寝率其属设御幄坐如外命妇朝贺之仪守宫设羣官次於宫城门外如常仪其日未明一刻诸卫各勒所部屯门列仗及陈布于肃章门外奉礼设文武群官诸亲蕃客等位于宫城门外如朝堂之式典仪设文武羣官位于肃章门外文东武西俱重行北面相对为首诸亲位于文武五品之下朝集使蕃客等分方位次如常设典仪赞者位于羣官东北差退西向北上又设内给事位于羣官之北南向【若与外命妇同时朝则典仪于肃章门外设羣官版位】文武羣官依时刻俱集于门外俱就次各服其服【若上台同日朝贺则上台礼毕羣官仍朝服典谒引从纳义门西各行就版位】尚仪奏请中严六尚以下各服其服俱诣内合奉迎典仪帅赞者先入就位典谒引文武羣官入就位尚仪奏外办皇后首饰褱衣以出即御坐南向坐侍卫警蹕及设琮玺於御坐并如常仪内谒者监引内给事出就南面典仪曰再拜赞者承传文武羣官等俱再拜典谒引为首者一人进内给事前北跪贺称元正首祚景福惟新伏惟殿下与时同休【冬至云天正长至伏惟殿下如日之升】贺讫俛伏兴典谒引退复位羣官等皆再拜内谒者监引内给事入依式奏闻内给事承令出内谒者监引内给事复南面位称令旨羣官等皆再拜内给事宣令云履新【冬至云履长】大庆与公等同之羣官等又再拜内谒者监引内给事入典谒引羣官等出尚仪前奏礼毕皇后降座以入侍卫警蹕如常仪

皇后正至受外命妇朝贺【并会】

前二日本司宣摄内外各供其职前一日守宫设外命妇次如常仪尚寝帅其属设御幄于皇后正殿北壁南向又设命妇为首者脱舄席于西阶前近西东向如式司乐展宫悬之乐於殿庭设麾于殿上西阶之西东向内仆进重翟以下于肃章门之外道东西向北上司赞设外命妇版位于殿庭大长公主以下在东太夫人以下在西诸亲妇女位于外命妇之下【宗亲在东异姓亲在西】俱重行北面相对为首内谒者设外命妇等位於肃章门外大长公主以下於道东太夫人以下於道西俱重行相向北上命妇有夫从夫之爵无夫从子设司赞位于东阶东南西向掌赞二人位于司赞之南差退俱西向受朝日依时刻诸卫勒所部屯门列仗及陈布於肃章门外如常仪外命妇等依时刻集到宫门外至下车所道西东向以车为次北上车次定外命妇等皆降车内典引引之次各服其服尚仪奏请中严宫官侍卫者皆朝服司

宝奉琮宝依式俱诣内合奏迎司乐帅女工人入就位典乐并就举麾位司赞帅掌赞先入就位内典引引外命妇俱诣肃章门外位尚仪奏外办皇后首饰褱衣以出警蹕侍卫如常仪皇后出自西房典乐举麾奏正和之乐即御座南向坐司宝奉琮宝置於御坐如常偃麾乐止【凡乐皆典乐举麾工鼓祝而後作偃麾戛敌而後止】司宾承引外命妇以次入就位为首者初入门舒和之乐作至位乐止命妇等立定司赞曰再拜掌赞承传外命妇等皆再拜司宾引为首者一人诣西阶为首者初行乐作至阶乐止为首者脱舄升进当御坐前北面跪贺称妾姓等言元正首祚景福惟新伏惟殿下与时同休【冬至云天正长至伏惟殿下如日之升】贺讫起司宾引为首者自西阶降纳舄乐作复位立定乐止司赞曰再拜掌赞承传命妇等皆再拜司言前承令降自西阶诣命妇西北东面称令旨外命妇等皆再拜宣令云履新之庆【冬至云履长之庆】夫人等同之司赞曰再拜掌赞承传外命妇等皆再拜司宾以次引出尚仪前奏礼毕还侍位皇后降坐乐作入自东房侍卫警蹕如来仪乐止女工人退

会

朝讫尚寝率其属铺外命妇等之座於殿上大长公主以下於御座东南重行西向太夫人以下於御座西南重行东向设不升殿者坐席於东西廊下皆北上又量设脱屣席於东西阶下尚食设壽樽於殿上东序之端西向有坵加爵一於樽下设升殿者酒樽於东西廊下近北设廊下者酒樽各於其座之南皆有坵羃俱障以帷设讫司乐帅诸乐人就位内典引引外命妇俱诣肃章门外位尚仪奏外办皇后首饰褱衣出警蹕侍卫如常仪皇后出自西房典乐举麾正和之乐作即御座南向坐司宝奉琮宝置於御座如常仪偃麾乐止【凡乐皆典乐举麾工鼓祝而後作偃麾戛敌而後止】司宾承引外命妇以次入就位为首者初入门乐作至至位乐止外命妇立定【若期会别日赞者如朝礼】司言前承令降诣命妇西北东向称令旨夫人等升席坐司赞曰再拜掌赞承传外命妇等皆拜讫司宾引外命妇应升殿者诣东西阶乐作为首者至阶乐止俱就席脱舄於阶下升司宾引为首一人升阶近东西面立以下各就席後立典宾引不升殿者诣东西廊下席後立上下立定司宾引为首者诣酒尊所北面立尚食酌酒一爵以授爲首司宾引为首者至御坐前北向授尚食尚食受爵进置御坐前司宾引为首者跪奏称妾姓等言元正首祚【冬至贺云天正长至】妾等不胜大庆谨上千万岁壽兴再拜外命妇等皆再拜讫司言前承令宣令云令旨夫人等同纳景福外命妇等又再拜尚食取爵奉进皇后举酒乐作外命妇等皆三称万岁皇后举酒讫尚食受虚爵复于坵乐止司赞曰再拜掌赞承传外命妇等皆再拜司宾引为首者就席後立司赞曰就坐掌赞承传外命妇等俱就坐尚食进酒至阶司赞曰酒至兴掌赞承传外命妇等俱兴立席後尚仪至阶省酒尚食奉酒进皇后举酒作乐如常又行外命妇酒酒至司赞曰再拜掌赞承传外命妇等俱再拜受觶司赞曰就坐掌赞承传外命妇等俱就坐饮皇后举酒讫尚食受虚觶复于坵乐止觴行三周尚食进御食食升阶司赞曰食至兴掌赞承传外命妇等皆起立席後尚仪至阶省案尚食品尝讫以次进置御前又行命妇案【御若不食外命妇案先上讫不须兴】设食讫司赞曰就坐掌赞承传外命妇等皆就席坐皇后乃饭乐作外命妇等俱饭御食毕乐止仍行酒设庶羞诸伎以次作若赐酒司言前承令诣东阶上西向称赐酒阶下掌赞承传外命妇等皆起再拜立受觶坐饮讫起立授虚觶又再拜就席坐酒行十二遍会毕司赞曰可起掌赞承传命妇等皆起立席後司宾引降各纳舄乐作俱引复阶下位乐止其廊下者仍立于席後立定

司赞曰再拜掌赞承传外命妇等在位者皆再拜若有束帛则尚功帅其属以束帛预立于东西厢司言前承令降自西阶诣命妇西北东面称令旨外命妇等皆再拜宣令讫外命妇等又再拜尚功帅其属以次授束帛外命妇等又再拜司宾引外命妇等以次出乐作出门乐止内典引承引次出尚仪前奏礼毕还侍位皇后降座乐作入自东房警蹕侍卫如来仪乐止

大唐开元礼卷九十八

卷九十九

钦定四库全书

大唐开元礼卷九十九 唐 萧嵩等 撰嘉礼

皇帝於明堂读孟春令

皇帝於明堂读仲春令

皇帝於明堂读季春令

皇帝於明堂读孟春令

陈设

礼部尚书先读令三日奏读月令承以宣告前三日尚舍直长施大次於东门外道北南向尚舍奉御设御座守宫设文武侍臣次於大次之後文官在左武官在右俱南向设羣官次於壁水东门之外文官在北武官在南俱西上前一日尚舍奉御设御幄座於青阳左个近西东向守宫设三品以上及诸司长官坐於青阳堂上文官於御座东北南向武官於御座东南北向俱重行西上【无长官者次官一人升判官不合】设刑部郎中读令坐於御座东南北向有案设文官解劔席於丑陛之左设武官解劔席於卯阶之右皆内向太乐令展宫悬於青阳左个之庭设举麾位於堂上寅陛之南北向一位於乐悬东北南向典仪设三品以上及应升坐者位於悬东文左武右俱重行西向相对为首设非升坐者位文官四品五品於悬北六品以下於其东絶位俱南向武官四品五品於悬南六品以下於其东当文官俱北向皆重行西上设典仪位於悬之西北赞者二人在东差退俱南向奉礼设门外位各於次前俱每等异位重行相向西上

銮驾出宫

前出宫三日本司宣摄内外各供其职守宫设从驾之官五品以上次於承天门外东西朝堂如常前二日太乐令设宫悬之乐於殿庭如常仪其日未明七刻撾一鼓为一严【三严时节前一日侍中奏裁】侍中奏开宫殿门及城门未明五刻撾二鼓为再严侍中版奏请中严奉礼设从驾羣官五品以上位文官於东朝堂之前西向武官於西朝堂之前东向俱重行北上从驾羣官五品以上俱集朝堂次各服其服【其六品以下并驾发之前预赴明堂所俱就次各服其服】所司陈小驾卤簿未明二刻撾三鼓为三严诸卫之属各督其队与鉞戟以次入陈于殿庭谒者引从驾群官各就朝堂前位诸卫之官各服其器服侍中中书令以下俱诣西合奉迎【侍中负玺如式】乘黄令进金辂于西合外南向千牛将军一人执长刀立於辂前北向黄门侍郎一人在侍臣之前赞者二人又在黄门之前侍中版奏外办太仆卿备衣而

升正立执轡皇帝服通天冠青纱袍佩苍玉御辇以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏兴举麾鼓祝奏太和之乐千牛将军前执轡皇帝升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾发引俛伏兴退复位【凡黄门侍郎奏请皆进当銮驾前跪奏称具官某言俛伏兴】銮驾动又称警蹕黄门侍郎与赞者夹引以出千牛将军夹辂而趋驾至太极门偃麾戛敌乐止出太极门鼓祝奏采茨之乐出嘉德门戛敌乐止【凡乐皆协律郎举麾工鼓祝而後作偃麾戛敌而後止】至承天门外侍臣上马所黄门侍郎奏请銮驾权停勅侍臣上马侍中前承诏退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从侍中中书令以下夹侍於辂前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕鼓传音如常鼓吹振作而行其从驾之官在玄武队後如常仪

读令

其日依时刻诸卫勒所部屯门列仗及青阳左个之庭如常先至羣官俱集次各服其服驾将至典谒各引先至羣官俱就门外位驾至大次门外回辂南向千牛将军降立於辂右侍中进当銮驾前跪奏称侍中臣某言请降辂俛伏兴还侍位皇帝降辂御舆之大次繖扇华盖侍卫警蹕如常仪通事舍人引文武五品以上从驾之官皆就门外位太乐令帅工人入就位协律郎入就举麾位典仪帅赞者先入就位又通事舍人引羣官非升坐者入就位刑部郎中以月令置於案履以帔令史二人俱绛公服对举案立于武官五品以上东南郎中立于案後北面侍中版奏外办皇帝御舆出次曲直华盖侍卫警蹕如常仪入自青龙门皇帝初入门太乐令令撞?宾之钟左五钟皆应鼓祝奏太和之乐皇帝升自寅陛入即御坐东向坐符宝郎奉宝置於御坐侍中夹侍如常仪戛敌乐止典仪一人升立于左个东北南向通事舍人引王公以下就西面位立上公初入门舒和之乐作【凡公行皆作舒和之乐】公至位乐止羣官立定典仪曰再拜赞者承传【凡典仪有词赞者皆承传】在位者皆再拜侍中前跪奏称侍中臣某言请延公王等升俛伏兴又侍中称制曰可侍中诣左个东北南面称诏延公王等升堂上典仪承传堂下赞者又承传在位者皆再拜通事舍人以次引西面位者各诣其陛公初行乐作至解劔席乐止公王以下俱升席位解劔俛伏兴脱舄通事舍人各引立於坐後刑部郎中以案进立于卯陛下侍中跪奏请读月令俛伏兴又侍中称制曰可侍中退复位刑部郎中再拜就解劔席跪解劔俛伏兴脱舄取令持案者仍立於下通事舍人引刑部郎中奉令升自卯陛诣席南北向位跪置令于案俛伏兴立于席後堂上典仪唱就坐公王以下及刑部郎中并就坐俛伏兴坐刑部郎中读令每句一絶使言声可了读令讫堂上典仪唱可起公王以下皆起通事舍人引公王以下及刑部郎中俱降刑部郎中以令置于案兴羣臣俱跪佩劔俛伏兴纳舄通事舍人引还本位公初行乐作至位乐止立定典仪曰再拜在位者皆再拜又通事舍人引西面位者出公初行乐作出门乐止侍中跪奏称侍中臣某言礼毕俛伏兴还侍位皇帝兴太乐令令撞黄钟之钟右五钟皆应太和之乐作皇帝降坐御舆以出之便次警蹕侍卫如来仪出门乐止舍人引南北面位者以次出

孟春令

孟春之月日在营室昏参中旦尾中其日甲乙其帝太皞其神勾芒其虫鳞其音角律中太簇其数八其味酸其臭羶其祀户东风解冻蛰虫始振鱼上负水獭祭鱼鸿雁来食麦与羊其器疏以达是月也以立春先立春七日礼部奏曰某日立春盛德在木皇帝乃斋立春之日皇帝亲帅百官迎春於东郊还赏百官於朝命有司布德和令行庆施惠下及黎元庆赐遂行母有不当乃命太师守典奉法司天日月星辰之行宿离不贷无失经纪以初为常是月也皇帝乃以元日祈谷於上帝乃择元辰皇帝亲载耒耜帅百官躬耕帝籍反乃执爵于太寝命曰劳酒是月也天气下降地气上腾天地和同草木萌动命布农事修封疆善相丘陵阪险原隰土地所宜五谷所殖以教导人是月也修祭典禁止伐木毋覆巢毋杀孩虫胎夭飞鸟毋麝毋卵毋聚大衆毋置城郭掩骼埋胔是月也不可以称兵称兵必天殃兵戎不起不可从我始母变天之道母絶地之理母乱人之纪孟春行夏令则风雨不时草木早落国时有恐行秋令则黎元大疫飘风暴雨总至黎莠蓬蒿并兴行冬令则水潦为败雪霜大至首种不入

銮驾还宫

皇帝既还大次侍中版奏请解严【将士不得辄离部位】皇帝停大次一刻顷搥一鼓为一严转仗卫於还?如来仪三刻顷搥二鼓为再严将士布队仗侍中版奏请中严五刻顷搥三鼓为三严谒者赞引各引羣官序立於次前文武侍臣诣大次奉迎乘黄令进金辂於大次门外南向千牛将军立於辂右侍中版奏外办太仆卿执?皇帝御舆出次繖扇侍卫警蹕如常仪皇帝升辂太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏请銮驾发引退复位鼓传音銮驾动鼓吹振作而还文武群官从如来仪驾至承天门外侍臣下马所銮驾权停文武侍臣皆下马千牛将军降立于辂右讫銮驾动千牛将军夹辂而趋驾入嘉德门太乐令令撞?宾之钟左五钟皆应鼓祝奏采茨之乐至太极门戛敔乐止入太极门鼓祝奏太和之乐驾至横街北当东上合回辂南向侍中进当銮驾前跪奏称侍中臣某言请降辂跪俛伏兴还侍位皇帝降辂御舆以入繖扇侍卫警蹕如常仪侍中臣从至合戛敔乐止初文武羣官至东朝堂通事舍人承旨勅羣官并还皇帝既入侍中版奏请解严叩钲将士各还其所

皇帝於明堂读仲春令

陈设

尚舍奉御设御幄坐青阳太庙设文官解剑席於寅陛之左设武官解剑席於辰陛之右太乐令展宫悬於青阳太庙之庭设举麾位于堂上卯陛之南余并如孟春陈设之仪

銮驾出宫

右并如孟春出宫之仪

读令

其日诸卫列仗於青阳太庙之庭皇帝升自卯陛典仪一人升立於青阳太庙东北侍中诣青阳太庙东北称诏刑部郎中升自辰陛余并如孟春读令之仪

仲春令

仲春之月日在奎昏弧中旦建星中其日甲乙其帝太皞其神勾芒其虫鳞其音角律中夹钟其数八其味酸其臭羶其祀户始雨水桃始华仓庚鸣鹰化为鸠食麦与羊其器疏以达是月也安萌芽养幼少存诸孤择元日命人社令有司省囷圉去桎梏毋肆掠止狱讼是月也日夜分雷乃发声始电蛰虫咸动启户始出先雷三日奋木铎以令人曰雷将发声有不戒其容止者生子不备必有凶灾日夜分则同度量钧衡石角斗甬正权概是月也毋作大事以妨农事毋竭川泽毋漉陂池毋焚山林献羔开冰先荐宗庙上丁释奠於先圣先师仲春行秋令则其国大水寒气总至寇戎来征行冬令则阳气不胜麦乃不熟民多相掠行夏令则国乃大旱煖气早来虫螟为害

銮驾还宫

右并如孟春还宫之仪

皇帝於明堂读季春令

陈设

尚舍奉御设御幄坐於青阳右个设文官解劔席於卯陛之左设武官解劔席於巳陛之右太乐令展宫悬於青阳右个之庭设举麾位於堂上辰陛之南余并如仲春陈设之仪

銮驾出宫

右并如仲春出宫之仪

读令

其日诸卫列仗於青阳右个之庭皇帝升自辰陛典仪一人升立於青阳右个东北侍中诣青阳右个东北称诏刑部郎中升自己陛余并如仲春读令之仪

季春令

季春之月日在胃昏七星中旦牵牛中其日甲乙其帝太皞其神勾芒其虫鳞其音角律中姑洗其数八其味酸其臭羶其祀户桐始华田鼠化为鴽虹始见萍始生食麦与羊其器疏以达荐鮓於宗庙是月也生气方盛阳气发泄勾者毕出萌者尽达不可以内布德行惠发仓廩赐贫穷赈乏絶开库府出币帛调天下勉牧守聘名士礼贤者是月也时雨将降下水上腾命有司循行国邑周视原野修利堤防导达沟渎开道通路无有障塞田猎置罟罗网罨翳餽兽之药毋出国门是月也命虞人毋伐桑柘鸣鸠拂其羽戴胜降於桑后妃斋戒亲东乡躬桑禁妇女毋观省妇使以劝蚕事蚕事既登分茧称丝效功以供郊庙之服无有敢惰是月也命工帅令百工审五库之量金铁皮革筋角齿羽箭干脂胶丹漆毋或不良毋悖於时毋或作为淫巧以荡上心季春行冬令则寒气时发草木皆肃国有大恐行夏令则人多疾疫时雨不降山林不收行秋令则天多沈阴淫雨早降兵革并起

銮驾还宫

右并如仲春还宫之仪

大唐开元礼卷九十九

卷一百

钦定四库全书

大唐开元礼卷一百 唐 萧嵩等 撰嘉礼

皇帝於明堂读孟夏令

皇帝於明堂读仲夏令

皇帝於明堂读季夏令

皇帝於明堂读孟夏令

礼部尚书先读令三日奏读月令承以宣告前三日尚舍施大次於朱雀门外道东西向尚舍奉御设御坐守宫设文武侍臣次于大次之後文官在左武官在右俱西向设羣官次於壁水南门之外文官在东武官在西俱北上前一日尚舍奉御设御幄坐於明堂左个近北南向守宫设三品以上及诸司长官坐于堂上文官于御坐东南西向武官于御坐西南东向俱重行北上【无长官者次官一人升判官不合】设刑部郎中读令坐于御坐西南东向有案设文官解劔席于辰陛之左设武官解劔席于午陛之右皆内向太乐令展宫悬於明堂左个之庭设举麾位於堂上已陛之西东向一位於乐悬东南西向典仪设三品以上及应升坐者位於悬南文左武右俱重行北向相对为首设非升坐者位文官四品五品於县东六品以下於其南絶位俱西向武官四品五品於悬西六品以下於其南当文官俱东向皆重行北上设典仪位於悬之东北赞者二人在南差退俱西向奉礼设门外位各於次前俱每等异位重行相向北上

銮驾出宫

出宫前三日本司宣摄内外各供其职守宫设从驾之官五品以上次於承天门东西朝堂如常前二日太乐令设宫悬之乐於殿庭如常仪其日未明七刻撻一鼓为一严【三严时节前一日侍中奏裁】侍中奏开宫殿门及城门未明五刻撻二鼓为再严侍中版奏请中严奉礼设从驾羣官五品以上位文官於东朝堂之前西向武官於西朝堂之前东向俱重行北上从驾羣官五品以上俱集朝堂次各服其服【其六品以下并驾发之前预赴明堂所俱就次各服其服】所司陈小驾卤簿未明二刻撻三鼓为三严诸卫之属各督其队与鉞戟以次入陈于殿庭舍人引从驾羣官各就朝堂前位诸侍卫之官各服其器服侍中中书令以下俱诣西上合奉迎【侍中负宝如式】乘黄令进金辂於西上合外南向千牛将军一人执长刀立于辂前北向黄门侍郎一人在侍臣之前赞者二人又在黄门之前侍中版奏外办太仆卿奋衣而升正立执轡皇帝服通天冠绛纱袍佩赤玉御舆以出曲直华盖警蹕侍卫如常仪皇帝将出仗动太乐令令撞黄锺之锺右五钟皆应协律郎跪俛伏举麾鼓祝奏太和之乐千牛将

军前执轡皇帝既升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾进发俛伏兴退复位【凡黄门侍郎奏请皆进当銮驾前跪奏称具官臣某言讫俛伏兴】銮驾动又称警蹕黄门侍郎与赞者夹引以出千牛将军夹辂而趋驾至太极门偃麾戛敌乐止出太极门鼓祝奏采茨之乐出嘉德门戛敌乐止【凡乐皆协律郎举麾工鼓祝而後作偃麾戛敌而後止】至承天门外侍臣上马所黄门侍郎奏请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从侍中中书令以下夹侍於辂前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕鼓传音如常鼓吹振作而行其从驾之官在玄武队後如常仪

读令

其日依时刻诸卫勒所部屯门列仗及明堂左个之庭如常先至羣官俱集次各服其服驾将至通事舍人各引先至羣官俱就门外位驾至大次门外回辂西向千牛将军降立于辂右侍中进当銮驾前跪奏称侍中臣某言请降辂俛伏兴还侍位皇帝降辂御輿之大次繖扇华盖侍卫警蹕如常仪通事舍人引文武五品以上从驾之官皆就门外位太乐令帅工人入就位协律郎入就举麾位典仪帅赞者先入就位通事舍人引群官非升坐者入就位刑部郎中以月令置于案覆以帊令史二人俱绦公服对举案立於武官五品西南郎中立于案後东面侍中版奏外办皇帝降輿出次曲直华盖侍卫警蹕如常仪入自朱雀门皇帝初入门太乐令令撞?宾之钟左五钟皆应鼓祝奏太和之乐皇帝升自己陛入即御坐南向坐符宝郎奉宝置于御坐侍臣夹侍如常仪戛敌乐止典仪一人升立于左个东南西向通事舍人引公王以下入就北面位上公初入门舒和之乐作【凡公行皆作舒和之乐】公至位乐止羣官立定典仪曰再拜赞者承传【凡典仪有词赞者皆承传】在位者皆再拜侍中前跪奏称侍中臣某言请延公主等升俛伏兴又侍中称制曰可侍中诣左个东南西面称制延公王等升堂上典仪承传堂下赞者又承传在位者皆再拜通事舍人次引北面位者各诣其陛公初行乐作至解剑席乐止公王以下俱升席跪解剑俛伏兴脱舄通事舍人各引升立於坐後刑部郎中引案进立于午陛下侍中跪奏请读月令俛伏兴又侍中称制曰可侍中退复位刑部郎中再拜就解剑席跪解剑俛伏兴脱舄取令持案者仍立于下通事舍人引刑部郎中奉令升自午陛诣席西东向跪置令於案俛伏兴立於席後堂上典仪唱就坐公王以下及刑部郎中并就坐俛伏兴坐刑部郎中读令每句一絶使言声可了读令讫堂上典仪唱可起公王以下皆起通事舍人引公王以下及刑部郎中俱降刑部郎中以令置于案与羣官俱跪佩劔俛伏兴纳舄通事舍人各引还本位公初行乐作至位乐止立定典仪曰再拜在位者皆再拜通事舍人引北面位者出公初行乐作出门乐止侍中跪奏称侍中臣某言礼毕俛伏兴还侍位皇帝兴太乐令令撞黄钟之钟右五钟皆应太和之乐作皇帝降坐御輿以出之便次警蹕侍卫如来仪出门乐止通事舍人引东西面位者次出

孟夏令

孟夏之月日在毕昏翼中旦婺女中其日丙丁其帝炎帝其神祝融其虫羽其音徵律中中吕其数七其味苦其臭焦其祀竈蝼蛄鸣蚯蚓出王瓜生苦菜秀食菽与鸡其器高以粗是月也以立夏先立夏七日礼部奏曰某日立夏盛德在火皇帝乃斋立夏之日皇帝亲帅百官迎夏於南郊还反行赏命有司赞杰俊遂贤良举长大行爵出禄必当其位是月也继长增高毋有坏隳毋起土功毋发大衆毋伐大树命有司巡行县鄙命农勉作毋休于都毋或失时是月也驱兽毋害五穀毋大田猎是月也命太常修鞀鼓均琴瑟管箫执干戚戈羽调竽笙簫簧飭钟磬祝敌命有司为人所祀山川百源大雩上帝用盛乐以祈穀实农乃登麦皇帝乃以彘尝麦先荐宗庙是月也聚蓄百药靡草死麦秋至断薄刑决小罪出轻系蚕事毕命妇献茧於后孟夏行秋令则苦雨数来五穀不滋四鄙入保行冬令则草木蚤枯後乃大水败其城郭行春令则蝗虫为灾暴风来格秀草不实

銮驾还宫

皇帝既还大次侍中版奏请解严【将士不得轻离部伍】皇帝停大次一刻顷搥一鼓为一严转仗卫于还?如来仪三刻顷搥二鼓为再严将士布队仗侍中版奏请中严五刻顷搥三鼓为三严谒者赞引各引群官序立于次前文武侍臣诣大次奉迎乘黄令进金辂于大次门外北向千牛将军立于辂右侍中版奏外办太仆卿升执轡皇帝御輿出次繖扇侍卫警蹕如常仪皇帝升辂太仆卿立授绥黄门侍郎奏称请銮驾进发退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承诏退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾进发退复位鼓传音銮驾动鼓吹振作而还文武群臣皆从如来仪驾至承天门外侍臣下马所銮驾权停文武侍臣皆下马千牛将军降立於辂右讫銮驾动千牛将军夹辂而趋驾入嘉定门太乐令令撞蕤宾之钟左五钟皆应鼓祝奏采茨之乐至太极门戛敌乐止入太极门鼓祝奏太和之乐驾至横街北当东上合回辂南向侍中进当銮驾前跪奏称侍中臣某言请降辂俯伏兴还侍位皇帝降辂御輿以入繖扇侍卫警蹕如常仪侍臣从至合戛敌乐止初文武羣臣至朝堂通事舍人承旨勅羣臣并还皇帝既入侍中版奏请解严叩钲将士各还其所

皇帝於明堂读仲夏令

陈设

尚舍奉御设御幄坐於明堂太庙设文官解劔席於已陞之左设武官解劔席於未陞之右太乐令展宫悬於明堂太庙之庭设举麾位於堂上午陛之西余并如孟春陈设之仪

銮驾出宫

右并如孟夏出宫之仪

读令

其日诸卫仗列於明堂太庙之庭皇帝升自午陛典仪一人升立於明堂太庙东南侍中诣明堂太庙东面称制刑部郎中升自未陛余并如孟夏读令之仪

仲夏令

仲夏之月日在东井昏亢中旦危中其日丙丁其帝炎帝其神祝融其虫羽其音徵律中宾其数七其味苦其臭焦其祀竈小暑至螳螂生始鸣反舌无声食菽与鸡其器高以粗养壮佼农乃登黍皇帝乃以雒尝黍羞以含桃先荐宗庙令人毋艾蓝以染毋烧灰毋暴布门闾毋闭挺重囚是月也日长至陰阳争死生分君子斋戒处必掩身无躁止声色毋或进薄滋味毋致和节嗜欲定心气百官静事无刑以定晏陰之所成鹿角解蝉始鸣半夏生木槿荣是月也毋用火南方可以居高明可以远眺望可以升山林可以处台榭仲夏行冬令则电冻伤谷道路不通暴兵来至行春令则五谷晚熟百螬时起其国乃饥行秋令则草木零落果实早成人殃於疫

銮驾还宫

右并如孟夏还宫之仪

皇帝於明堂读季夏令【读土令礼附】

陈设

尚舍奉御设御幄坐於明堂右个设文官解劔席於午陛之左设武官解劔席於申陛之右太乐令展宫悬於明堂右个之庭设举麾位於堂上未陛之西余并如仲夏陈设之仪

銮驾出宫

右并如仲夏出宫之仪

读令

其日诸卫列仗於明堂右个之庭皇帝升自未陛典仪一人升立於明堂右个东南侍中诣明堂右个东南称诏刑部郎中升自申陛余并如仲夏读令之仪

季夏令

季夏之月日在柳昏火中旦奎中其日丙丁其帝炎帝其神祝融其虫羽其音徵律中林钟

其数七其味苦其臭焦其祀竈温风至蟋蟀居壁鹰乃学习腐草为萤食菽与鸡其器高以粗命渔师伐蛟取鼉登龟取鼃命泽人纳材苇是月也命太常合秩刳以养牺牲以供皇天上帝名山大川四方之神以祀宗庙社稷之灵以为人祈福是月也命染工染采黼黻文章必以法故无或差贷黑黄苍赤莫不质良毋敢诈伪以给郊庙祭祀之服以为旗章以别贵贱等级之度是月也树木方盛乃命虞人入山行木毋有斩伐不可以兴土功不可以合牧守不可以起兵动衆毋举大事以摇养气举大事则有天殃是月也土润溽暑大雨时行烧薶行水利以杀草如以热汤可以粪田畴可以美土疆季夏行春令则谷实鲜落国多风欬人乃迁徙行秋令则丘隰水潦禾稼不熟孕多女灾行冬令则风寒不时鹰隼早鹜四鄙入保

銮驾还宫

右并如仲夏还宫之仪

季夏土王之日读土令

皇帝服黄纱袍佩黄玉居太庙太室余行事皆如仲夏读令之仪

土令

中央土其日戊巳其帝黄帝其神后土其虫倮其音宫律中黄钟之宫其数五其味甘其臭香其祀中溜食稷与牛其器圜以閼

大唐开元礼卷一百

卷一百一

<史部,政书类,仪制之属,大唐开元礼>

钦定四库全书

大唐开元礼卷一百一 唐 萧嵩等 撰嘉礼

皇帝於明堂读孟秋令

皇帝於明堂读仲秋令

皇帝於明堂读季秋令

皇帝於明堂读孟秋令

陈设

礼部尚书先读令三日奏读月令承以宣告前三日尚舍直长施大次於白虎门外道北南向尚舍奉御设御坐守宫设文武侍臣次於大次之後文官在左武官在右俱南向设羣官次於壁水西门之外文官在南武官在北俱东上前一日尚舍奉御设御幄坐於总章左个近东西向守宫设三品以上及诸司掌官坐於堂上文官於御坐西南北向武官於御坐西北南向俱重行东上【无长官者次官一人升判官不合】设刑部郎中读令坐於御坐西北南向有案设文官解劔席於申陛之左设武官解劔席於西陛之右皆内向太乐令展宫悬於总章左个之庭设举麾位於堂上申陛之北南向一位於乐悬西南北向典仪设三品以上及应升坐者位於悬西文左武右俱重行东向相对为首又设非升坐者位文官四品五品於悬南六品以下於其西絶位俱北向武官四品五品於悬北六品以下於其西当文官俱南向皆重行东上设典仪位於悬之东南赞者二人在西差退俱北向奉礼设门外位各於次前俱每等异位重行相向东上

銮驾出宫

前出宫三日本司宣设内外各供其职守官设从驾之官五品以上次於承天门外东西朝堂如常前二日太乐令设宫悬之乐於殿庭如常仪其日未明七刻撻一鼓为一严【三严时节前一日侍中奏裁】侍中奏开宫殿门及城门未明五刻撻二鼓为再严侍中版奏请中严奉礼设从驾羣官五品以上位文官於东朝堂之前西向武官於西朝堂之前东向俱重行北上从驾羣官五品以上俱集朝堂次各服其服【其六品以下并驾发之前预赴明堂所俱就次各服其服】所司陈小驾卤簿未明二刻撻三鼓为三严诸卫之属各督其队与鍬戟以次陈于殿庭谒者引从驾群官各就朝堂前位诸侍卫之官各服其器服侍中中书令以下俱诣

西合奉迎【侍中负玺如式】乘黄令进金辂於西合外南向千牛将军一人执长刀立于辂前北向黄门侍郎一人在侍臣之前赞者二人又在黄门之前侍中版奏外办太仆卿奋衣而升正立执轡皇帝服通天冠白纱袍佩白玉御舆以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏举麾鼓祝奏太和之乐千牛将军前执轡皇帝升辂太仆卿立授绥侍中中书令以下夹侍如常黄门侍郎进当銮驾前跪奏称黄门侍郎臣某言请銮驾发引俛伏兴退复位【凡黄门侍郎奏请皆进当銮驾前跪奏称具官臣某言乞俛伏兴】銮驾动又称警蹕黄门侍郎与赞者夹引以出千牛将军夹辂而趋驾至太极门偃麾戛敌乐止出太极门鼓祝奏采茨之乐出嘉德门戛敌乐止【凡乐皆协律郎举麾工鼓祝而後作偃麾戛敌而後止】至承天门外侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸卫之官各督其属左右翊驾在黄麾内符宝郎奉六宝与殿中监後部从侍中中书令以下夹侍于辂前赞者在供奉官人内侍臣上马毕黄门侍郎奏称请勅车右升侍中前承诏退称制曰可黄门侍郎退复位千牛将军升乞黄门侍郎奏称请銮驾发引退复位銮驾动称警蹕鼓传音如常鼓吹振作而行其从驾之官在玄武队後如常仪

读令

其日依时刻诸卫勒所部屯门列仗及总章左个之庭如常先至羣官俱集次各服其服驾将至通事舍人各引先至羣官俱就门外位驾至大次门外回辂南向千牛将军降立于辂右侍中进当銮驾前跪奏称侍中臣某言请降辂俛伏兴还侍位皇帝降辂御舆之大次繖扇华盖侍卫警蹕如常仪通事舍人引文武五品以上从驾之官皆就门外位太乐令帅工人就位协律郎入就举麾位典仪帅赞者先入就位通事舍人引群官非升坐者入就位刑部郎中以月令置于案覆以帊令史二人俱绛公服对举案立于武官五品西北郎中立于案後南面侍中版奏外办皇帝御舆出次曲直华盖侍卫警蹕如常仪入自白虎门皇帝初入门太乐令令撞?宾之钟左五钟皆应鼓祝作太和之乐皇帝升自申陛入即御坐西向坐符宝郎奉宝置于御坐侍臣夹侍如常仪戛敌乐止典仪一人升立于左个西南北面通事舍人引公王以下入就东面位公初入门舒和之乐作【凡公行皆作舒和之乐】至位乐止群官立定典仪曰再拜赞者承传【凡典仪有词赞者皆承传】在位者皆再拜侍中前跪奏称侍中臣某言请延公王等升俛伏兴又侍中称制曰可侍中诣左个西南北向称制延公王等升堂上典仪承传堂下赞者又承传在位者皆再拜通事舍人以次引东面位者各诣其陛公初行乐作至解劔席乐止公王以下俱升席跪解劔俛伏兴脱舄通事舍人各引升立于坐後刑部郎中引案进立于西陛侍中跪奏请读月令俛伏兴又侍中称制曰可侍中退复位刑部郎中再拜就解劔席跪解劔俛伏兴脱舄取令持案者仍立于下通事舍人引刑部郎中奉令升自西陛诣席北南向跪置令於案俛伏兴立于席後堂上典仪唱就坐公王以下及刑部郎中并就位俛伏坐刑部郎中读令每句一絶使言声可了读令訖堂上典仪唱可起公王以下皆起通事舍人引王公以下及刑部郎中俱降刑部郎中以令置于案与群官俱跪佩劔俛?兴脱舄通事舍人各引还本位公初行乐作至位乐止立定典仪曰再拜在位者皆再拜通事舍人引东面位者出公初行乐作出门乐止侍中跪奏称侍中臣某言礼毕俛伏兴还侍位皇帝兴太乐令令撞黄钟之钟右五钟皆应太和之乐作皇帝降坐御舆以出之便次警蹕侍卫如来仪出门乐止

舍人引南北面位者以次出

孟秋令

孟秋之月日在翼昏建星中旦毕中其日庚辛其帝少皞其神蓐收其虫毛其音商律中夷则其数九其味辛其臭腥其祀门凉风至白露降寒蝉鸣鹰乃祭鸟用始行戮食麻与犬其器廉以深是月也以立秋先立秋七日礼部奏曰某日立秋盛德在金皇帝乃斋立秋之日皇帝亲帅百官迎秋於西郊还赏帅武人於朝乃命将帅选士厉兵简练杰俊专任有功以征不义诘诛暴慢以明好恶顺彼远方是月也命有司修法制缮圉圉具桎梏禁止奸慎罪邪务搏执瞻伤察创视折审断决狱讼必端平戮有罪严断刑天地始肃不可以赢是月也农乃登穀皇帝尝新先荐宗庙命百官始收敛完堤防谨壅塞以备水潦修宫室坏墙垣补城郭孟秋行冬令则陰气大胜介虫败穀戎兵乃来行春令则其国乃旱阳气复还五穀无实行夏令则国多火灾寒热不节人多疟疾

銮驾还宫

皇帝既还大次侍中版奏请解严【将士不得辄离部伍】皇帝停大次一刻顷撻一鼓为一严转仗卫于还?如来仪三刻顷撻二鼓为再严将士布队仗侍中版奏请中严五刻顷撻三鼓为三严谒者赞引群官序立于次前文武侍臣诣大次奉迎乘黄令进金辂于大次门外南向千牛将军立于辂右侍中版奏外办太仆卿升执轡皇帝御輿出繖扇侍卫警蹕如常仪皇帝升辂太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾发退复位鼓传音銮驾动鼓吹振作而还文武羣官皆从如来仪驾至承天门外侍臣下马所銮驾权停文武侍臣皆下马千牛将军降立於辂右讫銮驾动千牛将军夹辂而趋驾入嘉德门太乐令令撞?宾之钟左五钟皆应鼓祝奏采芡之乐至太极门戛敌乐止入太极门鼓祝奏太和之乐驾至横街北当东上阁回辂南向侍中进当銮驾前跪奏称侍中臣某言请降辂俯伏兴还侍位皇帝降辂御輿以入繖扇侍卫警蹕如常仪侍臣从至合戛敌乐止初文武羣官至东朝堂通事舍人承旨勅羣官并还皇帝既入侍中版奏请解严叩钲将士各还其所

皇帝於明堂读仲秋令

陈设

尚舍奉御设御幄坐於总章太庙设文官解劔席於申陛之左设武官解劔席於戌陛之右太乐令展宫悬於总章太庙之庭设举麾位於堂上酉陛之北余并如孟秋陈设之仪

銮驾出宫

右并如孟秋出宫之仪

读令

其日诸卫列仗於总章太庙之庭皇帝升自西陛典仪一人升立於总章太庙西南侍中诣总章太庙西南称诏刑部郎中升戊陛并如孟秋读令之仪

仲秋令

仲秋之月日在角昏牵牛中旦觜中其日庚辛其帝少皞其神蓐收其虫毛其音商律中南吕其数九其味辛其臭腥其祀门盲风至鸿雁来玄鸟归羣鸟养羞食麻与犬其器廉以深是月也养衰老授杖几行糜粥饮食乃命司服具飭衣裳文绣有恒制有小大度有短长衣服有量必修其故冠带有常命有司申严百刑斩杀必当毋或枉桡柱桡不当反受其殃是月也乃命有司循行牺牲视全具案刍豢瞻肥瘠察物色必比类量大小视长短皆中度五者备当上帝其飨皇帝以犬尝麻先荐宗庙是月也可以筑城郭建都邑穿窬窖修囷仓趣人收敛务畜菜多积聚乃劝种麦毋或失时其有失时行罪无疑是月也日夜分雷始收声蛰虫坏户杀气浸盛阳气日衰日夜分则同度量平权衡正钧石角斗甬凡举事毋逆大数必顺其时慎因其类仲秋行春令则秋雨不降草木生荣国乃有恐行夏令则其国乃旱蛰虫不藏五谷复生行冬令则风灾数起收雷先行草木早死

銮驾还宫

右并如孟秋还宫之仪

皇帝於明堂读季秋令

陈设

尚舍奉御设御幄坐於总章右个设文官解劔席於西陛之左设武官解劔席於亥陛之右太乐令展宫悬於总章右个之庭设举麾位於堂上戊陛之北余并如仲秋陈设之仪

銮驾出宫

右并如孟秋出宫之仪

读令

其日诸卫列仗於总章右个之庭皇帝升自戊陛典仪一人升立於总章右个西南侍中诣总章右个西南称诏刑部郎中升自亥陛余并如仲秋读令之仪

季秋令

季秋之月日在房昏虚中旦柳中其日庚辛其帝少皞其神蓐收其虫毛其音商律中无射其数九其味辛其臭腥其祀门鸿雁来宾爵入大水为蛤菊有黄华豺乃祭兽戮禽食麻与犬其器廉以深是月也申严号令命百官贵贱无不务内以会天地之藏毋有宣出乃命有司农事备收举五谷之要藏帝藉之收於神仓祇敬必飭霜始降百工休是月也大飨上帝於明堂草木黄落乃伐薪为炭蛰虫咸俯在内皆墜其户乃趣决狱刑毋留有罪收禄秩之不当供养之不宜者是月也皇帝乃以犬尝稻先荐宗庙季秋行夏令则其国大水冬藏殃败人多勦噍行冬令则国多盗贼边境不宁土地分裂行春令则煖风来至人气解惰师兴不居

銮驾还宫

右并如仲秋还宫之仪

大唐开元礼卷一百一

卷一百二

钦定四库全书

大唐开元礼卷一百二 唐 萧嵩等 撰嘉礼

皇帝於明堂读孟冬令

皇帝於明堂读仲冬令

皇帝於明堂读季冬令

皇帝於明堂读孟冬令

陈设

礼部尚书先读令三日奏读月令承以宣告前三日尚舍直长施大次於玄武门外道西东向尚舍奉御设御坐守宫设文武侍臣於大次之後文官在左武官在右俱东向设羣官次於壁水北门之外文官在东武官在西俱南上前一日尚舍奉御设御幄坐於玄堂左个近北向守宫设三品以上及诸司长官坐於堂上文官於御坐西北东向武官於御坐东北西向俱重行南上【无长官者次官一人升判官不合】设刑部郎中读令坐於御坐东北西向有案设文官解劔席於成陛之左设武官解劔席於子陛之右皆内向太乐令展宫悬於玄堂左个之庭设举麾位於堂上亥陛之东西向一位於乐悬西北东向典仪设三品以上应升坐者位於悬北文左武右俱重行南向相对为首设非升坐者位文官四品五品位於悬西六品以下於其北絶位俱东向武官四品五品於悬东六品以下於其北当文官俱西向皆重行南上设典仪位於悬之西南赞者二人在北差退俱东向奉礼设门外位各於次前俱每等异位重行相向南上

銮驾出宫

前出宫三日本司宣摄内外各供其职守宫设从驾之官五品以上次於承天门外东西朝堂如常前二日太乐令设宫悬之乐於殿庭如常仪其日未明七刻撾一鼓为一严【三严时节前一日侍中奏裁】侍中奏开宫殿门及城门未明五刻撾二鼓为再严侍中版奏请中严奉礼设从驾羣官五品以上位文官於东朝堂之前西向武官於西朝堂之前东向俱重行北上从驾羣官五品以上俱集朝堂次各服其服【其六品以下并驾发之前预赴明堂所俱就次各服其服也】所司陈小驾卤簿未明二刻撾三鼓为三严诸卫之属各督其队与鉞戟以次入陈于殿庭谒者引从驾群官各就朝堂位诸侍卫之官各服其器服侍中中书令以下俱诣西合奉迎【侍中负宝如式】乘黄令进金辂于西合外南向千牛将军一人执长刀立于辂前北向黄门侍郎一人在侍臣之前赞者二人又在黄门之前侍中版奏外办太仆卿畜衣

而升正立执轡皇帝服通天冠黑纱袍佩玄玉御輿以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏举麾鼓祝奏太和之乐千牛将军前执轡皇帝升辂太仆卿立授绥侍中中书令以下夹侍如常仪黄门侍郎进当銮驾前跪奏称黄门侍郎臣某言请銮驾发引俛伏兴退复位【凡黄门侍郎奏请皆进当銮驾前跪奏称具官臣某言讫俛伏兴】銮驾动又称警蹕黄门侍郎与赞者夹引以出千牛将军夹辂而趋驾至太极门偃麾戛敌乐止出太极门鼓祝奏采茨之乐出嘉德门戛敌乐止【凡乐皆协律郎举麾工鼓祝而後作偃麾戛敌而後止】至承天门外侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从侍中中书令以下夹侍于辂前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕鼓传音如常鼓吹振作而行其从驾之官在玄武队後如常仪

读令

其日依时刻诸卫勒所部屯门列仗及玄堂左个之庭如常先至羣官俱集次各服其服驾将至通事舍人各引先至羣官俱就门外位驾至大次门外回辂东向千牛将军降立于辂右侍中进当銮驾前跪奏称侍中臣某言请降辂俛伏兴还侍位皇帝降路御輿之大次繖扇华盖侍卫警蹕如常仪通事舍人引文武五品以上从驾之官皆就门外位太乐令帅工人入就位协律郎入就举麾位典仪帅赞者先入就位通事舍人引羣官非升坐者入就位刑部郎中以月令置于案覆以帕令史二人俱绦公服对举案立于武官五品东北郎中立于案後西面侍中版奏外办皇帝御輿出次直曲华盖侍卫警蹕如常仪入自玄武门皇帝初入门太乐令令撞?宾之钟左五钟皆应鼓祝奏太和之乐皇帝升自亥陛入即御坐北向坐符宝郎奉宝置于御坐侍臣夹侍如常仪戛敌乐止典仪一人升立于左个西向东面通事舍人引公王以下入就南面位公初入门舒和之乐作【凡公行皆作舒和之乐】公至位乐止羣官立定典仪曰再拜赞者承传【凡典仪有词赞者皆承传】在位者皆再拜侍中前跪奏称侍中臣某言请延公王等升俛伏兴又侍中称制曰可侍中诣左个西北东面称制延公王等升堂上典仪承传堂下赞者又承传在位者皆再拜通事舍人以次引南面位者各诣其陛公初行乐作至解劔席乐止公以下俱升席跪解劔俛伏兴脱舄通事舍人各引升立于坐後刑部郎中引案进立於子陛下侍中跪奏请读月令俛伏兴又侍中称制曰可侍中退复位刑部郎中再拜就解劔席跪解劔俛伏兴脱舄取令持案者仍立于下通事舍人引刑部郎中奉令升自子陛诣席东西向跪置令于案俛伏兴立于席後堂上典仪唱就坐公王以下及刑部郎中并就坐俛伏兴坐刑部郎中读令每句一絶使言声可了读令讫堂上典仪唱可起公王以下皆起通事舍人引公王以下及刑部郎中俱降刑部郎中以令置于案与羣官俱跪佩劔俛伏兴纳舄通事舍人引各还本位公初行乐作至位乐止立定典仪曰再拜在位者皆再拜通事舍人引南面位者出公初行乐作出门乐止侍中跪奏称侍中某臣言礼毕俛伏兴还侍位皇帝兴太乐令令撞黄钟之钟右五钟皆应太和之乐作皇帝降坐御輿以出之便次警蹕侍卫如来仪出门乐止通事舍人引东西面位者以次出

孟冬令

孟冬之月日在尾昏危中旦七星中其日壬癸其帝颛顼其神玄冥其虫介其音羽律中应钟其数六其味咸其臭朽其祀行水始冰地始冻雉入大水为蜃虹藏不见食黍与稷其器闾以庵是月也以立冬先立冬七日礼部奏曰某日立冬盛德在水皇帝乃斋立冬之日皇帝亲帅百官迎冬于北郊还赏死事恤孤寡是月也察阿党则罪无有掩蔽天气上腾地气下降天地不通闭塞而成冬命百官谨盖藏命有司循行积聚毋有不敛坏城郭戒门闾修键闭慎管籥固封疆备边境完要塞谨关梁塞蹊径飭丧纪辩衣裳审棺槨之厚薄莹丘垄之大小高卑薄厚之度贵贱之等级是月也命工师效功陈祭器案度程毋或作为淫巧以荡上心物勒工名以考其诚功有不当必行其罪以穷其情是月也乃命虞司收水泉池泽之赋毋或敢侵削衆庶其有若此者行罪毋赦孟冬行春令则冻闭不密地气上泄人多流亡行夏令则国多暴风方冬不寒蛰虫复出行秋令则霜雪不时小兵时起土地侵削

銮驾还宫

皇帝既还大次侍中版奏请解严【将士不得辄离部伍】皇帝停大次一刻顷搥一鼓为一严转仗卫於还?如来仪三刻顷搥二鼓为再严将士布队仗侍中版奏请中严五刻顷搥三鼓为三严谒者赞引各引群官序立於次前文武侍臣诣大次奉迎乘黄令进金辂于大次门外东向千牛将军立于辂右侍中版奏外办太仆卿升执轡皇帝御輿出次繖扇侍卫警蹕如常仪皇帝升辂太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承诏退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾发引退复位鼓传音銮驾动鼓吹振作而还文武羣官皆从如来仪驾至承天门外侍臣下马所銮驾权停文武侍臣皆下马千牛将军降立於路右讫銮驾动千牛将军夹辂而趋驾入嘉德门太乐令令撞蕤宾之钟左五钟皆应鼓祝奏采芡之乐至太极门戛敌乐止入太极门鼓祝奏太和之乐驾至横街北当东上合回辂南向侍中进当銮驾前跪奏称侍中臣某言请降辂俛伏兴还侍位皇帝降辂御輿以入繖扇侍卫警蹕如常仪侍臣从至合戛敌乐止初文武羣官至东朝堂通事舍人承旨勅羣官并还皇帝既入侍中版奏请解严叩钲将士各还其所

皇帝於明堂读仲冬令

陈设

尚舍奉御设御幄坐於玄堂太庙设文官解劔席於亥陛之左武官解劔席於丑陛之右太乐令展宫悬於玄堂太庙之庭设举麾位於玄堂上子陛之东余并如孟冬陈设之仪

銮驾出宫

右并如孟冬出宫之仪

读令

其日诸卫列仗於玄堂太庙之庭皇帝升自子陛典仪一人升立於玄堂太庙西北侍中诣玄堂太庙西北称制刑部郎中升自丑陛余并如孟冬读令之仪

仲冬令

仲冬之月日在斗昏东壁中旦軫中其日壬癸其帝颡顓其神玄冥其虫介其音羽律中黄钟其数六其味咸其臭朽其祀行冰益壮地始坼鷦鷯不鸣食黍与稷其器閤以菴饬死事命有司土事毋作毋发室屋及起大衆以固而闭地气沮泄是谓发天地之房诸蛰则死人必疾疫是月也命内侍申宫令审门闾谨房室必重闭省妇事毋得淫巧虽有贵贱近习无有不禁乃命良醖秬稻必齐麴蘖必时湛炽必洁水泉必香淘器必良火齐必得兼用六物毋有差贷是月也日短至陰阳争诸生荡君子斋戒处必掩身身欲宁去声色禁嗜慾安形性事欲静以待陰阳之所定芸始生荔挺出蚯蚓结麋角解水泉动日短至则伐木取竹箭是月也可以罢官之无事去器之无用者涂阙庭门闾筑圉圉以助天地之闭藏是月也皇帝亲讲武以习五戎仲冬行夏令则其国乃旱氛雾冥冥雷乃发声行秋令则天时雨汁瓜瓠不成国有大兵行春令则蝗虫为败水泉咸竭人多疥疔

銮驾还宫

右并如孟冬还宫之仪

皇帝於明堂读季冬令

陈设

尚舍奉御设御幄坐於玄堂右个设文官解劔席於子陛之左设武官解劔席於寅陛之右太乐令展宫悬於玄堂右个之庭设举麾位於堂上丑陛之东余并如仲冬陈设之仪

銮驾出宫

右并如孟冬出宫之仪

读令

其日诸卫列仗於悬堂右个之庭皇帝升自丑陛典仪一人升立於玄堂右个西北侍中诣玄堂右个西北称制刑部郎中升自寅陛余并如仲冬读令之仪

季冬令

季冬之月日在婺女昏娄中旦氐中其日壬癸其帝颛顼其神玄冥其虫介其音羽律中大吕其数六其味咸其臭朽其祀行雁北乡鹄始巢雉鸣鸡乳食黍与稷其器閼以奄命有司大雉征鸟厉疾是月也命渔师始渔皇帝乃尝鱼先荐宗庙冰方盛水泽腹坚命取水命衆庶出五种计耦事修耒耜具田器命太常大合吹习衆乐命有司收秩薪柴以供郊庙及百祀之薪燎是月也日穷於次月穷於纪星回於天数将几终岁且更始专而农人毋有所使皇帝乃与有司共飭国典论时令以待来岁之宜季冬行秋令则白露早降介虫为妖四鄙入保行春令则胎夭多伤国多固疾命之曰逆行夏令则水潦败国时雪不降水冻消释

銮驾还宫

右并如孟冬还宫之仪

大唐开元礼卷一百二

卷一百三

钦定四库全书

大唐开元礼卷一百三 唐 萧嵩等 撰嘉礼

皇帝於明堂及太极殿读五时令

陈设 銮驾出宫

读令 銮驾还宫

陈设

礼部尚书先读令三日奏读月令承以宣告前三日尚舍直长施大次于青龙门外道北南向【仲春于青阳太庙季春于青阳右个孟夏於朱雀门外道东西向仲夏於明堂太庙季夏於明堂右个孟秋於白虎门外道北南向仲秋於总章太庙季秋於总章右个孟冬於玄武门外道西东向仲冬於玄堂太庙季冬於玄堂右个】尚舍奉御设御坐守宫设文武臣次於大次之後文官在左武官在右俱南向【夏俱西向秋俱北向冬俱东向】设羣官次於壁水东门之外【夏南门之外秋西门之外冬北门之外】文官在北【夏在东秋在南冬在西】武官在南【夏在西秋在北冬在东】俱西上【夏北上秋东上冬南上】前一日尚舍奉御设御幄坐於青阳左个【仲春於青阳太庙季春於青阳右个孟夏於明堂左个仲夏於明堂太庙季夏於明堂右个季夏土王之日读土令於太庙太室孟秋於总章左个仲秋於总章太庙季秋於总章右个孟冬於玄堂左个仲冬於玄堂太庙季冬於玄堂右个】近西东向【夏近北南向秋近西东向冬近南北向】守宫设三品以上及诸司长官坐於堂上文官於御坐东北南向【夏东南西向秋西南北向冬西北东向】武官於御座东南北向【夏西南东向秋西北南向冬东北西向】俱重行西上【夏北上秋东上冬南上无长官者次官一人升判官不合】设刑部郎中读令坐於御坐东南北向【夏西南东向秋西北南向冬东北西向】有案设文官解劔席於丑陛之左【仲春於寅陛之左季春於卯陛之左孟夏於辰陛之左仲夏於巳陛之左季夏於午陛之左孟秋於未陛之左仲秋於申陛之左季秋於酉陛之左孟冬於戌陛之左仲冬於亥陛之左季冬於子陛之左】设武官解劔席於卯陛之右【仲春於辰陛之右季春於巳陛之右仲夏於未陛之右季夏於申陛之右孟秋於酉陛之右仲秋於亥陛之右孟冬於子陛之右仲冬於丑陛之右季冬於寅陛之右】皆内向太乐令展宫悬於青阳左个之庭【仲春於青阳太庙之庭季春於青阳右个之庭孟夏於明堂左个之庭仲夏於明堂太庙之庭季夏於明堂右个之庭季夏土王之日读土令於太庙太室孟秋於总章左个之庭仲秋於总章太庙之庭季秋於总章右个之庭孟冬於玄堂左个之庭仲冬於玄堂太庙之庭季冬於玄堂右个之庭】设举麾位於堂上寅陛之南北向【仲春於堂上卯陛之南季春於堂上辰陛之南孟夏於堂上巳陛之西东向仲夏於堂上未陛之西孟秋於堂上申陛之北南向仲秋於堂上酉陛之北季秋于堂上戌陛之北孟冬于堂上亥陛之东西向仲冬于堂上子

陛之东季冬于堂上丑陛之东】一位于乐悬东北南向夏于乐悬东南西向秋于乐悬西南北向冬于乐悬西北东向典仪设三品以上及应升坐者位于悬东【夏于悬南秋于悬西冬于悬北】文左武右俱重行西向【夏北向秋东向冬南向】相对为首设非升坐者位文官四品五品于悬北【夏于悬东秋于悬南冬于悬西】六品以下于其东【夏于其南秋于其西冬于其北】絶位俱南向【夏俱西向秋俱北向冬俱东向】武官四品五品于悬南【夏于悬西秋于悬北冬于悬东】六品以下于其东【夏于其南秋于其西冬于其北】当文官俱北向【夏东向秋南向冬西向】皆重行西上【夏北上秋东上冬南上】设典仪位于悬之西北【夏于悬之东北秋于悬之东南冬于悬之西南】赞者二人在东差退俱南向【夏俱西向秋俱北向冬俱东向】奉礼设门外位各于次前俱每等异位重行相向西上【夏北上秋东上冬南上】

銮驾出宫

前出宫三日本司宣摄内外各供其职守官设从驾之官五品以上次於承天门外东西朝堂如常前二日太乐令设宫悬之乐於殿庭如常仪其日未明七刻撾一鼓为一严【三严时节前一日侍中奏裁】侍中奏开宫殿门及城门未明五刻撾二鼓为再严侍中版奏请中严奉礼设从驾群官五品以上位文官於东朝堂之前西向武官於西朝堂之前东向俱重行北上从驾群官五品以上俱集朝堂次各服其服【其六品以下并驾发之前预赴明堂所俱就次各服其服】所司陈小驾鹵簿未明二刻撾三鼓为三严诸卫之属各督其队与鉞戟以次入陈于殿庭谒者引从驾群官各就朝堂前位诸侍卫之官各服其器服侍中中书令以下俱诣西合奉迎【侍中负宝如式】乘黄令进金辂于西合外南向千牛将军一人执长刀立于路前北向黄门侍郎一人在侍臣之前侍中版奏外办太仆卿奋衣而升正立执轡皇帝服通天冠青纱袍【夏绛纱季夏土王之日黄纱秋白纱冬黑纱】佩苍玉【夏佩赤玉季夏土王之日佩黄玉秋佩白玉冬佩玄玉】御舆以出曲直华盖警蹕侍卫如常仪皇帝将出仗动太乐令令撞蕤宾之钟右五钟皆应协律郎跪俛伏举麾鼓祝奏太和之乐千牛将军前执轡皇帝升辂太仆卿立授绥侍中中书令以次侍如常仪黄门侍郎进当銮驾前跪奏称黄门侍郎臣某言请銮驾发引俛伏兴退复位【凡黄门侍郎奏请皆进当銮驾前跪奏称某官臣某言讫俛伏兴】銮驾动又称警蹕黄门侍郎与赞者夹引以出千牛将军夹辂而趋驾至太极门偃麾戛敌乐止出太极门鼓祝奏采芡之乐出嘉德门戛敌乐止【凡乐皆协律郎举麾工鼓祝而後作偃麾戛敌而後止】至承天门外侍臣上马所黄门侍郎奏称请銮驾权停勅侍臣上马侍中前承诏退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从侍中中书令以下夹侍于辂前赞者在供奉官人内侍臣上马毕黄门侍郎奏称请勅车右升侍中前承诏退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕鼓传音如常鼓吹振作而行其从驾之官在玄武队後如常仪

读令

其日依时刻诸卫勒所部屯门列仗及青阳左个之庭如常先至羣官俱集次各服其服驾

将至典谒各引先置羣官俱就门外位驾至大次门外回辂南向千牛将军降立于辂右侍中进当銮驾前跪奏称侍中臣某言请降路俛伏兴还侍位皇帝降辂御舆之大次繖扇华盖侍卫警蹕如常仪典谒引文武五品以上从驾之官皆就门外位太乐令帅工人入就位协律郎入就举麾位典仪帅赞者先入就位典谒引羣官非升坐者入就位刑部郎中以月令置于案覆以帕令史二人俱绦公服对举案立于武官五品东南郎中立于案後北面侍中版奏外办皇帝御舆出次曲直华盖侍卫警蹕如常仪入自青龙门【夏入自朱雀门秋入自白虎门冬入自玄武门】皇帝初入门太乐令令撞蕤宾之钟左五钟皆应鼓祝奏太和之乐皇帝升自寅陛【夏升自巳陛秋升自申陛冬升自亥陛】入即御坐东向坐【夏南向坐秋西向坐冬北向坐】符宝郎奉宝置於御坐侍臣夹侍如常仪戛散乐止典仪一人升立於左个东北南向【夏东南西向秋西南北向冬西北东向】典谒引公王以下入就西面位【夏北面位秋东面位冬南面位】公初入门舒和之乐作【凡公行皆作舒和之乐】公至位乐止羣官立定典仪曰再拜赞者承传【凡典仪有词赞者皆承传】在位者皆再拜侍中前跪奏称臣某言请延王公等升俛伏兴又侍中称制曰可侍中诣左个东北南面称【夏东南西面称秋西南北向称冬西北东面称】制延公王等升堂上典仪承传堂下赞者又承传在位者皆再拜典谒以次引西面位者【夏典谒引北面位者秋引东面位者冬引南面位者】各诣其陛公初行乐作至解剑席乐止公王以下俱升席跪解剑俛伏兴脱舄通事舍人各引升立于坐後刑部郎中引案进立于卯陛下侍中跪奏请读月令俛伏兴又侍中称制曰可侍中退复位刑部郎中再拜就解劔席跪解劔俛伏兴脱舄取令持案者仍立於下通事舍人引刑部郎中奉令升自卯陛【夏升自午陛秋升自酉陛冬升自子陛】诣席南北面跪【夏席西东向跪秋席北南向跪冬席东西向跪】置令於案俛伏兴立於席後堂上典仪唱就坐公王以下及刑部郎中并就位俛伏兴坐刑部郎中读令每句一絶使言声可了读令讫堂上典仪唱可起公王以下皆起通事舍人引公王以下及刑部郎中俱降刑部郎中以令置于案与羣官俱跪佩劔俛伏兴纳舄典谒各引还本位公初行乐作至位乐止立定典仪曰再拜在位者皆再拜典谒引西面【夏北面秋东面冬南面】位者出公初行乐作出门乐止侍中跪奏称侍中臣某言礼毕俛伏兴还侍位皇帝兴太乐令令撞黄钟之钟右五钟皆应太和之乐作皇帝降坐御舆以出之便次警蹕侍卫如来仪出门乐止典谒引南北面【夏引东西面秋引南北面冬引东西面】位者以次出

春令

孟春之月日在营室昏参中旦尾中其日甲乙其帝太皞其神勾芒其虫鳞其音角律中太簇其数八其味酸其臭羶其祀户东风解冻蛰虫始振鱼上负冰獭祭鱼鸿雁来食麦与羊其器疏以达是月也以立春先七日礼部奏曰某日立春盛德在木皇帝乃斋立春之日皇帝亲帅百官迎春于东郊还赏百官于朝命有司布德和令行庆施惠下及黎元庆赐遂行母有不当乃命太师守典奉法司天日月星辰之行宿离不贷无失经纪以初为常是月也皇帝乃以元日祈穀于上帝乃择元辰皇帝亲载耒耜帅百官躬耕帝籍反乃执爵于太寝命曰劳酒是月也天气下降地气上腾天地和同草木萌动命布农事修封疆善相丘陵阪险原隰土地所宜五穀所植以教道人是月也修祭典禁止伐木毋覆巢毋杀孩虫胎夭飞鸟毋麝毋卵毋聚大衆毋置城郭掩骼埋胔是月也不可以称兵称兵必有天殃兵戎不起不可从我始毋变天

之道母絕地之理母乱人之纪孟春行夏令则雨水不时草木早落国时有恐行秋令则黎元大疫焱风暴雨总至藜莠蓬蒿并兴行冬令则水潦为败霜雪大挚首种不入

仲春之月日在奎昏弧中旦建星中律中夹钟始雨水桃始华仓庚鸣鹰化为鸠是月也安萌芽养幼少存诸孤择元日命人社命有司省囹圄去桎梏毋肆掠止狱讼是月也日夜分雷乃发声始电蛰虫咸动启户始出先雷三日奋铎以令人曰雷将发声有不戒其容止者生子不备必有凶灾日夜分则同度量钧衡石角斗甬正权概是月也毋作大事以妨农事毋竭川泽毋漉陂池毋焚山林献羔开冰先荐宗庙上丁释奠于先圣先师仲春行秋令则其国大水寒气总至寇戎来征行冬令则阳气不胜麦乃不熟人多相掠行夏令则国乃大旱暖气早来虫螟为害

季春之月日在胃昏七星中旦牵牛中律中姑洗桐始华田鼠化为鴽虹始见萍始生荐鮓于宗庙是月也生气方盛阳气发泄勾者毕出萌者尽达不可以内布德行惠发仓廩赐贫穷賑乏絕开府库出币帛調天下勉牧守聘名士礼贤者是月也时雨将降下水上腾命有司循行国邑周视原野修利堤防导达沟渎开道路毋有障塞田猎置罟罗网毕翳餽兽之药毋出国门是月也命虞人毋伐桑柘鸣鸠拂其羽戴胜降于桑后妃斋戒亲东乡躬桑禁妇女毋观省妇使以劝蚕事蚕事既登分茧称丝効功供郊庙之服无有敢惰是月也命工师令百工审五库之量金铁皮革筋角齿羽箭干脂胶丹漆毋或不良毋悖于时毋或作淫巧以荡上心季春行冬令则寒气时发草木皆肃国有大恐行夏令则人多疾疫时雨不降山林不收行秋令则天多沈陰淫雨早降兵革并起

夏令

孟夏之月日在毕昏翼中旦婺女中其日丙丁其帝炎帝其神祝融其虫羽其音徵律中仲吕其数七其味苦其臭焦其祀竈蝼蛄鸣蚯蚓出王瓜生苦菜秀食菽与鸡其器高以粗是月也以立夏先七日礼部奏曰某日立夏盛德在火皇帝乃斋立夏之日皇帝亲帅百官迎夏于南郊还反行赏命有司赞杰俊遂贤良举长大行爵出禄必当其位是月也继长增高毋有坏隳毋起土功毋发大衆毋伐大树命有司巡行县鄙命农勉作毋休于都无或失时是月也?兽无害五穀毋大田猎是月也命太常修鞀鞀鼓均琴瑟管箫执干戚戈羽调竽笙簾簧饰钟磬祝敢命有司为人祈祀山川百源大雩上帝用盛乐以祈穀实农乃登麦皇帝乃以彘尝麦先荐宗庙是月也聚蓄百药靡草死麦秋至断薄刑决小罪出轻系蚕事毕内命妇献茧於后孟夏行秋令则苦雨数来五穀不滋四鄙入保行冬令则草木早枯後乃大水败其城廓行春令则蝗虫为灾暴风来格秀草不实仲夏之月日在东井昏亢中旦危中律中蕤宾小暑至螳螂生鵙始鸣反舌无声养壮佼农乃登黍皇帝乃以雉尝黍羞以含桃先荐宗庙令人毋艾蓝以染毋烧灰毋暴布门闾毋闭挺重囚是月也日长至陰阳争死生分君子斋戒处必掩身无躁止声色无或进薄滋味毋致和节嗜慾定心气百官静事无刑以定晏陰之所成鹿角解蝉始鸣半夏生木槿荣是月也毋用火南方可以居高明可以远眺望可以升山陵可以处台榭仲夏行冬令则电冻伤穀道路不通暴兵来至行春令则五穀晚熟百螣时起其国乃饥行秋令则草木零落果实早成人殃於疫

季夏之月日在柳昏火中旦奎中律中林鍾温风至蟋蟀居壁鷹乃学习腐草为萤命渔师伐蛟取鼉登龟取鼃命泽人纳材苇是月也命太常合秩刍以养牺牲以供皇天上帝名山大川四方之神以祀宗庙社稷之灵以为人祈福是月也染工染采黼黻文章必以法故无或差贷黑黄苍赤莫不质良毋敢诈伪以给郊庙祭祀之服以为旗章以别贵贱等级之度是月也树木方盛乃命虞人入山行木毋有斩伐不可以兴土功不可以合牧守不可以起兵动衆无举大事以摇养气举大事则有天殃是月也土润溽暑大雨时行烧薶行水利以杀草如以热汤可以粪田畴可以美土疆季夏行春令则穀实鲜落国多风欬人乃迁徙行秋令则丘隰水潦禾稼不熟孕多女灾行冬令则风寒不时鷹隼早挚四鄙入保

土令【季夏土王之日读土令并如孟夏读令之仪】

中央土其日戊巳其帝黄帝其神后土其虫倮其音宫律中黄钟之宫其数五其味甘其臭香其祀中溜食稷与牛其器圜以閼

秋令

孟秋之月日在翼昏建星中旦毕中其日庚辛其帝少皞其神蓐收其虫毛其音商律中夷则其数九其味辛其臭腥其祀门凉风至白露降寒蝉鸣鷹乃祭鸟用始行戮食麻与犬其器廉以深是月也以立秋先七日礼部奏曰某日立秋盛德在金皇帝乃斋立秋之日皇帝亲帅百官迎秋於西郊还赏军帅武人於朝乃命将帅选士厉兵简练杰俊专任有功以征不义诘诛暴慢以明好恶顺彼远方是月也命有司修法制繕囹圄具桎梏禁止奸慎罪邪务抟执瞻伤察创视折审断决狱讼必端平戮有罪严断刑天地始肃不可以羸是月也农乃登穀皇帝尝新先荐宗庙命百官始收敛完堤防谨壅塞以备水潦修宫室坏墙垣补城郭孟秋行冬令则陰气大胜介虫败穀戎兵乃来行春令则其国乃旱阳和复还五穀无实行夏令则国多火灾寒热不节人多疟疾

仲秋之月日在角昏牵牛中旦觜觿中律中南吕盲风至鸿鴈来玄鸟归群鸟养羞是月也养衰老授几杖行糜粥饮食乃命司服具飭衣裳文绣有恒制有大小度有短长衣服有量必循其故冠带有常命有司申严百刑斩杀必当毋或枉挠枉挠不当反受其殃是月也乃命有司循行牺牲视全具案藹豢瞻肥瘠察物色必比类量大小视长短皆中度五者备当上帝其飨皇帝以犬尝麻先荐宗庙是月也可以筑城郭建都邑穿窬窖修囷仓趣人取敛务畜菜多积聚乃劝种麦毋或失时其有失时行罪无疑是月也日夜分雷始收声蛰虫坏户杀气浸盛阳气日衰日夜分同度量平权衡正均石角斗甬凡举事毋逆天数必顺其时慎因其类仲秋行春令则秋雨不降草木生荣国乃有恐行夏令则其国乃旱蛰虫不藏五穀复生行冬令则风灾数起收雷先行草木早死

季秋之月日在房昏虚中旦柳中律中无射鸿鴈来宾雀入大水为蛤菊有黄花豺乃祭兽戮禽是月也申严号令命百官贵贱无不务内以会天地之藏毋有宣出乃命有司农事备收举五穀之要藏帝藉之收于神仓祇敬必飭霜始降则百工休是月也大飨上帝于明堂草木

黄落乃伐薪为炭蛰?咸俯在内皆瑾其户乃趣决狱刑毋留有罪收禄秩之不当供养之不宜者是月也皇帝乃以犬尝稻先荐寝庙季秋行夏令则其国大水冬藏殃败人多勲噍行冬令则国多盗贼边境不宁土地分裂行春令则暖风来至人气解惰师兴不居

冬令

孟冬之月日在尾昏危中旦七星中其日壬癸其帝颡项其神玄冥其虫介其音羽律中应钟其数六其味咸其臭朽其祀行水始冰地始冻雉入大水为蜃虹藏不见食黍与彘其器罔以庵是月也以立冬先七日礼部奏曰某日立冬盛德在水皇帝乃斋立冬之日皇帝亲帅百官迎冬於北郊还赏死事恤孤寡是月也察阿党则罪无有掩蔽天气上腾地气下降天地不通闭塞而成冬命百官谨盖藏命有司循行积聚毋有不斂坏城郭戒门闾修键闭慎管籥固封疆备边境完要塞谨关梁塞蹊径飭丧纪辨衣裳审棺槨之薄厚度贵贱之等级是月也命工师劬功陈祭器案度程毋或作为淫巧以荡上心物勒工名以考其诚功有不当必行其罪以穷其情是月也乃命虞司收水泉池泽之赋毋或敢侵削衆庶其有若此者行罪无赦孟冬行春令则冻闭不密地气上泄人多流亡行夏令则国多暴风方冬不寒蛰虫复出行秋令则霜雪不时小兵时起土地侵削仲冬之月日在斗昏东壁中旦轸中律中黄钟冰益壮地始坼鶡旦不鸣飭死事命有司土事毋作毋发室屋及起大衆以固而闭地气沮泄是谓发天地之房诸蛰则死人必疾疫是月也命内侍申宫令审门闾谨房室必重闭省妇事毋得淫虽有贵戚近习无有不禁乃命良醖秬稻必齐麴蘖必时湛炽必洁水泉必香陶器必良火齐必得兼用六物毋有差贷是月也日短至陰阳争诸生荡君子斋戒处必掩身身欲宁去声色禁嗜慾安形性事欲静以待陰阳之所定芸始生荔挺出蚯蚓结麋角解水泉动日短至则伐木取竹箭是月也可以罢官之无事去器之无用者?阙庭门闾筑圉圉以助天地之闭藏是月也皇帝亲讲武以习五戎仲冬行夏令则其国乃旱氛雾冥冥雷乃发声行秋令则天时雨汁瓜瓠不成国有大兵行春令则蝗虫为败水泉咸竭人多疹疔

季冬之月日在婺女昏娄中旦氐中律中大吕鴈北乡鹄始巢雉雊鷄乳命有司大雉征鸟厉疾是月也命渔师始渔皇帝乃尝鱼先荐宗庙冰方盛水泽腹坚命取水命衆庶出五种计耦事修耒耜具田器命太常大合吹习衆乐命司农收秩薪柴以供郊庙及百祀之薪燎是月也日穷于次月穷于纪星回于天数将几终岁且更始专而农人毋有所使皇帝乃与有司共飭国典论时令以待来岁之宜季冬行秋令则白露早降介虫为妖四鄙入保行春令则胎夭多伤国多固疾命之曰逆行夏令则水潦败国时雪不降水冻消释

銮驾还宫

皇帝既还大次侍中版奏请解严【将士不得辄离部伍】皇帝停大次一刻顷撻一鼓为一严转仗卫于还?如来仪三刻顷撻二鼓为再严将士布队仗侍中版奏请中严五刻顷撻三鼓为三严谒者赞引各引羣官序立於次前文武侍臣诣大次奉迎乘黄令进金辂於大次门外南向【夏北向秋东向冬南向】千牛将军立於辂右侍中版奏外办太仆卿升执轡皇帝御輿出次繖扇侍卫警蹕如常仪皇帝升辂太仆卿立授绥黄门侍郎奏称请銮驾发引退复

位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承诏退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾发引退复位鼓传音銮驾动鼓吹振作而还文武群官皆从如来仪驾至顺天门外侍臣下马所銮驾权停文武侍臣皆下马千牛将军降立于辂右讫銮驾动千牛将军夹路而趋驾入嘉德门太乐令令撞蕤宾之钟左五钟皆应鼓祝奏采茨之乐至太极门戛散乐止入太极门鼓祝奏太和之乐驾至横街北当东上合回辂南向侍中进銮驾前跪奏称侍中臣某言请降辂俛伏兴还侍位皇帝降辂御舆以入繖扇侍卫警蹕如常仪侍臣从至合戛散乐止初文武羣官至朝堂通事舍人承旨勅羣官并还皇帝既入侍中版奏请解严叩钲将士各还其所

太极殿读令【五时令】

礼部尚书先读令三日奏读五时令承以宣告前一日尚舍奉御设御幄坐於太极殿北厢南向尚舍直长设一品以下五品以上及诸司长官坐於殿上文东武西重行相向北上【无长官者次官一人升判官不合】设刑部郎中读令坐於御坐西南东向有案去御坐二丈设解劔席於东西阶下如常太乐令展宫悬于殿庭设举麾位于殿上西阶之西东向一位於乐悬东南南向并如常朔朝之仪设文武官三品以上及应升殿者位於南横街之南道东设武官位於道西俱每等异位重行北向相对为首设非升殿者位於殿庭文东武西如常设典仪位於北横街之南赞者二人在南差退俱西向奉礼设门外位文官於东朝堂近南西面武官於西朝堂近南东面每等异位俱重行北上其日依时刻诸卫勒所部屯门列仗及陈於殿庭如常文武官依时刻集朝堂俱就便次各服其服侍中量时版奏请中严鉞戟近仗入陈於殿庭太乐令帅工人入就位协律郎入就举麾位诸侍卫之官各服其器服符宝郎奉宝俱诣合奉迎典仪帅赞者入就位典谒引群官各就门外位刑部郎中以时令置于案覆以帕令史二人俱绦公服对举案立於右延明门内道北郎中立於案後东面典谒引非升殿者入就位侍中版奏外办皇帝服通天冠绦纱袍御舆出自西房曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏举麾鼓祝奏太和之乐皇帝出自西房即御坐坐南向符宝郎奉宝置於御坐如常仪偃麾戛散乐止【凡乐皆协律郎举麾工鼓祝而後作偃麾戛散而後止】典仪一人升就东阶上西向立侍臣夹侍如常仪典谒引公王以下入就北面位公初入门舒和之乐作【凡公行皆作舒和之乐】公至位乐止群官立定典仪曰再拜赞者承传【凡典仪有词赞者皆承传】在位者皆再拜侍中前跪奏称侍中臣某言请延公王等升俛伏兴又侍中称制曰可侍中诣东阶上西面称诏延公王等升殿上典仪承传阶下赞者又承传在位者皆再拜典谒以次引北面位者诣东西阶公初行乐作至解劔席乐止公王以下俱升席跪解劔俛伏兴脱舄通事舍人以次引升殿立於坐後刑部郎中引案进立於西阶下侍中跪奏请读时令俛伏兴又侍中称制曰可侍中退复位刑部郎中再拜就解劔席跪解劔俛伏兴脱舄取令持案者仍立于阶下通事舍人引刑部郎中奉令升自西阶诣席西东向跪置令於案俛伏兴立于席後殿上典仪唱就坐公王以下及刑部郎中并就坐俛伏兴坐刑部郎中读令每句一絶使言声可了读令讫殿上典仪唱可起公王以下皆起通事舍人引公王以下及刑部郎中俱降刑部郎中以令置於案与羣官俱跪佩劔俛伏兴纳

爲典謁各引还本位典仪曰再拜在位者皆再拜典謁引北面位者出持令案者自右延明门而出侍中跪奏称侍中臣某言礼毕俛伏兴还侍位皇帝兴太乐令令撞蕤宾之钟右五钟皆应太和之乐作皇帝降坐御輿入自东房警蹕侍卫如来仪侍臣从至合乐止典謁引东西面位者以次出读夏令与读春令同读秋令与读冬令同设刑部郎中读令坐於御坐东南西向令案立于左延明门内道北郎中立於案後西面升降自东阶余与读春令同皇帝若御翼善冠则羣官皆袴褶服陈解劔席若不设乐悬去警蹕

大唐开元礼卷一百三

卷一百四

<史部,政书类,仪制之属,大唐开元礼>

钦定四库全书

大唐开元礼卷一百四 唐 萧嵩等 撰嘉礼

皇帝养老於太学

陈设 銮驾出宫

养老 銮驾还宫

陈设

前三日尚舍直长设大次於学堂之後随地之宜设三老五更次於学堂南门外之西羣老次於其後俱东向设羣官次文官于门外之东重行西向武官于羣老之西重行东向皆北上前一日尚舍奉御设御坐于堂上东序西向莞筵纷纯加藻席画纯次席黼纯设三老坐於西楹之东近北南向设五更坐於西阶上东向设国老三人坐於三老坐西阶不属焉皆莞筵纷纯加藻席画纯设衆国老坐于堂下西阶之西东面北上皆蒲筵缁布纯加莞席玄帛纯【若三品以上则莞筵纷纯加藻席画纯凡五品以上致仕者为国老】设庶老坐於国老之後皆蒲筵缁布纯【六品以下致仕者为庶老】太乐令展宫悬於学堂之庭设登歌於堂上及举麾位等并准元会之仪典仪设文官五品以上位於悬东六品以下在其南俱重行西向北上武官五品以上位於悬西六品以下在其南当文官俱重行东向北上藩客分方位於文武官六品之南【若有诸州使人分方位于文武官九品之後】学生分位於文武官之後奉礼设门外位如设次之式尚舍奉御设樽于东楹之西北向左玄酒有坫以置爵

銮驾出宫

前出宫三日本司宣摄内外各供其职守宫设从驾之官五品以上次於顺天门外东西朝堂如常前二日太乐令设宫悬之乐於殿庭如常仪其日未明七刻撾一鼓为一严【三严时节前一日侍中裁奏】侍中奏开宫殿门及城门未明五刻撾二鼓为再严侍中版奏请中严奉礼设从驾羣官五品以上位文官于东朝堂之前西向武官于西朝堂之前东向俱重行北上从驾羣官五品以上俱集朝堂次各服其服【其六品以下及诸客使等并驾发之前预赴太学俱就次各服其服】所司陈小驾卤簿未明二刻撾三鼓为三严诸卫之属各督其队与鉞戟以次入陈于殿庭谒者引从驾羣官各就朝堂前位诸侍卫之官各服其器服侍中中书令以下俱诣西合上奉迎【侍中奉宝如式】乘黄令进金辂于西合外南向千牛将军一人执长刀立于辂前北向黄门侍郎一人在侍臣之前赞者二人又在黄门之前侍中版奏外办

太仆卿奋衣而升正立执轡皇帝服通天冠绛纱袍乘輿以出曲直华盖警蹕如常仪皇帝将出仗动太乐令令撞黄钟之钟右五钟皆应协律郎跪俛伏举麾鼓祝奏太和之乐千牛将军前执轡皇帝升辂太仆卿立授绥侍中中书令以下夹侍如常仪黄门侍郎进当銮驾前跪奏称黄门侍郎臣某言请銮驾发引俛伏兴退复位【凡黄门侍郎奏请皆进当銮驾前跪奏称具官臣某言讫俛伏兴】銮驾动又称警蹕黄门侍郎与赞者夹引以出千牛将军夹辂而趋驾至太极门偃麾戛敌乐止出太极门鼓祝奏采茨之乐出嘉德门戛敌乐止【凡乐皆协律郎举麾工鼓祝而後作偃麾戛敌而後止】至顺天门外侍臣上马所黄门侍郎奏称请銮驾权停勅侍臣上马侍中前承制退称制曰可黄门侍郎退称侍臣上马赞者承传文武侍臣皆上马诸侍卫之官各督其属左右翊驾在黄麾内符宝郎奉六宝与殿中监後部从在黄钺内侍中中书令以下夹侍于辂前赞者在供奉官人内侍臣上马毕黄门侍郎奏称请勅车右升侍中前承制退称制曰可黄门侍郎退复位千牛将军升讫黄门侍郎奏称请銮驾发引退复位銮驾动称警蹕鼓传音如常鼓吹振作而行其从驾之官在玄武队後如常仪

养老

仲秋之月择吉辰皇帝亲养三老五更於太学所司先奏定三师三公致仕者用其德行及年高者一人为三老次一人为五更尚食预具牢饌銮驾将至通事舍人引先至之官皆就门外位学生俱青衿服入就位銮驾至太学门回辂南向侍中跪奏请降辂俛伏兴皇帝降辂乘輿入大次繖扇侍卫如常通事舍人引文武五品以上从驾之官皆就门外位太乐令帅工人二舞入就位如正会之礼通事舍人引羣官客使入就位初銮驾出宫量时刻遣使迎三老五更於其第三老五更俱服进贤冠乘安车前後导从如常礼其国老庶老则有司预戒之銮驾既至三老五更及羣老等俱赴集其次羣老各服其服太常少卿赞三老五更俱出次引立于学堂南门外之西东面北上奉礼赞羣老出次引立于三老五更之後太常博士引太常卿升立于学堂北户之内当户北向侍中版奏外办皇帝出户侍卫如常【侍中负宝陪从如式】殿中监进大珪皇帝执大珪博士引太常卿太常卿引皇帝【每太常卿前导皆博士先引】协律郎跪俛伏举麾太和之乐作皇帝降迎三老于门内之东西面立侍臣从立于皇帝之後太常卿与博士退立於左皇帝立定乐止三老五更皆杖各二人夹扶左右太常少卿引导敦史执笔以从三老入门舒和之乐作三老五更立于门西东面北上奉礼引羣老随入立於其後初三老立定乐止太常卿前奏请再拜退复位皇帝再拜三老五更去杖掇齐以答再拜毕皇帝揖进三老在前五更从仍杖夹扶入初至阶皇帝揖升俱就坐後揖立乐止侍卫之官量人从升皇帝西面再拜三老三老南面答再拜皇帝西向肃拜五更五更答再拜休和之乐作三老五更俱就坐三公授几九卿正履讫殿中监尚食奉御进珍羞及黍稷等皇帝省之遂设于三老前乐止太常卿引皇帝诣三老座前执酱而馈讫太常卿引皇帝诣酒樽所取爵侍中赞酌酒讫太常卿引皇帝进执爵而酹尚食奉御以次进珍羞酒食于五更前国老庶老等皆坐又设酒食于国老庶老前国老庶老等皆食皇帝即坐太乐令引工升奏昭和之乐三终三老乃论五孝六顺典训大纲格言宣于上惠音被于下皇帝乃虚躬请受敦史执笔録善言行事终二舞坐于悬中讫礼毕三老以下降筵太常少卿及奉礼引导皆如初太常卿引皇帝从以降阶太和之乐作皇帝逡巡立于阶前乐止三老五更出舒和之乐作太常卿引皇帝升立于阶上三老五更出门乐止侍中前奏礼毕退复位太常卿引皇帝降还大次三老五更升安

车导从而还通事舍人引群官及学生等以次出明日三老诣阙表谢

銮驾还宫

皇帝既还大次侍中版奏请解严【将士不得辄离部伍】皇帝停大次一刻顷搥一鼓为一严转仗卫于还涂如来仪三刻顷搥二鼓为再严将士布队仗侍中版奏请中严皇帝服通天冠绛纱袍百官仍服朝服五刻顷搥三鼓为三严文武侍臣奉迎如式乘黄令进金辂於太学门外南向千牛将军立于辂右侍中版奏外办太仆卿升执轡皇帝乘輿以出繖扇侍卫警蹕如常仪皇帝升辂太仆卿立授绥黄门侍郎奏称请銮驾发引退复位銮驾动称警蹕如常仪黄门侍郎赞者夹引千牛将军夹辂而趋至侍臣上马所黄门侍郎奏称请銮驾权停勅侍臣上马侍中前承诏退称制曰可黄门侍郎退称侍臣上马赞者承传文武侍臣皆上马毕黄门侍郎奏称请勅车右升侍中称制曰可黄门侍郎退复位千牛将军升讫黄门侍郎奏称请銮驾发引退复位鼓传音銮驾动鼓吹振作而还文武羣臣皆从如来仪诸方客使还馆驾至顺天门外侍臣下马所銮驾权停文武侍臣皆下马千牛将军降立于辂右讫銮驾动千牛将军夹辂而趋驾入嘉德门太乐令令撞蕤宾之钟左五钟皆应鼓祝奏采茨之乐至太极门戛敌乐止入太极门鼓祝奏太和之乐驾至横街北当东上合回辂南向侍中进当銮驾前跪奏称侍中臣某言请降辂俛伏兴还侍位皇帝降辂乘輿以入繖扇侍卫警蹕如常仪侍臣从至合戛敌乐止初文武羣臣至东朝堂通事舍人承旨勅羣官并还皇帝既入侍中版奏请解严叩钲将士各还其所

大唐开元礼卷一百四

卷一百五

钦定四库全书

大唐开元礼卷一百五 唐 萧嵩等 撰嘉礼

临轩册命皇后 卜日

告圜丘 告方泽

告太庙 临轩命使

皇后受册 皇后受羣臣贺

皇后表谢 朝皇太后

皇帝会羣臣 羣臣上礼

皇后会外命妇 皇后庙见

卜日

册皇后有司预卜日如别仪

告圜丘 告方泽 告太庙

右并有司行事如常告之仪

临轩命使

将行册礼所司奏请太尉为使司徒为副前一日尚舍奉御设御幄于太极殿北壁下南向铺御坐如常守宫设羣官次于东西朝堂太乐令展宫悬于殿庭设举麾位于殿上西阶之西东向一位於乐悬东南西向鼓吹令展十二案於建鼓之外乘黄令陈车辂尚辇奉御陈舆辇并如常仪典仪设羣官版位文官一品以下五品以上于悬东六品以下于横街之南俱重行西面北上武官一品以下五品以上于悬西六品以下于横街之南当文官俱东面北上诸亲于五品以上之南【皇宗亲在东异姓亲在西】蕃客分方于六品以下之南皆以北为上并如常仪【若有朝集使分方于文武官当品之下诸州使人分方于朝集使九品之後】设典仪位于悬之东北赞者二人在南少退俱西向设册使主副受命位於大横街南道东俱北面西上奉礼设门外位皆如元日之仪其日诸卫勒所部列黄麾大仗如常仪羣官等依时刻集

朝堂俱就次各服朝服通事舍人各引就朝堂前位侍中量时刻版奏请中严鉞戟近仗入陈于殿庭太乐令鼓吹令等帅工人入就位协律郎入就举麾位典仪帅赞者先入就位诸侍卫之官各服其器服符宝郎奉宝俱诣合奉迎通事舍人引羣官入就位又引册使入立于太极门外道东西面黄门侍郎主节奉节立于左延明门内道北中书侍郎帅令史奉册案立于节南俱西面【每案令令史二人绛公服对举仍覆以帕】侍中版奏外办皇帝服袞冕御舆以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏举麾【凡乐皆协律郎举麾工鼓祝而後作偃麾戛敌而後止】鼓祝奏太和之乐鼓吹振作皇帝出自西房即御坐南向坐符宝郎奉宝置于御坐如常乐止通事舍人引册使主副入就位太尉初入门舒和之乐作至位乐止立定典仪曰再拜赞者承传羣官在位者皆再拜侍中前承制降诣使者东北西面称有制册使俱再拜侍中宣制曰勅某氏为皇后命公等持节展礼宣制讫又俱再拜侍中还侍位黄门侍郎引主节诣册使所主节以节授黄门侍郎黄门侍郎执节西面授太尉太尉受付节立于使後黄门侍郎退中书侍郎引册案及琮玺绶案立于册使东北西面中书侍郎取【持案者退自使後立于太尉之左】西面授太尉太尉受册置于案退立于使後中书侍郎又取琮玺绶以授太尉太尉受置于案皆如受册之仪中书侍郎退典仪曰再拜赞者承传羣官在位者皆再拜通事舍人引册使出持节者前导持案者次之太尉初行乐作出门乐止侍中前跪奏称侍中臣某言礼毕俛伏兴还侍位皇帝兴太乐令令撞蕤宾之钟左五钟皆应鼓祝奏太和之乐皇帝降坐侍卫警蹕如来仪入自东房乐止通事舍人引群官在位者以次出【蕃客先出】

皇后受册

前一日守宫于肃章门外道西近南随便设太尉司徒等次东向北上又于命妇朝堂设外命妇次如常尚寝率其属于皇后正殿设御幄铺坐南向又设皇后受册位于殿庭阶间北向又设命妇等脱舄席于西阶前近西东向司乐展宫悬之乐於殿庭设麾於殿上西阶之西东向并如常内仆进重翟以下於肃章门之外道东西向以北为上其日依时刻诸卫勒所部屯门列仗及陈布于皇后正殿南门之外如常仪典仪设册使位于肃章门外之西东向北上设内侍位于副使之南举册案及琮玺绶者位於南差退俱东向又设内给事位于北厢南向又设内谒者监位于其东南西向内谒者设外命妇位于命妇朝堂分左右厢大长公主以下在东太夫人以下在西并每等异位重行相向以北为上司赞设内命妇及内官非供奉者陪列之位于受册正殿之庭东厢西向重行北上又设内命妇等朝位于殿庭御道东重行北面西上又设外命妇朝位于殿庭御道左右近南大长公主以下在道东每等异位重行北面以西为上太夫人以下在道西每等异位重行北面以东为上又设司赞位于东阶东南典赞二人在南差退俱西向内侍版奏皇后请中严外命妇依时刻俱赴集命妇朝堂次各服其服内谒者监预置二案于肃章门外近限太尉司徒既受命出至朝堂俱乘辂备卤簿鼓吹持节如式其册琮玺绶各以油络网犍车载而行内侍之属与所司守掌之至永安门外降辂谒者引入持节者前导持案者次之掌次者俱引入次内典引引外命妇就朝堂位司乐帅女工人入就位典乐升就举麾位司赞帅典赞先就殿庭位内典引各引外命妇两行以次进至肃章门司宾接引进入立于皇后正殿合外如朝堂之位谒者引太尉以下就肃章门外位持节者立于太尉之北少退东面谒者监引内给事就南面位谒者监退复位内命妇等应陪列者各服其

服司宾引就陪位尚仪版奏外办皇后首饰褱衣司言引尚宫尚宫引皇后出自正殿西房侍卫警蹕如常仪【首饰褱衣所司预进】典乐举麾奏正和之乐【凡乐皆典乐举麾工鼓祝而後作偃麾戛敌而後止】皇后至两楹间南向立定乐止初内给事既就南面位太尉进内给事前北向跪称太尉封臣某司徒封臣某奉制授皇后备物典册讫俛伏兴退复位谒者监引内给事诣肃章门传告司言司言入诣皇后前跪奏讫兴还侍位初司言入奉册琮玺绶者以次进当司徒前司徒取册琮玺绶以次进授太尉举案者以次退司徒授讫退复位内侍进太尉前西面以次受册琮玺绶东面授内谒者监【量以内谒者等助举之】退复位内谒者监等持册琮玺绶等进立于肃章门外跪置册琮玺绶于案俛伏兴初司言奏讫尚仪赞皇后降司言引尚宫尚宫引皇后降就庭中北面位皇后初行乐作立定乐止初皇后将降又尚宫诣门跪取册尚服诣门跪取琮玺绶兴进俱入立于皇后之右少前西向司言司宝各一人进立于皇后之左少前东向尚宫称有制尚仪赞皇后再拜皇后再拜尚宫宣册讫尚仪又赞皇后再拜皇后再拜奉册进授皇后皇后受以授司言尚服又奉琮玺绶次授皇后皇后受以授司宝讫尚仪赞皇后升坐皇后御舆繖扇侍卫如常皇后升初行乐作即御坐南向坐司宝奉琮玺置于御坐乐止司宾引内命妇等陪列者以次进就北面位为首者初行典乐举麾舒和之乐作至位立乐止司赞曰再拜掌赞承传内命妇皆再拜司宾引为首者一人诣西阶初行乐作至阶乐止为首者脱舄升进当御坐前北面跪奏称某妃妾姓等言伏惟殿下坤象配天德昭厚载凡厥兆庶不胜庆跃讫起司宾引为首者自西阶降纳舄乐作复位乐止司赞曰再拜掌赞承传内命妇等皆再拜司言前承令降自西阶诣命妇西北东面称令旨内命妇等皆再拜宣令讫在位又再拜司赞曰再拜典赞承传在位者皆再拜司宾以次从随使出门各还其寝为首者初行乐作至门乐止司宾又引外命妇以次入为首者初入门舒和之乐作至位乐止立定司赞曰再拜掌赞承传外命妇皆再拜讫司宾引为首者一人进升奉贺复位拜乐作止及宣令拜辞等皆如内命妇之仪讫引出为首者初行乐作出门乐止司言又奏羣官贺讫尚仪前跪奏称尚仪妾姓等言礼毕兴还侍位皇后降坐乐作御舆入自东房侍卫警蹕如常仪乐止女工人退册命使者乘辂诣朝堂至降车所降辂入至太极殿庭大横街南御道东北面西上立中书令立于太尉东北西面太尉等再拜复命曰奉制授皇后备物典册礼毕又再拜中书令奏闻太尉等退鹵簿幡节等各还本司

皇后受羣臣贺 皇后表谢

朝皇太后 皇帝会羣臣

羣臣上礼 皇后会外命妇

皇后庙见

右并如纳后之仪

大唐开元礼卷一百五

卷一百六

钦定四库全书

大唐开元礼卷一百六 唐 萧嵩等 撰嘉礼

临轩册命皇太子 卜日

告圜丘 告方泽

告太庙 临轩册命

谒中宫 谒太庙

皇帝会羣臣 羣臣上礼

皇后受羣臣贺 皇后会命妇

皇太子会羣臣 宫臣上礼

卜日

册皇太子有司卜日如别仪

告圜丘 告方泽 告太庙

右并有司行事如常告之仪

临轩册命

前一日尚舍奉御设御幄坐於太极殿北壁下南向守宫设皇太子次于东朝堂之北西向设羣官次於东西朝堂太乐令展宫悬于殿庭又设举麾位于殿上鼓吹令设十二案于建鼓之外乘黄令陈车辂尚辇奉御陈舆辇并如常仪典仪设皇太子版位于大横街之南道东北向又设羣臣版位文官一品以下五品以上于悬东六品以下于横街之南俱西面武官一品以下五品以上于悬西六品以下于横街之南俱东面诸亲于五品以上之南【皇宗亲在东异姓亲在西】蕃客分方于六品以下之南皆以北为上并如常仪【若有朝集使分方于文武官当品之下诸州使人分方于朝集使九品之後】设典仪位于悬之东北赞者二人在南少退俱西向奉礼设门外位皆如元日之仪其日皇太子日未出前二刻宫官应从者俱服其服诸卫勒所部陈设如常左庶子版奏请中严诸侍卫之官各服其服诣合奉迎仆进金辂于

合外南向左内率一人执刀立于辂前北向赞善一人在侍臣之前赞者二人又在中允之前左庶子版奏外办仆奋衣而升正立执轡皇太子具服远游冠【若未冠则双童髻】绛纱袍升舆以出左右侍卫如常左内率前执轡皇太子升辂仆立授绥左庶子以下夹侍赞善进当辂前跪奏称赞善臣某言请发引俛伏兴退复位【凡赞善奏请皆进当辂前跪奏称具官臣某言讫俛伏兴】辂动赞善与赞者夹引以出左内率夹辂而趋至侍臣上马所赞善奏称请辂权停令侍臣上马左庶子前承令退称令曰诺赞善退称侍臣上马赞者承传文武侍臣皆上马左庶子以下夹侍于辂前赞者在供奉官人内侍臣上马毕赞善奏称请令车右升左庶子前承令退称令曰诺赞善退复位左内率升讫赞善奏称请发引退复位皇太子辂动三师乘车训导三少乘车训从鸣铙而行文武官臣皆乘马以从至下车所铙吹止至次前回辂西向内率降立于辂右左庶子进当辂前跪奏称左庶子臣某言请降辂俛伏兴还侍位皇太子降辂舍人引皇太子就便坐侍卫如常仪其日依时刻诸卫勒所部列黄麾大仗屯门及陈殿庭如常仪羣官诸亲客使等依时刻俱集朝堂次各服其服侍中版奏请中严鉦戟近仗入陈于殿庭太乐令帅工人入就位协律郎入就举麾位诸侍卫之官各服其器服符宝郎奉宝俱诣合奉迎通事舍人引羣官客使就朝堂前位典仪帅赞者先入施位舍人各引羣官客使次入就位皇太子出次舍人引皇太子三师三少导从如式入立於殿外之东西面【诸卫帅左右舍人及近侍量人从入】黄门侍郎以册及宝绶各置于案上令史二人绛公服对举案立於门内道北西面册案在北中书侍郎立于案後侍中版奏外办皇帝服衮冕之服御舆以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏举麾鼓祝奏太和之乐鼓吹振作皇帝出自西房即御坐南向坐符宝郎奉宝置于御坐如常协律郎偃麾戛敌乐止【凡乐皆协律郎举麾工鼓祝而後作偃麾戛敌而止】舍人引皇太子入就位【三师三少以下从入者立於皇太子东南西面北上】皇太子初入门舒和之乐作至位乐止典仪曰再拜赞者承传皇太子再拜典仪曰再拜羣官在位者皆再拜中书令降立于皇太子东北西面中书侍郎一人引册案又中书侍郎一人引玺绶案进立于中书令之南少退俱西面中书侍郎取册进授中书令退复位中书令称有制皇太子再拜读册讫皇太子再拜进受册退授左庶子中书侍郎取玺绶进授中书令皇太子又进受玺绶退授左庶子中书令以下还侍位持案者以案退典仪曰再拜皇太子再拜典仪又曰再拜羣官在位者皆再拜舍人引皇太子出初行乐作出门乐止侍中前跪奏称侍中臣某言礼毕俛伏兴还侍位皇帝兴太乐令令撞蕤宾之钟左五钟皆应鼓祝奏太和之乐鼓吹振作皇帝降坐御舆入自东房侍卫警蹕如常仪侍臣从至合乐止通事舍人引群官在位者以次出蕃客先出

朝皇后

前一日所司设皇太子次于永安门外之西东向周以行帷铺坐如式又设三师三少等便坐于西南东向北上其日诸卫各勒所部屯门列仗及陈布于皇后正殿南门之外皇太子将至尚仪版奏请中严皇太子受册讫舍人引皇太子三师三少导从及余侍卫皆如常仪诣皇后所御之殿合外道东西面立六尚以下各服其服俱诣皇后内合奉迎尚仪版奏外办皇后首饰褱衣御舆以出即御坐南向坐侍卫如式内谒者监引皇太子至肃章门【其侍卫之官并立于肃章门之外】司宾承引皇太子入立于庭北面立定皇太子再拜讫司宾引皇太子至合内谒者监承引以出舍人引之次侍卫如式三师三少以下各之次

谒太庙

前一日右校扫除庙之内外守宫设皇太子次于庙西南东向又设三师以下及文武侍臣次于皇太子次之後少近西俱东向奉礼设皇太子版位于庙庭道东北向其日皇太子入受册所司转鹵簿仗卫于永安门西以俟皇太子朝皇后出讫舍人引之次侍卫如常仆进金辂于次前左庶子版奏外办皇太子出次乘辂奏请发引及侍臣陪从铙吹声作皆如初仪至安上门街当庙西铙吹止至次前回辂东向内率降立于辂右左庶子进当辂前跪称左庶子臣某言请降辂俛伏兴还侍位皇太子降辂乘舆入次侍卫如常仪皇太子入次一刻顷率更令立于次门之外左庶子版奏外办皇太子出次侍卫如常率更令引皇太子入自南门三师三少导从如式庶子二人一人赞左一人赞右舍人二人从近仗量人从入皇太子至位立定率更令奏请殿下再拜皇太子再拜少刻率更令奏殿下辞皇太子再拜辞率更令前奏礼毕率更令引皇太子出自南门入次侍卫如常皇太子既入便次有司转仗卫于还涂如来仪仆进金辂于次前如常左庶子版奏外办皇太子乘舆出次升辂侍卫如常侍臣上马陪从如来仪辂动过庙鸣铙而行至重明门宫官文武俱下马皇太子乘辂入三师三少还皇太子至东合前回辂南向左庶子跪奏请降辂俛伏兴皇太子降辂乘舆以入侍臣从至合左庶子版奏请将士各还本所

皇帝会羣臣

右皆如元会之仪其上壽辞云具官臣某等稽首言皇太子岐嶷夙着令月吉日光践承华臣等不胜大庆谨上千万岁壽

羣臣上礼

前一日守宫量设次于东西朝堂如常其日应上礼之官依时刻各集于次皆服朝服奉礼先设上礼之官位于东朝堂之前近南文东武西重行北面相对为首又设中书舍人位于文武官为首者之北南向设奉礼位于文官东北赞者二人在南差退俱西向谒者各引上礼之官就位立定令史二人对举表案礼部郎中引中书舍人前取表授舍人讫引案退奉礼唱再拜赞者承传在位者皆再拜中书舍人奉表入进谒者引在位者退

皇后受羣臣贺

右皆如元日奉贺之仪其贺云皇太子岐嶷夙着令月吉日光践承华臣等不胜大庆谨奉贺以闻内给事宣令答云知

皇后会命妇

右皆如元日之仪其上壽辞云具位妾姓等言皇太子岐嶷夙着令月吉日光践承华妾等不胜大庆谨上

皇太子会羣官

右皆如元会之仪其贺云伏惟殿下固天攸纵德业日新式光震宫普天同庆某等情百恒品不胜欣悦左庶子宣令答云某以不敏夙承礼训祇奉朝命慙惧惟深

皇太子会宫臣

右皆如元会之仪其上壽辞云具官臣某等言伏惟殿下固天攸纵德业日新式光震宫普天忭跃臣等不胜大庆谨上千万岁壽

宫臣上礼

前一日守宫量设次于东宫朝堂如常其日应上礼之官依时刻各集于次皆服朝服奉礼先设上礼之官位于朝堂前文东武西重行北面相对为首设太子舍人位于文官为首者之北南向设奉礼位于文官东北赞者二人在其南差退俱西向通事舍人各引上礼之官皆就位立定令史二人对举表案詹事承引就太子舍人前取表授舍人讫引案退奉礼唱再拜赞者承传在位者皆再拜舍人以表入谒者引在位者退

大唐开元礼卷一百六

卷一百七

钦定四库全书

大唐开元礼卷一百七 唐 萧嵩等 撰嘉礼

内册皇太子 卜日

告圜丘 告方泽

告太庙 临轩命使

皇太子受册 朝见

谒太庙 会羣臣

羣臣上礼 皇后受羣臣贺

皇后会外命妇 皇太子会羣臣

皇太子会宫臣 宫臣上礼

卜日

册皇太子有司卜日如别仪

告圜丘 告方泽 告太庙

右有司行事如常告之仪

临轩命使

将行册礼所司奏请太尉为使司徒为副前一日尚舍奉御设御幄于太极殿北壁下南向铺御坐如常守宫设群官次于东西朝堂太乐令展宫悬于殿庭设举麾位于殿上西阶之西东向一位于乐悬东南西向鼓吹令展十二案於建鼓之外乘黄令陈车辂尚辇奉御陈舆辇并如常仪典仪设羣官版位文官一品以下五品以上于悬东六品以下於横街之南俱重行西面北上武官一品以下五品以上于悬西六品以下于横街之南俱东面诸亲于五品以上之南【皇宗亲在东异姓亲在西】蕃客各分方于六品以下之南皆以北为上并如常仪【若有朝集使分方于文武官当品以下诸州使人分方于朝集使九品之後】设典仪位于悬

之东北赞者二人在南少退俱西向设册使主副受命位于大横街南道东俱北面西上奉礼设门外位皆如元日之仪其日诸卫勒所部列黄麾大仗如常仪羣官等依时刻集朝堂俱就次各服朝服通事舍人各引就朝堂前位侍中量时刻版奏请中严鉦戟近仗各入陈於殿庭太乐令鼓吹令等帅工人入就位协律郎入就举麾位典仪帅赞者先入就位诸侍卫之官各服其器服符宝郎奉宝俱诣合奉迎通事舍人引羣官入就位又引册使入立于太极门外道东西面黄门侍郎帅主节奉节立于左延明门内道北中书侍郎帅令使奉册案及玺绶案立于节南俱西面【每案各令史二人绦公服对举仍覆以帕】侍中版奏外办皇帝服袞冕御輿以出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏举麾【凡乐皆协律郎举麾工鼓祝而後作偃麾戛敌而後止】鼓祝奏太和之乐鼓吹振作皇帝出自西房即御坐南向坐符宝郎奉宝置于御坐如常乐止通事舍人引册使主副入就位太尉初入门舒和之乐作至位乐止立定典仪曰再拜赞者承传羣官在位者皆再拜侍中前承制降诣使者东北西面称有制册使俱再拜侍中宣制曰册某为皇太子命公等持节展礼宣制讫又俱再拜侍中还侍位黄门侍郎引主节立于使者东北西面主节以节授黄门侍郎黄门侍郎执节西面授太尉太尉受付主节主节立於使後黄门侍郎退中书侍郎引册案及玺绶案立于册使东北西面中书侍郎取册【持案者退自使後立于太尉之左】西面授太尉太尉受册置于案持案者退立于使後中书侍郎又取玺绶以授太尉太尉受置于案皆如受册之仪中书侍郎退典仪曰再拜赞者承传羣官在位者皆再拜通事舍人引册使出持节者前导持案者从之太尉初行乐作出门乐止侍中前跪奏称侍中臣某言礼毕俛伏兴还侍位皇帝兴太乐令令撞蕤宾之钟左五钟皆应鼓祝奏太和之乐皇帝降坐侍卫警蹕如来仪入自东房乐止通事舍人引羣官在位者以次出蕃客先出

皇太子受册

前一日守宫设册使次于重明门外道西副使次又于其西俱南面并铺床席又设宫臣文武官次于东宫朝堂如常所司陈设皇太子羽仪车輿及乐悬等并如元日受朝之仪掌筵设皇太子受册位于殿庭阶间北面掌仪设宫官版位于殿庭文官五品以上于悬东六品以下於横街之南皆西面北上武官五品以上于悬西六品以下於横街之南当文官皆东面北上奉礼设朝堂前位如常其日诸卫率各勒所部屯门列仗如式宫官于册使未到之前量时刻赴集次改服朝服各就朝堂前位太尉司徒既受命出自朝堂乘辂备卤簿鼓吹持节如式其册玺绶各以油络网鞵车载而行至东宫朝堂降辂谒者引就次持节者前导持案者从之掌次者延入次初册使将至通事舍人引各宫臣入就殿庭位左庶子版奏请中严宫臣入讫通事舍人引太尉司徒入立于左合门外西面北上【持幡节及册玺案者至合外并以给使代之】左庶子版奏外办皇太子着双童髻绦纱袍就受册位【所司预奏请左庶子一人引导相礼】典直承引太尉以下入太尉立于阶间南面司徒立于太尉西南东面节在太尉东南西面册玺案在司徒西南东面掌书二人立于皇太子之左少前东面司徒就案取册进东面授太尉持节者脱节衣太尉称有诏左庶子赞皇太子再拜皇太子再拜太尉宣册讫左庶子又赞皇太子再拜皇太子又再拜左庶子进诣太尉前受册退授皇太子皇太子受以授掌书司徒又次取玺绶进东面授太尉左庶子进太尉前受退授皇太子皇太子受以授掌书讫持节者加节衣左庶子赞皇太子退典直各引太尉以下出至合外通事舍人承引以出【其案

及幡节等并转付令史主节】又通事舍人各引宫臣以次出太尉司徒乘辂诣朝堂至降车所降辂入至太极殿庭大横街南御道东北面西上立中书令立於太尉东北西面太尉等再拜复命曰奉诏册皇太子礼毕又再拜中书令奏闻太尉等退鹵簿幡节等各还本司

皇太子朝谒

其日册讫皇太子着双童髻绛纱袍诣皇帝所御殿如常内朝之式至合司宾引入至殿前北面再拜司宾引退诣皇后所御殿前北面再拜司宾引出还宫如常

谒太庙 皇帝会羣臣 羣臣上礼

皇后受羣臣贺 皇后会外命妇

皇太子会羣臣 皇太子会宫臣

宫臣上礼

右并如临轩册命之仪

大唐开元礼卷一百七

卷一百八

钦定四库全书

大唐开元礼卷一百八 唐 萧嵩等 撰嘉礼

临轩册命诸王大臣 朝堂册命诸大臣册内命妇二品以上

临轩册命诸王大臣

将册命前一日尚舍奉御设御幄於太极殿北壁南向守宫设羣官次于朝堂太乐令展宫悬於殿庭又设举麾位於上下并如常仪其日典仪设羣官版位文官一品以下五品以上於悬东六品以下于大横街之南俱西面武官一品以下五品以上於悬西六品以下于大横街之南俱东面皆以北为上并如常仪设受册者位于大横街之南道东重行北面西上设典仪位于悬之东北赞者二人在南少退俱西向奉礼设门外位文官於东朝堂西面武官于西朝堂东面俱每等异位重行北上

临轩册命

其日依时刻诸卫勒所部屯门列仗及陈於殿庭如常仪受册者服朝服从第备卤簿与羣官俱集朝堂次羣官各服其服赞引引羣官俱出次典谒引就朝堂前位侍中版奏请中严鉞戟近仗入陈於殿庭太乐令帅工人入就位协律郎入就举麾位诸侍卫之官各服其器服符宝郎奉宝俱诣合奉迎典仪帅赞者先入就位通事舍人引羣官入就位又引受册者入立於太极门外道东西向中书侍郎以册置于案令史二人俱绛公服对举案立於左延明门内道北西面侍郎立於案後侍中版奏外办皇帝服通天冠绛纱袍乘輿出曲直华盖警蹕侍卫如常仪皇帝将出仗动太乐令令撞黄钟之钟右五钟皆应协律郎跪俛伏举麾鼓祝奏太和之乐【凡乐皆协律郎举麾工鼓祝而後作偃麾戛敌而後止】皇帝出自西房即御坐南向坐符宝郎奉宝置于御坐如常仪乐止通事舍人引受册者以次入就位立定典仪曰再拜赞者承传羣官在位者皆再拜中书令降立於受册者东北西面中书侍郎引册案进立於中书令之南少退俱西面通事舍人引为首者一人少前北面中书侍郎取册进授中书令退复位中书令称有制受册者再拜中书令读册讫受册者又再拜通事舍人引受册者进受册讫典谒引退复位又通事舍人引次受册者前受册如上仪遍册讫中书令以下还侍位持案者以案退典仪曰皆拜赞者承传羣官在位者皆再拜通事舍人引受册者以次出侍中前跪奏称侍中臣某言礼毕俛伏兴还侍位皇帝兴太乐令令撞蕤宾之钟左五钟皆应鼓祝奏太和之乐皇帝降坐御輿入自东房侍卫警蹕如来仪侍臣从至合乐止通事舍人引羣官在位者以次出若册三师三公亲王则皇帝服袞冕之服鼓吹令设十二案乘黄令陈车辂尚辇奉御陈輿辇诸卫设黄麾半仗受册者初入门舒和之乐作至位乐止册毕引出初行乐作出门乐止余同上仪

三师 三公 亲王 开府仪同三司 太子三师 骠骑大将军 左右丞相

京兆牧 河南牧

右并临轩册命

朝堂册命诸臣

前一日守宫设受册者次于东朝堂其日平明受册者朝服升辂发第备卤簿诣朝堂至降车所降辂谒者绛公服引就次奉礼设受册者版位于东朝堂前近南北向又设舍人宣册位于其北南向将册舍人引受册者就版位立舍人公服预以册书置于案令史二人绛公服对举案又舍人引中书舍人持节者前导持案者次之出诣宣册位立持节者立于舍人之东少南西面持案者立于舍人西南东面持节者脱节衣持案者进舍人前舍人取册持案者退复位舍人称有制受册者再拜宣册讫又再拜又舍人引受册者进舍人前北面受册退复位持节者加节衣典谒引舍人幡节前导而入谒者引受册者退受册者升辂还第如来仪

太子少师 太子少傅 太子太保 特进 辅国大将军 光禄大夫 镇国大将军 侍中 中书令 诸卫大将军 六尚书 太子詹事 太常卿

都督及上州刺史在京者

右并朝堂册命

册内命妇二品以上

前一日守宫设使者及册案便次于肃章门及永安门外皆道右东向司设设受册者位于其寝庭近南当阶间北向其日典仪设册使位于肃章门外之西东向北上举册案者位在南差退俱东向内谒者监预置案于肃章门外近限使者公服发朝堂乘辂备卤簿鼓吹持节如式其册以油络网褱车载而行至永安门外降辂谒者引入【其册下置於案即随使而入】掌次者俱引入次受册者花钗翟衣司言引就受册位侍从如常谒者引册使入就位持节者立於使者之北少退持册案者立於使副西南俱东面持节者脱节衣持册案者以案进使副前使副取册於案持案者退复位使副以册进授使者退复位内给事进使者前西面受册进立於肃章门外跪置册於案俛伏兴退司言诣合跪取册兴进立於受册者之北南面称有制受册者再拜宣册讫受册者又再拜受册者进受册以退初册入合少顷谒者引使者出就永安门外次更衣乘马各还其第卤簿幡节等俱还本司

大唐开元礼卷一百八

卷一百九

钦定四库全书

大唐开元礼卷一百九 唐 萧嵩等 撰嘉礼

遣使册受官爵 朔日受朝

朝集使朝见【并辞】

遣使册受官爵

前一日受册之家设使者次於大门外道西南向其日使者至掌次者引就次以制书置於案使者以下皆公服受册者着朝服非朝服者皆公服出立於正寝东阶东南西面使者出次赞礼者引使者持节者前导立于大门外之西持节者立于使者之北少退令史二人对举册案立于使者之西南俱东面立定赞礼者引受册者迎于大门外之东西面又赞礼者引使者持节者前导持册案者次之入门而左使者诣阶间南面立持节者立于使者之东少南西面持案者立于使者西南东面赞礼者引受册者入立于使者之南北面立定持节者脱节衣持册案者进使者前使者取册持案者退复位使者称有制受册者再拜宣册讫受册者又再拜赞礼者引受册者进使者前北面受册退立于东阶东南西面持节者加节衣赞礼者引使者持节者导以出持案者从之俱复门外位赞礼者引受册者出门东西面再拜送赞礼引使者还于次又赞礼者引受册者入

朔日受朝【其朔日读时令则不行此礼】

前一日尚舍奉御设御幄于太极殿北壁南向守宫设羣官次于朝堂如常仪太乐令展宫悬於殿庭设举麾位于殿上西阶之西东向一位于乐悬东南西向并如常仪其日典仪设文官三品以上位于横街之南道东设武官三品以上位于道西俱每等异位重行北面相对为首设文官四品五品位于悬东六品以下于横街之南每等异位重行西面北上武官四品五品位于悬西六品以下于横街之南当文官每等异位重行东面北上设典仪位于悬之东北赞者二人在南少退俱西向奉礼设门外位文官于朝东堂每等异位重行西面武官于西朝堂每等异位重行东面皆北上其日依时刻诸卫勒所部列仗屯门及陈于殿庭如常仪羣官集朝堂俱就次各服公服吏部兵部赞羣官俱出次通事舍人各引就朝堂前位侍中版奏请中严鉞戟近仗入陈于殿庭太乐令帅工人入就位协律郎入就举麾位诸侍卫之官各服其器服符宝郎奉宝俱诣合奉迎典仪帅赞者入就位通事舍人引四品以下先入就位侍中版奏外办有司承旨索扇皇帝弁服绛纱衣御舆以出曲直华盖警蹕侍卫如常仪皇帝将出仗动太乐令令撞黄锺之钟右五钟皆应协律郎跪俯伏举麾鼓祝奏太和之乐皇帝出自西房即御坐南向坐符宝郎奉宝置于御坐如常仪协律郎偃麾戛敌乐止【凡乐皆协律郎举麾工鼓祝而後作偃麾戛敌而後止】通事舍人引三品以上次入就位公初入门舒和之乐作

【凡公行皆作舒和之乐】公至位乐止立定典仪曰再拜赞者承传羣官在位者俱再拜讫典仪又曰再拜赞者承传羣官在位者又再拜舍人引羣官北面位者以次出公初行乐作公出门乐止侍中前跪奏称侍中臣某言礼毕俛伏兴还侍位有司承旨索扇皇帝兴太仆令令撞蕤宾之钟左五钟皆应奏太和之乐皇帝降坐御舆入自东房侍卫警蹕如来仪侍臣从至合乐止舍人引东西面位者以次出皇帝若御翼善冠则羣臣皆服袴褶不设乐悬去警蹕

朝集使引见【奉辞仪同】

前一日尚舍奉御预奏于所御殿设御坐如常仪其日依时刻所司量加队仗陈列如式典仪于殿庭横街之南北设版位如常仪其日朝集使夙兴并集朝堂【各服朝服】京官文武九品以上并服袴褶诸侍奉官及京官文武官四品以下就位如式通事舍人引京官文武三品以上及朝集使俱就所御殿前门外序立以俟侍中进奏外办皇帝常服即御坐南向侍卫如常仪通事舍人分引京官文武三品以上诣横街南相对北面位立定典仪曰再拜羣官在位者皆再拜讫通事舍人各引就街北东西班序立又通事舍人分引朝集使入就北面位【东方南方在东北方西方在西】立定典仪曰再拜朝集使等俱再拜通事舍人承旨诣朝集使东北面立称有制朝集使等皆再拜舍人宣勅讫又再拜【答制预定行首一人跪奏舍人为奏听进止】若承恩慰问即舞蹈讫又再拜舍人宣勅讫侍中奏礼毕皇帝还宫如来仪侍臣退羣臣等以次退其朝集使奉辞皆准奉参之仪其京官但常参官列版位其朝集使三品以上引升殿赐食四品以下於廊下赐食并临时奏听进止

大唐开元礼卷一百九

卷一百十

钦定四库全书

大唐开元礼卷一百十 唐 萧嵩等 撰嘉礼

皇太子加元服 告太庙

临轩命宾赞 冠

会宾赞 朝谒

皇太子谒太庙 羣臣上礼

皇太子会宫臣 宫臣上礼

告太庙

皇太子将冠先告太庙如常告之仪

临轩命宾赞

所司预奏请司徒一人为宾卿一人为赞冠吏部承以戒之前一日尚舍奉御整饰御幄於太极殿卫尉设羣官朝集使诸蕃使次於左右朝堂太乐令展宫悬之乐於殿庭设举麾位於殿上一位於悬下鼓吹令设十二案乘黄令陈车辂尚輦奉御陈輿輦典仪设文官一品以下五品以上位於横街之北西面北上诸州使人五品以上合班六品以下位於横街南诸州使人六品以下诸蕃官又在南皆西面北上设武官五品以上位於横街北东面北上诸州使人五品以上合班诸亲位於其南六品以下位於横街南诸州使人六品以下及蕃客等又在其南皆东面北上设典仪位於悬之东北赞者二人在南少退俱西向设宾受命位於横街南道东北面赞者位又於其後少东北面奉礼设门外文官一品以下位於顺天门外道东每等异位重行西面武官一品以下位於门西每等异位重行东面并以北为上其日诸卫勒所部列黄麾仗如常仪羣官依时刻集朝堂俱就次各服其服侍中量时版奏请中严協律郎太乐令帅工人入就位诸侍卫之官各服其器服奉迎典仪帅赞者先入就位通事舍人引先至羣官入立定又引宾赞入立於太极门外道东西面黄门侍郎引主节持幡节中书侍郎引制书案立於乐悬东南西面北上侍中版奏外办皇帝服通天冠绛纱袍以出曲直华盖警蹕侍卫如常仪皇帝将出仗动太乐令令撞黄锺之钟左五钟皆应協律郎举麾【凡乐皆協律郎举麾工鼓祝而後作偃麾戛敌而後止】鼓祝奏太和之乐皇帝乘輿出自西房即御坐南向坐符宝郎奉宝置於御坐乐止通事舍人引宾赞入就位宾赞初行入门舒和之乐作至位乐止立定典仪曰再拜侍中及舍人前承制侍中降至宾前称有制公再拜侍中曰将加冠於某之首

公其将事公少进北面再拜稽首辞曰臣不敏恐不能供事敢辞侍中升奏又承制降称制旨某公其将事无辞公再拜退复位侍中退舍人至卿前称勅旨卿再拜舍人曰将加冠於某之首卿宜赞冠卿再拜舍人退黄门侍郎引主节至宾所主节以节授黄门侍郎黄门侍郎执节立於宾东北西面宾再拜受节付主节讫又再拜主节立於宾後黄门侍郎退中书侍郎引制书案至宾所取制书在宾东北西面立宾再拜受制书执立又再拜持案人立於宾後中书侍郎退典仪曰再拜赞者承传羣官在位者皆再拜舍人引宾赞出宾赞初行乐作出门乐止侍中前跪奏称侍中臣某言礼毕俛伏兴还侍位皇帝兴太乐令令撞蕤宾之钟左五钟皆应鼓祝奏太和之乐皇帝降坐侍卫警蹕如来仪入自东房乐止舍人引一品以下以次出初宾赞出门宾以制书置於案升车从辂而行威仪铙吹诣东宫降辂入次宾赞具服其一品以下以次出蕃客各还馆九品以上诣东宫朝堂次服其服就位如冠仪

冠

前一日卫尉设宾次於重明门外道西南向赞冠次又於其西南向并铺床席又於重明门内道西设一次拟会宾赞设文武羣官九品以上及诸亲并宫臣次如常仪奉礼设文武羣官九品以上诸亲在五品之下及宫臣门外位如常仪典仪设殿庭位文武羣官共宫臣合班诸亲在五品下文官在东西面武官在西东面皆以北为上又设皇太子位於阁外道东西向设三师位於阁外道西三少位於三师之南少退俱东向典仪又设皇太子受制位於乐悬北北面所司设轩悬之乐於殿庭又设举麾位於殿上一位於悬下有司设皇太子羽仪车輿於殿庭如常式典设帅其属铺解剑席於悬之东北冠日平明宫臣皆朝服非宫臣者公服三师三少公服并集於重明门外次宗正卿公服乘犊车侍从诣左春坊权停左右二率各勒所部屯门列仗左庶子版奏请中严工人及诸行事之官各入就位奉礼设盥洗於东阶东南盥在洗东筐在洗西南肆【筐实巾加勺冪】典设郎铺皇太子冠席於殿上东壁下少近南西向设宾席於西阶上东向设主人席於皇太子席西南西向设三师席於冠席北三少席於冠席南典设张帷帐於东序内设褥席於帷中又张帷幄於序外拟置饌物等内直郎陈服於帷内东领北上袞冕服玄衣纁裳九章白纱中单黼领襟襜褕革金鈎?大带朱黼二章玉具劔火珠璽首瑜玉双佩珠组双大绶四彩赤白缥绀纯朱质长一丈八尺三百二十首广九寸【小绶长二尺六寸色同大绶而首半之间施二玉环】白鞵赤舄金饰象笏远游冠服绛纱袍白纱中单皂领襜褕裾白方心曲领假带绛纱蔽膝白练裾襦白鞵黑舄其革带劔佩绶笏与冕服同缁布冠玄衣素裳素鞵白纱中单青领襜褕裾履鞵革带大带笏缁纁【用皂罗巾方六寸属带於前两隅】犀簪二物同箱在服南栳实於箱又在南莞筵四纷纯纁席四纁纯又在南良醢令实侧樽甒醴加勺冪於序外帷内设盥在洗北筐在洗南东肆实巾一角觶角栖各一加冪太官令实饌豆九筯九於樽西俎三在豆北执在庭盥洗者绛公服立於盥洗之南北向执帷内尊盥洗筯豆俎等并绛公服立於尊盥豆俎之所冕白珠九旒犀导组纁青纁充耳远游三梁冠金附蝉九首施朱翠黑介帻犀导肆髮纁綌缁布冠青组纁属於冠冠冕各一箱盛奉礼二人各执立於阶之西东面北上主人赞冠者【庶子为之】升诣东序帷内少北户东西面立典谒引羣官以次入就位初宾赞入次左庶子版奏外办通事舍人引三师等入就阁外道西位东面立皇太子着空顶黑介帻双童髻玉导宝饰彩衣【紫褶绿袴襜褕领绿锦绅乌皮履】乘輿以出洗马迎於阁门外左庶子跪奏称左庶子臣某言请殿下降輿俛伏兴还侍位

皇太子降輿洗马引之道东位西向立左庶子又前跪奏称左庶子臣某言请殿下再拜皇太子再拜三师三少答再拜洗马引就阶东南位三师训导在前三少训从於後千牛二人夹左右其余仗卫列於师保之外通事舍人引宗正卿入见皇太子讫通事舍人引出迎宾洗马引皇太子初行乐作至阶东西面立偃麾乐止【凡乐皆伶官帅举麾工鼓祝而後作偃麾戛戢而後止】宗正卿迎宾於门东西面宾立於门西东面宗正卿再拜宾不荅拜宾入门乐作主人从入立於乐悬东北西面宾入赞冠者从入舍人引宾诣殿阶间南面乐止赞冠者立於宾西南东面节在宾东少南西面制案在赞冠西南东面宾就案取制执洗马引皇太子诣受制位北面立皇太子初行乐作至位乐止主节脱节衣宾称有制皇太子再拜宣诏曰制皇太子某吉日元服率由旧章命太尉某就宫展礼讫皇太子又再拜少傅进诣宾前受制书退授皇太子皇太子受制书付庶子案退洗马引皇太子师保等如式升东阶【量人从升】初行乐作至阶乐止入东序帷内近北南面立师保等各就席位讫宾升西阶宗正卿升东阶各立席後初宾升舍人引赞冠者诣盥洗盥手升自东阶诣序帷内於主人赞冠之南俱西面赞冠者引皇太子出立於席东西面宾之赞冠者取纁栳二箱坐奠於皇太子筵南端兴席北少东西面立宾揖皇太子进升筵西向坐宾之赞冠者进筵前东面坐脱空顶黑介帻置於御箱栳毕设纁兴少北南面立宾降盥主人从降乐作宾升乐止主人从升执缙布冠者升宾降一等受之右执顶左执前进皇太子筵前东向立祝曰令月吉日始加元服弃厥幼志慎其成德壽考惟祺以介景福乃跪冠兴复位东面立宾之赞冠进檐前东面跪结纁兴复位皇太子兴宾揖皇太子赞冠者引皇太子适东序帷内着玄衣素裳之服以出立於席东西面宾揖皇太子皇太子进升筵西向坐宾之赞冠者进筵前东面跪脱缙布冠置於黑介帻之箱栳纁依旧不解兴复位宾降二等受远游冠右执顶左执前进皇太子筵前东向立祝曰某月令辰乃申嘉服克敬威仪式昭厥德眉壽万年永膺明福乃跪冠兴复位宾之赞冠者跪设簪结纁兴复位皇太子兴宾揖皇太子赞冠者引皇太子适东序帷内着朝服以出立於席东西面宾揖皇太子皇太子进升筵西向坐宾之赞冠者进筵前东南跪脱远游冠置於厢纁栳依旧不解兴复位宾降三等受冕右执顶左执前进皇太子筵前东向立祝曰以岁之正以月之令咸加其服以成厥德万壽无疆承天之庆乃跪冠兴复位宾之赞冠者跪设簪结纁兴复位皇太子兴宾揖皇太子赞冠者引皇太子适东序着衮冕之服以出立於席东西面赞冠者彻纁栳二箱入於帷内又取筵入於帷内主人赞冠者又设醴皇太子席於室户西南向上莞下藻宾之赞冠者於东序外帷内盥手洗觶典膳郎酌醴加栖覆之面柄授宾之赞冠者受面叶立於序内南面宾揖皇太子赞冠者引皇太子就筵西南面立宾进受醴加栖面柄进皇太子筵前北向立祝曰甘醴惟厚嘉荐令芳拜受祭之以定厥祥承天之休壽考不忘皇太子筵西拜受觶宾复位东面答拜赞冠者与进饌者奉饌设於皇太子筵前皇太子升筵左执觶右取脯擣於醢祭於笾豆之间赞冠者取韭菹遍擣於豆以授皇太子又祭於笾豆之间赞冠者取肺一以授皇太子皇太子奠觶於荐西兴受肺郤左手执本坐燎右手絶末以祭上左手济之兴以授赞冠者赞冠者加於俎皇太子坐?手取觶以栖祭醴三始扱一祭又扱再祭加栖於觶叶兴筵末坐啐醴建栖兴降筵西南面坐奠觶再拜执觶兴宾答拜皇太子升筵坐奠觶於荐东兴降筵赞冠者引皇太子降自西阶立於西阶之东南面宾初答拜讫降立於西阶之西近南东面宾之赞冠者随降立於宾西南东面皇太子立定宾少进字之曰仪礼既备令月吉日昭告厥字君子攸宜宜之於嘏永受保之奉勅字某皇太子再拜曰某虽不敏敢不只奉又再拜洗马引皇太子降初行乐作至阼阶下位乐止三师在南北面三少在北南面立定皇太子西面再拜三师

等答再拜以出於三师拜讫典仪曰再拜赞者承传羣官在位者皆再拜左庶子前称礼毕皇太子乘輿以入侍臣从至阁如常仪初皇太子降通事舍人引宾赞及宗正出就会所

会宾赞

宾既出立於会所门外之西东面北上宗正卿立於门东西面立定一揖一让而入宗正卿立於坐东西面宾赞立於坐西东面俱再拜就位俛伏坐遂行酒酒至宾主俱兴再拜就席坐饮食至宾主俱兴设食讫宾主俱坐食会讫宾主俱兴宾赞立於西厢东面南上宗正卿立於东厢西面执事奉束帛之筐以授宗正卿又执事者奉束帛筐立於宗正卿之後牵马者牵乘马入陈於庭北首西上宾赞俱回北面西上再拜宗正卿以币筐进西南向授宾执事者以币授赞冠者宗正卿与执事者退复位宾赞降从者互受币宾当庭实揖左右以马出三马出从者互受马宗正卿出门东西面宾赞出门西东面北上宗正卿与宾赞俱揖而退宾赞就车辂诣顺天门外复命

朝谒

朝前卫尉先於顺天门外东朝堂之北设太子次又於後设三师三少及詹事等次皇太子冠讫诸卫率依常行鹵簿陈列威仪仗卫前後部鼓吹备列师傅以下及宫官皆服其服皇太子服远游冠绛纱袍乘輿以出仪卫侍从如常礼洗马前道皇太子出重明门左庶子跪奏请降輿升辂又左庶子称令曰诺左庶子俛伏兴皇太子降輿升金辂三师乘辂车训导在前三少亦乘辂车训从在後威仪仗卫依鹵簿发引鸣铙而行至长乐门铙吹止皇太子至顺天门外次回辂西向左庶子跪奏请降辂就次又左庶子称令曰诺左庶子俯伏兴皇太子降辂洗马前导入次左庶子侍左右庶子侍右舍人引三师三少詹事就次皇太子停大次少顷舍人奏闻典仪先於皇帝所御殿前北向设皇太子位左庶子跪奏请入又左庶子称令曰诺左庶子俯伏兴皇太子出次左庶子等夹侍舍人引洗马导引当门揖引入外宫诸卫仪鹵簿等悉陈列於门外皇太子入自东上阁洗马左庶子等从入至皇帝所御殿前位北向立从官陪後左庶子赞拜皇太子再拜侍中宣勅戒曰事亲以孝接下以仁使人以义养人以惠讫皇太子再拜少进称臣虽不敏敢不祇奉皇太子又再拜讫引下诣皇后所御殿至殿院内给事奏闻出引皇太子入洗马左庶子等不入太子至皇后所御殿前北面立再拜尚仪前承令降诣皇太子西北东面称令旨皇太子再拜宣令戒曰事亲以孝接下以仁使人以义养人以惠讫皇太子再拜少进称臣夙夜祇奉不敢失坠皇太子又再拜司言引至阁舍人承引以出皇太子还如来仪

皇太子谒太庙

前一日皇太子宿斋於正殿其宫臣从入庙者宿斋於家正寢所司扫除庙之内外卫尉设皇太子次於庙西南角东向又设三师以下及宫官次於皇太子次之後少近西俱东向又设宫官次於东宫朝堂奉礼设皇太子版位於庙庭道东北向典仪设宫臣位於重明门外文官在东西面武官在西东面每等异位重行俱以北为上其日未明所司依鹵簿陈设於重明门

外官臣应从者依时刻集朝堂次皆服朝服非朝服者公服诸卫率各勒所部陈设如式左庶子版奏请中严仆进金辂於西阁外南向车右执刀立於辂前北向舍人引宫臣各就位侍卫之官各服其器服右庶子负宝如式俱诣阁奉迎左庶子版奏外办仆奋衣而升正立执轡皇太子服远游冠绛纱袍以出左右侍卫如常仪洗马引皇太子升仆立授绥命车右升讫车驱左庶子以下夹侍如式出重明门左庶子进当辂前跪奏称左庶子臣某言请车辂权停飭侍臣上马俛伏兴称侍臣上马赞者唱侍臣上马文武侍臣皆上马宫臣上马毕左庶子进当辂前跪奏称左庶子臣某言请发引俛伏兴退复位皇太子车辂动铙吹不作文官在左武官在右至下马所侍臣并下车马皇太子至次所回辂南向左庶子跪奏称左庶子臣某言请殿下降辂俛伏兴还侍位皇太子降辂洗马引入次侍臣立如常皇太子入次一刻顷左庶子跪奏称左庶子臣某言请殿下出次俛伏兴皇太子出次谒者引家令家令引皇太子入自南门三师三少导从如式庶子二人一人赞左一人赞右舍人二人从近仗量人从入皇太子至位立定家令奏请殿下再拜皇太子再拜少顷家令奏请殿下再拜辞皇太子再拜辞家令奏礼毕谒者引家令家令引皇太子出自南门升辂还宫如来仪至重明门外皇太子乘辂入将士停三师三少还皇太子至殿前回辂左庶子跪奏请殿下降辂俯伏兴皇太子降入侍臣从至合左庶子奏请将士各还本位其还宫鸣铙吹如常

会羣臣

皇太子冠见庙之明日皇帝会羣臣如元会之仪其上寿词云皇太子爰以吉辰载加元服德成礼备普天同庆臣等不胜悦豫谨上千万岁寿

羣臣上礼

先上礼三日本司宣令诸应上礼文武之官一品以下五品以上前一日卫尉量设次於东朝堂昼漏上水七刻各集於次皆服朝服奉礼先设上礼之官位於东朝堂之南文东武西北面重行相对为首又设中书舍人位於文官为首者之北南向设奉礼位於文官东北赞者二人在南差退俱西向牛酒在文武二位之间少前舍人各引应上礼之官就位定令史二人对举贺录案礼部郎中引就中书舍人前取贺录授舍人讫引案退奉礼唱再拜赞者承传在位者皆再拜中书舍人奉贺录入进舍人引在位者退酒十二斛犊十二头赤绳为笼头奏讫并付所司

皇太子会宫臣

皇太子会宫臣如常会之仪上寿词云具官臣某等言伏惟殿下爰以吉辰载加元服礼备德成臣等不胜悦豫谨上千万岁寿

宫臣上礼

先上礼一日詹事宣告上礼之官詹事以下七品以上昼漏上水七刻皆朝服集东宫南门

外之左典仪先设羣官位於中门外北面以西为上牛酒置位西五步少近昼漏上水八刻通事舍人引羣官皆就位立定詹事丞奉羣官简录案於詹事前东面跪授导客舍人导客舍人西面立受回南向立典仪唱再拜詹事以下俛伏兴皆再拜导客舍人以简录案入通事舍人引羣官詹事以下退酒九斛盛以铜锺一斛犊九头赤绳为笼皆付所司

大唐开元礼卷一百十

卷一百十一

钦定四库全书

大唐开元礼卷一百十一 唐 萧嵩等 撰嘉礼

皇太子纳妃 临轩命使

纳采 问名

纳徵 告期

告庙 册妃

临轩醮戒亲迎 同牢

妃朝见 会羣臣

临轩命使

将行纳采制命使者吏部承以戒之前一日尚舍奉御设御幄於太极殿北壁下南向卫尉设羣官位於东西朝堂太乐令展宫悬於殿庭并如常仪其日典仪设文官一品以下五品以上位於横街之北西面北上朝集使五品以上合班六品以下位於横街南朝集使六品以下合班蕃客又於其南皆西面北上设武官五品以上位於横街北朝集使五品以上合班诸亲位於其南六品以下位於横街南朝集使六品以下蕃客等又在南皆东面北上设典仪位於悬之东北赞者二人在南少退俱西向设举麾位於殿上西阶之西东面设使者受命位於横街南道东北面西上奉礼设门外位文官一品以下五品以上位於顺天门外道东每等异位俱重行西面武官三品以下位於门西每等异位俱重行以北为上未明二刻诸卫勒所部屯门布黄麾半仗入陈於殿庭如常仪羣官依时刻集朝堂俱就次各服朝服侍中量时刻版奏请中严鉞戟近仗就陈於合外太乐令以下帅工人入就位诸侍卫之官各服其器服侍中中书令以下诸侍臣俱诣合奉迎典仪帅赞者先入就位吏部兵部赞羣官出次典谒各引就门外位侍中版奏外办皇帝服袞冕乘輿以出曲直华盖侍卫警蹕如常仪皇帝出自西房即御坐南向坐符宝郎奉宝置於御坐如常仪通事舍人引羣官以次入就位立定典仪曰再拜赞者承传羣官在位者皆再拜吏部与礼部侍郎赞使主副出典谒引就受命位侍中前承制降诣使者西北东向称有制使主副俱再拜侍中宣制讫使主副又再拜侍中还侍位典谒引使者主副出初使者将出典仪曰再拜赞者承传羣官在位者皆再拜通事舍人引羣官出侍中前跪奏称侍中臣某言礼毕俛伏兴还侍位皇帝降坐入自东房侍卫警蹕如来仪侍臣从至合使主副乘辂备仪仗而行从者乘輿以从

纳采

前一日主人设使者次於大门之外道右南向其日大昕使者公服至於妃氏大门外掌次者延入次【凡宾主及行事者皆公服】主人受其礼於庙【无庙者受於正寝】掌事者布神席於室户外之西莞筵粉纯加藻席画纯南向右雕几使者出次谒者引立於大门外之西东面主人立於大门内西面宾者立於主人之左北面受命出立於门东西面曰敢请事使者曰奉制作俚储宫允归令德率由旧章使某纳采宾者入告主人曰臣某之子不教若如人既蒙制访某不敢辞宾者出告掌畜者以鴈授使副使副进授使者退复位使者左手执之宾者引主人迎於大门外之南北面再拜使者不答拜谒者引使者入门而左主人入门而右使者升自西阶立於楹间俱南面西上主人升自东阶进使者前北面使者曰某奉制纳采主人降诣阶间北面再拜稽首升进北面受鴈退立於东阶上西面使者降自西阶以出

问名

使者既出立於门外之西东面初使者降左右受鴈於序端主人降立於内门东厢西面宾者进受命出请事使者曰某将加卜筮奉制问名宾者入告主人曰制以某之子备数於储宫臣某不敢辞宾者出告掌畜者以鴈授使副使副进授使者退复位宾者引主人迎於内门外之南北面再拜使者升自西阶立於楹间俱南面西上主人升自东阶进使者前北面使者曰某奉制问名将加诸卜筮主人降诣阶间北面再拜稽首升进北面受鴈少退仍北面曰臣某第几女某氏出使者降自西阶出立於门内外之西东面初使者降主人退立於阼阶东左右受鴈於序端主人降立於内门东厢西面宾者进受命出请事使者曰礼毕宾者入告主人曰某公为事故至於某之室某有先人之礼请礼从者宾者入告使者曰某既得将事敢辞宾者入告主人曰先人之礼敢固以请宾者出告使者曰某辞不得命敢不从宾者入告遂引主人升立於序端掌事者彻几设二筵东上【各用莞筵绩纯加藻席纷纯】设酺醴於东房西墉下加勺设冪筐在樽南实觶二角栖二各筵一豆一实以脯醢在筐南又设洗於东阶东南如常施設讫宾者引主人降迎使者於内门外之东西面揖使者先入使者入门而左主人入门而右三揖使者皆不报至阶主人曰请某位升使者曰某敢辞主人又曰固请某位升使者揖主人使者升自西阶北面东上主人升自东阶北面再拜使者西阶上北面答拜主人受几於序端掌事者内拂几三奉两端西北向以进主人东南向外拂几三振袂内执之掌事者一人又执几以从主人进西北向使者序进迎受於筵前东南向以俟主人还东阶上北面拜送西南立使者以几进北面跪各设於坐差退於西阶上北面东上各拜送答再拜立於阶西东面南上赞者二人俱升取觶降盥手洗觶升实醴加栖於觶覆之面叶出房南面主人受醴面柄进使者筵前西北面主人赞者执觶以从使者西阶上北面各一拜序进筵前东南面主人又以次授醴使者受俱复西阶上位主人退复东阶上北面一拜送掌事者以次进脯醢於筵前使者各进升延皆坐左执觶右取脯擣於醢祭於筵豆之间各以栖祭醴三始扱一祭又扱再祭兴各以栖兼诸觶上腊降延於西阶上北面坐俱啐醴建栖各奠觶遂拜执觶兴主人答拜使者进升筵坐各奠觶於荐东降筵序立於西阶上东面南上掌事者牵乘马入陈於门内三分庭一在南北首西上又掌事者奉币筐升自东阶以授主人主人受於序端进西位掌事者一人又奉币筐立於主人之後使者西阶上俱再拜主人进诣楹间南面立使者序进立於主

人之西俱南面主人以币授使者使者受退立於西阶上东面执币者又以币筐授主人主人受以授使副使副受之退立於使者之北俱东面主人还东阶上北面拜送使者降自西阶从者迓受币使者当庭实揖马以出牵马者从出使者出大门外之西东面立从者迓受马主人出门东西面再拜送使者退主人入立於东阶下西面傧者告於主人曰宾不顾矣主人反於寝

纳吉

前一日主人设使者次如常其日大昕使者至妃氏大门外掌次者延入次掌事者设几筵如常使者出次谒者引立於大门之西东面主人於大门内西面傧者进受命出请事使者曰加诸卜筮占曰協从制使某也纳吉傧者入告主人曰臣某之女弗教唯恐不堪龟筮曰吉臣预在焉臣某谨奉典制傧者出告掌畜者以鴈授使副使副进授使者退复位使者左手执之傧者引主人迎於门外之南北面再拜使者不答拜谒者引使者入门而左主人入门而右使者升自西阶立於楹间南面西上主人升自东阶进使者前北面使者曰某奉制纳吉主人降阶北面再拜稽首升进北面受鴈使者降自西阶以出立於大门外之西东面初使者降主人还阼阶东左右受鴈於序端主人降立於内门内西面傧者进受命出请事使者曰礼毕其宾使者如问名之仪

纳徵

前一日主人设使者次如常仪其日大昕使者至妃氏大门外掌次者延入次执事者设布幂於内门之外玄纁束帛陈於幂上乘马陈於幂南北首西上执事者奉谷圭以匱俟於幂东西面主人掌事者设几筵如常使者出次谒者引立於大门外之西东面主人立於大门内西面傧者进受命出请事使者曰制使某以玉帛乘马纳徵傧者入告主人曰奉制赐臣以重礼臣某祇奉典制傧者出告又傧者引主人迎於门外之南北面再拜使者不答拜谒者引使者入门而左主人入门而右至於内门使者立於门西东面北上主人立於门东西面执事者坐啓匱取珪加於玄纁上兴以授使副使副进授使者退复位使者受玉帛谒者引使者入门而左主人入门而右牵乘马者从入三分庭一在南北首西上使者升自西阶立於楹间俱南面西上主人升自东阶进使者前北面使者曰某奉制纳徵主人降诣阶间北面再拜稽首升进北面受玉帛使者降自西阶出立於内门外之西东面初使者降主人还阼阶东左右受玉帛於序端主人降立於内门内西面於主人受玉帛受马者自左受之以东牵马者既授马自前西面出傧者进受命出请事使者曰礼毕其宾使者如纳吉之仪

告期

前一日主人设使者次如常其日大昕使者至於妃氏大门外掌次者延入次掌事者设几筵如常使者出次谒者引立於大门外之西东面主人立於门内西面傧者进受命出请事使者曰询於龟筮於某月某日吉制使某告期傧者入告主人曰臣某谨奉制傧者出告掌畜者以鴈授使副使副进授使者退复位使者左手执之傧者引主人迎於门外之南北面再拜使

者不答拜谒者引使者入门而左主人入门而右使者升自西阶立於楹间俱南面西上主人升自东阶进使者前北面使者曰某奉制告期主人降诣阶间北面再拜稽首升进北面受鴈退位于东阶上西面使者降自西阶以出立於内门外之西东面初使者降主人还阼阶东左右受鴈於序端主人降立於内门内西面候者进受命出请事使者曰礼毕其宾使者如纳徵之仪

告庙

有司以特牲告如常礼【祝文临时撰】

册妃

前一日主人设使者次如常设宫人次於使者面南俱东面障以行帷其日奉礼设使者位於大门外之西东向使副及内侍位於使者之南举册案及玺绶命服者在南差退俱东向设主人位於门南北面设使者以下及主人位於内门外又如之设典内位於内门外主人南西面设宫人位於门外於使者之後俱重行东向以北为上障以行帷设赞者二人位於东阶东南西向典内预设一案於合外近限使者主副朝服乘辂持节备仪仗鼓吹备而不作至妃氏大门外使者降辂掌次者延入次宫人等各之次掌严奉翟衣及首饰内廐尉进厌翟车於大门之外道西东向以北为上诸卫率其属布妃仪仗如常使者出次典谒引使者以下持节者前导及宫人典内各就位持节者立於使者之北少退俱东向主人朝服出迎於大门外之东西面立定少顷北面再拜使者不答拜典谒引使者持节者前导入门而左持案以下从之主人入门而右至内门外各就位立定奉册宝奉案者进当使副前使副受册宝案者退复位使副以册宝进授使者退复位内侍进使者前西面受册宝东面授典内退复位典内持册宝入立於合外之西东面跪置册宝於案典内俛伏兴奉衣服及侍卫者从入皆立於典内之南俱东面北上傅姆赞妃出引立於庭中北面掌书进跪取玉宝兴进立於妃前南向掌严奉首饰及翟与诸宫官侍卫者以次入侍卫如常典内还复位司则前赞妃再拜还侍位妃再拜司则进掌书前北面受册宝进妃前南向授妃妃受以授司闺司则又前赞妃再拜还侍位妃又再拜乞司则前请妃升坐还侍位司闺引妃升坐南向坐宫官以下俱降立於庭重行北面以西为上立定赞唱者曰再拜宫官以下皆再拜乞诸应侍卫者各升立於侍位司则前啓礼毕妃降坐司闺引妃入於室主人宾使者如礼宾之仪使者乘辂而还

临轩醺戒

前三日本司宣摄内外各供其职前一日卫尉设次於东朝堂之北西向又设宫官次於重明门外如常仪其日前三刻宫官俱集於次各之次皆服其服诸卫各勒其所部依图陈设左庶子奏请中严内仆进金辂於西合外南向内率一人执刀立於辂前北向前二刻诸卫之官各服其器服以次诣阁奉迎右庶子负玺如式宫官应从者各出次立於门外文东武西重行相向北上左庶子奏外办太仆畜衣而升执轡皇太子着袞冕之服以出左右侍卫如常仪皇太子乃升仆立授绥车驱左庶子以下夹侍如常出门车权停令车右升辂陪乘宫臣上马毕

皇太子车动鼓吹振作如式文武官皆乘马以从如常至承天门下车所回辂南向左庶子进当路前跪奏称左庶子臣某言请降辂俯伏兴还侍位皇太子降辂典谒引舍人舍人引皇太子就次侍卫如常仪前一日尚舍奉御整设御坐於太极殿阼阶上西向卫尉设羣官次於朝堂太乐令展宫悬於殿庭乘黄令陈车辂并如常仪其日尚舍直长铺皇太子席位於户牖间南向【其席莞筵纷纯加藻席纁纯】尚食奉御设酒尊於东序下有坫加勺设冪实爵一又陈笾脯一豆醢一在尊西晡前三刻典仪设羣官版位於内奉礼设版位於外如朝礼诸卫勒所部屯门布仗立仗入陈於殿庭羣官依时刻集朝堂俱就次各服其服侍中版奏请中严鉞戟近仗就陈於合外太乐令帅工人入就位晡前一刻诸侍卫之官各服其器服侍中中书令以下俱诣合奉迎典仪帅赞者先入就位吏部兵部赞羣官俱出次通事舍人各引就门外位侍中版奏外办皇帝服通天冠绛纱袍乘舆以出曲直华盖警蹕侍卫如常仪皇帝出自西房即御坐西向坐符宝郎奉宝置於御坐如常仪通事舍人引羣官以次入就位羣官立定典仪曰再拜赞者承传羣官在位者皆再拜初羣官入讫典谒引舍人舍人引皇太子入【侍从如常式皇太子每行事左庶子执仪赞相】至悬南北面立典仪曰再拜赞者承传皇太子再拜典仪引舍人舍人引皇太子诣西阶皇太子脱舄舍人引升就席西南面立尚食奉御酌酒於序进诣皇太子西南东面立皇太子再拜受爵尚食直长又荐脯醢於席前皇太子升荐坐左执爵右执脯擣於醢祭於笾豆之间右祭酒兴降席西南面坐啐酒奠爵再拜执爵兴奉御受虚爵直长彻荐还於房舍人引皇太子进当御坐前东面立皇帝命之曰往哉尔相承我宗事勗率以敬皇太子曰臣谨奉制旨遂再拜舍人引皇太子降自西阶纳舄讫典谒引舍人舍人引皇太子出门典仪曰再拜赞者承传羣官在位者皆再拜通事舍人引羣官以次出侍中前跪奏称侍中臣某言礼毕俛伏兴还位皇帝降坐入自东房警蹕侍卫如来仪侍臣从至合

亲迎

前一日侍卫设皇太子次於妃氏大门之外道西南向设侍卫羣官次於皇太子次西南东向北上皇太子既受命遂适妃第执烛前马鼓吹振作如式侍从如常皇太子车至妃氏大门外次前回辂南向左庶子进当路前跪奏左庶子臣某言请降辂俛伏兴还侍位皇太子降辂之次车将至主人设几筵如常礼女如别仪妃服翟花钗立於东房侍从如常主妇衣礼衣钗钗出立於房户外之西南向主人公服出立於大门之内西面【在庙则主人以下着祭服】傧者公服立於主人之左北面左庶子前跪奏称左庶子臣某言请就位俛伏兴还侍位皇太子出次立於门西东面侍卫如常仪傧者进受命出门东西面曰敢请事左庶子承传进跪奏如常皇太子曰以兹初婚某奉制承命左庶子俛伏兴传於傧者入告主人曰某谨敬具以须傧者出传於左庶子左庶子进奏如初傧者入引主人迎於门外之东西面再拜左庶子前跪奏称左庶子臣某言请答拜俛伏兴还侍位皇太子答拜主人揖皇太子先入掌畜者以鴈授左庶子左庶子进东南向奉授皇太子既执鴈进入侍卫者量入侍从及内门主人让曰请皇太子入皇太子曰某弗敢先主人又曰固请皇太子入皇太子又曰某固勿敢先主人揖入皇太子从入皇太子入门而左主人入门而右及内门主人揖入及内溜将曲揖当阶揖皇太子皆报揖至於阶主人曰请皇太子升皇太子曰某敢辞主人曰固请皇太子升皇太子又曰某敢固辞主人又曰终请皇太子升皇太子又曰某敢终辞主人揖皇太子报揖主人升立於阼阶上西面皇太子升进当房户前北面跪奠鴈俛伏兴再拜降出主人不降送内厩尉进厌翟

於内门外传姆导妃司则前引出於母左师姆在右保姆在左【执烛及侍从如式】父少进西面戒之必有正焉若衣若笄命之曰戒之敬之夙夜无违命母戒之西阶上施衿结帨命之曰勉之敬之夙夜无违命庶母及门内施鞶申之以父母之命命之曰敬恭聽宗父母之言夙夜无愆视诸衿鞶妃既出内门至轝後皇太子授绥姆辞不受曰未教不足与为礼妃升轝乘以几姆加幬皇太子乃驭轮三周驭者代之皇太子出大门乘轝还宫侍卫如来仪妃仪仗次於後主人使其属送妃以次族从

同牢

其日司闺设妃次於东合内道东南向掌筵铺褥席将夕司闺设皇太子御幄於殿室内西厢东向铺地席重裯施屏障设同牢之席於室内皇太子之席西厢东向妃东厢西向【席皆莞筵纷纯加藻席绩纯】席间量容牢饌典膳监设洗於东阶东南东西当东溜南北以堂深疊水在洗东筐在洗西【筐实以二巾二爵】设妃洗於东房近北疊水在洗西南肆筐在洗东北肆皆加勺巾冪典膳监预饌於东房西牖下豆各二十簋簠各二鉶各三瓦登一皆加巾盖俎三尊在室内北牖下玄酒在西皆加冪勺南柄【冪夏用絺冬用组】又设尊於房户外之东无玄酒筐在南实四爵合卺【其器皆乌漆惟?以陶卺以瓢】皇太子车至侍臣下马所车权停文武侍臣皆下马车右降立於轝左车动车右夹轝而趋车至左合回轝南向左庶子进当轝前奏称左庶子臣某言请降轝俛伏兴还侍位皇太子降轝入俟於内殿门外之东西面侍卫如常仪庶子以下皆退妃至宫门卤簿仗卫停於门外近侍者从如常入至左合外回轝南向司则进当路前啓请妃降轝掌筵依式执扇前後执烛并如常仪妃降轝就次整饰司闺引妃诣内殿门西东面皇太子揖妃以入又司闺前引升自西阶姆从升执扇烛者陈於东西阶内皇太子即席东向立妃即席西向立司饌进诣阶间北面跪奏称司饌妾姓言请具牢饌兴司则承令曰诺司饌帅其属升奉饌入设於皇太子及妃坐前酱在席前俎醢在其北俎三入设於豆东豕俎特於俎北【豆在俎醢之东】司饌设黍於酱东稷在东设滂於醬南【饌要方也】设对醬於东【对醬妇醬也设之当特俎】菹醢在其南北上设黍於豕俎北其西稷稻粱设滂於醬北司饌启会却於簠簋之南对簠簋於北【启发也豆盖彻於房内】各加匕箸施設讫司饌北面跪奏饌具兴皇太子及妃俱坐司饌跪取脯擣於醢取韭菹擣醢授皇太子又司饌跪取脯擣於醢取韭菹擣醢授妃皇太子及妃俱受祭於上豆之间司饌兴跪取黍实於左手遍取稷反於右手授皇太子又司饌取黍实於左手遍取稷反於右手授妃皇太子及妃各受祭於菹醢之间司饌俱兴各立取肺皆絶未跪授皇太子及妃俱受又祭於菹醢之间司饌俱以肺加於俎掌严授皇太子巾又掌严授妃巾皇太子及妃俱?手以枲扱上鉶遍擣之祭於上豆之间司饌品尝太子饌又司饌品尝妃饌司饌各移黍置於席上以次跪授肺脊皇太子及妃皆食以滂醬三饭卒食司饌北面跪奏称司饌妾姓言请进酒司则承令曰依奏兴司饌二人俱盥手洗爵於房入室诣酒尊所酌酒进北面立皇太子及妃俱兴再拜一人进授爵皇太子一人以爵授妃皇太子及妃俱受爵司饌俱退北面答再拜皇太子及妃俱坐皇太子及妃俱祭酒举酒司饌各以肝从司则俱进受虚爵奠於筐司饌又俱洗爵酌酒再酌皇太子及妃受爵俱饮司则进受虚爵奠於筐三酌用卺如礼再拜皇太子及妃立於席後司则俱降东阶洗爵升酌於户外尊进北面俱奠爵兴再拜皇太子及妃俱答拜司则俱坐取爵祭饮遂饮卒爵奠遂拜执爵兴降奠爵於筐还侍位司饌北面奏称司饌妾姓言牢礼毕司

则承令曰诺司饌彻饌设於房司则前跪奏称司则妾姓言请殿下入俛伏兴还侍位皇太子入於东房释冕服着袴褶司则启妃入帟幄皇太子及妃乃入室媵餽皇太子之饌御餽妃之饌

妃朝见

其日昼漏上水一刻所司设皇帝御坐於所御殿阼阶上西面【其席莞筵纷纯加藻席画纯次席黼纯左右玉几】所司设皇后御坐於室户外之西近北南向尚食帅司饌设酒樽於房内东壁下有坫加勺罍【尊用瓦甒实以醴齐】筵一豆一实以脯醢设於尊北又设洗於东房近北盥水在洗西筐在洗东北肆【筐实以巾冪觶一角枳一】其日夙兴妃沐浴司则启请妃内严质明诸卫帅其属陈布仪仗如常仪近仗入陈於寝门外内厩尉进厌翟於正寝西阶之前南向司则启外办妃服翟加首饰以出降自四阶升辂侍卫如常至降车所司则赞妃降辂司言引妃入仗卫停於合外障扇侍从如常妃至寝门之外立於西厢东面诸卫勒所部屯门布仗近仗入陈於所御殿合外如常侍中奏内严尚仪又奏请皇后内严妃既至寝门侍中版奏外办皇帝服通天冠绛纱袍以出升自阼阶即御坐西向坐侍卫如常仪尚仪又奏皇后外办皇后褙衣首饰司言引尚宫尚宫引皇后出即御坐向南侍从如常妃奉笄枣栗司饌又执奉笄殿修以从司言引妃入立於庭北面再拜司宾引妃升自西阶进东面跪奠笄於御坐前皇帝抚之尚食进彻以东司言引妃自西阶降复北面位奉笄殿修再拜司言引妃升进北面跪奠笄於皇后坐前皇后抚之尚食进彻以东司言引妃退立於西序东面又再拜司设设妃席於户牖之间近北南面司言引妃立於席西南向尚食入东房盥手洗觶酌醴齐加枳面枳出进诣妃席前向北立妃进东面拜受醴尚食荐脯醢於席前妃升席坐左执觶右取脯擣於醢祭於筵豆之间以枳祭醴三始扱一祭又扱再祭降席进东面跪啐醴建枳奠觶兴东面再拜跪取觶兴即席坐奠觶於荐东兴降席司宾引妃降自西阶出合外既出合乘车还宫障扇侍从如来仪

会羣臣

皇帝会羣臣於太极殿如正至之仪惟上壽辞云皇太子嘉聘礼成克崇景祚臣某等不胜庆忭谨上千万岁壽

大唐开元礼卷一百十一

卷一百十二

<史部,政书类,仪制之属,大唐开元礼>

钦定四库全书

大唐开元礼卷一百十二 唐 萧嵩等 撰嘉礼

皇太子元正冬至受羣臣贺【并会】

前二日本司宣摄内外各供其职前一日典设设皇太子幄坐於正殿东序西向守宫设羣官等次於东宫朝堂伶官帅展轩悬於殿庭以姑洗之均又设三罇钟姑洗夷则大吕各依其位设登歌以南吕之均又设麾於殿上并如常仪典设郎铺羣官牀坐於殿上文官三品以上於皇太子西南重行北向武官三品以上於皇太子西北重行南向俱以东为上朝集使三品以上及都督刺史各分於文武官之下设不升殿者坐席於殿庭东西厢文官四品五品於悬东六品以下於横街之南每等异位俱重行西向北上武官四品五品於悬西六品以下於横街之南当文官每等异位俱重行东向北上朝集使非升殿者分方各於文武官当品之下诸州使人分方各於集朝使之下亦如之诸亲於四品五品之下【宗亲在东异姓亲在西掌仪仍各设版位】奉礼设门外位於东宫朝堂之前文官在东武官在西俱每等异位重行相向北上诸亲位於文武四品五品之下【宗亲在东异姓亲在西】设诸州朝集使位东方南方於宗亲之南每等异位重行西面西方北方於异姓亲之南每等异位重行东面俱以北为上典膳郎设尊於西廊下近北设不升殿者酒尊各於其坐之南皆有坫罇俱障以帷其日质明诸卫率各勒所部屯门列仗文武羣官依时刻集朝堂次各服公服左庶子量时刻版奏请中严近仗就陈於合外诸侍卫之官各服其器服俱诣合奉迎伶官帅工人二舞入就位又伶官率一人升就举麾位掌设赞者入就位吏部兵部户部赞羣官俱出次通事舍人各引就门外位又舍人引羣官等非升殿者先入就位左庶子版奏外办皇太子着从省服【未冠则双童髻】以出侍卫如常伶官帅举麾奏永和之乐皇太子即坐西向坐偃麾乐止【凡乐皆伶官帅举麾鼓祝而後作偃麾戛敌而後止】掌仪一人升就西阶上东面立赞者二人立於阶下通事舍人引羣官以次入就位公初入门舒和之乐作左庶子前跪奏称左庶子臣某言请殿下为公至兴俛伏兴还侍位皇太子降立於坐後【若有三公诸伯叔则降立於东阶下西面公至阶则升立於坐後皇太子升降伶官帅举麾乐作止如式】公至阶乐止公以下升坐者俱脱履於阶下【所司预设脱履席】通事舍人接引羣官升就位立定掌仪唱再拜赞者承传羣官上下皆再拜讫通事舍人引羣官为首一人进皇太子前东面立贺称元正首祚景福惟新伏惟皇太子殿下与时同休【冬至贺云天正长至仗惟殿下与时同休】贺讫退复位皇太子答再拜左庶子前承令进宣令讫羣官上下皆再拜左庶子前跪奏称左庶子臣某言请坐俛伏兴还侍位皇太子坐掌仪唱就坐赞者承传羣官上下皆就坐俛伏坐伶官帅引歌者及琴瑟至阶脱履於下升就位坐其笙管者诣阶间北面立典膳郎进酒至阶掌仪唱酒至兴赞者承传羣官上下皆俛伏兴立席後左庶子到阶省酒典膳郎奉酒进皇太子举酒食官令又行羣官酒酒至掌仪唱再拜赞者承传羣官上下皆再拜【若皇太子遣停拜则止】羣

官皆搯笏受觶掌仪唱就位赞者承传上下皆就位俛伏兴坐饮皇太子初举酒登歌作昭之乐典膳郎进受虚觶复於坳登歌讫降复位觴行三周典膳郎进食食升阶左庶子到阶省案掌仪唱食至兴赞者承传羣官上下俛伏兴立坐後典膳郎品尝食讫以次进置皇太子前食官令又行羣官案【皇太子若不食及宫臣案先下讫不须兴】设食讫掌仪唱就坐赞者承传羣官上下皆就坐俛伏坐皇太子乃饭奏休和之乐羣官上下俱饭皇太子食毕乐止仍行酒遂设庶羞伶官帅二舞以次入作酒行九遍会毕掌仪唱可起赞者承传羣官上下皆俛伏起立席後左庶子前跪奏称左庶子臣某言请殿下降坐俛伏兴还侍位皇太子降立於坐後掌仪唱再拜赞者承传羣官上下皆再拜皇太子答再拜通事舍人引羣官降纳履以出公初降乐作【若有三公诸伯叔皇太子升降伶官帅举麾乐作止如式】公出门乐止左庶子前跪奏称左庶子臣某言请殿下升坐俛伏兴还侍位乐作皇太子升坐乐止羣官出毕【非升殿者仍立於殿庭】左庶子前跪奏称左庶子臣某言礼毕俛伏兴还侍位皇太子兴乐作皇太子降坐以入侍卫如来仪侍臣从至合乐止又通事舍人引侍殿庭者以次出皇太子若服袴褶羣官及宫臣皆袴褶朝集使公服【升坐者脱履如式】若设四部乐则去乐悬无警蹕伶官帅四部伎立於左右嘉善门外羣官初坐伶官帅四部伎声作而入各就坐以次作如式

大唐开元礼卷一百十二

卷一百十三

钦定四库全书

大唐开元礼卷一百十三 唐 萧嵩等 撰嘉礼

皇太子元正冬至受宫臣朝贺

皇太子与师傅保相见

皇太子受朝集使参辞

皇太子正至受宫臣朝贺

前二日本司宣摄内外各供其职前一日典设郎设皇太子幄坐於正殿东序西向卫尉设宫臣次於重明门外伶官帅展轩悬之乐於殿庭以姑洗之均设麾於殿上西阶之西又设为首者解劔席於悬西横街之南并如常仪典仪设宫臣版位於悬南文东武西俱重行北面相对为首设典仪位於东阶东南赞者二人在南差退俱西向北上设宫臣门外位文官道东武官道西重行相向以北为上

受朝

其日未明三刻开诸宫殿门诸卫率各勒所部屯门列仗如常宫臣依时刻集重明门外皆就次各服其器服左庶子奏请中严近仗就陈於门外伶官帅工人入就位又伶官一人升就位诸侍卫之官各服其器服俱诣阁奉迎典仪帅赞者先入就位通事舍人引宫臣俱就门外位又舍人引六品以下先入就位左庶子版奏外办皇太子服远游冠绛纱袍以出左右侍卫如常仪皇太子将出仗动伶官帅跪俛伏举麾鼓祝奏永和之乐皇太子升自阼阶即坐西向坐偃麾戛敌乐止【凡乐皆伶官帅举麾工鼓祝而後作偃麾戛敌而後止】通事舍人引宫臣五品以上次入就位宫臣初入门奏舒和之乐至位乐止宫臣立定典仪曰再拜赞者承传宫臣在位者皆再拜讫通事舍人引为首者一人诣西阶为首者初行乐作至解劔席後乐止为首者就席跪解劔置於席俛伏兴通事舍人引升阶进当皇太子坐前东面跪贺称元正首祚景福惟新伏惟皇太子殿下与时同休【冬至云天正长至伏惟殿下与时同休】俛伏兴通事舍人引降诣席後为首者跪着劔俛伏兴乐作复悬南位乐止宫臣俱再拜左庶子前承令降诣诸宫臣西北东面称令旨宫臣俱再拜宣令讫宫臣又再拜左庶子还侍位典仪曰再拜赞者承传宫臣在位者皆再拜通事舍人以次引出还次为首者初行乐作出门乐止左庶子跪奏称左庶子臣某言礼毕俛伏兴还侍位皇太子兴乐作皇太子降坐以入侍卫如来仪侍臣从至合乐止

会

伶官设登歌於殿上以南吕之均典设郎铺设宫臣牀座於皇太子幄坐西南重行北向武官於皇太子幄坐西北重行南向俱以东为上设不升殿者坐席於西廊下设解剑席於悬西横街之南俱以北为上典膳郎设壽樽於殿上西序之端东向有坵加爵一於樽下又设升殿者酒尊於西廊下近北设廊下者酒尊各於其坐之南皆有坵羃障以帷施設讫通事舍人引宫臣出次俱就门外位左庶子奏外办皇太子远游冠绛纱袍以出侍卫如常皇太子将出仗动乐作皇太子升自阼阶即坐西向坐乐止典仪一人升就东阶上西面立通事舍人引文武宫臣以次入就位宫臣以次入就位宫臣初入门乐作为首者至位乐止宫臣立定【若朝会别日设会赞拜如朝礼】左庶子前承令降命宫官升坐在位者皆再拜通事舍人引应升殿者诣西阶为首者初行乐作至解剑席乐止宫臣各脱舄履跪解剑置於席上俛伏兴通事舍人引升阶宫臣为首者一人升立於阶西东向以下各就坐後立其位於廊下者又通事舍人引就坐後上下立定典膳郎进诣阶间北面跪奏称典膳郎臣某言请赐宫臣上壽俛伏兴左庶子称令曰诺典膳郎退升诣酒尊所东南立通事舍人引为首者诣尊所北面立典膳郎酌酒一爵授为首者搯笏受爵通事舍人引为首者诣皇太子坐前东面授左庶子左庶子受爵进置皇太子前为首者执笏通事舍人引为首者退东面跪称某官臣某等稽首言元正首祚【冬至云天正长至】臣等不胜大庆谨上千万岁壽俛伏兴再拜宫臣上下皆再拜立於席後左庶子前承令少退宣令讫宫臣上下又再拜左庶子取爵奉进皇太子举酒奏休和之乐宫臣上下皆舞蹈三称万岁皇太子举酒讫左庶子进受虚爵以授典膳郎典膳郎受爵复於坵乐止初左庶子受虚爵殿上典仪唱再拜阶下赞者承传宫臣上下皆再拜通事舍人引为首者就坐後立殿上典仪唱就坐阶下赞者承传宫臣上下俱就坐俛伏坐伶官帅引歌者及琴瑟至阶下脱履於下升就位坐又引笙歌进诣阶间北面立典膳郎进酒至阶殿上典仪唱酒至兴阶下赞者承传宫臣上下皆俛伏起立席後左庶子到阶省酒典膳郎奉酒进皇太子举酒食官令又行宫臣酒至殿上典仪唱再拜阶下赞者承传宫臣上下皆再拜搯笏受觶殿上典仪唱就坐阶下赞者承传宫臣上下皆就坐俛伏坐饮皇太子初举酒登歌作昭和之乐三终典膳郎进受虚觶复於坵登歌讫降复位觴行三周典膳郎进食升阶殿上典仪唱食至兴阶下赞者承传宫臣上下皆执笏俛伏起立席後典膳品尝食讫以次进置皇太子前食官令又行宫臣案设食讫殿上典仪唱就坐阶下赞者承传宫臣上下皆就坐俛伏坐皇太子乃饭奏休和之乐宫臣上下俱饭食毕乐止仍行酒遂设庶羞伶官帅引诸伎以次入作若赐酒左庶子前承令诣东阶上西面称赐酒殿上典仪承传阶下赞者又承传宫臣上下皆执笏俛伏起再拜搯笏立受觶就坐俛伏坐饮讫俛伏起立授虚觶执笏又再拜就坐俛伏坐酒行九遍会毕殿上典仪唱可起阶下赞者承传宫臣上下皆俛伏起立席後通事舍人引宫臣降诣解剑席後跪着剑俛伏兴纳舄履乐作复悬南位乐止会於东西廊下者仍立於席後立定典仪曰再拜赞者承传宫臣在位者皆再拜【廊下者拜於席後】诸伎俱作通事舍人引宫臣以次出为首者初行乐作出门乐止左庶子前跪奏称左庶子臣某言礼毕俛伏兴还侍位皇太子兴奏休和之乐皇太子降坐以入侍卫如来仪侍臣从至门乐止

皇太子与师傅保相见

前一日卫尉设师傅保次於宫门外道西南向伶官帅展悬轩於殿庭以姑洗之均其日质明诸卫率各勒所部屯门列仗典谒设师傅保位於西阶之西东向三少位於师傅保之南少退

东向北上太师太保太傅及三少至宫门通事舍人引就次左庶子奏请中严伶官帅工人入就位又通事舍人引师傅保及三少立於正殿门西差退俱东向左庶子奏外办诸侍卫之官各服其器服俱诣合奉迎皇太子着从省服以出左右侍卫如常仪休和之乐作至东阶下西面立乐止通事舍人引师傅保及三少入就位乐作止如常师傅保立定皇太子再拜师傅保答再拜【若三少特见则三少先拜】通事舍人引师傅保出乐作止如常师傅保出门左庶子前跪奏称左庶子臣某言礼毕皇太子入左右侍卫及乐奏如来仪

皇太子受朝集使参辞

前一日典设郎设皇太子幄坐於东宫正殿东序西向又设宫臣次及朝集使次於重明门外其日质明所司设宫臣朝集使位於殿庭诸卫帅各勒所部屯门列仗东宫文武官依时刻集朝堂就次服袴褶朝集使并就次服公服左庶子量时刻版奏请中严近仗就陈於合外侍卫之官各服其器服就合奉迎通事舍人各分引羣官及朝集使就门外位左庶子版奏外办皇太子常服即坐西向坐通事舍人引宫臣次入就位掌仪曰再拜赞者承传在位者皆再拜又通事舍人分引朝集使横行北向立定掌仪曰再拜朝集使皆再拜通事舍人承令诣朝集使前称有令朝集使皆再拜宣令讫又再拜舍人引宫臣以次出其辞礼亦如之

大唐开元礼卷一百十三

卷一百十四

钦定四库全书

大唐开元礼卷一百十四 唐 萧嵩等 撰嘉礼

亲王冠

前三日本司率其属筮日筮宾於厅事前二日主人至宾第掌次者引之次主人公服出立於大门外之西东面宾公服立於阼阶下西面傧者公服进於宾之左北面受命出立於门东西面曰敢请事主人曰皇子某王将加冠请某教之傧者入告宾出立於门左西面再拜主人答拜主人曰皇子某王将加冠愿某公教之宾曰某不敏恐不能供事敢辞主人曰某犹愿某人教之宾曰王重有命某敢不从主人再拜宾答拜主人还宾拜送主人命使者戒赞冠者使者至赞冠者大门外掌次者引之次使者公服出立於门西东面傧者出请事入告赞冠者出门左西面再拜使者荅拜使者少进曰王子某王将加冠某王使某请某位教之赞冠者曰某不敏恐不能供事敢辞使者曰某王使某敢固以请赞冠者曰王重有命某敢不从使者再拜赞冠者答拜使者退赞冠者拜送前一日掌次者设次於大门外之右南向其日夙兴掌事者设洗於阼阶东南东面当东溜南北以堂深疊水在洗东加勺冪篚在洗西南肆【篚实巾一爵一加冪】席於东房西墉下陈衣於席东领北上袞冕服青衣纁裳九章【五章在衣山龙华虫火宗彝四章在裳藻粉米黼黻】白纱中单黼领青缥褙裾革带鉤?大带【青带紕其外上以朱下以绿纫约用组】朱黻二章山火剑饰以珠玉山玄玉双佩纁朱双绶四彩赤黄缥绀纯朱质纁文织长一丈八尺二百四十首广九寸【小双绶长二尺六寸色同大绶而首半之间施二玉环】朱鞮赤舄远游冠服绛纱单衣白纱中单皂领褙裾白裙襦【赤裙衫】假带曲领方心绛纱蔽膝白鞮黑舄其革带剑佩与袞服同缁布冠服青衣素裳白纱中单青领褙裾素鞮【其革带大带剑佩绶与冕服同鞮舄与远游冠服同】缁纁【其纁用皂巾方六寸属於前两隅】犀簪栝实於箱在服南莞筵三纷纯加藻席三缁纯在南樽於房户外之西两甌玄酒在西加勺冪设坫於樽东置二爵加冪豆十笾十在服北俎三在笾豆之北【凡牲体节析加杂肺俎实羊豕及腊笾实脯枣之类豆实菹醢之属】设洗於东房近北疊水在洗西篚在洗东北肆实以巾质明宾赞至於主人大门外掌次者引之次傧赞俱公服诸行事者各服其服执樽疊篚者皆就位冕青珠九旒青纁充耳犀簪导组纁色如其绶远游冠三梁金附蝉黑介帻纁青綬犀导缁布冠青组纁冠冕各一箱各一人执之待於西阶之东西北上设主人之席於阼阶上西面宾席於西阶上东面皇子席於房户之西南面【房外尊东】俱下莞上藻主人公服立於阼阶当东序西南诸亲公服非公服者常服立疊洗东南西面北上【尊老者隔别室】傧者公服立於门内道东北面皇子双童髻空顶帻双玉导金宝饰彩袴褶锦绅乌皮履立於房内南面主人赞冠者公服立於房内户东西面宾及赞冠者出次立於门西赞冠者少退俱东面北上傧者进於主人之左北面受命出立於门东西面曰敢请事宾曰皇子某王将加冠某谨应命傧者入告主人迎宾於大门外之东西面再拜宾答拜【凡宾主拜揖入出皆赞礼者相导之】主人揖赞冠者赞冠者报揖主人又揖宾宾报揖主人入宾入赞冠者次入及内门主人揖宾宾入赞冠者从之至内溜将曲揖宾报揖至阶主人立於

阶东西面宾立於阶西东面主人曰请公升宾曰某备将事敢辞主人曰固请公升宾曰某敢固辞主人曰终请公升宾曰某敢终辞主人升自阼阶立於席东西面宾升自西阶立於席西东向赞冠者及庭盥於洗升自阼阶入於东房立於主人赞冠者之南俱西面主人赞冠者引皇子出立於房户外之西南面宾之赞冠者取纁栉簪箱跪奠於皇子筵东端兴席东少北南面立宾揖皇子宾主俱即坐皇子进升席南面坐宾之赞冠者进筵前北面

跪脱双童髻置于箱栉毕设纁兴复位立宾主

俱兴宾降盥主人从降宾东面辞曰愿王不降

主人曰公降辱敢不从宾降至盥洗盥手讫诣

西阶宾主一揖一让升主人立于席後西面宾

立于西阶上东执缁布冠者升宾降一等受之

右执顶左执前诣皇子筵前北面跪冠兴复西

阶上席後东面立宾之赞冠者进筵前北面跪

頍结纁兴复位皇子兴宾揖皇子适房宾主俱坐皇子着青衣素裳之服出房户西南面立宾主俱兴宾揖皇子进立於席後南面宾降盥主人从降辞对如初宾盥手跪取爵於筐兴洗讫诣西阶宾主一揖一让升主人立於席後西面宾诣酒尊所酌酒进皇子筵前北面立祝曰旨酒既清嘉荐亶时始加元服兄弟俱来孝友时格永乃保之皇子筵西拜受爵宾复西阶上东面答拜执饌者荐豆筵於皇子筵前皇子升筵坐左执爵右取脯濡於醢祭於筵豆之间祭酒兴筵末坐啐酒执爵兴降筵西跪奠爵再拜执爵兴宾答拜冠者升筵跪奠爵於荐东兴立筵西南面执饌者彻荐爵宾揖皇子皇子进升筵南面坐宾之赞冠者跪脱缁布冠置於箱栉毕设纁兴复位宾降二等受远游冠右执顶左执前诣皇子筵前北面跪冠兴复位宾之赞冠者坐设簪结纁兴复位皇子兴宾揖皇子皇子适房宾主俱坐皇子着朝服出房户西南面立宾主俱兴宾揖皇子进立席後南面宾诣酒尊所取爵酌酒进皇子筵前北面立祝曰旨酒既清嘉荐伊脯乃申其服礼仪有序祭此嘉爵承天之祜皇子筵西拜受爵宾复西阶上东面答拜执饌者进筵豆皇子升筵坐左执爵右祭脯醢祭酒兴筵末坐啐酒执爵兴降筵西跪奠爵再拜执爵兴宾答拜皇子升筵坐奠爵於荐东兴立於筵西南面执饌者彻荐爵宾揖皇子进升席南面坐宾之赞冠者跪脱进贤冠置於箱栉毕设纁兴复位宾降三等受冕右执顶左执前诣皇子筵前北面跪冠兴复位宾之赞冠者坐设簪结纁兴复位皇子兴宾揖皇子适房宾主俱坐主人赞冠者彻栉箱入於房皇子着衮冕之服出房户西南立宾主俱兴宾揖皇子皇子进立於席後南面宾诣酒尊所取爵酌酒进皇子筵前北面立祝曰旨酒令芳筵豆有楚咸嘉其服肴升折俎承天之庆受福无疆皇子筵西拜受爵宾复位东面答拜执饌者荐筵豆设俎於筵豆之南皇子升筵左执爵右祭脯醢赞冠者取脯一以授皇子奠爵於荐西兴受却左

手执本坐右絕末以祭上左手拑之兴加於俎皇子坐輓手执爵祭酒兴筵末坐啐酒兴降筵西南面坐奠爵再拜执爵兴宾答拜皇子升坐奠爵於荐东兴赞冠者引皇子降立於西阶之东南面初皇子降宾降自西阶直西序东面主人降自东阶直东序西面立宾少进字之曰礼仪既备令月吉日昭告尔字爰字孔嘉君子攸宜宜之於嘏永受保之曰孟某甫仲叔季唯其所当皇子曰某虽不敏夙夜祗奉宾出主人送於内门之外主人西面请宾曰公辱执事请礼从者宾曰某既得将事敢辞主人曰敢固以请宾曰某辞不得命敢不从宾就次主人入初宾出皇子东面见诸亲诸亲拜之皇子答拜皇子入见内外诸尊於宾所宾主既释服改设席讫宾赞俱出次立於门西东面主人出门东西面主人揖宾宾报揖主人先入宾赞从之至阶一揖一让升各就坐後立定俱坐会讫宾主俱兴宾立於西阶上赞冠者在北少退俱东面主人立於东阶上西面掌事者奉束帛之筐升授主人於序端主人执筐少进西面立又掌事者奉币筐升立於主人之後於币筐升牵马者牵两马入陈於门内三分庭一在南北首西上宾还西阶北面赞冠者立於宾左少退俱北面再拜主人进立於楹间南面赞进立於主人之右俱南面东上主人授币宾受之退复东面位於主人授币掌事者又以币筐授赞者退复位主人还阼阶上北面拜送宾赞降自西阶从者迓受币宾当庭实东面揖出牵马者从出从者迓受马於门外宾降主人降送宾於大门外西面再拜宾退主人入皇子诣阙至次着朝服通事舍人引皇子入诣皇帝所御之殿至阙合近臣入奏皇帝即坐南向坐近臣出引皇子入立於阶间北面再拜近臣引出皇子至皇后殿合外近臣附奏皇后即御坐南向坐司言至合引皇子入立於阶间北面再拜司言引出合皇子出还第如来仪

卷一百十五

钦定四库全书

大唐开元礼卷一百十五 唐 萧嵩等 撰嘉礼

亲王纳妃

纳采问名 纳吉纳徵

请期 册妃

亲迎 同牢

妃朝见 婚会

飧丈夫送者 飧妇人送者

纳采

前一日主人设使者次於大门之外道右南向其日大昕使者公服乘犊车备仪仗至於妃氏大门外掌次者延入次【凡宾主及行事者公服】主人受其礼於庙【无庙者受于正寝】掌事者布神席於室户外之西莞筵纷纯加藻席画纯南向右雕几使者出次谒者引之立於大门外之西东面主人立於东阶下西面傧者立於主人之左北面受命出於大门外之东西面曰敢请事使者曰某公赐室某王【谓皇帝弟皇帝子也】某王率由先典使某也请纳采【某王主婚者也某也使者名】傧者入告主人曰某之子蠢愚又弗教某王命之某不敢辞【某王亦谓主婚者也】傧者出告掌畜者以鴈授使者退立於後使者左手执之傧者引主人迎於大门外之东西面再拜使者不答拜主人揖入使者从入主人入门而右使者入门而左至於庙门主人又揖入每曲揖至内溜将曲揖当阶揖使者皆不答主人曰请吾子升使者曰某敢辞主人曰固请吾子升使者曰某敢固辞主人曰终请吾子升使者曰某敢终辞主人升自东阶当阿【阿栋也】西面使者升西阶当阿东面使者曰敢纳采主人阼阶上北面再拜进立於楹间南面使者进立於主人之西俱南面使者授鴈降自西阶以出

问名

使者既出立於庙门外之西东面主人还阼阶东左右受鴈於序端主人降立於阼阶下西面傧者进受命出请事使者曰某既受命将加诸卜敢请女为谁氏傧者入告主人曰某王有命再以备数而择之某不敢辞傧者出告掌畜者以鴈授使者退立於後傧者引主人迎於庙门外之东西面揖使者以入主人入门而右使者入门而左二揖至阶三让如初主人升阼阶

当阿西面使者升西阶当阿东面使者曰敢问名主人阼阶上北面再拜进立於楹间南面使者进入於主人之西俱南面使者授鴈还立於西阶上东面主人还阼阶上西面立曰某第某女某氏出使者降出立於大门外之西东面主人还阼阶东左右受鴈於序端主人降立於阼阶下西南宾者进受命出请事使者曰礼毕宾者入告主人曰吾子为事乃至於某室某有先人之礼请礼从者宾者出告使者曰某既得将事敢辞宾者入告主人曰先人之礼敢固以请宾者出告使者曰某辞不得命敢不从宾者入告遂引主人升立於序端掌事者彻几改筵东上【筵纷纯加藻席纁纯雕几】设罍醴於东房西墉下加勺罍站在樽北实觶一角栖一加罍筵豆在坵北实以脯醴设洗於东房近北罍水在洗西篚在洗东北肆篚实以巾加勺罍施設讫宾者引主人降迎使者於庙门外之东西面主人揖使者使者报揖主人入使者从入至阶一让升主人於阼阶上北面再拜旋立於阶东西面宾於西阶上北面答拜旋立於阶西东面主人受几於序端掌事者内拂几三奉两端西北向进主人东南向外拂几三振袂内执进之北向使者迎受於筵前东南向以俟主人还阼阶上北面再拜送西面立使者以几避进北面坐设於坐左兴退於西阶上北面答拜旋立於阶东西面赞者盥手洗觶酌醴加栖於觶覆之面叶出房南面立主人受醴面柄进筵前北面立使者西阶上北面一拜进筵前东南面受醴复西阶上位主人复阼阶上北面一拜送赞者荐脯醢於筵前使者进升筵坐左执觶右取脯擣於醢祭於筵豆之间以栖祭醴三始扱一祭又扱再祭兴以栖兼诸觶上猎筵於西阶上北面坐啐醴建栖奠觶遂拜执觶兴主人答拜使者进升筵坐奠觶於荐东降筵立於西阶上东面掌事者牵两马入於陈门内三分庭一在南北首西上又掌事者奉篚币升自东阶主人受於序端进西面立使者西阶上北面再拜主人进楹间南面立使者立於主人之西俱南面主人以篚币授使者使者退立於西阶上东面主人还阼阶上北面拜送使者降自西阶从者迓受币使者揖马以出牵马者从之使者出大门之西东面立从者迓受马主人出门东西面拜送使者退主人入立於阼阶下西面宾者告於主人曰宾不顾矣主人乃还於寝

纳吉

前一日主人设使者次如常其日大昕使者至妃氏大门外赞礼者延入次掌事者设几筵如初使者出次谒者引立於主人大门外西东面主人立於阼阶下西面宾者进受命出请事使者曰某公有贗命加诸卜占曰吉某王使某也敢告【某王主婚者】宾者入告主人曰某之子弗教唯恐弗堪某王有吉某与在焉某不敢辞宾者出告掌畜者以鴈授使者退立於後宾者引主人迎於大门外之东西面再拜使者不答拜主人揖入使者从入主人入门而右使者入门而左至於内门主人揖入二揖至阶三让如初主人升於阼阶当阿西面使者升自西阶当阿东面使者曰敢纳吉主人阼阶上北面再拜进立於楹间南面使者进立於主人之西俱南面使者授鴈降自西阶以出立於庙门外之西东面主人还阼阶东左右受鴈於序端主人降立於阼阶下西面宾者进受命出请事使者曰礼毕其礼宾如问名之仪

纳徵

前一日主人设使者次如常其日大昕使者至妃氏大门外掌次者延入次掌事者入布罍於庙门之外玄纁束陈於罍上乘马在罍南北面西上掌事者奉璋以匱俟於罍东西面主人

掌事者设几筵如初使者出次谒者引立於大门外之西东面主人立於东阶下西面宾者进受命出请事使者曰某公有嘉命觐室某王率由先典使某也以玉帛乘马请纳徵宾者入告主人曰某王顺先典觐某以重礼某敢不承命宾者出告又宾者引主人出迎立於大门外之东西面再拜使者不答拜主人揖入使者从入主人入门而右使者入门而左至於内门主人立於门东西面使者立於门西东面掌事者坐啓匱取璋加於玄纁上兴以授使者退复位使者奉玉帛主人揖与使者俱入牵乘马者从入陈於庭三分庭一在南北首西上主人揖入二揖至阶三让如初主人升阼阶当阿西面使者升西阶当阿东面使者曰敢纳徵主人阼阶上北面再拜进立於楹间南面使者进立於主人之西俱南面使者授玉帛降自西阶出立於内门外之西东面主人还阼阶东左右受玉帛於序端主人降立於阼阶下西面主人受玉帛受马者自左受之以东牵马者既授马自门西而出宾者进受命出请事使者曰礼毕其礼宾如问名之仪

请期

前一日主人设使者次如常其日大昕使者至妃氏大门外赞礼者延入次掌事者设几筵如初使者出次谒者引立於大门外之西东面主人立於东阶下西面宾者进受命出请事使者曰某公有赐既申受命矣某王使某也请吉日宾者入告主人曰既前受命矣惟命是听宾者出告使者曰某王命听命於某公宾者入告主人曰某惟命是听宾者出告使者曰某王使某受命於某公公不许某敢不告期曰某日宾者入告主人曰某敢不敬须宾者出告掌畜者以鴈授使者退立於後宾者引主人迎於门外之东西面再拜使者不答拜主人揖入使者从入主人入门而右使者入门而左至於内门主人又揖入二揖至阶三让如初主人升阼阶当阿西面使者升西阶当阿东面使者曰敢告期主人阼阶上北面再拜进立於楹间南面使者进立於主人之西俱南面使者授鴈降自西阶出立内门外之西东面主人还阼阶东左右受鴈於序端主人降立於阼阶下西面宾者进受命出请事使者曰礼毕其礼宾如纳徵之仪

册妃

前一日主人设使者次如常其日大昕妃氏亲属咸集使者公服乘辂备仪仗至妃氏大门之外赞礼者延入次使主副以下俱公服使者出次典谒引使者持节者前导立於门西东面持节者立於使者之北少退使副立於使者西南史二人对举册案立於使副之南少退俱东面主人公服以出赞礼者引立於东阶东南诸宗人立於主人东南俱西面外姻立於西方东面皆北上妃严於别室以俟姆服礼衣立於其右【保傅各一人】女相者彩礼衣帅女赞者二人彩礼衣立於内寝东阶东南西面北上赞礼者公服引主人出门东西面再拜使者不答典谒引使者持节者前导入门而左使副以下从之主人立於合外之东西面典谒引使者入合立於内寝阶间南面持节者立於使者之东少南西面使副立於使者西南持册案者又立於使副之南少退俱东面女相者引妃出障以行帷其侍从提絜如式姆左右以相进当使者南北面立持节者脱节衣又女相者引宗人外姻之妇人序位於东西厢俱北上【宗人在东外姻在西】立定史举案诣使副前使副受册史以案退复位使副奉册进授使者退复位使者称有制女相者曰再拜女赞者承传妃再拜使者读册訖女相者再拜女赞者承传妃再拜

乞女相者引妃少前傅姆进受册以退其羽仪依式俱进持节者加节衣典谒引使者持节者前导以出俱复门外位主人拜送於门外使者还主人入初使者出女相者引妃入

亲迎

前一日主人设宾次如常其日大昕妃父服其服告於祢庙【以酒脯告之一献无庙者告於寢】初昏王着衮冕之服乘辂备仪仗从者乘车後部从诣妃第王将至主人布席於室户外之西西上右几又席於户内南向设樽罍醴於东房东北隅加勺罍篚在樽南实觶一角栖一脯醢在篚南王至妃氏大门外降辂赞礼者引王停次妃着花钗?衣纁入於房即席南向立姆礼衣立於右从者陪於後主人升自阼阶立於房户外之东西内赞者诣醴尊所以觶勺醴加栖覆之面柄进妃筵前北面妃降席西南面再拜受觶内赞者荐脯醢於席前妃升席跪左执觶右取脯擣於醢祭於笾豆之间遂以栖祭醴三始扱一祭又扱再祭兴筵末跪啐祭醴建栖奠觶於荐东降筵西南面再拜就席坐内赞者彻荐觶主人降立於东阶东南西面赞礼者赞王出次立於门西东面左右羽仪及执烛者如常傧者进受命出於门东西面曰敢请事王曰以兹初昏使某将请承命傧者入告主人曰某固敬具以须傧者出告又傧者引主人迎於大门外之东西面拜王答拜主人逡巡主人揖王报揖主人入掌畜者以鴈进王受鴈左手执之以入及内门主人曰请王入王曰某弗敢以先主人又曰固请王入王曰某固弗敢以先主人揖王报揖王与主人俱入左右从者如常主人揖入及内溜将曲揖当阶揖王皆报至阶主人曰请王升王曰某敢辞主人曰固请王升王曰某敢固辞主人曰终请王升王曰某敢终辞主人升阼阶西面立王升西阶进当房户前北面跪奠鴈兴再拜降出主人不降送初王入门母出立於房户外之西南面於王拜乞姆导妃出於母左父少进西面戒之必有正焉若衣若笄命之曰戒之敬之夙夜无违命母戒於西阶上施衿结帨戒之曰勉之敬之夙夜无违命庶母及门内施鞶申之以父母之命命之曰敬恭听父母之言夙夜无愆视诸衿鞶【鞶囊也妇人鞶丝所以盛帨巾之属】妃出至车後王授绥姆辞不受曰未教不足与为礼妃乘以几从者二人坐相对持之姆加幃王乃驭轮三周驭者代之王出大门乘辂还第如来仪妃卤簿次从而行

同牢

初昏掌事者设洗於东阶东南东西当东溜南北以堂深壘水在洗东篚在洗西南肆【篚实二巾二爵】设妃洗於东房近北壘水在洗西篚在洗东北肆皆加巾勺罍设饌於东房西墉下障以帷笾豆各十六簠簋各二登各二皆加勺盖俎三羊豕及腊羊豕皆节折尊站於室内北墉下玄酒在西加罍勺皆面柄【罍夏用絺冬用组】又设尊於房户外之东加勺罍无玄酒站在南实四爵合卺加罍王至降辂车以俟妃至降车北面立王南面揖妃以入及寝门又揖以入赞者彻尊罍酌玄酒三注於尊妃从者设席於奥东向王导妃升自西阶入於室即席东面立妃入立於尊西南面王盥於南洗妃从者沃之妃盥於北洗王从者沃之盥訖王及妃俱复位立赞者以饌入设於席前赞者设醬於席前菹醢在其北俎三入设於豆东腊特於俎北【豆东菹醢之东】设黍於醬东稷稻粱在东设滹於醬南设对醬於东【对醬妇醬也设之当特俎】菹醢在其南北上设黍於腊北其西稷稻粱设滹於醬北司饌启会於簠簋之

南对簠簋之北【启发也】皆加匕箸王从者布队对席於饌东赞者西面告饌具王揖妃妃即对席西面皆坐赞者皆授箸各以菹孺於醢皆祭於豆间又皆祭黍赞者各取肺皆絶末以授皆祭赞者以肺加於俎【凡祭与食皆赞者赞之】赞者各移黍置於席上授肺脊皆食以清酱三饭卒食赞者二人俱洗爵於房酌於室内之樽诣饌南北面以醑王及妃皆兴再拜受爵赞者北面答拜王及妃皆坐祭酒赞者以肝从皆奠爵取肝振祭哂之赞者皆受实於俎豆各取爵皆饮讫执爵兴赞者受爵王及妃皆再拜赞者以爵复於坫王及妃俱坐赞者又以爵酌再醑王及妃受爵不祭而饮卒爵赞者受爵复於坫三醑用盃如再醑赞者皆降东阶洗爵升酌於户外尊入诣饌南北面俱跪奠爵兴再拜皆坐取爵祭酒遂饮卒爵遂拜执爵兴降奠爵於筐王出妃退立於尊西南面赞者彻饌设於东房内如初又彻室内酒尊以出王脱冕服於房妃从者受之妃脱服於室王从者受之姆授巾王从者衽於奥妃从者衽良席在东皆有枕北趾王入烛出妃从者餽王之余王从者餽妃之余赞者酌户外樽醑之【王从者皆妇人】妃从者侍於户外呼则闻

妃朝见

其日依时刻诸卫勒所部屯门列仗妃夙兴沐浴着花钗服?衣乘厌翟车以出侍从如常入至降车所妃下车司宾引妃立於合外近臣入奏皇帝即御座南向坐近侍如常妃奉筭枣栗司宾引妃入立於庭北面妃再拜司宾引妃升自西阶进北面跪奠於皇帝前兴皇帝抚之尚食进彻以东司宾引妃降复位又再拜尚仪前承勅降诣妃西北东面称勅旨妃再拜宣勅讫妃又再拜司宾引妃出遂诣皇后所御之殿立於合外妃奉筭殿修六尚以下各服其服俱诣阁奉迎尚仪入奏皇后即御座南向坐近侍如常司宾引妃入立於庭北面再拜司宾引妃升自西阶进北面跪奠於皇后前兴皇后抚之尚食进彻以东司宾引妃降复位又再拜尚仪前承令降诣妃西北东面称令旨妃再拜宣令旨讫妃又再拜司宾引妃出合侍从如常妃乘车还第如来仪

婚会

主人及宾俱公服饌以笾豆簠簋俎鉶尊爵巾坫其日主人至於宾大门外之西东面立宾立於东阶下西面候者进於宾左北面受命出立於门外之东西面曰敢请事主人曰某有嘉礼请公有顾【王者称王以下准此】候者入告遂引宾出大门外之东西面再拜主人答拜主人曰某有嘉礼请公有顾宾曰敢辞主人曰敢固请宾曰辞不得命敢不敬从主人拜宾答拜主人还宾遂与诸亲从之掌事者预铺宾席於堂上楹间近北南面设宾之宗室席位於宾席西南宾之异姓席位於宗室之南又於西廊下设异姓席位皆重行东向以北为上设主人席位於东阶上西向设主人宗室席位於主人东北设异姓席位於宗室之北皆重行西向以南为上又设主人异姓席位於东廊下重行西向以南为上宾至主人大门外之西东面宾之宗室立於宾西南异姓立於宗室之南俱重行东北以北为上候者引主人出立於大门外之东西面主人诸亲立於大门内之东重行西面以南为上立定主人西面再拜宾东面答拜主人揖宾宾报揖候者引主人以入又候者引宾以入宾之诸亲以次从入至门内主人诸亲从入如常至阶主人揖宾报揖宾主及诸亲以次升各立於席後其在庭者亦如之立定宾主及

诸亲俱坐执觴者酌酒升自东阶酒升堂宾主及诸亲皆起执觴者以酒授主人宾者引主人进诣宾席前西北向立宾自席西进东向南受酒宾者引主人退复位宾还席後宾主及诸亲俱坐执觴者又以酒授主人及诸亲宾主俱祭而饮诸亲不祭而饮觴行一周食升堂宾主及诸亲皆起掌食者以醢酱豆授主人宾者引主人进设於宾席前宾曰请公无辱主人曰不敢忘礼宾者引主人复位执饌者以饌进设於宾主席前加以匕箸执饌者又以饌设於衆宾以下置设讫宾主及诸亲皆坐宾主皆祭而食诸亲不祭而食於宾祭主人辞曰疏食不足祭宾主俱食三饭而止主人曰请公食宾更饭食毕进庶羞觴行如常会毕宾主及诸亲兴宾者各引宾主以下降出宾主及宾之诸亲皆复门外位主人诸亲复门内位主人再拜送宾退宾者引主人入

妇人礼会

宾乘车入至下车所内宾者引入主人送迎於合内相称之辞各准其夫余如丈夫之礼

飨丈夫送者

其日掌事者铺宾席於堂上楹间近北南向又铺主人席於阼阶上西向又设衆宾之席於宾席西南设从者席於西廊下俱重行东向以北为上宾者引宾以下立於主人门东西面主人揖宾宾报揖宾者各引宾主以下入至阶主人揖宾宾报揖宾主以下俱升立於席後立定宾主以下俱坐遂进酒设食如婚会之仪会毕宾主以下俱兴宾者引宾立於西阶上东面主人掌事者牵乘马入陈於门内三分庭一在南北首西上又掌事者奉束帛之筐升授主人主人执筐西面立宾西阶上北面再拜主人进立於楹间南面宾进立於主人之右俱南面主授筐宾受之退立於西阶上东面主人还阼阶上北面再拜送宾者引宾以下降自西阶从者迓受筐宾及庭东面揖左马以出牵马者从之在庭者以次出俱复门外位从者迓受马初宾降宾者引主人降自东阶出门东西面拜送宾退主人入

飨妇人送者

其日女赞者铺宾席於堂上楹间近北南向又铺主人席於阼阶上西向又设衆宾之席於宾西南设从者席位於西廊下俱重行东向以北为上女相者引宾以下立於主人门外之西重行东面以北为上立定女相者引主人出立於门内之东西面女相者引宾入衆宾以下从入宾入门西东面立定宾主以次进至阶升各立席後上下立定俱坐遂进酒设食如婚会之仪会毕宾主上下俱兴女相者引宾立於西阶上东面女相赞者奉束锦之筐升以授主人主人执筐进於楹间南面立女相者引宾进立於主人之右俱南面主人授币讫女相者引宾降出从者迓受筐衆宾以下从出初宾降女相者引主人降送於门内宾出女相者引主人入

大唐开元礼卷一百十五

卷一百十六

<史部,政书类,仪制之属,大唐开元礼>

钦定四库全书

大唐开元礼卷一百十六 唐 萧嵩等 撰

嘉礼

公主降嫁

册公主 纳采

问名 纳吉

纳徵 请期

亲迎 同牢

见舅姑 盥馈舅姑

婚会 妇人礼会

飨丈夫送者 飨妇人送者册公主

前一日尚舍奉御设御幄於太极殿稍北南向铺御坐如常仪守宫设羣官次於东西朝堂奉礼设版位并如式太乐令展宫悬於殿庭典仪设举麾位於殿上之西南如常仪又设羣官版位文官一品以下五品以上於横街北六品以下九品以上於横街南俱重行西向武官一品以下五品以上於横街北六品以下九品以上於横街南俱重行东向诸亲於五品之南【皇亲在东诸亲在西】设典仪位如常仪赞者二人在南少退俱西向又设册使副使位於悬北西上俱北面【副使立於册使东少退以後准此】其日诸卫勒所部屯门列仗如常仪册使及羣官等依时刻集朝堂就次改服朝服通事舍人各引就朝堂前位侍中量时刻版奏请中严鉞戟近仗入陈於殿庭太乐令帅工人入就位协律郎入就举麾位典仪帅赞者先入就位诸侍卫之官各服其器服符宝郎奉宝俱诣阁奉迎通事舍人分引王公羣官入就位又通事舍人引册使及副使并入立於殿门外道东西面以俟黄门侍郎帅主节奉郎及幡立於陛仗南节在南中书侍郎预请册置於案令史绦公服各对举案立於节南道东西面中书侍郎立於案後侍中版奏外辨所司承旨索扇扇上皇帝服通天冠绦纱袍御輿以出曲直华盖警蹕侍卫如常仪太乐令令撞黄钟之钟右五钟皆应协律郎举麾鼓祝乐作皇帝自出西房即

御坐南向坐扇开协律郎偃麾戛敌乐止符宝郎奉宝置於御坐如常仪典仪赞拜羣官在位者俱再拜讫通事舍人引册使副使入就位册使等初入门舒和之乐作至位乐止立定典仪曰再拜赞者承传册使等皆再拜侍中进当御坐前北面跪奏称侍中臣某言册公主请命使俛伏兴又侍中少前称制曰可退复位侍中承制降诣使者东北西面称有制册使等俱再拜侍中宣制曰册某公主命公等持节展礼宣制讫使副等又再拜侍中还侍位赞礼者引册使少前黄门侍郎引主节诣册使东北主节以节授黄门侍郎【主节者由後立於使左】黄门侍郎执节西南授册使跪受兴付主节幡随节立於使左黄门侍郎退赞礼者导中书令诣册使东北西面立又赞礼者导中书侍郎引诣公主册案立於中书令之右中书令於案取公主册【举案者皆由後立於使右以後後此】授册使册使跪受兴置於案【持案者退立於使後以後准此】赞礼者引中书令与册使俱北向退复位典仪曰再拜赞者承传册使等及羣官在位者皆再拜讫通事舍人引册使等右旋而出持节者前导持案者次之册使等初行乐作出门乐止侍中前跪奏称侍中臣某言礼毕俛伏兴还侍位所司承旨索扇扇上皇帝兴太乐令撞蕤宾之钟左五钟皆应鼓祝奏太和之乐皇帝降座御輿入自东房侍卫警蹕如来仪侍臣从至合扇开乐止通事舍人引羣官在位者以次出举册者及册使至长乐门外次如後仪

公主受册

尚仪二人【读册】司赞一人【引公主】掌赞二人【知赞拜】女史四人【对举册案】

前一日尚舍守宫计会设使者及册案使次於光范门及长乐门外皆道右东向司赞设公主位於长乐门内殿前近南当阶北面西上又分设内命妇应陪位者於公主东北及西北嫔御等在东宫官等在西皆重行相对北上又於内命妇之前设尚仪位二皆东向以北为上又於尚仪位南少退设司赞位掌赞二人陪其後其日典仪设册使位於长乐门外之西东向北上又设举册案者位二在南差退俱东向内谒者监预取公主册案置於长乐门外近限内命妇已下及应在位者并服礼衣先就位公主花钗翟衣司言引就位持节者立於使者之北少退持册案者立於册使副使西南俱东向持节者去节衣持册案者并以案进册使之右北向相次而立内侍二人引使诣门内谒者举案少前使取公主册跪置册於内案俛伏兴通事舍人引册使副使等俱退就次以俟尚仪帅女史诣门昇册案入各就尚仪之前对举册案皆东向司赞曰再拜【凡司赞有辞掌赞皆承传】司言赞公主再拜在位者皆再拜尚仪取公主册於案【凡尚仪取册讫持案者以案退】少前北面称有制司言赞公主再拜尚仪执册跪读讫退复位以册进授公主公主受册以授司言讫司赞曰再拜公主再拜在位者皆再拜司赞少前称礼毕司言赞公主退在位者以次退掌赞报内谒者监礼毕内谒者监传报册使等册使等诣太极殿前南横街南北面西上立中书令立於册使等东北西面册使等再拜复命曰奉制册命某公主礼毕又再拜中书令奏闻册使等退幡节各还本司

纳采

前一日主人设使者次於大门之外道右南向其日大昕使者至於主人大门外赞礼者延入次【凡宾主及行事者皆公服】使者出次赞礼者引至大门外之西东面主人立於东阶下西面宾者立於主人之左北面受命出立於门东西面曰敢请事使者曰朝恩赐室於某公之子某某公有先人之礼使某也请纳采【某公称父名某也使者名】宾者入告主人曰寡人敢不敬从宾者出告掌畜者以鴈授使者退立於後使者左手执之赞礼者引主人迎於大门外东西面再拜使者不答拜主人揖入使者从入主人入门而右使者入门而左至内门主人又揖入至内溜将曲揖当阶揖使者皆不答至阶主人曰请吾子升使者曰某敢辞主人曰固请吾子升使者曰某敢固辞主人曰终请吾子升使者曰某敢终辞主人升东阶当阿西面使者升西阶当阿东面使者曰敢纳采主人阼阶上北面再拜进立於楹间南面使者进立於主人之西俱南面使者授鴈降自西阶以出

问名

使者既出遂立於内门外之西东面主人还阼阶东左右受鴈於序端主人降立於阼阶下西面宾者进受命出请事使者曰某既受命将加诸卜敢以礼问名宾者入告主人曰寡人不敢辞宾者出告掌畜者以鴈授使者退立於後赞礼者引主人迎於内门外之东西面揖使者以入使者入再拜揖至阶三让如初主人升阼阶当阿西面使者升西阶当阿东面使者曰敢问名主人阼阶上北面再拜进立於楹间南面使者进立於主人之西俱南面使者授鴈还立於西阶上东面主人还阼阶上西面曰皇帝第某女某封公主使者降出立於内门外之西东面主人还阼阶东左右受鴈於序端主人降立於阼阶下西面宾进受命出请事使者曰礼毕宾者入告主人曰吾子为事故至於寡人之室寡人有先皇之礼请礼从者使者曰某既得将事敢辞宾者入告主人曰先皇之礼敢固以请宾者出告使者曰某辞不得命敢不从宾者又告赞礼者引主人立於序端赞礼者於户牖之间铺莞筵粉纯加藻席缁纯设罍醴於东房西牖下加勺冪设筐在樽北实觶一角栖一加冪筴豆在筐北实以脯醢设洗於东房近北盥水在洗西筐在洗东北肆筐实以巾加勺冪施設讌赞礼者引主人降迎使於内门外之东西面主人揖使报揖主人与使者俱入至阶一让升主人於阼阶上北面再拜宾西阶上北面答拜主人受几於序端掌事者内拂几三奉两端西北向进主人东面向外拂几以三振袂内执之进西北向拜使者迎受於筵前东南向以俟主人还东阶上北面送西面立使者以几避进北面坐设於坐左兴退於西阶上北面答拜立於阼阶西东面赞者盥手洗觶酌醴加栖覆之面叶出房南面主人受醴面柄进筵前西北面立使者西阶上北面一拜送赞者荐脯醢於筵前使者进升筵坐左执觶右取脯擣於醢祭於筴豆之间以栖祭醴三始扱一祭又极再祭兴以栖兼诸觶上腊降筵於西阶上北面坐啐醴建栖奠觶遂拜执觶兴主人答拜使者进升筵坐奠觶於荐东降筵立於西阶上东面掌事者牵两马入陈於门内三分庭一在南北首西上掌事者奉筐币升自东阶主人受於序端进西面立使者西阶上北面再拜主人进楹间南面立使者进立於主人之西俱南面主人以筐币授使者使者受退立於西阶上东面主人还阼阶上北面拜送使者降自西阶从者迓受币使者揖马以出牵马者从之使者出大门外之西东面立从者迓受马主人出门东西面拜送使者退主人入立於东阶下西面宾者告於主人曰宾不顾矣主人乃还於寝

纳吉

前一日主人设使者次如常仪其日大昕使者至主人大门外赞礼者延入次使者出次赞礼者引立於大门外之西东面主人立於阼阶下西面宾者进受命出请事使者曰加诸卜占曰吉使其也敢告宾者入告主人曰某公有吉寡人预在焉寡人不敢辞宾者出告掌畜者以鴈授使者退立於後赞礼者引主人迎於大门外之东西面再拜使者不答主人揖入使者从入主人入门而右使者入门而左至内门主人又揖入再揖至阶三让如初主人升阼阶当阿西面使者升西阶当阿东面使者曰敢纳吉主人阼阶上北面再拜进北面受使者降自西阶出立於内门外之西东面立主人还阼阶东左右受鴈於序端主人降立於阼阶下西面宾者进受命出请事使者曰礼毕其礼宾如问名之仪

纳徵

前一日主人设使者次如常仪其日大昕使者至主人大门外赞礼者延入次掌事者入布幕於内门之外玄纁束陈於幕上乘马在幕南北首西上掌事者奉璋以匱俟於幕东西面使者出次赞礼者引立於大门外之西东面主人立於东阶下西面宾者进受命出请事使者曰朝恩贶室於某公之子某某公有先人之礼使某也以束帛乘马请纳徵宾者入告主人曰某公顺先典贶以重礼寡人敢不承命宾者出告赞礼者引主人迎於大门外之东西面再拜使者不答拜主人揖入使者从入主人入门而右使者入门而左至内门主人立於门东西面使者立於门西东面掌事者坐啓匱取璋加於玄纁上与以授使者退复位使者奉玉帛主人揖兴使者俱入牵乘马者从入三分庭一在南北首西上主人入再揖至阶三让如初主人升阼阶当阿西面使者升西阶当阿东面使者曰敢纳徵主人阼阶上北面再拜进立於楹间南面使者进立於主人之西俱南面使者授玉帛降自西阶出立於门内外之西东面主人还阼阶东左右受玉帛於序端受马者自左受之以东牵马者既授马自门西出宾者进受命出请事使者曰礼毕其礼宾如纳吉之仪

请期

前一日主人设使者次如常仪其日大昕使者至主人大门外赞礼者延入次使者出次赞礼者引立於大门外之西东面主人立於东阶下西面宾者进受命出请事使者曰某公有赐既申受命某公使某请吉日宾者入告主人曰寡人既前受命惟命是听宾者出告使者曰某公命某听命於王宾者入告主人曰寡人固惟命是听宾者出告使者曰某公使某受命於王王不许某敢不告期曰某日宾者入告主人曰寡人敢不敬须宾者出告掌畜者以鴈授使者退立於後赞礼者引主人迎於大门外之东西面再拜使者不答拜主人揖入使者从入主人入门而右使者入门而左至内门主人又揖入再揖至阶三让如初主人升阼阶当阿西面使者升西阶当阿东面使者曰敢告期主人阼阶上北面再拜进立於楹间南面使者进立於主人之西俱南面使者授鴈降自西阶出立於内门之西东面主人还阼阶东左右受鴈於序端主人降立於阼阶下西面宾者受命出请事使者曰礼毕其礼宾如纳徵之仪

亲迎

前一日主人设宾次如常仪其日大昕壻之父服其服告於禰庙【以酒脯告之一献无庙者告於正寝】将行父醢子於正寝赞者布席於东序西向又设席於户牖之间南向父公服坐於东序西向子服其上服升自西阶进立於席西南向赞者酌酒进北面以授子再拜受赞者荐脯醢於席前【脯醢出自房】子升席跪左执爵右取脯濡於醢祭於笾豆之间右祭酒执爵兴降席西面跪饮卒爵奠爵再拜执爵兴赞者受虚爵还於尊所子进立於父前东面父命之曰往迎尔相承我宗事勛率以敬先妣之嗣若则有常【庶子但云往迎尔相勛率以敬】子再拜曰不敢忘命又再拜降出乘辂备威仪诣主人之第宾将至内赞者布席於东房当户西向设樽罍醴於东房东北隅加勺冪篚在樽南实觶一角枲一加冪脯醢在篚南宾至主人大门外降辂赞礼者引停於次公主着花钗服褕翟纁 入於房即席南向立姆服礼衣立於右从者陪其从主人升自阼阶立於户外之东西面赞者以觶酌醴加枲覆之面柄进筵前北面公主降席西南面再拜受觶内赞者荐脯醢於筵前公主升席跪左执觶右取脯濡於醢祭於笾豆之间遂以枲祭醴三始扱一祭又扱再祭兴筵末坐啐醴建枲执觶兴奠觶於荐东降筵西南面再拜就席立内赞者彻荐觶主人降立於东阶东南西向面赞礼者引宾出次立於门西东面傧者进受命出门东西面曰敢请事宾曰某王命某之父以兹初昏某将请承命傧者入告主人曰寡人固敬具以须傧者出告赞礼者引主人迎於大门外之东西面再拜宾答拜主人揖宾报揖主人入掌畜者以鴈进宾受鴈左手执之以入及寝门主人曰请宾入宾曰某弗敢以先主人曰固请宾入宾曰某固弗敢以先主人揖宾报揖主人与宾俱入及内溜将曲揖当阶揖宾皆报揖至阶主人曰请升宾曰某敢辞主人曰固请宾升宾曰某敢固辞主人曰终请宾升曰某敢终辞主人升阼阶东西面立宾升西阶进当房户北面跪奠雁兴再拜降出主人不降送初宾入门主妇出立於房户外之西南面於宾拜讫姆导公主出主人少进西面戒之必有正焉若衣若笄命之曰戒之敬之夙夜无违命主妇戒於西阶上施衿结帨戒之曰勉之敬之夙夜无违公主至车後宾揖授绥姆辞不受曰未教不足与为礼公主乘以几从者二人坐相对持之姆加景宾乃馭轮三周馭者代之宾出大门乘辂还第如来仪公主卤簿次後而行

同牢

初婚掌事者设洗於东阶东南东西当东溜南北以堂深壘水在洗东篚在洗西南肆【篚实二巾二爵】设公主之洗於东房近北壘水在洗西篚在洗东北肆皆加勺冪设饌於东房西牖下障以帷豆簠簋鉶俎之数各依其品瓦登一皆加巾盖羊豕节折大羹在於饌樽於室内北牖下玄酒在西加冪勺皆南柄【冪夏用絺冬用组】樽於堂上东无玄酒篚在南实四爵合卺加勺冪【其器皆乌漆惟登以陶卺以匏】壻至降车以俟公主至降车北面立壻南面揖公主以入及寝门又揖以入公主从者席於奥东向壻导公主升自西阶即席东面立公主升立於樽西南面壻盥於南洗公主从者沃之公主盥於北洗壻从者沃之赞者以饌入设於席前赞者设酱於席前菹醢在其北俎三入设於豆东腊俎特於豆北【豆东俎醢之东】赞者设黍於酱东稷在东设清於酱南【饌要方】设对酱於东【对酱妇酱也设之当特俎】菹醢在其南北上设黍於腊北其西稷稻粱设清於酱北赞者啓会於簠簋南对簠簋於北

【啓发也】皆加匕箸壻从者布对席於饌东赞者西南告饌具壻揖公主公主即对席西面皆坐赞者皆授匕箸各以菹孺於醢皆祭於豆间又皆祭黍赞者各取肺皆絶末以授皆祭赞者以肺加於俎赞者各移黍置於席上授肺脊皆食以滹酱三饭卒食赞者二人俱洗爵於北洗酌於室内之樽诣饌南北面以醢壻及公主皆兴再拜受爵赞者北面答再拜壻及公主皆坐祭酒赞者以肝从皆奠爵取肝振祭哂之赞者皆受实於俎豆各取爵皆饮执爵兴赞者受爵壻及公主皆再拜赞者以爵复於筐又以爵酌酒再醢壻及公主仍立受爵坐饮卒爵兴赞者受爵复於筐三醢用盥如再醢壻及公主仍立於席後赞者皆降东阶洗爵升酌於户外樽至饌南北面俱跪奠爵兴再拜赞者坐取爵遂饮卒爵奠爵遂拜执爵兴降奠於筐壻出公主退立於樽西南赞者彻饌设於房内彻室内樽以出壻脱冕服於房公主从者受之公主脱服於室壻从者受之姆授巾壻从者衽之於奥公主从者衽良席在东皆有枕北趾壻入烛出从公主者餽壻之余从壻者餽公主之余赞者酌户外阶东樽醢之

见舅姑

见之日公主夙兴沐浴着花钗服?翟至於舅姑寝门之外赞者布舅席於东序西向布姑席於房户外之西南向布公主席於室户西南向在姑席之西少北侧樽罍醴於房内东壁下加勺冪筐在北实觶一角栖一筐加冪筴豆各一又在筐北设洗於东房近北罍水在洗西筐在洗东北肆实以巾爵加勺冪质明舅公服姑着钿钗礼衣俱即席後立公主执笄枣栗从者执笄服修以从女相引公主入门升自西阶东面再拜进奠枣栗於舅席前兴舅姑并抚之内赞者进彻以东公主退复东面位又再拜降自西阶受笄服修升进北面再拜跪奠於姑席前兴姑坐举之内赞者进彻以东公主退复北面位又再拜女相者引公主立於席西南面内赞者诣罍洗盥水洗觶酌醴加栖面柄出房进诣公主席前北面立公主进东面再拜受醴退复位内赞者西阶上北面拜送遂荐脯醢於席前公主升席坐左执觶右取脯孺於盐祭於筴豆之间以栖祭醴三始扱一祭又扱再祭加栖於觶面叶兴降席西东面坐啐醴建栖兴拜内赞者答拜公主进升席跪奠觶於豆东降自西阶以出

盥馈舅姑

公主盥馈以少牢舅姑公服钿钗礼衣公主花钗?翟赞者布席於室之奥舅姑共席坐俱东面南上赞者设樽於室内北牖下饌於房内西牖下其饌如同牢【牲体皆节折左载之舅且右载之姑且】舅姑即席东向坐女相引公主入升自西阶入房以酱进设於舅姑席前兴少退西向立其他饌从者设之皆加匕箸俱以南为上且入各设於豆东讫赞者各授箸舅姑各以菹孺於酱祭豆间又祭饮讫乃食三饭卒食公主入於房盥洗爵入室酌酒醢舅进奠爵於舅席前少东西面再拜舅取爵祭酒饮之公主受爵入房奠於筐又盥洗爵酌酒醢姑如醢舅之礼内赞者设公主席於舅姑东北南向公主彻酱设於席前余饌从者设之公主进西面再拜退升席南向坐将餽舅饌舅命易酱内赞者易之公主乃餽姑之饌公主祭内赞者赞之既祭乃食三饭卒食内赞者洗爵酌酒醢公主公主降席西面再拜受爵升席坐祭酒饮讫执爵兴降席东面立内赞者受爵奠於筐公主进西面再拜舅姑兴先降自西阶公主降自阼阶

婚会

其日主人至於宾大门外之西东面立宾立於东阶下西面傧者进於宾左北面受命出於大门外之东西面曰敢请事主人曰某有嘉礼请公有顾【王则称王以下准此】傧者入告遂引宾出大门外之东西面拜主人答拜主人曰某有嘉礼请公有顾宾曰敢辞主人曰敢固请宾曰辞不得命敢不从主人拜宾答拜主人还宾遂与诸亲从之赞者预铺宾席於堂上楹间近北南向设宾之宗室席位於宾席西南宾之异姓席位於宗室之南又於西廊下设异姓席位皆重行东向以北为上设主人席位於东阶上西向设主人宗室席位於主人东北设异姓席位於宗室之北皆重行西向以南为上又设主人异姓席位於东廊下重行西向以北为上宾至立於主人大门外之西东面宾之宗室立於宾西南异姓立於宗室之南俱重行东面以北为上赞礼者引主人出立於大门外之东西南主人诸亲立於大门内之东重行西向以南为上立定主人西面再拜宾东面答拜主人揖宾宾报揖赞礼者引主人又赞礼者引宾以入宾之诸亲以次从入至内门主人诸亲从入如常至阶主人揖宾宾报揖宾主及诸亲以次升各立於席後其在庭者亦如之立定宾主及诸亲俱坐执爵者酌酒升自东阶酒升堂宾主及诸亲皆起立执爵者以酒授主人赞礼者引主人进诣宾前北向立自席西进东向受爵赞礼者引主人退复位宾还席後宾主及诸亲俱坐执爵者又以酒授主人及诸亲宾主俱祭而後饮诸亲不祭而饮爵行一周食升堂宾主及诸亲皆起掌食者以醢酱豆授主人赞礼者引主人进设於宾席前宾曰请公无辱主人曰不敢忘礼赞礼者引主人退复位执饌者以饌设於宾主席前加以匕箸执饌者又以饌设於衆宾以下置设讫宾主及诸亲皆坐宾主皆祭而食诸亲不祭而食於宾祭主人辞曰疏食不足祭宾主俱食三饭而止主人曰请公食宾更饭食毕遂进席馐觴行如常会毕宾主及诸亲俱兴赞礼者各引宾主以下降出宾主及宾之诸亲皆复门外位主人诸亲复门内位主人再拜送宾退赞礼者引主人入

妇人礼会

女宾乘车入至下车所内傧者引入主人迎送於合内相称之辞各准其夫余如丈夫之礼

飨丈夫送者

其日掌事者铺宾席於堂上楹间近北南向又铺主人席於阼阶上西向又设衆宾之席於宾西南设从者席位於西廊下俱重行东向以北为上赞礼者引宾以下立於主人门外之西重行东向以北为上立定赞礼者引主人立於门东西面主人揖宾报揖赞礼者各引宾主以下至阶主人揖宾报揖宾主以下俱升立於席後立定宾主以下俱坐遂进酒设食如婚会之仪会毕宾主以下俱兴赞礼者引宾立於西阶上东面主人掌事者牵乘马入陈於门内三分庭一在南北首西上又掌事者奉束帛之筐升以授主人主人执筐西面立宾西阶上北面再拜主人进楹间南面宾进立於主人之右俱南面主人授筐宾受之退立於西阶上东面主人还阼阶上北面再拜送赞礼者引宾以下降自西阶从者迺授筐宾及庭东面揖左马以出牵马者从之在庭者以次出俱复门外位从者迺受马初宾出赞礼者引主人降自东阶出门东西面拜送宾退主人入

飧妇人送者

其日女赞者铺宾席於堂上楹间近北南面又铺主人席於阼阶上西向又设衆宾席於宾西南设从者席位於西廊下俱重行东向以北为上女相者引宾以下立於主人门外之西重行东面以北为上立定女相者引主人出於门内之东西面女相者引宾入衆宾以下从入宾入门西东面立定宾主以次进至阶俱升各立席後上下立定俱坐遂进酒设食如婚会之仪毕宾主上下俱兴女相者引宾立於西阶上东面女赞者奉束帛之筐升以授主人主人执筐进於楹间南面立女赞者引宾进入立於主人之右俱南面主人授币讫女相者引宾降出从者迓受筐衆宾以下从出初宾降女相者引主人降送於门内宾出女相者引主人入

大唐开元礼卷一百十六

卷一百十七

钦定四库全书

大唐开元礼卷一百十七 唐 萧嵩等 撰嘉礼

三品以上嫡子冠

将冠筮於庙门之外无庙者筮於正寝之堂主人【谓将冠者之父兄也】公服立於门东西面无庙者於堂上楹间近东西面掌事者各服其服立於门西东面北上无庙者立於楹间近西东面北上布筮席於闑西阕外西面无庙者於主人之西西面筮者开匱出策兼执之东面受命於主人主人曰为嫡子某某日加冠庶几从之筮者曰诺进就筮席西面以韝擊策遂述曰假尔泰筮有常某为嫡子某某日加冠庶几从之乃释韝坐筮讫兴降席东面称占曰从筮者退若不吉则筮远日如初仪赞礼者进主人之左告礼毕掌事者彻筮席前三日筮宾如求日之仪【宾谓可使冠子者】前二日主人戒宾及赞冠者主人至宾大门外掌次者引之次主人公服出次立於大门外之西东面宾公服立於阼阶下西面宾者公服进於宾之左北面受命立出於门东西面曰敢请事主人曰某之子某将加冠请某子教之【相称各随官爵】宾者入告宾出立於门东西面再拜主人答拜主人曰某之子某将冠愿吾子教之宾曰某不敏恐不能供事以辱於吾子敢辞主人曰某犹愿吾子教之宾曰吾子重有命某敢不从主人再拜宾答拜主人还宾拜送主人戒赞冠者亦如之【亦通使子弟戒之】前一日掌事者设次於大门外之右南向其日夙兴赞者设洗於正寝阼阶东南东面当东溜【六品以下当东荣】南北以堂深盥水在洗东加勺冪筐在洗西南肆实巾一於筐加冪席於东房西牖下【无房者张帷】陈服於席东领北上冕服青衣纁裳【一品衮冕服九章五章在衣山龙华虫火宗彝四章在裳藻粉黼黻二品鷩冕服七章三章在衣华虫藻火四章在裳宗彝粉米黼黻三品毳冕服五章三章在衣宗彝藻粉米二章在裳黼黻四品綉冕服三章一章在衣粉米二章在裳黼黻五品玄冕衣无章裳刺黻一章六品以下爵弁服青衣纁裳】白纱中单黼领青標襪裾革带鉤大带【一品二品大带皆紕其外上以朱下以绿三品大带四品五品素带皆紕其垂外以玄内以黄紕约皆用青组六品以下練带紕其垂内外以緇约用青组】黻【随衣色山火二章四品綉冕山一章五品玄冕无章六品爵韞】剑【饰以金玉四品五品饰以金】双佩【一品山玄玉五品以上水苍玉】双绶【一品绿緌绶四彩绿紫黄赤纯绿质长一丈八尺二百四十首广九寸二品三品紫绶三彩紫黄赤纯紫质长一丈六尺一百八十首广八寸皆有小双绶长二尺六寸色同大绶而首半之一品施二玉环四品青绶三彩青白红纯青质长一丈四尺一百三十首广七寸五品黑绶二彩青绀纯绀质长一丈二尺一百首广六寸皆有小双绶长二尺六寸色同大绶而首半之六品已下无剑佩绶而已】朱鞮赤舄【五品以上同六品以下白鞮赤履庶人黑介帻服绦公服方心革带 假带鞮履】进贤冠服绦纱单衣白纱中单皂领標襪裾白裾襦【赤裙衫】革带 假带曲领方心绦纱蔽膝白鞮黑舄【八品以下去中单曲领蔽膝黑履庶人黑介帻服白裙襦青领革带鞮履】剑双佩双绶【六品以下无剑绶】緇布冠服青衣素裳素韞【中单革大带剑佩绶与冕服同鞮舄与进贤冠服同六品以下中单革带綉带与爵弁服同鞮履与进贤冠同庶人带鞮履与介

幘服同去鞞】緇纁栉簪同箱在服於南【纁今用皂巾方六寸属带於前两隅】莞筵四纷纯加藻席四纁纯又侧樽罍醴在服北加勺冪设站在樽北实角觶角枳各一加冪饌陈於站北【四品五品蒲筵四緇布纯加萑席四玄帛纯六品以下蒲筵四緇布纯不加萑席四品以下设筐无站枳以角为之状如匕饌用少牢及腊三俎一品二品十笾十豆三品八笾八豆四品五品六笾六豆凡牲体节折加离肺筵实脯枣栗之属豆实醢酱醯醢之类六品以下用特牲一俎二笾二豆筵实脯枣豆实醢醢】设洗於东房近北盥水在洗西筐在洗东北肆实以巾质明宾赞至主人大门外掌礼者引之次宾赞公服诸行事者各服其服【六品以下无公服者服常服】执樽罍筐者皆就位袞冕垂青珠九旒以组为纁色如其纁青纁充耳角簪导鸞冕七旒毳冕五旒余皆同袞旒【四品五品綉冕垂青珠四旒以组为纁色如其纁青纁充耳角簪导玄冕三旒余同綉冕六品以下爵弁玄纁角簪导庶人则黑介幘】进贤冠三梁纁青綬犀导【四品五品两梁六品以下一梁庶人则黑介幘】緇布冠青组纁冠冕各一箱各一人执之待於西阶之西东面北上设主人之席於阼阶上西面宾席於西阶上东面冠者席於主人东北面主人公服立於阼阶下当东序西面诸亲公服非公服者常服立於盥洗东南西面北上【尊者停别室】傧者公服立於门内道东北面将冠者双童髻空顶幘双玉导金宝饰彩袴褶锦绅乌皮履【四品五品导饰以金六品以下无金饰】立於房内南面主人赞冠者公服立於房内户东西面宾及赞冠者出次立於门之西赞冠者少退俱东面北上傧者进於主人之左北面受命出立於门东西面曰敢请事宾曰某子有嘉礼命某执事傧者入告主人迎宾於大门外之东西面再拜宾答拜【凡主宾拜揖出入皆赞礼者导之】主人揖赞冠者赞冠者报揖主人又揖宾宾报揖主人入宾及赞冠者次入及内门主人揖宾宾报揖主人与宾入赞冠者从之至内溜将曲揖宾报揖及阶主人立於阶东西面宾立於阶西东面主人曰请吾子升宾曰某将事敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶立於席东西向宾升自西阶立於席西东向赞冠者及庭盥於洗升自阼阶入於东方立於主人赞冠者之南俱西面主人赞冠者引将冠者出立於房户外宾之赞冠者取纁栉簪箱跪奠於冠者筵南端兴席北少东西面立宾揖将冠者宾主俱即座坐将冠者进升席西面坐宾之赞冠者进筵前东面跪脱双童髻置於栉箱毕设纁兴复位立宾主俱兴宾降盥主从降宾东面辞曰请吾子不降主人曰吾子降辱敢不从宾降至盥洗手讫诣西阶宾主一揖一让升主人立於席後西面宾立於西阶上东面执緇布冠者升宾降一等受之右执顶左执前进将冠者筵前东向立祝曰令月吉日始加元服弃尔幼志顺尔成德寿考维祺永介景福乃跪奠冠兴复西阶上席後东面立宾之赞冠者进冠前东面跪结纁兴复位冠者兴宾揖冠者冠者适房宾主俱坐冠者着青衣紫裳之服出房户西南面立宾主俱兴宾揖冠者冠者进升席西向坐宾之赞冠者跪脱緇布冠置於箱栉毕设纁兴复位宾降二等受进贤冠【庶人则黑介幘】右执顶左执前进冠者筵前东向立祝曰吉月令辰乃申尔服敬尔威仪淑慎尔德眉寿万年永受胡福乃跪冠兴复位宾之赞冠者跪设簪纁兴宾揖冠者冠者适房宾主俱坐冠者着绛纱服【庶人则白裙襦服】出房户西南面立宾主俱兴宾揖冠者进升席西向坐宾之赞冠者跪脱进贤冠【庶人脱黑介幘】置於箱栉毕设纁兴复位宾降三等受冕【六品受爵弁庶人黑介幘】右执顶左执前进冠者筵前东向立祝曰以岁之正以月之令咸加尔服兄弟具在以成厥德黄耇无疆受天之庆乃跪冠兴复位宾之赞冠者跪设簪结纁兴复位冠兴者宾揖冠者适房宾主俱坐主人赞冠者彻纁栉簪箱及筵入於房又筵於室户西南向冠者着冕服【六品以下着爵弁之服庶人则绛公服】出房户西

南立宾主俱兴主人赞冠者盥手洗觶於房酌醴加枲覆之面叶出户南面立宾揖冠者冠者就筵西面立宾进受醴於室户东加枲面枲进冠者筵前北面立祝曰甘醴维厚嘉荐令芳拜受祭之以定尔祥承天之休寿考不忘冠者筵西拜受觶宾复西阶上东面答拜执饌者奉饌荐於冠者筵前冠者升筵坐左执觶右取脯擣於醢祭於豆筵之间赞冠者取肺一以授冠者冠者奠觶於荐西兴受?左手执本坐右絶末以祭上左手哂之兴以授赞冠者加於俎冠者坐帨手取觶以枲祭醴加枲於觶西叶兴筵末坐啐醴建枲兴降筵西南面跪奠觶再拜执觶兴宾答拜宾主俱坐冠者升筵跪奠觶於荐东兴进北面跪取脯降自西阶入见母进奠脯於席前退再拜以出冠者母不在则使人受脯於西阶下初冠者入见母宾主俱兴宾降当西序东面立主人降当东序西面立冠者既见母出立於西阶之东南面宾少进字之曰礼仪既备令月吉日昭告尔字爰字孔嘉髦士攸宜锡之於嘏永受保之曰伯某甫冠者曰某虽不敏夙夜只奉宾出主人送於内门外主人西面请宾曰吾子辱执事请礼从者宾曰某既得将事敢辞主人曰敢固以请宾曰某辞不得命敢不从宾就次主人入初宾出冠者东面见诸亲诸亲拜之冠者答拜冠者西面拜宾之赞冠者赞冠者答拜讫见诸尊於别室宾主既释服改设席讫宾与衆宾俱出次立於门西东面主人出立於门东西面主人揖宾宾报揖主人先入宾及衆宾从之至阶一让升各就坐後立定俱升坐会讫宾主俱兴宾立於西阶上赞冠者在北少退俱东面立人立於东阶上西面衆宾降立於西阶下东面掌事者以币筐升授主人於序端主人执筐少进西面立又掌事者奉币筐升牵马者牵两马入陈於门内三分庭一在南北首西上宾还西阶上北面赞冠者立於宾左少退宾赞俱再拜主人进立於楹间南面宾赞进立於主人之右俱南面主人授币筐宾受之退复东面位於主人授币掌事者又以币筐授赞冠者退复位主人还阼阶上北面拜送宾降自西阶从者迓受币宾当庭宾东面揖出牵马者从出从者迓受马於宾降主人降送宾於大门外之东西面再拜宾退主人入孤子则诸父诸兄戒宾冠之日主人髻而迎宾拜揖让如冠主冠於阼醴之及礼宾拜送皆如上仪明日见庙冠者朝服质明赞礼者引入庙南门中庭道西北面赞再拜讫引出

卷一百十八

钦定四库全书

大唐开元礼卷一百十八 唐 萧嵩等 撰嘉礼

三品以上庶子冠

将冠筮日筮宾如嫡子之仪前二日主人戒宾及赞冠者前一日掌事者设次於大门外之右南向其日夙兴赞者设洗於正寝阼阶东南东西当东溜【六品以下当东荣】南北以堂深疊水在洗东加勺冪筐在洗西南肆实巾一於筐加冪席於东房内西牖下【无房者张帷为之】陈服於席东领北上冕服青衣纁裳【一品袞服九章五章在衣山龙华虫火宗彝四章在裳藻粉米黼黻二品鷩冕服七章三章在衣华虫藻火四章在裳宗彝粉米黼黻三品毳冕服五章三章在衣宗彝藻粉米二章在裳黼黻四品綉冕服三章一章在衣粉米二章在裳黼黻五品玄冕衣无章裳刺黼一章六品以下爵弁服青衣纁裳】白纱中单黼领青褙襦革带钩?大带【一品二品大带皆紕其外上以朱下以绿三品大带四品五品素带皆紕其垂外以玄内以黄紕约皆用青组六品以下练带紕其垂内外以缁约用青组中单青领】黼【随裳色山火二章四品綉裳山一章五品玄冕无章六品爵鞞】剑【饰以金玉四品五品饰以金】双佩【一品山玄玉五品以上水苍玉】双绶【一品绿绶四彩绿紫黄赤纯绿质长一丈八尺二百四十首广九寸二品三品紫绶三彩紫黄赤纯紫质长一丈六尺一百八十首广八寸皆有小双绶长二尺六寸色同大绶而首半之一品施二玉环四品青绶三彩青白红纯青质长一丈四尺一百三十首广七寸五品墨绶二彩青绀纯绀质长一丈二尺一百首广六寸皆有小双绶长二尺六寸色同大绶而首半之六品以下无剑佩绶】朱鞞赤舄【五品以上同六品以下白鞞赤履庶人黑介帻服绦公服方心革带钩?假带鞞履】进贤冠服绦纱单衣白纱中单皂领褙襦白裙襦【赤裙衫】革带钩?假带曲领方心绦纱蔽膝白鞞黑舄【八品以下去中单曲领蔽膝黑履庶人黑介帻服白裙襦青领革带鞞履】剑双佩双绶【六品以下无剑绶】缁布冠服青衣素裳素鞞【中单革带大带剑佩绶与冕服同鞞舄与进贤冠服同六品以下中单革带与爵弁服同鞞履与进贤冠服同庶人带鞞履与介帻服同去鞞】缁纁笄簪同箱在服南【纁今用皂巾方六寸属带於前两隅】莞筵三纷纯加藻席三缁纯在南樽於房户外之西两甒玄酒在西加勺冪设坫於樽东置二爵於坫加冪饌陈於服北【四品五品蒲筵三缁布纯加萑席三玄帛纯六品以下蒲筵三缁布纯不加萑席四品五品设筐无坫栖以角为之状如匕饌用少牢及腊三俎一品二品十笾十豆三品八笾八豆四品五品六笾六豆凡牲体节折加离肺筴实脯枣之属豆实醢酱之类六品以下特牲一俎二笾二豆筴实脯枣豆实菹醢】质明宾赞至主人大门外掌次者引之次宾赞公服诸行事者各服其服【六品以下无公服者服其常服】执樽疊筐者皆就位袞冕垂青珠九旒以组为纓色如其绶青纁充耳角簪导鷩冕七旒毳冕五旒余皆同袞冕【四品五品綉冕垂青珠四旒以组为纓色如其绶青纁充耳角簪导玄冕三旒余同綉冕六品以下用爵弁玄纓庶人用黑介帻】进贤冠三梁纓青綌犀导【四品五品两梁六品以下一梁庶人则黑介帻】缁布冠青组纓冠冕各一箱各一人执之待於西阶之西东面西北上设主人之席於阼阶上西

面宾席於西阶上东面冠者席於房户外之西南面【房外谓尊束】主人公服立於阼阶下当东序西面诸亲公服非公服者常服立於盥洗东南西面北上【尊者停别室】傒者公服立於门内道东北面将冠者双童髻空顶帻双玉导金宝饰彩袴褶锦绅乌皮履立於房内南面主人赞冠者公服立於房内户东西面宾及赞冠者出次立於门西赞冠者少退俱东面北上傒者进於主人之左北面受命出立於门东西面曰敢请事宾曰某子有嘉礼命某执事傒者入告主人迎宾於大门外之东西面再拜宾答拜【凡宾主拜揖入出皆赞礼相导】主人揖赞冠者赞冠者报揖主人又揖宾宾报揖主人入宾及赞冠者次入及门内主人揖宾宾报揖主人与宾入赞冠者从之至内溜将曲揖宾报揖至阶主人立於阼阶东西面宾立於阶西东面主人曰请吾子升宾曰某备将事敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶立於席东西向宾升自西阶立於席西东向赞冠者及庭盥於洗升自西阶入於东房立於主人赞冠者之南俱西面主人赞冠者引将冠者出立於房户外之西南面宾之赞冠者取纁带簪箱跪奠於冠者筵东兴席东少北南面立宾揖将冠者宾主俱即席坐将冠者进升席面南坐宾之赞冠者进筵前北面跪脱双童髻置於箱带毕设纁兴复位宾主俱兴宾降盥主人从降宾东面辞曰请吾子不降主人曰吾子降辱敢不从宾降至盥洗盥手讫诣西阶宾主一揖一让升主人立於席後西面宾立於西阶上东面执缁布冠者升宾降一等受之右执顶左执前进将冠者筵前北向跪冠兴复西阶上席後东面立宾之赞冠者进筵前北面跪结纁兴复位冠者兴宾揖冠者适房宾主俱坐冠者着青衣素裳之服出房立於户西南宾主俱兴宾揖冠者进立於席後南面宾降盥主人从降辞对如初宾盥手跪取爵於筐兴洗讫诣西阶宾主一揖一让升主人立於席後西面宾诣酒尊所酌酒进冠者筵前北面立祝曰旨酒既清嘉荐亶时始加元服兄弟具来孝友时格永乃保之冠者筵西拜受爵宾复西阶上东面答拜执饌者荐笾豆於冠者筵前冠者升筵坐左执爵右取脯擗於醢祭於笾豆之间祭酒兴筵末坐啐酒执爵兴降筵西跪奠爵再拜执爵兴宾答拜冠者升筵跪奠爵於荐东兴立於筵西执饌者彻荐爵宾揖冠者冠者进升筵南向坐宾之赞冠者跪脱缁布冠置於箱带毕设纁兴复位宾降二等受进贤冠【庶人则黑介帻】右执顶左执前进冠者筵前北面跪冠兴复位宾之赞冠者坐设簪纁兴复位冠者兴宾揖冠者冠者适房宾主俱坐冠者着绛纱服【庶人则白裙襦服】出房立於户西南面宾主俱兴宾揖冠者进立於席後南面宾诣酒尊所取爵酌酒进冠者筵前北面立祝曰旨酒既清嘉荐伊脯乃申尔服礼仪有序祭此嘉爵承天之祜冠者筵西拜受爵宾复西阶上东面答拜执饌者荐笾豆冠者升筵坐左执爵右祭脯醢祭酒兴筵末坐啐酒执爵兴降筵西跪奠爵再拜执爵兴宾答拜冠者升筵坐奠爵於荐东兴立於筵西南面执饌者彻荐爵宾揖冠者冠者进升席南面坐宾之赞冠者跪脱进贤冠【庶人脱黑介帻】置於箱带毕设纁兴复位宾降三等受冕【六品以下受爵弁庶人则黑介帻】右执顶左执前进冠者筵前北向跪冠兴复位宾之赞冠者坐设簪结纁兴复位冠者兴宾揖冠者适房宾主俱坐主人赞冠者彻带箱入於房冠者着冕服【六品以下爵弁服庶人绛公服】出房立於户西南面宾主俱兴宾揖冠者冠者进立於席後南面宾诣酒尊所取爵酌酒进冠者筵前北向立祝曰旨酒既芳笾豆有楚咸加尔服肴升折俎承天之庆受福无疆冠者筵西拜受爵宾复位东面答拜执饌者荐笾豆设俎於笾豆之南冠者升筵坐左执爵右祭脯醢赞冠者取脯一以授冠者冠者奠爵於荐西兴受?左手执本坐右絶末以祭上左手啐之兴加於俎冠者坐脱手执爵祭酒兴筵末坐啐酒兴降筵西南面坐奠爵再拜执爵宾答拜冠者升筵坐奠爵於荐东兴降席北面跪取脯降自西阶入见母进奠

脯於席前退再拜以出冠者母不在则使人受脯於西阶下初冠者入见母宾主俱兴宾降当西序东面立主人降当东序西面立冠者既见母出立於西序之东南上宾少进字之曰礼仪既备令月吉日昭告尔字爰字孔嘉髦士攸宜锡之於嘏永受保之曰孟某甫仲叔季惟其所当冠者曰某虽不敏夙夜祇奉宾出主人送於内门外主人西面请宾曰吾子辱执事请礼从者宾曰某既得将事敢辞主人曰敢固以请宾曰某辞不得命敢不从宾就次主人入初宾出冠者东面见诸亲诸亲拜之冠者答拜冠者西南面拜宾之赞冠者宾之赞冠者答拜谒诸尊於别室宾主既释服改席讫宾与衆宾俱出次立於门西东面主人出门东西面主人揖宾报揖主人先入宾及衆宾从之至阶一让各升就坐後立定升坐会讫宾主俱兴宾立於西阶上赞冠者在北少退俱东面主人立於东阶上西面衆宾降立於西阶下东面掌事者以币筐升授主人於序端主人执筐少进西面立又掌事者奉币筐升立於主人之後於币筐升牵马者牵两马入陈於门内三分庭一在南北首西上宾还西阶上北面赞冠者於宾左少退宾赞者俱再拜主人进立於楹间南面宾赞进立於主人之右俱南面主人授币筐宾受之退复东面位於主人授筐掌事者又以币筐授赞冠者退复位主人还阼阶上北面拜送宾降自西阶从者迓受币宾当庭实东面揖东出牵马者从出从者迓受马於门外於宾降主人降送宾於大门之东西面再拜宾退主人入孤子则诸父诸兄戒宾冠之日主人髻而迎宾拜揖让如冠主冠醺礼宾拜送皆如上仪明日见庙冠者朝服无庙者见祖祢於正寝冠者公服【庶人则常服】质明赞礼者引入庙南门道西中庭北面赞再拜讫引出无庙者设几筵於正寝赞礼者引入至庭北面再拜讫引出五品已上孙九品以上子冠假用出身品服其三品以上大功以上亲五品以上周以上亲冠同八品九品服

大唐开元礼卷一百十八

卷一百十九

钦定四库全书

大唐开元礼卷一百十九 唐 萧嵩等 撰嘉礼

四品五品嫡子冠

将冠筮於庙门之外主人【谓将冠者之父兄】公服立於门东西面掌事者各服其服立於门西东面北上布筮席於闑西阼外西面筮者开匱出策兼执之东面受命於主人主人曰为嫡子某某日加冠庶乎从之筮者曰诺进就筮席西面以韝擊策遂述曰假尔泰筮有常某为嫡子某某日加冠庶乎从之乃释韝坐筮讫兴降席东面称占曰从筮者退若不吉则筮远日如初仪赞礼者进主人之左告礼毕掌事彻筮席前三日筮宾如求日之仪【筮宾筮其可使冠子者】前三日主人戒宾及赞冠者主人至宾大门外掌次者引之次主人公服出次立於门外之西东面宾公服立於阼阶下西面宾者公服进於宾之左北面受命出立於门东西南曰敢请事主人曰某之子某将加冠请某子教之【相称各随官爵】宾者入告宾出立於门东西面再拜主人答拜主人曰某之子某将加冠愿吾子教之宾曰某不敏恐不能供事以辱吾子敢辞主人曰某犹愿吾子教之宾曰吾子重有命某敢不从主人再拜宾答拜主人还宾送主人戒赞冠者亦如之【亦通使子弟戒之】前一日掌事者设次於大门外之右南向其日夙兴赞者设洗於正寝阼阶东南东西当东溜南北以堂深疊水在洗东加罍篚在洗西南肆实巾一於篚加罍席於东房内西牖下【无房者张帷为之】陈服於席东领北上冕服青衣纁裳【四品绣冕服三章一章在衣粉米二章在裳黼黻五品玄冕衣无章裳刺黼一章】白纱中单青领襍裾革带鉤?大带【素带紕其垂外以玄内以黄紕约皆用青组】黻【綉冕山一章玄冕无章】剑【饰以金】双佩【水苍玉】双绶【四品青绶三彩青白红纯青质长一丈四尺一百三十首广七寸五品黑绶二彩青绀纯绀质长一丈三尺一百首广六寸皆有小双绶长二尺六寸色同大绶而首半之】朱韞赤舄进贤冠服绦纱单衣白纱中单皂领襍裾白裙襦【赤裙衫】革带鉤?假带曲领方心绦纱蔽膝白韞黑舄剑佩双绶缙布冠服青衣素裳素鞞【中单革带剑佩绶与冕服同韞属与进贤冠同】缙纁带簪同箱在服南【纁今用皂巾六寸属带於前两隅】蒲筵四缙布纯加萑席四玄帛纯又在南侧樽甒醴在北加勺罍设篚在樽侧北实角觶角柶各一加罍饌陈於篚北【柶以角为之状如匕饌用少牢及腊三俎筵六豆六牲体节折加离肺筵实枣栗豆实菹醢之属】设洗於东房近北疊水在洗西篚在洗东北肆实以巾质明宾赞至於主人大门外掌次者引之次宾赞公服诸行事者各服其服执樽疊篚者皆就位綉冕垂青珠四旒以组为纓色如其绶青纁充耳角导玄冕三旒余皆同綉冕进贤冠两梁纓青綬犀导缙布冠青组纓冠冕各一箱各一人执之待於西阶之西东面北上设主人之席於阼阶上西面宾席於西阶上东面冠者席於主人东北西面主人公服立於阼阶下当东序西面诸亲公服非公服者常服立於疊洗东南西面北上【尊者停别室】宾者公服立於门内道东北面将冠者双童髻双玉导金饰彩袴褶锦绅乌皮履立於房内南面主人之赞冠者公服立於房内户东西面宾及赞冠者出次立於门西赞冠者少退俱东面北上宾者进於主人之左北面受命出立於门东西面曰敢请事宾曰某子

有嘉礼命某执事俟者入告主人迎宾於大门外之东西面再拜宾答拜【凡宾主拜揖出入皆赞礼者相导】主人揖赞冠者赞冠者报揖主人又揖宾宾报揖主人揖入宾及赞冠者次入及内门主人揖宾宾报揖主人与宾入赞冠者从之至内溜将曲揖宾报揖至阶主人立於阶东西面宾立於阶西东面主人曰请吾子升宾曰某备将事敢辞主人曰固请吾子升宾曰某固固辞主人曰终请吾子升宾曰某敢终辞主人升自阼阶立於席东西向宾升自西阶立於席西东向赞冠者及庭盥於洗升自西阶入於东房立於主人赞冠者之南俱西面主人赞冠者引将冠者出立於房户外之西南面宾之赞冠者取纁栉簪箱跪奠於冠者筵南端兴席北少东西面立宾揖将冠者宾主俱即席坐将冠者进升席西面坐宾之赞冠者进筵前东面跪脱双童髻置於箱栉毕设纁兴复位立宾降盥主人从降宾东面辞曰愿吾子不降主人曰吾子降辱敢不从宾降至盥洗盥手讫诣西阶宾主一揖一让升主人立於席後西面宾立於西阶上东面执缁布冠者升宾降一等受之右执顶左执前进将冠者筵前东向立祝曰令月吉日始加元服弃尔幼志顺尔成德寿考维祺介尔景福乃跪冠兴复西阶上席後东面立宾之赞冠者进筵前东面跪结纁兴复位冠者兴宾揖冠者冠者适房宾主俱坐冠者着青衣素裳之服出房户西南面宾主俱兴宾揖冠者冠者进升席西向坐宾之赞冠者跪脱缁布冠置於箱栉毕设纁兴复位宾降二等受进贤冠右执顶左执前进冠者筵前东向立祝曰吉月令日乃申尔服敬尔威仪淑慎尔德眉寿万年永受胡福乃跪冠兴复位宾之赞冠者坐设簪结纁兴复位冠者兴宾揖冠者冠者适房宾主俱坐冠者着绛纱服出房户西南面立宾主俱兴宾揖冠者冠者进升席西向坐宾之赞冠者跪脱进贤冠置於箱栉毕设纁兴复位宾降三等受冕右执顶左执前进冠者筵前东向立祝曰以岁之正以月之令咸加尔服兄弟具在以成厥德黄耇无疆受天之庆乃跪冠兴复位宾之赞冠者跪设簪结纁兴复位冠者兴宾揖冠者冠者适房宾主俱坐主人赞冠者彻纁栉簪箱及筵入於房又筵於室户西向冠者着冕服出房户西南面立宾主俱兴主人赞冠者盥手洗觶於房酌醴加栖覆之面叶出房南面立宾揖冠者冠者就筵西南面立宾进受醴於室户东加栖面柄进冠者筵前北面立祝曰甘醴惟厚嘉荐令芳拜受祭之以定尔祥承天之休寿考不忘冠者筵西拜受觶宾复西阶上东面答拜执饌者奉饌荐於冠者筵前冠者升筵坐左执觶右取脯擣於醢祭於笱豆之间赞冠者取肺一以授冠者冠者奠觶於荐西兴受?左手执本坐右絶末以祭上左手啖之兴以授赞冠者加於俎冠者坐脱手取觶以栖祭醴加栖於觶面叶兴筵末跪啐醴建栖兴降筵西南面跪奠觶再拜执觶兴宾答拜宾主俱坐冠者升筵跪奠觶於荐东兴进北面跪取脯降自西阶入见母进奠脯於席前退再拜以出冠者母不在则使人受脯於西阶下初冠者入见母宾主俱兴宾降当西序东面立主人降当东序西面立冠者既见母出立於西阶之东南面宾少进字之曰礼仪既备令月吉日昭告尔字爰字孔嘉髦士攸宜宜之於嘏永受保之曰伯某甫冠者曰某虽不敏夙夜祗奉之宾出主人送於内门外主人西面谓宾曰吾子辱执事请礼从者宾曰某既得将事敢辞主人曰敢固以请宾曰某辞不得命敢不从宾就次主人入初宾出冠者东面见诸亲诸亲拜之冠者答拜冠者西面拜宾之赞冠者宾之赞冠者答拜见诸尊於别室宾主既释服改席讫兴衆宾俱出次立於门西东面主人出门东西面主人揖宾宾报揖主人先入宾及衆宾从之至阶一揖升各就坐後立定俱升坐会讫宾主俱兴宾立於西阶上东面主人立於东阶上西面衆宾降立於西阶下东面掌事者以币筐升授主人於序端宾北面再拜主人进立於楹间南面宾进立於主人之右俱南面宾受币退复东面位主人还阼阶上北面拜送宾降自西阶从者迓受币宾出主人送宾於大门外之东西面再拜宾退主人入孤子则诸

父诸兄戒宾冠之日主人髻而迎宾拜揖让如冠主冠於阼醴之及礼宾拜送如上仪明日见
庙冠者朝服质明赞礼者引入庙南门中庭道西北面赞再拜讫引出

大唐开元礼卷一百十九

卷一百二十

钦定四库全书

大唐开元礼卷一百二十 唐 萧嵩等 撰嘉礼

四品五品庶子冠

将冠筮宾如嫡子之仪前二日主人戒宾及赞冠者先一日掌事者设次於大门外之右南向其日夙兴赞者设洗於正寝阼阶东南东西当东溜南北以堂深疊水在洗东加勺冪篚在洗西南肆实巾一爵一於篚加冪席於东房内西牖下【无房者张帷为之】陈服於席东领北上冕服青衣纁裳【四品綉冕服三章一章在衣粉米二章在裳黼黻玄冕衣无章裳刺黻一章】白纱中单青领襹裾革带鉤?大带【素带紕其垂外以玄内以黄紕约皆用青组】黻【綉冕山一章玄冕无章】剑【饰以金】双绶【四品青绶三彩青白红青纯质长一丈四尺一百四十首广七寸五品以黑绶二彩青绀纯绀质长一丈二尺一百首广六寸有小双绶长二尺六寸色同大绶而首半之】朱韞赤舄进贤冠服绛纱单衣白纱中单皂领襹裾白裙襦【赤裙衫】革带鉤?假带曲领方心绛纱蔽膝白韞黑舄剑双绶缁布冠服青衣素裳素韞【中单革带大带剑佩与冕服同韞舄与进贤冠同】缁纁栉簪同箱在服南【纁今用皂巾方约有六寸属带於前两隅】蒲筵三缁布纯加萑席三玄帛纯又在南樽於房户外之西两甌玄酒在西加勺冪设篚於樽东置二爵加冪饌陈於服北【饌用少牢及腊三俎六筴六豆牲体节折加离肺筴实脯枣之属豆实菹醢之类】质明宾赞至於主人大门外掌次者引之次宾赞公服诸行事者各服其服执樽疊篚者皆就位綉冕垂青珠四旒以组为纓色如其绶青纁充耳角导玄冕三旒余同綉冕服进贤冠两梁纓青綬犀导缁布冠青组纓冠冕各一箱各一人执之待於西阶之西东面北上设主人之席於阼阶上西面宾席於西阶上东面冠者席於房户外之西南面【房外谓尊东】主人公服立於阼阶下当东序西面诸亲公服非公服者常服立於疊洗东南西面北上【尊者停别室】宾者公服立於门内道东北面将冠者双童髻玉导金饰彩袴褶锦绅乌皮履立於房内南面主人赞冠者公服立於房内户东西面宾及赞冠者出次立於门西赞冠者少退俱东面北上宾者进於主人之左北面受命出立於门东西面曰敢请事宾曰某子有嘉礼命某执事宾者入告主人迎宾於大门外之东西面再拜宾答拜【凡宾主拜揖入出皆赞礼相导】主人揖赞冠者赞冠者报揖主人又揖宾宾报揖主人入宾及赞冠者次入及门内主人揖宾宾报揖主人与宾入赞冠者从之至内溜将曲揖宾报揖至阶主人立於阶东西面宾立於阶西东面主人曰请吾子升宾曰某备将事敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶立於席东西向宾升自西阶立於席西东向赞冠者及筵盥洗升自阼阶入於东房立於主人赞冠者之南俱西面主人赞冠者取纁栉簪箱跪奠於冠者筵东端兴席东少北南面立宾揖将冠者宾主俱即席坐将冠者进升席西面坐宾之赞冠者进筵前北面跪脱双童髻於箱栉毕设纁兴复位立宾主俱兴宾降盥主人从降宾东面辞曰请吾子不降主人曰吾子降辱敢不从降宾至疊洗盥手讫诣西阶宾主一揖一让升主人立於席後西面宾立於西阶上东面执缁布冠者升宾降一等受之右执顶左执前进将冠者筵前北向跪冠兴复西阶上席後东

面立宾之赞冠者进冠者北面跪结纓兴复位冠者兴宾揖冠者适房宾主俱坐冠者着青衣素裳之服出房立於户西南面宾主俱兴宾揖冠者冠者进立於席後南面宾降盥主人从降辞对如初宾盥手跪取爵於篚兴洗讫诣西阶宾主一揖一让升主人立於席後西面宾诣酒樽所酌酒进冠者筵前北向立祝曰旨酒既清嘉荐亶时始加元服兄弟具来孝友时格永乃保之冠者筵西拜受爵宾复西阶上东面答拜执饌者荐笾豆於冠者筵前冠者升筵坐左执爵右取脯濡於醢祭於笾豆之间祭酒兴筵末坐啐酒执爵兴降筵西跪奠爵再拜执爵兴宾答拜冠者升筵跪奠爵於荐东兴立於筵西南向坐宾之赞冠者跪脱緇布冠置於箱栻毕设纓兴复位宾降二等受进贤冠右执顶左执前进冠者筵前北向跪冠兴复位宾之赞冠者坐设簪结纓兴复位冠者兴宾揖冠者适房宾主俱坐冠者着绛纱服出房立於户西南面宾主俱兴宾揖冠者进立於席後南面宾诣酒樽所取爵酌酒进冠者筵前北向立祝曰旨酒既清嘉荐伊脯乃申尔服礼仪有叙祭此嘉爵承天之佑冠者筵西拜受爵宾复西阶上东面答拜执饌者荐豆冠者升筵坐左执爵右祭脯醢祭酒兴筵末坐啐酒执爵兴降筵西奠爵再拜执爵兴宾答拜冠者升筵坐奠爵於荐东兴立於筵西南面执饌者彻荐爵宾揖冠者冠者进升席南面坐宾之赞冠者跪脱进贤冠置於箱栻毕设纓兴复位宾降三等受冕右执顶左执前进冠者筵前北向跪冠兴复位宾之赞冠者跪设簪结纓兴复位冠者兴宾揖冠者冠者适房宾主俱坐主人赞冠者彻栻箱入於房冠者着冕服出房立於户西南面宾主俱兴宾揖冠者冠者进立於席後南面宾诣酒樽所取爵酌酒进冠者筵前北面立祝曰旨酒令芳笾豆有楚咸加尔服肴升折俎承天之庆受福无疆冠者筵西拜受爵宾复位东面答拜执饌者荐笾豆设俎於笾豆之南冠者升筵坐左执爵右祭脯醢赞冠者取肺一以授冠者冠者奠爵於荐西兴受?左手执本坐右絶末以祭上左手啐之兴加於俎冠者坐帨手执爵祭酒筵末坐啐酒兴降筵西南面坐奠爵再拜执爵兴宾答拜冠者升筵坐奠爵於荐东兴降席北面跪取脯降自西阶入见母进奠脯於席前退再拜出冠者母不在则使人受脯於西阶下初冠者入见母宾主俱兴宾降当西序东面立主人降当东序西面立冠者既见母出立於西阶之东南面宾少进字之曰礼仪既备令月吉日昭告尔字爰字孔嘉髦士攸宜宜之於嘏永受保之曰孟某甫仲叔季惟其所当冠者曰某虽不敏夙夜祇奉宾出主人送於内门外主人西面请宾曰吾子辱执事请礼从者宾曰某既得将事敢辞主人曰敢固以请宾曰某辞不得命敢不从宾就次主人入初宾出冠者东面见诸亲诸亲拜之冠者答拜冠者西南面拜宾之赞冠者赞冠者答拜讫见诸尊於别室宾主既释服改席讫宾兴衆宾俱出次立於门西东面主人出门东西面主人揖宾宾报揖主人先入宾及衆宾从之至阶让升各就位後立定俱兴宾坐会讫宾主俱立於西阶上东面主人立於东阶上西面衆宾降立於西阶下东面掌事者以币篚升授主人於序端宾北面再拜主人进立於楹间南面宾进立於主人之右俱南面宾受篚退复东面位主人还阼阶上北面拜送宾降自西阶从者迓受币宾出主人送於大门外之东西面再拜宾退主人入孤子则诸父诸兄戒宾冠之曰主人髻而迎宾拜揖让如冠主冠醺礼宾拜送皆如上仪

卷一百二十一

钦定四库全书

大唐开元礼卷一百二十一 唐 萧嵩等 撰嘉礼

六品以下嫡子冠

将冠筮於正寝之堂【若有庙者於庙门外如五品以上之仪】主人【谓将冠者之父兄】公服立堂上楹间近东西向掌事者立於楹间近东西面北上布筮席於主人之西西面筮者开轝出策兼执之东面受命於主人主人曰为嫡子某某日加冠庶几从之筮者曰诺进就筮席西面以轝击策遂述曰假尔太筮有常某为嫡子某某日加冠庶几从之乃释轝坐筮讫兴降席东面称占曰从筮者退若不吉则筮远日如初仪赞礼者进主人之左告礼毕掌事者彻筮席前三日筮宾如求日之仪【筮宾筮其可使冠子者】前二日主人戒宾及赞冠者主人至宾大门外掌次者引之次主人公服出次立於门外之西东面宾公服立於阼阶下西面傧者公服立於宾之左北面受命出立於门东西面曰敢请事主人曰某之子某将冠请某子教之【相称各随官爵】傧者入告宾出立於门东西面再拜主人答拜主人曰某之子某将加冠愿吾子教之宾曰某不敏恐不能供事以辱於吾子敢辞主人曰某犹愿吾子教之宾曰吾子重有命某敢不从主人再拜宾答拜主人还宾拜送主人戒赞冠者亦如之【亦通使子弟戒之】前一日掌事者设次於大门外之右南向其日夙兴赞者设洗於正寝阼阶东南东西当东荣南北以堂深罍水在洗东加勺罍篚在洗西南肆实巾一爵一於篚加罍席於东房内西牖下【无房者张帷为之】陈服於席东领北上爵弁服青衣纁裳白纱中单青领襍裾革带钩?大带【练带紕其垂内外以缁绖约用青组】爵鞞白鞞赤履【庶人介帻绦公服方心革带绖?假带鞞履】进贤冠服绦纱单衣白纱中单皂领襍裾白裙襦【赤裙衫】革带钩?假带曲领方心绦纱蔽膝【八品九品去中单曲领蔽膝】白鞞黑舄【八品以下黑履庶人黑介帻服白裙襦青领革鞞履】缁布冠服青衣素裳素鞞【中单革带与爵弁服同鞞履与进贤冠服同庶人带鞞履与介帻服同去鞞】缁纁帟簪同箱在服南【纁今用皂巾方六寸属带於前两隅】蒲筵四缁布纯又在南侧樽罍醴在服北加勺罍设篚在樽北实角觶角栖各一加罍陈饌於篚北【栖以角为之状如匕饌用特牲一俎二笾二豆牲体节折加离肺笾实脯枣豆实菹醢】设洗於东房近北罍水在洗西篚在洗东北肆实以巾质明宾赞至於主人大门外掌次者引之次宾赞公服诸行事者各服其服【无公服者常服】执樽罍篚者皆就位爵弁玄纁角导【庶人则黑介帻】进贤冠一梁纁青纁角导【庶人则黑介帻】缁布冠青组纁冠弁各一箱各一人执之待於西阶之西东面北上设主人之席於阼阶上西面宾席於西阶上东面冠者席於主人东北西面主人公服立於阼阶下当东序西面诸亲公服非公服者常服立於罍洗东南西面北上【尊者停别室】傧者公服立於门内道东北面将冠者双童髻空顶帻导彩袴褶锦绅乌皮履立於房内南面主人之赞冠者公服立於房内户东西面宾及赞冠者出次立於门西赞冠者少退俱东面北上傧者进於主人之左北面受命出立於门东西面曰敢请事宾曰某子有嘉礼命某执事傧者入告主人迎宾於大门外之东西面再拜宾答拜【凡宾主拜揖入出皆赞礼者相导】主人揖赞冠者冠者报揖主人又揖

宾宾报揖主人入宾及赞冠者次入及内门主人揖宾宾报揖主人与宾入赞冠者从之至内溜将曲揖宾报揖至阶主人立於阶东西面宾立於阶西东面主人曰请吾子升宾曰某备将事敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶立於席东西向宾升自西阶立於席西东面赞冠者及庭盥手洗升自西阶入於东房立於主人赞冠者之南俱西面主人赞冠者引将冠者出立於房户外之西南面宾之赞冠者取纁栉簪箱跪奠於冠者筵南端兴席北少东西面立宾揖将冠者宾主俱即席坐将冠者进升席西面坐宾之赞冠者进筵前东面跪脱双童髻置於簪栉毕设纁兴复位立宾主俱兴宾降盥主人从降宾东面辞曰请吾子不降主人曰吾子降辱敢不从降宾至盥洗盥手讫诣西阶宾主一揖一让升主人立於席後西面宾立於西阶上东面执缁布冠者升宾降一等受之右执顶左执前进将冠者筵前东向立祝曰令月吉日始加元服弃尔幼志顺尔成德寿考维祺介尔景福乃跪冠兴复西阶上席後东面立宾之赞冠者进筵前东面跪结纁兴复位冠者兴宾揖冠者冠者适房宾主俱坐冠者着青衣素裳之服出房户西南面立宾主俱兴宾揖冠者冠者进升於席西向坐宾之赞冠者跪脱缁布冠置於箱栉毕设纁兴复位宾降二等受进贤冠【庶人则黑介帻】右执顶左执前进冠者筵前东向立祝曰吉月令辰乃申尔服敬尔威仪淑慎尔德眉寿万年永受胡福乃跪冠兴复位宾之赞冠者跪设簪结纁兴复位冠者兴宾揖冠者冠者适房宾主俱坐冠者着绛纱服【庶人则白裙襦服】出自房户西南面立宾主俱兴宾揖冠者进升席西向坐宾之赞冠者跪脱进贤冠【庶人则脱黑介帻】置於箱栉毕设纁兴复位宾降三等受爵弁【庶人则黑介帻】右执顶左执前进冠者筵前东向立祝曰以岁之正以月之令咸加尔服兄弟具在以成厥德黄耇无疆受天之庆乃跪冠兴复位宾之赞冠者跪设结簪纁兴复位冠者兴宾揖冠者冠者适房宾主俱坐主人赞冠者彻纁栉簪箱及筵入於房又筵於室户西南向冠者着爵弁之服【庶人则绛公服】出房户西南面立宾主俱兴主人赞冠者盥手洗觶於房酌醴加柶覆之面叶出房南面立宾揖冠者就筵西南面立宾进受醴於室户东面柶面柄进冠者筵前北面立祝曰甘醴维厚嘉荐令芳拜受祭之以定尔祥承天之休寿考不忘冠者筵西拜受觶宾复西阶上东面答拜执饌者奉饌荐於冠者筵前冠者升筵坐左执觶右取脯擣於醢祭於笱豆之间赞冠者取肺一以授冠者奠觶於荐西兴受?左手执本坐右絶末以祭上左手啖之兴以授赞冠者加於俎冠者坐衾手取觶以柶祭醴加柶於觶面叶兴筵末跪啐醴建柶兴降筵西南面跪奠觶再拜执觶兴宾答拜宾主俱坐冠者升筵跪奠觶於荐东兴进北面跪取脯降自西阶入见母进奠脯於席前退再拜以出冠者母不在则使人受脯於西阶下初冠者入见母宾主俱兴宾降当西序东面立冠者既见母出立於西阶之东南面宾少进字之曰礼仪既备令月吉日昭告尔字爰字孔嘉髦士攸宜宜之於嘏永受保之曰伯某甫冠者曰某虽不敏夙夜祇奉宾出主人送於内门外主人西面请宾曰吾子辱执事请礼从者宾曰某既得将事敢辞主人曰敢固以请宾曰某辞不得命敢不从宾就次主人入初宾出冠者东面见诸亲诸亲拜之冠者答拜冠者西面拜宾之赞冠者赞冠者答拜讫见诸尊於别室宾主既释服改席讫宾兴衆宾俱出次立於门西东面主人出门东西面主人揖宾宾报揖主人先入宾及衆宾从之至阶一让升各就坐後立定俱升坐会讫宾主俱兴宾立於西阶上东面主人立於东阶上西面衆宾降立於西阶下东面掌事者以币筐升授主人於序端宾北面再拜主人进立於楹间南面宾进立於主人之右俱南面宾受筐退复东面位主人还阼阶上北面再拜送宾赞降自西阶从者迓受币宾出主人送宾於大门外之东西面再拜宾退主人入孤子则诸父诸兄戒宾冠之日主人髻而迎宾拜揖让如冠主

冠於阼醴之及礼宾拜送皆於上仪明日见祖祢於正寝冠者公服【庶人则常服】质明设几筵正寝赞礼者引入至庭北面再拜讫引出【有庙者见於庙】五品以上孙九品以上子冠假用出身品服其三品以上大功以上亲五品以上周以上亲冠同八品九品服

大唐开元礼卷一百二十一

卷一百二十二

<史部,政书类,仪制之属,大唐开元礼>

钦定四库全书

大唐开元礼卷一百二十二 唐 萧嵩等 撰嘉礼

六品以下庶子冠

将冠筮日宾如嫡子之仪前二日主人戒宾及赞冠者前一日掌事者设次於大门外之右南向其日夙兴赞者设洗於正寝阼阶东南东西当东荣南北以堂深盥水在洗东加勺冪篚在洗西南肆篚实巾一爵一加冪席於东房内西牖下【无房者张帷为之】陈服於席东领北上爵弁服青衣纁裳白纱中单青领襍裾革带钩?大带【练带紕其垂内外以緇绋约用青组】爵鞞白鞵赤履【庶人黑介帻服绛公服方心革带绋?假带鞵履】进贤冠服绛纱单衣白纱中单皂领襍裾白裙襦【赤裙衫】革带钩?假带曲领方心绛纱蔽膝【八品九品去中单曲领蔽膝】白鞵黑舄【八品以下黑履庶人黑介帻白裙襦青领革带鞵履】缁布冠服青衣素裳素鞞【中单革带缁带与爵弁服同鞵履与进贤冠服同庶人带鞵履与介帻服同去鞞】缁纁栉簪同箱在服南【纁今用皂巾方六寸属带於前两隅】蒲筵三缁布纯又在南樽於房户外之西觶醴玄酒在西加勺冪设篚樽东置二爵於篚加冪饌特性一俎二笾二豆在服北【牲体节折加离肺筴实脯枣豆实菹醢之类】质明宾赞至於主人大门外掌次者引之次宾赞公服诸行事者各服其服【无公服者常服】执樽盥篚者皆就位爵弁玄纁导【庶人则介帻】进贤冠一梁纁青纁导【庶人则黑介帻】缁布冠青组纁冠弁各箱各一人执之待於西阶之西东面北上设主人之席於阼阶上西面宾席於西阶上东面冠者席於房户外之西南面【房外谓尊东】主人公服立於阼阶下当东序西面诸亲公服非公服者常服立於盥洗东南西面北上【尊者停别室】宾者公服立於门内道东北面将冠者双童髻空顶帻导彩袴褶锦绅乌皮履立於房内户东南面主人赞冠者公服立於房内户东西面宾及赞冠者出次立於门西赞冠者少退俱东面北上宾者进於主人之左北面受命出立於门东西面曰敢请事宾曰某子有嘉礼命某执事宾者入告主人迎宾於大门外之东西面再拜宾答拜【凡宾主拜揖入出皆赞礼者相导】主人揖赞冠者赞冠者报揖【主人又揖宾宾报揖】主人入宾及赞冠者次入及内门主人揖宾宾报揖主人与宾入赞冠者从之至内溜将曲揖宾报揖至阶主人立於阶东西面宾立於阶西东面主人曰请吾子升宾曰某备将事敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶立於席东西向宾升自西阶立於席西东向赞冠者及庭盥於洗升自西阶入於东房立於主人赞冠者之南俱西面宾之赞冠者取纁栉簪箱跪奠於冠者筵东端兴席东少北南面立宾揖将冠者宾主俱即席坐将冠者进升席南面坐宾之赞冠者进筵前北面跪脱双童髻置於箱栉毕设纁兴复位宾主俱兴宾降盥主人从降宾东面辞曰请吾子不降主人曰吾子降辱敢不从宾降至盥洗盥手讫诣西阶宾主一揖一让升主人立於席後西面宾立於西阶上东面执缁布冠者升宾降一等受之右执顶左执前进将冠者筵前北向跪冠兴复西

阶上席後东面立宾之赞冠者进筵前北面跪结纓兴复位冠者兴宾揖冠者冠者适房宾主俱坐冠者着青衣素裳之服出房立於户西南面宾主俱兴宾揖冠者冠者进立於席後南面宾降盥主人从降辞对如初宾盥手跪取爵於筐兴洗讫诣西阶宾主一揖一让升主人立於席後西面宾诣酒樽所酌酒进冠者筵前北向立祝曰旨酒既清嘉荐亶时始加元服兄弟具来孝友时格永乃保之冠者筵西拜受爵宾复西阶上东面答拜执饌者荐笾豆於冠者筵前冠者升筵坐左执爵右取脯擣於醢祭於笾豆之间祭酒兴筵末坐啐酒执爵兴降筵西跪奠爵再拜执爵兴宾答拜冠者升筵跪奠爵於荐东兴立於筵西南面执饌者彻荐爵宾揖冠者冠者进升筵南向坐宾之赞冠者跪脱緇布冠置於箱栳毕设纓兴复位宾降二等受进贤冠【庶人则黑介帻】右执顶左执前进冠者筵前北向跪冠兴复位宾之赞冠者坐设簪结纓复位冠者兴宾揖冠者冠者适房宾主俱坐冠者着绛纱服【庶人则白裙襦服】出房立於户西南面宾诣酒樽所取爵酌酒进冠者筵前北向立祝曰旨酒既清嘉荐伊脯乃申尔服礼仪有序祭此嘉爵承天之祜冠者筵西拜受爵宾复西阶上东面答拜执饌者荐豆冠者升筵坐左执爵右祭脯醢祭酒兴筵末坐啐酒执爵兴降筵西跪奠爵於荐东兴立於筵西南面执饌者彻荐爵宾揖冠者冠者进升席南面坐宾之赞冠者跪脱进贤冠【庶人则脱黑介帻】置於箱栳毕设纓兴复位宾降三等受爵弁【庶人则黑介帻】右执顶左执前进冠者筵前北向跪冠兴复位宾之赞冠者坐设簪结纓兴复位冠者兴宾揖冠者冠者适房宾主俱坐主人赞冠者彻栳箱入於房冠者着爵弁之服【庶人则绛公服】出房立於户西南面宾主俱兴宾揖冠者冠者进立於席後南面宾诣樽所取爵酌酒进冠者筵前北向立祝曰旨酒令芳笾豆有楚咸加尔服肴升折俎承天之庆受福无疆冠者筵西拜受爵宾复位东面答拜执饌者荐笾豆设俎笾豆之南冠者升筵坐左执爵右祭脯醢赞冠者取肺一以授冠者冠者奠爵於荐西兴受?左手执本坐右絶末以祭上左手啐之兴加於俎冠者坐脱手执爵祭酒兴筵末坐啐酒兴降筵西南面坐奠爵再拜执爵兴宾答拜冠者升筵坐奠爵於荐东兴降席北面跪取脯降自西阶入见母进奠脯於席前退再拜以出冠者母不在则使人受脯於西阶下初冠者入见母宾主俱兴宾降当西序东面立主人降当东序西面立冠者既见母出立於西阶之东南面宾少进字之曰礼仪既备令月吉日昭告尔字爰字孔嘉髦士攸宜宜之於嘏永受保之曰孟某甫仲叔季唯其所当冠者曰某虽不敏夙夜祇奉宾出主人送於内门外主人西面请宾曰吾子辱执事请礼从者宾曰某既得将事敢辞主人曰敢固以请宾曰某辞不得命敢不从宾就次主人入初宾出冠者东面见诸亲诸亲拜之冠者答拜冠者西南面拜宾之赞冠者赞冠者答拜讫见诸尊於别室宾主既释服改席讫宾与衆宾俱出次立於门西东面主人出门东西面主人揖宾宾报揖主人先入宾及衆宾从之至阶一让升各就坐後立定俱坐会讫宾主俱兴宾立於西阶上东向主人立於东阶上西向衆宾降立於西阶下东面掌事者以币筐升授主人於序端宾北面再拜主人进立於楹间南面宾进立於主人之右俱南面宾受筐退复东面位主人还阼阶上北面拜送宾降自西阶从者迓受币宾出主人送宾於大门外之东西面再拜宾退主人入孤子则诸父诸兄戒宾冠之日主人髻而迎宾拜揖让如冠主冠醮礼宾拜送皆如上仪明日见祖祢於正寝冠者公服【庶人则常服】质明设几筵於正寝赞礼者引入至庭北面再拜讫引出【有庙者见於庙】五品以上孙九品以上子冠假用出身品服其三品以上大功以上亲五品以上朞以上亲冠同八品九品服

卷一百二十三

钦定四库全书

大唐开元礼卷一百二十三 唐 萧嵩等 撰嘉礼

三品以上婚

纳采 问名

纳吉 纳徵

请期 亲迎

见舅姑 盥馈

婚会 妇人礼会

飨丈夫送者 飨妇人送者

纳采

婚礼先使媒氏通书女氏许之乃致纳采之礼前一日主人设宾次於大门外道右南向其後纳吉纳徵请期亲迎设次皆如之其日大昕使者至女氏大门外掌次者延入次主人公服受其礼於庙【无庙者於正寝】掌事者布神席於室户外之西右几使者公服出次立於大门外之西东面主人立於东阶下西面傧者立於主人之左北面受命出立於门东西面曰敢请事宾曰吾子有命赐室某也【吾子女父某婿名】某有先人之礼使某也请纳采【上某婿父名下某使者称】傧者入告主人曰某之子蠢愚又弗教吾子命之某不敢辞傧者出告掌畜者以鴈授宾退立於後宾左手执之主人迎於大门外之东西面再拜宾不答拜主人揖宾以入宾从入主人入门而右宾入门而左至於次门主人又揖入至内溜将曲揖当阶主人曰请吾子升宾曰某敢辞主人曰固请吾子升宾曰某敢固辞主人曰终请吾子升宾曰某敢终辞主人升东阶当阿【阿棟也】西面宾升西阶当阿东面宾曰敢纳采主人阼阶上北面再拜进立於楹间南面宾进立於主人之西俱南面宾授鴈降自西阶以出

问名

纳采礼毕宾既降立於内门外之西东面初宾降主人还阼阶东左右受鴈於序端主人降立於阼阶下西面傧者进受命出请事宾曰某既受命请加诸卜敢请女为谁氏傧者入告主人曰吾子有命且以备数而择之某不敢辞傧者出告掌畜者以鴈授宾退立於後主人迎於

内门外之东西面揖宾以入主人入门而右宾入门而左二揖至阶三让如初主人升阼阶当阿西面宾升西阶当阿东面曰敢问名主人於阼阶上北面再拜进立於楹间南面宾进立於主人之西俱南面宾授雁还立西阶上东面主人还阼阶上西面曰某第某女某氏出宾出立於内门外之西东面主人退立於阼阶东左右受雁於序端主人降立於阼阶下西面傧者进受命出请事宾曰礼毕傧者入告主人曰吾子为事故至於某之室某有先人之礼请礼从者傧者出告宾曰某既得将事敢辞傧者入告主人曰先人之礼敢固以请傧者出告宾曰某辞不得命敢不从傧者入告主人升立於序端掌事者彻几改筵【莞筵纷纯加藻席纁纯一品二品雕几三品彤几主人设神席亦准此】设酺醴於东房内西牖下加勺冪玷在樽北实觶一角栖一加冪筴豆在玷北实脯醢设洗於东房近北盥水在洗西筐在洗东北肆设讌主人降迎宾於内门外之东西面主人揖宾报揖主人入宾从入二揖至阶三让如初升主人於阼阶上北面再拜宾於西阶上北面荅拜主人受几於序端掌事者内拂几三奉两端西北向进主人东南向外拂几三振袂内执之进西北向使者迎受於筵前东南向以俟主人还阼阶上北面拜送宾以几避北面坐设於坐左兴退於西阶上北面荅拜立於西阶东面赞者盥手洗觶酌醴加栖於觶覆之面叶出房南面立主人受醴面柄进筵前北面立宾西阶上北面一拜进筵前东南面受醴复西阶上位主人还阼阶上北面一拜送赞者荐脯醢於筵前宾进升筵坐左执觶右取脯擣於醢祭於筴豆之间以栖祭醴三始扱一祭又极再祭兴以栖兼诸觶上躐降筵於西阶上北面坐啐醴建栖奠觶遂拜执觶兴主人荅拜宾进升筵坐奠觶於筴之东宾退立於西阶上东面掌事者奉筐币升自东阶主人受於序端进西面立宾西阶北面再拜主人进楹间南面立宾进立於主人之西俱南面主人以币筐授宾宾受退立於西阶上东面主人还东阶上北面拜送宾降自西阶从者迓受币宾出大门外之西东面立主人降出门东西面拜送宾退主人入立於东阶下西面傧者告於主人曰宾不顾矣主人乃还於寝於使者归主人【壻之父】公服立於阼阶下西面使者入告立於主人之左北面曰某既得将事敢告主人曰闻命使者退主人入【以下复命准此】

纳吉

其日大昕使者至女氏大门外掌次者延入次掌事者设几筵如初使者出次立於主人大门外之西东面主人立於阼阶下西面傧者进受命出请事宾曰吾子有贗命某加诸卜占曰吉使某也敢告【某壻父名使某使者名】傧者入告主人曰某之子不教唯恐弗堪吾子有吉某预在焉某不敢辞傧者出告掌畜者以鴈授使者退立於後主人迎拜如常主人揖宾以入宾从入主人入门而右宾入门而左至於次门主人揖入二揖至阶三让如初主人升阼阶上西面宾升西阶上东面曰敢纳吉主人北面再拜进立於楹间南面宾进立於主人之西俱南面宾授鴈降自西阶出立於次门外之西东面初使者降主人还阼阶东左右受鴈於序端主人降立於阼阶下西面傧者进受命出请事使者曰礼毕其礼宾如问名之仪

纳徵

其日大昕宾至女氏大门外掌事者延就次宾之掌事者入布幕於主人次门之外玄纁束陈於幕上乘马陈於幕南北首西上主人掌事者设几筵如初【其玄纁束玄三疋纁二疋合

束之】陈设讫使者出次立於主人大门外之西东面主人於阼阶下西面宾者进受命出请事宾曰吾子有嘉命贶室某也某有先人之礼束帛乘马使某也请纳徵宾者入告主人曰吾子顺先典贶某以重礼某敢不承命宾者出告主人迎拜如常主人揖宾以入宾从入主人入门而右宾入门而左至次门主人立於门东西面宾立接西塾东面掌事者坐取玄纁兴以授宾宾执主人揖宾以入执马者从入陈於庭三分庭一在南北首西上主人二揖至阶三让如初主人升阼阶当阿西面宾升西阶当阿东面曰敢纳徵主人於阼阶上北面再拜进立於楹间南面宾进立於主人之西南面授束帛受马者自右受之以东宾之执马者自前西而出宾初授束帛降出次门外之西东面主人还阼阶东左右受束帛於序端主人降立於阶下西面宾者进受命出请事宾曰礼毕其礼宾如问名之仪

请期

其日大昕使者至於女氏大门外掌事者延入次又掌事者设几筵如初使者出次立於主人大门外之西东面主人立於阼阶下西面宾者进受命出请事宾曰吾子有赐某既申受命惟是三族之不虞使某也请吉日宾者入告主人曰既受前命矣惟命是听宾者出告宾曰某聽命於吾子【某壻父名】宾者入告主人曰某固唯命是聽宾者出告宾曰某使某受命於吾子吾子不许某敢不告期日曰某【某吉日之甲乙】宾者入主人曰某敢不敬须宾者出告掌畜者以鴈授使者退立於後主人迎拜如常主人揖宾以入宾从入主人入门而右宾入门而左二揖至阶三让而升主人升阼阶当阿西面宾升西阶当阿东面曰敢告期主人阼阶上北面再拜进立於楹间南面宾进立於主人之西俱南面宾授鴈降出立於次门外之西东面主人还阼阶东左右受鴈於序端主人降立於阼阶下西面宾者进受命出请事宾曰礼毕其礼宾如纳徵之仪

亲迎

其日大昕婿之父女之父各服其服告於祢庙【以酒脯告之一献无庙者告於正寝】将行父醯子於正寝赞者布席於东序西向又设席於户牖之间南向父公服坐於东序西向子服其上服【一品衮冕二品毳冕三品毳冕四品綉冕五品玄冕六品爵弁庶人绛公服】升自西阶进立於席西南向赞者酌酒进北面以授子子再拜受爵赞者荐脯醢於席前【脯醢出自房】子升席跪左执爵右取脯擣於醢祭於笾豆之间右祭酒执爵兴降席西南面跪卒爵奠爵再拜兴赞者受虚爵还樽所子进立於父席前东面父命之曰往迎尔相承我宗事勗率以敬先妣之嗣若则有常【庶子但云往迎尔相勗率以敬】子再拜曰不敢忘命又再拜降出初昏设洗於阼阶东南东西当东溜南北以堂深疊水在洗东加勺冪筐在洗西南肆实爵二巾二加冪设妇洗於东房近北疊水在洗西加勺冪筐在洗东北肆实以巾加冪陈饌於东房内西牖下【牲用少牢及腊三俎二簋二簠二登豆数一品十六二品十四三品十工】壻及妇共牢妇之簋簠及豆登之数各视其夫【牲体皆节折簋实稷黍簠实稻粱登实以羹豆实醢酱醢菹之类】簋簠豆登加盖俎加冪樽於室中北墉下玄酒在西加冪勺面柄又设樽於房户外之东加勺冪无玄酒筐在南实四爵二盃加冪【夫妇酌於内樽四爵两盃凡六夫妇各三醕】主人乘革辂备仪仗从者公服乘车以从妇车及从车各准其夫至於妇氏大

门外掌次者延入次赞者布席於室户外之西西上右几又布席於户内南向设醴樽於房户内东壁下加勺冪站在北实觶一角栖一於站【口力】冪筵一豆一又在站北女各准其夫服花钗翟衣【一品花钗九树翟九等二品花钗八树翟八等三品花钗七树翟七等】入於房即席南向立姆服礼衣在其右女从者在其後父公服升自东阶立於房外之东西面内赞者以觶酌醴加栖覆之面柄进女席前北面女降席西南面再拜受觶内赞者荐脯醢於席前女升席跪左执觶右取脯濡於醢祭於筵豆之间遂以栖祭醴三始扱一祭又极再祭兴筵末跪啐醴建栖奠觶於豆东降席西再拜讫升席南面立内赞者彻荐觶主人降立於东阶东南西面宾出次立於门西东面【宾壻也】宾者进受命出立於门东西面曰敢请事宾曰吾子有命以兹初婚某父使某将请承命候者入告主人曰某固敬具以须主人迎宾於大门外之东西面再拜宾答拜主人揖宾宾报揖主人入宾执鴈从入至於寝门主人又揖入至内溜将曲揖当阶揖至阶主人曰请吾子升宾曰某敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶西面立宾升自西阶进当房户北面跪奠鴈兴再拜降出主人不降送於宾入门母出立於房户之西南面於宾拜讫姆导女出於母左父少进西面戒之必有正焉若衣若笄命之曰戒之敬之夙夜无违命母戒於西阶上施衿结帨戒之曰勉之敬之夙夜无违【帨佩巾】庶母及门内施鞶申之以父母之命命之曰敬恭听宗父母之言夙夜无愆视诸衿鞶【鞶鞶囊妇人鞶丝所以盛帨巾之属也】女出至车壻授绥姆辞曰未教不足与为礼妇乘以几加幃壻驭轮三周驭者代之主人使其属送之壻出乘车先妇车从而行於门外下车以俟妇至降车北面立壻南面揖妇以入及寝门又揖以入赞者彻樽冪酌玄酒三注於樽女从者布席於奥东向【西南隅谓之奥若室内窄则席於堂上楹间东向设樽於室户东】主人导妇升自西阶入於室即席东面立妇人立於樽西南面壻盥於南洗女从者沃之妇盥於北洗壻从者沃之赞者以饌入设酱於席前菹醢在其北俎三入设於豆东腊特於俎北赞者设黍於酱东稷稻粱在东设清於酱南设对酱於东【对酱妇酱也设之当特俎】菹醢在其南北上设黍於腊北其西稷稻粱设清於酱北赞啓会?於簠簋南对簠簋於北【啓发也】皆加匕箸壻从者布对席於饌东赞者西面告饌具主人揖妇即对席西面皆坐赞者皆授匕箸各以菹濡於醢皆祭於豆间又皆祭黍赞者各取肺絶末以授皆祭赞者以肺加之俎【凡祭与食皆赞者赞之】赞者各移黍置於席上授肺脊食以清酱三饭卒食赞者二人俱洗爵於房酌於室内之樽诣户西北面以醕主人主人及妇皆兴再拜受爵赞者北面答拜主人及妇皆坐祭酒赞者以肝从皆奠爵取肝振祭哂之赞者皆受实於俎豆各取爵皆饮讫执爵兴赞者受爵主人及妇皆再拜赞者以爵复於站又以爵酌再醕主人及妇仍立受爵坐饮卒爵皆兴赞者受爵复於站三醕用盥如再醕主人及妇立於席後赞者皆降东阶洗爵升酌於户外樽入户北面跪奠爵兴再拜皆坐取爵祭遂饮卒爵奠爵遂拜执爵兴夫妇答拜降奠爵於筐主人出脱衣服於房妇退立樽南西面位赞者彻饌设於东房如初妇脱服於室衽於奥北趾【衽卧席】主人入烛出妇从者餽夫之余夫从者餽妇之余赞者酌户外樽醕之女从者待於户外呼则闻

见舅姑

质明赞者见妇於舅姑立於寝门外赞者布舅席於东序西向布姑席於房户外之西南向舅姑俱即席坐妇执笄枣栗【笄竹器玄表纁里】自门外入升自西阶东面再拜进跪奠於

舅席前舅抚之赞者进彻以东妇退复东面位又再拜降自西阶受笄暇修【暇修妇从者执俟於阶下】升进北面再拜进跪奠於姑席前姑举之内赞者受以东妇退复北面位又再拜赞设妇席於室户西南面【在姑之席西少北】侧樽甌醴於户内东壁下加勺冪筴豆各一实以脯醢在樽北设洗於东房近北盥水在洗西筐在洗东北肆【筐实以觶巾角各一加冪】妇立於席西南面内赞者盥手洗觶酌醴加栖面柄出房诣妇席前北面立妇进东面拜受退复位内赞者西阶上北面拜送内赞者荐脯醢於席前妇升席坐左执觶右取脯濡於醢祭於筴豆之间以栖祭醴三始扱一祭又极再祭加栖於觶面叶兴降席西东面坐啐醴建栖兴拜内赞者答拜妇进升席跪奠觶於豆东取脯降自西阶以出授妇氏从人於寝门外

盥馈

舅姑入於室妇盥馈赞者布席於室之奥舅姑共席坐俱东面南上赞者设樽於室内北牖下饌於房内西墉下其饌如同牢【牲体皆节折左载之於舅俎右载之於姑俎也】妇入升自西阶入房以酱进设於舅姑席前其他饌从者设之皆加匕箸俱以南为上俎入各设於豆东讫赞者各授箸舅姑各以菹濡於酱祭於筴豆之间又祭饭讫乃食三饭卒食妇入於房盥手洗爵入室酌酒酹舅进奠爵於舅席前少东西面再拜舅取爵祭酒饮之妇受爵出户入房奠於筐又盥手洗爵酌酒酹姑如酹舅之礼设妇席於室内北牖下樽东南面妇彻饌设於席前如初西上【妇亲彻醬设之其他从者设之】妇进西面再拜退升席南向坐将餽舅命易醬内赞者易之妇乃餽姑饌妇祭内赞者助之既祭乃食三饭卒食内赞者洗爵酌醢酹妇降席西面再拜受爵升席坐祭饮讫执爵兴降席东南面立内赞者受爵奠於坫妇进西面再拜

舅姑先降自西阶妇降自阼阶【凡席子妇舅姑不降而妇降自】

【西阶以出】

婚会

其日主人至於宾大门外之西东面立宾立阼阶下西面傒者进於宾之左北面受命出立於大门外之东西面曰敢请事主人曰某有嘉礼请某子有顾傒者入告遂引宾出大门外之东西面再拜主人答拜主人曰某有嘉礼请吾子有顾宾曰敢辞主人曰敢固请宾曰辞不得命敢不从主人拜宾答拜主人还宾遂与诸亲从之赞者预铺宾席於堂上楹间近北南面设宾之宗室席位於宾席西南宾之异姓席位於宗室之南又於西阶下设异姓席位皆重行东面以北为上设主人席位於阼阶上西面设主人宗室席位於主人东北设异姓席位於宗室之北皆重行西面以南为上又设主人异姓席位於东阶下重行西向以北为上宾至立於主人大门外之西东面宾之宗室立於宾西南异姓立於宗室之南俱重行东面以北为上傒者引主人出立於大门外之东西面主人诸亲立於大门外之东重行西面以南为上立定主人西面再拜宾东面答拜主人揖宾宾报揖傒引主人又傒者引宾以入诸亲以次从入至内门主人诸亲以次从入加常至阶主人揖宾宾报揖宾主及诸亲以次升各立於席後其庭前者

亦如之立定宾主及诸亲俱坐执爵者酌酒升自东阶酒升堂宾主及诸亲皆起执爵者以酒授主人傧者引主人进诣宾席前西北面立宾自席西进东南向受爵傧者引主人退复位宾还席後宾主及诸亲俱坐执爵者又以酒授主人及宾主诸亲宾主俱祭而饮诸亲不祭而饮爵行一周食升堂宾主及诸亲皆起掌食者以醢酱豆授主人傧者引主人进设於宾席前宾曰请吾子无辱主人曰不敢忘礼傧者引主人复位执饌者以笾豆簋簠俎鉶设於宾主席前又加以匕箸执饌者以次设食讫宾主皆祭而食诸亲不祭而食於宾祭主人曰疏食不足祭宾主俱食三饭而止主人曰请吾子食宾更饭会毕遂进庶羞觴行如常食毕宾主及诸亲俱兴傧者各引宾主以下降出宾主及宾之诸亲皆复门外位主人诸亲复门内位主人再拜送宾退傧者引主人入

妇人礼会

女宾乘车入至下车所内傧者引入主人迎送於阁内相称之辞各准其夫余如丈夫之礼

飨丈夫送者

其日掌事者铺宾席於堂下楹间近北南向又铺主人席於阼阶上西向又设衆宾之席於宾西南设从者席位於西阶下重行东向北上傧者引宾以下立於主人门外之西俱重行东面以北为上立定傧者引主人出立於门东西面主人揖宾宾报揖傧者各引宾主以下入至阶主人揖宾宾报揖宾主以下俱升立於席後立定宾主以下俱坐遂进酒设食如婚会之仪会毕宾主以下俱兴傧者引宾立於西阶上东面主人掌事者奉束帛之筐升以授主人主人执筐西面立宾西阶上北面再拜主人进立於楹间南面宾进立於主人之西俱南面主人以筐币授宾宾受退立於西阶上东面主人还东阶上北面再拜送傧者引宾以下降自西阶从者迓受币在庭者以次出复门外位傧者引主人降自东阶出门东西面拜送宾退主人入

飨妇人送者

内傧者引宾升主人迎送於阁内相称之辞各准其夫酬以束帛如丈夫之礼

大唐开元礼卷一百二十三

卷一百二十四

钦定四库全书

大唐开元礼卷一百二十四 唐 萧嵩等 撰嘉礼

四品五品婚

纳采 问名

纳吉 纳徵

请期 亲迎

见舅姑 盥馈

婚会 妇人礼会

飧丈夫送者 飧妇人送者

纳采

婚礼先使媒氏通书女氏许之乃致纳采之礼前一日主人设宾次於大门外道右南向以
後纳吉纳徵请期亲迎设次皆如之其日大昕使者至女氏大门外掌次者延入次主人公服
受其礼於庙【无庙者於正寝】掌事者布神席於室户外之西右几使者公服出次立於大
门外之西东面主人立於东阶下西面傧者立於主人之左北面受命出立於门东西面曰敢
请事宾曰吾子有命贶室某也【吾子女父某壻名】某有先人之礼使某也请纳采【上某
壻父名下某使者称】傧者入告主人曰某之子蠢愚又弗教吾子命之某不敢辞傧者出告
掌畜者以鴈授宾退立於後宾左手执之主人迎於大门外之东西面再拜宾不答拜主人揖
宾以入宾从入主人入门而右宾入门而左至於次门主人又揖入至内溜将曲揖当阶揖至
阶主人曰请吾子升宾曰某敢辞主人曰固请吾子升宾曰某敢固辞主人曰终请吾子升宾
曰某敢终辞主人升东阶当阿【阿栋也】西面宾升西阶当阿东面宾曰敢纳采主人阼阶
下北面再拜进立楹间南面宾进立於主人之西俱南面宾授鴈降自西阶以出

问名

纳采礼毕宾既降立於内门外之西东面初宾降主人还阼阶东左右受鴈於序端主人降
立於阼阶下西面傧者进受命出请事宾曰某既受命将加诸卜敢请女为谁氏傧者入告主
人曰吾子有命且以备数而择之某不敢辞傧者出告掌畜者以鴈授宾退立於後主人迎於

内门外之东西面揖宾以入主人入门而右宾入门而左二揖至阶三让如初主人升阼阶当阿西面宾升西阶当阿东面曰敢问名主人於阼阶上北面再拜进立於楹间南面宾进立於主人之西俱南面宾授鴈还立西阶上东面主人还阼阶上西面曰某第某女某氏出宾出立於内门外之西东面主人退立於阼阶东左右受鴈於序端主人降立於阼阶下西面傒者进受命出请事宾曰礼毕傒者入告主人曰吾子为事故至於某之室某有先人之礼请礼从者傒者出告宾曰某既得将事敢辞傒者入告主人曰先人之礼敢固以请傒者出告宾曰某辞不得命敢不从傒者入告主人升立於序端掌事者彻几改筵东上【蒲筵缁布纯加萑席玄帛纯漆几主人设神席亦准此】设饔饔於东房内西墉下加勺冪筐在樽北实觶一角枲一加冪筴豆在筐北实脯醢设洗於东房近北盥水在洗西筐在洗东北肆设讌主人降迎宾於内门外之东西面主人揖宾宾报揖主人入宾从入二揖至阶三让如初升主人於阼阶上北面再拜宾於西阶上北面答拜主人受几於序端掌事者内拂几三奉两端西北向进主人东南向外拂几三振袂内执之进西北向使者迎受於筵前东南向以俟主人还阼阶上北面拜送宾以几避北面坐设於坐左兴退於西阶上北面答拜立於西阶东面赞者盥手洗觶酌醴加枲於觶覆之面叶出房南面立主人受醴面柄进筵前北面立宾西阶上北面一拜进筵前东南面受醴复西阶上位主人还阼阶上北面一拜送赞者荐脯醢於筵前宾进升筵坐左执觶右执脯濡於醢祭於筴豆之间以枲祭醴三始扱一祭又极再祭兴以枲兼诸觶上躐降筵於西阶上北面坐啐醴建枲奠觶遂拜执觶兴主人答拜宾进升筵坐奠觶於筴豆之东宾退立於西阶上东面掌事者奉筐币升自东阶主人受於序端进西面立宾西阶上北面再拜主人进楹间南面立宾进立於主人之西俱南面主人以币筐授宾宾受退立於西阶上东面主人还东阶上北面拜送宾降自西阶从者迓受币宾出大门外之西东面立主人降出门东西面拜送宾退主人入立於东阶下西面傒者告於主人曰宾不顾矣主人乃还於寝於使者归主人【壻之父】公服立於阼阶下西面使者入告立於主人之左北面曰某既得将事敢告主人曰闻命使者退主人入【以下复命准此】

纳吉

其日大昕使者至女氏大门外掌次者延入次掌事者设几筵如初使者出次立於主人大门外之西东面主人立於阼阶下西面傒者进受命出请事宾曰吾子有贍命某加诸卜占曰吉使某也敢告【某壻父名也使某使者名】傒者入告主人曰某之子不教唯恐不堪吾子有吉某预在焉某不敢辞傒者出告掌畜者以鴈授使者退立於後主人迎拜如常主人揖宾以入宾从入主人入门而右宾入门而左至於次门主人揖入二揖至阶三让如初主人升阼阶上西面宾升西阶上东面曰敢纳吉主人北面再拜进立於楹间南面傒者立於主人之西俱南面宾授鴈降自西阶出立於次门外之西东面初使者降主人还阼阶东左右受鴈於序端主人降立於阼阶下西面傒者进受命出请事使者曰礼毕其礼宾如问名之仪

纳徵

其日大昕宾至女氏大门外掌事者延就次宾之掌事者入布冪於主人次门之外玄纁束陈於冪上两马陈於冪南北首西上主人掌事者设几筵如初【其玄纁束玄三疋纁二疋合

束之】陈设讫使者出次立於主人大门外之西东面主人立於阼阶下西面宾者进受命出请事宾曰吾子有嘉命贶室某也有先人之礼束帛两马使某也请纳徵宾者入告主人曰吾子顺先典贶某以重礼某敢不承命宾者出告主人迎拜如常主人揖宾以入宾从入主人入门而右宾入门而左至次门主人立於门东西面宾立接西塾东面掌事者坐取玄纁兴以授宾宾执主人揖宾以入执马者从入陈於庭三分庭一在南北首西上主人二揖至阶三让如初主人升阼阶当阿西面宾升西阶当阿东面曰敢纳徵主人於阼阶上北面再拜进立於楹间南面宾进立於主人之西南面授束帛受马者自右受之以东宾之执马者自前而出宾初授束帛降出次门外之西东面主人还阼阶东左右受束帛於序端主人降立於阶下西面宾者进受命出请事宾曰礼毕其礼宾如问名之仪

请期

其日大昕使者至於女氏大门外掌事者延入次又掌事者设几筵如初使者出次立於主人大门外之西东面主人立於阼阶下西面宾者进受命出请事宾曰吾子有赐某既申受命惟是三族之不虞使某也请吉日宾者入告主人曰既前受命矣唯命是聽宾者出告宾曰某聽命於吾子【某壻父名】宾者入告主人曰某固唯命是聽宾者出告宾曰某使某受命於吾子吾子不许某敢不告期曰某【某吉日之甲乙】宾者入告主人曰某敢不敬须宾者出告掌畜者以鴈授使者退立於後主人迎拜如常主人揖宾以入宾从入主人入门而右宾入门而左二揖至阶三让如初主人升阼阶当阿西面宾升西阶当阿东面曰敢告期主人阼阶上北面再拜进立於楹间南面宾进立於主人之西俱南面宾授鴈降出立於次门外之西东面主人还阼阶东左右受鴈於序端主人立於阼阶下西面宾者进受命出请事宾曰礼毕其礼宾如纳徵之仪

亲迎

其日大昕壻之父女之父各服其服告於祢庙【以酒脯告之一献无庙者告於正寝】将行父醢子於正寝赞者布席於东序西向又设席於户牖之间南向父公服坐於东序西向子服其上服【四品綉冕五品玄冕】升自西阶进立於席西南向赞者酌酒进北面以授子子再拜受爵赞者荐脯醢於席前【脯醢出自房】子升席跪左执爵右取脯擣於醢祭於笾豆之间右祭酒执爵兴降席西南面跪卒爵奠爵再拜执爵兴赞者受虚爵还樽所子进立於父席前东面父命之曰往迎尔相承我宗事勗率以敬先妣之嗣若则有常【庶子但云往迎尔相勗率以敬】子再拜曰不敢忘命又再拜降出初昏设洗於阼阶东南东西当东溜南北以堂深罍水在洗东加勺冪筐在洗西南肆实爵二巾二加冪设妇洗於东房近北罍水在洗西加勺冪筐在洗东北肆实以巾加冪陈饌於东房内西墉下【牲用少牢及腊三俎二簠二簋二登其豆数四品十五品八】壻及妇共牢妇之簠簋豆登之数各视其夫【牲体皆节折簠实稷黍簋实稻粱登实以羹二豆实醢酱醢菹之类】簠簋豆登加盖俎加冪樽於室中北墉下玄酒在西加勺冪南柄又设樽於房外之东加勺冪无玄酒筐在南实四爵二盃加冪【天妇酌於内樽四爵两盃几六夫妇各三醕】主人乘木辂备仪仗【主人谓壻五品非京官职事者乘青通轆轳车】从者公服乘车妇车及从车各准其夫至於妇氏大门外掌次者延入

次赞者布席於室户外之西西上右几又布席於房户内南向设醴樽於房内东壁下加勺冪筐在北实觶一角栖一於筐加冪筴一豆一又在筐北女各准其夫服花钗翟衣【四品花钗六树翟六等五品花钗五树翟五等】入於房即席南向立姆服礼衣在其右女从者在其後父公服升自东阶立於房内之东西面内赞者以觶酌醴加栖覆之面柄进女席前北面女降席西南面再拜受觶内赞者荐脯醢於席前女升席跪左执觶右取脯濡於醢祭於筴豆之间遂以栖祭醴三始扱一祭又极再祭兴筴末跪啐醴建栖奠觶於豆东降席西再拜讫升席南面立内赞者彻荐觶主人降立於东阶南面宾出次立於门西东面【宾壻也】俟者进受命出立於门东西面曰敢请事宾曰吾子有命以兹初婚某父使某将请承命俟者入告主人曰某固敬具以须主人迎宾於大门外之东西面再拜宾答拜主人揖宾宾报揖主人入宾执鴈从入至於寝门主人又揖入至内溜将曲揖当阶揖至阶主人曰请吾子升宾曰某敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶西面立宾升自西阶进当房户北面跪奠鴈兴再拜降出主人不降送於宾入门母出立於房户之西南面於宾拜讫姆导女於母左父少进西面戒之必有正焉若衣若笄命之曰戒之敬之夙夜无违命母戒於西阶上施衿结帨戒之曰勉之敬之夙夜无违【帨佩巾】庶母及门内施鞶申之以父母之命命之曰敬恭聽宗父母之言夙夜无愆视诸衿鞶【鞶鞶囊妇人鞶丝所以盛帨巾之属】女出至车壻授绥姆辞曰未教不足与为礼妇乘以几加幃壻驭轮三周驭者代之主人使其属送之壻出乘车先妇车从而行至於门外下车以俟妇至降车北面立壻南面揖妇以入及寝门又揖以入赞者彻樽冪酌玄酒三注於樽女从者布席於奥东向【西南隅谓之奥若室内窄则席於堂上楹间东向设樽於室户东也】主人导妇升自西阶入室即席东面立妇入立於樽西南面壻盥於南洗女从者沃之妇盥於北洗婿从者泼之赞者以饌入设酱於席前菹醢在其北俎三入设於豆东腊特於俎北赞者设黍於酱东稷稻粱在东设滹於酱南设对酱於东【对酱妇酱也设之当特俎】菹醢在其南北上设黍於腊北其西稷稻粱设滹於酱北赞啓会郗於簠簋南对簠簋於北【啓发也】皆加匕箸壻从者布对席於饌东赞者西面告饌具主人揖妇妇即对席西面皆坐赞授匕箸各以菹濡於醢皆祭於豆间又皆祭黍赞者各取肺絶末以授皆祭赞者以肺加於俎【凡祭与食皆赞者赞之】赞者皆移黍置於席上授肺脊皆食以滹酱三饭卒食赞者二人俱洗爵於房酌於内室之樽诣户西北面以醑主人及妇皆兴拜受爵赞者北面答拜主人及妇皆坐祭酒赞者以肝从皆奠爵取肝振祭哂之赞者皆受实於且豆各取爵饮讫执爵兴赞者受爵主人及妇皆再拜赞者以爵复於筐又以爵酌酒再醑主人及妇仍立受爵坐饮卒爵皆兴赞者受爵复於筐三醑用盃如再醑主人及妇立於席後赞者皆降东阶洗爵升酌於户外樽入户西北面俱奠爵兴再拜皆坐取爵遂饮祭卒爵遂拜执爵兴夫妇答拜降奠爵於筐主人出脱服於房退立樽西南面位赞者彻饌设於东房如初妇脱服於室衽於奥北趾【衽卧席】主人入烛出妇从者餽夫之余夫从者餽妇之余赞者酌户外樽醑之女从者侍於户外呼则闻

见舅姑

质明赞者见妇於舅姑立於寝门外赞者布舅席於东序西向布姑席於房户外之西南向舅姑俱即席坐妇执笄枣栗【笄竹器玄表纁里】自门外入升自西阶东面再拜进跪奠於席前舅抚之赞者彻以东妇退复东面位又再拜降自西阶受笄馐修【馐修妇从者执俟於

阶下】升进北面再拜进跪奠於姑席前姑举之内赞者受以东妇退复北面位又再拜赞设妇席於室户西南面【在姑席之西少北】侧樽甌醴於房内东壁下加勺冪筴豆各一实以脯醢在樽北设洗於东房近北罍水在洗西筐在洗东北肆【筐实以巾觶角栖各一加冪】妇立於席西南面内赞者盥手洗觶酌醴加栖面柄出房诣妇席前北面立妇进东面拜受退复位内赞者西阶上北面拜送内赞者荐脯醢於席前妇升席坐左执觶右取脯濡於醢祭於筴豆之间以栖祭醴三始扱一祭又极再祭加栖於觶面叶兴降席西面坐啐醴建栖兴拜内赞者答拜妇进升席跪奠觶於豆东取脯降以出授妇氏从人於寝门外

盥馈

舅姑入於室妇盥馈赞者布席於室之奥舅姑於席坐俱东面南上赞者设樽於室内北墉下馔於房内西墉下其馔如同牢【牲体皆节折左载之於舅俎右载之於姑俎也】妇入升自西阶入房以酱进设於舅姑席前其他馔从者设之皆加匕箸俱以南为上俎入各设於豆东讫赞者各授箸舅姑各以韭菹濡於酱祭於筴豆之间又祭饭讫乃食三饭卒食妇入於房盥手洗爵入室酌酒醑舅进奠爵於舅席前少东西面再拜舅取爵祭酒饮之妇受爵出户入房奠於筐又盥手洗爵酌酒醑姑如醑舅之礼设妇席於室内北墉下樽东南面妇彻馔设於席前如初西上【妇亲彻酱设之其他从者设之】妇进西面再拜退升席南向坐将餽舅命易酱内赞者易之妇乃餽姑馔妇祭内赞者助之既祭乃食三饭卒食内赞者洗爵酌酒醑妇降席西面再拜受爵升席坐祭酒饮讫执爵兴降席东南面立内赞者受爵奠於筐妇进西面再拜舅姑先降自西阶妇降自阼阶【凡庶子妇舅姑不降而妇降自西阶以出】

婚会

其日主人至於宾大门外之西东面立宾立於阼阶下西面宾者进於宾之左北面受命出立於大门外之东西面曰敢请事主人曰某有嘉礼请吾子有顾宾者入告遂引宾出大门外之东西面再拜主人答拜主人曰某有嘉礼请吾子有顾宾曰敢辞主人曰敢固请宾曰辞不得命敢不从主人拜宾答拜主人还宾遂与诸亲从之赞者预铺宾席於堂上楹间近北南向设宾之宗室席位於宾席西南宾之异姓席位於宗室之南又於西阶下设异姓之席位皆重行东向以北为上设主人席位於阼阶上西面设主人宗室席位於主人东北设异姓席位於宗室之北皆重行西面以南为上又设主人异姓席位於东阶下重行西向以北为上宾至立於主人大门外之西东面宾之宗室立於宾西南异姓立於宗室之南俱重行东面以北为上宾者引主人出立於大门外之西东面主人诸亲立於大门内之东重行西面以南为上立定主人西面再拜宾东面答拜主人揖宾宾报揖宾引主人又宾者引宾以入诸亲以次从入至内门主人诸亲以次从入如常至阶主人揖宾宾报揖宾主及诸亲以次升各如常立於席後庭前者亦如之立定宾主及诸亲俱坐执爵者酌酒升自东阶酒升堂宾主及诸亲皆起执爵者以酒授主人宾者引主人进诣宾席前西北面立宾自席西进东南向受爵宾者引主人退复位宾还席後宾主及诸亲俱坐执爵者又以酒授主人及宾主诸亲宾主俱祭而饮诸亲不祭而饮爵行一周食升堂宾主及诸亲皆起掌食者以醢酱豆授主人进席设於宾席前宾曰请吾子无辱主人曰不敢忘礼宾者引主人复位执馔者以筴豆簠簋俎鉶设於宾主席前又

加以匕箸执饌者以次设食讫宾主皆祭而食诸亲不祭而食於宾祭主人辞曰疏食不足祭宾食三饭而止主人曰请吾子食宾更饭食毕遂进庶羞觴行如常会毕宾主及诸亲俱兴俟者各引宾主以下降出宾主及宾之诸亲皆复门外位主人诸亲复门内位主人再拜送宾退俟者引主人入

妇人礼会

女宾乘车入至下车所内赞者引入主人迎送於阁内相称之辞各准其夫余如丈夫之礼

飨丈夫送者

其日掌事者铺宾席於堂上楹间近北南面又铺主人席於阼阶上西向又设衆宾之席於宾西南设从者席位於西阶下重行东向北上俟者引宾以下立於主人门外之西俱重行东面以北为上立定俟者引主人立於门东西面主人揖宾宾报揖俟者各引宾主以下入至阶主人揖宾宾报揖宾主以下俱升立於席後立定宾主以下俱坐遂进酒设食如婚会仪会毕宾主以下俱兴俟者引宾立於西阶上东面主人掌事者奉束帛之筐升以授主人主人执筐西面立宾西阶上北面再拜主人进立於楹间南面宾进立於主人之西俱南面主人以筐币授宾宾受退立於西阶上东面主人还东阶上北面再拜送俟者引宾以下降自西阶从者迓受币在庭者以次出复门外位俟者引主人降自东阶出门东西面拜送宾退主人入

飨妇人送者

内俟者引宾升主人迎送於阁内相称之辞各准其夫酬以束帛如丈夫之礼

大唐开元礼卷一百二十四

卷一百二十五

钦定四库全书

大唐开元礼卷一百二十五 唐 萧嵩等 撰嘉礼

六品以下婚

纳采 问名

纳吉 纳徵

请期 亲迎

见舅姑 盥馈

婚会 妇人礼会

飧丈夫送者 飧妇人送者

纳采

婚礼先使媒氏通书女氏许之乃致纳采之礼前一日主人设宾次於大门外道右南向以
後纳吉纳徵请期亲迎设次皆如之其日大昕使者至女氏大门外掌次者延入次主人公服
受其礼於正寝【有庙者於庙】掌事者布神席於室户外之西右几使者公服【不合公服
者并常服】出次立於大门外之西东面主人立於东阶下西面傒者立於主人之左北面受
命出立於门东西面曰敢请事宾曰吾子有命贶室某也【吾子女父某壻名】某有先人之
礼使某也请纳采【上某壻父名下某使者称也】傒者入告主人曰某之子蠢愚又弗能教
吾子命之某不敢辞傒者出告掌畜者以鴈授宾退立於後左手执之主人迎於大门外之东
西面再拜宾不答拜主人揖宾以入宾从入主人入门而右宾入门而左至於次门主人又揖
入至内溜将曲揖至阶主人曰请吾子升宾曰某敢辞主人曰固请吾子升宾曰某敢固辞主
人曰终请吾子升宾曰某敢终辞主人升东阶当阿【阿栋也】西面宾升西阶当阿东面宾
曰敢纳采主人阼阶上北面再拜进立楹间南面宾进立於主人之西俱南面宾授鴈降自西
阶以出

问名

纳采礼毕宾既降立於内门外之西东面初宾降主人还阼阶东左右受鴈於序端主人降
立於阼阶下西面傒者进受命出请事宾曰某既受命将加诸卜敢请女为谁氏傒者入告主

人曰吾子有命且以备数而择之某不敢辞侯者出告掌畜者以鴈授宾退立於後主人迎於内门外之东西面揖宾以入主人入门而右宾入门而左二揖至阶三让如初主人升阼阶当阿西面宾升西阶当阿东面曰敢问名主人於阼阶上北面再拜进立於楹间南面宾进立於主人之西俱南面宾授鴈还立西阶上东面主人还阼阶上西面曰某第某女某氏出宾立於内门外之西东面主人退立於阼阶东左右受鴈於序端主人降立於阼阶下西面侯者进受命出请事宾曰礼毕宾者入告主人曰吾子为事故至於某之室某有先人之礼请礼从者侯者出告宾曰某既得将事敢辞侯者入告主人曰先人之礼敢固以请侯者出告宾曰某辞不得命敢不从侯者入告主人升立於序端掌事者彻几改筵东上【蒲筵缁布纯漆几主人设神席亦准此】设饔飧於东房内西墉下加勺冪筐在樽北实觶一角枲一加冪筴豆在筐北实脯醢设席於东房近北罍水在洗西筐在洗东北肆设讫主人降迎宾於内门外之东西面主人揖宾宾报揖主人入宾从入二揖至阶三让如初升主人於阼阶上北面再拜宾於西阶上北面答拜主人受几於序端掌事者内拂几三奉两端西北向进主人东南向外拂几三振袂内执之进西北向使者迎受於筵前东南向以俟主人还阼阶上北面拜送宾以几避北面坐设於坐左兴退於西阶上北面答拜立於阶西东面赞者盥手洗觶酌醴加枲於觶覆之面叶出房南面立主人受醴面柄进筵前西北面立宾於西阶上一拜进筵前东南面受醴复西阶位主人还阼阶上北面一拜送赞者荐脯醢於筵前宾进筵坐左执觶右取脯濡於醢祭於筴豆之间以枲祭醴三始扱一祭又扱再祭兴以枲兼诸觶上躐降筵於西阶北面坐啐醴建枲奠觶遂拜执觶兴主人答拜宾进升筵坐奠觶於筴豆之东宾退立於西阶上东面掌事者奉筐币升自东阶主人受於序端进西面立宾西阶上北面再拜主人进楹间南面立宾进立於主人之西俱南面主人以币筐授宾宾受退立於西阶东面主人还东阶上北面拜送宾降自西阶从者迓受币宾出大门外西东面立主人降出门东西面拜送宾退主人入立於东阶下西面侯者告於主人曰宾不顾矣主人乃还於寝於使者归主人【壻之父】公服立於阼阶下西面使者入告立於主人之左北面曰某既得将事敢告主人曰闻命使者退主人入【以下复命准此】

纳吉

其日大昕使者至女氏大门外掌事者延入次掌事者设几筵如初使者出次立於主人大门外之西东面主人立於阼阶下西面侯者进受命出请事宾曰吾子有命既命某加诸卜占吉使某也敢告【某壻父名也使某使者名也】侯者入告主人曰某之子不能教唯恐弗堪吾子有吉某预在焉某不敢辞侯者告掌畜者以鴈授使者退立於後主人迎拜如常主人揖宾以入宾从入主人入门而右宾入门而左至于次门主人揖入二揖至阶三让如初主人升阼阶上西面宾升西阶上东面曰敢纳吉主人北面再拜进立於楹间南面宾进立于主人之西俱南面宾授鴈降自西阶出立于次门之西阶东面初使出主人还阼阶东左右受鴈于序端主人降立於阼阶下西面侯者进受命出请事使者曰礼毕其礼宾如问名之仪

纳徵

其日大昕宾至女氏大门外掌事者延就次宾之掌事者入布冪於主人次门之外玄纁束

陈於冪上鹿皮二内摄之【毛在内】立於冪南北面西上主人掌事者设几筵如初【其玄纁束玄三疋纁二疋合束之其执皮内摄之手相向左手并执前足右手并执後足】陈设讫使者出次立於主人大门外之西东面主人立於阼阶下西面宾进受命出请事宾曰吾子有嘉命祝室某也某有先人之礼束帛俚皮使某也请纳徵侯者入告主人曰吾子顺先典祝某以重礼某敢不承命侯者入告主人迎拜如常主人揖宾以入宾从入主人入门而右宾入门而左至次门主人立於门东西面宾立接西塾东面掌事者坐取玄纁兴授宾宾执主人揖宾以入执束帛皮者从入陈於庭三分庭一在南北面西上主人二揖至阶三让如初主人升阼阶当阿西面宾升西阶当阿东面曰敢纳徵【执皮者释外足见文】主人於阼阶上北面再拜进立於楹间南面宾进立於主人之西俱南面授束帛受皮者自右受之以东宾之执皮者自前西而出宾初授束帛降出次门外之西东面主人还阼阶东左右受束帛於序端主人降立於阶下西面侯者进受命出请事宾曰礼毕其礼宾如问名之仪

请期

其日大昕使者至於女氏大门外掌事者延入次又掌事者设几筵如初使者出次立於主人大门外之西东面主人立於阼阶下西面侯者进受命出请事宾曰吾子有赐某既申受命惟是三族之不虞使某也请吉日侯者入告主人曰既前受命矣唯命是聽侯者出告宾曰某聽命於吾子【某壻父名】侯者入告主人曰某固唯命是聽侯者出告宾曰某使某受命於吾子吾子不许某敢不告期日曰某【某吉日之甲乙】侯者入告主人曰某敢不敬须侯者出告掌畜者以鴈授使者退立於後主人迎拜如常主人揖宾以入宾从入主人入门而右宾入门而左二揖至阶三让如初主人升阼阶当阿西面宾升西阶当阿东面曰敢告期主人阼阶上北面再拜进立於楹间南面宾进立於主人之西俱南面宾授鴈降出次门外之西东面主人还阼阶东左右受鴈於序端主人降立於阼阶下西面侯者进受命出请事宾曰礼毕其礼宾如纳徵之仪

亲迎

其日大昕壻之父女之父各服其服告於祢正寝【以酒脯告之一献有庙者告於庙】将行父醢子於正寝赞者布席於东序西向又设席於户牖之间南向父公服【庶人常服以下准此】坐於东序西向子服爵弁【庶人绦公服】升自西阶进立於席西南向赞者酌酒进北面以授子子再拜受赞者荐脯醢於席前【脯醢出自房】子升席跪左执爵右取脯擣於醢祭於笾豆之间右祭酒执爵兴降席西南面跪卒爵奠爵再拜执爵兴赞者受虚爵还樽所子进立於父席前东面父命之曰往迎尔相承我宗事勗率以敬先妣之嗣若则有常【庶子但云往迎尔相勗率以敬】子再拜曰不敢忘命又再拜出初昏设洗於阼阶东东西当东荣南北以堂深罍水在洗东加勺冪筐在洗西南肆实爵二巾二加冪设妇洗於东房近北罍水在洗西加勺冪筐在洗东北肆实以巾加冪陈饌於东房内西牖下【饌用特牲鱼腊三俎四簋一登六豆】壻及妇共牢妇之簋及豆登之数各视其夫【牲体皆节折簋实以黍稷登实以羹豆实醢酱醯醢之类】簋豆登皆加盖俎加冪樽於室中北牖下玄酒在西加勺冪南柄又设樽於户外之东加勺冪无玄酒筐在南实四爵二盞加冪【夫妇酌於内樽四爵两盞凡

六夫妇各三醕】主人乘青通幃犍车【主人谓壻也】从者公服乘车以从妇车及从车各准其夫至於妇氏大门外掌次者延入次赞者布席於室户外之西西上右几又布席於户外东壁下加勺冪筐在北实觶一角栖一於筐加冪筮豆一又在筐北女服花钗大袖之服【庶人服花钗连裳】入於房即席南向立姆在其右女从者在其後父公服升自阼阶立於房户外之东西面内赞者以觶酌醴加栖覆之面柄进女席前北面女降席西南面再拜受觶内赞者荐脯醢於席前女升席跪左执觶右取脯擣於醢祭於筮豆之间遂以栖祭醴三始扱一祭又扱再祭兴筵末跪啐醴建栖奠觶於豆东降席西再拜讫升席南向立内赞者彻荐觶主人降立於东阶南面宾出次立於门西东面【宾壻也】傒者进受命出立於门东西面曰敢请事宾曰吾子有命以兹初婚某父使某将请承命傒者入告主人曰某固敬具以须主人迎宾於大门外之东西面再拜宾答拜主人揖宾宾报揖执鴈从入至於寝门主人又揖入至内溜将曲揖当阶主人曰请吾子升宾曰某敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶西面立宾升自西阶进当房户北面跪奠鴈兴再拜降出主人不降送於宾入门母出立於房户外之西南面於宾拜讫姆导女出於母左父少进西面戒之必有正焉若衣若笄命之曰戒之敬之夙夜无违命母戒於西阶上施衿结帨戒之曰勉之敬之夙夜无违【帨佩巾】庶母及门内施鞶申之以父母之命之曰敬恭聽宗父母之言夙夜无愆视诸衿鞶【鞶鞶囊妇人鞶丝所以盛帨巾之属】女出至车壻授绥姆辞曰未教不足与为礼妇乘以几加景壻驭轮三周驭者代之主人使其属送之壻出乘车先妇车从而行至於门外下车以俟妇至降车北面立壻南面揖妇以入及寝门又揖以入赞者彻樽冪酌玄酒三注樽女从者布席於奥东面【西南隅谓之奥若室内窄则席於堂上楹间东向设樽於室户东】主人导妇升自西阶入於室即席东面妇入立於樽西南壻盥於南洗女从者沃之妇盥於北洗壻从者沃之赞者以饌入设酱於席前菹醢在其北俎三设於豆东腊特於俎北赞者设黍於酱东设清於酱南设对酱於东【对酱妇酱设之当特俎】菹醢在其南北上设黍於腊北其西稷设清於酱北赞啓会?於簋簠南对簋簠於北【啓发也】皆加匙箸壻从者布对席於饌东赞者西面告饌具主人揖妇即对席西面皆坐赞者授匕箸各以菹擣於醢皆祭於豆间又皆祭黍赞者各取肺絶末以授皆祭赞者以肺加於俎【凡祭与食皆赞者赞之】赞者皆移黍置於席上授肺脊皆食以清酱三饭卒食赞者二人俱洗盥於房酌於室内之樽诣户西北面以醕主人及妇皆兴再拜受爵赞者北面答拜主人及妇皆坐祭酒赞者以肝从皆奠爵取肝振祭哂之赞者皆受实於豆各取爵皆饮讫赞者受爵主人及妇皆拜赞者以爵复於筐又以爵酌酒再醕主人及妇仍立受爵坐饮卒爵皆兴赞者受爵复於筐三醕用盞如再醕主人及妇立於席後赞者皆降东阶洗爵升酌於户外樽入户西北面俱奠爵兴再拜皆坐取爵遂祭饮卒爵奠爵遂拜执爵兴夫妇答拜降奠爵於筐主人出脱服於房妇退立樽西南面位赞者彻饌设於东房如初妇脱服於室衽於奥北趾【衽卧席】主人入烛出妇从者餽夫之余夫从者餽妇之余赞者酌户外樽醕之女从者待於户外呼则闻

见舅姑

质明赞见妇於舅姑立於寝门外赞者布舅席於东序西向布姑席於房户之西南向舅姑俱即席坐妇执笄枣栗【笄竹器玄表纁里】自门外入升自西阶东面再拜遂跪奠於席前舅抚之赞者进彻以东妇退复东面位又再拜降自西阶受笄股修【股修妇从者执俟于阶

下】升进北面再拜进跪奠於姑席前姑举之内赞者受以东妇退复北面位又再拜赞设妇席於室户西南面【在姑席之西少北】侧樽甌醴於房内东壁下加勺冪筴豆各一实以脯醢在樽北设洗於东房近北盥水在洗东北肆【筐实以巾觶角栖各一加冪】妇立於席西南面赞者盥手洗觶酌醴加栖面柄出房诣妇席前北面立妇进东面拜受退复位内赞者西阶上北面拜送内赞者荐脯醢於妇席前妇升席坐左执觶右取脯擣於醢祭於筴豆之间以栖祭醴三始扱一祭又扱再祭加栖於觶面叶兴降席西东面坐啐醴建栖兴拜内赞者答拜妇进升席跪奠觶於豆东取脯降自西阶以出授妇氏从人於寝门外

盥馈

舅姑入於室妇盥馈赞者布席於室之奥舅姑共席坐俱东面南上赞者设樽於室内北墉下馐於房内西墉下其馐如同牢【牲体皆节折左载之於舅俎右载之於姑俎】妇入升自西阶入房以酱进设於舅姑席前其他馐从者设之加匙箸俱以南为上俎入各设於豆东讫赞者各授箸舅姑各以韭菹擣於酱祭於筴豆之间又祭饭讫乃食三饭卒食妇入於房盥手洗爵入室酌酒醕舅进奠爵於舅席前少东西面再拜舅取爵祭酒饮之妇受爵出户入房奠於筐又盥手洗爵酌酒醕姑如醕舅之礼设妇席於室内北墉下樽东南面妇撤馐设於席前如初西上【妇亲彻酱设之其他从者设之】妇进西面再拜退升席南向坐将馐舅命易醬内赞者易之妇乃馐姑馐妇祭内赞者食三饭卒食内赞者洗爵酌酒醕妇降席西面再拜受爵升席坐祭酒饮讫执爵兴降席东南面立内赞者受爵奠於筐妇进西面再拜受舅姑先降自西阶妇降自阼阶【凡庶子妇舅姑不降妇降自西阶以出】

婚会

其日主人至於宾大门外之西东面立宾立於阼阶下西面宾者进於宾之左北面受命出立於大门外之东西面曰敢请事主人曰某有嘉礼请吾子有顾宾者入告遂引宾出大门外之东西面再拜主人答拜主人曰某有嘉礼愿吾子有顾宾曰敢辞主人曰敢固请宾曰辞不得命敢不从主人还宾遂与诸亲从之赞者预铺宾席於堂上楹间近北南向设宾之宗室席位於宾席西南宾之异姓席位於宗室之南又於西阶下设异姓席位皆重行南向以北为上设主人席位於阼阶上西面设主人宗室位於主人东北设异姓席位於宗室之北皆重行西向以南为上又设主人异姓席於东阶下重行西向以北为上宾至立於主人大门外之西东面宾宗室立於宾之西南异姓立於宗室之南俱重行东面以北为上宾者引主人出立於大门外之东西面主人诸亲立於大门外之东重行西面以南为上立定主人西面再拜宾东面答拜主人揖宾宾报揖宾者引主人又宾者引宾以入诸亲以次从入至内门主人诸亲次从入如常至阶主人揖宾宾报揖宾主及诸亲以次升各立於席後其庭前者亦如之立定宾主及诸亲俱坐执爵者酌酒升自东阶酒升堂主及诸亲皆起执爵者以酒授主人宾者引主人进诣宾席前西北面立宾自席西进东南向受爵宾者引主人退复位宾还席後立主人及诸亲俱坐执爵者又以酒授主人及宾主诸亲宾主俱祭而饮诸亲不祭而饮爵行一周食升堂宾主及诸亲皆起掌食者以醢醬豆授主人宾者引主人进设於席前宾曰请吾子无辱主人曰不敢忘礼宾者引主人复位执馐者以筴豆簠簋俎鉶设於宾主席前又加以匙箸执馐者

以次设食讫宾主皆祭而食诸亲不祭而食於宾祭主人辞曰蔬食不足祭宾主俱食三饭而止主人曰请吾子食宾更饭食毕遂进庶羞觴行如常会毕宾主及诸亲俱兴宾者各引宾主以下降出宾主及宾之诸亲皆复门外位主人诸亲复门内位主人再拜送宾退宾者引主人入

妇人礼会

女宾乘车入至下车所内赞者引入主人迎送於阁内相称之辞各准其夫余如丈夫之礼

飨丈夫送者

其日掌事者铺宾席於堂上楹间近北南向又铺主人席於阼阶上西向又设衆宾之席於宾西南设从者位於阶下重行东面北上宾者引宾以下立于主人门外之西俱重行东西以北为上立定宾者引主人出立于门东西面主人揖宾宾报揖宾者各引宾主以下入至阶主人揖宾宾报揖宾主以下俱升立於席後立定宾主以下俱坐遂进酒设食如婚会之仪会毕宾主以下俱兴宾者引宾立於西阶下东面主人掌事者奉束帛之筐升以授主人主人执筐西面立宾西阶上北面再拜主人进立於楹间南面宾进立於主人之西俱南面主人以筐币授宾宾受退立於西阶上东面主人还东阶上北面再拜送宾者引宾以下降自西阶从者迓受币在庭者以次出复门外位宾者引主人降自东阶出门东西面拜送宾退主人入

飨妇人送者

内宾者引宾升主人迎送於阁内相称之辞各准其夫酬以束帛如丈夫之礼五品以上子孙九品以上子孙三品以上大功以上亲五品以上朞以上亲婚并假用士礼

大唐开元礼卷一百二十五

卷一百二十六

钦定四库全书

大唐开元礼卷一百二十六 唐 萧嵩等 撰嘉礼

朝集使於尚书省礼见【并辞】

任官初上相见【诸州上佐同】

京兆河南牧初上【诸州刺史都督同】

万年长安河南洛阳令初上【诸县令同】

朝集使於尚书省礼见【并辞】

其日奉礼预布版位於尚书省都堂之前京官九品以上位在东每等异位朝集使位在西亦如之皆以北为上【京官及朝集使俱常服】谒者绛公服先引京官入就位又谒者引诸方朝集使等入就位奉礼立於朝集使之北差退赞者陪其後京官及朝集使序立讫奉礼曰再拜赞者承传朝集使等俱再拜京官等逡巡揖避再拜讫京官等俱答拜朝集使等逡巡揖避再拜讫谒者赞称礼毕羣官等各以次退朝集使亦退其辞礼亦如之

任官初上相见【诸州上佐同】

应册命之官受册讫朝服乘辂备仪鸣铙吹诣太庙南门至下车所铙吹止受册者降辂谒者引入立於庙廷北面西上立定再拜讫又再拜辞谒者引出乘辂鸣铙而还【若先受制书者发第备仪仗谒诣太庙如上仪】遂诣本司将至卑官先引俱公服俟於别席所初上者至降辂赞礼者引入停於後堂改着公服仪仗陈於厅事之前赞礼者引卑官俱位於内门之外西向每等异位重行东面以北为上初卑官就门外位赞礼者引初上者立於厅事东阶东南西面赞礼者引卑官以次入立於西阶西南重行东面以北为上立定卑官俱再拜初上者答再拜赞礼者引卑官出赞礼者引初上者就後堂卑官俱更衣讫赞礼者引应坐者入立於厅事东西阶下其应致敬者立於门外东西俱北上赞礼者引初上者出升堂就榻後应坐者俱升诣坐後立定初上者升坐应坐者各依其班而坐其应致敬者入立於东西阶下俱以北为上诸流外官入立於庭重行北面西上再拜讫就东阶下品官之後本司以印及职掌置於案本司引入升诣坐前本司取印及职掌以次进置於坐上之案讫本司引案降出诸司以次谕判三条事讫俱兴立於坐後赞礼者引初上者还後堂以外降出设会如常仪官卑不合拜庙者径诣上所下判官者礼见而已若六品以下初上皆常服若前任者尊及官位等者前任者俟於东阶下西面新任者入立於西阶下东面再拜前任者答再拜讫新任者还於厅事立於东阶下与卑官相见如上仪【诸州长史县丞以下初上准此】

京兆河南牧初上【诸州刺史都督初上礼附】

其日州牧备仪仗至州停於後堂兵曹设仪仗於厅事门庭如常仪本司设牧位於厅事楹间近北南向设州官长史司马位於堂下东方西向设录事参军以下位於司马之南重行西向皆以北为上设诸县官位庭中近西诸乡望位於县官之东每等异位俱重行北面对为首【州助教县博士助教依乡望班】长史以下集於州南门之外州官在东县官在西乡望在州官东南各有次俱服公服乡望常服司功整次帟名入谿赞礼者引牧出於厅事东阶东南西向左右侍从如常赞礼者立於牧南少退俱西向赞礼者引州官入就位次引县令以下入门而左又引乡望入门而右俱入就位立定赞礼者引牧升自东阶即位南面立又引县令及乡望五品以上自西阶升堂进当牧前重行北面位如在庭之仪立定上下俱再拜牧答再拜上下在位者皆逡巡避位赞礼者引县令以下及乡望俱出赞礼者引牧降入赞礼者引长史以下次出俱更衣本司量设牧坐於堂上讫赞礼者引县令及乡望俱就西阶下又引长史以下入立於东阶下俱北上赞礼者引牧出升堂就榻後长史以下并县令及职事五品以上应升坐者合班俱升诣坐後立定牧升坐诸应坐者俱坐州县佐史以下入庭中重行北面西上州县学生位於其後俱再拜讫就阼阶品官之後立录事以印及职掌置於案录事一人引入升诣坐前录事以印及职掌以次进置於牧案讫录事引案降出诸司以次谿判三条事讫坐者俱兴赞礼者赞牧兴引还後堂长史以下降出设会如常仪【诸州刺史初上准此其乡望文武官七品以上及德行有闻者皆升堂】

万年长安令初上【河南洛南县令礼同诸县令初上礼同】

其日令停於後堂设令位於厅事楹间近北南向设乡望位於南方重行北向以西为上其勲官依出身班博士助教依乡望班又设丞位於东方西向设主簿及尉位於丞南少退西向北上乡望以下俱集於县南门外之西各有次司功整次纸名入谿赞礼者引令出立於厅事东阶东南西向侍从如常仪赞礼者立於令之南少退俱西向赞礼者引丞以下入就位次引乡望入就位赞礼者引令升自东阶即位南向立赞礼者引乡望文武官五品以上升自西阶当进令前重行北面以西为上立定上下在位者俱再拜令答再拜上下在位者皆逡巡避位赞礼者引乡望降自西阶以出乡望在庭者继出赞礼者引令降自东阶以入又引丞以下以次出本司量设牀坐於堂上讫赞礼者引乡望入立於厅事西阶下丞以下立於门外道西东面俱北上赞礼者引令出升堂就榻後又赞礼者引丞入及乡望文武官五品以上俱升诣坐後立又赞礼者引主簿及尉入立於东阶下立定令升坐诸应坐者俱坐录事及佐史以下入立於庭中北面西上学生位於其後俱再拜讫就东阶下县尉後立录事以印及职掌置於案录事一人引入升诣坐前录事取印及职掌以次进置於令案讫录事引案降诸司以次谿判三条事讫丞及乡望俱兴赞礼者赞令兴引还後堂乡望降出设会如常仪【诸县令初上准此其乡望文武官七品以上及德行有闻者皆升堂】

卷一百二十七

<史部,政书类,仪制之属,大唐开元礼>

钦定四库全书

大唐开元礼卷一百二十七 唐 萧嵩等 撰

嘉礼

乡饮酒

乡饮酒之礼刺史为主人【此为贡人之中有明经进士身兼德行孝弟灼然显着旌表门闾及秀才者皆刺史为主人若无此色皆判司摄行事】先召乡之致仕有德者谋之贤者为宾其次为介又其次为衆宾与之行礼而宾举之【介以下无其人则阙】主人戒宾立於宾大门外之西东面宾立於东阶下西面将命者立於宾之左北面受命出於门外之东西面曰敢请事主人曰某日行乡饮酒之礼请某子临之将命者入告宾出立於门东西面北向拜辱【以白造缙曰辱】主人答拜主人曰吾子学优行高应兹观国某日展礼请吾子临之宾曰某固陋恐辱命敢辞主人曰谋於父师少师莫若吾子贤敢固以请宾曰夫子申命之某敢不敬须主人再拜宾答拜主人退宾拜送主人戒介亦如之【介辞曰某日行乡饮酒之礼请吾子贰之】其日质明设宾席於楹间近北南向设主人席於阼阶上西向设介席於西阶上东向设衆宾席於三宾席之西各南向皆不属焉又设堂下衆宾席於西阶西南东面北上设两壶於宾席东少北玄酒在西加勺罍置筐於壶南东肆实以爵觶设赞者位於东阶东西面北上宾介及衆宾至立於厅事大门外之右东向北上执事者俱就位主人迎宾於门外之左西面拜宾宾答拜又西南向拜介介答拜又西南揖衆宾衆宾揖主人又揖宾宾报揖主人先入门而右西面宾入门而左东面介及衆宾序入立於宾西南东面北上衆宾非三宾者皆北面东上【凡宾主拜揖周旋皆有赞相也】主人将进揖当阶揖宾皆报揖至阶主人曰请吾子升宾曰某敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶宾升自西阶当榻北面立执樽者彻罍主人适筐跪取爵兴适樽实之进宾席前西北面献宾宾西阶上北面拜主人少退宾进席前受爵退复西阶上北面立主人退於阼阶上北面拜送爵宾少退赞者荐脯醢於宾席前宾自西方升席南面立赞者设折俎宾跪左执爵右取脯濡於醢祭於笱豆之间遂祭酒啐酒【啐尝也】兴降席东适西阶北面跪卒爵执爵兴适樽实之进主人席前东南面酢主人主人於阼阶上北面拜宾少退主人进席前受爵退复阼阶上北面立宾退复西阶上北面拜送爵赞者荐脯醢於主人席前主人由席东自北方升赞者设折俎主人跪左执爵右祭脯醢遂祭酒啐酒兴自南方降席复阼阶上北面跪卒爵执爵兴跪奠爵於东序端兴退适筐跪取觶实之以酬宾复阼阶上北面跪奠觶遂拜执觶兴宾西阶上答拜主人跪祭遂饮卒觶执觶兴适樽实之进宾席前北面宾西阶上拜主人少退宾既拜主人跪奠觶於荐西兴复阼阶上位宾遂进席前北面跪取觶兴复西阶上位主人北面拜送宾进席前北面跪奠觶於荐东兴复西阶上位【酬酒不举者君子不尽人之欢以全

交也】主人北面揖遂降立於阼阶下西面宾降立於西阶西当西席东面【主人将与介为礼故宾不居堂上位】主人进延介主人揖介介报揖至阶一让主人升阼阶介升西阶当榻宾北面主人诣东序端跪取爵兴适樽实之进於介席前西南面献介介西阶上北面拜主人少退介进席前北面受爵退复位主人於介右北面拜送爵介少退主人立於西阶之东赞者荐脯醢於介席前介由席西自北方升席赞者设折俎介跪左执爵右祭脯醢遂祭酒执爵兴自南方降席复西阶上北面跪卒爵执爵兴介授主人爵主人适樽实之以酢於西阶上立於介右北面跪奠爵遂拜执爵兴介答拜主人跪祭遂饮卒爵执爵兴退跪奠爵於西楹南还阼阶上揖降介降立於宾南主人於阼阶前西南面揖衆宾宾揖遂升主人适西楹南跪取爵兴适樽实之於西阶上南面献衆宾之长升西阶上北面拜受爵主人於衆宾长之右北面拜送赞者荐脯醢於其席前衆宾之长升席跪左执爵右祭脯醢祭酒执爵兴退於西阶上立饮讫授主人爵降复位主人又适樽实之进於西阶上南面献衆宾之次者如献衆宾长之礼又次一人升饮亦如之主人适樽实之进於西阶上南面献堂下衆宾衆宾每一人升受爵跪祭立饮赞者遍荐脯醢於其位讫主人受爵奠於筐主人降与宾一揖一让升宾介衆宾序升即席设工人席於堂廉西阶之东北面东上工四人入先二瑟後二歌工持瑟升自西阶就位坐工歌鹿鸣卒歌笙入立於堂下北面奏南陔讫乃间歌南有嘉鱼笙崇丘【间代也谓一歌则一吹也】乃合乐周南关雎召南鹊巢【合谓歌与乐衆声俱作也乐无工人则阙无得作淫声不雅之曲】乐正告宾曰正歌备告讫司正升自西阶【司正谓主人之赞礼者礼乐之正既成将留宾为有懈惰立司正以监之】跪取觶於筐兴适樽实之降自西阶诣阶间右还北面跪奠觶兴拱手少立跪取觶扬觶讫遂饮卒觶跪奠觶兴拜退复西阶西宾降席跪取觶於筐适樽实之诣阼阶上北面酬主人主人降席进立於宾东【初起旅酬也凡旅酬者少长以齿也】宾跪奠觶遂拜执觶兴主人答拜宾立饮卒觶宾适樽实之进阼阶上东南面授主人主人再拜宾少退主人受觶宾於主人之西北面拜送【旅酬同阶礼杀】宾揖复席主人进西阶上北面酬介介降席自南方进立於主人之西北面主人跪奠觶遂拜执觶兴介荅拜主人立饮卒觶适樽实之退西阶上西南面立介拜主人少进介受觶主人立於介东北面拜送主人揖复席司正升自西阶近西北面立相旅曰某子受酬受酬者降席自西方进北面立於介右【旅序也於是介酬衆宾又以次序相酬也某者衆宾姓也同姓则以伯仲别之又同则以其字别之受酬者由介东尊介使不失故位也】司正退立於西序端东面【避受酬者又便其赞上赞下也】介跪奠觶遂拜执觶兴某子答拜介立饮执觶适樽实之进西阶上西南面授某子某子受觶介立於某子之左北面揖复席司正曰某子受酬受酬者降席自西方立於某子之左北面某子跪奠觶遂拜执觶兴受酬者拜某子答拜某子立饮卒觶适樽实之进西阶上西南面授之受酬者受觶某子立受酬者之右揖复席次一人及堂下衆宾受酬亦如之卒受酬者以觶跪奠於筐兴复阶下位司正适阼阶上东面受命於主人主人曰请坐於宾司正迴北面告於宾曰请宾坐宾曰唯命【宾主之辞皆司正传请也】宾主各就席坐【若宾主俱公服者则皆降脱履主人先左宾先右礼毕降纳如常】司正降复位乃羞【羞进也所进肉馐醢之类是也】无算爵【算数也宾主燕饮爵行无数醉而止三宾以上赞者二人行爵以下取足】主人之赞者皆与焉燕讫宾主俱兴宾以下降自西阶主人降自东阶宾以下出立於门外之西东面北上主人送於门外之东西面再拜宾介逡巡而退

卷一百二十八

钦定四库全书

大唐开元礼卷一百二十八 唐 萧嵩等 撰

嘉礼

正齿位

每年季冬之月县令为主人乡之老人年六十以上有德望者一人为宾次一人为介又其次为三宾又其次为衆宾其日质明设宾席於楹间近北南向设主人席於阼阶上西向设介席於西阶上东向设三宾席三於宾席之西各南向皆不属焉又设衆宾席於楹间近南北面东上设两壶於宾席之东北少退玄酒在西加勺羃置筐於壶南东肆实以爵觶设赞者位於阶东南西向北上宾介及三宾至立於厅事大门外之右衆宾立於宾之後俱东向北上执事者俱就於位主人迎宾於大门外之左西面拜宾宾荅拜又西南面拜介介荅拜又西南面揖衆宾衆宾报揖主人又揖宾宾报揖主人先入门而右西面宾入门而左东面介及三宾序入立於宾西南衆宾立於三宾之後俱北面东上【凡宾主拜揖周旋皆有赞相】主人将进揖当阶又揖宾皆报揖至阶主人曰请吾子升宾曰某敢辞主人曰固请吾子升宾曰某敢固辞主人曰终请吾子升宾曰某敢终辞主人升自阼阶宾升自西阶当楣北面立执樽者彻羃主人适筐跪取爵兴适樽实之进宾席前西北面献宾宾西阶上北面立主人少退宾进於席前受爵退复西阶上北面立主人退於阼阶上北面拜送爵宾少退赞者荐俎醢於宾席前【宾以下年六十者三豆七十者四豆八十者五豆九十者及主人皆六豆】宾自西方升席南面跪左执爵右取俎擣於醢祭於豆间遂祭酒啐酒【啐尝也】兴降席东适西阶北面跪卒爵执爵兴适樽实之进主人席前东南面酢主人主人於阼阶上北面立宾退复西阶上北面拜送爵赞者荐脯醢於主人席主人由席东自北方升席跪左执爵右执脯醢遂祭酒啐酒兴自南方降席复阼阶上北面跪卒爵执爵兴跪奠爵於东序端兴适筐跪取觶实之以酬宾复阼阶上北面跪奠觶遂拜执爵兴宾西阶上荅拜跪祭饮卒觶兴适樽实之进宾前北面宾拜主人少退宾既拜主人跪奠觶於荐西兴复阼阶上位宾遂进席前北面跪取觶兴复西阶上位主人北面拜送宾宾进席前北面跪奠觶於荐东兴复西阶上位【酬酒不举者君子不尽人之欢以全交也】主人北面揖遂降立於阼阶下西面宾降立於西阶当西序东面【主人将与介为礼故宾不居堂上位】主人进延介主人揖介介报揖至阶一让升主人升阼阶介升西阶当楣北面立主人诣东序端跪取爵兴适樽实之进於介席前西南面献於介介西阶上北面拜主人少退介进北面受爵退复位主人於介之右北面拜送爵介少退主人立於西阶之东赞者荐俎醢於介席前介进自北方升席跪左执爵右祭俎醢遂祭酒执爵兴自南方降席北面跪卒爵执爵兴介授主人爵主人适樽实之以酢於西阶上立於介右北面跪奠爵遂拜执爵兴介荅拜主人跪祭遂饮卒爵执爵兴进跪奠爵於西楹南还阼阶上揖降介降立於宾南主人於阼阶前西南揖衆宾遂升适西楹南跪取爵兴适樽实之进於西阶南面献衆宾三宾之长升西阶上北面拜受爵主人於三宾长之右北面拜送赞者荐俎醢於其席前三宾

之长升席跪左执爵右祭俎醢祭酒执爵兴退於西阶上立饮讫授主人爵降复位主人又适樽实之进於西阶南面献三宾之次者如献三宾之礼又次一人升饮亦如之主人适樽实酒进於西阶上南面献衆宾衆宾每一人升受爵跪祭立饮赞者遍荐俎醢於其位讫主人受爵奠於筐主人兴宾一揖一让升宾介衆宾序升即席设工席於堂廉西阶之东北面东上【侧边曰廉】工四人入先二瑟後二歌工持瑟升自西阶就位坐工歌鹿鸣卒歌笙入立於堂下北面奏南陔讫乃间歌南有嘉鱼笙崇丘【间代也谓一歌则一吹也】乃合乐周南关雎召南鹊巢【合谓歌与衆声俱作也乐无工人则阙母得作淫声不雅之曲】乐正告宾曰正歌备告讫司正升自西阶【司正谓主人之赞礼者礼乐之正既成将留宾为有懈惰立司正以监之】跪取觶於筐兴适樽实之降自西阶诣阶间右还北面跪奠觶拱手少立跪取觶遂饮卒觶奠觶再拜宾降席跪取觶於筐适樽实之诣阼阶上北面酬主人主人降席进於宾东【初起旅酬也凡旅酬者少长以齿】宾跪奠觶遂拜执觶兴主人答拜宾立饮卒觶适樽实之进阼阶上东南面授主人主人再拜宾少退主人受觶宾於主人之西北面拜送【旅酬同阶礼杀】宾揖复席主人进西阶上北面酬介介降席自南方进立於主人之西北面主人跪奠觶遂拜执觶兴介答拜主人立饮卒觶适樽实之进西阶上西南面立介拜主人少退介受觶主人於介东北面拜送主人揖复席司正升自西阶近西北面立相旅曰某子受酬受酬者降席自西方进北面立於介右【旅序也於是介酬衆宾衆宾又以次序相酬也某者衆宾姓也同姓则以伯仲别之又同则以其字别之受酬者由介东尊介使不失故位也】司正退立於序端东面【避受酬者又便其赞上赞下】介跪奠觶遂升执觶兴某子答拜介立饮卒觶适樽实之进西阶上西南面授某子某子受觶介立於某子之左北面揖复席司正曰某子受酬受酬者降席自西方立於某子之左北面某子跪奠觶遂拜执觶兴受酬者答拜某子立饮卒觶适樽实之进西阶上南面授之受酬者受觶某子立於受酬者之右揖复席次一人及衆宾受酬亦如之卒受酬者以觶跪奠於筐兴复位司正适阼阶上东面受命於主人曰请坐於宾司正迴北面告於宾曰请宾坐宾曰唯命【宾主之辞皆司正传请】宾主各就席坐【若宾主俱公服者则皆降脱履阶下主人先左宾先右礼毕降纳如常】司正适筐跪取觶兴进立於楹间北面乃扬觶而言曰朝廷率由旧章敦行礼教凡我长幼各相劝勗忠於国孝於亲内睦於闺门外比於乡党无或愆惰以忝所生宾主以下皆再拜司正跪奠觶再拜跪取觶饮卒觶兴宾主以下皆坐司正适筐跪奠觶兴降复位无筭爵【筭数也宾主燕饮爵行无数醉而止三宾以上赞者二人行爵以下取足而已也】无筭乐【燕乐亦无数或间或合尽欢而止也】主人之赞者皆与焉燕讫宾主俱兴宾以下降自西阶主人降自东阶宾以下出立於门外之西东北上主人送於门外之东西面再拜宾介逡巡而退

卷一百二十九

钦定四库全书

大唐开元礼卷一百二十九 唐 萧嵩等 撰嘉礼

宣赦书 羣臣诣阙上表

羣臣奉参起居 遣使诣蕃宣劳

宣赦书

其日质明本司承诏宣告内外随职供办守宫设文武羣官次於朝堂如常仪羣官依时刻皆集朝堂俱就次各服其服奉礼设文武羣官版位於顺天门外东西当朝堂之南文东武西重行北面相对为首设中书令位於羣官之北南向刑部侍郎率其属先陈金鸡於西朝堂之东南向置鼓板於金鷄之南遂击每一鼓投一杖刑部侍郎録京师见囚集於羣官之南北面西上囚集讫鼓止通事舍人引羣官各就位中书令受诏讫遂以诏书置於案令史二人对举案通事舍人引中书令持幡节者前导持案者次之诣门外位立持节者立於中书令之南少西令史举案者立於中书令之西北俱东面立定持节者脱节衣持案者进诣中书令前中书令取诏书持案退复位中书令称有诏书羣官皆再拜宣讫羣官又再拜舞蹈又再拜刑部释囚刑部尚书前受诏书退复位持节者加节衣通事舍人引中书令幡节前导而入又通事舍人引羣官还次

羣臣诣阙上表

前一日守宫设文武羣官次於朝堂如常仪其日量时刻文武羣官集俱就次各服朝服奉礼设文武羣官位於东朝堂之前近南文东武西重行北面相对为首设中书令位於羣官之北南向设奉礼位於羣官东北赞者二人在南少退俱西向奉礼帅赞者先就位礼部令史二人绦公服对举表案立於奉礼之北南面立定典谒引中书令出就南面位礼部郎中引表案诣中书令前郎中取表以授中书令中书令受表郎中举案退复位奉礼曰再拜赞者承传羣官在位者皆再拜通事舍人引中书令以表入奏出复南面位称有诏羣官再拜宣诏讫又再拜谒者引为首一人进北面受表退复位舍人引中书令入谒者引羣官还次

羣官奉参起居

前一日守宫设文武羣官次於朝堂如常仪其日依时刻文武羣官九品以上俱集朝堂次奉礼设文武羣官位於东朝堂之前文左武右重行北面相对为首又设奉礼位於文武官东北赞者二人在南少退俱西向又设通事舍人位於文官为首者之北少东西向并如常奉礼帅赞者先就位舍人各引文武羣官俱就位立定舍人引为首者少进通起居讫退复位奉礼

唱再拜赞者承传羣官在位者皆再拜舍人入奏讫舍人承旨出复位西面称勅旨羣官在位者皆再拜宣勅讫又再拜舍人及羣官俱退

皇帝遣使诣蕃宣劳

前一日执事者设使者次於大门外道东南向其日使者至执事者引就次使者以下俱公服蕃主朝服立於东阶东南西面使者出次执事者引使者立於大门外之西东面使副立於使者西南持节者立於使者之北少退令史二人对举诏书案立於使副西南俱东向执事者引蕃主迎使者於大门外之南北面再拜使者不荅拜执事者引使者入持节者前导持案者次之入门而左使者诣阶间南面立持节者立於使者之东少南西面使副立於使者西南持案者立於使副西南俱东面执事者引蕃主入立於使者之南北面持节者脱节衣持案者进使者前使副取诏书持案者退复位使副进授使者退复位使者称有诏蕃主再拜使者宣诏讫蕃主又再拜执事者引蕃主进使者前北面受诏书退立於东阶东南西面持节者加节衣执事者引使者持节者前导持案者次之出复门外位执事者引蕃主拜送於大门外使者还於次执事者引蕃主入

大唐开元礼卷一百二十九

卷一百三十

钦定四库全书

大唐开元礼卷一百三十 唐 萧嵩等 撰嘉礼

皇帝遣使诸州宣抚

皇帝遣使诣诸州宣制劳会

皇帝遣使诣诸州宣赦书

诸州上表

皇帝遣使诸州宣抚

前日本司设使者次於州大门外道右南向又设应集之官次於大门外文官道东武官於使次西南俱南向相对为首其日使者将至刺史出城迎於一里外相去九十步许刺史於路左下马使者下马皆少进使者命刺史乘马使者与刺史俱乘马而行【使者至镇及县其镇将县令出迎与刺史同若使者五品以上镇将县令六品以下则使者不下马命镇将县令乘马而已若临边者不出迎】应集者至州门外各就次服朝服非朝服者公服【应受制及应集官路远不及期者则使至别定某日】本司设使者位於厅事阶间南向设刺史位於使位之南北向设应集之官位於刺史之後每等异位若有诸老则位於诸官之後俱重行北面以西为上又设刺史以下位於大门外之东每等异位重行西面以北为上使者至掌次者引就次【若别日宣劳则使者停於馆应集者至日乃集】刺史入使者以下皆公服制书及版各置於案赞礼者引应集之官就门外位诸老应受版者齿位【八十以上杖於位】刺史朝服以出行参军引立於东阶东南西面使者出次赞礼者引使者持幡节者前导立於门西东面持幡节者立於使者之北少退使副立使者西南史对举制书及版案立於使副西南俱东面北上【若版多则量加案】立定行参军引刺史迎於大门外之南北面再拜引刺史先入立於内门外之西东面州官位於其後赞礼者引使者入持幡节者前导入门而左使副以下从之使者诣阶间就位南面立持幡节者於使者之东少南西面幡在南使副立於使者西南持案者立於使副之南少退俱东面行参军引刺史赞礼者引应集之官以次入就位立定持节者脱节衣持案者进使副前使副取制书持案者退复位使副以制书进授使者退复位使者称有制刺史等再拜宣制讫刺史等又再拜行参军引刺史进诣使者前北面受制书退立於东阶东南西面赞礼者次引应受制者等别受制如常仪【凡同制书者皆同拜】讫引立於刺史东南西面北上若有版受史以案诣使副前使副取版进使者皆如初赞者引为首一人少进使者称有制为首者再拜宣制讫为首者又再拜赞者引为首者进诣使者前北面受版若有束帛赉恤依式宣付【凡老者拜八十已上一坐再拜九十已上子弟拜受】讫引立於刺史之後又引次受者亦如之讫持节者加节衣赞礼者引使者幡节前导以出使副以下从

之俱复门外位诸老以版授子弟行参军引刺史赞礼者引州府之官及诸老出复门外位立定刺史拜送赞礼者引使者还於次行参军引刺史入赞礼者引州官及诸老还次若诸县宣劳版授如在州之仪若使者於随便宣制授赐物者县令预集乡望立於馆门外之南重行北面西上使者至立於门西东面乡望俱再拜使者入诣厅事前南面立乡望随入宣劳授受及拜送皆如上仪凡使至先问百年者有则宣制颁饩【酒米牲物】皆子弟代受之

皇帝遣使诣诸州宣制劳会

前日本司设使者次於门外道右南向又设应集官次於大门外文官道东武官於使次西南俱南向相对为首其日质明应集之官到州门外各就次服朝服非朝服者公服本司设使者位於厅事阶间南向设刺史位於使位之南北面设应集之官位於刺史之後每等异位重行北面以西为上又设刺史以下位於大门外之东每等异位俱重行西面以北为上使者至掌次者引就次以制书置於案使者以下皆公服赞礼者引应集之官俱就门外位刺史朝服以出行参军引立於东阶东南西面使者出次赞礼者引使者立於门西东面史二人对举制书案立於使者西南俱东面立定行参军引刺史迎於大门外之南北面再拜行参军引刺史先入立於内门外之东西面州官立於其後赞礼者引使者入门而左持案者从之使者诣阶间就位南向立持案者立於使者西南东面行参军引刺史赞礼者引应集之官以次入就位立定持案者进使者前使者取制持案者退复位使者称有制书刺史等再拜宣制讫又再拜行参军引刺史进诣使者前北面受诏书退立於东阶东南西面赞礼者次引应受制者等别受制如上仪【凡同制书者皆同拜】讫引立於刺史东南西面北上赞礼者引使者出持案者从之俱复门外位行参军引刺史赞礼者引州官以次出俱复门外位立定刺史拜送赞礼者引使者还於次行参军引刺史入赞礼者引州官各还次将会本司改设刺史以下位於厅事之庭如常礼又铺使者席於厅上楹间东向刺史席於使者之东西面州官之席於刺史之後各依资品俱南上席於庭者文官在东武官在西皆北上设讫刺史以下各服公服若常服赞礼者引使者行参军引刺史又赞礼者引预会之官俱就门外位立定赞唱者先入就位赞礼者引使者先入行参军引刺史赞礼者引预会之官以次入就位立定赞唱者曰再拜在位者皆再拜赞礼者引使者行参军引刺史又赞礼者引应升阶者诣东西阶以次升各立於席後其位於阶下者又引就席後上下立定俱就席俛伏坐遂行酒酒至上下皆俛伏兴立於席後俱再拜搢笏立受酒升席俛伏坐饮酒行三周进食食至上下皆俛伏兴立於席後设食讫俱升席俛伏坐食讫仍行酒会毕俱兴各以次引降复位立定赞唱者曰再拜在位者皆再拜以次引出【若无台使会位赞拜亦准此】

皇帝遣使诣诸州宣赦书【镇与州同】

其日本司设使者次於州大门外道右南向使者至掌次者引就次以赦书置於案应集之官至州门外服朝服非朝服者公服本司设使者位於厅事阶间南向设刺史位於使位之南北面设应集之官位於刺史之後文官在东武官在西每等异位俱重行北面相对为首又设门外位文官於门东每等异位重行西面武官於门西每等异位重行东向俱以北为上本司録州见囚集於州门之外北面西上赞礼者引应集之官俱就门外位刺史朝服以出行参军

引立於东面西向使者出次赞礼者引立於门西武官之前少北东面史二人对举案立於使者西南俱东面立定行参军引刺史迎於大门外之南北面再拜行参军引刺史先入立於内门之东西面州官立於其後赞礼者引使者入门而左持案者从之使者诣阶间就位南面立持案者立於使西南东面行参军引刺史赞礼者引应集文官以次入就位立定持案者进使者前使者取赦书持案者退复位使者称有赦刺史以下皆再拜宣赦讫又再拜舞蹈又再拜本司释囚行参军引刺史进使者前北面受赦书退复位赞礼者引使者出持案者从之俱复门外位行参军引刺史赞礼者引州官以次出复门外位刺史拜送赞礼者引使者还於次行参军引刺史入又赞礼者引州官各还次

诸州上表

前日本司设应集之官次於州大门外文官道东武官道西俱南向相对为首其日夙兴本司设使者位於厅事阶间南向设刺史位於使者位之南北向设应集之官位於刺史之後文在东武在西每等异位俱重行北面相对为首设赞唱者位於东阶东南西向北上设应集之官门外位文官於门东西向武官於门西东向每等异位重行以北为上质明应集之官至州门外就次服朝服非朝服者公服赞礼者引应集之官俱就门外位赞唱者先入就位佐史对举表案立於赞唱者之北西向【表每一等为一案】刺史朝服以出行参军引就位赞礼者引应集之官以次入就位立定赞礼者引使者入门而右诣阶间就位南向立赞礼者引表案诣使者前使者取表赞礼者引案退复位余表案位於使者西北南向东上赞唱者曰再拜刺史以下皆再拜赞唱者引使者出举表案者从之行参军引刺史入赞礼者引州官以次出上表者若止一人则不须诸官陪位上表者立於厅事东阶东南西面持表案者立於上表者东南俱西面使者入立於阶间南向持表案者以案进上表者取表持案者退复位上表者诣使者前授表退北面再拜使者出上表者入

大唐开元礼卷一百三十

卷一百三十一

钦定四库全书

大唐开元礼卷一百三十一 唐 萧嵩等 撰凶礼

赈抚诸州水旱虫灾 赈抚蕃国水旱

劳问诸王疾苦 劳问外祖父疾苦 劳问皇后父疾苦 劳问诸妃主疾苦 劳问外祖母疾苦
劳问皇后母疾苦 劳问大臣疾苦 劳问都督刺史疾苦 劳问蕃国主疾苦
中宫劳问外祖父疾苦 劳问诸王疾苦 劳问外祖母疾苦 劳问诸妃主疾苦
劳问宗戚妇女疾苦 东宫劳问诸王疾苦 劳问外祖父疾苦 劳问妃父疾苦
劳问外祖母疾苦 劳问诸妃主疾苦 劳问妃母疾苦

劳问师傅保疾苦 劳问宗戚疾苦

劳问上台贵臣疾苦

赈抚诸州水旱虫灾

皇帝遣使赈抚诸州水旱虫灾本司散下其礼所司随职供办使者未到之前所在长官预勒所部僚佐等及正长老人本司先於厅事大门外之右设使者便次南向又於大门外之右设使者位东向大门外之左设长官以下及所部位重行北向西上又於厅事之庭少北设使者位南向又於使者位之南三丈所设长官位北向其所部寮属则位於长官後文东武西每等异位重行北面相对为首正长老人则位於其南重行北面西上使者到所司迎引舍便次长官及所部严肃以待正长老人等并列於大门外之南重行北面西上至时使者以下各服公服所在长官及所部寮佐亦各服公服行参军引长官以下出就门外位司功参军引使者就门外位立持节者立於使者之北史二人对举制案列於使者之南俱少退东向行参军赞拜长官及所部在位者皆再拜行参军引长官等以次先入立於门内之右重行西面司功参军引使者入幡节前导持案者从之使者到庭中位立持节者於使者东南西面持制案者立於使者东南西面行参军引长官以下俱入就庭中位立定持节者脱节衣持案者以案当使者前使者取制书持案者退复位使者称有制行参军赞再拜长官及诸在位者皆再拜使者宣制书讫行参军又赞再拜长官及诸在位者皆再拜行参军引长官进诣使者前受制书退复位讫司功参军引使者出复门外位行参军引长官及诸在位者各出就门外位如初行参军赞拜长官及诸在位者皆再拜司功参军引使者以下还便次长官退其正长老人等任散

赈抚蕃国水旱

右同赈抚诸州水旱礼其国王供待及出入即馆飧食之类则如常存省之礼但畧其燕好

劳问诸王疾苦

皇帝遣使劳问诸王疾苦本司散下其礼所司随职供办所司先于受劳问者第大门外之右设使者便次南向於庭中近北设使者位南向又於使者之南三丈所设主人位北向其府国僚属并部列於庭中之左右国官在东府寮在西俱以北为上使者至受劳问者第大门外掌次者延入次使者及受劳问者皆公服赞礼者引使者出次立於门西东面史二人奉制书案立於使者之南差退赞礼者引受劳问者出立於门东西向受劳问者再拜赞礼者引受劳问者先入立於门内之右西向赞礼者引使者入就庭中位持制案者立於其右赞礼者引受劳问者就庭中位北向立持案者以案进使者前使者取制书持案者退复位使者称有制受劳问者再拜赞礼者引受劳问者诣使者前受制书退复位再拜讫赞礼者引使者以下出又赞礼者引受劳问者随出各即门外位受劳问者再拜讫赞礼者引使者以下退就次又赞礼者引受劳问者入若受劳问者疾未间不堪受制则子弟代受如上仪

劳问外祖父疾苦 劳问皇后父母疾苦

右与劳问诸王礼同

劳问外祖母疾苦

皇帝遣使劳问外祖母疾苦本司散下其礼所司随职供办内给事一人为使者所司先於受劳问者第大门外之右设使者便次南向又於内寝庭少北设使者位南向又於使者位之南三丈所设受劳问者位北向使者至受劳问者大门外掌次者延入次使者公服摄迎者亦公服使者出次立於门西东面给使二人奉制书案立於使者之南差退赞礼者引摄迎者出立於门东西面摄迎者再拜讫赞礼者引摄迎者先入立於门内之右西面内典引引使者入就内寝庭位立持案者立於使者之右受劳问者服朝服女侍者引就庭中位立持案者以案进使者前使者取制书持案者退复位使者称有制受劳问者再拜女侍者进诣使者前受制书退授受劳问者受劳问者又再拜内典引引使者以下出女侍者引受劳问者退赞礼者引摄迎者随出各就门外位摄迎者再拜内典引引使者退即便次赞礼者引摄迎者入若受劳问者疾未间不堪受制则摄迎者於外堂之庭拜受制书如上礼其异者受制书诣合授女侍者女侍者受奉入授受劳问者

劳问大臣疾苦

右遣使劳问与劳问诸王疾苦礼同

劳问都督刺史疾苦

右遣使劳问与劳问大臣疾苦礼同其异者诸引导之官以所使劳问州府有司充之【其使于京师者则谒者引导】

劳问蕃国主疾苦

右遣使劳问与劳问都督刺史疾苦礼同

凡有劳问无正篇者皆临时约准上礼而为仪注

中宫劳问外祖父疾苦

太皇太后皇太后皇后遣使劳问外祖父疾苦本司散下其礼所司随职供办内给事一人
为使者所司先於受劳问者第大门外之右设使者次南向又於使者之位南三丈所设受劳
问者位北向使者至受劳问者第大门外掌次者引入次使者及受劳问者皆公服内典引引
使者出次立於门西东向给使二人奉令书案立於使者之南差退赞礼者引受劳问者出立
於门东西向受劳问者再拜赞礼者引受劳问者先入立於门内之右西面内典引引使者入
就庭中位立持案者立於其右赞礼者引受劳问者就庭中位立持案者以案进使者前使者
取令书持案者退复位使者称太皇太后【若皇太后皇后】有令受劳问者再拜赞礼者引
受劳问者进诣使者前受令书退复位又再拜内典引引使者以下出赞礼者引受劳问者从
出各即门外位受劳问者再拜内典引引使者以下退就次赞礼者引受劳问者入若受劳
问者疾未间不堪受命则子弟代受如上仪

劳问诸王疾苦

右一条与问外祖父疾苦礼同

劳问外祖母疾苦

太皇太后皇太后皇后遣使劳问外祖母疾苦本司散下其礼所司随职供办内给事一人
为使者所司先於受劳问者第大门外之右设使者便次南向又於内寝庭少北设使者位南
向又於使者位南三丈所设受劳问者位北向使者至受劳问者大门外掌次者引入次使者
服公服摄迎者亦公服使者出次立於门西东向给使二人奉令书案立於使者之南差退赞
礼者引摄迎者出立於门东西向摄迎者再拜赞礼者引摄迎者先入立於门内之右西面内
典引引使者入就内寝庭位持案者立於使者之右受劳问者服朝服女侍者引就庭中位立
持案者以案进使者前使者取令书持案者退复位使者称太皇太后【若皇太后皇后】有
令受劳问者再拜女侍者进诣使者前受令书退授受劳问者又再拜内典引引使者以下出
女侍者引受劳问者退赞礼者引摄迎者随出各即门外位摄迎者再拜内典引引使者即便
次赞礼者引摄迎者入若受劳问者疾未间不堪受令则摄迎者於外堂之庭拜受令书如上
仪其异者受令书诣合授女侍者女侍者受奉入授受劳问者

劳问诸妃主疾苦 劳问宗戚妇女疾苦

右两条同劳问外祖母疾苦

凡内侍之属充使则内侍内常侍以下准所慰劳者之尊卑临时约准

东宫劳问诸王疾苦

皇太子遣使劳问诸王疾苦本司散下其礼所司随职供办所司先於受劳问者第大门外之右设使者次南向又於庭中设使者位东向又於使者位之东三丈所设受劳问者位西向使者至受劳问者第大门外掌次者引之次使者及受劳问者皆公服赞礼者引使者出次立於门西东向史二人奉令书案立於使者之南差退赞礼者引受劳问者出立於门东西向受劳问者再拜赞礼者引受劳问者先入立於门内之右西面赞礼者引使者入就庭中位立持案者立於其右赞礼者引受劳问者进就庭中位立持案者以案进使者前使者取令书持案者退复位使者称有令受劳问者再拜赞礼者引受劳问者进诣使者前受令书退复位又再拜讫赞礼者引使者以下出又赞礼者引受劳问者随出各即门外位受劳问者再拜讫赞礼者引使者以下退就便次又赞礼者引受劳问者入若受劳问者疾未愈不堪受令则子弟代受如上仪

劳问外祖父疾苦 劳问妃父疾苦

右与劳问诸王礼同

劳问外祖母疾苦

皇太子遣使劳问外祖母疾苦本司散下其礼所司随职供办阍宦一人爲使者所司先於受劳问者第大门外设使者次南向又於内寝庭西阶前设使者位东向又於使者位东三丈所设受劳问者位西向使者至受劳问者大门外掌次者引之次使者服公服摄迎者亦公服使者出次立於门东西面给使二人奉令书案立於使者之南差退赞礼者引摄迎者出立於门东西面摄迎者再拜赞礼者引摄迎者先入立於门内之右西面内典引引使者入就内寝庭位东面立给使奉令书案随入立於使者之南差退受劳问者服公服女侍者引就内寝庭位立於使者之右持案者以案进使者前使者取令书持案者退复位使者称有令受劳问者再拜女侍者进诣使者前受令书退授受劳问者受劳问者又再拜内典引引使者以下出女侍者引受劳问者退赞礼者引摄迎者随出各就门外位摄迎者再拜内典引引使者退即便次赞礼者引摄迎者入若受劳问者疾未间不堪受令书则摄迎者於外堂之庭拜受令书如上仪其异者受令书诣合传付女侍者女侍者受之奉入授受劳问者

劳问妃主疾苦 劳问妃母疾苦

右两条同劳问外祖母疾苦

劳问师傅保疾苦 劳问宗戚疾苦

劳问上台贵臣疾苦

右三条同劳问诸王疾苦

皇太子於诸王妃主以下疾苦具存家人亲属之礼率尔遣近侍劳问则主人受劳问者待之亦如家人亲属之式不拜迎拜送及不为授受之礼

大唐开元礼卷一百三十一

卷一百三十二

钦定四库全书

大唐开元礼卷一百三十二 唐 萧嵩等 撰凶礼

五服制度

斩衰【三年】

齐衰【三年 杖周 不杖周 五月 三月】大功【长殇九月 中殇七月 成人九月】小功【五月 殇 成人】

緦麻【三月 殇 成人】

斩衰三年

正服

子为父

女子子在室为父【女子子重称子者别於男子言在室则关许嫁】女子子嫁反在父之室为父【遭丧後而出者始服齐衰周出而虞则受以三年之服既虞而出则小祥亦如之既除丧而出则已】

加服

嫡孙为祖【谓承重者为曾祖高祖後亦如之】

父为长子【重其当先祖之正体又将代已为宗庙主故庶子不得为长子三年不继祖与称也於庶子之嫡孙乃为其嫡子三年】

义服

为人後者为所後父【受重故三年为所後祖亦如之凡为人後者不以嫡子】妻为夫【夫尊而亲】

妾为君【妾谓夫为君】

国官为国君【布带绳屨既葬除之】

衰冠

右正服加服衰裳三升义服三升半冠同六升右缝通屈一条绳为武垂下为纓冠外紼【凡服上曰衰下曰裳布八十缕为升外绎者冠前後屈而出於武外厌缝之也】妇人之衰连裳以六升布为总【总束发也】童子亦连裳

經带

苴麻經带首經大九寸左本在下绳纓五分首經去一以为腰經大七寸二分绞垂两结相去四寸妇人經如男子男子又有绞带【苴恶色也首經象緇冠之頰腰經象大带绞带象革带五分腰經去一为之齐衰以下用布】

屨

菅屨外纳【外纳纳其余於外】妇人屨亦如男子

杖

右苴竹杖其大如腰經长齐其心本在下主妇亦杖诸妇则不杖童子不杖其当室者则纚而杖【童子及妇人不杖者以其不能病也然而童子当室杖者尊为丧主】

纚

右状象冠广一寸无辟积童子当室亦服之

总论节制

三公以下皆三月而葬而虞三虞而卒哭十三月小祥除首經练八升布为冠纓武亦如之妇人练总除腰經至二十五月大祥除灵座【自後有祭设几席】除衰裳去經杖十五升布深衣布纯缟冠素紕纓革带素履妇人除衰裳去經缟总衣履如男子二十七月禫祭玄冠皂纓仍布深衣革带吉履妇人缟总衣履如男子踰月复平常

齐衰三年

正服

子为母【旧礼父卒为母周今改与父在同】

为祖後者祖卒则为祖母【为曾祖高祖後者为曾高祖母亦如之】母为长子

加服

继母如母【继母之配父与亲母同】

慈母如母【妾之无子者妾子之无母者父命为子生则养之如母死则丧之如母】

义服

继母为长子

妾为君之长子【与嫡妻同不敢轻服夫之正统】

衰冠

右正服加服衰裳四升义服五升其缕四升半成布四升冠七升合缝布纓武冠内繹【前後缝於武内厌缝之】

經带

牡麻經带首經大七寸二分左本在上绳纓五分首經去一以为腰經大五寸七分半布带代绞带

屨

屨内纳

杖

桐杖其大如腰經通圓之长齐其心其本在下

总论节制

十三月小祥除首經练九升为冠纓武亦如之其他祥禫变除与斩衰同踰月复平常

齐衰杖周

正服

父卒母嫁及出妻之子为母皆报【父卒为父後者为嫁母无服母犹服之不为出母党服则为继母之党服】

为祖後者祖在为祖母【为曾祖高祖後者亦如之】

义服

父卒继母嫁从为之服报【若继母出则不服若继母出嫁子从而继育则服不育则不服】

夫为妻

齐衰不杖周

正服

为祖父母【父所生庶母亦同唯为祖後者乃不服】

为伯叔父

为兄弟

为衆子【衆子者长子之弟及妾子凡父母于子舅姑于妇并传重于嫡所传重非嫡及养子为後者服之皆如衆子妇服】

为兄弟之子【女在室报之亦然】

为嫡孙【有嫡子无嫡孙凡为後承嫡者虽曾孙玄孙与孙同】

为姑姊妹女子子在室及适人无主者姑姊妹报【无主无祭主谓无夫与子人之所哀不忍降之】

女子子为祖父母【虽出嫁犹不敢降其祖】

妾为其子

加服

女子子适人者为兄弟之为父後者【出嫁犹不降为父後者妇人有归宗之义故不自絶

其族类】

降服

妾为其父母【凡妾为私亲如衆人】

为人後者为其父母报【凡为人後者本亲降一等其妻又降夫一等】女子子适人者为其父母

义服

为伯叔母【服与伯叔同】

为继父同居者【子无大功之亲与之适人所适者亦无大功之亲是谓继父同居继父之子不从服为继父不报】

妾为嫡妻【嫡妻不为妾服】

妾为君之庶子

妇为舅姑【其夫为祖曾祖高祖後者其妻从服亦如舅姑】

为夫兄弟之子【男女同报】

舅姑为嫡妇【其夫应三年者然後为其妇齐衰周】

齐衰五月

正服

为曾祖父母【本三月以其降杀太多故新议改从五月】

女子子在室者及嫁者为曾祖父母

齐衰三月

正服

为高祖父母【重其衰麻尊尊也減其日月为恩杀也】

女子子在室者及嫁者为高祖父母【不敢降其祖也】

义服

为继父不同居【先同今异继父有子及有大功之亲虽同居亦为异居元不同者不服】

右降服亦衰裳四升冠七升正服五升冠八升义服六升冠九升右缝布纓武冠内繹前後缝於武内厌缝之【妇人则布总精麓如男子之冠】其經带与三年同其杖三年及杖周皆桐杖各大如腰經通圆之长齐其心本在下屨内纳不杖周则麻屨五月三月则绳屨其三年者与斩衰同杖周十一月小祥十三月大祥十五月禫逾月除复常祥禫变节皆与斩衰同其父卒母嫁出妻之子为母及为祖後祖在为祖母虽周除仍心丧三年义服齐衰三月者衰裳六升冠九升經带与周同而绳屨

大功

长殤九月中殤七月

正服

为子女子子之长殤中殤【殤者未成人而死可哀伤者男子已娶女子许嫁皆不为殤年十九至十六为长殤十五至十二为中殤十一至八岁为下殤八岁以下为无服之殤以日易月本服周者哭之十三日大功九日小功五日緦麻三日】

为叔父之长殤中殤

为姑姊妹之长殤中殤

为兄弟之长殤中殤

为嫡孙之长殤中殤【嫡曾孙嫡玄孙亦司】

为兄弟之子女子子之长殤中殤

义服

为夫之兄弟之子女子子之长殤中殤

成人九月

正服

为从父兄弟【今之同堂兄弟姊妹之在室者】

为庶孙【女在室亦然】

降服

为女子子适人者【出降者两女各出不再降若两男各为人後者亦如之】为姑姊妹适人者报

出母为女子子适人者【女报同】

为兄弟之女适人者报

为人後者为其兄弟

为人後者为其姑姊妹在室者报

右成人服衰裳八升冠十升余皆与长殇同

义服

为夫之祖父母

为夫之伯叔父母报【报者旁尊不足以尊降】

为夫之兄弟女适人者报

夫为人後者其妻为本生舅姑

为衆子妇

右降服衰裳七升正服八升冠十升义服衰裳九升冠十一升【妇人则布总精麤如男子之冠】牡麻經首大五寸七分半长殇及成人皆九月纓以绳中殇皆七月經无纓俱五分首經去一以为腰經大四寸六分布带绳纓

小功五月

殤

正服

为子女子子之下殤

为叔父之下殤

为姑姊妹之下殤

为嫡孙之下殤

为兄弟之下殤

为兄弟之子女子子之下殤

为从父兄弟姊妹之长殤

为庶孙丈夫妇人之长殤

降服

为人後者为其兄弟之长殤

为侄丈夫妇人之长殤【出嫁姑为之服】

为人後者为其姑姊妹之长殤

义服

为夫之兄弟之子女子子之下殤

为夫之伯叔父之长殤

右降正服冠纁同十升义十一升澡麻經帶【澡谓去其莖垢不絕其本】冠左缝不厌【妇人布总精麓如男子】首經大四寸六分五分首經去一以为腰經大三寸七分布帶吉屨无絢妇人衰經精麓如男子降服不澡

成人五月

正服

为从祖祖父报【祖之兄弟也兄弟之孙女在室亦如之】

为从祖父报【父之同堂兄弟同堂兄弟之女在室亦如之】

为从姑姊妹在室者报【父之同堂姊妹及已再从姊妹】

为从祖祖母在室者报【祖之姊妹】

为外祖父母

为舅及从母丈夫妇人报【母之兄弟姊妹】

降服

为从父姊妹适人者报【周堂姊妹】

为孙女适人者

为人後者为其姑姊妹适人者报

义服

为从祖祖母报【祖之兄弟妻】

为从祖祖母报【父之同堂兄弟妻】

为夫之姑姊妹在室及适人者报

为娣姒妇报

为同母异父兄弟姊妹报

为嫡母之父母兄弟从母【谓妾子为嫡母之父母及兄弟姊妹嫡母卒则不服】

为庶母慈已者【谓庶母之乳养已者】

为嫡孙之妇【有嫡妇则无嫡孙之妇曾孙玄孙为後者服其妇如嫡孙之妇】母出为继

母之父母兄弟从母【母卒则为其母之党服不为继母之党服】

嫂叔报【兄嫂弟妻同】

右降服衰裳十升正服衰裳十一升冠同十一升义服衰裳十二升冠与衰同其經如小功五月唯麻断本

總麻三月

殤

正服

为从父兄弟姊妹之中殤下殤

为庶孙丈夫妇人之中殤下殤

为从祖叔父之长殤

为从祖兄弟之长殤

为舅及从母之长殤

为从父兄弟之子之长殤

为兄弟之孙之长殤

为从祖姑姊妹之长殤

降服

为人後者为其兄弟之中殤下殤

为侄丈夫妇人之中殤下殤【出嫁姑为之服】

为人後者为其姑姊妹之中殤下殤

义服

为人後者为从父兄弟之长殇

为夫之叔父之中殇下殇

为夫之姑姊妹之长殇

成人

正服

为族兄弟【三从兄弟三从姊妹出嫁者则无服】

为族曾祖父报【曾祖之兄弟曾孙女出嫁则无服】

为族祖父报【祖之同堂兄弟孙女出嫁则无服】

为族父报【父之再从兄弟再从兄弟之女出嫁则无服】

为曾孙玄孙

为外孙【女子子之男女】

为从母兄弟姊妹【今为两姨兄弟姊妹】

为姑之子【外兄弟姊妹】

为舅之子【内兄弟姊妹】

为族曾祖姑在室者报【曾祖之姊妹】

为族祖姑在室者报【祖之同堂姊妹】

为族姑在室者报【父之再从姊妹】

降服

女子子适人者为从祖父报【谓堂伯叔】

为从祖姑姊妹适人者报【父之同堂姊妹及已之再从姊妹】庶子为父後者为其母【

若无嫡母及嫡母卒则申妾子不服外祖父母舅从母】

为从祖祖姑适人者报【祖之姊妹】

为人後者为外祖父母【本生外祖父母】

为兄弟之孙女适人者报

义服

为族曾祖母报【曾祖兄弟之妻】

为族祖母报【祖之同堂兄弟之妻】

为族母报【父之再从兄弟之妻】

为庶孙之妇

女子子适人者为从祖伯叔母【同堂伯叔母】

为庶母【父妾有子者】

为乳母

为壻【女子子之夫报】

为妻之父母【从妻服之】

为夫之曾祖高祖父母

为夫之从祖祖父母报【夫之祖兄弟及其妻】

为夫之从祖父母报【夫之父同堂兄弟及其妻】

为夫之外祖父母报

为夫之从祖兄弟之子【夫之再从兄弟之子】

为夫之从父兄弟之妻

为夫之从父姊妹在室及适人者

为夫之舅及从母报

改葬缌【子为父母妻妾为夫既葬除之】

右降正义服冠衰同十五升去其半有事其缕无事其布右缝不厌【妇人则布总精麤如男子之冠】澡麻断本以为經首經大三寸七分五分首經去一以为腰經大二寸九分布带吉屨无絢

皇家所絕旁亲服者皇弟子为之皆降一等凡童子不缌当室则缌

衰裳制度

凡衰外削幅裳内削幅三絢【削犹杀也絢谓辟两侧空中央也凡衰前幅三絢後四絢】若齐裳内衰外【齐缉也凡五服之衰一斩四缉缉裳者内展之缉衰者外展之】负广出于适寸【负在背者适辟领也负出于辟领旁一寸】适博四寸出于衰【博广也辟领广四寸则与阔中八寸也两之为尺六寸出于衰者旁出衰外】衰长六寸博四寸【广长当心】衣带下尺【衣带下尺者腰也广尺足以掩裳上际】衽二尺有五寸【衽所以掩裳际也上正一尺燕尾二尺五寸凡用布三尺五寸也】袂属幅【属犹连也连幅谓不削】衣二尺有二寸【此谓袂中也衣自领至腰二尺二寸倍之四尺四寸加辟领八寸又倍之凡衣用布一丈四寸】祛尺二寸【祛袖口也】

大唐开元礼卷一百三十二

卷一百三十三

钦定四库全书

大唐开元礼卷一百三十三 唐 萧嵩等 撰凶礼

讣奏

为外祖父母举哀 为皇后父母举哀为诸王妃主举哀 为内命妇举哀

为宗戚举哀 为贵臣举哀

为蕃国主举哀

临丧

临诸王妃主丧 临外祖父母丧

临皇后父母 临宗戚丧

临贵臣丧

除丧

除外祖父母丧 除皇后父母丧

讣奏

为外祖父母举哀

皇帝为外祖父母举哀本司散下其礼所司随职供办尚舍奉御先於别殿设素褥牀席为举哀成服位南向尚衣奉御先制小功五月之服守宫先於举哀殿外门之外随便设百官文武次如常其日举哀前三刻诸卫屯门列仗如常诸应陪慰者并赴集次所典仪於举哀殿门外布百官位亦如常又於殿前设诸王三品已上哭位文东武西重行北面相对为首诸亲位於文武官五品之下【皇宗亲在东异姓亲在西】又於阶下当御位北向设太尉奉慰位文武百官到入次改服素服侍中版奏请中严亦在三刻之前尚衣奉御以篋奉衰服升立於殿东间北面典谒引诸王百官一品以下九品以上俱就门外位文武侍卫之官诣合奉迎举哀前一刻侍中版奏外办皇帝服素服御舆出升别殿降舆即哭位南向坐侍卫如常仪至其时侍中跪奏请为故某官【若某郡君】举哀俛伏兴皇帝哭十五举声侍中跪奏请哭止成服

俛伏兴皇帝止哭尚衣奉御以筵奉衰服进跪授兴仍赞变服焉【於变服则权设步障已而去之】成服已侍中又跪奏请哭俛伏兴皇帝哭通事舍人引诸王文武百官三品以上入就殿庭位舍人赞拜羣官在位者皆再拜舍人赞哭羣官在位者皆哭十五举声舍人赞止羣官在位者皆止舍人引诸王为首者一人进诣奉慰位跪奉慰俛伏兴舍人引退还本位又舍人次引百官文武行首一人进诣奉慰位跪奉慰俛伏兴舍人引退还本位舍人赞拜在位者皆再拜舍人引三品已上退出其四品以下位於门外者典谒赞哭赞止引退如殿庭之仪侍中跪奏请哭止还俛伏兴皇帝御輿降还侍卫从至合如初所司宣仗散其日晡哭则晡前二刻奏严一刻奏办皇帝服衰服出即位次哭如初【百官不集】自後朝晡凡三日而止

为皇后父母举哀

右与为外祖父母礼同其异者制緦麻三月之服朝晡再哭而止

为诸王妃主举哀

本司散下其礼所司随职供办尚舍奉御於肃章门外道东设大次南向周以行帷铺御坐设素牀褥席守宫随便於永安门外设文武官五品已上便次其日举哀前三刻侍中版奏请中严前二刻诸卫列仗如常典仪於大次前量远近设一品以下应陪集者哭位文东武西重行北上相对为首百官皆集次改服素服就位又於大次门前设奉慰位前一刻文武侍卫之官诣合奉迎如常侍中版奏外办皇帝素服御輿复道以出从帟宫後门入之大次【其无复道者百官於外门外为位立】降即哭位南向坐侍卫如常至时侍中跪奏请为故臣某官【若主若妃】举哀俛伏兴皇帝哭通事舍人赞羣官拜羣官在位者皆再拜【若百官为门外位者候入大次通事舍人引三品以上入次前位四品以下仍门外位】舍人赞哭羣官在位者皆哭十五举声舍人赞止羣官在位者皆止舍人引文武官行首一人诣奉慰位跪奉慰俛伏兴引退还本位舍人赞拜羣官在位者皆再拜讫【有门外位者典谒赞拜赞哭赞止】侍中跪奏请哭止俛伏兴又奏请还宫退本位立皇帝哭止御輿降还其侍卫从至合如常所司宣仗散其日晡哭则晡前二刻奏严一刻奏办皇帝仍初服出即位次哭如初【侍卫如初百官不集】自後本服周者凡三朝哭而止本服大功者其日晡哭而止本服小功已下一举哀而止若皇太子陪举哀则素服左庶子启引从帷宫南门入至大次前启再拜讫引升东间之南北面哭於百官哭止皇太子哭止进御坐前跪俛伏兴再拜於百官退引降拜还如初其宫官等应陪拜慰者则随班於上台自下皆然

为内命妇举哀

右与为诸王妃主礼同【其三夫人以上其日仍晡哭而止其九嫔以下一举哀而止亦随恩赐之】

为宗戚举哀

右与为诸王妃主礼同

爲贵臣举哀

右与为诸王礼同【其异者一举哀而止贵臣谓职事二品以上散官一品其余官亦随恩赐之浅深】

为蕃国主举哀

右与为贵臣礼同【其异者城外张帷幔为次向其国而哭之至三声而止】

临丧

皇帝临诸王妃主丧

本司散下其礼所司随职供办尚舍直长先设行宫大次於主人第大门外之西南向守宫於主人大门外随便设诸从驾文武之官便次其所临者五属之亲於乘輿未到之前并先集列於主人之第其执事预於其寝北设障幔为主人五属妇女拜哭次其日未出宫前四刻侍中版奏请中严出宫前三刻撻一鼓为一严【三严时节前一日侍中奏裁】所司整设小驾卤簿於所出宫门外如常仪出宫前三刻又撻二鼓为再严奉礼於所出宫门外设陪从之官位如常尚舍奉御先於主人第大门外便次内设皇帝座南向又於主人堂上中间设素褥牀席为哭位亦南向典仪又於主人庭中设陪从之官位文东武西重行北面相对爲首又於御座前阶下设奉慰位主人执事於堂下设五属之亲位於东阶之东重行西面北上【以服精麓为序而尊者差前】又设五属妇女位於堂北幔下主女位於东厢西面南上妻妾位於西厢东面南上衆妇人位於北厢重行南面诸亲在东相对为首【以服精麓为序而尊者差前其五属外并陪临於此所内】诸陪从之官各常服赴集其位有司整列皇帝四望车以下及仗卫之属应列卤簿者於内外如常仪出宫前一刻又撻三鼓为三严侍卫之官诣合奉迎如常侍中版奏外办皇帝服常服御輿以出繖扇华盖侍卫警蹕如常仪皇帝降輿升车黄门侍郎当车前跪奏称黄门侍郎臣某言请乘輿发退复位【凡黄门侍郎奏请皆进跪奏称具官臣某言讫俯兴】驾动警蹕如常黄门侍郎与赞者夹辂以出至侍臣上马所黄门侍郎进跪奏称请驾权停勅侍臣上马俛兴侍中前承诏退称制曰可黄门侍郎退唱侍臣上马赞者承传文武侍臣上马毕黄门侍郎奏称请乘輿发退复位銮驾动称警蹕鼓吹不作文武羣官应陪从者乘马以从驾行至行宫门外侍中进跪奏请降车俛伏兴退复位皇帝降车御輿就大次其輿辇以下鋹戟仗卫之属陈列於大次前之左右皇帝变服素服其陪从之官各舍於便次变服素服其侍臣及武官不变服主人相引主人内外五属之亲各服衰服就堂下外内位次哭典仪一人立於堂下东阶东南赞者二人立於其南差退俱西面皇帝变服讫御輿出侍卫如常主人免絰去杖司仪令引出大门外望见承輿止哭再拜迎仍引主人先入门右西面立不哭【其未殡则通拜迎拜送於大门内】相者赞衆主人以下皆止哭皇帝至堂侍中跪奏请降輿升俯伏兴【於所临丧者非尊秋则御輿升堂】皇帝降輿升自东阶即哭

位坐巫祝各一人先升巫执桃立於东南祝执茆立於西南相向千牛四人执戈随升二人先二人後侍臣夹升列於户内外及阶下左右其仗卫鹵簿止列於门外内如常同仪令引主人入中庭北面典仪称拜主人内外皆再拜勅引主人升司仪令引主人升立於户内之东西面侍中跪奏请哭俯伏兴皇帝哭典仪称哭赞者承传唱可哭【凡典仪有词赞者皆承传】主人以下在位者皆哭典谒引诸位官应陪临者入即班位立定典仪称拜从官在位者皆再拜典仪称哭从官在位者皆哭十五举声典仪称止从官在位者皆止典谒引诸王爲首者一人进舍人接引诣奉慰位跪奉慰俯伏兴舍人引退典谒接引还本位又典谒次引诸从官文武行首一人进舍人接引诣奉慰位跪奉慰俯伏兴舍人引退典谒接引还本位典仪称拜在位者皆再拜讫典谒引从官在位者出又典谒次引诸王等以次出侍中跪奏请哭止俯伏兴皇帝止典仪称哭止主人已下皆止司仪令引主人降立於庭中之东北面典仪称拜主人已下皆再拜侍中跪奏请还俛伏兴皇帝降御輿出侍卫警蹕如初司仪令引主人先出俟於大门外拜送皇帝至大次降輿即御座变服司仪令引主人哭还庑次皇帝停大次未发前三刻侍中版奏请中严所司预奏三严每严槌鼓如初整列仗卫鹵簿於还途如来仪奉礼於行宫南门外道左向重行设陪从之官位文左武右陪从之官於便次变服常服赴集位所典谒引即班位三严已侍中版奏外办皇帝御輿出侍卫警蹕并如初皇帝降輿升车黄门侍郎奏请及羣官陪从鼓吹不作并如来仪乘輿至殿前【若合外】回车侍中跪奏请降入俯伏兴皇帝降车御輿入侍臣从至合如初侍中版奏解严将士各还其所百官退

临外祖父母丧 临皇后父母丧

临宗戚丧 临贵臣丧

右四条与临诸王妃主丧礼同

其临诸王妃主丧及凡内丧则并幸其前寝次也【其尊亲应就丧殡寝者则临殡寝所】凡临诸王妃主尊亲者及师保傅与三老五更二王後丧则敬同外祖其所临幸者若第邻宫阙率尔往还则容不备鹵簿与严鼓皆稟当时别仪注其内外文武陪从之官准驾备畧【备爲官从具畧谓减省之】车驾若经太庙则侍中跪奏式过乃服常

除服

除外祖父母丧服

本司散下其礼所司随职供办守宫先於别殿门外随便设百官文武便次如初於除服前之夕尚舍奉御於别殿设素下牀席焉至日平晓而除服【外祖父母则五月先下旬之吉也其从朝制公除则外祖父母五日也】除服前三刻侍中版奏请中严诸卫勒所部屯门列仗如常典仪於别殿前设诸王百官三品以上位如初又设奉慰位如初又设一品以下九品以上位於别殿门外如初百官文武应陪临者并赴集大门便次各改素服典谒引就别殿门外位尚衣奉御以篋奉素服吉履升殿立於殿东间北面立腰輿进於寝庭侍卫之官诣合奉迎

如常式除服前一刻侍中版奏外办皇帝仍服衰服御輿出左右直卫鉞戟警蹕如初皇帝升别殿降輿即哭位侍卫如初侍中跪奏请哭俛伏兴皇帝哭十五举声侍中跪奏请哭止从礼制除服俛伏兴皇帝止尚衣奉御以篋奉衣履进跪授兴仍赞变除【於变除则权设步幔已而去之也】变除已侍中又跪奏请哭俛伏兴还本位皇帝哭通事舍人引诸王百官三品以上入各就班立定舍人赞羣官拜羣官在位者皆再拜舍人赞哭羣官在位者皆哭十五举声舍人赞止羣官在位者皆止舍人引诸王为首一人进诣奉慰位跪奉慰俛伏兴舍人引退还本位又舍人次引百官文武行首一人进诣奉慰位跪奉慰俛伏兴舍人引退还本位舍人赞拜在位者皆再拜舍人引三品以上出其四品以下位於门外者典谒赞拜赞哭赞止引退如三品以上之仪侍中跪奏请哭止还俛伏兴皇帝止皇帝御輿降还其夹御之官从至合如初所司奏宣解严如常仪

除后父母丧服

右与除外祖父母丧服礼同其异者后父母则三月先下旬之吉除也公除则三日而除之

大唐开元礼卷一百三十三

卷一百三十四

钦定四库全书

大唐开元礼卷一百三十四 唐 萧嵩等 撰凶礼

勅使吊【其贈賻之礼大体皆同吊使行之附蕃国主後】

勅使吊诸王妃主丧 勅使吊外祖父母丧 勅使吊后父母丧 勅使吊贵臣丧

勅使吊宗戚丧 勅使吊蕃国主丧

贈賻

会丧

制遣百寮会王公以下丧

册贈

勅使册贈诸王 勅使册贈外祖父母 勅使册贈后父母 勅使册贈贵臣

勅使册贈蕃国王

会葬

制遣百寮会王公以下葬

致奠

勅使奠诸王妃主丧 勅使奠外祖父母丧 勅使奠后父母丧 勅使奠贵臣丧

勅使奠蕃国王丧

勅使吊

勅使吊诸王妃主丧

勅使吊诸王妃主丧本司散下其礼所司随职供办守宫先於主人第大门外之右设使者

次南向其日使者至掌次者引之次内外衰服司仪引主人以下俱立哭於东阶下妇人立哭於殡所如常仪使者素服出次司仪引立於大门之西东面持节者立於使者之北少退史二人对举吊书案立於使者之南差退俱东面【城外者不持节】司仪入告主人去杖免經司仪引主人出门止哭迎於大门外见宾先入立於门右北面司仪引使者入持节者先进持案者次之内外止哭使者入门而左立於阶间南面节在使者之东少南西向持案者立於使者西南东面司仪引主人进当使者前北面持节者脱节衣史以案进诣使者前使者取吊书持案者退复位使者称有制吊主人哭拜稽顙内外皆哭司仪引主人进受吊书退立於东阶下西面哭持节者加节衣司仪引使者持节者先退持案者次之出复门外位主人以吊书授左右司仪引主人出内门止哭拜送於大门外使者还主人杖哭而入取吊书於阶下升奠於柩东若使须私吊则通名引入吊如常礼讫引出若朝廷致赙宾至主人迎受如吊书之仪唯赙物掌事者受以东【东藏之也】其赙物簿受如受吊书仪

勅使吊后父母丧 勅使吊外祖父母丧 勅使吊贵臣丧 勅使吊宗戚丧

勅使吊蕃国主丧

右与吊诸王妃主丧礼同

贈赙

其贈赙之礼与吊使俱行则有司预备物数【多少准令】其日使者至主人大门外便次物輿陈於使者幕南东西为列马陈於使者东南北首西上於使者以下入即庭中位物輿陈於使者位南亦东西为列马从入陈於庭北首西上於使者出主人有司受而以东其特行也亦如吊礼

会丧

制遣百寮会王公以下丧

制遣百寮会王公以下丧之礼守宫先於主人第大门外随便量设百官文武应会吊者便次其日司仪令先於主人第前寝庭北面重行设百官位以西为上百官应会吊者并赴集主人第大门外便次各服素服司仪以次引入就班位立定司仪赞可哭诸官在位者皆哭十五举声司仪赞可止在位者皆止司仪引诸官行首一人升诣主人前席位展慰【非应致敬者则立慰】讫引降出又司仪引诸在位者以次出【不致敬者出应致敬者再拜引退】

册贈

勅使册贈诸王

勅使册赠诸王之礼守宫於主人大门外之西设使者及使副次南向其日使人及副公服从朝堂受册载於犊车使人及副各备卤簿【鼓乐备而不作】至主人大门外降车掌次者引之次内外衰服司仪引主人以下就东阶下位妇人升就堂上位皆立哭使者出次谒者缘公服引立於门西东面使副立於使者之南持节者立於使者之北少退史二人对举册案立於使副西南俱东面【城外者无卤簿不持节】司仪入告主人去杖免絰司仪引主人出门止哭迎使者於大门外见宾先入立於门右北面谒者引使者入持节者先导副使及持册案者次之内外止哭使者升立於枢东北厢南面持节者在使者之东少南西向使副立於节南持册案者立於副使东南俱西面司仪引主人升立於阶下当使者北面持节者脱节衣史以册案进使副前使副取册案退复位使副以册进使者受称有制主人降於阶间北面哭拜稽顙内外皆哭司仪引主人升复北面位内外止哭使者读册讫主人降於阶间北面哭拜稽顙内外皆哭司仪引主人升阶使者前受册退跪奠於枢东兴降立於东阶下西面初使人受册讫持节者加节衣谒者引使者持节者先导使副及持案者次之出复 门外位司仪引主人出内外止哭拜送於大门外使者还主人絰杖哭而入其使者应私吊则通名引入吊如常礼引出

勅使册赠外祖父母

勅使册赠后父母 勅使册赠贵臣

勅使册赠蕃国主

右与册赠诸王礼同若主人六品以下则拜及受制皆於堂下

会葬

遣百寮会王公以下葬

右与百寮会丧礼同

凡册赠使者之尊卑并准吉授若册赠妃主则内侍之属为使其预行事者亦如之同准吉授

凡册赠应諡者则文兼諡又致祭焉而致祭不必有赠諡【凡赠官通以腊印而画绶】凡册赠之礼必因其启葬之节而加焉其或既葬者则主人仍於灵寝受之其礼如初其或既除服乃追而册赠者主人受之於庙礼亦如之其异者主人不哭其服则公服若单衣介帻其於灵寝若庙并预设祭以告神其未立庙者则受之於正寝

致奠

勅使致奠诸王妃主丧

守宫於主人大门外量设便次使者至掌次者引之次内外衰服司仪引主人以下俱就东阶下位妇人就堂上位皆立哭使者公服出次谒者绛公服引立於门西东面执事者陈牢饌於使者东南当门北向西上司仪入告主人去杖司仪引主人出内门止哭迎於大门外见宾先入立於门右北面谒者引使入内外止哭使者升自东阶立於柩东少北南面执事者以牢饌入升设於柩东西面南上司仪引主人升自西阶立於阶上当使者北面执事者北面酌酒西面奠於席退复位使者曰某封若某位将归幽宅制使某奠主人降诣阶间北面哭拜稽顙内外俱哭谒者引使者及从者降出复门外位初主人拜稽顙讫司仪引主人退哭於东阶下使者出司仪引主人出内门止哭拜送於大门外使者还主人杖哭而入

勅使致奠外祖父母丧

勅使致奠后父母丧

勅使致奠贵臣丧

勅使致奠蕃国主丧

右四条与致奠诸王妃主丧礼同

大唐开元礼卷一百三十四

卷一百三十五

钦定四库全书

大唐开元礼卷一百三十五 唐 萧嵩等 撰凶礼

中宫 太皇太后 皇太后 皇后

举哀

为父母祖父母 为外祖父母

为诸王妃主 为内命妇

为宗戚

成服

为父母祖父母 为外祖父母

奔丧

奔父母祖父母丧

临丧

临外祖父母丧 临内命妇丧

除服

除父母祖父母丧服 除外祖父母丧服

遣使吊

吊外祖父母丧 吊诸王妃主丧

吊宗戚丧

举哀

为父母祖父母举哀

中宫为父母祖父母举哀本司散下其礼所司随职供办讫举哀前三刻尚寝於後别殿东壁下设荐为举哀位西向为祖父母则北壁下南向前二刻内谒监於别殿前幔下设六宫哭位重行北向西上其六宫并集列於合外次司赞一人升立於殿上东楹之南掌赞二人立於阶下并西面前一刻尚仪版奏外办至时引后出升殿侍卫如常内侍版奏讫尚仪传奏称某官【若某夫人】以某月日辰薨后啼若哭【父母啼祖父母哭】六宫从哭尽一哀后问故又哭尽哀乃变素服六宫皆素服哭不絕声又尽哀司宾引六宫入各就班位司赞称再拜掌赞承传【凡司赞有词掌赞皆承传】六官在位者皆再拜司赞称哭六宫在位者皆哭十五举声司赞称止六宫在位者皆止司赞称哭再拜六宫在位者皆再拜司赞称下司宾引六宫退尚仪跪奏请哭止后止从临者皆止后退舍别次六宫以下侍卫如初於合哭临如常礼其日晡临晡前二刻奏严六宫赴集一刻奏办至时引后就哭位余如常尚仪跪奏请哭后哭六宫从临者皆哭十五举声司赞称哭止六宫在位者皆止但无复拜其他赞引如初自後奔赴如别礼若有疾故未及奔丧则自後朝晡赴集奏引即位哭及於合临皆如初以至成服而後奔丧后为父母之举哀也其有在宫公主【为外祖父母小功者】亦服素服引升即位於户内之东北面与后俱哭临於六宫等退也赞止引退其有曾祖高祖父母薨举哀与为祖父母同

为外祖父母举哀

右与为祖父母举哀礼同其异者於别宫次其日晡後临凡三朝哭临而止

为诸王妃主举哀

右与为外祖父母举哀礼同其本服大功者其日晡哭而止其本服小功以下者一举哀而止

为内命妇举哀

右与为诸王妃主举哀礼同其九嫔以下一举哀而止

为宗戚举哀

右与为诸王妃主举哀礼同

成服

为父母祖父母成服【后闻丧有奔丧之礼故成服篇在举哀之後】

三日成服本司散下其礼所司随职供办尚寝先於后举哀别殿东壁设素褥牀席为后成服位西向为祖父母则北壁下南向尚服先制后齐衰周之服又制六宫之服亦如之其日成服前三刻尚仪版奏请中严其别殿上女侍临者代哭如初成服前二刻司赞於别殿前嚬下整设六宫哭位如初又於殿上后位前设席为奉慰位六宫并如初服集列於合外次女侍者各以篋奉其衰服进授仍赞变服变服已掌赞一人升立於殿上东楹之南掌赞二人立於阶下俱西面尚服以篋奉衰服升东阶北面立成服前一刻尚仪版奏外办至时后仍初服即位六尚以下侍卫如初尚仪跪奏请哭后哭从临者皆哭十五举声尚仪跪奏请哭止成服后止尚服以篋奉衰服进跪授兴仍赞变服焉【於变服则权设步障已而去之】变服已尚仪跪奏请哭后哭司宾引六宫入即班位立定司赞称拜六宫在位者皆再拜司赞称哭六宫在位者皆哭十五举声司赞称止六宫在位者皆止司宾引六宫行首一人升诣后前跪奉慰兴司宾引降还本位司赞称拜六宫在位者皆再拜讫司宾引六宫退尚仪跪奏请止哭后止从临者皆止后退舍别殿六尚以下侍卫如初於合哭临如初其日晡临晡前二刻奏严六宫赴集一刻奏办引即位哭如初其有公主应从成服者则制小功五月之服引即位哭如初与后俱哭成服临哭先拜慰如六宫之仪於六宫退赞止引退自後朝晡哭临如初以至卒哭【若公除如别礼】其为曾祖高祖父母则与六宫成齐衰三月之服如常礼

为外祖父母成服

右与为祖父母成服礼同其异者六宫俱成小功五月之服其日内外应交慰者赴集奏引即上下位次哭临抚慰心及拜哭奉慰如常礼自後皆然外命妇及百官三品以下并无服诸亲等亦赴集奉慰如常自後皆然其诸王妃主以下丧则举哀之日奉慰

奔丧

后奔父母祖父母丧本司散下其礼所司随职供办尚舍先设行宫便殿於主人大门外之右南向又於便殿之後及左右厢量设六宫以下陪从者便次又於丧寝前设障嚬为六宫以下拜哭次主人五属之亲於车驾未至之前并集列於主人第其日出宫前四刻尚仪版奏请中严出宫前三刻诸卫等备列常行仗卫鹵簿於所出宫门外内如常仪出宫前二刻内谒者监於主人第丧寝尸西【若殡西】设荐席为后哭位东向【其奔祖父母丧则户内之西南厢北面】又於丧庭寝嚬下北面重行设六宫以下拜哭位次北向西上以下从者各素服鸿胪於丧寝北张帷幕为主人五属妇人哭位其六宫以下从者各素服集列以候陪从如常式【已成服则服衰服】内仆进辇车其仗卫之属应充鹵簿者并以次整列於所出宫门内外如常仪未出宫前一刻其六尚以下应陪从者并以次进迎如常式小舆进於中庭时至尚仪版奏外办后仍举哀之服升舆出【已成服则服衰服】三面周以白布行帟至合外后降舆升辇车内仆执御其内侍以下前导夹引与六尚以下乘车陪从如常仪六宫等应从者乘车以次序从如常仗卫夹引后哭从临者随哭不絶声於后未至之前司仪赞主人内外五属之亲各出就前堂哭位五属妇人出就後幕下位俱如丧寝之仪内谒者监一人升立於丧寝东楹之东南内给使二人於阶下并西面后至主人第降车所尚仪跪奏请降车入后降车仍哭入自阊门三面周以行帟从临者仍哭从不絶声六尚以下哭从如初侍者夹扶主人降诣东

阶之南仍立哭【其奔祖丧则主人仍立哭以待】衆主人并降立於主人之後西面北上立哭【以服精粗为序】后至丧寝庭主人哭止再拜仍立哭女侍者扶引后哭升自西侧阶进尸西跪凭尸抚心哭从临者皆哭於后之升也内谒者监及司宾引六宫引以下从奔者各权舍於便次其仗卫卤簿屯列於外内如常式主人以下应升者各即位哭后哭尽一哀仍扶引即位哭从临者仍哭【若已殓则先引进灵前跪凭灵哭尽哀奏引退西面再拜乃即位而哭】内谒者监及司宾引六宫以下入即位内谒者监称拜给使承传唱可拜【凡内谒者监有词给使皆承传】六宫以下皆再拜内谒者监称哭六宫以下在位者皆哭十五举声内谒者监称止六宫以下在位者皆止【若已成服则引行首升拜慰如常礼】内谒者监称拜六宫以下在位者皆再拜内谒者监及司宾引六宫以下退还便次尚仪跪奏请哭止后止从临者皆止后降即便殿内侍版奏解严【将士仍不得辄离部伍】其成服已则百官应奉慰者皆赴奉慰如常礼自後后依时哭临如常礼【其为父若祖父丧则自後奏引哭於後寝次】其未成服而奔则至成服日即与主人俱成服其奔父母之丧则成服而还宫其有别勅令还宫则随旨期其未即还宫也则卤簿仗卫及六宫以下应还者先还其六宫已下之留者与后依时哭临及成服如后之礼於后还宫之朝诸应奉迎之官及仗卫卤簿等并赴主人第奉迎如式於还宫日车从未发前三刻尚仪版奏请中严诸卫整列卤簿於还途如来仪至时尚仪版奏外办后哭拜訖六尚夹引后降出常侍从者夹引左右如初主人拜送如常仪后出内门奏止哭升车从临者皆止三面周以行帟六宫以下各乘其车序从如初至合外尚仪跪奏请降入后降车升舆入内侍以下陪从至合如初内侍版奏解严诸列卤簿者各还其所自後赴葬及练祥则出入如初礼皇太后皇后於父母若祖父母之丧比葬以还而不赴葬则於启日之朝与六宫以下服衰服奏引各即上下位次哭临拜慰如初若父在祖父在为母若祖母之丧十一月而小祥则与六宫以下於位次行变除之礼易以练总除腰經哭临受慰如常礼其稟旨行公除之礼则十三日而除其行除礼如别条

临丧

临外祖父母丧

右与奔祖父母丧礼同其异者乘犊车其仗卫羽仪之属则如平常而位於丧寝中间之西北壁下南面即位乃哭其主人内外五属之亲并哭於前堂妇人哭於後庭应升者待令乃升皇太后皇后每出临若须严鼓并须准所临远近及卤簿备畧稟旨在於当时

临内命妇丧

后临内命妇丧本司散下其礼所司随职供办降临前二刻尚仪版奏请中严尚寝先於命妇以下丧寝中间北厢设素褥牀席为后哭位南向小舆进於内庭降临前一刻尚仪版奏外办后服素服升舆出常侍从者侍卫如常式至内命妇以下丧寝降舆即位哭侍卫如常式於后之将至也女侍者后引亡者所生皇子降东阶之东南西面再拜【已成服则去杖】又女侍者后引亡者所生皇女出北户降寝北面南再拜引并升复位哭如初尚仪跪奏请哭后哭从临者皆哭十五举声尚仪跪奏请哭止抚慰皇子等后止女侍者引皇子就后前跪哭后抚

慰皇子兴再拜仍立哭又引皇女进后抚慰如抚慰皇子之礼尚仪跪奏请还后升舆引降还侍卫如初於后之降也侍者启引皇子降拜引升复位哭女侍者启引皇女降拜引升复位哭并如初

除服

除父母祖父母丧服

后除父母祖父母丧服本司散下其礼所司随职供办尚服先制后及六宫以下素服内谒者监先於别殿阁外整设六宫以下便次如初又於别殿前整设障幔为六宫以下拜哭次如初以十三日而除服於除服前之夕后晡临已有司除其故位次而设新下牀席焉其日平明後而除服於除服前三刻尚仪版奏请中严【六宫以下各其本司启严】女侍临者升列於别殿上哭临如初除服前二刻司赞於别殿前幔下整设六宫以下位次如初又於堂上后位前设席为跪奉慰位如初六宫以下仍衰服集列於阁外便次女侍者以篋奉素服进授仍赞变除焉司赞一人升立於堂上东楹之南掌赞二人升立於堂下并西面尚服以篋奉素服升东间北面立前一刻尚仪版奏外办后仍服衰服出升即位次侍卫如初后哭从临者皆哭十五举声尚仪跪奏请哭止从礼制除服后止尚服以篋奉素服进跪授兴仍赞变除焉【於变服则权设步障已而去之其从临者亦从变除】变除已尚仪又跪奏请哭后哭司宾引六宫以下入即班位司赞称拜掌赞唱可拜【凡司赞有词掌赞皆承传】六宫以下在位者皆再拜司赞称哭六宫以下在位者皆哭十五举声司赞称止六宫以下在位者皆止司宾引六宫行首一人升进后前席位跪奉慰兴司宾引降还本位司赞称拜六宫以下在位者皆再拜司宾引六宫以下出各还宫寝如常尚仪跪奏请哭止还后哭止从临者皆止后降还内寝侍卫如初

除外祖父母丧

右与除祖父母丧服礼同其异者行公除之礼则五日而除

遣使吊

吊外祖父母丧

吊外祖父母丧本司散下其礼所司随职供办内给事二人为使者守宫先於主人第大门外之右设使者次南向其日使至掌次者延入次内外衰服司仪引主人以下俱立哭於东阶下妇人立哭於殡所如常仪使者素服出次内典引引使者立於大门之西东面内给使二人以案奉令书立於使者之南差退俱东面司仪入告主人去杖免絰司仪引出门止哭迎於大门外见宾先入立於门右北面内典引引使者以下入内外止哭使者入门而左立於阶间南面持案者立於使者之西南东面司仪引主人进当使者前北面内给使以案进诣使者前使者取吊书持案者退复位使者称有令称吊主人哭拜稽顙内外皆哭司仪引主人进受吊书

退立於东阶下西面哭内典引引使者以下出复门外位主人以吊书授左右司仪引主人出中门止哭拜送於大门外使者还主人杖哭而入取吊书於阶下升奠於枢东其使者须私吊则通名引入吊如常礼引出

吊诸王妃主丧 吊宗戚丧

右皆与遣使吊外祖父母丧礼同凡葬及练祥使吊之礼并同

大唐开元礼卷一百三十五

卷一百三十六

<史部,政书类,仪制之属,大唐开元礼>

钦定四库全书

大唐开元礼卷一百三十六 唐 萧嵩等 撰凶礼

东宫

举哀

为诸王妃主举哀 为良娣举哀

为良媛等举哀

为外祖父母举哀【并成服除服】 为妃父母举哀【并成服除服】 为师傅保举哀

为宗戚举哀 为宫臣举哀

临丧

临诸王妃主丧 临外祖父母丧

临妃父母丧 临师傅保丧

临宗戚丧 临宫臣丧

遣吊

使吊诸王妃主丧 使吊外祖父母丧

使吊妃父母丧 使吊师傅保丧

使吊宗戚丧 使吊宫臣丧

使吊上台贵臣丧

赙赠

致奠

致奠外祖父母丧 致奠妃父母丧

致奠师傅保丧 致奠宫贵臣丧举哀

为诸王妃主举哀

皇太子为诸王妃主举哀本司散下其礼所司随职供办斋师先於宜秋门外道东设皇太子次南向周以行帟设素下床褥席守宫於重明门外设宫臣七品以上便次其日举哀前三刻左庶子版奏请中严举哀前二刻诸卫率列仗如常掌仪於次前设宫臣五品以上哭位文东武西重行北面相对为首又设一品以下七品以上位於帷宫门外亦如之又於次前设奉慰位宫臣七品以上应陪慰者并赴集便次改服素服前一刻通事舍人引一品以下俱就门外位文武侍卫之官并诣阁奉迎如常式左庶子版奏外办皇太子服素服升腰舆出阁从帟宫後门入降就哭位即座坐侍卫如常仪左庶子跪奏请为某王【若某公某主王太妃王妃】举哀俛伏兴皇太子哭通事舍人引宫臣五品以上入各就班位立定舍人赞拜宫臣在位者皆再拜舍人赞哭宫臣在位者皆哭十五举声舍人赞止宫臣在位者皆止舍人引宫臣行首一人进诣奉慰位跪奉慰俛伏兴引退还本位舍人赞拜宫臣在位者皆再拜舍人引宫臣等出其六品以下位於门外者典谒赞拜赞哭止引退皆如门内之仪左庶子跪奏请哭止俛伏兴还本位皇太子止升腰舆还侍卫至阁如常其日晡哭则日晡前二刻奏严一刻奏办皇太子仍初服出即位次哭如初其宫臣等非近侍者其日晡临不集皇太子於师保傅奉慰再拜则左庶子奏兴受荅再拜乃坐哭自後本服周者三朝哭而止本服大功者其日晡哭而止本服小功以下一举哀而止其有皇子皇孙应陪举哀者皇子则位於皇太子之下絕位皇孙则位於东间之南北面与皇太子俱哭於引宫臣以下退已乃赞止引退其应拜慰者引进跪奉慰如常礼【自下皆然】

为良娣举哀

右与为诸王妃主举哀礼同其异者於内外殿三朝哭而止

为良媛等举哀

右与良娣礼同一举哀而止

为外祖父母举哀【并成服为妃父母举哀并成服礼同】

本司散下其礼所司随职供办斋师先於东宫别殿北壁下设素下牀席为皇太子举哀成服位南向有司先制皇太子小功五月之服其为妃父母则制緦麻三月之服所司先於重明门外之左右量设宫臣以下次其日举哀前三刻左庶子版奏请中严举哀前二刻诸卫屯门

列仗如常掌仪於举哀殿前设宫臣五品以上哭位文东武西重行北面相对为首又设一品以下九品以上哭位於举哀殿门外亦如之又於阶下当举哀位北向设奉慰位宫臣应陪临者并赴集便次改服素服斋师以篋奉衰服升立於殿东间北面立典谒引一品以下九品以上俱就门外位文武侍卫之官诣阁奉迎举哀前一刻左庶子版奏外办至时皇太子服素服升舆出升别殿降舆即哭位侍卫如常仪左庶子跪奏请为故某官【若某郡君】举哀俛伏兴皇太子哭十五举声左庶子跪奏请哭止成服俛伏兴皇太子止哭斋师以篋奉服进跪授兴仍赞变服焉【於变服则权设步障已而去之】成服已左庶子又跪奏请哭俛伏兴皇太子哭通事舍人引宫臣五品以上入就殿前位舍人赞拜宫臣在位者皆再拜舍人赞哭宫臣在位者皆哭十五举声舍人赞止宫臣在位者皆止舍人引宫臣行首一人进诣奉慰位跪奉慰俛伏兴舍人引退还本位舍人赞拜在位者皆再拜舍人引五品以上退出其六品以下位於门外者典谒赞拜赞哭赞止引退如门内之仪左庶子跪奏请哭止俛伏兴还本位皇太子止升腰舆还侍卫从至阁如初其日晡哭则晡前二刻奏严一刻奏办皇太子服衰服出即位次哭如初【宫官不集】自後朝晡凡三日而止为外祖父母除服【为妃父母除服礼同】

皇太子除外祖父母丧服之制本司散下其礼所司随职供办守宫先於重明门外之左右设宫臣次如初於除服前之夕有司於别殿设下牀席焉其日平明而除服【外祖父母则五月妃父母则三月并先於下旬之吉也其从朝制公除则外祖父母五日妃父母三日而除之】於除服前三刻左庶子版奏请中严诸卫率屯门列仗如常掌仪於别殿前设宫臣位如初又设奉慰位如初又设一品以下九品以上位於别殿门外如初宫官文武应陪临者并赴集便次各改服素服掌仪引就门外位斋师以篋奉素服吉履升殿东间北面立腰舆诣寝庭侍卫之官诣阁奉迎如常式除服前一刻左庶子版奏外办皇太子仍衰服御舆出升堂降舆即位其近侍之官从升侍卫夹引如常仪左庶子跪奏请哭俛伏兴皇太子哭十五举声左庶子跪奏请哭止除服俛伏兴皇太子止斋师奉衣履进跪受兴仍赞变服焉【於变服权设步障已而去之也】变服已左庶子跪奏请哭俛伏兴还本位皇太子哭通事舍人引宫臣五品以上入各即班位舍人赞拜宫臣在位者皆再拜舍人赞哭宫臣在位者皆哭十五举声舍人赞止宫臣在位者皆止舍人引宫臣文武行首一人进诣奉慰位跪奉慰俛伏兴引退还本位舍人赞拜宫臣在位者皆再拜舍人引宫臣等出其六品以下位於门外者典谒赞拜赞哭赞止引退如门内之仪左庶子跪奏请哭止还俛伏兴皇太子止御舆降还近侍诣阁侍卫从至阁如常仪皇太子於师傅保奉慰再拜则左庶子奏兴受答再拜乃坐哭皇太子为外祖父母除服则皇子等位於太子之下差退即位次哭变服素服又哭引退如皇太子之仪其皇孙等服素服侍者引即庭拜引升位於东间之南北面与皇太子俱哭於皇太子变服已重哭则引进皇太子前跪奉慰俛伏兴再拜复位哭於宫官等退赞哭止引复阶下位拜退

为师傅保举哀

右与为诸王举哀礼同其异者一举哀而止

为宗戚举哀

右与为妃主举哀礼同其异者一举哀而止

为宫臣举哀

右与为诸王举哀礼同其异者一举哀而止【举哀通三品以上余随恩赐之深浅】

临丧

临诸王妃主丧

皇太子临诸王妃主之丧本司散下其礼所司随职供办守宫先於重明门外之左设三师等次又於主人第大门外之右设皇太子便次南向又於大门外之左右随便设诸陪从之官次其所临者五属之亲先入列於主人之第其执事预於寝北设障幃为主人五属妇女拜哭次其日出宫前四刻左庶子版奏请中严出宫前三刻撻一鼓为一严【三严时节前一日左庶子奏裁】二卫率等备列常行仗卫卤簿於所出宫门外内如常仪出宫前二刻又撻二鼓为再严奉礼於重明门外之左右设宫官从者位文东武西重行相对皆以北为上斋师於主人第大门外次内设皇太子座南向又於主人堂上中间近北设素下牀席为皇太子哭位南向掌仪於主人庭中设从官之位文东武西北面重行相对为首又於皇太子座前阶下设奉慰位主人执事於堂下设五属之亲位於东阶之东重行西面北上【以服精粗为序而尊者差前】又设五属妇女位於堂北幔下主女位於东厢西向南上妻妾位於西厢东面南上衆妇人位於北厢南面诸妇在西诸亲在东相对为首【俱以服精粗为序而尊者差前五属内外并陪临於此所】其陪从宫官以下皆常服赴集其位有司整列皇太子四望车及副车仗卫之属应列卤簿者於外内如常仪出宫前一刻又撻三鼓为三严诸侍卫之官俱诣阁奉迎左庶子版奏外办皇太子服常服升舆以出扇盖及侍从如常仪皇太子降舆升车中允进跪奏称中允臣某言请车发俛伏兴退复位【凡中允奏请皆进跪奏称某官臣某言讫俛伏兴】车动中允与赞者夹引以出至侍臣上马所中允奏称请车权停令侍臣上马左庶子承令退称令曰诺中允退称侍臣上马赞者承传文武侍臣皆上马毕中允奏称请车发退复位皇太子车动鼓吹不作三师乘车训导三少乘车训从宫官文武应陪者皆乘马以从如常至主人门外次前左庶子进跪奏请降车俛伏兴还侍立皇太子降车升舆入次前其车舆以下卤簿仗卫之属列於次前之左右皇太子变服素服其陪从之官各就次变服素服侍臣武官不变服相者引主人内外五属之亲各衰服就堂下次位掌仪一人立於堂下东阶东南赞者二人立於其南差退俱西面皇太子变服讫升舆出侍卫左右如初主人免絰去杖相者引出门外望见舆止哭再拜迎引主人先入门右西面立不哭【其未殡则通拜迎拜送於大门内】相者赞衆主人以下皆止哭皇太子至堂左庶子跪奏请降舆升俛伏兴【於所陪之丧非尊者则仍舆升堂】皇太子降舆升自东阶即哭位【应拜者则奉引拜灵乃哭】侍臣夹引列於户内外及阶下之左右其仗卫卤簿止列於门外内之左右并如常仪司仪引主人进中庭北面掌仪称拜主人以下应拜者皆再拜令引主人升司仪引主人升立於户内之东西面左庶子跪奏请哭俛伏兴皇太子哭掌仪称哭赞者承传唱可哭【凡掌仪有词赞者皆承传】主人以下及在位者皆哭通事舍人引诸从官应陪位者即班位立定掌仪称拜从官在位者

皆再拜掌仪称哭从官在位者皆哭十五举声掌仪称止从官在位者皆止通事舍人引从官行首一人进诣奉慰位跪奉慰俛伏兴引退还本位掌仪称拜从官在位者皆再拜讫舍人引从官出左庶子跪奏请哭止抚慰主人俛伏兴皇太子止兴就主人前执手讫主人再拜皇太子复位哭又尽一哀【凡所临非本服五属之亲则一哀而止】左庶子跪奏请哭止俛伏兴皇太子止掌仪称止主人以下在位者皆止司仪引主人降立於庭中之东北面掌仪称拜主人以下在位者皆再拜左庶子奏请还皇太子降升舆出侍卫如初司仪引主人先出俟於大门外奉拜皇太子至次降舆即位常服司仪引主人哭以还庑次皇太子停大次未发前三刻左庶子版奏请严有司依式预奏三严每严撾鼓如初二卫率等整列仗卫鹵簿还涂如来仪奉礼设宫官陪从者位於皇太子次前道左文武皆重行向道陪从之官各於次变服讫谒者各引就班位三严已左庶子又奏外办皇太子升舆出升车还宫左庶子奏请及宫官陪从不鸣鼓吹皆如来仪到重明门外宫官文武皆下马三师三少各还皇太子至殿前回车南向左庶子跪奏请降车俛伏兴皇太子降车乘舆入侍臣从至阁庶子奏请解严将士各还其所宫官皆退

临外祖父母丧 临妃父母丧

临师傅保丧 临宗戚丧

临宫臣丧

右与临诸王妃主丧礼同

其临诸妃主以下内丧则并於前寝次【其尊亲应就丧殡寝者则临殡寝可】凡所临诸王妃主以下丧若未殡若已殡或启引或临练皆以本服亲疎及恩赐浅深而为疎数之异其亲临之仪及主人迎待之式其礼如初其所临者若隣宫阙率尔往还则容不备常行仗卫与严鼓皆禀当时旨而为仪注其宫臣陪从文武之官亦准临时备畧【备之言警卫备也畧之言不备】皇太子每过太庙则左庶子奏式过乃复常

遣使吊

遣使吊诸王妃主丧

本司散下其礼所司随职供办守宫先於主人第大门外之右设使者次南面其日使者至掌次者引之次内外衰服司仪引主人以下俱立哭於东阶下妇人立哭於殡所如常仪使者素服出次司仪引使者立於大门外之西东面史二人以案奉令书随立於使者之南差退俱东面司仪入告主人去杖免絰司仪引主人出门止哭迎於大门外见宾先入立於门右北面立司仪引使者以下入内外止哭使者入门而左立於阶间南面持案者立於使者西南东面司仪引主人进当使者前北面史以案进诣使者前使者取吊书持案者退复位使者称有令吊主人哭拜稽顙内外皆哭司仪引主人进受吊书退立於东阶下西面哭司仪引使者以下

出就门外位主人以吊书授左右司仪引主人出内外止哭拜送於大门外使者还主人杖哭而入取吊书於阶下升奠於枢东使人若须私吊则通名引吊如常礼引出遣使吊外祖父母丧 遣使吊妃父母丧遣使吊师傅保丧 遣使吊宗戚丧

遣使吊宫臣丧 遣使吊上台贵臣丧

右礼与吊诸王妃主丧同

赙赠

其所吊宫臣丧葬若有赙赠之礼与吊使俱行则有司预备物数其日使者至主人第大门外便次物陈於使者幕南东西为列使者以下入即庭中位物随入陈於使者位南亦东西为列於使者出主人有司受而以东其特行也亦准吊礼

致奠

遣使致奠外祖父母丧

本司散下其礼所司随职供办守宫於主人大门外量设便次使者至掌次者引之次内外衰服司仪引主人以下俱就东阶下位妇人就堂上位皆立哭使者公服出次谒者绋公服引立於门西东面执事者陈牢饌於使者东南当门北向西上司仪入告主人去杖司仪引主人出内门止哭迎於大门外见宾先入立於门右北面谒者引使者入内外止哭使者升自东阶立於枢东少北南面执事者以牢饌入升设於枢东西向南上司仪引主人升自西阶立於阶上当使者北面执事者酌酒西向奠於席退复位使者曰某封【若某郡君】将归幽宅令使某奠主人降诣阶间北面哭拜稽顙内外俱哭谒者引使者及从者出复门外位初主人拜稽顙讫司仪引主人退哭於东阶下使者出司仪引主人出内门止哭拜送於大门外使者还主人杖哭而入

遣使致奠妃父母丧

遣使致奠师傅保丧

遣使致奠宫贵臣丧

右与致奠外祖父母丧同

大唐开元礼卷一百三十六

卷一百三十七

钦定四库全书

大唐开元礼卷一百三十七 唐 萧嵩等 撰凶礼

东宫妃

闻丧

闻父母祖父母丧 闻外祖父母丧

为诸王妃主举哀 为良娣以下举哀为宗戚举哀

奔丧

奔父母祖父母丧

临丧

临外祖父母丧 临良娣以下丧

除丧

除父母祖父母丧 除外祖父母丧

闻丧

闻父母祖父母丧

皇太子妃为父母祖父母举哀其日赴丧者至本司散下其礼所司随职供办讫举哀前三刻司则版启请中严掌筵先於别殿东壁下设荐为妃举哀位西向为祖父母则北壁下南向别殿前设幔幔下北面设良娣以下位西上前二刻女侍临者集列於阁外便次司则一人升立於殿上东楹之南女史二人立於阶下并西面前一刻司则版启外办至时妃出升殿侍卫如常典版启赴闻司则传启称某官【若某夫人】某日月辰薨妃啼若哭【父母啼祖父母哭】尽一哀问故又哭尽哀女侍者【以司闺下女史充之】引良娣以下入各就位司则称拜女史承传【凡司则有词女史皆承传】良娣以下在位者皆再拜司则称哭良娣以下在位者皆哭举十五声司则称止良娣以下皆止司则称拜良娣以下在位者皆再拜司则称下女侍者引良娣以下退司则跪启请哭止妃止从临者皆止妃退舍别次侍从者侍卫如常於

合哭临如常礼其日晡临前二刻后严良娣以下赴集一刻后办至时引各复位司则跪奏请哭妃哭临如初良娣以下皆哭十五举声司则称止皆止但无拜其他如前仪妃为父母之丧举哀其妃女亦素服引升位於户内之东北面与妃俱哭於良娣以下之退也赞止引退自後奔赴如别礼其有疾故未及奔则自後朝晡赴集后引即位哭临如初以至成服右若曾祖高祖父母薨举哀与为祖父母同

成服

三日成服本司散下其礼所司随职供办掌筵先於妃举哀别殿东壁设素下牀席为妃成服位西向为祖父母则北壁南面所司先制妃齐衰周之服又制良娣以下服亦如之其日成服前三刻司则版启中严女侍临者升列於别殿上哭不絕声前二刻司则於别殿前幔下整设良娣以下丧位如初又於殿上妃位前设席为奉慰位良娣以下仍初服集列於阁外次女侍者各以篋奉其衰服进授仍赞变服焉司则一人升立於殿上东楹之南女史二人立於阶下并西面掌严以篋奉衰服升东间北面立成服前一刻司则版启妃外办妃仍初服即位侍卫如初司则跪启请哭妃哭从临者皆哭十五举声司则跪奏请止哭成服妃止掌严以篋奉衰服进跪授兴乃赞变服焉【於变服则权设步障已而去之】变服已司则又跪启请哭妃女侍者引良娣以下入即位司则称拜良娣以下在位者皆再拜司则称哭良娣以下在位者皆哭十五举声司则称止良娣以下在位者皆止女侍者引良娣行首一人升诣妃前席位跪奉慰兴侍者引降还本位司则称拜良娣以下在位者皆再拜女侍者引良娣以下退司则跪启哭止妃止从临者皆止妃退舍别室如常礼侍从者侍卫如初其日晡临晡前二刻后严良娣以下赴集一刻后办引即位哭临如初其有妃女应成服者则制小功五月之服引升即位如初与妃俱成服哭临先拜慰如良娣之仪于良娣之退赞止引退自後朝晡哭临以至卒哭【若公除则加别礼】其为曾祖高祖父母则与良娣以下俱成齐衰三月之服如常礼

闻外祖父母丧

右与闻祖父母丧礼同其异者於别宫次其日晡临後三朝哭临而止

为外祖父母成服

右与为祖父母成服礼同其异者与良娣以下俱成小功五月之服

为诸王妃主举哀

右与为祖父母举哀礼同本服大功者其日晡临而止小功以下一举哀而止

为良娣以下举哀

右与为诸王妃主举哀礼同其良媛以下则一举哀而止

为宗戚举哀

右与为诸王妃主举哀礼同

其日内外应奉慰者赴集后引即上下位次哭临抚慰及拜哭奉慰如常礼【自後皆然】
其日官等应奉慰者赴集宫官门奉慰如常礼【自後皆然】

奔丧

奔父母祖父母丧

本司散下其礼所司随职供办守宫先设行宫便次於主人大门内之右南向又於便殿之後及左右厢量设良娣以下及陪从者便次如式丧寝前设障幔为良娣以下拜哭次主人五属之亲於妃未至之前列於主人第其日出宫前四刻司则版奏请中严出宫前三刻诸率等备列常行仗卫卤簿於所出宫门外内如常仪出宫前二刻导客舍人於主人第丧寝尸西【若殡西】设荐席为妃哭位东向【其奔祖父母丧则户内西南厢北面】导客舍人又於丧寝庭幔下北面重行设良娣以下拜哭位次北面西上其良娣以下陪从者各服素服集列以俟陪从如常【已成服则服衰服】内廄尉进辇车其仗卫卤簿并以次整列於所出宫门外内如常仪出宫前一刻司闺以下应陪从者并以次进迎如常小舆进於内庭至时司则入殿后外办妃仍举哀之服升舆出【已成服则服衰服】三面周以白布帷至阁外妃降舆升辇车内廄尉执御典内以下前导夹引与司闺以下乘车陪从如常仪以下应从者乘车以次序从如常仗卫夹引妃哭从临者随哭不絶声於妃未到之前司仪赞主人内外五服之亲并出就前堂哭其位如宾堂之仪导客舍人一人升立於丧寝东楹之南内给使二人立于阶下并西面妃至主人第降车所司则启请降入妃降车仍哭入自阊门三面周以行帷从临者仍哭从不絶声司闺以下哭从如初侍者夹扶主人降诣东阶之南仍立哭【其奔祖父母丧则主人仍立哭以待】衆主人并立于主人之後西面北上立哭【以服精粗为序】妃至丧寝庭主人哭止再拜仍立哭女侍者扶引妃哭升自西阶进尸西跪凭尸抚心哭从临者仍哭於妃之升也导客舍人引良娣以下从奔者各权舍於便次其仗卫卤簿屯於外内如常主人以下应升者升各即位哭妃哭尽一哀仍扶引即位哭临从者仍哭【若已殡则先进灵前跪凭灵哭尽哀后引退西面拜仍即位哭】导客舍人引良娣以下入即班位导客舍人称拜给使承传唱可拜【凡舍人有词给使皆承传】良娣以下在位者皆再拜导客舍人称哭良娣以下在位者皆哭十五举声导客舍人称止良娣以下在位者皆止【若已成服则引行首升慰皆如常礼】导客舍人称拜良娣以下在位者皆再拜讫导客舍人引良娣以下退还便次司则跪后妃哭止妃止从临者皆止妃退降即便次典内版启解严【将士仍不得辄离部列】其成服已则宫官等应奉慰者并赴奉慰如常礼自後妃依时哭临如常礼【其为父若祖父丧则自後后引哭于後寝次】其未成服而奔则至成服日即与主人俱成服其奔父母之丧则成服而还宫其有别勅令还宫则随旨期其未即还宫也其良娣以下及卤簿仗卫应还者先还留者与妃依时哭临及成服则如妃之礼于妃还宫日之朝也诸应奉迎之官及仗卫卤簿等并赴主人第奉迎如式于妃还宫车发前三刻司则版启请中严诸率等整列仗卫卤簿於

还涂如来仪至时司则版启外办妃哭拜讫主人以下各列本次拜哭如初【其尊及长则不降拜】司闺扶引妃降出侍从如初妃至中门启哭止升车从临者皆止三面周以行帷良娣以下乘车序从如初妃至合外司则跪启请降入妃降车升舆入典内以下部从至合如初典内版启请解严诸列鹵簿者各还其所自後赴葬及练祥则出入如初礼 皇太子妃於祖父母若父母之葬不赴葬则於启日之朝也与良娣以下服衰服启引各即上下位次哭临拜慰如初 若父在若祖父在为母若祖母之丧十一月而小祥则与良娣以下於位次行变除之礼易以练总除腰經哭临受慰如常礼其稟旨行公除之礼则十三日而除其行除礼如别条

临丧

临外祖父母丧

右与奔祖父母丧礼同其异者乘常行之车其仗卫羽仪之属则如平常而位於丧寝中之西北壁下南面即位乃哭其主人内外五属之亲并哭於丧寝前後庭应升者如太子临外祖父母丧主人以下待之礼皇太子妃每出临若须严鼓并须准所临远近及仗卫备畧【备如常畧不备也】稟旨在於当时

临良娣以下丧

妃临良娣以下之丧本司散下其礼所司随职供办降临前二刻司则版启请中严掌严先於丧寝中间北厢设素下牀席为妃哭位南向腰舆进於内庭降临前一刻司则版启外办妃素服升舆出常侍从者侍卫如常至丧所降舆升丧寝即位坐哭侍从者侍卫如常妃之将至也女侍者启引亡者之子降东阶之南西面再拜【已成服则去杖】又女侍者启引亡者之女出北户降寝北面再拜引并升复位哭如初司则跪启请哭妃哭从临者皆哭十五举声跪启止抚慰妃止女侍者引亡者之子诣前跪哭妃抚慰之子兴再拜引退复位又引亡者之女如上礼司则跪启兴还妃升舆引降还侍卫如初於妃之降也启引亡者之子降拜引升复位哭女侍者启引亡者之女降拜引升复位哭并如初

除丧

除父母祖父母丧

妃除父母祖父母丧服之制本司散下其礼所司随职供办所司先制妃及良娣以下素服导客舍人先於别殿合外整设良娣以下便次如初又于别殿前整障幔为良娣以下拜哭次以十三月而除服于除服前之夕晡临已有司除其故位次而设新下牀席焉其日平明後而除服前三刻司则版启中严女侍临者升於别殿上哭临如初除服前三刻司则于别殿前幔下整设良娣以下位次又于殿上妃位前设席为跪奉慰位良娣以下仍衰服集列於合外便次女侍者以篋奉其素服进授仍赞变除焉司则一人升立於堂上东楹之南女史二人立於堂下并西面掌严以篋奉素服升东间北面立前一刻司则版启外办妃仍服衰服引出升即

位次常侍从者侍卫如初妃哭从临者皆哭十五举声司则跪启哭止从礼制除服妃止掌严者以篋奉素服进跪授兴仍赞变除焉【於变服则权设步障已而去之其侍临者亦从变除】变除已司则又称拜女史承传唱可拜【凡司则有词女史皆承传】良娣以下在位者皆再拜司则称哭良娣以下在位者皆哭十五举声司则称止女侍者引良娣行首一人升进跪前席位跪奉慰兴女侍者引降还本位司则称拜良娣以下在位者皆再拜女侍者引良娣以下各出还宫寝如常礼司则跪启请哭止还妃哭止从临者皆止妃降还内寝侍卫如初

除外祖父母丧服

右与除祖父母丧服礼同其异者行公除之礼则五日而除

大唐开元礼卷一百三十七

卷一百三十八

钦定四库全书

大唐开元礼卷一百三十八 唐 萧嵩等 撰凶礼

三品以上丧之一

初终 复

设床 奠

沐浴 袭

含 赴阙

勅使吊 奠

铭 重

陈小敛衣 奠

小敛 敛髮

奠 陈大敛衣

奠 大敛

奠 庀次

成服 朝夕哭奠

宾吊【亲故同】 亲故哭

州县官长吊 刺史遣使吊

亲故遣使致赙 殷奠

卜宅兆 卜葬日

启殡 赠諡

亲宾致奠

初终

有疾丈夫妇人各斋於正寝北墉下东首【墉墙也东首顺生气也】养者男子妇人皆朝服斋亲饮药子先尝之疾困去故衣加新衣【为人来秽恶也】彻乐清扫内外【为宾客来问】分祷所祀【尽孝子之情也五祀及所封境内名山大川之类】侍者四人坐持手足【为不能自屈伸内丧则妇人持之】遗言则书之属紼以候气【紼新绵置于口鼻也】气绝废牀寝於地【人始生在地庶其生气反也】主人啼余皆哭男子易以白布衣被髮徒跣妇人青缣衣被发不徒跣女子亦然【父为长子为人後者为其本生父母皆素冠不徒跣女子子嫁者髻】齐衰以下丈夫素冠妇人去首饰【谓齐衰妇人】内外皆素服【素服谓有服者白布十五升无服者不服列彩服常服素衣】主人坐于牀东啼踊无数衆主人在主人之後兄弟之子以下又在其後俱西面南上哭妻坐於牀西妾及女子子在妻之後哭踊无数兄弟之女以下又在其後俱东面南上籍藁坐哭内外之际隔以行帷祖父以下於帷东北壁下南面西上祖母以下於帷西北壁下南面东上皆舒席坐哭外姻丈夫於户外之东北面西上妇人於主妇西南北面东上皆舒席坐哭【若舍窄则宗亲丈夫在户外之东北面西上外姻丈夫在户外之西北面东上】诸内丧则尊行大夫及外亲丈夫席位於前堂若户外之左右俱南面宗亲尸东西上外亲户西东上凡丧皆以服精粗为序国官位於门内之东重行北面以西为上俱褻巾帕头舒席坐参佐位於门内之西重行北面以东为上俱素服舒席坐哭斩衰三日不食齐衰二日不食大功一日不食小功緦麻再不食

复【始死则复】

复於正寝复者三人皆常服【复为招魂复魄】以死者之上服左荷之升自前东溜当屋履危北面西上【危栋也】左执领右执腰招以左每招长声呼某复【男子女子称字及伯仲妇人称姓妇人依其夫】三呼而止以衣投於前承之以篋升自阼阶入以覆尸【若得魂魄返然】复者彻舍西北扉降自後西溜【不自前降不以虚返因彻西北扉若云此室凶不可居然自是行死事取彻扉之薪以充煮沐】复衣不以褻敛【浴则去之】乃设牀

设牀

设床於室户内之西去脚舒簟设枕施幄去裙迁尸於床南首覆用敛衾去死衣【敛衾大敛所用之衾黄表素里也死衣病时所加新衣也】楔齿用角枲【为将含也】缀足以燕几校在南【缀犹拘也校几胫也尸南首几胫在南以拘足则不使辟戾也】侍者坐持之其内外哭位如始死之仪乃奠

奠

奠以脯醢酒用吉器无巾柶升自阼阶奠於尸东当隅【鬼神无象故设奠以凭依之】内丧内赞者皆受於户外而设之【凡内丧皆内赞者行事也】既奠赞者降出设帷堂【初气絶室内随事设帷至此事小讫故设帷堂】乃赴於阙【若有赴者遣赴赴礼合在此下含篇後为与勒使吊篇宜相近故列在後也】

沐浴【自沐浴下至设重其事皆可同时而兴】

掌事者掘埴於阶间近西南其广尺长二尺深三尺南其壤为块竈於西墙下东向以俟煮沐新盆盘瓶六?皆濯之陈於西阶下【新此器者重死事块竈累土为竈盆以盛水盘以盛濡濯瓶以汲也?瓦罍受二升有盖濯谓涤溉】沐巾一浴巾二用絺若?实於筭【巾所以拭也浴巾二者上体下体异絺细葛也?粗葛也筭竹器也】栲实於箱若簞浴衣实于篋【浴衣已浴所衣之衣其制如今之眠帕】皆具于西序下南上水泔稷米取潘煮之又汲为汤以俟浴以盆盛潘及沐盘升自西阶授沐者执潘及盘入主人皆出户外【象平生沐浴子孙不在旁主人出而袒簣谓去席居牀簣也】主人以下户东北面西上主妇以下皆于户西北面东上俱立哭其尊行者丈夫於主人之东北面西上妇人於主妇之西北面东上俱坐哭妇人权障以帷主人以下既出乃沐栲【栲梳】束髮用组拑用巾【拑曦也】浴则四人抗衾二人浴拭用巾拑用浴衣设牀於尸东衽下莞上簟【衽卧席也】浴者举尸易牀设枕翦须断爪如平常须发爪盛以小囊大敛内於棺浴巾皆埋於埴真之着明衣裳以方巾覆面仍以大敛之衾覆之讫内外入就位哭乃袭

袭

是时陈袭事於房内袭衣三称西领南上【朝服一称常服二称凡陈衣者实之以箱篋承以席】明衣裳【今用生绢裯衫】舄一帛巾一方尺八寸充耳用白紵面衣用玄方尺纁里组繫握手用玄纁里长尺二寸广五寸削约於内旁寸着以绵组繫【握手手所握者面衣及手衣皆通用余色】庶襚继陈不用【庶衆也不用不袭也多陈之为荣少纳之为贵】将袭具牀席於西阶西内外皆出哭於户外其位如沐时袭者以牀席升入设於尸东布枕席如初执服者陈袭衣於席祝去巾加面衣设充耳着握手纳舄若履【凡衣死者左衽不组将袭辟奠既袭则设之】既袭乃覆以大敛之衾内外俱入复位坐哭【诸尊者於卑幼之丧及嫂叔兄弟娣侄相哭朝晡之间非有事则休于别室】乃含

含

含赞者奉盘水及筭【筭竹器】饭用粱含用璧升堂含者盥手於户外赞者沃盥含者洗粱璧实於筭执以入祝从入北面彻枕去楔受筭奠於尸东含者坐於床东西面啗巾【巾先覆面将含当口啗之】纳饭含於尸口既含主人复位楔齿之柶与浴巾同埋於坎

赴阙

遣使赴於阙使者进立於西阶东面南上主人诣使者前北面曰某之父某官臣某薨【若母若妻各随其称】谨遣某官臣姓某奏闻再拜使者出主人哭入复位

勅使吊

勅使吊使者公服入立于寝门外之西东面相者入告主人入素冠降自西阶迎于寝门外见宾不哭先入立于门右北面内外皆止哭开帷【帷堂之帷事毕下之】使入立西阶东面进主人于阶下北面使者称有勅主人再拜使者宣勅云某封位薨【无封者称姓】情以惻然如何不淑主人哭拜稽顙内外皆哭使者出主人拜送于大门外亲故为使吊者既出易服入向尸立哭十数声止降出主人候勅使出升降自西阶【主人升降自西阶者亲始死未忍当主位】

铭【铭明旌也】

铭帛以绛充广幅长九尺韬杠【杠明旌竿也杠之长准其绛也公以上杠为龙首也】书曰某官封之柩【在棺曰柩妇人之夫有官封云某官封夫人姓之柩子有官封者云太夫人之柩郡县君各随其称】置於宇西阶上

重

重木刊凿之长八尺横者半之置于庭三分庭一在南【刊凿之为悬?孔也】以沐之米为粥实于?既实以踈布盖其口系以竹?悬於重木覆用苇席北向屈两端交於後西端在上缀以竹?祝取铭置於重殡堂前楹下夹以苇席帘门以布又设苇障於庭

陈小敛衣

小敛之礼以丧之明日各陈其敛衣一十九称【若无各随所办】朝服一称其余皆常服陈於东序西领北上笏一凡敛非正色不入絺?不入乃奠【将小敛又奠】

奠

饌於东堂下【凡奠器皆素也】瓦甒二实醴及酒觶二角栖一少牢及腊三俎筵豆各八【筵实盐脯枣栗之属也豆实醢酱蕤苴之类】设盆盥於饌东布巾【为奠者设盥丧事畧故无洗】赞者辟脯醢之奠於尸牀西南乃敛

小敛

将小敛具牀席於堂西又设盆盥於西阶之西如东方【为举尸者设盥】敛者盥讫兴执服者以敛衣入主人以下少退西面主妇以下少退东面内外俱哭敛者敛讫覆以夷衾设牀

于堂上两楹间衽下莞上簟有枕【衽尸卧之席】卒敛开帷主人以下西面凭哭主妇以下东面凭哭俱南上【凡凭尸父母先妻子後】讫退乃敛髮

敛髮

男子敛髮裹巾帕头女子子敛髮而髻主人以下立哭於尸东西面南上主妇以下坐哭於尸西东面南上祖父母以下仍哭於位各如初外姻丈夫妇人哭於位各如初敛者举尸男女从奉之迁於堂仍覆以夷衾【棺衣】哭位皆如室内乃奠

奠

赞者盥手奉饌至阶豆去盖筯俎去巾冪升奠於尸东醴酒於饌南西上讫其俎祝受巾巾之奠者彻衾奠自西阶降出下帷内外俱坐有国官僚佐者以官代哭无者以亲疎为之夜则为燎於庭厥明灭燎乃大敛

陈大敛衣

大敛之礼以小敛之明日夙兴陈衣於序东三十称【无者各随所办】各具上服一称西领南上其余皆常服冕具导簪纓在北内丧花钗衾一【衾以黄为表素为里】乃奠

奠

奠於堂东阶下两甒醴及酒醴在南各加勺筐在东南肆实角觶二木枲一豆在甒北筯次之牢饌如小敛筯豆俎皆冪以功布有簟素几功布巾在饌北掘殡埕於西阶之上【丧从外来者殡於两楹之间】乃敛

大敛

将大敛棺入内外皆止哭升棺於殡所棺中之具灰炭枕席之类皆先设於棺内置棺讫内外皆哭熬谷八筐黍稷稻粱各二皆加鱼腊【熬谷所以惑蚍蜉令不至于棺傍】烛俟於饌东设盆盥於东阶东南祝盥讫升自阼阶彻巾授执巾者执巾者降待於阼阶下祝与赞者彻小敛之饌降自西阶设於序西南当西阶溜如设於堂上【堂上谓尸东凡奠设於序西者事毕而去之】乃适於东阶下新饌所帷堂内外皆少退立哭御者敛丈夫加冠妇人加花钗覆以衾敛讫开帷主人以下西面凭哭主妇以下东面凭哭退复位次诸亲凭哭讫敛者四人举牀男女从奉之奉尸敛於棺乃加盖覆以夷衾内外皆复位如初设熬谷首足各一筐旁各二筐以木覆棺上乃涂之设帟於殡上【帟枢上承尘】祝取铭置於殡乃奠

奠

将奠执巾几席者升自阼阶入设於室之西南隅东面右几加以巾赞者以饌升入室西面设於席前祝受巾巾俎奠者降自西阶以出下帷内外皆就位哭如初既殡设灵座於下室西间东向施床几案屏帐服饰以时上饌羞及汤沐皆如平生当殷奠之日不饌於下室【下室谓燕寝无下室者则设灵座於殡东朝夕进常食之具於灵前如平常也】

庀次

将成服掌事者预为庀於殡堂东廊下近南北户设苫由於庀内【诸子各一庀凡庀五品以上营之】齐衰於庀南累塹为垕室俱北户翦蒲为席不缘【父兄不次於殡所各在其正寝之东为庀次垕室祖为嫡孙居垕室寝有牀皆南面西出户】父不为衆子次於外【于庶子畧自若居寝】大功於垕室之南张帷席以蒲小功緦麻於大功之南设床席以蒲妇人次於西房若殡後施下牀殡堂无房者次於後若别室

成服

三日成服【皆除去死日数】内外皆哭尽哀内外俱降就次着衰服无服者仍素服相者引主人以下俱杖【三日而後食杖而後能起衆子皆杖以病故也童子妇人不能病故不杖亦不居庀不着菲屨若嫡子虽童亦杖幼不能自杖人代执之所谓当室杖者也自此以後唯嫡子及有爵之庶子皆得杖在位若其庶子之无爵者杖於他所不杖在位矣凡正寝户内曰室户外曰堂虞杖不入室耐杖不升堂以今言之即灵堂户之内外也周人耐在卒哭今之百日也哀衰敬生故其杖不升灵寝当堂之前其衰服及杖皆致之於庀内应杖者朝夕哭则杖之若孝子出无异适惟向殡及坟墓而已远则乘车近则使人代执杖也】升立哭於殡东西面南上齐衰以下亦升就位妇人升诣殡西位若殡逼西壁妇人皆位于殡北则南面东上【尊行者坐】内外皆哭尽哀诸子孙就祖父及诸父前跪哭祖父抚哭尽哀就祖母前哭亦如之女子子对祖母及诸母哭遂就祖父前哭如男子之仪唯诸父不抚之各复位伯叔母以下就主哭妇亦如之【始遭亲丧孝子荒迷三日不食服及成矣是以尊卑内外聚哭尽哀】诸尊者降出还次主人以下降出立於阶下外姻在南少退俱西面北上哭尽哀各还次阖门小功以下各归其家自成服之後诸尊者及妇人於诸亲男女之丧有事则哭於殡所无事有时须哭者或在正寝则於北壁下舒席南面坐哭父母丧食粥朝米四合暮米四合不能食粥则以米为饭妇人皆以米为饭

朝夕哭奠【凡朝奠日出夕奠逮日也】

每日预具朝奠於东阶下【瓦甒二实以醴及酒觶杓疏布冪角觶一木枲一筴一豆一实以脯醢】内外夙兴各衰服【凡言衰服应杖者皆杖以下准此】男子就东阶下位【若升哭於殡东也其位如成服之式】妇人升诣殡西位内外皆哭【凡朝夕哭皆开帷】质明掌事者升自阼阶入彻奠出置於序西南如殡东之仪又以朝奠入至阼阶豆去巾盖筴甒去冪升自阼阶入设於室如初执饌者出降自西阶日出後少顷内外皆止哭各还次朝夕之间主人及诸子妻妾女子子哭於其次无时至夕内外俱就位哭彻朝奠进夕奠如初仪日入内外

俱止哭各还次哭者出闔门自是以後至於启殡每朝夕如上仪既殡自大功以下异门者归於家

宾吊【亲故同】

宾至掌次者引之次宾着素服相者入告内外衰服相者引主人以下立哭於阼阶下妇人升哭於宾西相者引宾入立於庭北面西上为首者一人进当主人东面立云如何不淑主人哭再拜为首者复北面位吊者俱哭十余声相者引出少顷相者引主人以下各还次

亲故哭

若亲故哭殡者内外俱升就宾堂位尊者坐【若宾敌体以上宾初入则起宾坐亦坐宾起亦起】内外俱哭相者引宾入升堂立於宾东西面南上尊者坐俱哭尽哀止卑者再拜讫乃引主人前稍南东北面执慰相者引以次出【恩深者宾拜讫又哭尽哀或就孝子抚哭尽哀而止】少顷相者引主人以下降还次

州县长官吊

若刺史哭其所部【县令同】主人设席於柩东西向刺史素服将到相者引主人去杖立於门内之右北面刺史降入升自东阶即坐西向哭主人升就位哭刺史哭尽哀将起主人降复阶下位刺史降出主人拜送於大门外杖哭而入

刺史遣使吊

若刺史遣使吊使者至掌次者引就次内外俱衰服主人以下就阶下位妇人入就堂上位内外俱哭使者素服执书相者引入门而左立于阶间东面使者致辞主人拜稽顙相者引主人进诣使者前西面受书退复位左右进受书主人拜送於位相者引使者出若自入吊哭如常仪客出少顷内外止哭各就次

亲故遣使致赗

使者立於大门外之西东面从者以筐奉玄纁束帛立使者西南俱东面【凡赗通以货财使者随执其物不限以玄纁】相者入告主人立哭相者进主人前东面受命出诣使者前西面曰敢请事使之从者以筐进诣使者前西面以授使者退复位使者曰某封某官【无官封者称某字】使某赗相者入告出曰孤某须矣相者引入立於内门外之西东面主人止哭使者少进东面曰某封若某官使某赗主人哭再拜使者少进坐委之兴复位掌事者进坐举之兴以东相者引使者出主人拜送若使者致物不以器掌事者迓受之不委於地【其余赗物从者执之立於使者东南北面西上掌事者受之以东】

殷奠

每朔望具殷奠饌於东堂下瓦甒二实以醴及酒角觶二角柶一少牢及腊三俎二簋二簠二鉶六筯六豆设盆盥於饌东布巾【为奠者盥】其日内外夙兴衰服升就哭位质明执饌者彻宿奠遂以饌入至阼阶去盖升入室设於席前酌奠讫冪俎以巾执饌者降自西阶以出少顷内外各还次既出阖门及夕执饌者彻殷奠进夕奠如常礼若有荐新如朔奠【荐六谷若时物新出者】其日不馈於下室【不馈於下室者为殷有黍稷】

卜宅兆

既度宅兆掘四隅外其壤掘中南其壤【宅葬居也兆莹域也南其壤者为葬将北首故也壤土也】既朝哭主人遂哭出乘辒车诣宅兆所出国门止哭掌事者预设主人以下次於宅兆东南将到主人又哭至宅兆所主人停於次止哭莅卜者一人【国官若僚佐之长莅之无者亲属为之】缁布冠不綌布深衣因丧屨【莅卜者非国官则吉冠素服也】祝及卜师凡行事者皆吉冠素服掌事者布卜筮席於兆南北向西上相者引莅卜筮者及祝立於卜筮席西南东面南上卜师筮师立於祝南东面北上相者引主人诣卜筮席南十五步许当内壤北向相者立於主人之左少南俱北向诸宾及从者立於筮席东南重行西面诸亲北上诸宾南上立定相者少进东面称事具退复位主人免首經左拥之莅卜者进立於主人东北西面卜师抱龟筮师开轘出策兼执之【轘藏策器】执轘以击策【击之以动其神】进立於莅卜前东面南上莅卜者命曰孤子姓名为父某官封某甫度兹幽宅无有後艰【某甫父字无封者去封宅居也度谋也言为父卜葬居今谋此以为幽冥处得无有後之艰难乎谓有非常崩坏若内丧云为某母夫人某氏】卜师筮师俱曰诺遂述命讫右旋就席北面坐命龟筮曰假尔泰龟有常假尔泰筮有常指中封遂卜筮讫兴各以龟筮东面称占曰从还本位主人經哭从者哭尽哀止相者进主人之左东面称礼毕相者引主人退立於东南隅西面又相者引卜者立於主人之後重行西面俱北上掌事者彻卜席当安墓处立一标又於四隅各立一标当南门两厢各立一标祝师掌事者入铺后土氏神席於墓左南向设酒樽於神座东南加勺冪设洗於酒樽东向盥水在洗东筐在洗西南肆【筐实以巾爵加冪】相者引告者及祝与执樽盥筐者俱立於盥洗东南重行西面以北为上【国官若僚佐之长告若无国官僚佐者亲宾及主人告之主人告者俱去經杖】立定俱再拜祝与执樽盥筐者先立于樽盥筐之後执饌者以脯醢跪设於神座前兴还本位相者引告者诣盥洗盥手洗爵诣酒樽所酌酒进跪奠於神座前兴少退北向立祝持版进於神座之右东面跪读祝文曰维年月日朔子某官姓名【若主人自告父称孤子母称哀子姓名】敢昭告於后土氏之神今为某官姓名【若主人自告云为父母官封某甫母云太夫人若郡君某氏各随官称之】营建宅兆神其保佑俾无後艰谨以清酌脯醢只荐於后土之神尚飨讫兴告者再拜相者引告者还本位西面再拜引出掌事以下俱复位再拜遂彻饌席樽盥以出主人哭还去墓三里许止哭及国门又哭内外升哭於位主人入升诣殡前北面哭尽哀止哭西面再拜降就次【有国官僚佐从主人入就门内哭主人拜俱再拜主人降就次各就次】若不从又卜筮择地如初仪

卜葬日

既朝哭主人及诸子以下出立於殡门外之东壁下西面北上国官僚佐之长莅卜【无国官僚佐者亲宾为之】行事者俱吉服立於门西东面南上卜师抱龟在其南东面阖门东扇主妇立於其内掌事者设卜席於阼外闌西相者诣主人前东面告事具遂引主人立於门南北面相者立於主人之左少退俱北面主人免首經左拥之莅卜者进立於主人东北西面卜师少进莅卜前东面受命莅卜命曰孤子某来日谋卜葬其父某官封某甫【母云为其母太夫人某氏】考降无有近悔【考登也降下也言卜此日葬惟神上下得无近於咎悔也】卜师曰诺遂述命讫右旋进就席西面坐命龟曰假尔泰龟有常乃作讫兴以龟退东面称占曰从主人經兴诸子以下哭尽哀相者告於主妇哭入遂使人告於亲宾【诸亲及僚友卜日不来者】卜师以龟退掌事者彻卜席相者进告礼毕主人兴诸子以下入升诣殡前北面立哭内外俱哭尽哀内外各还次若不从又卜择如初仪

启殡

葬有期前一日之夕掌事者除帷障备启奠【具饌如大斂】为次於大门外之右南向内外夕哭如常仪启殡之日内外夙兴衰服主人及诸子皆去冠經以衰巾帕头【国官亦以衰巾帕头】内外升阶就位哭【尊行者坐国官及僚佐就下位哭】祝衰服执功布【功布长五尺】升自东阶诣殡南北向内外皆止哭祝三声噫嘻乃曰谨以吉辰启殡既告内外皆哭尽哀内外各还次祝降与执饌者升彻宿奠如常祝取铭置於重掌事者升彻殡涂讫设席於枢东升枢於席上又设席於枢东祝执功布升以拂枢覆用夷衾降出周设帷东面开户相者引主人以下升哭於帷东西向妻妾女子以下哭於帷西东向俱南上诸祖父以下南面东上外姻丈夫帷东北面西上妇人帷西北面东上【尊者坐】内外皆哭祝与进饌者各以奠升设於枢东席上祝酌醴奠之内外俱哭於位如未成服之礼亲宾致奠如别仪有国官僚佐者以官代哭无者以亲疎为之昼夜不絕声

贈諡

告贈諡于枢【无贈者设启奠讫即告諡】其日主人升立于饌东西面祝持贈諡文升自东阶进立於枢东南北向内外皆止哭祝少进跪读文讫兴主人哭拜稽顙内外应拜者皆再拜祝进跪奠贈諡文于枢东兴退复位内外皆就位坐哭

亲宾致奠

启之日亲宾致奠於主人设启奠後诸奠者入立於寝门之外东向【谓卑幼者其有故则遣使】祭具陈於奠者东南北向西上相者入告内外卑者皆兴立哭於位又相者引奠者入升当枢东西面奠者哭祭具从升陈於枢东奠者之西西向南上设饌讫执饌者降出奠者止哭诣酒樽所取爵酌酒跪奠於枢东兴少退西面立内外皆止哭奠曰某封若某位伯叔【各随官爵称之】将归幽宅奉奠若异姓各从其称若使者云某封若某姓位闻某封若某官将归幽宅使某奉辞奠毕应拜者再拜内外皆哭主人再拜稽顙奠者哭尽哀止相者引出执事者以次彻饌而出

大唐开元礼卷一百三十八

卷一百三十九

<史部,政书类,仪制之属,大唐开元礼>

钦定四库全书

大唐开元礼卷一百三十九 唐 萧嵩等 撰凶礼

三品以上丧之二

将葬

陈车位 陈器用

进引 引輶

輶在庭位 祖奠

輶出升车 遣奠

遣车 器行序

诸孝从柩车序 郭门亲宾归

诸孝乘车 宿止

宿处哭位 行次奠

亲宾致赍

墓上进止

莹次 到墓

陈明器 下柩哭序

入墓 墓中置器序

掩圻 祭后土

反哭 虞祭

将葬

陈车位

启日之夕纳柩车於大门之内当门南向进灵车於柩车之右内外所乘之车陈於大门外丈夫之车门西妇人之车门东俱服重者在上【以近门及北方为上】女子子妻之车以木为之不漆饰无者以蘧蓆衣车以蒲纒轅轂若白土垩之又以布为 ？周及大功之车以白土垩之或衣蘧蓆皆以布为 ？其布如服布掌事者预於宿所张吉凶帷幕凶帷在西吉帷在东俱南向设灵座於吉帷下如常式

陈器用

启之夕发引前五刻槌一鼓为一严【无鼓者量时行事也】陈布吉凶仪仗方相【黄金四目为方相】志石大棺车及明器以下陈于柩车之前一品引四披六铎左右各八黼翬二黻翬二画翬二二三品引二披四铎左右各六黻翬二画翬二【引者引輶车索也披者系于輶车四序在旁执之以备倾覆铎者以铜为之所以节挽者翬者以木为之筐广二尺高二尺四寸其形方两角高衣以白布柄长五寸黻翬黻翬画黻文于翬之内四缘画以云气画翬者内及缘皆画云气】

进引

二刻顷槌二鼓为二严掌饌者彻启奠以出初彻奠内外俱兴立哭於位执紼者皆入掌事者彻帷持翬者升以翬障柩执紼者升执铎者入夹西阶立执纛者入当西阶南北面立掌事者取重出倚於门外之东执旌者立执纛南北面【诸执披紼铎旌纛翬者皆布深衣介帻】陈布将訖槌三鼓为三严进灵车於内门外南向祝以腰輿诣灵座前【内丧则妇人执腰輿】祝於輿左西向跪告曰孤子某【母云哀子】谨用吉辰奉归先寝【若新卜宅云奉迁幽宅】灵车就引神道纡回惟以荒寥无任哽絕兴立少顷腰輿出降自西阶羽仪从者如平生诣灵车後少顷輿退

引輶

将引輶【輶即柩车也】执铎者俱振铎引輶降就阶间南向初輶动及进止执铎者皆振铎每振先摇之摇訖三振之其持翬者恒以翬障於輶輶降阶执纛者却行而引輶止则回北面立执旌亦渐而南輶止回北向立主人以下次从輶而降主妇又次其後降

輶在庭位

輶至庭主人及诸子以下立哭於輶东西向南上祖父以下立哭於輶东北南向西上异姓之丈夫立哭於主人东南西面北上妇人以次从降妻妾女子子以下立哭於輶西东面南上祖母以下立哭於輶西北南向东上异姓之妇人立哭於主妇西南东面北上内

外之际障以行帷【凡帷用如服布】国官立哭于执紼者

东南北面西上僚佐立哭于执紼者西南北面

东上

祖奠

庭位既定祝帅执饌者设祖奠於輶东如大斂之仪祝酌奠讫进饌南北面跪曰永迁之礼灵神不留谨奉柩车式遵祖道尚飨兴退少顷彻之

輶出升车

执披者执前後披执紼者引輶出輶车动旌先纛次主人以下从哭於輶後妇人次哭于後輶出到輶车执紼者解紼属於輶车後执披者如常遂升柩内外哭位如在庭之仪

遣奠

既升柩祝与执饌者设遣奠於柩东如祖奠之礼祝酌奠於饌前少顷彻之

遣车

既遣奠掌事者以蒲苇苞牲体下节七苞以绳束之盛以盘载於车列於旌前

器行序

彻遣奠灵车动从者如常鼓吹振作而行先灵车後次方相车次志石车次大棺车次輶车【志石与大棺车若先设者不入陈布之次】次明器车次下帟輿次米輿【五谷米实以五簋各计二升罍用疏布】次酒脯醢輿【酒实以壶各五升罍用功布醢实於二瓮各三升罍用疏布】次苞牲輿次食輿【食輿盘碗具足方相以下驾士馭士舁明器下帟等人皆介幘练衣】次铭旌次纛次铎【铎分为左右】次輶车

诸孝从柩车序

主人及诸子具經杖衰服【秃者衰巾加經】徒跣哭从诸丈夫妇人各依服精粗以次从

哭出门内外尊行者皆乘车马哭不絕声

郭门亲宾归

出郭若亲宾还者权停柩车内外尊行者皆下马依服之精粗为序立哭如式相者引亲宾以就柩车之左向柩立哭尽哀卑者再拜退妇人亦如之

诸孝乘车

亲宾既还内外乘车马【若墓远及病不堪步者虽无亲宾还主人及诸子亦乘辇车去墓三百步皆下】

宿止

灵车到帷门外回南向进腰舆于灵车後羽仪从者如常少顷舆入诣灵座前少顷降出随进常食於灵座若食顷彻之【每至停宿之所设灵座於室进食皆如初】柩车到入凶帷停於西厢南辕祝设几席於柩车东

宿处哭位

初至宿处内外皆就柩车所主人及诸子以下於柩车之东西面南上妻妾女子子妇人於柩车之西东面南上祖父以下於柩车东北南面西上异族有服者於柩车东南西面北上祖母以下於柩车西北南面东上异姓妇人又於柩车西南东面北上国官於帷外柩之东北面西上僚佐於帷外柩之西北面东上俱立哭

行次奠

凡停宿进酒脯之奠於柩东如朝奠之仪既设奠内外各还次迭哭不絕声及夕内外就柩车所哭进夕奠如朝奠之仪讫迭哭如常厥明又就位哭进朝奠亦如之若食顷彻之吉凶仪仗如式发引内外从哭如初仪

亲宾致赠

宾有赠礼在主人设祖奠之时宾立於门外西厢东面从者以筐奉玄纁立於宾西南俱东面牵马者以马陈於宾东面北首西上相者入告遂诣主人之左北面受命讫到宾前西面曰敢请事宾曰某敢赠相者入告出曰孤某须矣宾之从者坐奠筐取币兴诣宾前西面以授宾退复位相者引宾入牵马者先以马入陈於輶车南北面西上宾入由马西当輶车东南北面立内外权止哭宾曰某謚封若某位将归幽宅敢致赠辞毕而哭内外皆哭主人拜稽顙宾止哭相者引宾进輶东西向奠币于车上相者引宾又由輶车前以西而出初宾出掌事者由主

人右诣輓车东西向举币以东【东藏也】受马者由前旋牵马者由後适其右受之牵者由前以西而出宾将出主人拜稽顙送之

墓上进止

莹次

前一日之夕掌事者预於墓门内道西张帷幕设灵座如初

到墓

乘车者卑行望坟而下尊行及莹而下序哭灵车至帷门外回车南向祝以腰舆诣灵车後少顷入诣灵座前少顷以舆降出遂设酒脯之奠如初枢车至坟前回南向丈夫妇人之位如遣奠之仪

陈明器

掌事者陈明器於圻东南西向北上

下枢哭序

进輓车於枢车之後张帷下枢於輓丈夫枢东妇人枢西以次进凭枢哭尽哀各退复位内外卑者俱再拜辞诀相者引主人以下哭於羨道东西面北上妻妾女子以下妇人皆障以行帷哭於羨道西东面北上

入墓

施席於圻户内之西执紼者属紼於輓遂下枢於圻户内席上北首覆以夷衾

墓中置器序

輓出持翼者倚翼於圻内两厢遂以下帟张於枢东南面米酒脯陈于下帟东北食盘设于下帟前苞牲置於四隅醢醢陈於食盘之南藉以版明器设於圻内之左右

掩圻

掌事者以玄纁授主人主人授祝奉以入奠於灵座主人拜稽顙施铭旌志石於圻门之内置设讣掩户设关钥遂覆土三主人以下稽顙哭尽哀退俱就灵所哭掌仪者设祭后土於墓左如後仪

祭后土

预於墓左除地为祭所枢车到祝吉履铺后土氏神席北方南向设酒樽於神座东南北向设洗於酒樽东南北向盥水在洗东篚在洗西南肆以巾爵加於洗篚既复土告者吉服【国官僚佐之长若无以亲宾充】相者引告者与祝及执樽盥篚者俱立於盥洗东南重行西面以北为上立定俱再拜祝与执樽盥篚者俱就樽盥篚之後相者进告者之左北面白请行事掌饌者以饌入祝迎引设於神座前置设讫掌饌者出相者引告者诣盥洗盥手洗爵相者引告者诣酒樽所执樽者举罍告者酌酒进跪奠神座前俛伏兴少退北向立祝持版进於神座之右东面跪读祝文曰维年月朔日子某官姓名敢昭告於后土之神某官封諡窆兹幽宅神其保佑俾无後艰谨以牺齐粢盛庶品明荐於后土之神尚飨祝兴告者再拜祝进跪奠版於神座兴还樽所相者引告者退复位再拜相者引告者出祝以下俱复位再拜彻饌席以出

反哭

既下柩於圹槌一鼓为一严【无鼓者量时陈布】掩墓户槌二鼓为再严内外就灵所槌三鼓为三严彻酒脯之奠进灵车於帷外陈布仪仗如来仪又进腰舆入诣灵座前少顷出诣灵车後少顷舆退灵车发引内外从哭如初仪出墓门尊行者乘车马去墓百步许卑者乘马以哭从灵车到第内外皆下车马灵车入至西阶前回南向祝以腰舆诣灵车後少顷升入诣灵座前主人以下升立于灵座东西面南上少顷腰舆降出内外俱升诸祖父以下哭於帷东北壁下南面西上妻及女子以下妇人哭於灵西东面南上诸祖母以下哭於帷西北壁下南面东上外姻哭於南厢丈夫於帷东北面西上妇人於帷西北面东上有亲宾吊哭者升堂西面向灵哭如常仪其吊於庭者称痛当奈何余如常仪哭尽一哀相者引主人以下降各还次沐浴以俟虞【斩衰者沐而不栉齐衰以下者栉】

虞祭

柩既入圹国官若僚佐之长与祝先归修虞事牢饌如殷奠器用乌漆预造虞主以乌漆匱匱之盛於厢乌漆趺一皆置於别所【虞主用桑主皆长尺方四寸上顶圆径一寸八分四厢各刻一寸一分又上下四方通孔径九分其匱底盖方底自下而上盖俱从上而下与底齐其趺方一尺厚三寸将祭出神主置於座匱置於神主之後】具饌於堂东灵车将至掌事者预施灵座於寢堂室内户西东向於灵座之南北设帷东出户【若室内窄则设灵座於堂】腰舆将入祝奉虞主入置於灵座东向设素几於右掌事者设洗于西阶西南北向东西当西溜南北以堂深盥水在洗西篚在洗东南肆篚实爵一巾一加罍设瓦甒二於灵座之左北墉下醴酒在东罍用絺加勺南柄既沐浴主人及诸子妻妾女子内外升诣灵所主人及诸子倚杖於户外及应拜者哭於灵东西如初内外皆哭祝与执樽盥篚者各就樽盥篚所立执饌者以饌入俱升自东阶陈设如殷祭之仪掌饌者降出相者引主人降自西阶诣盥洗主人止哭执盥洗者酌水主人盥手执篚者取巾於篚兴授主人主人拭手讫受巾奠於篚又取爵兴以授主人执盥洗者又酌水主人洗废爵【爵无足者】执篚者又授巾主人拭爵讫受巾奠於篚相者引主人升自西阶诣酒樽所执樽者举罍主人酌醴相者引主人诣灵座前西面跪奠

爵於饌前俛伏兴少退西面立祝以祝文进於神座之右北面内外皆止哭祝跪读祝文曰维年月朔日子哀子某【孙稍哀孙此为母及祖母所称也父祖则称孤子孤孙】告於考某官封諡【妣即云妣夫人某氏孙为丧主则称祖妣】日月遄速奄及反虞叩地号天五情糜溃谨以洁牲柔毛刚鬣明粢芻合芻苢嘉疏嘉荐醴齐哀荐祫事於考某官封諡尚飨祝兴主人哭再拜内外应拜者皆哭再拜祝进跪奠版於灵座兴出复位哭尽哀相者引主人以下出杖降自西阶各就次妻妾女子以下各还别室祝阖户与执樽罍者降出少顷祝与掌饌者入开户彻饌祝匱主阖户以出掌事者埋重於门外道左间日再虞後日三虞礼皆与初虞同又间日为卒哭祭其虞祝辞再虞云哀荐虞事三虞云哀荐成事

大唐开元礼卷一百三十九

卷一百四十

钦定四库全书

大唐开元礼卷一百四十 唐 萧嵩等 撰凶礼

三品以上丧之三

卒哭祭 小祥祭

大祥祭 禫祭

祔庙

卒哭祭

前一日之夕掌事者改庐翦屏柱楣涂庐不涂见面【涂庐襄不涂庐】外翦蒲为席不缘以木为枕牢饌如虞其日夙兴祝入烛先升自阼阶入於室祝整拂几筵启匱出神主置於座以出掌事者设洗於西阶西南北向东西当西溜南北以堂深罍水在洗西筐在洗东南肆筐实以爵一巾一加幂设瓦甒二於灵座之左北墉下醴酒在东幂用絺加勺南柄其日夙兴掌事者具饌於堂东祝与执樽罍筐者先入立於樽罍筐之後内外衰服俱升主人及诸子倚杖於室户外俱立於灵座东西面南上妻妾女子子立於灵座西东面南上内外各就位坐哭【应拜者立】掌饌者以饌入设於灵座前相者引主人降自西阶诣罍洗主人止哭盥手洗爵相者引主人升西阶入诣酒樽所主人酌醴相者引主人进跪奠於灵座前俛伏兴少退西面立应拜者陪於後祝持祝版入立於灵座之南北面内外止哭祝跪读祝文曰维年月朔日子某敢昭告於考某官封諡【妣则曰妣某氏夫人】日月不居奄及卒哭追慕永往攀号无逮谨以洁牲柔毛刚鬣明粢芻合芻苢嘉蔬嘉荐醴齐哀荐成事於考某官封諡尚飨主人以下哭再拜内外应拜者皆再拜哭祝兴进跪奠版於灵座前还樽所【祝读版讫兴跪进版与主人哭拜同时】相者引主人退复位哭尽哀内外各还次祝阖户与执樽罍者降出少顷祝与掌饌者入开户彻饌祝匱主阖户以降自卒哭之後朝一哭夕一哭蔬食饮水周而小祥

小祥祭

主人有司预制栗主并趺匱等如丧主之礼前一日之夕毁庐为垩室设蒲席周垩室者除之设地席陈练冠於次主人及诸子俱沐浴栉爪翦牢饌及器如卒哭之礼其日夙兴祝入烛先升自阼阶入於室祝者於灵座之西更设丧主座东向祝奉丧主置於座讫祝出迎栗主入置於旧灵座祝开匱奉出栗主置於座讫设几於右乃出掌事者设罍洗筐於西阶西南如初筐实爵一巾一加幂设瓦甒二於灵座之右北墉下醴酒在东幂用絺加勺南柄具饌於堂东祝与执樽罍筐者先入立於樽罍筐之後内外衰服主人倚杖於阶东俱升就位【应拜者

立】哭尽哀相者引降主人杖就次主妇以下各就次主人及诸子除首經着练冠妻妾女子子除腰經周服皆除之丈夫素服吉冠屨妇人素服吉屨相者引主人及诸子倚杖如初内外升就位哭掌饌者以饌升自东阶入设於灵座前设讫掌饌者降自西阶以出相者引主人降自西阶詣罍洗主人止哭盥手洗爵相者引主人升自西阶詣酒樽酌醴进跪奠於灵座前俛伏兴少退西面立祝持版进立於灵座之右北面内外皆止哭祝跪读祝文曰维年月朔日子哀子【父歿称孤子】某敢昭告於考某官封諡【妣云夫人某氏】岁月逼迫奄及小祥攀慕永远重增屠裂谨以洁牲柔毛刚鬣明粢芻合芻蕘嘉蔬嘉荐醴齐只荐祥事於考某官封諡尚飨主人哭再拜内外应拜者皆再拜哭祝兴进跪奠版於灵座兴还樽所【主人哭拜与祝奠版同时】相者引主人就位哭尽哀内外各还次【主人杖如式】祝阖户与执樽罍者降出少顷祝与进饌者入开户彻饌祝置主阖户以降其丧主祝奉出埋之於庙门外之左自小祥之後止朝夕之哭哭无时【哀至则哭】始食菜菹饭素食饮水浆无盐酪不能食食盐酪可又周而大祥

大祥祭

前一日之夕除堊室张帷又备内外受服【受服大祥服】各於其次主人及诸子俱沐浴栉爪翦牢饌及器如小祥之礼其日夙兴内外各服其衰服并于次哭尽哀除服者着除服讫又哭尽哀止昧爽前祝入烛先升自阼阶入於室祝整拂灵筵启匱出神主置於右几以出掌事者设罍洗篚於西阶西南如初篚实爵一巾一加幂设瓦甒二於灵座之左北牖下醴酒在东幂用絺加勺南柄具饌於堂东祝与执樽罍者先入立於樽罍之後内外俱升就位哭掌事者以饌升自东阶入设於座前置设讫掌饌者降自西阶以出相者引主人降自西阶以出詣罍洗主人止哭盥手洗爵相者引主人升自西阶詣酒樽酌醴进跪奠於灵前俛伏兴少退西面立祝持祝版进立於灵座之左北面内外皆止哭祝跪读祝文曰维年月朔日子哀子【父丧称孤子】某敢昭告於考某官封諡【妣曰妣夫人某氏】日月逾迈奄及大祥攀慕永远无任荒踣谨以洁牲柔毛刚鬣明粢芻合芻蕘嘉蔬嘉荐醴齐只荐祥事於考某官封諡尚飨主人哭再拜应拜者再拜哭祝兴进跪奠版於座兴还樽所相者引主人就位哭尽哀主人以下各还外寝妻妾女子子以下还於寝祝阖户与执樽罍者降出少顷掌饌入开户彻饌祝置主阖户而出间月而禫自大祥之後外无哭者食有醢酱

禫祭

前一日掌事者预备内外禫服各陈於别所主人及诸子俱沐浴栉爪翦仍宿於外寝牢饌及器如大祥之礼其日夙兴祝入烛先升拂几筵启匱出神主置於座掌事者设罍洗篚於东阶东南如常篚实爵一巾一加幂设瓦甒二於座之左北牖下醴酒在东幂用絺加勺南柄具饌於堂东祝与执樽罍者先入立於樽罍之後主人及诸子妻妾女子子仍祥服【为长子三年者亦祥服】内外俱升就位哭尽哀降释祥服应禫服者着禫服相者引主人以下俱升就位哭掌饌者以饌升设於座前讫执饌者出相者引主人降自东阶詣罍洗盥手洗爵相者引主人升自东阶詣酒罍所酌醴进跪奠於座前俛伏兴少退西面立祝持版进於座之右北面内外皆止哭祝跪读祝文曰维年月朔日子孤子某敢昭告於考某官封諡【妣云妣夫

人某氏】禪制有期追远无及谨以洁牲柔毛刚鬣明粢芻合芻其嘉蔬嘉荐醴齐只荐禪事於考某官封諡尚飨主人哭再拜应拜者再拜内外皆哭祝兴进跪奠版於座还樽所相者引主人以下降自东阶还寝内相者引妻妾女子以下降自西侧阶还於寝祝阖户与执樽壘者降出少顷掌饌者入开户彻饌以出祝匱主阖户以降祔庙如别仪自禪之後内无哭者始饮醴酒食乾肉

祔庙

将祔掌事者预於始祖庙室内西壁为埽室筮日如常仪前三日主人及亚献终献及诸执事者俱散斋二日致斋一日前一日掌事者清扫庙之内外其朝应通迁者皆出神主置於座主人以酒脯告迁讫遂移牀幄以次迁神主置於幄座又奠酒脯醢以安神少顷掌饌者彻饌以出掌庙者以次匱神主纳於埽室讫又设考之祔座於曾祖室内东壁下西向右几【妣则祔於曾祖姑设座亦如之言曾祖及曾祖姑皆据孝子之言於亡者祖及祖姑也祔於曾祖则曾祖妣配者事於尊以及卑者也】设主人位於东阶东南西向设子孙位於南门内道东北面西上设亚献终献位於主人东南设掌事以下於终献东南俱西面北上【亚献终献以国官僚佐若亲宾充之】设赞唱者位於主人西南西面设酒樽於堂上室户之东南北向西上设洗於阼阶东南北向东西当东溜南北以堂深盥水在洗东篚在洗西南肆篚实爵三巾二加幂【其爵数每庙三】祔日内外夙兴掌饌者预具少牢之饌二座各俎三簋二簋二鉶二酒樽二其二樽一实玄酒为上一实清酒次之【上樽加玄酒者重古】其笾豆一品者各十二二品三品者各八主人及行事者各服祭服掌事者具腰舆掌庙者阖寺者入立於庙庭北面再拜升自东阶入开埽室出曾祖曾祖妣神主置於座【曾祖妣神主并而处右若祔妣则出曾祖妣神主而已】降出执樽壘篚者入就位内外俱就灵室所祝进座前西面告曰以今吉辰奉迁神主於庙执舆者以舆升入进舆於座前祝纳神主於匱置於舆祝仍扶於左【若祔妣则阖寺之属扶於右】降自西阶子孙内外从至庙门诸妇人停於门外周以行帷俟祭讫而还神主入自南门升自西阶入於室诸子孙从升立於室户西重行东面以北为上行事者从入各就位舆诣室前回舆西向祝启匱出神主置於座舆降立於西阶下东向相者引主人以下降自东阶各就位祝立定赞唱者曰再拜在位者皆再拜掌饌引饌入升自东阶入於室各於神座前施設讫掌饌以下降出相者引主人诣盥洗盥手洗爵升自东阶诣酒尊所执尊者举幂主人酌酒相者引主人入室进北面跪奠爵於曾祖神座前俛伏兴相者引主人出诣酒樽所取爵酌酒入室进东面跪奠神座前俛伏兴出户北面立【羣祖及考皆如之】祝持版进於室户外之右东向跪读祝文曰维年月朔日子孝曾孙某官封某敢昭告於曾祖某官封諡【若祔母但云曾祖妣夫人某氏不告曾祖】祖某官封諡【若祔母云祖妣某氏以下无官封者但云考妣之灵】考某官封諡【若祔母云妣某氏如父在不可遽迁祖母先宜於庙东北常别立一室藏其主待考同祔】某罪积不灭岁及免丧先王制礼练主人祔宗庙上迁昭穆继序是用适於皇考封諡以迁王考封諡隣祔孙某封諡【无官封者但云以适迁於祖隣祔某孙若同祔但云适迁於祖妣夫人某氏以隣祔孙妇夫人某氏各随其氏各随其称无官封者但以适迁於祖姑某氏以隣祔孙妇某氏夫人】谨以洁牲刚鬣嘉荐普淖明齐溲酒只荐於曾祖某官封諡曾祖妣某氏配祖某官封諡祖妣某氏配考某官封諡【若祔母则云曾祖妣某氏祖母某氏】尚飨祝兴主人再拜祝进入奠版於曾祖神座兴还樽所相者

引主人入室立于西壁下东面再拜相者引主人出降还本位初主人献将毕相者引亚献诣
盥洗盥手洗爵升诣酒樽所酌酒入进北面跪奠於曾祖座前俛伏兴相者引亚献诣酒樽所
取爵酌酒入进东面跪奠於祖神座【考亦如之】俛伏兴出户北面再拜讫又入室立於西
壁下东面再拜相者引出降复位亚献将毕相者引终献诣盥洗盥手升酌终献如亚献之仪
讫相者引终献降复位祝入彻豆还樽所赞唱曰再拜在位者皆再拜相者引主人出又相者
引在位子孙以下出掌饌者入彻饌以出掌庙者与祝阍寺纳曾祖神主於塋室出又以腰舆
升诣考神座前祝纳主於匱置於舆诣考庙出神主置於座进酒脯之奠於前少顷彻之祝纳
神主於塋室齐衰三年其虞卒哭祥禫变除之节与斩衰同父在为母为妻当二祥及禫日月
之期虽异其仪节则同周服以下变除依其月算各以其日之晨备衰服升就位哭尽哀降诣
别室释衰服着素服又就位哭尽哀出就别室终日异门者至夕各还其家

大唐开元礼卷一百四十

卷一百四十一

钦定四库全书

大唐开元礼卷一百四十一 唐 萧嵩等 撰凶礼

三品以上丧之四

改葬

卜宅 启请

开坟 举柩

奠 升柩车

敛 奠

设灵筵 进引

告迁 哭柩车位

设遣奠 輶车发

宿止 到墓

虞祭

卜宅

将改葬者吉服卜宅兆其余如葬卜宅兆之仪预於所随地之宜张白布帷幕南向开户

启请

其日请内外亲应集者皆至墓所各就便次主人衆主人妻妾女子俱总服余期亲以下皆素服丈夫於墓东西向妇人於墓西东向皆北上妇人障以行帷俱立哭尽哀卑者再拜

开坟

祝立於羨道南北向内外皆哭止祝三声噫嘻后以开坟改葬之故【其意叙改葬所由之事随时爲之】内外又哭尽哀权就别所掌事者开坟讫内外又就位哭如初

举柩

掌事者设席於幕下举柩出置於席上内外从柩哭於幕所主人以下柩东西面主妇以下柩西东面俱南上丈夫期亲以下於主人东北南面西上妇人期亲以下於主妇西北南面东上外姻丈夫於主人东南北面西上妇人於主妇西南北面东上【尊者坐】国官於帷门外之东北面西上僚佐於帷门外之西北面东上皆舒席为位

奠

祝以布拭棺改加新楮设洗於幕西南隅壘水在洗西加勺冪篚在洗东南肆实巾二爵一於篚加冪设席於柩东设后奠於席上设醴酒之樽於饌南主人诣壘洗盥手洗爵进爵酒於席上兴少退西面再拜内外卑者俱再拜少顷彻奠

升柩车

既奠进輜车於帷门外南向掌事者升柩於輜车遂诣施設所内外俱哭从掌事者预设床於幕下有枕席周设帷柩车至帷门外丈夫於柩东妇人於柩西俱立哭掌事者举柩降柩置於輜入设於牀东【若于墓所即敛初奠讫不进輜车设牀于柩东而加枕席遂举尸以敛之】举尸出置於牀南首柩初入定内外就位哭如墓前之仪

敛

陈衣於幕东帷内明衣裳及上服各一称西领南上冕具导簪纓在北内丧则花钗衾一【衾以黄为表素为里】具饌於东两甌醴酒柩初至幕下举尸於床主人衆主人稍退仍西向妻妾女子子稍退仍东向遂敛丈夫加冕妇人以花钗又覆以衾主人衆主人妻妾女子子凭哭敛将讫掌事者以棺入设於西厢藉以席於棺入内外皆止哭置棺定乃哭举者四人入举牀男女从奉举尸敛於棺乃加盖覆以衾设帷於棺东内外就位哭如初

奠

既敛祝执中几席入设於柩东右几加以巾掌事者设壘洗於幕西南隅如初祝以饌升设於席前施設讫执饌者降出相者引主人盥手酌酒进奠於席前兴少退西面再拜内外卑者皆再拜讫主人以下各退就位俱坐哭

设灵筵

既斂设灵於吉帷内幕下西厢东向施床帷屏几服饰以时上膳羞及汤沐皆如平常

进引

前一日之夕掌事者进輶车於凶帷外当门南向【其下帐明器及苞牲等輿陈於輶车前少西东向】其日进引前量时刻槌一鼓为一严陈灵车仪仗如常【在陈车篇】少顷槌二鼓为再严侍灵者俱诣灵所腰輿威仪入陈如常进灵车於帷外南向少顷槌三鼓为三严掌事者入彻饌以出内外皆兴立哭於位执披紼者入掌事者彻帷持翼者入以翼障柩执披紼者各进执铎者各入夹於柩前东西相向执纛者立於铎南执铭旌者又立於纛南北向【诸执披紼纛旌纛者皆布深衣介帨】

告迁

三严讫祝帅腰輿入诣灵座前西面告曰以今吉辰用即宅兆少顷輿出诣灵车後少顷退【若内丧女祝迎】执紼者引輶旌先纛次铎次而引輶初动执铎者皆振铎每振铎必先摇之摇讫三振之其持翼者恒以翼障柩於輶车进执铎者夹左右每曲及进止皆振铎内外俱从柩後柩出到輶车後执紼者解紼属於輶车设帷障於輶车後掌事者升柩

哭柩车位

丈夫俱立哭於輶车东重行西面妇人哭於輶车西重行东面俱南上外姻丈夫哭於輶车东南重行北面以西为上妇人哭於輶车西南重行北面以东为上国官哭於外姻之东北面西上僚佐哭於国官之西北面南上立哭

设遣奠

设遣奠之饌於輶车东置设讫相者引主人酌酒进奠於席上兴少退西面哭皆拜内外皆哭卑者再拜若食顷彻之以蒲苇包牲体下节七苞载於輿以之墓

輶车发

既彻奠吉凶仪仗依式进引灵车动鼓吹振作而行主人衆子以下皆以次步从哭於柩车後妻妾女子以下皆步从哭於丈夫之後障以行帷輶车去停所三百步亲宾有还者吊哭如别仪辞讫进引尊者乘车马从柩更哭不絶声

宿止

掌事者预於宿所张吉凶帷幕吉帷在左凶帷在右将至宿所尊者俱下车马步哭灵车到帷门外回南向祝帅腰輿诣车後少顷輿入诣灵座前少顷輿出进常食於灵座若食顷彻之

柩车至于凶帷内外哭于柩车所其位如初掌饌者进酒脯之奠于柩车东

席上既设奠内外各还次更哭不絕声及墓内外俱就位哭进夕奠如初讫内外各还次迭哭终夜及明严鼓内外又就位哭进朝奠於柩东进常食於灵座食顷彻之迎灵发引尊者乘车马哭从如上仪

到墓

到墓尊者俱下车马灵车到帷门外回南向祝帅腰舆诣车後少顷舆入诣灵前少顷舆退设酒脯之奠柩车至圻前回南向内外哭位如遣奠之仪掌事者布席张帷於柩车後下柩於輶主人以下妻妾女子各前抚柩哭尽哀退复位期亲以下又前抚哭尽哀退复位俱再拜辞执紼者属紼於輶掌事者下柩於圻輶出既窆亲宾先还者吊哭如别仪国官之长奉玄纁束帛授主人主人受以授祝主人稽顙再拜祝奉以入奠於柩东持鬯者入倚鬯於圻内两厢执事者以下帐明器苞牲酒米等物入置於圻内皆藉以版施铭旌志石於圻户内设置讫掌事者掩圻户加关钥覆土既覆土内外俱就灵所哭墓左祭后土如始葬之仪

虞祭

初下柩於墓掌事者具虞祭之饌设盥洗筐於灵墓西南如常内外既就灵所哭掌饌者进虞祭之饌於灵座相者引主人盥洗酌酒进奠於座前兴少退西面立内外皆止哭祝持版进立於灵座之右北面跪读祝文曰维年月朔日辰孝子某敢昭告於考某官封諡【妣云夫人某氏】改迁幽宅礼毕终虞夙夜匪寧啼号罔极谨以洁牲柔毛刚鬣明粢芻合芻蕘嘉蔬嘉荐醴齐祗荐虞事於考某官封諡尚飨主人哭再拜内外皆哭卑者再拜尽哀相者引主人以下出就别所释衰服着素服而还掌饌者彻饌掌事者彻灵座

大唐开元礼卷一百四十一

卷一百四十二

钦定四库全书

大唐开元礼卷一百四十二 唐 萧嵩等 撰凶礼

四品五品丧之一

初终 复

设牀 奠

沐浴 袭

含 赴阙

勅使吊 铭

重 陈小敛衣

奠 小敛

敛髮 奠

陈大敛衣 奠

大敛 奠

庀次 成服

朝夕哭奠 宾吊

亲故哭 州县官长吊

刺史遣使吊 亲故遣使致赙

殷奠 卜宅兆

卜葬日 启殡

贈諡 来宾致奠

初终

有疾者丈夫妇人各斋於正寝北墉下东首【墉墙也东首生气也】养者皆斋亲饮药子先尝之疾困去故衣加新衣【谓人来秽恶也】彻乐清扫内外【爲宾客来问也】分祷所祀【尽孝子之情所祀中溜门户竈行】侍者四人坐持手足【爲不能自屈伸内丧则妇人持之也】遗言则书之属紼以候气【紼新绵置於口鼻也】气絶废床寝於地【人始生在地庶其生气反】主人啼余皆哭【哀有浅深】男子易以白布衣披髮徒跣妇人青缣衣披髮不徒跣女子亦然【父爲长子及爲人後者爲本生父母皆素冠不徒?女子子嫁者髻】齐衰以下丈夫素冠妇人去首饰【谓齐衰妇人】内外皆素服【素服谓有服者白布十五升无服者不服列彩服常服素衣】主人坐於床东啼踊无数衆主人在主人之後兄弟之子以下又在其後俱西向南上哭妻坐於床西妾及女子子在妻之後哭踊无数兄弟之女以下又在其後俱东面南上藉藁坐哭内外之际隔以行帷【帷堂内门西南北隔之】祖父以下於帷东北壁下南向西上祖母以下於帷西北壁下南面东上皆舒席坐一哭外姻丈夫於户外之东北面西上妇人於主妇西南北面东上皆舒席坐哭【若舍窄则宗亲丈夫在外户之东北面西上外姻丈夫在户外之西北面东上】诸内丧则尊行丈夫及外亲丈夫席坐位於前堂若户外之左右俱南面宗亲户东西上外亲户西东上凡丧皆以服精麤爲序国官位於门内之东重行北面以西爲上俱褻巾帕头舒藁荐坐哭参佐位於门内之西重行北面以东为上俱素服舒席坐哭斩衰三日不食齐衰二日不食大功一日不食小功緦麻再不食

复【始死则复】

复於正寝复者二人皆常服【复谓招魂复魄】以死者之上服左荷之升自前东溜当屋履危北面西上【危栋也】左执领右执腰招以左每招长声呼某复【男子女子称字及伯仲妇人称姓其复者人数依其夫】三呼而止以衣投於前承之以篋升自阼阶入以覆尸【若得魂魄返然】复者彻舍【因彻西北扉若云此室凶不可居然自是行死事取彻扉之薪以充煮沐浴也】复衣不以褻敛【浴则去之】乃设牀

设牀

设牀於室户之西去脚舒簟设枕施幄去裙迁尸於牀南首覆用敛衾去死衣【敛衾大敛所用之衾黄表素里也死衣病时所加新衣】楔齿用角柶【为将含也】缀足以燕几校在南【缀拘也校几胫也尸南首几胫在南以拘足则不使辟戾也】侍者坐持之其内外哭位如始死之仪乃奠

奠

奠以脯醢酒用吉器无巾柶升自阼阶奠於尸东当隅【鬼神无象故设奠以凭依之也】

内丧内赞者受於户外而设之【凡内丧皆内赞者行事】既奠赞者降出帷堂【初气絶室内随事设帷至此事小讫故设帷堂】乃赴於阙【赴礼在此下章含礼後为与勅使吊章宜相附近故也】

沐浴【自沐浴下至於设重其事皆可同时而兴】

掌事者掘塋於阶间近西南顺广尺长二尺深三尺高其壤为块竈於西墙下东向以俟煮沐新盆盘瓶四?皆濯之陈於西阶下【新此器者重死事盆以盛水盘以盛濡濯瓶以汲也?瓦罍受二升有盖濯谓涤溉】沐巾一浴巾二用絺若綌实於笄【巾所以拭也浴巾二者上体下体异絺细葛也綌麤葛也】栲实於箱若簞浴衣实於篋【浴衣已浴所衣之衣其制今之眠帕】皆具西序下南上水泚稷米取潘煮之又汲为汤以俟浴以盆盛潘及沐盘升自西阶授沐者执潘及盘入内外皆出户外【象平生沐浴子孙不在旁主人出而袒簣谓牀簣去席】主人以下於内尸东北面西上主妇以下於户西北面东上俱立哭其尊行者丈夫於主人之东北面西上妇人於主妇之西北面东上俱坐哭妇人权障以帷主人以下既出乃沐栲【栲梳】束髮用组拒用巾【拒曦也清也】浴则四人抗衾二人浴拭用巾拒用浴衣设床於尸东衽下莞上簟【衽卧席】浴者举尸易牀设枕翦须断爪如平常须髮爪盛以小囊大敛内於棺浴巾皆埋於塋寘之着明衣裳以方巾覆面仍以大敛之衾覆之讫内外入就位哭乃衾

衾

是时陈衾事於房内衾衣三称西领南上【朝服一称常服二称凡陈衣者实之箱篋承以席】明衣裳【今用生绢褌衫】舄一帛巾一方尺八寸充耳用白紵面衣用玄方尺纁里组系握手用玄纁里长尺二寸广五寸削约於内旁寸着以绵组系【握手手所握者面衣及握皆通用余色】庶襚继陈不用【庶衆也不用不龙也多陈之为荣少纳之为贵】将衾具牀蓆於西阶西内外皆出哭於户外其位如沐时衾者以牀升入设於尸东布枕席如初执服者陈衾衣於席祝去巾加面衣设充耳着握手纳舄若履【凡衣死者左衽不纽将衾辟奠既衾则设也】既衾乃覆以大敛之衾内外俱入复位坐哭【诸尊者於卑幼之丧及嫂叔兄姑弟妇相哭朝晡之间非有事则休於别室也】乃含

含

含赞者奉盘水及笄【笄竹器】饭用稷含用璧升堂含者盥手於户外赞者沃盥含者洗稷璧实於笄执以入祝从入北面彻枕楔受笄奠於尸东含者坐於牀东西面凿巾【巾先覆面将含当口凿之】纳稷璧於尸口既含主人复位楔齿之栖与浴巾同埋於坎乃奠

赴阙

若遣使赴於阙使者进立于西阶东面南上主人诣使者前北面曰臣某之父某官臣某死

【若母若妻各随其称】谨遣某官臣姓某奏闻讫再拜使者出主人哭入复位

勅使吊

勅使吊使者公服入於寝门外之西东面相者入告主人迎於寝门外见宾不哭先入立於门右北面内外皆止哭开帷【开帷堂之帷事毕则下之】使者立升入西阶上东面进主人立於阶下北面使者称有勅主人再拜使者宣勅云某封丧逝【无封者称姓位】情以恻然如何不淑主人哭拜稽顙内外皆哭使者出主人拜送於大门外亲故为使吊者既出易服入向尸立哭十数声止降出主人候勅使出升降自西阶【主人升降自西阶者亲始死未忍当主位】

铭【铭明旌也】

为铭帛以绦广终幅长八尺龙首韬杠【杠铭旌竿杠之长准其绦也】书曰某官封之柩【在棺曰柩无封者云某姓官之柩妇人其夫有官封者云某官封夫人姓之柩郡县乡君各随其称称之也】置於宇西阶上

重

重木刊凿之长七尺横者半之置於庭三分庭一在南【刊凿之为悬?孔也】以沐之米为粥实於?既实以疎布盖其口系以竹?悬於重木覆用苇席北向屈两端交於後西端在上缀以?祝取铭置於重殡堂前楹下夹以苇蓆帘门以布又设苇帐於庭

陈小敛衣

小敛之礼丧之明日各陈其敛衣一十九称【无者各随所办】朝服一称其余皆常服陈於东房西领北上笏一凡敛非正色不入絺綌不入乃奠

奠

饌於东堂下【凡奠尊器皆素】瓦甒二实醴及脯酒觶二角枲一少牢及腊三俎笾豆各六【笾实盐脯枣栗之属豆实醢醢醢醢之类】设盆盥於饌东布巾【为奠者设盥丧事畧故无洗】赞者辟脯醢之奠於尸牀西南乃敛

小敛

将小敛具牀席於堂西又设盆盥於西阶之西如东方【为举尸者盥】敛者设盥讫与执服者以敛衣入主人以下少退西面主人妇以下少退东面内外俱哭敛者敛讫覆以夷衾设牀於堂上楹间衽【尸卧之席】下莞上簟有枕卒敛开帷主人以下西面凭哭【凡凭哭父

母先妻子後】主妇以下面东凭哭俱南上讫退乃敛髮

敛髮

男子敛髮而裹巾帕头女人敛髮而髻主人以下立哭於尸东西面南上主妇以下立哭於尸西东面南上祖父母以下仍哭於位各如初外姻丈夫妇人哭於位各如初敛者举尸男女从奉之迁於堂仍覆以夷衾【棺衣】哭位皆如室内乃奠

奠

奠赞者盥手奉饌至阶豆去盖筯俎去巾冪升奠于尸东醴酒奠于饌南西上讫其俎祝受巾巾之奠者彻衾奠自西阶降出下帷内外俱坐有国官僚佐者以官代哭无者以亲宾为之夜则燎於庭厥明燎乃大敛

陈大敛衣

大敛之礼以小敛之明日其日夙兴陈衣於序东三十称【无者各随所办】各具上服一称西领南上其余皆常服冕具导簪纓在北内丧花钗衾一【衾以黄为表素为里也】乃奠

奠

奠於堂东阶下两甒醴及酒醴在南各加勺篚在东南肆实角觶二木枲一豆在甒北筯次之牢饌如小敛筯豆俎皆冪以功布有簟席素几功布巾在饌北殡於西阶之上【丧从外来者殡於两楹之间】乃敛

大敛

将大敛棺入内外皆止哭升棺於殡所棺之中具灰炭枕席之类皆预设於棺内置棺定内外皆哭熬穀六筐黍稷粱各二皆加鱼腊【熬谷所以惑蚍蜉令不至棺旁】烛俟於饌东设盆盥於东阶东南祝盥讫升自阼阶彻巾授执巾者执巾者降待於阼阶下祝与赞者彻小敛之饌降自西阶设於序西南当西溜如设於堂上【堂上设尸东凡尊设於序西者毕事而去之】乃适於东阶下新饌所帷堂内外皆少退立哭御者敛丈夫加冕妇人加花钗覆以衾敛讫开帷主人以下西面凭哭主妇以下东面凭哭【凡凭尸父母先妻子後】退复位次诸亲凭哭讫敛者四人举棺男女从奉之奉尸敛於棺乃加盖覆以夷衾内外皆复位如初设熬穀首足各一筐傍各二筐以木覆棺上仍涂之施帟於殡上【帟枢上承尘也】祝取铭置於殡所乃奠

奠

将奠执巾几席者升自阼阶入设于室之西南隅东面右几加以巾赞者以饌升入室西面设于席前祝受巾巾俎奠者降自西阶以出下帷内外皆就位哭如初既殡设灵座于下室西间东向施牀几案屏帐服饰以时上膳羞及汤沐皆如平常殷奠之日不饋于下室【下室谓燕寝无下室者则设灵座于殡东朝夕进常食之具於灵前如平常也】

庀次

将成服掌事者预为庀於殡堂东廊下近南北户设苦出於庀内【诸子各一庀凡庀五品以上营之】齐衰於庀南累塹为垊室俱北户翦蒲为席不缘【父兄不次於殡所各在其正寝之东为庀垊室祖为嫡孙居垊室寝有牀皆南面西出户】父不为衆子次於外【於庶子畧自若居寝】大功於垊室之南张帷席以蒲小功緦麻於大功之南设牀席以蒲妇人次於西房若殡後施下牀殡堂无房者次於後若别室

成服

三日成服【皆除去死日数】内外各哭尽哀内外俱降就次着衰服无服者仍素服相者引主人以下俱杖【三日而後食杖而後能起衆子皆杖以病故也童子妇人不能病故不杖亦不居庀不着菲屨若嫡子虽童亦杖幼不能自杖人代执之所谓当室杖者也自此以後唯嫡子及有爵之庶子皆杖在位其庶子之无爵者杖于他所不杖在位矣凡正寝户内曰室户外曰堂虞杖不入室耐杖不升堂以今言之即灵堂户之内外也周人耐在卒哭今之百日也哀衰敬生故其杖不升灵寝之堂前其衰服及杖皆致之于庀内应杖者朝夕哭则杖之若孝子出无异适惟向殡及坟墓而已远则乘车近则使人代执杖】升立哭于殡东西面南上齐衰以下就位妇人升诣殡西位若殡逼西壁妇人皆位于殡北则南面东上【尊行者坐】内外皆哭尽哀诸子孙就祖父及诸父前跪哭皆抚哭尽哀就祖母及诸母前哭亦如之女子子对祖母及诸母哭遂就祖父前哭如男子之仪唯诸父不抚之耳讫各复位伯叔母以下就主妇哭亦如之【始遭亲丧孝子荒迷三日而食服及成矣是以尊卑内外聚哭展哀也】诸尊者降出还次主人以下降立於阼阶下外姻在南少退俱西面北上哭尽哀各还次阖户小功以下各归其家自成服之後诸尊者及妇人於诸亲男子之丧有事则哭於殡所无事有时须哭者或在正寝则於北壁下舒席南面坐哭父母丧食粥朝米四合暮米四合不能食粥则以米为饭妇人皆以米为饭

朝夕哭奠【朝奠日出夕奠逮日】

每日预具朝奠於东阶下【瓦甒二实以醴及酒觶杓疏布冪角觶一木枲一筵一豆一实以脯醢也】内外夙兴各衰服【凡言衰服应杖者皆杖以下准此】男子就东阶下位【若升哭於殡东其位如始成服之式】妇人升诣殡西位内外皆哭【凡朝夕哭皆开帷】质明掌事者皆升自阼阶入彻奠出置於序西南如殡东之仪又以朝奠入至阼阶豆去盖筵甒去巾冪升阼阶入设於室如初执饌者出降自西阶日出後少顷内外皆止哭各还次朝夕之间主人及诸子妻妾女子子哭於其次无时至夕内外俱就位哭彻朝奠进夕奠如初仪日入後

内外俱止哭各还次哭者出阖户自是以後至於启殡每朝夕如上仪既殡大功以下异门者归於家

宾吊【亲故同】

宾至掌次者引之次宾着素服相者入告内外衰服相者引主人以下立哭於阼阶下妇人哭於殡所相者引宾入立於庭北面西上为首者一人进当主人东面立云如何不淑主人哭再拜稽顙为首者复北面位吊者俱哭十余声相者引出少顷相者引主人以下各还次

亲故哭

若有亲故哭殡者内外俱升就殡堂位尊者坐【若宾敌体以上宾初入则起宾坐则坐宾起亦起】内外俱哭相者引宾入升堂立於殡东西面南上尊者坐俱哭尽哀尊者起相者引入卑者再拜讫乃就主人前稍南东北面执慰相者引以次出【恩深者宾拜讫又哭尽哀或就孝子抚哭尽哀而出也】少顷相者引主人以下降还次

州县官长吊

若刺史哭其所部【县令同】主人设席於枢东西面刺史素服将到相者引主人去杖立於门内之右北面刺史降入升自西阶即坐西面坐哭尽哀将起主人降复阶下位刺史降出主人拜送於大门外杖哭而入

刺史遣使吊

刺史遣使吊使者至掌次者引就次内外俱衰服主人以下就阶下位妇人就堂上位内外俱哭使者素服执书相者引入门而左立於阶间东面使者致辞主人拜稽顙相者引主人进诣使者前西面受书退复位左右进受书主人拜送於位相者引使者出若自入吊哭如上吊仪客出少顷内外止哭各就位

亲故遣使致赗

亲故遣使致赗使者立於大门外之西东面从者以筐奉玄纁束帛立於使者西南俱东面【凡赗通以货财使者随执其物不限以玄纁】相者入告遂引主人立哭相者进主人前东面受命出诣使者前西面曰敢请事使者从者以筐进诣使者前西面以授使者退复位使者曰某封若某官【无官封者称某字】使某赗相者入告出曰孤某须矣相者引使者入立於内门外之西东面主人止哭使者少进东面曰某封若某官使某赗主人哭再拜使者少进坐委之兴复位掌事者进坐举之兴以东【东藏也】相者引使者出主人拜送使者致物若不以器掌事者迓受之不委於地【其余赗物从使者执之立于使者东南北面西上掌事者受之以东】

殷奠

每朔望具殷奠饌於东堂下瓦甒二实以醴及酒角觶二角柶一少牢及腊三俎二簠二簋二鉶六筯六豆设盆盥於饌东布巾【为奠者盥】其日内外夙兴衰服升就位哭质明执饌者彻宿奠遂以饌入至阼阶去巾盖升入室设於席前酌奠讫冪俎以巾执饌者降自西阶以出少顷内外各还次既出闔户及夕执饌者彻殷奠进夕奠如常礼若有荐新如朔奠【荐五穀若时物新出者荐之】其日不饋於下室【不饋於下室者为殷奠有黍稷】

卜宅兆

既度宅兆掘四隅外其壤掘中南其壤【宅葬居也兆莹域也南其壤者为葬北其首故也】既朝哭主人遂哭出乘辒车诣宅兆所出国门止哭掌事者预设主人以下次於宅兆东南将到主人又哭至宅兆所主人停於次止哭莅卜者一人【国官若诸僚佐之长莅之无者亲宾代为之也】缁布冠不綌布深衣因丧屨【莅卜者非国官则吉冠素服也】祝及卜师凡行事者皆吉冠素服掌事者布卜席於兆南北向西上相者引莅卜者及祝立於卜席西南东面南上卜师立於祝南东面北上相者引主人诣卜席南十五步许当内壤北向相者立於主人之左少南俱北向亲宾及从者立於筮席东南重行西面诸亲北上诸宾南上立定相者少进东面称事其退复位主人免首經左拥之莅卜者进立於主人东北西面卜师抱龟筮师开鞶【鞶藏策器】执鞶以击策【击之以动其神】进立於莅卜前东面南上莅卜者命曰孤子姓名为其父某官封某甫【今仪祖父称孤子孤孙母祖母称哀子哀孙下皆准此】度兹幽宅无有後艰【某甫父字也无封者去封宅居也度谋也言为其父卜葬居今谋此以为幽冥居域之处得无其後有艰难乎谓有非常崩坏若内丧云为某母夫人某氏也】卜师曰诺遂述命右旋就席北面坐命龟曰假尔太龟有常指中封遂卜讫兴以龟东面称占曰从还本位主人經哭从者哭尽哀止相者进主人之左东面称礼毕相者遂引主人退立於东南隅西面又相者引卜者立於主人之後掌事者彻卜席当安墓处立一标又於四隅各立一标当南门两厢各立一标祝帅掌事者入铺后土氏神席於墓左南向设酒樽於神座东南加勺冪设洗於酒樽东南盥水在洗东篚在洗西南肆【篚实以巾爵加冪】相者引告者及祝与执樽盥篚冪者俱立於盥洗东南重行西面以北为上【国官若僚佐之长告无僚佐者亲宾及主人告之主人告俱去經杖】立定俱再拜祝与执樽盥篚者先立於樽盥篚之後执饌者以脯醢跪设於神座前兴还本位相者引告者诣盥洗盥手洗爵诣酒樽所酌酒进跪奠於神座前兴少退北向立祝持版进於神座之右东面跪读祝文曰维年月朔日子某官姓名【若主人自告父称孤子母称哀子姓名】敢昭告於后土之神今为某官姓名【若主人自告云为父某官封某甫母太夫人某君某氏随官称之也】营建宅兆神其保佑俾无後艰谨以清酌脯醢祇荐於后土之神尚飨讫兴告者再拜相者引告者还本位西向再拜相者引出掌事者以下俱复位再拜遂彻饌席樽盥以出主人哭还去墓三里许止哭及国门又哭内外升哭於位主人入升诣殡前北面哭尽哀止西面再拜降就次【有国官僚佐从主人入就门内哭主人拜俱再拜主人降就次各就次】若不从又卜择地如初仪

卜葬日

既朝哭主人及诸子以下出立於殡门之外东壁下西面北上国官若僚佐之长莅卜【无国官僚佐者亲宾为之】行事者俱吉服於门西东面南上卜师抱龟在其南东面阖门东扇主妇立於其内设卜席於闕外闌西相者诣主人前东面告事具遂引主人立於门内北面相者立於主人之左少退俱北面主人免首經左拥之莅卜者进立於主人东北西面卜师少进莅卜前东面受命莅卜命曰哀子某来日谋卜葬其父某官封某甫【母云为某母太夫人某氏卜也父称孤子】考降无有近悔【考登也降下也言卜此日葬惟神上下得无近於咎悔也】卜师曰诺遂述命讫左旋进就席西面坐命龟曰假尔太龟有常乃作龟讫兴以龟退东面称占曰从主人經与诸子以下哭尽哀相者告於主妇哭入遂使人告於亲宾【诸亲僚友卜日不来者】卜师以龟退掌事者彻卜席相者进告礼毕主人与诸子以下入升诣殡前北面立哭内外俱哭尽哀内外各还次若不从又卜择如初仪

启殡

葬有期前一日之夕掌事者除苇障备启奠【具饌如大斂】设宾次於大门外右南向内外夕哭如常仪启之日内外夙兴衰服主人及诸子皆去冠以衰巾帕头【国官亦以衰巾帕头】内外升阶就位哭【尊行者坐国官及僚佐就下位哭】祝衰服执功布【功布长五尺】升自东阶诣殡南北向内外止哭祝三声噫嘻乃曰谨以吉辰启殡既告内外皆哭尽哀内外各还次祝降与执饌者升彻宿奠如常祝取铭置於重掌事者升彻殡涂讫设席於枢东升枢於席上又设席於枢东祝执功布升以拂枢覆用夷衾降出周设帷东西开户相者引主人以下升哭於帷东西向妻妾女子以下哭於帷西东向俱南上诸祖父以下哭於帷东北壁下南面西上诸祖母以下哭於帷西北壁下南面东上【尊者坐】内外俱哭祝与进饌者各以奠升设於枢东席上祝酌醴奠之内外俱哭於位如未成服之礼亲宾致奠如别仪有国官僚佐者以官代哭无者以亲疎为之昼夜不絕声

贈諡

告贈諡於枢【无贈者设启奠讫即告諡】其日主人入升立於饌东西面祝持贈諡文升自东阶进立於枢东南北向内外皆止哭祝少进跪读祝文讫兴主人哭拜稽顙内外应拜者皆再拜祝进跪奠贈諡文於枢东兴退复位内外皆就位坐哭

亲宾致奠

启之日亲宾致奠於主人设启奠後诸奠者入立於寝门之外东面【谓卑幼者其有故则遣使】祭具陈於奠者东南北向西上相者入告内外卑者皆兴立哭於位又相者引奠者入升当枢东西面奠者哭祭具从升陈於枢东奠者之西西向南上设饌讫执饌者降出奠者止哭诣酒樽所取爵酌酒跪奠於枢东兴少退西面立内外皆止哭奠者曰某封若某位伯叔【各随官爵称之】将归幽宅谨奉奠若异姓各从其称若使者云某封若某姓位闻某封若某官将归幽宅使某奉辞奠毕应拜者皆再拜内外皆哭主人哭拜稽顙奠者哭尽哀止相者引出执事者以次彻饌而去

大唐开元礼卷一百四十二

卷一百四十三

钦定四库全书

大唐开元礼卷一百四十三 唐 萧嵩等 撰凶礼

四品五品丧之二

将葬

陈车位 陈器用

进引 举柩

柩在庭位 祖奠

柩出升车 遣奠

遣车 器行序

诸孝从柩车序 郭外亲宾还

诸孝乘车 宿止

宿处哭位 行次奠

亲宾致赠

墓上进止

莹次 到墓

陈明器 下柩哭序

入墓 墓中置器序

掩圻 祭后土

反哭 虞祭

陈车位

启日之夕纳枢车於大门之内当门南面进灵车於枢车之右内外所乘之车陈於大门外丈夫之车门西妇人之车门东俱服重者在上【以近门及北方为上】女子子妻妾之车以木为之不漆饰无者以籊籊衣车以蒲纆辕轂若白土垚之以麤布为幌?周及大功之车以白土垚之或衣籊籊皆以布为幌?【其布如服布】掌事者预於宿所张吉凶帷幕凶帷在西吉帷在东俱南向设灵座於吉帷下如常式

陈器用

启之夕发引前五刻撻一鼓为一严【无鼓者量时行事】陈布吉凶仪仗方相【黄金四目为方相】志石大棺车及明器以下陈於枢车之前引二披二铎左右各四黼翬二画翬二【引者引輶车索也披者系於輶车四周在旁执之以备倾覆铎者以铜为之所以节挽者翬者以木为筐广二尺高二尺四寸其形方两角高衣以白布柄长五尺黼翬画黼黻文於翬之内四缘画以云气画翬者内及四缘皆画云气也】

进引

一刻顷撻二鼓为二严掌饌者彻启奠以出初彻奠内外俱兴立哭於位执紼者入掌事者彻帷持翬者升以翬障枢执铎者入夹西阶立执纛者入当西阶南北面立掌事者取重出倚於门外之东执旌者立于执纛南北面【诸执披紼铎旌纛翬者皆布深衣介帻】陈布将迄撻三鼓为三严进灵车於内门外南面祝以腰輿诣灵座前【内丧则妇人执腰輿也】祝於輿左西向跪昭告曰孤子某【母称哀子】谨用吉辰奉归先兆【若新卜宅宜曰奉迁幽宅】灵车就引神道紆回惟以荒寥无任哽絶兴立少顷腰輿出降自西阶羽仪从者如平生诣灵车後少顷輿退

举枢

将举枢执铎者俱振铎枢降就阶间南向初枢动及进止执铎者皆振铎每振铎先摇之摇讫三振之其持翬者恒以翬障枢降阶执纛者却行而引枢止则回北面立执旌者亦渐而南枢止回北向立主人以下以次从枢而降主妇又次其後降

枢在庭位

枢至庭【庭内先设席以居枢】主人及诸子以下立哭於枢东西向南上祖父以下立哭於枢东北南向西上异姓之丈夫立哭於主人之东南西面北上妇人以次从降妻妾女子以下立哭於枢西东面南上祖母以下立哭於枢西北南向东上异姓之妇人立哭於主妇西南东面北上内外之际障以行帷【凡帷用如服布】国官立哭於枢东南北面西上僚佐立哭於枢西南北面东上

祖奠

庭位既定祝帅执饌者设祖奠於柩东如大敛之仪祝酌奠讫进饌南北面跪曰永迁之礼灵辰不留谨奉柩车式遵祖道尚飨兴少顷彻之

柩出升车

柩动旌先纛次主人以下从哭於柩後妇人次哭於後柩出到輶车设帷帐於柩後其执紼执披者如常遂升柩内外哭位如在庭之仪

遣奠

既升柩祝与执饌者设遣奠於柩东如祖奠之仪祝酌奠於饌前少顷彻之

遣车

既遣奠掌事者以蒲苇苞牲体下节五苞以绳束之盛以盘载於车列旌前

器行序

彻遣奠灵车动从者如常鼓吹振作而行先灵车後方相车次志石车次大棺车【志石与大棺若先设者不入陈布之次也】次明器輿次下帐輿次米輿【五穀米实以五笥各斗二升幂用疏布】次酒脯醢輿【酒实二壶各五升幂用功布醢实於二瓮各三升幂用疏布】次苞牲輿次食輿【食盘碗具自足方相以下驾士馭士舁明器下帐等人皆介帻深衣】次铭旌次纛次铎【铎分为左右】次輶车

诸孝从柩车序

主人及诸子俱經杖衰服【秃者衰巾加經】徒跣哭从诸丈夫妇人各依服精麤以次从哭出门内外尊行者皆乘车马哭不絕声

郭外亲宾还

出郭若亲宾还者权停柩车内外尊行者皆下车马依服精麤为序立哭如式相者引亲宾以次就柩车之左向柩立哭尽哀卑者再拜而退妇人亦如之

诸孝乘车

亲宾既还内外乘车马【若墓远及病不堪步者虽无亲宾还主人及诸子乘辒车去莹二

百步皆下】

宿止

灵车到帷门外回南向进腰舆於灵车後威仪从者如常少顷舆入诣灵座前少顷降出遂进常食於灵座若食顷彻之【每至停宿之所设灵座于室进食皆如初】枢车到入凶帷停於西厢南轅祝设几席於枢东

宿处哭位

初至宿处内外皆就枢车所主人及诸子以下於枢车之东西面南上妻妾女子子妇人於枢车之西东面南上祖父以下於枢车东北南面西上异族有服者於枢车东南西面北上祖母以下於枢西北南向东上异族妇人又於枢车西南东向北上国官於帷外枢之东北面西上僚佐於帷外枢之西北面东上俱立哭尽哀

行次奠

凡停宿进酒脯之奠於枢东如常奠之仪既设奠内外各还次迭哭不絕声及夕内外就枢车所哭进夕奠如朝奠之仪讫迭哭如常厥明又就位哭进朝奠亦如之若食顷彻之吉凶仪仗依式发引内外从哭如初仪

亲宾致贈

亲宾赠礼在主人设祖奠之时宾立於大门外西厢东面从者以筐奉玄纁立於宾西南俱东面牵马者以马陈於宾东北首西上相者入告遂诣主人之左北面受命出到宾前西面曰敢请事宾曰某敢贈相者入告出曰孤某须矣宾之从者坐奠筐取币兴诣宾前西向以授宾退复位相者引宾入牵马者先以马入陈於枢南北首西上宾入由马西当枢东北面立内外权止哭宾曰某諡封若某位将归幽宅敢致贈辞毕而哭内外皆哭主人拜稽顙宾止哭相者引宾进枢东西面奠币相者引宾又由枢前以西而出初宾出掌事者由主人右诣枢东西面举币以东【东藏之也】受马者由前旋牵者後适其右受之牵者由前以西而出宾将出主人拜稽顙送之

墓上进止

莹次

前一日之夕掌事者预於墓门内道西张帷幕设灵座如初

到墓

乘车者卑行望坟而下尊行及莹而下序哭灵车至帷门外回车南向祝以腰舆诣灵车後少顷入诣灵座前少顷以舆降出遂设酒脯之奠如初枢车至圻前回南向丈夫妇人之位如遣奠之仪

陈明器

掌事者陈明器於圻东南西向北上

下枢哭序

布席於枢车之後张帷下枢丈夫枢东妇人枢西以次进凭枢哭尽哀各退复位内外卑者俱再拜辞诀相者引主人以下哭於羨道东西面北上妻及女子以下妇人障以行帷哭於羨道西东面北上

入墓

施席於圻户内之西遂下枢於圻户内席上北首覆以夷衾

墓中置器序

持鬯者入倚鬯於圻内两厢遂以下帐张於枢东南向米酒脯陈於下帐东北食盘设於下帐前苞牲置於四隅醯醢陈於食盘之南藉於版明器设於圻内之左右

掩圻

掌事者以玄纁授主人主人授祝祝奉以入奠於灵座主人拜稽顙施铭旌志石於圻门之内置设讣掩户设关龠遂覆土三主人以下稽顙哭尽哀退俱就灵所哭掌事者设祭后土於墓左如後仪

祭后土

预於墓左除地为祭所枢车到祝吉服铺后土氏神席北方南向设酒樽於神座东南北向设洗於酒樽东南北向盥水在洗东篚在洗西南肆以巾爵实於篚既覆土告者吉服【无告者亲宾充之】相者引告者与祝及执樽盥篚者俱立於盥洗东南重行西面皆以北为上立定俱再拜祝与执樽盥篚者各就樽盥篚之後相者进告者之左北面曰请行事掌饌者以饌入祝迎引设於神座前置设讣掌饌者出相者引告者诣盥洗盥手洗爵相者又引告者诣酒樽所执樽者举罍告者酌酒进跪奠於神座前俛伏兴少退北向立祝持版进於神座之右东面跪读祝文曰维年月朔日子某官姓名敢昭告於后土之神某官封諡窆兹幽宅神其保佑俾无後艰谨以牺牲粢盛庶品明荐於后土之神尚飨讣兴告者再拜祝进跪奠版於神座兴

还樽所相者引告者退复位再拜相者引告者出祝以下俱复位再拜彻饌席以出

反哭

既下柩於圹槌一鼓为一严【无鼓者量时陈布】掩墓户槌二鼓为再严内外就灵所槌三鼓为三严彻酒脯之奠进灵车於帷外陈布仪仗如来仪又进腰舆入诣灵座前少顷出诣灵车後少顷舆退灵车发引内外从哭如初仪出墓门尊行者乘车马去墓百步许卑者乘车马以哭从灵车到第内外皆下车马灵车入至西阶前回南向祝以腰舆诣灵车後少顷升入诣灵座前主人以下从升立於灵座东西面南上少顷腰舆降出内外俱升诸祖父以下哭於帷东北壁下南面西上妻及女子以下妇人哭于灵西东面南上诸祖母以下哭于帷西北壁下南面东上外姻哭於南厢丈夫於帷东北面西上妇人於帷西北面东上有亲宾吊哭者升堂西向灵哭如常其吊於庭者称痛当奈何余如常仪哭尽哀相者引主人以下降各还次沐浴以俟虞【斩衰者沐而不栉齐衰以下栉】

虞祭

柩既入圹国官若僚佐之长与祝先归修虞事牢饌如殷奠器用乌漆具饌於堂东灵车将至掌事者预施灵座於寝堂东室内户西东向於灵座之南北设帷东出户【若室内窄则设灵座於堂】掌事者设洗于西阶西南北向东上东西当西溜南北以堂深疊水在洗西篚在洗东南肆篚实爵一巾一加幂设瓦甒二于灵座之左北墉下醴酒在东幂用絺加勺南柄既沐浴主人及诸子妻妾女子内外升诣灵所主人及诸子倚杖于室户外及应拜者哭於灵东西如初内外皆哭祝与执樽疊篚者各就樽疊篚所立执饌者以饌入俱升自东阶陈设如殷奠之仪讫掌饌者降出相者引主人降自西阶诣疊洗主人止哭执疊洗者酌水主人盥手执篚者取巾於篚兴授主人主人拭手讫受巾奠於篚又取爵兴以授主人执疊洗者又酌水主人洗废爵【爵无足者】执篚者又授巾主人拭爵讫受巾奠于篚相者引主人升自西阶诣酒樽所执樽者举幂主人酌醴相者引主人进诣灵座前西面跪奠酌於饌前俛伏兴少退西面立祝以祝文进立於神座之右北面内外皆止哭祝跪读祝文曰维某年月朔日子哀子某【孙称哀孙此为母及祖母也父祖则称孤子孤孙】敢昭告於考某官封諡【妣则郡县乡君各随其称孙为丧主则称祖妣】日月遄速奄及反虞叩地号天五情糜溃谨以洁牲柔毛刚鬣嘉荐普淖明齐澋酒哀荐虞事於考某官封諡尚飨祝兴主人哭再拜内外应拜者皆哭再拜祝进跪奠版於灵座兴出复位哭尽哀相者引主人以下出杖降自西阶各就次妻妾女子以下各还别室祝阖户与执樽疊者降出少顷祝与掌饌者入开户彻饌阖户以出掌事者埋重於门外道左间日再虞後日三虞礼皆与初虞同又间日为卒哭祭其虞祝辞再虞云哀荐虞事三虞云哀荐成事

大唐开元礼卷一百四十三

卷一百四十四

<史部,政书类,仪制之属,大唐开元礼>

钦定四库全书

大唐开元礼卷一百四十四 唐 萧嵩等 撰凶礼

四品五品丧之三

卒哭祭 小祥祭

大祥祭 禫祭

祔庙

卒哭祭

前一日之夕掌事者改庐翦屏柱楣涂庐不涂见面【涂庐里不涂外见面也】翦蒲为席不缘以木为枕牢饌如虞祭其日夙兴祝入烛先升自阼阶入于室祝整拂几筵以出掌事者设洗於西阶西南北向东西当西溜南北以堂深罍水在洗西篚在洗东南肆篚实爵一巾一加幂设瓦甒二於灵座前之左北墉下醴酒在东幂用絺加勺南柄掌事者具饌于堂东祝与执樽罍篚者先入立於樽罍篚之後内外衰服俱升主人及其诸子倚杖於室户外俱立於灵座东西面南上妻妾女子子立於灵座西东面南上内外就位坐哭【应拜者立】掌饌者以饌升入设於灵座前相者引主人降自西阶诣罍洗主人止哭盥手洗爵相者引主人升自西阶入诣酒樽所主人酌醴相者引主人进跪奠於灵座前俛伏兴少退西面立应拜者陪於後祝持祝版入立於灵座之南北面内外止哭祝跪读祝文曰维某年月日辰子哀子【今仪父亡称孤子】某敢昭告於考某官封諡【妣则郡县乡君各从其称】日月不居奄及卒哭追慕永往攀号无逮谨以洁牲柔毛刚鬣嘉荐普淖明齐溲酒哀荐成事於考某官封諡尚飨主人以下哭再拜内外应拜者皆再拜哭祝兴进跪奠版於灵座兴还樽所【祝读版讫兴跪进版与主人哭拜同时】相者引主人退复位哭尽哀内外各还次祝阖户与执樽罍者降出少顷祝与执饌者入开户彻饌祝阖户以降自卒哭之後朝一哭夕一哭蔬食饮水周而小祥

小祥祭

前一日之夕毁庐为垩室设蒲席周垩室者除之设地席陈练冠於次主人及诸子俱沐浴栉爪翦牢饌及器如卒哭之礼其日夙兴祝入烛先升自阼阶入於室整拂几筵以出掌事者设罍篚於西阶南面如初篚实爵一巾一加幂设瓦甒二於灵座之左北墉下醴酒在东幂用絺加勺南柄具饌於堂东祝与执樽罍篚者先入立於樽罍篚之後内外衰服主人倚杖於

阶下俱升就位【应拜者立】哭尽哀相者引降主人杖就次妇人以下各就次主人诸子除首絰着练冠妻妾女子子除腰絰周服者皆除之丈夫素服吉冠履妇人素服吉屨相者引主人及诸子倚杖如初内外俱升就位哭掌饌者以饌升自东阶入设於灵座前设讫掌饌者降自西阶以出相者引主人降自西阶诣盥洗主人止哭盥手洗爵相者引主人升自西阶入诣酒樽所酌醴进跪奠於灵座前俛伏兴少退西面立祝持版进立於灵座之右北面向内外皆止哭祝跪读祝文曰维年月朔日哀子某【父歿称孤子】某敢昭告於考官封諡【妣则郡县乡君各从其称】岁月遄迫奄及小祥攀慕永远重增屠裂谨以洁牲柔毛刚鬣嘉荐普淖明齐澣酒祇荐祥事於考某官封諡尚飨主人哭再拜内外应拜者再拜哭祝兴进跪奠版於灵座兴还樽所【主人哭拜与祝兴奠版同时】相者引主人就位哭尽哀内外各还次【主人杖如式】祝阖户与执樽盥者降出少顷祝与进饌者入开户彻饌阖户以降自小祥之後止朝夕之哭哭无时【哀至则哭】始食菜果饭蔬食饮水浆无盐酪不能食食盐酪可又周而大祥

大祥祭

前一日之夕除噩室张帷又备内外受服【谓大祥之服】各於其次主人及诸子俱沐浴栉爪翦牢饌及器如小祥之礼其日夙兴内外各服其衰服并於次哭尽哀应除服者着除服讫又哭尽哀止昧爽前祝入烛先升自阼阶入於室祝整拂几筵以出掌事者设盥洗筐於西阶西南如初筐实爵一巾一加幂设瓦甒二於灵座之右北墉下醴酒在东幂用絺加勺南柄又具饌於堂东祝与执樽盥者先入立於樽盥之後内外俱升就位哭掌饌者以饌升自东阶入设於座前置设讫掌饌者降自西阶以出相者引主人降自西阶诣盥洗主人止哭盥手洗爵相者引主人升自西阶诣酒樽所酌醴进跪奠於灵前俛伏兴少退西面立祝持版进立於灵之右北面内外止哭祝跪读祝文曰维年月朔日子孤子某敢昭告於考某官封諡【妣则郡县乡君各随其称】日月逾迈奄及大祥攀慕永远无任荒踣谨以洁牲柔毛刚鬣嘉荐普淖明齐澣酒祇荐祥事於考某官封諡尚飨主人哭再拜应拜者再拜哭祝兴进跪奠版於灵座兴还樽所相者引主人就位哭尽哀主人以下各还外寝妻妾女子子以下还寝祝阖户与执樽盥者降出少顷掌饌者入开户彻饌掌事者除灵座祝阖户以降间月而禫自大祥之後外无哭者食有醢醬

禫祭

前一日掌事者预备内外禫服各陈於别所主人及诸子俱沐浴栉爪翦仍宿於外寝牢饌及器如大祥之礼其日夙兴祝入烛先升设几席於奠掌事者设盥洗筐於东阶东南如常筐实爵一巾一加幂设瓦甒二於座之左北墉下醴酒在东幂用絺加勺南柄具饌於堂东祝与执樽盥筐者入立於樽盥筐之後主人及诸子妻妾女子子仍祥服【为长子三年者亦祥服】内外俱升就位哭尽哀降释祥服应禫服者着禫服相者引主人以下俱升就位哭掌饌者以饌入升设於座前讫执饌者出相者引主人降自东阶诣盥洗盥手洗爵相者引主人升自东阶诣酒樽所酌醴进跪奠於座前俛伏兴少退西面立祝持版进立於座之右北面内外皆止哭祝跪读祝文曰维年月朔日子孤子某敢昭告於考某官封諡【妣则郡县乡君各随其

称】禋制有期追慕无及谨以洁牲柔毛刚鬣嘉荐普淖明齐澣酒祇荐禋事於考某官封諡尚飨主人哭再拜应拜者皆再拜内外皆哭祝兴跪进奠版於座还樽所相者引主人以下还於寝祝阖户与执樽罍者降出少顷掌饌者入开户彻饌以出祝收几筵以出祔庙如别仪自禋之後内无哭者始饮醴酒食乾肉

祔庙

将祔筵日如常仪前三日主人及亚献终献及诸执事者俱散齐二日致齐一日前一日掌事者清扫庙之内其庙应递迁者并设座主人以酒脯醢告迁讫遂移床幄又奠酒脯醢以安神少顷掌饌者彻饌以出掌庙者设考之祔座於曾祖室内东壁下西向右几【妣则祔于曾祖姑设坐亦如之言曾祖及曾祖姑者皆据孝子之言于亡者祖及祖姑也祔于曾祖则曾祖妣配者有事于尊可及卑者也】设主人位於东阶东南南向设子孙位於南门内道东北面西上设亚献终献位於主人东南设掌饌以下位於终献东南俱西面北上【亚献终献以国官僚佐若无以亲宾充之】设赞唱者位於主人西南西面设酒樽於堂上室户之东南北向西上设洗于阼阶东南北向东西当东溜南北以堂深罍水在洗东篚在洗西南肆篚实爵三巾二加幂【其爵每庙三事】祔日内外夙兴掌饌者预具少牢之奠二坐各俎三簋二簠二鉶二酒樽二其樽皆一实玄酒为上一实清酒次之【上尊加玄酒者重古】六筵六豆主人及行事者各服其祭服执樽罍篚者入就位主人以下皆入就位【诸妇人停於门外周以行帷俟祭讫而还】立定赞者唱曰再拜在位者皆再拜掌饌者引饌入升自东阶入于室各于神座前施設讫掌饌以下降出相者引主人诣罍洗盥手洗爵升自东阶诣酒樽所执樽者举幂主人酌酒相者引主人入室进北面跪奠爵於曾祖神座前俛伏兴相者引主人出诣酒樽所取爵酌酒入室进东面跪奠於神座前俛伏兴出户北面立【羣祖及考皆如之】祝持祝版进於室户外之右东向跪读祝文曰维某年月朔日子孝曾孙某官封某敢昭告於曾祖某官封諡【若无官封者但云曾祖之灵若祔母但云曾祖妣某氏不告曾祖】祖某官封諡【若祔母云祖妣母某氏以下无官封者但云考妣之灵】考某官封諡【若祔母云妣某氏如父在不可遽迁祖妣先宜於庙东北堂别立一室藏其主待考同祔】某罪积不?岁及免丧宗庙上迁昭穆继序先王制礼不敢不至是用适於皇考封諡濟祔孙某封諡【无官封者但云以适迁於祖濟祔某孙若母同祔则云适迁於祖妣夫人某氏以濟祔孙妇夫人某氏各随其称无官封者但云适迁於祖姑某氏以濟祔孙妇某氏】谨以洁牲刚鬣嘉荐普淖明齐澣酒祇荐於曾祖某官封諡曾祖妣某氏配祖某官封諡祖妣某氏配考某官封諡【若祔母则云曾祖妣某氏祖妣某氏】尚飨祝兴主人再拜祝进入奠版於曾祖神座兴还樽所相者引主人入室立於西壁下东面再拜相者引主人出降还本位主人初献将毕相者引亚献诣罍洗盥手洗爵升诣酒樽所酌酒入进北面跪奠於曾祖座前俛伏兴相者引亚献诣酒樽所取爵酌酒入进东面跪奠於祖座前俛伏兴出户北面再拜讫【考亦如之】又入室立於西壁下东面再拜相者引出降复位亚献将毕相者引终献诣罍洗盥手升酌终献如亚献之仪讫相者引终献降复位祝入彻豆还樽所赞唱曰再拜在位者皆再拜相者引主人出又相者引在位子孙以下出掌饌者入彻饌以出进酒脯之奠於座前少顷彻之齐衰三年其虞卒哭祥禋变除之节与斩衰同父在为母为妻当二祥及禋日月之期虽异其仪节则同周服以下变除依其月算各以其日之晨备衰服升就位哭尽哀降诣别室释衰服着素服又就位哭尽哀

出就别室终日异门者至夕各还其家

大唐开元礼卷一百四十四

卷一百四十五

钦定四库全书

大唐开元礼卷一百四十五 唐 萧嵩等 撰凶礼

四品五品丧之四

改葬

卜宅 启请

开坟 举柩

奠 升柩车

敛 奠

设灵筵 进引

告迁 哭柩车位

设遣奠 輶车发

宿止 到墓

虞祭

改葬

卜宅

将改葬者吉服卜宅兆其余如葬卜宅兆之仪预於隧所随地之宜张白布帷幕南向开户

启请

其日内外诸亲应集者皆至墓所各就便次主人衆主人妻妾女子子俱緦麻服余周亲以下皆素服丈夫於墓东西向妇人於墓西东向皆北上妇人障以行帷俱立哭尽哀卑者再拜

开坟

祝立於羨道南北向内外皆止哭祝三声噫嘻启以开坟改葬之故【其意叙改葬所由之事随时为之】内外又哭尽哀权就别所掌事者开坟讫内外又就位哭如初

举柩

掌事者设席於幕下举柩出置於席上内外俱从柩哭於幕所主人以下柩东西面主妇以下柩西东面俱南上丈夫周亲以下於主人东北南面西上妇人周亲以下於主妇西北南面东上外姻丈夫於主人东南北面西上妇人於主妇西南北面东上【尊者坐】国官於帷门外之东北面西上僚佐於帷门外之西北面东上皆舒席爲位

奠

祝以功布拭棺改加新楮设洗於幕西南隅盥水在洗西加勺冪筐在洗东南肆实巾二爵一於筐加冪设席於柩东设启奠於席上设醴酒之樽於奠南主人诣盥洗盥手洗爵进酌酒奠於席前兴少退西面再拜内外卑者俱再拜少顷彻奠

升柩车

既奠进輶车於帷门外南向掌事者升柩於輶车遂诣施設所内外俱哭从掌事者预设牀於幕下有枕席周设帷柩车至帷门外丈夫於柩东妇人於柩西俱立哭掌事者举柩入设於牀东【若於墓所即敛初奠讫不进輶车设牀於柩东而加枕席遂举尸而敛之】举尸出置於牀南首柩初入定内外就位哭如墓所之仪

敛

陈衣於幕东帷内明衣裳及上服各一称西领南上冕具导簪纓在北内丧则花钗衾一【衾以黄为表素为里】具饌於幕东两甌醴酒柩初至幕下举尸於牀主人衆主人稍退仍西向妻妾女子子稍退仍东向遂敛丈夫加冕妇人以花钗又覆以衾主人衆主人及妻妾女子子凭哭敛将讫掌事者以棺入设于西厢藉以席於棺入内外皆止哭置棺定乃哭举者四人入举牀男女从奉之举尸敛于棺乃加盖覆以衾设帷于棺东内外就位哭如初

奠

既敛祝执巾几席入设於柩东右几加以巾掌事者设盥洗於幕西南隅如初祝以饌升设於席前设施讫执饌者降出相者引主人盥洗酌酒进奠於席前兴少退西面再拜内外卑者皆再拜讫主人以下各就位俱坐哭

设灵筵

既敛设灵筵於吉帷内幕下西厢东向施牀帷屏几服饰以时上饘羞及汤沐浴如平常

进引

前一日之夕掌事者进輶车於凶帷外当门南向【其下帐明器及苞牲等俱陈於輶车前少西东向也】其日进引前量时刻槌一鼓爲一严陈灵车仪仗如常【在陈车篇】少顷槌二鼓爲再严侍灵者俱诣灵所腰舆威仪入陈如常进灵车於帷外南向少顷槌三鼓爲三严掌事者入彻饌以出内外皆兴立哭於位执紼者入掌事者彻帷持翼者入以翼幛枢执披紼者各进执铎者各入夹於枢前东西相向执纛者立於铎南执铭旌者又立於纛南北面【诸执披紼铎旌纛者皆布深衣介帻】

告迁

三严讫祝帅腰舆入诣灵座前西面告曰以今吉辰奉即宅兆少顷舆出诣灵车後少顷退【若内丧女祝迎】将举枢执铎者皆振铎每振铎先摇之摇讫三振之其持翼者恒以翼障枢枢动执铎者夹左右每曲及进止皆振铎内外俱从枢後枢出到輶车後执披紼者如常设帷障於枢後掌事者升枢

哭枢车位

丈夫俱立哭於輶车东重行西面妇人哭於輶车西重行东面俱南上外姻丈夫俱哭於輶车东南重行北面以西爲上妇人哭於輶车西南重行北面以东爲上国官哭於外姻之东北面西上僚佐哭於国官之西北面东上立定

设遣奠

设进奠之饌於輶车东置设讫相者引主人酌酒进奠於席前兴少退西面哭再拜内外皆哭卑者再拜若食顷彻之以蒲苇苞牲体下节五苞载於舆以之墓

輶车发

既设奠吉凶仪仗依式进引灵车动鼓吹振作而行主人衆主人以下皆以次步从哭於枢车後妻妾女子以下皆步从哭於丈夫之後障以行帷輶车去停所三百步亲宾有还者吊哭如别仪辞讫进引尊者乘车马从枢者更哭不絶声

宿止

掌事者先於宿所张吉凶帷幕吉帷在左凶帷在右将至宿所尊者俱下车马步哭灵车到帷门外回车南向祝师腰舆诣车後少顷舆入诣灵座前少顷舆出进常食於灵座若食顷彻之柩车至於凶帷内外哭於柩车所其位如初掌饌者进酒脯之奠於柩车东席上既设奠内外各还次更哭不絕声及墓内外俱就位哭进夕奠如初讫内外各还次迭哭终夜及明严鼓内外又就位哭进朝奠於柩东进常食於灵座若食顷彻之迎灵发引尊者乘车马哭从如上仪

到墓

到墓尊者俱下车马灵车到帷门外回车南向祝师腰舆诣车後少顷入诣灵前少顷舆退设酒脯之奠柩车至圻前回车南向外哭位如遣奠之仪掌事者布席张帷於柩车後下柩於席上主人以下妻妾女子各前抚柩哭尽哀退复位周亲以下又前抚柩尽哀退复位俱再拜辞掌事者下柩於圻柩既入圻亲宾有还者吊如别仪国官之长奉玄纁束帛授主人主人受以授祝主人稽顙再拜祝奉以入奠於柩东持筓者入倚筓於圻内两厢执事者以下帐明器苞牲酒米等物入置於圻内皆藉以版施铭旌志石於圻户内置讫掌事者掩圻户加关钥覆土既覆土内外俱就灵所哭墓左祭后土如始葬之仪

虞祭

初下柩於墓掌事者具虞祭之饌设盥洗筐於灵幕西南如常内外既就灵所哭掌饌者进虞祭之饌於灵座相者引主人盥洗酌酒进奠於座前兴少退西面立内外皆止哭祝持版进立於灵座之右北面跪读祝文曰维年月朔日子孤子某敢昭告於考某官封諡【妣郡县乡君某氏各随其称也】改迁幽宅礼极虞祭攀号永远无所逮及谨以洁牲柔毛刚鬣嘉荐普淖明齐溲酒祗荐虞事於考某官封諡尚飨主人哭再拜内外皆哭卑者再拜尽哀相者引主人以下出就别所释衰服着素服而还掌饌者彻饌掌事者彻灵座

大唐开元礼卷一百四十五

卷一百四十六

钦定四库全书

大唐开元礼卷一百四十六 唐 萧嵩等 撰凶礼

六品以下丧之一

初终 复

设牀 沐浴

袭 含

奠 铭

重 小敛

奠 大敛

庀次 成服

朝夕哭奠 宾吊哭

亲故哭 州县吊

州县使吊 筮宅兆

筮葬日 启殡

初终

有疾者丈夫妇人各斋於正寝北墉下东首顺【墉墙也东首生气】养者皆斋亲饮药子先尝之【尝者度其所堪也】疾困去故衣加新衣清扫内外【为宾客来问】分祷所祀【尽孝子之情也五祀曰门曰行】侍者四人持手足【为不能自屈伸内丧则妇人持之】遗言则书之属紼以候气【紼新绵置於口鼻】气絶废牀寢於地【人始生在地庶其生气返也】男女啼踊无数余皆哭【哀有深浅】内外改着素服妻妾皆披髮徒跣女子子不徒跣出嫁者髻【出後人者为本生父母素服不徒跣主人主妇衣服无改男子随事设帷帐】齐衰以下丈夫素服妇人去首饰【谓齐衰妇人也】主人坐於牀东诸子及兄弟子在北少退

俱西面妻坐於床西妾在妻後女子子兄弟之女在妻之西北俱东面藉藁坐哭【孙及兄弟孙在诸子之後女孙及兄弟女孙在兄弟女子之後各依服精麤为坐先後下准此】祖父以下於北壁右南面西上祖母以下於北壁下南面东上皆舒蒲席坐哭【为嫡子三年者则草荐】外姻丈夫於户内之东北面西上妇人於主妇西面东上皆舒席坐哭【若舍窄宗亲丈夫俱在户外之东北面西上外姻丈夫在户外之西北面东上】诸女妇之丧则尊行丈夫及外亲丈夫席位於前堂若户外之左右俱南面宗亲尸东西上外亲尸西东上凡丧位皆以服精麤为序斩衰三日不食齐衰二日不食大功一日不食小功緦麻再不食

复【始死则复】

复於正寝复者掌复【复谓招魂复魄】以死者之上服左荷之升屋自前东荣东屋履危北面【危栋上荣屋翼也】左执领右执腰招以左每招长声呼某复【男子称名女子称字及伯仲妇人称姓也】三呼而止以衣投前承之箱升自阼阶入以覆尸内【若得魂魄反然】复者彻舍西北扉降自後西荣【不由前降不以虚反自是行死事所彻之扉薪以充煮沐】复衣不以袭敛【浴则去之】

设牀

设牀於室户内之西去脚舒簟设枕迁尸於牀南首覆用敛衾去死衣【敛衾大敛所用之衾黄表素里也死衣病困所加新衣】楔齿用角柶【为将含也】缀足以燕几校在南【缀犹拘也校几胫也户南首几胫在南以拘之则不使辟戾也】侍者坐持之其内外哭位如始死之仪乃奠

沐浴【自沐浴至设重凡六事皆同时兴作】

掌事掘塋於阶间近西南其广尺长二尺深三尺南其壤爲块竈於西墙下东向以俟煮沐新盆盘瓶二?皆濯之陈於西阶下【新此器者重死事盆以盛水盘以盛濡濯瓶以汲也?瓦罍受二升有盖濯谓涤溉之也】浴巾二皆用布【布巾所以拭污也用二者上体下体异也】栲及浴衣各实於箱【浴衣已浴所衣之衣其制如今之眠帕】皆具於西序下南上取米潘煮之又汲爲汤以俟浴以盘盛潘及浴盘升自西阶授沐者执潘及盘入内外皆出户外【象平生沐浴子孙不在旁主人出而袒簣谓牀簣去席居牀簣也】主人以下於户东北面西上主妇以下於户西北面东上俱立哭其尊行者丈夫於主人东北面西上妇人於主妇西北面东上俱坐哭妇人权障以帷主人以下既出乃沐栲【栲掠也】浴则二人抗衾二人浴拭用巾拒用浴衣设牀於尸东衽下莞上簟【衽卧席】浴者举尸易牀设枕翦须断爪如平常爪须盛以小囊大敛内於棺浴巾皆以埋於坎着明衣裳以方巾覆面仍以大斂之衾覆之讫主人以下入就位坐哭乃袭

袭

陈袞事於房中袞衣一称西领南上【藉以席也】明衣裳【明衣裳谓亲身衣也今用绢棍衫也】履一帛巾一方尺八寸充耳用白紵面衣用玄方尺纁里纁系手衣一具执服者陈袞衣於席袞者去巾加面衣设充耳着手衣纳履【凡衣左衽不纽将袞辟奠既袞则设之】既袞覆以衾【始死时所覆衾】内外入复位哭【诸尊者於卑幼之丧及嫂叔兄姑弟妇俱哭朝晡之间无事则休於别室】乃含

含

赞者奉盘水筭实以饭含【筭竹器】饭用粱含用贝升堂主人出盥手於户外洗粱贝实於筭执以入北面彻枕去楔主人坐床上西面发巾粱纳贝於尸口既含主人复位楔齿之柶与浴巾同埋於坎乃奠

奠

奠以脯醢酒用吉器无巾柶升自阼阶奠尸东当隅【鬼神无象故设奠以凭依之也】内丧内赞者设之【凡内丧皆内赞者行事】既奠赞者降出设帷堂【至此事少讫故设帷堂也】

铭【铭明旌也】

为铭帛以绖广终幅长六尺韬杠书曰某姓官之柩【妇人云某氏姓之柩】置於宇西阶上

重

重木刊凿之长六尺横者半之置於庭三分庭一在南【木也悬物焉曰重刊?埋之凿之为悬?孔】以沐之米为粥实於二?既实粥盖其口以疎布幂之系以竹?悬於重覆用苇席北面屈两端交於後西端在上缀以竹?铭置於重殡堂前楹下夹以苇席帘门以生布又设苇障於庭

小敛

小敛之礼以丧之明日陈其服一称於东房西领下则裙衫设馔於东堂下【器皆以素筮无漆以下至虞祭其器同之】瓦甒一实酒觶一特牲一俎筮豆之数各二【凡筮实盐脯枣栗之属豆实醢酱醢菹之类以下准此】设盆盥於馔东布巾【为奠者设盥丧事略故无洗也】赞者辟脯醢之奠於尸牀西南具牀席於室西又设盆盥於西阶之西如东方【为举尸者设盥】敛者盥讫与执服者以敛衣入主人以下少退俱哭敛者敛讫覆以夷衾设床於堂上楹间衽下筦上簟有枕卒敛开帷主人以下西面主妇以下东面皆凭哭俱南上【凡凭尸父母先妻子後】讫男子退以衾巾束髮女子子髻主人以下立哭於尸东尊行者坐其位如

衾位斂者举尸男女从奉之迁於堂乃覆以夷衾【今世谓之棺衣】哭位如室内【尊行者坐】乃奠

奠

奠贊者盥手以饌升奠於尸东讫斂者受巾巾之奠者遂彻衾奠自西阶降出下帷内外俱坐哭以亲疎为之代哭夜则为燎於庭厥明灭燎乃大斂

大斂

大斂之礼以死後二日其日夙兴陈衣於序东上服三称西领南上【朝服公服常服俱各为一称制用随所有】衾一【衾以黄为表素为衷衾则始死所用之斂衾】饌於东堂下甒酒置於席筐在东南肆实觶一勺一豆在甒北笱次之牢饌如小斂其簠席素几功布巾在饌北掘殡埒於西阶之上棺入内外止哭升棺於殡所凡棺里之具炭灰枕席之类皆预设於棺内置棺讫内外皆哭熬谷二筐皆加鱼腊【熬谷所惑蚍蜉令不至於棺旁也】烛俟於饌东设盆盥於饌西掌事者盥於门外升自阼阶彻巾授执巾者执巾者降侍於阼阶下掌事者与贊者彻小斂之饌降自西阶设於西序南当西荣如设於堂上【堂上谓尸东凡奠设於序西者事毕而去之】乃适於东陞下新饌所帷堂内外皆少退立哭御者斂覆以衾斂讫开帷主人以下西面凭哭主妇以下东面凭哭【凡凭尸父母先妻子後】退复位次诸亲凭哭讫斂者四人举牀男女从奉之奉尸斂於棺乃加盖覆以夷衾内外皆复位如初设熬穀首足各一筐以木覆棺上乃涂之既殡设灵座於殡东执巾几席者升自阼阶设於座右加以巾贊者以饌升西面设於灵座前席上【殡於外者施盖讫设大斂之奠於殡东】掌事者受巾巾之奠者降自西阶以出下帷内外皆就位坐哭如初以时膳羞及汤沐皆如平常

庐次

将成服掌事者预为倚庐於殡堂东墉下近南北向户设苫出於庐内【诸子各一庐】齐縗於庐南累塹为垆室俱北尸翦蒲为席不缘【父兄不次殡所各在其正寝之东庐垆室祖为嫡孙居垆室有牀皆南面西出户也】父不为衆子次於外【於庶子畧自若居寝】大功於垆室之南张帷席以蒲若藺妇人次於西房若殡堂无房者次後若别室

成服

三日成服【并死日为三日也】内外皆哭尽哀内外俱降就次着縗服无服者仍素服相者引主人以下俱杖【三日而後食杖而後能起衆子皆杖以病故也童子妇人不能病故不杖亦不居庐不着菲屨若嫡子虽童亦杖幼不能自杖人代执之所谓当室杖者也自此以後则嫡子及有爵之庶子皆得杖在位其庶子之无爵者杖於他所不杖在位矣凡正寝户内曰室户外曰堂也虞杖不入室祔杖不升堂以今言之即灵堂户之内外也周人祔在卒哭今之百日也哀衰敬生故其杖不升灵寝之堂前其衰服及杖皆致之於庐内应杖者朝夕哭则杖

之若孝子出无异适唯向殡及向坟墓而已远则乘车近则使人代执杖也】升立於殡东西向南上齐衰以下升就位妇人升诣殡西位若殡逼西壁妇人皆位於殡北南面东上【尊行者坐】内外皆哭尽哀诸子孙就祖父诸父前跪哭皆抚哭尽哀就祖母及诸母前哭亦如之女子子对诸祖母及诸母哭就祖父及诸父前哭如男子之仪唯诸父不抚之耳讫各复位伯叔母以下就主妇哭亦如之【始遭亲丧孝子荒迷三日而食服及成矣是以尊卑内外聚哭尽哀也】诸尊者降出还次主人以下降立於阼阶下外姻在南少退俱西面北上哭尽哀各还次阖户小功以下各归其家自成服之後诸尊者及妇人於诸亲男女之丧有事则哭於殡所若无事有时须哭者或在正寝则於北壁下舒席南面坐哭父母丧食粥朝米四合暮米四合不能食粥则以米为飢妇人皆以米为飢

朝夕哭奠【朝奠日出夕奠逮日】

每日预具朝奠於东堂【瓦甒一实以酒素勺疏布幂筵一豆一实以脯醢】内外夙兴各衰服【凡言縗服杖者皆杖以下准此】男子就东阶下位【若升於殡东其位如始成服之式也】妇人升诣殡西位内外皆哭【凡朝夕哭皆开帷】质明掌事者升自阼阶入彻奠出又以朝奠入升阼阶入设於灵座前席上执饌者出降自西阶日出後皆止哭各还次朝夕之间主人及诸子妻妾女子子哭於其次无时至夕内外俱就位哭彻朝奠进夕奠如初仪日入後止哭各还次哭者出阖户自是以後至於启殡每朝夕如上仪七日之朝大功以下异门者归於家

宾吊【亲故同】

宾素服相者入告内外縗服哭於阼阶下妇人哭於殡所如常仪相者引宾入立於庭北面西上为首者一人进当主人东面立云如何不淑主人哭再拜稽顙为首者复北面位吊者俱哭十余声相者引出少顷相者引主人以下各还次

亲故哭

若有亲故哭殡者内外俱升就位尊者坐内外俱哭相者引宾入升堂立於殡东西面南上尊者坐俱哭尽哀止尊者起相者引出卑者再拜讫次出【凡宾与主人敌体以上宾初入主人皆起宾就席主人与宾俱坐宾起主人皆起宾出户俱坐恩深者宾拜讫又哭尽哀或就孝子抚哭尽哀而止俱出】少顷相者引主人以下各还次

州县吊

若刺史哭其吏人【县令同】主人设席於柩东西向刺史素服将到相者引主人去杖立於门内之右北面刺史降入升自西阶即座西面坐主人升就位哭刺史哭尽哀将起主人降复东阶下位刺史降出主人拜送於大门外杖哭而入

州县使吊

若守令遣使吊其吏人使者至内外俱縗服主人以下就阶下位妇人就堂上位内外俱哭使者素服执书相者引入门内外俱哭使者素服而左立於阶间东面使者致辞主人再拜稽顙相者引主人进诣使者前西面受书退复位左右进受书主人拜送於位相者引使者出使人若自入吊如上仪客出少顷内外止哭各就次

筮宅兆

既度宅兆掘四隅外其壤掘内南其壤【宅葬居也兆域也南其壤者为葬将北首故也】既朝哭主人还哭出乘辒车诣宅兆所出郭门止哭将到主人又哭至宅兆所祝及筮师凡行事者皆素服掌事布筮席於宅兆南西上相者引祝立於席西南东面南上筮师立於祝南东面北上相者引主人诣席南十五步许当内壤北向立相者立於主人之左少南俱北向诸亲宾立从者立於筮席东南重行西向亲北上诸宾南上立定相者少进东面称事具退复位主人免首經左拥之相者进立於主人东北西面筮师开轝出筮兼执之【轝藏筮器】进立於相者前东面相者命曰哀子姓名【今仪父祖父称孤子孤孙母祖母称哀子哀孙以下准此】为某甫度兹幽宅无有後艰【某甫父字也为其父筮葬今谋此地以为幽冥之居得无有後艰难乎若内丧云为某母某氏也】筮师曰诺右旋就席北面右执轝以击筮述命曰假尔太巫有常坐指内卦遂筮讫兴以卦东面称占曰从还本位立主人經哭从者哭尽哀止相者进主人之左东面称礼毕相者遂引主人退立於东南隅西面又相者引亲宾及筮者立於主人之後重行西向俱北上掌事者即彻筮席当安墓处立一标又四隅当两厢各立一标祝史帅掌事者入铺后土氏神席於墓左南向设酒樽於神座东南加勺冪设洗於酒樽东南盪水在洗东篚在洗西南肆【篚实以巾爵加冪】相者引告者及祝与执尊?篚冪者俱立於?洗东南重行北面以北爲上【亲宾及主人告之主人告去經杖】立定俱再拜祝与执樽?篚者先立於樽?篚之後执饌者以脯醢跪设於神座前兴还本位相者引告者诣?洗盥手洗爵诣尊所酌酒进跪奠於神座前兴少退北面立祝持版进於神座之右东面跪读祝文曰维年月朔日子某姓名【有官称官若主人自告父称孤子母称哀子姓名】敢昭告於后土之神今为姓某甫【父母云父某母某祖母云某氏】营建宅兆神其保佑俾无後艰谨以清酌脯醢祗荐於后土之神尚飨祝兴告者再拜相者引告者还本位西面再拜相者引出掌事以下俱复位再拜遂彻饌席樽盪以出主人哭还一里许哭止及郭外又哭内外升哭於位主人升诣殡前北面哭尽哀止哭西面再拜降就次若不从筮择地如初仪

筮葬日

既朝哭主人及诸子出立於殡门之外东壁下西面北上亲宾之长莅筮行事者俱吉服於门西东面南上筮人执轝【轝藏筮器】在其南东面主妇阖门东扇立於其内掌事者设筮席於闕外闌西莅筮者诣主人前东面告事具遂引主人立於门南北面免首經左拥之莅筮者进立於主人东北西面筮人开轝出筮兼执之少退莅筮位前东面受命莅筮命曰孤子某【母云哀子】来日卜葬其父某官某甫【母云为某母某氏也】考降无有近悔【考登也

降下也言卜此日葬惟神上下得无近於咎悔也】筮人曰诺右旋进就席西面坐右执纁击筮述命曰假尔太筮有常遂筮讫兴以卦东面称占曰从【从顺占也】主人經哭皆哭尽哀止遂使人告於亲宾【其筮日不来者】筮人以纁退掌事彻筮席莅筮称礼毕主人兴诸子以下入升殡前北面立哭内外俱尽哀讫各还次若不从筮择如初仪

启殡

葬有期前一日之夕掌事者除苇帐备启奠【具饌如大斂】内外哭如常仪启之日内外夙兴縗服主人及诸子皆去冠經以衺巾帕头内外皆升就位哭【尊行者坐】祝素服执功布【长三尺】升自东阶诣殡南北向内外皆止哭祝三声噫嘻乃曰谨以吉辰启殡既告皆哭尽哀各还次祝降与执饌者升彻宿奠如式祝移铭旌重北建之掌事者升彻殡涂讫设席於埽南升枢於席上又设席於枢东祝执功布升以拂枢覆用夷衾降出周设帷东面开户【若不为坎以殡者则彻殡涂讫席枢东】相者引主人以下升哭於帷东西向妻妾女子以下哭於帷东北壁下南向西上诸祖母以下哭於帷西北壁下南面东上外姻丈夫帷东北面西上妇人帷西北面东上内外俱哭祝与进饌者以启奠升设於枢东席上祝酌酒奠之内外俱坐哭於位如未成服礼亲宾致奠如别仪代哭者以亲疎为之昼夜不絕声

大唐开元礼卷一百四十六

卷一百四十七

钦定四库全书

大唐开元礼卷一百四十七 唐 萧嵩等 撰凶礼

六品以下丧之二

将葬

陈车位 陈器用

进引 举柩

柩在庭位 祖奠

柩出升车 遣奠

遣车 器行序

诸孝从柩序 郭外亲宾归

诸孝乘车 宿止

宿处哭位 行次奠

亲宾致赠

墓上进止

莹次 到墓

陈明器 下柩哭序

入墓 墓中置器序

掩圻 祭后土

反哭 虞祭

将葬

陈车位

将启之日纳柩车於大门之内当门南向进灵车於柩车之右内外所乘之车陈於大门外丈夫之车门西妇人之车门东俱服重者在上【以近门外北方为上】女子子妻妾之车以木爲之不漆饰无者以籩箴衣车以蒲纒轅轂若白土堊之以布为 ？【布如服布】周大功之车以白土堊之或衣籩箴皆以布为 ？【其布如服】掌事者预於宿所张吉凶帷幕凶帷在西吉帷在东俱南向设灵座於吉帷下如常式

陈器用

启之夕发引前五刻陈布吉凶仪式魃头志石大棺车【八品以下设魃头之车魃头两】及明器以下陈於柩车之前引二披二铎二画翬二【引者引柩车索也披者系於柩车四周在傍执之以备倾覆铎者以铜为之所以节挽者翬者以木为筐广二尺高二尺四寸其形方两角高衣以白布柄长五尺画翬者内及四缘皆画云气庶人无引披铎翬也】

进引

二刻顷掌事者彻启奠以出初彻奠内外俱兴立哭於位执紼者皆入掌事者彻帷持翬者升即以翬障柩执铎者入夹西阶立掌事者取重出倚於门外之东执旌者立於西阶南北面【诸执紼铎旌翬者皆布深衣介帻】陈布将讫进灵车於内门外南向祝以腰舆诣灵座前【内丧则妇人执腰舆】祝於舆右西向跪昭告曰孤子某【母云哀子】谨用吉辰奉归先兆【若新卜莹域宜曰奉迁幽兆】灵车就引神道纡回惟以荒寥无任哽絶兴立少顷腰舆出降自西阶威仪从者如平生诣灵车後少顷舆退

举柩

将举柩执铎者俱振铎柩降就阶间南向初柩动及进止执铎者皆振铎每振先摇之摇讫三振之其持翬者恒以翬障柩柩降阶执旌者渐而南柩止则回北向立主人以下以次从柩而降主妇又次其後降

柩在庭位

柩在庭【庭内先施席以置柩】主人及诸子以下立哭於柩东西向南上祖父以下立哭於柩东北南向北上异姓之丈夫立哭於主人东南西面北上妇人以次後降妻妾女子以下立哭於柩西东向南上祖母以下立哭於柩西北南向东上异姓之妇人立哭於主妇西南东面北上内外之际障以行帷【帷用如服布】

祖奠

庭位既定祝帅执饌者设祖奠於柩东如大斂之仪祝酌讫进奠南北面跪曰永迁之礼灵神不留谨奉柩车式遵祖道尚飨兴少顷彻之

柩出升车

柩动旌先主人以下从哭於柩後妇人次哭於後柩出中门外到輜车设帷障於柩後执紼执披者如常遂升柩於车内外哭位如在庭之仪

遣奠

既升柩祝与执饌者设遣奠於柩东如祖奠之仪祝酌奠於饌前少顷彻之

遣车

既遣奠掌事者以遣蒲苇苞牲体下节二苞以绳束之盛以盘载以车列於旌前

器行序

彻遣奠灵车动从者如常先灵车後次魑头车次志石车次大棺车【志石与大棺若先设者不入陈布次】次明器輿次下帐輿次米輿【五谷米实以五笱各斗二升幂用疏布】次酒脯醢輿【酒实二壶各五斗幂用功布醢实於二瓮各三斗幂用疏布】次苞牲輿次食輿【食輿盘碗具足】次铭旌次铎【铎分爲左右也】次柩车

诸孝从柩车序

主人及诸子纓服經杖徒跣哭【秃者衰巾加經】徒跣哭从诸丈夫妇人各以服之精麤爲序从哭出门内外尊行者皆乘车马哭不絕声

郭外亲宾归

出郭亲宾还权停车马内外尊行者皆下柩车依服之亲疎为序立哭如式相者引亲宾以次就柩车之左向柩立哭尽哀卑者再拜而退妇人亦如之

诸孝乘车

亲宾还内外乘车马【若墓远及病不堪步者虽无亲宾还主人及诸子亦乘辒车去莹三百步皆下】

宿止

灵车到帷门外回南向进腰舆於灵车後威仪从者如常礼少顷舆入诣灵座前少顷降出遂进常食於灵座若食顷彻之【每至停宿之所於室设灵座进食皆如初】枢车到入凶帷停西厢南辕祝设几席於枢车东

宿处哭位

初至宿处内外皆就枢车所主人及诸子以下於枢车之东西面南上妻妾女子子妇人於枢车之西东面南上祖父以下於枢车东北南面西上异姓有服者於枢车东南西面北上祖母以下於枢车西北南向东上异族妇人又於枢车西南东向北上俱立哭

行次奠

凡停宿进酒脯之奠於枢东如朝奠之仪既设奠内外各还次迭哭不絶声及夕内外就枢车所哭进夕奠如朝奠之仪讫迭哭如常厥明又就位哭进朝奠亦如之若食顷彻之吉凶威仪依式发引内外从哭如初仪

亲宾致赠

宾有赠礼在主人设祖奠之时宾立於大门外西厢东西从者以筐奉玄纁立於宾西南俱东面牵马者以马陈於宾东南北首西上相者入告遂诣主人之左北面受命出到宾前西面曰敢请事宾曰某敢赠相者入告出曰孤某须矣宾之从者坐奠筐取币兴诣宾前西面以授宾退复位相者引宾入牵马者先以马入陈於枢南北首西上宾入由马西当枢车南北面立内外权止哭宾曰某諡封若某位将归幽宅敢赠辞毕而哭内外皆哭主人拜稽颡宾止哭相者引宾进枢东西面奠币相者引宾又由枢前以西而出初宾出掌事者由主人右诣枢东西面举币以东【东藏之也】受马者由前旋牵者後适其右受之牵者由前以西而出宾将出主人稽颡再拜送之

墓上进止

莹次

前一日之夕掌事者豫於墓门道西张帷幕设灵如初

到墓

乘车者卑行望坟而下尊行及莹而下序哭尽哀灵车至帷门外回车南向祝以腰舆诣灵车後少顷入诣灵座前少顷以舆降出遂设酒脯之奠如初枢车至圻前回南向丈夫妇人之

位如遣奠之仪

陈明器

掌事者陈明器於圻东南西向北上

下柩哭序

布席於柩车之後张帷下柩丈夫柩东妇人柩西以次进凭柩哭尽哀各退复位内外卑者再拜辞诀相者又引主人以下哭於羨道东西面北上妻及女子以下妇人障以行帷哭於羨道西东面北上

入墓

施席於圻户内之西遂下柩於圻户内席上北首覆以夷衾

墓中置器序

持筓者入倚筓於圻内两厢遂以下帐张於柩东南向米酒脯於下帐东北食盘设於下帐前苞牲置於四隅醯醢陈於食盘之南藉以版明器设於圻内之左右

掩圻

掌事者以玄纁授主人主人授祝祝奉以入奠於灵座主人拜稽顙施铭志石於圻门之内置设讣掩户设关钥遂覆土三主人以下稽顙哭尽哀退俱就灵所哭掌仪者设后土祭於墓左如後仪

祭后土

预於墓左除地为祭所柩车到祝吉服铺后土氏神席北方南向设酒樽於神座东南北向设洗於酒樽东南北向罍水在洗东篚在洗西南肆以巾爵实於篚既覆土告者吉服【告者亲宾充之】相者引告者与祝及执樽罍篚者俱立於罍洗东南重行西面以北为上立定俱再拜祝与执樽罍篚者俱就樽罍篚之後相者进告者之左北面曰请行事掌饌者以饌入祝迎引设於神座前置设讣掌饌者出相者又引告者诣罍洗爵相者引告者诣酒樽所执樽者举罍告者酌酒进跪奠於神座前俛伏兴少退北向立祝持版进於神座之右东面跪读祝文曰维年月朔日子某官姓名敢昭告於后土之神某官封諡窆兹幽宅神其保佑俾无後艰谨以牺齐粢盛庶品明荐於后土之神尚飨祝兴告者再拜祝进跪奠版於灵座还尊所相者引告者退复位再拜相者引告者出祝以下俱复位再拜彻饌席以出

反哭

既掩墓内外就灵所哭彻酒脯之奠进灵车於帷外陈布仪式如来仪又进腰舆入诣灵座前少顷出诣灵车後少顷舆退灵车行内外从哭如初仪出墓门尊行乘车马去墓百步卑者乘车马以哭从灵车到第内外皆下车马灵车入西阶前回南向祝以腰舆诣灵车後少顷升入诣灵座前主人以下从升立於灵座东西面南上少顷腰舆降出内外俱升诸祖父以下哭於帷东北壁下南面西上妻及女子以下妇人哭於灵西东面南上诸祖母以下哭於帷西北壁下南面东上外姻哭於南厢丈夫於帷东北面西上妇人於帷西北面东上有亲宾吊者升堂西面向灵哭如常其吊於庭者称痛当奈何余如常仪哭尽一哀相者引主人以下降各还次沐浴以俟虞【斩衰者沐而不栉齐衰者俱栉】

虞祭

柩既入圻祝先归修虞事牢饌则如殷奠器用乌漆具饌於堂东灵车将至掌事者预施灵座於寢堂室内西东向於灵车之南北设帷东出户【若室内窄则设灵座於堂】掌事者设洗於西阶西南北向东西当西荣南北以堂深盥水在洗西篚在洗东南肆篚实爵一巾一加幂设瓦甒二於灵座之左北墉下醴酒在东幂用絺加勺南柄既沐浴主人及诸子诸妻妾女子子内外诣灵所主人及诸子倚杖於室户外应拜者哭於灵东西如初内外皆哭祝与执樽盥篚者各就樽盥篚所立执饌者以饌入俱升自东阶陈设如殷奠之仪讫掌饌者出相者引主人降自西阶诣盥洗主人止哭执盥洗者酌水主人盥手执篚者取巾於篚兴授主人拭手讫受巾奠於篚又取爵兴以授主人执盥洗者又酌水主人洗废爵【爵无足者】执篚者又授巾主人拭爵讫受巾奠於篚相者引主人升自西阶诣酒樽所执樽者举幂主人酌醴相者引主人进诣灵座前西面跪奠於饌前俛伏兴少退西面立祝以祝版进立於神座之右北面内外皆止哭祝跪读祝文曰维某年月朔日子哀子某【孙称哀孙此爲母及祖母所称父祖则称孤子孤孙也】敢昭告於考某官封諡【妣则云妣夫人某氏孙爲丧主则称祖妣】日月遄速奄及反虞叩地号天五情糜溃谨以洁牲刚鬣嘉荐普淖明齐澹酒哀荐祫事於考某官封諡尚飨祝兴主人哭再拜内外应拜者皆哭再拜祝进跪奠版於灵座兴出复位尽哀相者引主人以下出杖降自西阶各就次妻妾女子子以下各还别室祝阖户与执樽盥者降出少顷祝与掌饌者入开户彻饌阖户以出掌事者埋重於门外道左间日再虞後日三虞礼皆与初虞同又间日爲卒哭祭其虞祝辞再虞云哀荐虞事三虞云哀荐成事

大唐开元礼卷一百四十七

卷一百四十八

钦定四库全书

大唐开元礼卷一百四十八 唐 萧嵩等 撰凶礼

六品以下丧之三

卒哭祭 小祥祭

大祥祭 禫祭

祔祭

卒哭祭

前一日之夕掌事者翦屏柱楣涂庐不涂见面【涂庐里不涂庐外】翦蒲为席不缘以木为枕牢饌如虞祭其日夙兴祝入烛先升自阼阶入於室祝整拂几筵以出掌事者设洗於西阶西南北向东西当西荣南北以堂深罍水在洗西篚在洗东南肆篚实爵一巾一加幂设瓦甒二於灵座之左北墉下醴酒在东幕用絺加勺南柄掌事者具饌於堂东祝与执樽者先入立於樽罍篚之後内外衰服俱升主人及诸子倚杖室户外俱立於灵座之东西面南上妻妾女子子立於灵西东面南上内外各就位坐哭【应拜者立】掌饌者以饌升入设於灵座前相者引主人降自西阶诣罍洗主人止哭盥手洗爵相者引主人升自西阶入诣酒樽所主人酌醴相者引主人进跪奠於灵座前俛伏兴少退西面立应拜者陪於後祝持版入立於灵座之南北面内外止哭祝跪读祝文曰维年月朔日子哀子【今仪为父称孤子】某敢昭告於考某官封諡【妣则云妣某氏】日月不居奄及卒哭追慕永往攀号无逮谨以洁牲刚鬯嘉荐普淖明齐澋酒哀荐成事於考某官封諡尚飨主人以下哭再拜内外应拜者皆再拜哭祝兴进跪奠版於灵座兴还樽所【读祝文讫起跪奠版与主人哭拜同时也】相者引主人退复位哭尽哀内外各还次祝阖户与执樽罍者降出少顷祝与掌饌者入开户彻饌祝阖户以降自卒哭之後朝一哭夕一哭疏食饮水周而小祥

小祥祭

前一日之夕毁庐为垩室设蒲苇席周丧垩室者除之设地席陈练冠於次主人及诸子俱沐浴栉爪翦牢饌及器如卒哭之礼其日夙兴祝入烛先升自阼阶入於室整拂几筵以出设瓦甒二於灵座之左北墉下醴酒在东幂用絺加勺南柄具饌於堂东祝与执樽罍者先入立於樽罍篚之後内外衰服主人倚杖於阶东俱升就位【应拜者立】哭尽哀相者引降主人杖就次主妇以下各就次主人及诸子降首經着练冠妻妾女子子除腰經周服者皆除之丈夫素服吉冠履妇人素服吉履相者引主人及诸子倚杖如初内外俱升就位哭掌饌者以

饌升自东阶入设於灵座前设讫掌饌者降自西阶以出相者引主人降自西阶詣盥洗主人止哭盥手洗爵相者引主人升自西阶入詣酒樽所酌醴进跪奠於灵座前俛伏兴少退西面立祝持版进立於灵座之右北面内外皆止哭祝跪读祝文曰维年月朔日子哀子某敢昭告於考某官封諡【妣云妣某氏】岁月警迫奄及小祥攀慕永往重增屠裂谨以洁牲刚鬣嘉荐普淖明齐溲酒只荐祥事於考某官封諡尚飨主人哭再拜内外应拜者再拜哭祝兴进跪奠版於灵座兴还樽所【主人哭拜与祝兴奠版同时也】相者引主人就位哭尽哀内外各还次【主人杖如式】祝阖户与执樽鬯者降出少顷祝与进饌者入开户彻饌祝阖户以降自小祥之後止朝夕之哭哭无时【哀至则哭】始食菜菹饭素食饮水浆无盐酪不能食食盐酪可又周而大祥

大祥祭

前一日之夕除堊室张帷又备内外受服【大祥之服】各於其次主人及诸子俱沐浴栉爪翦牢饌及器如小祥之礼其日夙兴内外各服其衰服并於次哭尽哀应除服者除服讫又哭尽哀止夙兴祝入烛先升自阼阶入於室祝整拂几筵以出掌事者设盥洗筐於西阶西南如初筐实爵一巾一加幂设瓦甒二於灵座之左北墉下醴酒在东幂用絺加勺南柄具饌於堂东祝与执樽鬯者先入立於樽鬯之後内外俱升就位哭掌饌者以饌升自东阶入设於座前置设讫掌饌者降自西阶以出相者引主人降自西阶詣盥洗主人止哭盥手洗爵相者引主人升自西阶詣酒樽所酌醴进跪奠於灵前俛伏兴少退西面立祝持祝版进立於座之右北面内外皆止哭祝跪读祝文曰维年月朔日子哀子【父丧称孤子】某敢昭告於考某官封諡【妣云妣某氏】日月逾迈奄及大祥攀慕永远无任荒踣谨以洁牲刚鬣嘉荐普淖明齐溲酒只荐祥事於考某官封諡尚飨主人哭再拜应拜者再拜哭祝兴进跪奠版於座兴还樽所相者引主人就位哭尽哀主人以下各还外寝妻妾女子以下还於寝祝阖户与执樽鬯者降出少顷掌饌者入开户彻饌掌事者除灵座祝阖户以降间月而禫自大祥之後外无哭者食有醯酱

禫祭

前一日掌事者预备内外禫服各陈於别所主人及诸子俱沐浴栉爪翦仍宿於外寝牢饌及器如大祥之礼其日夙兴祝入烛先升设几席於奠掌事者设盥洗筐於东阶东南如常筐实爵一巾一加幂又设瓦甒二於座之左北墉下醴酒在东幂用絺加勺南柄具饌於堂东祝与执樽鬯者先入立於樽鬯之後主人及诸子妻妾女子以下仍祥服【为长子三年者亦祥服】内外俱升就位哭尽哀降释祥服应禫服者着禫服相者引主人以下俱升就位哭掌饌者以饌入升设於座前讫执饌者出相者引主人降自东阶詣盥洗盥手洗爵相者引主人升自东阶詣酒樽所酌醴进跪奠於座前俛伏兴少退西面立祝持祝版进立於座之右北面内外皆止哭祝跪读祝文曰维年月朔日子孤子某敢昭告於考某官封諡【妣云妣某氏】禫祭有期追远无及谨以洁牲刚鬣嘉荐普淖明齐溲酒祇荐禫事於考某官封諡尚飨祝兴主人哭再拜应拜者皆再拜内外皆哭祝兴跪进奠版於座还樽所相者引主人以下出降自东阶还寝内相者引妻妾女子以下降自西阶侧还於寝祝阖户与执樽鬯者降出少顷掌饌者

入开户彻饌祝收几筵以出自禫之後内无哭者始饮醴酒食乾肉

祔祭

将祔筵日如常仪前三日主人及亚献终献及诸执事者俱散齐二日致齐一日前一日掌事者清扫正寝之内其日未明掌事者设曾祖之座於正寝室内之奥东向又设祖之座於曾祖之座东南北面又设考之座於祖之南北面皆右几【妣则设曾祖姑座及祖妣之祔座亦如之言曾祖及曾祖姑者皆据孝子之言於亡者祖及祖姑也祔於曾祖则曾祖妣配有事於尊可以及卑者】设主人位於东阶东南西向设子孙位於庭北面西上设亚献终献位於主人东南俱西面北上【亚献终献以亲宾充之也】设赞唱者位於主人西南西面设酒樽於堂上室内之东南北向西上设洗於阼阶东南北向东西当东荣南北以堂深疊水在洗东篚在洗西南肆篚实爵三巾二加冪【其爵数每庙二】祔日内外夙兴掌饌者预具特牲之饌二座各俎一簋二簠二鉶二酒樽二其樽皆一实玄酒为上一实清酒次之【上樽加玄酒者重古】四筵四豆主人及行事者各服祭服执樽疊篚者入就位主人以下皆入就位【诸妇人位於西阶西南障以行惟】立定赞唱者曰再拜在位者皆再拜掌饌者引饌入升自东阶入於室各设於神座前施設讫掌饌者以下降出相者引主人诣疊洗盥手洗爵升自东阶诣酒樽所执樽者举冪主人酌酒相者引主人入室进西面跪奠爵於曾祖神座前俛伏兴相者引主人出诣酒樽所取爵酌酒入室进北面跪奠於祖座前俛伏兴相者又引主人出诣酒樽所取爵酌入室南面跪奠於考前俛伏兴退当曾祖座前近东西面立祝持版进於曾祖神座之右北向跪读祝文曰维某年某月朔日子孝曾孙某官封某敢昭告於曾祖某官封諡【若无官封者但云曾祖之灵若祔母但云曾祖妣某氏不告曾祖】祖某官封諡【若祔母云祖妣某氏以下无官封者但云考妣之灵】考某官封諡【若祔母云妣某氏如父在不可递迁祖妣宜先於庙东北别立一室藏其主侍考同祔】某罪积不灭岁及免丧宗庙上迁昭穆继序先王制礼不敢不至是用适於皇考封諡以迁主考封諡隣附孙某封諡【无官封者但云以适於祖隣祔孙某若母同祔则云适於祖姑夫人某氏以隣祔孙妇夫人某氏各随其称无官封者但云以适於祖姑某氏以隣祔孙妇某氏】谨以洁牲刚鬣嘉荐普淖明齐澶酒祗荐於曾祖某官封諡曾祖妣某氏配祖某官封諡祖妣某氏配考某官封諡【若祔母则云妣某氏配】尚飨祝兴主人再拜祝奠版於曾祖神座兴还樽所相者引主人当祖座前北面再拜考亦如之相者引主人出降还本位主人初献将毕相者引亚献诣疊洗盥手洗爵升诣酒樽所酌酒入进西面跪奠於曾祖座前俛伏兴相者引亚献诣酒樽所取爵酌酒入进北面跪奠於祖神座前俛伏兴考亦如之当曾祖座前西面再拜讫又当祖座前北面再拜考座前南面再拜相者引出降复位亚献将毕相者引终献诣疊洗盥手升酌终献如亚献之仪讫相者引终献复降位祝入彻豆还樽所赞唱曰再拜在位者皆再拜相者引主人出相者又引在位子孙以下出掌饌者入彻饌掌事者彻几筵以出齐衰三年其虞卒哭祥禫变降之节与斩衰同父在为母为妻当二祥及禫日月之期虽异其仪节则同周服以下变除依其月算各以其日之晨备衰服升就位哭尽哀降诣别室释衰服着素服又就位哭尽哀出就别室终日异门者至夕各还其家

卷一百四十九

钦定四库全书

大唐开元礼卷一百四十九 唐 萧嵩等 撰凶礼

六品以下丧之四

改葬

卜宅 启请

开坟 举柩

奠 升柩车

敛 奠

设灵筵 进引

告迁 哭柩车位

设遣奠 輶车发

宿止 到墓

虞祭

改葬

卜宅

将改葬者吉服筮宅兆其余如葬筮宅兆之仪

启请

预於?所随地之宜张白布帷幕南向开户其日内外诸亲应集者皆至墓所各就便次主人衆主人妻妾女子子俱总服余周亲以下皆素服丈夫於墓东西向妇人於墓西东向北上妇人障以行帷俱立哭尽哀卑者再拜

开坟

祝立於羨道南北向内外皆哭止祝三声噫嘻启以改葬之故【其意叙葬之故不可预定】内外又哭尽哀权就别所

举柩

掌事者开坟讫内外又就位哭如初掌事者设席於幕下举柩出置於席上内外俱从柩哭於幕所主人以下柩东西面主妇以下柩西东面俱南上丈夫周亲以下於主人东北南面西上妇人周亲以下於主妇西北南面东上外姻丈夫於主人东南北面西上妇人於主妇西南北面东上【尊者坐】

奠

祝以功布拭棺改加新楮设洗於幕西南隅盥水在洗西加勺冪筐在洗东南肆实巾二爵一於筐加冪设席於柩东设启奠於席上设醴酒之樽於饌南主人诣洗盥手洗爵进酌酒於席前兴少退西面再拜内外卑者俱再拜少顷彻奠

升柩车

既奠进柩车於帷门外南向掌事者升柩於柩车遂诣施設所内外俱哭从掌事者预设牀於冪下有枕席周设帷柩车至帷门外丈夫於柩东妇人於柩西俱立哭掌事者举柩入设於牀东【若於墓所即敛初奠讫不进柩车设牀於柩东而加枕席遂举尸以敛之】举尸出设置於牀南首柩初入定内外就位哭如墓所之仪

敛

陈敛衣於冪之东帷内明衣裳及上服各一称西领南上弁若冠各具导簪纓在北内丧则花钗衾一【衾以黄为表素为里】具饌於幕东两甒醴酒柩初至幕下举尸於牀主人衆主人稍退仍西向妻妾女子子稍退仍东向遂敛丈夫加弁若冠妇人以花钗又覆以衾主人衆主人妻妾女子子凭哭敛将讫掌事者以棺入设於西厢藉以席初棺入内外皆止哭置棺定乃哭举者四人入举牀男女从奉之举尸敛於棺乃加盖覆以衾设帷於棺东内外就位哭如初

奠

既敛祝执几席入设於柩东右几加以巾掌事者设盥洗於幕西南隅如初祝以饌升设於席前施設讫执饌者降出相者引主人盥手酌酒进奠於席前兴少退西面再拜内外卑者皆再拜讫主人以下各退就位俱坐哭

设灵筵

既敛设灵筵於吉帷内冪下西厢东向施床帷屏几服饰以时上膳羞及汤沐皆如平常

进引

前一日之夕掌事者进柩车於凶帷之外当门南向【其下帷明器及苞牲等俱陈於柩车前少西东向】其日发引前量时刻陈灵车仪仗如常【在陈车篇】少顷侍灵车者俱诣灵所腰舆威仪入陈如常进灵车於帷外南向少顷掌事者入彻饌以出内外皆兴立哭於位掌事者彻帷持翼者以翼障柩执铎者各入夹於柩前东西相向执铭旌者立於柩前近南北面【诸执披紼铎旌者皆布深衣介帻】

告迁

祝帅腰舆入诣灵座前西面告曰以今吉辰奉即宅兆少顷舆出诣灵车後少顷退【若内丧女祝迎】将举柩执铎者皆振铎每振铎先摇之摇讫三振之其持翼者恒以翼障柩及柩动执铎者夹左右每曲及进止皆振铎内外俱从柩出到柩车後执紼者如常设帷幃於柩之後掌事者升柩

哭柩车位

丈夫俱立哭於柩车东重行西面妇人哭於柩车西重行东面俱南上外姻丈夫哭於柩车东南重行北面以西为上妇人哭於柩车西南重行北面以东为上立定

设遣奠

设遣奠之饌於柩车东置设讫相者引主人酌酒进奠於席前兴少退西面哭再拜内外皆哭卑者再拜若食顷彻之以蒲苇苞牲体下节二苞载於舆以之墓

輶车发

既彻奠吉凶威仪依式进引主人衆主人以下皆以次步从哭於柩车後妻妾女子以下皆步从哭於丈夫之後障以行帷柩车去停所三百步亲宾有还者吊哭如别仪辞讫进引尊者乘车马从柩者更哭不絶声

宿止

掌事者预於宿所张吉凶帷幕吉帷在左凶帷在右将至宿所尊者俱下车马步哭灵车到帷门外回南向祝帅腰舆诣车之後少顷舆入诣坐前少顷舆出进常食於灵座若食顷彻之

柩至於凶帷内外哭於柩车所其位如初掌馔者进酒脯之奠於灵柩东席上既设奠内外各还次更哭不絶声及墓内外俱就位哭进夕奠如初讫内外皆还次迭哭终夜及明内外又就位哭进朝奠於柩东进常食於灵座若食顷彻之迎灵发引尊者乘车马哭从如上仪

到墓

到墓尊者俱下车马灵车到帷门外回南向祝帅腰舆诣车後少顷舆入诣灵座前少顷舆退设酒脯之奠柩车至圻前回南向内外哭位如遣奠之仪掌事者张帷布席於柩车後下柩於席上主人以下妻妾女子各前抚柩哭尽哀退复位周亲以下又前抚哭尽哀退复位俱再拜辞掌事者下柩於圻柩既入圻亲宾先还者吊哭如别仪掌事者奉玄纁束帛授主人主人受以授祝主人稽顙再拜祝奉以入奠於柩东持鬻者入倚鬻於圻内两厢执事者以下帐明器苞牲酒米等物入置於圻内皆藉以版施铭旌志石於圻户内置设讫掌事者掩圻户加关钥覆土既覆土内外俱就灵所哭墓左祭后土如始葬之仪

虞祭

初下柩於墓掌事者具虞祭之馔设洗罍篚於灵幕西南如常内外既就灵所哭掌馔者进虞祭之馔於灵座相者引主人盥洗酌酒进奠於席前兴少退西面立内外皆止哭祝持版进立於灵座之右北面跪读祝文曰维年月朔日子孝子某敢昭告於考某官封諡【妣云某氏】改迁幽宅礼极终虞攀号永远无所逮及谨以洁牲刚鬣嘉荐普淖明齐溲酒荐虞事於考某官封諡尚飨主人哭再拜内外皆哭卑者再拜尽哀相者引主人以下出就别所释衰服着素服而还掌馔者彻馔掌事者彻灵座

大唐开元礼卷一百四十九

卷一百五十

钦定四库全书

大唐开元礼卷一百五十 唐 萧嵩等 撰凶礼

王公以下丧通仪

闻哀

举哀 奔丧

三殇

殇丧

诸居丧节制

初丧聚主 食饮节

哭节 居常节

不及期葬 外丧

讳名 追服

丧冠嫁娶 乐禁

主诸丧 婚遇丧

室次节 居重闻轻

闻哀

举哀

闻诸丧举哀者於闻丧所哭尽哀问故又哭尽哀改着素服子妻妾女子俱披髮周亲以下妇人去首饰子於堂上东壁下西面以南为上周亲以下北壁下南面以西为上妻妾女子於西壁下东面以南为上周亲以下妇人於北壁下南面以东为上内外之际障以帷若妇

人在別室堂舉哀則周親以下婦人在北壁下南面西上【周親以下舉哀哭位亦然】三日成服廬堊室則苦出荐席變除之節皆如在家之禮唯不設奠祭【以其精神不在於此】若除喪而後歸則之墓諸子以下素服待於墓東西面婦人待於墓西東向俱北上奔喪者素服至於南北面哭盡哀再拜又哭盡哀再拜於家不哭

奔喪

奔喪之禮始聞親喪以哭答使者盡哀問故又哭盡哀服布深衣素冠遂行日行百里不以夜行唯父母之喪見星而行見星而舍若未得奔則成服而後行過州至境則哭盡哀而止哭避市朝望其州境哭【此父母之喪】至於家內外哭待於堂上奔喪者入門而左升自西階賓東西面凭棺哭盡哀少退再拜退於序東披髮復賓東西面坐哭又盡哀尊卑抚哭如常訖內外各還次奔喪者乃還次厥明坐於賓東如初未成服者三日成服【若至在小斂前則與主人俱成服若小斂以後至者自用其日數】凡奔喪齊哀望鄉而哭大功望門而哭小功至門而哭緦麻即位而哭齊衰以下奔喪者升賓東西面哭主人以下哭待於堂上如常奔喪者哭盡哀再拜又哭盡哀尊卑抚哭亦如之訖內外還次三日成服有賓吊者拜賓如常奔喪者非主人則主人爲之拜賓婦人奔喪入自閨門【側門曰閨】升自西階側【側階傍階】賓西東面妻妾女子子則凭棺哭盡哀少退再拜退於西房若西室妻妾女子子披髮【出嫁女髻】復位坐哭又盡哀尊卑抚哭如常內外俱還次奔喪者乃還次周喪以下婦人奔喪者升哭拜又坐盡哀尊卑抚哭及還次皆如之奔喪者不及賓先之墓北面近隧哭主人以下哭待於墓左西面主婦以下哭待於墓右東面皆北上【主人以下初至下先拜而後哭於相者告禮畢則再拜辭】奔喪者哭盡哀再拜又於隧東披髮復位坐哭盡哀相者告禮畢奔喪者又再拜遂冠而歸入門而左升自西階靈東西面凭靈哭主人以下升哭於堂上如常奔喪者哭盡哀再拜若經宿主人以下哭盡哀皆再拜哭降堂相者告就次主人以下各就次三日成服齊衰周以下不及賓先之墓西面哭盡哀再拜又哭盡哀相者告禮畢奔喪者再拜遂冠而歸哭就次如上儀奔喪者若妻妾女子子皆披髮於隧西哭盡哀髻如常余如男子齊衰周以下婦人奔喪哭於西余如丈夫之禮

三殤

殤喪

三殤之喪始死浴襲及大小斂與成人同其長殤有棺及大棺中殤下殤有棺靈筵祭奠進食葬送哭泣之位與成人同其苞牲及明器長殤三分減一中殤三分減二唯不復魂无含事而葬不立神王既虞而除靈座其虞祝辭云維年月朔日父云告子某若兄云告弟某若弟云弟某昭告某兄日月易往奄及反虞悲念相續心焉如毀【兄云悲恻猥至情无可處弟云哀痛无已至情如割也】今以【弟祭兄云謹以】洁牲嘉荐普淖明齊澣酒荐虞事於子某弟某兄某魂其飡之【弟祭兄則云尚飡】嫡殤者時享皆耐食於祖无祝文亦不拜【設耐食之坐於祖之左西向一獻而已不祝不拜者以其从食其祖祝詞末云孫某耐食也】庶子不耐食庶子之嫡耐如嫡殤禮凡无服四岁以上畧與下殤同又无靈筵唯大斂小斂奠而已

三岁以下斂以瓦棺葬於园又不奠

诸居丧节制

初丧聚主

凡遭丧庙有主者则取诸庙之主藏於祖庙卒哭而後主各归其庙【藏於祖庙象有凶事聚也】

食饮节

父母之丧食粥朝一溢米【二十两曰溢一溢为米一升二十四分升之一】不能食粥则以为饭菜羹妇人皆以为饭诸衰經之丧蔬食饮水不食菜菓三月既葬食肉不饮酒九月之丧犹周之丧

哭节

凡哭斩衰若往而不及齐衰若往而反大功三曲而偯小功緦麻衰容可

居常节

父母之丧居倚庐寝苫枕块寝不脱經带头有疮则沐身若有疡则浴有疾则饮酒食肉疾止复初不胜丧乃比於不慈不孝毁瘠不形视聽不衰【谓其废事形为骨见】升降不由阼阶出入不当门隧【常若亲在隧道也】五十不至毁六十不毁七十唯衰麻在身饮酒食肉处於内【所以养衰老人年五十始衰】丧食虽恶必充虚虚而废事非礼也饱而忘哀亦非礼也视不明听不聰行不正不知哀君子病之斩衰唯而不对齐衰对而不言大功言而不议小功緦麻议而不及乐故丧事不言乐【非其时】父母之丧不避泣涕而见人【言重丧不行求见人人来求见已可以见之不避涕泣言至哀无饰也】非丧事不言言而不语对而不问【言者言已事爲人说爲语】言而後事行者杖而起

身自执事而後行者面垢而已【杖而起谓有官爵者面垢而已】

【谓庶人】凡庐垩室之内不与人坐在垩室之内非

时见於母则不入居丧未葬读丧礼既葬读祭

礼兄弟各处异方而父母丧各依闻哀日月而

除之三年之丧凡见人皆不去經父母之丧宾

客已吊而重来者主人哭而见其去也又哭之

其未葬必备衰服而後见居父母之丧远行而

还必告返父有艰未除则子不衣文彩三年之丧虽功衰不吊【功衰谓既练之後服布如大功谓之功衰】凡三年周丧不数闰【禫则数之】以闰月亡者祥及忌日皆以闰所祔之月爲正庶子不爲长子斩不继祖与祢也

不及期葬

速葬者速虞三月而後卒哭【谓不及期而葬既葬而即虞安神也卒哭之祭待哀杀也】父母之丧周而葬者则以葬之後月小祥其大祥则依再周之礼禫亦如之若再周而後葬者则以葬之後月练又後月为大祥祥而即吉无服禫矣其未再周葬者则以二十五月练二十六月祥二十七月禫【必练祥禫者明深哀不可顿除故为之渐以安孝子之心禫一月者以终二十七日之数也】久而未葬者皆变服唯主丧者不除其余各终月数而除之皆无受服至葬乃反其服虞则除之若亡失尸柩则变除如常礼

外丧

凡死於外者小敛而反则子素服衾巾帕头徒跣而从大敛而反亦如之凡死於外大敛而反者毁门西墙而入

讳名

卒哭而讳名凡父之所讳子亦讳之母之所讳不言於内妻之所讳不言於其侧

追服

小功以下日月过制而闻丧则不追服【犹为举哀】降而在緦麻小功者追服之生不及祖父母诸父母兄弟而父追服已则否【谓子生於外者父以他故居异邦而生己已不及此亲存时归见之今其死於丧服年月已过乃闻之父为之服已则否者不责非时之思於人所不能当其时则服之】

丧冠嫁娶

因丧冠者虽三年之丧可也既冠入於次哭尽哀乃出【言虽者明齐衰以下皆可以丧冠也始遭丧以其冠月日丧服则冠矣非其冠月待变除卒哭而冠也次庐也】大功之末可以冠子嫁子父小功之末可以冠子可以嫁子可以娶妇已虽小功既卒哭可冠聚妻下殇之小功则不可【此皆谓可用吉礼之时也父大功卒哭而可冠子嫁子小功卒哭而可娶妇也已

大功卒哭可以冠小功卒哭而可以娶妻必皆祭乃行也不伤小功齐衰之亲除丧而後婚凡冠者其时当冠则因丧而冠也】三年之丧如遗之酒肉则受之必三辞主人衰絰而受之【受之必正服明不苟於滋味】如君命则不敢辞受之而荐【荐之於宗庙贵君之礼也】父母之丧不遗人【居重丧者志不在施惠也】人遗之虽酒肉受也三年之丧既葬尊者遗之食则食不避粱肉若酒醴则辞【见於顔色者则不可也】

乐禁

父有服子不与於乐母有服声闻焉不举乐妻有服不举乐於其侧大功至辟琴瑟小功至不絶乐

主诸丧

凡主兄弟之丧虽疎必虞【此谓兄弟或在他方或无後嗣而为之主】

婚遇丧

娶妻有吉日而壻之父母丧则壻之伯叔父使人致命於女氏曰某之子有父母之丧不得嗣为兄弟使某致命女氏受命而不敢嫁壻既免丧女父母使人请之壻弗取然後嫁之礼也女之父母丧亦如之亲迎女在涂而壻之父母死则女素服縗总以赴丧其衰服与妇之礼同也壻除丧之後束带相见不行初婚之礼女在途而女之父母死则女反壻亲迎未至而有周大功之丧则夫改服於外次妇改服於内次即位而哭既虞卒哭壻入束带相见而已不行初婚之礼娶妇有吉日而妇死壻齐衰而往吊既葬除之夫死亦如之妻服斩衰

室次节

为人後者为其父母居垚室舅姑服嫡妇不为次为昆弟之女适人者不为次次谓垚室之属也

居重闻轻

诸先遭重丧後遭轻丧皆为制服往哭则服之反则服其重服其除之也亦服其服而除在殡闻远兄弟之丧哭之他室【明所哭者异哭之为位凡言兄弟小功緦麻之亲皆是】无他室哭於门内之右【近南者为之变位也】入奠卒奠出改服即位如始即位之仪【谓後日之哭也朝入奠於其殡既乃更即位就他室哭如始至之时】

大唐开元礼卷一百五十